





*A. A. e. 2*

~~C. A. O.~~

*6 h 41*



*John Lewis Petit M.D.E.R.S.*  
*Bloomſbury Square.*

$\frac{H}{i. 1}$



The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

PHARMACOPOEIA S,  
Augsburg

662757




T5



PHARMACOPŒIA  
AUGUSTANA  
REVISA

EDITION 1877  
PUBLISHED BY THE  
IMPERIAL MEDICAL COUNCIL

1877  
LONDON: H. K. LEWIS, 14, ADELPHI WING, ST. MARTIN'S LANE.  
PRINTED BY H. K. LEWIS, 14, ADELPHI WING, ST. MARTIN'S LANE.







PHARMACO-  
POEIA  
AUGUSTANA  
RENOVATA,

REVISA  
ET APPENDICE  
ALIQOT MEDICAMENTORUM  
SELECTIONIORUM AUCTA.

*CUM SAC. CÆS. & CATHOL. MAJESTATIS  
PRIVILEGIO.*

---

AUGUSTÆ VINDELICORUM,  
Typis & Sumtibus JOANNIS JACOBI LOTTERI,  
*M DCC XXXIV.*



PHARMACO

POEIA

AUGUSTANA

RENOVATA

REVISA

ET APPENDICE

ALICUT MEDICAMENTORUM

RECTORUM VICTA

CUM SACRIS ET HONORARIIS

MINISTERIIS

ALICUT MEDICAMENTORUM

RECTORUM VICTA

MINISTERIIS











VIRIS  
GENERIS EMINENTIA, MUNERUM  
MAGNIFICENTIA, MERITORUM  
GLORIA  
ILLUSTRIBUS, GENEROSIS,  
AC AMPLISSIMIS,  
PERINCLYTI  
SENATUS  
IMPERIALIS REIPUBLICÆ  
AUGUSTANÆ  
COLLEGIO SEPTENVIRALI,  
ÆDILIBUS  
ET  
REI MEDICÆ ac PHARMACEUTICÆ  
PRÆFECTIS:

Dominis Nostis Gratos, Venerandis.



DN. JOANNI à STETTEN,  
SENIORI,

DN. JOANNI JACOBO  
HOLZAPFEL,

ab HERXHEIM & KÖZ,

SACR. CÆSAR. MAJESTATIS  
CONSILIARIIS ACTUALIBUS,

ET

REIPUBLICÆ AUGUSTANÆ DUUMVIRIS  
PRÆFECTIS.

DN. JOANNI CHRISTOPHORO  
AMMANNO,

DN. MAXIMILIANO ADAMO  
à RECHLINGEN & HALTENBERG,

DN. FRANCISCO XAVER. ILSUNG,  
à TRAZBERG,

DN. MARTINO HIERONYMO  
LANGENMANTEL,

DN. LEOPOLDO ANTONIO IMHOF,  
de SPIHLBERG & OBERSCHWAMBACH,

SEPTEMVIRIS.

DN.

DN. JOSEPHO WILHELMO  
LANGENMANTEL à WESTHEIM,

DN. WOLFFGANGO JACOBO  
SULZER,

DN. PAULO JOANNI MARCI,

ÆDILIBUS.

DN. GEORGIO GOTTOFREDO  
SULZER,

DN. JOANNI à STETTEN,  
JUNIORI,

DN. FRANCISCO JOSEPHO  
IGNATIO IMHOF,

de SPIHLBERG & OBERSCHWAMBACH,

DN. FRANCISC. JOSEPH. MATTHÆO  
de PFLUMMERN,

REI MEDICÆ AC PHARMACEUTICÆ  
PRÆFECTIS.

Inter





**I**Nter tot alia rerum præclarè gestarum decora, & tot Illustria circa gubernandam Rempublicam Prædecessorum Vestrorum exempla sagax illud studium, quo in firmandam publicam civium subditorum salutem, & tuendam illorum incolumitatem jugiter incumbitis, præclarissima facta Vestra plurimùm collustrat, & amplissima Vestra Nomina consignat immortalitati. Enim vero id ipsum effuit, ut res Pharmaceutica ad exactiores regulas pridem revocata, prudentissimò consiliò Vestro, usque adeo bene culta in cives Vestros tot & tanta comòda transfundat, & insignem per latè patentes Germaniæ fines diffundat splendorem, in officinis Pharmaceuticis passim pro norma recepta. Vestra ILLUSTRES AMPLISSIMI PATRES PATRIÆ beneficentia & nostra pietas id obsequium à nobis omninò exegit,  
ut



ut præsentem librum sub titulo Dispensatorii  
feu Pharmacopœiæ Augustanæ renovatæ ty-  
pis jam quartâ vice recudendum Amplissimo  
Vestro Nomini nuncuparemus. Id ipsum  
submissâ, qua par est, reverentiâ audemus eò  
confidentiùs, quod opus illud prioribûs vici-  
bûs à Vobis gratioſo obtutu susceptum sub  
Amplissimis Vestris auspiciis feliciter semper  
in lucem publicam prodiit, & pristinum sibi  
servavit splendorem. Huic nostro labori, qui-  
cunq; demum intercessit, Gratioſum Vestrum  
Patrocinium ut denuo indulgeatis, humilli-  
mè rogamus, nostra in vicem pro Vestra ci-  
viumque incolumitate quæcunque studia con-  
secrantes, pares deinceps prudentissimis con-  
siliis Vestris in regimine auspiciatissimos suc-  
cessus, & omnem perennem felicitatem de-  
votissimo affectu precamur

*Decanus, Vicarius & Collegium Medicum  
Augustanum.*



**NOMINA D. D. MEDICORUM, IN COLLEGIUM AUGUSTANUM AUCTORITATE ILLUSTRIS SENATUS RECEPTORUM, ET IN URBE JAM VIVENTIUM.**

**D. BENEDICTUS GULLMANN**, Augustanus Suevus, Collegii Medici h. t. Decanus, Physicus Ordinarius, Academiae Naturae Curiosorum Leopoldino-Carolinae Adjunctus, dictus Alcinous.

**D. MARQUARDUS SEBASTIANUS à BINGEN**, Elvacensis Suevus, Serenissimi Princip. & Episcopi Augustani Consiliarius & Archiater, Collegii Medici Vicarius perpetuus, atque Officinarum Pharmaceuticarum Visitator.

**D. THOMAS BERCKMILLER**, Augustanus, Serenissimae Ducissae Parmensis, Viduae, Archiater, Physicus Ordinarius.

**D. SEBASTIANUS KHEILL**, Ingolstadiensis Bojus, Physicus Ordinarius.

**D. JOANNES KOCH**, Lipsiensis, Physicus Ordinarius.

**D. JOANNES CASPARUS MOLITOR**, Bergensis Suevus, Physicus Ordinarius.

**D. JOANNES RUDOLPHUS PHILIPPUS à BINGEN**, Elvacensis Suevus, Medicus Ordinarius.

**D. MARTINUS GEIGER**, Memmingensis Suevus, Medicus Ordinarius.

**D. JOANNES KHELLE**, Augustanus Suevus, Medicus Ordinarius.

**D. OCTAVIANUS PLOSS**, Kircho-Teccensis Würtemberg. Physicus Ordinarius.

**D. GEORGIUS UDALRICUS SCHMIDT**, Nördlingensis Suevus, Medicus Ordinarius.

**D. CAROLUS ANTONIUS MAYR**, Moravus Olomucensis, Medicus Ordinarius.

**D. FRANCISCUS WOLFGANGUS OBERPAUHR**, Schrobenufanus Bojus, Medicus Ordinarius.

**D. JOANNES ALOYSIUS PRAUNSCHÖBER**, Oettinganus Rethus, Medicus Ordinarius.



# NOMINA D. D. MEDICORUM ALBO COLLEGII AUGUSTANI INSCRIPTORUM, JAM EXTRA REMPUBLICAM AUG. DE- GENTIUM.

D. JOANNES MAYR, Mindelhemio - Suevus, Serenissimi ac Potentissimi Electoris Palatini Consiliarius & Archiater.

D. JOANNES MICHAEL SCHENMEZLER, Cellenfis - Suevus, Reverendissimi & Illustrissimi Cathedralis Capituli Eustettensis Medicus Ordinarius.



DECANUS, VICARIUS, ET COL-  
LEGIUM MEDICUM AUGUSTANUM  
L. S. D.



Quandoquidem nobis ignotum esse non potuit, Pharmacopœiam nostram Augustanam labore & studio Excellentissimi nostri Schröki; cujus pios cineres perpetuò veneramur, ante decem prope lustra nitidiori facie renovatam, interea tertia vice recusam non sine applausu in lucem publicam prodisse, per latè patentés Germaniæ fines in plerisque Officinis pharmaceuticis quoad preparationem medicamentorum in normam quasi esse receptam, & præclarum Authorem de publico bene meruisse. Postquam verò tot centena repetitis impressionibus in publicum emissa exemplaria penitus distracta, eademque ab exteris multum desiderari, & insimul de rumore comperimus, inter externos agitari consilium, ut opus hoc alibi imprimeretur: Nostri officii ratio à nobis omninò exigere voluit, ut laudabilibus antecessorum nostrorum vestigiis insistentes, idem de publico bene merendi studium amplecteremur. Quemadmodum rationum momenta, quæ circa renovandam Pharmacopœiæ faciem Clarissimum nostrum Schrökium permoverunt, ut in adornando opere Classes remediorum in duas sectiones, quarum una compositiones usuales, altera minùs usuales complecteretur, in ornamentum rei pharmaceuticæ & Pharmacopœorum simul comòdum partiretur, idem hodie etiam tenere visa sunt: Ita æque nobis placuit, priori insistere methodo, quâ plurimorum medicamentorum olim cum damnosa pretiosarum etiam rerum deperditione, temporis jactura, frustranea laborum insumptione, ac repetitis Pharmacopœorum querelis, ut in officinis nostris prostarent, requisitorum præsentiam abrogavimus, quorum nempe nullus aut exiguus apud nos esset usus, & distractio, in eorumque locum pauca usualia, quæ olim nondum commemorata, multo tamen usu nobis jam comprobata substitui-mus; Illa quidem non ea intentione eliminando, ac si propterea evanida, & nescio quibùs rigorosis censuris ac animadversionibus simpliciter digna absque discrimine omnia judicarentur, sed quod temporis id ferat ætas & consuetudo, quæ remediorum juxta cum medicis nascentibus & denascentibus inducit mutationem. Quoniam verò dispensatorium nostrum hætenùs plurimis in locis & plerisque præsertim Germaniæ officinis pharmaceuticis norma fuit, quam Pharmacopœia in parandis medicamentis sequi tenentur, earum quoque comòdo illud adornare, & singulas ejus Classes in duas dividere sectio-



sectiones libuit, primam medicamentis, quæ in nostris pharmacopoliis prostare debent, alteram minoribus literis expressam reliquis destinatam, quæ olim medicis nostris usualia jam vero in desuetudinem abierunt, alibi tamen locorum fortasse adhuc adhiberi solita, sic & nostræ necessitati & aliorum comòdo consulendo. Nequetamen censoriam Aristarchorum virgulam, composita hæc nobis usualia in longe minorem numerum contrahi potuisse, animadversuram reformidamus, quos considerare deceret, nimis dictatorium & inconsideratum in ampliori Republica, qualis nostra Augustana est, plures alente Medicos, hunc fore rigorem, si quis omnes uni eidemque medicamento adstringere præsumeret: præsertim cum & ipsa varietas delectet, & Medicum elegantem deceat, ne una semper oberrans chorda, in tanta remediorum ubertate se turpi paupertate premi & ægotantium curiositati istam Pharmacorum varietatem sine crimine deposcenti haud satisfacere videatur. In ipsis compositionibus emendandis nos æque, ac Præclarissimum nostrum Schrökium, prout in altera editione monitum reliquit, parciores esse oportuit, ne illis prolixitate licet non nihil fastidiosus, ut plurimum tamen re ipsa non adeo inconcinnis, desuper tot sæculorum decursu, usuque expertis, ideoque vel in aliorum, antiquitatem qui venerantur, gratiam non penitus abrogandis, aut ob exiguum nævum mox severius castigandis medicamentis vim fecisse, virtutemque nos pervertisse, quis nobis obiicere posset. Per nos enim cuivis Medico prudenti & modesto sua maneat libertas, mutationem pro suo genio, rerum locique exigentia instituendi: Preparationem vero eorum & illustrare magis & inculcare pluries opus fuit, in illis præcipue, quæ nobis usualia habentur, servato nihilominus Authoris, cui descriptio & compositio debetur, nomine. Ipsas parandi *ἐνταλματὰ* scrupulosius addere nolimus, hæc non tyronibus, sed exercitatis Pharmacopœis nostris, qui peritiam suam in publico examine Universo Collegio nostro comprobârunt, scripta esse, imperitosque ad exercitium hujus artis, ex qua hominum vita sæpius pendet, non admitti perbene recordati. In viribus Medicamentorum denominandis licet quædam contrahere placuerit, beatorum tamen antecessorum nostrorum antiquis Medicinæ fundamentis innixam mentem penitus immutare, aut ad principia Recentiorum sæpè meliora, à suis tamen dubiis non æque omnino liberata adcomòdare neque adhucdum libuit, cuique Medico perito relicta privatâ judicandi libertate, qui perspecta compositionis ratione, & virium antiquitus attributarum recensione singula suis adaptare fundamentis, sicque in usum deducere noverit. Caterum in appendice quædam concinna, & aliorum in medendo Clarissimorum Virorum & nostro usu comendata inserenda judicavimus, ut eadem in nostris Officinis pharmaceuticis ritè secundum regulas artis æqualiter elaborata prostarent: Quæ ut & reliquæ ad rei pharmaceuticæ ornamentum, ejusque incrementum cedant, Lectorque Benevolus nostro labori deinceps favere pergat, omnino exoptamus & vovemus.



# ILLUSTRISSIMI SENATUS AUGUSTANI DECRETUM MEDICOS, CHIRURGOS, ET PHARMACOPOEOS CONCERNENS.

## I.



Ei publ. interest, ut Medici Augustani Hippocraticam doctrinam, veram nimirum ac rationalem sectentur, & concordēs munus suum ritè decenterque obeant, ne publicum commodum ob privata dissidia detrimenti quidpiam patiatur.

## II.

Proinde in consilium convocati, fideliter, candidè ac diligenter inter se conferant, quæ publicæ salutis civibusque cùm omnibus, tùm singulis, tam ad conservandam, quàm reparandam valetudinem proficua futura doctè prospexerint. Nec quemquam in sui utilitatem quidpiam celare convenit, quod proximo in desideratæ salutis spem, vel usum cedere possit, adeo ut livor, odium, ac æmulationis, arti Medicæ, si non infirmam famam, saltem diffidentiam apud plerosque pariens, prorsus absit ac exulet, cùm præsertim consultandi mos iste & infirmorum salutis conferat, & Medicos peritos ab imperitis distinguat. Unde eos, qui communia istiusmodi consilia averfantur, aut sese ab iis callidè subtrahere student, ab inscitiae aut malitiæ suspitione minimè alienos esse credendum est.

## III.

Neque verò quisquam ad secreta sua, si sese quædam tenere putaverit, aliis propalanda aut evulganda ob id obstringi se existimet, dummodo consultationis rationem ac communem medicationis scopum aut intentionem non pervertat, aut nimium pretium pro eo injuste exigat, vel lucris causâ vulgaria quævis dispense atque divendat. Hinc etiam Pharmacopœos jurejurando adstringimus, ne ea, quæ vel Medici, vel ægri silentio tegenda præceperint, aliis divulgent, unde Medico dispendium, ægro verò infamia nonnunquam emergere possit.

## IV.

Medicamentis insuper tutis, ac innoxiiis utantur, quibus longa experientia, ac peritorum Medicorum auctoritas famam jam dudum fecit, & quæ docta posteritas multiplici usu fida esse comprobavit. Unde nec Chymica aut Spagyrica vocata Medicamenta à pharmacandi



candi usu excluduntur, dummodò hæc ritè ab ipsis nostris Pharmacopœis fuerint præparata, & non nisi à peritissimis Medicis, qui experimentum rationi atque hanc illi jungere norunt, dextrè, haudquaquam verò temerariè usurpentur.

#### V.

Chirurgi, Tonsores, ac Balneatores, limites suos non transgrediantur, sed Officii ac Jurisjurandi sui annuatim præstandi memores, ea solùm circa ægros perficiant, quæ professioni ipsorum debentur, purgantia pharmaca, quibus in provincia Medica summa debetur attentio, maximè verò Mercurialia & Antimonialia nullatenus præparantes, multò minùs exhibentes, minimè verò vendentes.

#### VI.

Quod si grave aliquod ac lethale symptoma circa vulnera, ictus, aut puncturas, contusiones, ossium fracturas, aut præcípites ab alto lapsus obtigerit, suis non sibi judiciis, unum vel plures ex Medicinæ Doctõribus in consilium adhibeant, ab iisque, quid factò opus sit, sciscitentur.

#### VII.

Pharmacopœi quoque falcem in Medicorum messem, consilia ægris dando, non mittant, qua intentione nec pharmaca, electivè præsertim purgantia, opiata, aut menses ac foetum pellentia medicamenta, absque Medici præscripto neutiquam divendant, ne vel cives incauto eorum usu lædantur, vel medicamenta ipsa infamiam subeant, cùm de his, solis Medicis fidei præstandæ, dignotionis habendæ, ac rationis reddendæ onus incumbat.

#### VIII.

Ablegandi porrò sunt merito inertes Agyrtæ, periculosam solùm experientiam, eamque temerariam sine ratione professi, nulla artis theoremata callentes, nullisque doctrinæ Medicæ præceptionibus imbuti, qui solâ suâ vel audaciâ, vel inscitiâ confisi, artem tam difficilem, absque ferè conscientia tractaturi falsò se pro veris Medicis venditare consueverunt.

#### IX.

Minùs etiam toleretur Circumforaneorum, Stellionum, Empiricorumque protervitas, quibus sese plerumque admiscunt Apostatæ, Hebræi, Cerdones, Sortilegi, Circulatores, Præstigiatores, Clancularii, Vetulæ, ac Doctores Bullati, qui sese Academicis aut Collegialibus Medicorum examinibus subicere renuunt, nummorum expiscatores, & populi quasi quidam prædones. Hi enim protinus ablegentur, ab artis, quam nesciunt, operibus arceantur, ac è familia Medica severo Magistratûs judicio proscribantur, sitque iis, maximè  
verò



verò graviore morbos concernens, medicatio quævis strenuè interdicta. Liberum tamen erit familiaribus cuique remediis uti, citra fraudis suspicionem, aut pecuniæ aucupium, nisi periculosa ea medicatio fuerit, quæ ægris in noxam vergere possit.

#### X.

Pharmacopœi publico Jurejurando nobis obstricti, Medicamenta quævis composita, ad normam hujus Dispensatorii nostri, præviâ Visitatoris Ordinarii, vel ejus vices gerentis Medici censurâ, & absque vel præter hanc nullatenus præparent, aut divendant, multo minùs, præcipue Chymica ab aliis præparata suis pharmacopoliis inferant: ad quod præstandum Pharmacopœorum quoque famuli iisdem legibus ligati tenentur; quos etiam in particularibus Medicorum præscriptis attentos ac diligentes esse decet, in quibus si quando dubii quidpiam obtigerit, ejus præscripti auctorem adeant, & quid sibi faciendum sit, percontentur. Medicamenta etiam omnia, ut juxta tenorem nostræ Taxæ æstimata vendantur, præcipimus: Quòd si autem particulatim aliqua alia præparare necesse fuerit, ea ipsa justo valore veneant.

#### XI.

Atque ut unanimitas inter Medicos ac Pharmacopœos incorrupta perseveret, volumus, ut Medicorum aut Pharmacopœorum nullus alterutrum in alterius præjudicium laudibus vel extollat, vel vituperio deprimat, cùm ad æqualia pondera ferenda obstrictis par quoque honor & præmium meritò debeatur.

#### XII.

In horum debitam observantiam quotannis à Medico Collegio ex Senioribus unum, ad id munus habilem, in Decanum eligi jubemus, cui pro Vicario alium in subsidium adhiberi, commodum esse duximus.

*Decretum in Senatu*

*3. August. 1684.*

PRO-






# PROLEGOMENA ISAGOGICA.

## CAPUT PRIMUM.

### De officio & requisitis Pharmacopœi.



Um in Provincia Medica non minimum locum sibi vendicet ars Pharmaceutica, ut quæ Medicinæ pars quædam integralis existit; ideoque primitus ab ipsis Medicis administrata fuit, sensim tandem, soli sibi reservato in eam præsidio & auctoritate, ob artis medicæ præcipuè amplitudinem, in alios derivata; Medicinâ autem apud Ethnicos pariter, & veros DEI cultores sacra semper sanctaque sit habita, nec minimum salutis publicæ momentum ab ea dependeat, necesse est, ut Pharmacopæus artem jam dictam tractaturus, sciat, qualem se gerere debeat; quem nempe virum bonum esse, Pharmacorum parandorum rationem & modum exactè tenere, ejusque ita, quam profitetur, artis adprimè peritum esse addecet.

Proinde eum Christianâ fide primitus imbutum, ac inculpatis omnino moribus præditum esse convenit; quod præsertim erga DEUM, Medicinæ Auctorem, tum verò & erga proximum sese talem præstet & exhibeat, qualis pro modulo humanæ fragilitatis, puræ conscientiæ, ac perspectæ probitatis vir expetitur; ut qui DEUM ipsum timeat; summum rerum moderatorem observet ac suspiciat, eumque cunctorum operum judicem & æstimatorem omnia cernentem, quemque nihil latere potest, totis viribus colat ac revereatur, qui actionum suarum omnium & singularum rationem, imò Civium salutem sibi hac in parte creditam ab ipso sit repetiturus. Erubescat igitur clam facere quidpiam coram eo, qui videt in abscondito, quod præsentè ipso patrare non auderet; nihilque in professione sua negligenter, vel temerè, multò minùs fraudulenter adgre-diatur, imò peccata quælibet non poenæ metu, sed virtutis amore odio habeat; sitque pius, humanus, benignus, affabilis, placidus, misericors, officiosus, erga pauperes mitis & liberalis, publicâ propriis ac privatis anteponeus; insuper ægri necessitatem & periculum fideliter pensans, in charitatis actibus præstandis ac exercendis impiger & sedulus, supremum semper præ oculis judicem ferens, nec non æternæ consolationis mercedem à DEO, remuneratore justo, de benè actis expectans.

Præcæteris autem non sit avaritiæ nexibus intricatus; cum enim avârus sibi ipsi pessimus existat, nemini bonum eum futurum quispiam crediderit; itaque in mercibus comparandis propriam conscientiam, proximi salutem, ac sui ipsius honorem, divitiis, & lucro longè præferat: atque ideò justo quæque pretio, haudquaquam corrupta, putria, exoleta, adultera vel depravata, in noxam, fraudem, ac periculum ægri vel



coëmat, vel divendat; nec sordido lucro inhiet, aut compendia cogitet, quibus cives circumveniat, sperans fidelem suam operam cuilibet præstitam, majoris quandoque sibi lucri causam futuram.

Præterea scorta fugiat & aleam, commestationes itidem ac ebrietates; hæc enim omnia vel socordiam, vel turpitudinem, aut infamiam, ab eo qui circa Medici opera fit versaturus prorsus alienam, quin & errores plurimos pariunt; utpote ebrietas oblivionem & mentis stuporem, libido verò proprii demandati muneris negligentiam, & modestiæ ac pudoris excidium, non sine veneficii metu vel suspicione, unde mortes quandoque mortalibus inopinæ inferuntur, fidentibus interneciones, aliis porro ægris nocumenta quàm maxima, non sine summâ Medici, ( licet probus ac præstans is sit ) famæ periclitatione; cum, quæ negligentis Pharmacopœi culpâ accidunt, Medico postmodum imputari irrogarique soleant, & in illius contumeliam cedant.

Hoc præsupposito, Latinam ut linguam Pharmacopœus in tantum calleat oportet, ut non modò Receptarum quas ajunt formulas à Medicis præscriptas, sed etiam Auctores, quos consulendi gratiâ adire non rarò cogitur, Botánicos, & qui de materia Medica, simplici eaque tam vulgari quàm exotica, & composita doctè scripserunt, ac passim pro Classicis recepti sunt, sufficienter & cum fructu intelligere queat. Ex quibus etiam nomenclaturam Græcam, Arabicam, Latinam & Germanicam addiscat; sic enim falsa à veris, adulterata à sinceris discernere, ac inter bona, mediocria, optima, ac irrita judicium ferre, & delectum habere poterit.

Unde magis officio suo defungi poterit, si pro cognoscendis, eligendis, aliunde petendis, ac in quamlibet compositionem cooptandis, simplicibus, sibi ex veteribus comparet Dioscoridem, Mesuen, &c. ex recentioribus verò Carolum Clusium, Garciam ab Horto, Nicol. Monardem, Renodæum, Matthiolum, Tragum, Tabernæmontanum, Quercetanium, Crollium, Schröderum, Angelum Salam, & consimiles; ex iis namque tam Simplicium, quam Compositorum notas ac animadversiones, itemque præparationes, absque magno labore decerpit, si quid fortè dubium, in hac nostra Pharmacopœia, alibive se ipsi obtulerit.

Officinam præterea habeat salubri ac perflabili loco sitam, à ventis, pulveribus, fumis & foetoribus alienam ac remotam, quam mundam, & nitidam servare modis omnibus annitatur, ut à Medicamentorum præparatione omnis prorsus sordities exulet, quæ tanto majori fastidio assumuntur, quanto majore opificis foeditate parantur. Indefessam autem semper diligentiam Pharmacopœus adhibeat, ut herbas, flores, fructus, radices, semina, ac reliqua in universum Simplicia, quantum potest lectissima, justo ac debito tempore colligat, mundet, exsiccet, ac reponat, eaque instrumentis debitis ex usu artis tractet, postmodumque locis, vasis, pyxidibus vel thecis commodis condât, & in futurum usum à teredine, putredine, ac corruptione servet.

Nemini quoque absque periti Medici consilio & præscripto, aut sine Magistratûs licentia, venena, philtrea, menses pellentia, ac abortum provocantia Pharmaca divendat, nec ea ministros, vel amanuenses suos vendere permittat; qualia non nisi speciata fidei hominibus, minimè verò vetulis, circumforaneis, aut promiscuæ vulgi plebeculæ committi possunt ac debent; id quod de Opiatis Medicamentis atque Chymicis purgantibus vehementioribus, utpote periculosis, ut sunt flores Antimonii, Vitrum ejusdem, Turpetum minerale, aliaque plura, itidem dictum ac intellectum volumus.

Facultates quoque Pharmacopœo ut sint satis amplæ, requiritur, quò singula pro tempore & occasione coëmere queat, nec viles aut exoletas merces, ob paratæ pecuniæ



niæ defectum, mutuari, vel alio quovis modo acquirere cogatur. Nam si fat dives extiterit, Medicamenta debito tempore, eaque justo pretio comparabit, ac si animus ei liber & ab avaritia paulo semotior fuerit, præstantissima quævis paulò largiore pretio, quàm deteriora viliori, libentiùs coëmere studebit.

In parandis quibusvis Compositionibus, aut Medicorum Receptis sit vigilans, circumspectus & fidelis, ac nihil unquam sine prudentis Medici consilio medicamini parando vel addat, vel subtrahat, aut in eo quidquam immutet, vel temerè ac pro suo iudicio succedaneum aliquod in alterius, quod deesse potest, Simplicis locum substituat, sed à perito Medico, quid sibi faciendum sit, prout etiam aliàs, si dubii quidam casus obvenerint, sciscitetur, ac sanctâ fide eo modo, pondere & mensurâ, quâ quæque præscripta leguntur, diligenter dispenset atque perficiat; ac si quid in iis celandum fuerit, nemini revelet, cùm morbi non rarò tales obveniant, qui detecti ægro ignominiam, si non infamiam, aut aliud aliquod damnum inferre possent. Receptarum porrò formulas à Medicis præscriptas adsignato, quo & cui eæ paratæ sunt, anno ac die, vel describat, vel adservet; ut si quando eas repetere necessum fuerit, pro ægri commodo in promptu existant; quorum Originalia nemini communicet, descriptiones autem humaniter & seriò petentibus, Medici earum autoris cum consensu, committat, iteratas etiam præparationes, præsertim purgantium, sine Medici consilio nequaquam concedat; scrupulos, si forsan in præscriptis habeat, aut lapsus calami deprehendat, de iisdem Medicum consulat.

Negotio suo ministros adhibeat bonis moribus præditos, ac de vitæ honestate notos, qui & artem pharmaceuticam probè norint, ac dextrè & fideliter exercent, nec quidquam in vitam, aut valetudinem proximi peccent.

De cætero verò morigerum sese gerat, & obsequentem, qui legibus ab AMPLISSIMO SENATU pro Pharmacopœis promulgatis fideliter pareat, ac sedulus obsecundet; in iis enim omnia ac singula comprehenduntur, quæ Pharmacopolam & observare decet, & devitare convenit.

\*\*\*\*\*: \*:\*\*\*\*\*

## CAPUT SECUNDUM.

### De Medicamentorum Simplicium delectu.



Rout in Animantibus, sic etiam in Stirpibus, Plantis, ac Terrâ genitis aliis præstantiora esse, Natura parens voluit, ne numerosa æqualitas rerum confunderet ordinem; atque sic inter debilia ac fortia, subtilia ac crassa, dura & mollia, nobilia & ignobilia, noxia ac innoxia discrimen aliquod adpareret, quo unumquodque suâ pro dignitate æstimeretur; unde quibuslibet medicamentis notas quasdam indidit, quibus eorum bonitas agnosceretur, æstimaretur virtus, deligeretur substantia; per delectum enim nil aliud quàm boni à malo, malefici à benigno, exoleti à vegeto, ac adulterati à sincero distinctionem intelligimus; atque ea Pharmacopœo cuivis adeò est necessaria, ut si in hac parte exercitatus ac circumspectus non fuerit, non semetipsum tantummodò pravis mercibus decipi experietur, sed etiam Medicos sperato à Pharmacia fructu indè privari, ac operatione eorundem debitâ destitui, imò etiam ægrotantes errore hoc (etiamsi fraus non subsit) in damnum agi, vel si dolus comes est, periculosè circumveniri, utroque autem modo valetudinis ac vitæ detrimenta subire continget.



Sciendum porrò, delectum cujusvis medicamenti simplicis pro diversa sui conditione ex diversis fontibus peti. Quamvis enim crebrior eorum atque curiosior inspectio primum hîc sibi locum vendicet, plurima tamen concurrunt, ad eundem scopum collimantia. Sic alia sapore dignoscuntur, alia pondere aut levitate probantur, nonnulla colore arrident, alia odore placent, plurima natalitii soli commendatione ac patriæ nobilitate gaudent; quorum exempla in gratiam Pharmacopœorum subjecimus.

**ABSINTHIUM**, pro diversa Medici intentione, modò vulgare latifolium, modò tenuifolium in usum est eligendum. Primum quidem illud æquè ac alterum, quibusdam Pontici nomine venire solet; nobis tamen tum autoritate Galeni, 11. Meth.med. cap. 16. innixis, tum melioris distinctionis gratiâ, epitheton hoc tenuifolio tantum imponere, hætenus consuetum fuit.

**ACACIA**, succus arboris in Ægypto nascentis, qui ex immaturis ut plurimum filiquis expressus coctione inspissatur, inque globularem formam redactus, & tenuibus vesicis inclusus ad nos deferitur, eligatur mundus, internè nitidus, colore ex nigro subruescens, sapore gratè adstringens. Cui non admodum dissimiles vires licet prunorum sylvestrium succus habeat, ne tamen dolosè ei admixtus sit, cavendum.

**AGALLOCHUM** seu Lignum Aloës, ab arbore peculiari, oleam repræsentante, in variis Indiæ Orientalis regionibus, inprimis Sinarum regno desumitur; cujus natale solum cum olim Tigres, aliæve ferocissimæ belluæ infestum redderent, ideoque collectoribus summum vitæ periculum instaret, rariùs ad nos deportatum illud fuisse, scribunt; unde etiam in Paradiso nasci, simpliciores quidam opinati, Lignum Paradisi ea propter denominaverunt: Quamvis nunc loca illa magis habitata, bestiisque istis magna ex parte depulsis, securiorem collectionem, uberioresque ad nos transmissionem reddiderint. Optimum licet in Curiosorum potiùs & Magnatum scriniis reperiri credatur, rariùs in Pharmacopolia transiens, pro melioris tamen notæ ligno haberi & eligi debet, quod est solidum, ponderosum, suavem, si fricetur, odorem spirans, sapore aromatico & subamaro præditum, nigro-purpureum; insuper quod accensum non adeo promptè flagrat, & resinosi humoris plurimum exsudat. Improbatur leve, cariosum, albicans, quod flammam statim concipit, vel fractum pulverem dimittit. Distinguitur inter alia ab Aspalatho, quod hic in ignem coniectus flammam faciliùs concipiat, inque cineres abeat; Agallochum autem resinæ instar prunis impositum primò lique scat, antequam comburatur, & præterea colore ad fuscedinem magis inclinet.

**AGARICUM**, vel ut corruptè communiter pronunciatur, **AGARICUS**, ab Agaria Sarmatiæ regione nomen habens, excrecentia est Laricis, fungi instar ei adnascens. Eligatur, quod femina dicitur, i. e. candidissimum, leve, rarum, friabile, primo gustatu dulce, mox amarum, & stypticum. Improbatur masculum, sive grave, nigricans, corrosum, durum, & lignosum. Optimum quondam ex Sarmatia per Illyriam, & ex Galatia Asiam, & Ciliciâ Alexandriam, atque inde Venetias devehebatur; nunc Tridentini montes, Galliæ Delphinatus, nec non Rhætorum, Vindelicorum, Noricorumque tractus sat copiosum & laudabile suppeditant. Distinguitur facilè ab aliarum arborum, maximè verò glandiferarum fungis, colore solùm observato ac pondere, hi enim è lignea quadam materia concreti duri & nigricantes conspiciuntur, excussis è filice vel pyrite flammis pro explodendis sclopetis fomitem potiùs præbentes; quàm ad Medicum usum accommodati.

**ALOE** placet Dioscoridi lib. 3. cap. 22. pura, sincera, sine arenis, splendida, rufi coloris, friabilis, ac jecinoris modo coacta, facilè solubilis, & egregiè amara. Improbatur nigra, difficulter lique scens & fractu contumax. Adulterari Acaciâ, vel admixto ejus Gummi, Dioscorides, Plinius, alique referunt; quod tamen de Acacia minùs credibile



dibile videtur *Garcia* ab *Horto*, quia hæc in *Socotra* & *Cambaja*, locis *Aloës* natalitiis, non proveniat: Quamvis & alibi, non patrio tantum in solo, mangonium illud parari queat; quod sanè de aliis quibusdam simplicibus compertissimum habetur. Magis hîc rem tetigisse videtur *Gabr. Fallopius*, ab *Acaciæ* nempe succo (modò ad nostra tempora respiciamus,) aloëticum quoad pretium superari, cap. 32. de purg. simpl. scribens: Si tamen fraus ista contingeret, sapore minùs amaro, ut &, Gummi si foret additum, colore insuper dilutiore, & dum solvitur, viscositate suâ facilè *Aloë* sic contaminata sese proderet. Nequè *Croci* permixtionem ut vereamur cum nonnullis, opus est, quem revera majori pretio venire certum est. Fecibus autem propriis aut *Aquâ marinâ* infectum, hîc sapor falsus, ibi solutio & inspectio manifestabunt. Tres ad nos *Aloës* species devehuntur: una impura & fex quædam *Aloës*, Veterinariis & Mulionibus agnita, *Caballina* dicta: altera purior nobiliorque hepatis modo densata & colorata, unde & *Hepatica* nuncupata: tertia verò præstantissima, *Socotrina* vocata, eò quòd ex *Insula Socotora* ortum trahat, quam nonnulli ob coloris gratiam *Succotrinam*, quasi succo-citrinam, obscurè satis dixerunt.

**A M B R A** seu *Ambarum*, quod aliqui *Balænæ* semen, alii excrementum *Ceti*, non pauci terram quandam fungosam ab *Insulis*, quibus pura innascitur *Ambra*, avulsam, alii aliud quid esse arbitrantur, *Bituminis* quoddam *Indiæ* orientalis genus nobis esse videtur, ex imis fortè *Maris* fontibus & alveis profluens, quod ventorum vi ac undarum impulsu in littus eructatum, aërique expositum, ut *Electrum*, indurefcit. Probatur odoratissimum, leve, sordibus carens, marmoris ferè adinstar variegatum, & in fundo subfusco aut rufo grisei vel cinerei coloris notas & punctula ostendens; præterea quod aculente perfossium, plurimum oleaginei ac pinguis succi exsudet. Improbatur nigrum, & candidum, odore languidum, multis quisquiliis permixtum. Quod tamen avium rostra, & conchyliæ habet conjuncta, non simpliciter rejicimus, modò cæteras bonitatis notas ostendat, similiaque heterogenea, si in usum trahatur, studiosè separentur. Sæpe adulteratur *Gypso*, *Ligno aloës*, aliisque variis mixturis; quæ tamen fraus facilè detegitur; etenim, præterquam quòd plerumque talis pasta nigricet, ac diuturnâ manuum tractatione, aut in aqua colliquescat, odore inprimis & colore sese prodit, quæ tam exactè nequeunt exprimi, quò minùs à perito fraus detegatur.

**A M M I**, quod *Æthiopicum Cuminum* adpellari, ex *Dioscoride* constat, licet in *Creta* etiam, imò *Italia* provenire scribant, *Cumini* semen quodammodo externâ formâ, non sapore, vel magnitudine, quæ in *Ammi* longè minor est, repræsentat. Illud odoratum, aromaticum, & acre, sapore *Origanum* aliquàlitér referens, sicque recens, vegetum & purum esse convenit.

**AMMONIACUM** Gummi ex frutice ferulaceo stillans, sic dicitur, quòd in *Africa* juxta *Jovis Ammonii* oraculum proveniat, ad nos ex *India* orientali potissimum adfertur. Laudatur sincerum, ligni & calculorum, aliarumve sordium expers, odore *Galbanum* utcunque referens, sapore amaricans, in grumos condensatum, foris flavum, intus subcandidis glebis nitens, & manu tractatum mollescens.

**AMOMUM**, vexatissimum apud Botánicos & Simplicium Scriptores Vegetabile, recens colore ad aureum vergens sive subrubrum, semine plenum, racemosum, grave, valde odoratum, unius coloris, non cariosum, juxta *Dioscoridem*, esse debet. Nostrâ hæc ætate satis id cognitum est, nec parcè ad nos ex *India* orientali portari solet, vulgò *Amomum racemosum* vocatum. Eligatur itaque, cujus grana ad purpureum colorem accedunt, aromatici odoris sunt & saporis, gravia & vegeta; rejectis quæ nigra sunt, rugosa, exsucca, situ contaminata, & sapore odoreque exoleta.

**ANIME**, quod rectiùs, notante *Exc. Borrichio* tr. lingu. Pharmacop. Gummi aminæ vel aminne dicitur, lachryma est, ex arbore *Jetaiba* incisa in *India* occiden-



ali stillans, gratissimi ac suavissimi odoris, & præpinguis, unde flammis injecta protinus consumitur. Defertur granorum Thuris formâ, sed crassioribus & magis resinosis. Optimum censetur, quod est mundum, saporis resinosi, odoris dum accenditur fragrantis, albicans, aut flavescens & Succini modo translucidum, unde etiam Conr. Gesnero lib. 3. Epist. med. Succini Indici albicantis species fuit creditum.

**ASA DULCIS** Officinarum & Benzoinum, Veteribus ignotum. Gummi ex arbore peregrina, vulnerata profluens, quod olim ex Taprobana Indiæ Insula, vulgò Sumatra dicta, copiosè à Lusitanis in Europam devehebatur; nunc Belgarum navibus ex Insula Java adfertur, unde etiam Ban Javense, loco corrupti Benzoini, rectius vocari, Georg. Hier. Welschius de Vena Medin. pag. 327. existimat. Id Laserpitium seu succum Cyrenaicum nonnulli esse arbitrantur, qui olim in Cyrenensium agro laudatissimus exstabat. Probatur autem durum, compactum, translucens, albis distinctum unguibus aut glebulis, unde & Amygdaloides dicitur, quòd quasi Amygdalas delibratas in se contineat, rubescens, odore grato, fragrantique Xylaloës quodammodo odorem referente præditum, nec heterogeneis aliis inquinatum. Adulteratur Resinâ, Thure masculo, ac Styrace simul mixtis, ast odor in spurio hoc longè est dissimilis, & color maculis non est variegatus.

**ASA FOETIDA**, succus ex planta quadam Persica, Laram inter ac Gamaron civitates magna in quantitate crescente, quam duorum generum describit, succique ex eis collectionem tradit Jac. Bontius lib. 1. Med. Ind. ob tetri halitus graveolentiam Germanis **Zeuffels-Dreck** dicitur, adeò suo nidore abominabile, ut Matthæum Sylvaticum veniâ ferè dignum censeamus, quòd illud inter venena reponendum esse putaverit. Nec quempiam in electione terreat hoc, quòd Garcias ab Horto Indos Asam in delitiis habere, eaque in condiendis cibis, confricato ex ea ante cocturam lebetes, creberrimè uti scripserit; aut enim barbaram gentem tali condimento uti decuit, ut consimiles haberent labra lactucas, aut alioquin ejus odore adsueta id cæteris condimentis adcommodant; prout & plurimi nostrorum Allio, Cæpis & aliis quibusdam foetidis cum delectatione vescuntur, unde etiam Mesue Asam foetidam Porri (cujus nobis usus in mensis sat frequens est) odorem repræsentare scripsit. Hinc eligenda, quæ hujus odorem æmulator, viscida est & pura. Adulterata visu & gustu, quinimò foetoris remissione vel defectu cognoscitur.

**ASPALATHUS** in Syria, Istria, aut Rhodo Insula natus, quem etiam copiosissimum prope Fraschyæ portum in Creta se invenisse scribit Prosp. Alpinus cap. 43. de Plant. Ægypt. tantam cum Agallocho adfinitatem obtinet, ut ægrè quandoque ab hoc discerni queat. Lignum tamen Aspalathi multò tenerius est quam lignum Aloës, nec ita nodosum. Confer. §. de Agallocho. Probatur Aspalathus densus, odoratus, ponderosus, ac gustu amarus, in quo Plinius aliqualem Castorei odorem requirit. In ejus defectu Lignum Aloës commodissimè substituitur; licet nonnulli eundem Sandalo citrino, aut ligno Rhodio à Sandalo citrino parùm differente resarciant.

**ASPHALTUM** ex Phoenice, Babylone, Zazyntho, Sidone ac Mari mortuo delatum, purissimum & lucidum ut sit ac splendeat oportet, præterea gravem & validum odorem vibret, substantiâ mediocriter compactâ, levi, fragili & colore obscurè purpureo præditum. Adulteratur pice admixtâ; licet Galenus id fraudem haud admittere lib. 1. de Antidotis sit arbitratus; deprehenditur autem mangonium, si citius, quàm par est, lique scat, sordidum verò vitiosum est. Optimum in Judæa, non longè ab Hierico propè Jordanem, maximè verò in lacu Sodomæo, & vicina regione (quod præter Brocardum, in Terræ Sanctæ descript. id referentem, etiam Petrus della Valle observavit,) reperitur, unde etiam Bituminis Judaici nomen obtinuit.



**BDELLIUM** laudat Galenus Scythicum, Plinius Bactrianum, Dioscorides Saracenicum è Saraca felicit Arabiæ Civitate devectum, quod etiam ex Media, ut & India venire traditur. Gummi est arboris ad olivæ magnitudinem accedentis; eligendum gustu amarum, translucidum cum frangitur, ceræ instar flavum, pingue, cum fricatur & incenditur; idque odorum, facile mollescens, sordium expers, albis maculis ungui humano simillimis refertum. Improbatur nigrum, sordidum, in offas convolutum. Adulteratur cerâ, sed fraus odore ac gustu innotescit: Id enim nec tam amarum est, nec tam odorum.

**BEZOARDICI** lapidis ex cervicapris ut plurimum, aut etiam fimiis nonnullis, qui præstantior censetur, desumpti, duo in Officinis nostris genera prostant; unum Orientale, quod ex Ægypto, Persia, India, China, & vicinis regionibus adfertur: alterum Occidentale, quod ex Americæ regno Peruviano adportatur. Præferuntur Orientales Occidentalibus, qui etiam duplo majori precio veniunt, & in minori dosi exhiberi possunt. Probantur ex Orientalibus ii maximè, qui è nigro virescunt, & quorum pulvis subviridis est; deinde qui superiori crustâ ablata inferiorem splendentem habent, ac in medutullo concavi sunt, aut arenulam lapidi substantiâ similem &c. continent. Si calci vivæ madefactæ lapis adfricetur, indeque paulò post flavus color emergat, legitimum lapidem esse, creditur; ut & si lapis chartæ, quæ cretâ confricata priùs fuerit, similiter adfricetur, & frictionis linea viridis adpareat. Occidentales subcinereum habent colorem, & longè graviores sunt, neque ut Orientales splendent, superficie scabri sunt, crustas etiam habent crassiores & gypseas, quæ fractæ minutas quasdam strias artificioso naturæ opificio sese mutuò complectentes, obtinent, cùm econtra adulterini, qui ex pasta quadam effecti sunt, radios eos haudquaquam contineant. Dantur etiam Lapides bezoardici minerales, de quibus, eorumque usu legi in primis meretur Paul. Bocconus in Mus. phys. obs. 8. & tr. obs. natur. 26. qui tunicata sua textura, & cinereo colore occidentales modò recensitos aliquo modo referunt, non parum tamen differunt, duriores in primis & graviores dum sunt, unde nec temere lapidi illi animali substitui debent.

**CACAO** nuclei sunt arboris in India occidentali nascentis, involucro corticoso duro copiosè inclusi, Amygdala magnitudine, forma & consistentia nonnihil referentes, coloris obscurè rubentis, saporis subamari & pinguis. Vitandi cariosi, mucidi, aut alio modo corrupti.

**CAMPHORA**, five, ut rectiùs quibusdam scribitur, Caphura, succus arboris in Insula Orientalis Indiæ Borneo, quæ omnium optima censetur, ad nos tamen non deportatur, tum & regno Sinico & Japonico, qualis ut plurimum nostra esse solet, proveniens, eligatur alba, pellucida, pura & valde odorata, quæque pani calido imposita madescat, aut quod aliis placet, cujus frustulum pani calenti inclusum consumitur totum, remanente, si quæ insit, heterogeneâ materiâ, qualis est, e. g. Gummi juniperinum, quo adulterari solere traditur, quamvis & hanc fraudem odor à genuinò deflectens & color minus candidus detegant. Servari eam putant semine Psyllii, Lini, vel etiam Pipere sepultam; magis tamen integra persistit, si vitro arctissimè clauso, aëris aperti agitationem impediende, custodiatur.

**CARANNA**, resina est, in nova Hispania ex arbore prolecta, foris cinereo-nigricans, intus piceæ coloris, saporis amaricantis, pinguis & oleaginosi, odorisque fragrantis, cæterum Tacamahacæ, Hernandesii & Monardi testimonio, admodum congener.

**CARDAMOMUM**, semen plantæ arundinacæ in India Orientali crescentis, Amomo facultate cognatum ac viribus affine, duplex in Officinis habetur: majus nimirum ac minus: majus granum vocatur Paradisi: minus simpliciter ita dictum Officinarium est Cardamomum. Probatur utrumque angulosum, frangenti contumax, mun-

dum



dum, non pulverulentum, ficcum, acri sapore linguam vellicans, ac odorum, illud colore puniceum, hoc subrubrum; rejectis granulis, nigris, rugosis & exsuccis.

CARPOBALSAMUM non succum è fructu Balsami paratum, sed ipsum fructum integrum, aut Semen Balsami esse, notis omnibus Veterum sententiæ respondens, in quinquennali Orientis itinere observavit Excell. D. D. Joan. Veslingius, Professor quondam Patavinus. Illud odore Opobalsamum referre, hyperici semini sive capsulæ semen continenti esse simile, &c. Dioscorides tradidit; quæ in semine, quod ad nos quandoque defertur, vera esse comperimus, & jam olim quoque Prosp. Alpinus Dial. de Opobals. ostendit. Illud autem, si haberi queat, eligendum plenum, vegetum, ponderosum, sapore acre, & odore Opobalsami præditum.

CARYOPHYLLI, fructus arboris Indicæ Orient. immaturi, eligantur suave fragrantiores, non admodum strigosi & exsuccis, sed oleosam humiditatem in sinu plurimam gerentes. Illis ob vetustatem in odoris redditis fragrantia restituitur, si vino, in quo optimi Caryophylli per tempus macerati fuerint, conspergantur, rursusque exsiccentur. Verum hi foris tantum, nec quidem diu Caryophyllos olent, adquisitio hoc odore brevi temporis spatio pereunte. Fructus arboris prædictæ maturi vocantur ANTHOPHYLLI, prioribus quidem similes, sed crassiores & tumidiore.

CASSIA LIGNEA & CINNAMOMUM, cortices exotici, in plurimis conveniunt: Uterque enim eodem modo colligitur, & exsiccat, & insulam Ceylon imprimis patriam agnoscit, diversarum tamen arborum foetus, quem & saporis diversitas distinguit, & masticatio, quæ in Cassia lignea visciditatem aliquam ori exhibet, ipsaque sensim in eo liquefit, & consumitur, cum Cinnamomum econtra lignosum quid post se relinquat. Cæterum odoratissima sint oportet, subrubrum colorem & aromaticam acrimoniam plurimam habentia. Adulterantur corticibus Capparis ac Tamarisci in aqua Cinnamomi maceratis & ficcatis; verum tamen dolus hic rarus & satis carus est, facileque deprehenditur.

CASSIA CARYOPHYLLATA, arboris in India occidentali cortex, (quem describit Guil. Piso in Mant. arom. cap. 29.) ex rufo ferruginei coloris, sapore acris & aromaticus, cinnamomeus non nihil, potissimum tamen ad caryophylloidem accedens. Alius etiam hodiernum in usum hoc sub nomine venit cortex, CULILAVAN dictus, ex India orientali ad nos delatus; crassior is est priori, & cinnamomum ferè colore refert, aromatico autem sapore priorem tam bene æmulatur, ut nisi color & crassities obfarent, unius ejusdemque arboris sobolem esse credi posset; modò patria, collectio &c. differentiam illam non pariant. Hunc ipsum etiam corticem nomine Ligni Carambaccii à celeb. Georg Baglivo in Experim. circa saliv. producti, innui, cum mihi conjecturare liberet, ipse in literis A. 1707. Cal. Januar. Romæ scriptis, quod lignosus hic cortex ab illa Cassia vix differat, se itidem putare, mihi rescripserat.

CASSIA FISTULARIS, fructus arboris peregrinæ, probatur communiter Alexandrina, licet in utraque etiam India proveniat, amplis siliquis gravis ac ponderosa, quæ concussa granis intus per strepitibus sonum non edat, cortice levi ac purpurascente, pulpa intus pingui, splendente, succulentâ, non situ obductâ, multò minùs putri, sapore prunorum delicato, prædita.

CASTOREUM non esse Castoris seu Fibri testes, frequens dissectio docuit, sed potiùs peculiare aliquod excrementi genus, quod in Castore, animali amphibio, diversarum mundi plagarum incolâ, colligitur, & suis certis à natura sic elaboratis & constitutis folliculis ceu receptaculis, tam in maribus, quàm foeminis ad inguina statim sub cute sitis concluditur, eadem planè ratione, quâ Zibethum & Moschus in sui generis animalibus generantur. Probatur optimum, quod odore gravi, valido sapore, acri amaricante, & oleoso flavescenteque succo præditum. Adulteratur frequenter hepate Castoris tenuissimè inciso & contuso, & succo Castorei oleaginoso imbuto. Agnoscitur dolus



dolus tum quòd genuini folliculi ambo ex uno oriantur principio, tum ex consistentia duriori frustisque ut plurimum grandioribus, quàm folliculorum illorum naturalis magnitudo admittat; quin & odoris non ea, quæ in sincero, hîc observatur vehementia.

CATECHU, vel rectiùs, CAATCHU, vulgo autem TERRA JAPONICA, succus est inspissatus, quem in Coromandel &c. ex fructibus proceræ cujusdam arboris parvis, duris, succulentis & adstringentibus confici, relationi Nob. D. Joh. Ott. Helbigii in Dec. I. Ephem. Nat. Curios. Ann. X. obs. 194. debemus; eligendus est sapore austriusculo, amaricante, in dulcorem quendam terminante, & saturatâ rubedine pollens, compactus, ponderosus, parumque heterogenearum particularum, ex massæ in plures partes contusione vel instituta solutione facîle cognoscendarum; permixtum habens. Quo de si plura quis scire desideret, Exc. D. D. Ehrenfr. Hagendornium in libello de Catechu edito abeat.

CHINA CHINÆ, meliùs, Kinkina, cortex arboris Peruanæ, Gannaperide incolis dictæ, non admodum absimilis est Cortici cinnamoméo, colore obscurè rufo ad Sassafras colorem accedens; externe scaber, intus lævis, qui saporis amariusculi & adstringentis, atque odoratus nonnihil in usum est trahendus: quo de, præter alios, Rol. Sturmius in peculiari de ea libello, videri poterit.

CHINÆ RADIX, à planta quadam sarmentosa desumitur, quæ licet in Occidente etiam, nempe Hispania nova & Peru provenire scribatur, ex Oriente tamen, Sini- co in primis regno, nostris Officinis infertur, ubi duplex occurrit, sativa scil. quæ melior, & sylvestris vilior, quæ ad nos indè sola ferè deportatur. Sit crassa & nodosa, gravis, dura, & tuberosa, exteriùs rubra, interiùs minùs colorata, minimè cariosa, cui alioquin vitio admodum est obnoxia.

COFFE, Nucleus est arbusculi, qui Arabiam felicem patriam agnoscit; quibusdam BON dicitur: capsulæ cuidam innascitur corticosæ, facileque in duas partes, intus sulcatas, dividitur. Eligantur albicantes, solidi, qui degustati primo dulcescunt, deinde acridinem lenem post se relinquunt; nigricantes & situ corrupti vitentur.

CONTRAYERVA, five Drakena, radix nodosa & fibrosa, exteriùs rufescens, interiùs verò albicans, natales in Peruano Americæ regno habens; sit vegeta, non cariosa, saporem habens acrem nonnihil, adstringentem & aromaticum.

COSTUS in Arabia, Syria, ac multis Indiæ orientalis locis, præsertim verò in Guzarate, & circa Amadabar, quæ in desertis sita est, nascitur, qui non specie, sed bonitatis ratione, locique, in quo provenit, diversitate differt, præstantior censetur Dioscoridi Arabicus, candidus, levis, atque eximia odoris suavitate præditus. Illum, qui jam Officinis ex usu est, India nobis transmittit, omnes optimi notas, quas Dioscorides adscribit, habentem. Radix is est, vel esse debet crassa, succulenta, non cariosa, odore aromatica, colore candicans & ferè buxea, sapore acris & amaricans. Costum Officinæ in amarum & dulcem divisere, sed revera Costus omnis amaricans ut sit oportet, nisi quis respectivè, aut collatione cum amariore seu acriore faciâ, id asserere velit: Nos, si quis nostro uti dubitet, in tantâ rerum diversitate, ejus loco Zedoariam vel Angelicam rectè substitui posse censemus. Officinis etiam nostris in usu est aliud simplex, Costi nomine insignitum, quem Canellam albam, quia Cinnamomum formâ cannulatâ refert, vocare solent; Cortex videlicet arboris cujusdam Indicæ, in primis in Insula Jamaica crescens; est cinericii coloris, admodum aromaticus, sapore ad Costum verum accedens, cui etiam substitui quandoque solet; dicitur Cortex Winteranus, cui viribus respondet; cum verum corticem W. rarò in Officinis inveniri, eumque Peryclimeni odorati Magel- lanici sobolem esse, in Pharmacol. sua, pag. 422. Samuel Dale, aliique monuerint.



**CROCUS** in Coryco Ciliciæ monte, & Austria præstantissimus nascitur, nec parvi pendendus Gallicus, quem nempe præstantem Arausionensem esse tradunt; saturatè rufus sit, odor, & colore rutilans, qui madefactus protinus copiosè tingat. Adulteratur flore Cnici, pulvere ligni Brasiliensis, ac sapæ sublitu, sed maleficio detegit defruti odor, tum & ipsa adcuratior inspectio; quæ etiam Cnici flores facilè à genuino discernit; quin & Lithargyri, ad pondus ejus cum fraude augendum, admixtio ex pulvere infidente deprehenditur. Quidam nequissimo dolo Crocum aqua perfundunt, & per hanc colorem ab eo extrahunt, cum postea liquorem filis, pannis ac tapetibus tingendis adhibent, Crocum rursus resiccantes & in hominum fraudem dividentes. Veruntamen Crocus sic depravatus agnoscitur, cum quia marcidus adparet, nec ita plenus, tum quia nec odoris fragrantia, nec coloris eminentia, aut excellentia legitimo ac recenti respondet.

**CUBEBAE**, fructus racemosi in Java aliisque India locis, arbusculæ, vicinas hederæ modo arbores scandentis, piperi nigro, colore, magnitudine & figurâ, nisi quòd tenuem petiolum habeant adnexum, admodum similes. Eliguntur recentes, ponderosæ, saporeque amaricante, acri & aromatico præditæ.

Pro **DORONICO** Galangam cum Corticum Citri parte nonnulli substituunt, eò quòd auctorum quorundam diversa opinio veneni suspitione id apud plerosque infame reddiderit; id enim ab aliquibus inter Aconita repositum, ac toxicis adnumeratum, proque deleterio passim habitum & proclamatum, à Medicamentorum compositionibus aliquantisper exulare coactum fuit. Veruntamen doctissimorum, & in re Medica verfatissimorum Virorum gravia testimonia; quinimò & usus ipse Doronici nostri vulgaris, Germanico idiomate *Gemsen-Wurzel* dicti, innocentiam detexit: quo argumento Collegium nostrum permotum, quod pro eo Zedoariam quondam substituebat, Doronicum hoc tanquam postliminio revocatum, in medicum usum readsumpsit. Nobis autem hoc loco nec de Arabum Doronico, quoniam eo caremus, nec de Aconito Pardalianches sermo est: sed de Germanico illo ac vulgari Doronico nostratibus hoc nomine cognito. Radicula est prædulcis, acrimoniâ carens, rotundiuscula, interdum quoque oblonga, geniculatis propaginibus sibi cohærens, folio ferè Cucumeris, verum minori ac molliori, florem gerens citrinum, Chrysanthemum flori haud absimilem. Adfertur ad nos ex vicinis Alpibus, in quibus copiosè provenit: radices ipsæ Scorpii figuram nonnunquam repræsentant.

**ELEMI** five Elemni odoratissima est resina, instar Anethi recenter contusi; cujus verò arboris sit lachryma, hætenus incertum fuit, dum Cedri vel Oleæ Æthyopicæ, aut etiam alterius alicujus arboris esse, creditum fuit; quam tamen in India Orientali provenire, atque ex singulari arbore stillare, nunc certius constat, & hanc Kakuna Ghaka dici ex Labor. Ceylon. D. D. Herm. Nic. Grimmii constat. Eligatur ex citrino pallefcens, perquam odora, pura, pellucida, & à pulverum admixtione aliena. Adulteratur resinâ, sed fraus odore fit manifesta.

**EUPHORBIIUM** ab Euphorbo, Jubæ Regis Mauritaniæ Medico, nomen sortitum, lachryma ex fauciatâ arbore Lybica ferulaceaeducta, secundum Dioscoridem, lib. 3. cap. 80. Fruticis Malabarici succum esse, qui ad nos adfertur, constat: consul. Joh. Raji hist. plant. lib. 17. cap. 6. Eligatur purum, translucens, & ex rufo pallidum, in granula Orobi magnitudine concretum, quod levi gustu os diu accensum teneat. Adulteratur Sarcocollæ & Gummi Arabici, vel etiam sanguinis hædini admixtione, sed gustus, qui tamen hoc loco, ob linguæ uredinem, difficile experimentum parit, maleficio dijudicat.

**GALANGA**, quæ quibusdam Cyperus Babylonicus esse putatur, plantæ in India Orientali crescentis radix nodosa, & circulis in superficie quasi geniculis notata; quæ eligenda gravis, rubra, sapore acerrimo linguam vellicans ac odorata. Duplex est, major in



in Java & Malabaria, minor in Sinarum regno proveniens. Adulteratur radicibus Cyperi vulgaris repurgatis, & cum pipere in aceto maceratis; deprehenditur fucus abrafo cortice. Interior namque pars nec acrimoniam, nec saporem Galangæ obtinet.

**GALBANUM** plantæ Africanæ ex Ferulacearum genere succus est; de qua vid. Paul Hermannus in Paradis. Batav. pag 163. Laudatur, quod ex multis granulis albis constat, purum, pingue, nec valdè humidum, nec nimis aridum, acri & amaro sapore & gravi odore præditum; nec improbatur, quod adjecti seminis ac ferulæ nonnihil admixtum habet. Adulteratur resina, & Ammoniaco ac Fabæ fresæ pulvere: Sed id cum notas jam dictas non habeat, facilè à vero dignoscitur.

**GRANATI** facilè noscuntur, & in ignem projecti colorem non mutant, quod vix ulli Gemmæ coloratæ concessum est; utiles sunt utrique, tam Bohemici quàm Orientales. Granatos Bohemicos modernos ipsis Orientalibus longè præstantiores esse compertum est: Orientales enim vi fortioris ignis liquefcere, & in massam instar vitri alicujus fusilis & colorati coagulari: Bohemicos verò ignem fortissimum sustinere, & in eo neque colorem neque pondus mutare, neque etiam diffluere, sed solidos ex ipsis flammis emergere, observavit & expertus est Vir artis pharmaceuticæ quondam peritissimus, Casparus Welschius, Reipub. hujus Pharmacopœus primarius.

**HYACINTHUS** adulteratur vitro Saturni. Id autem à vera Gemma pondere & duritie facilè distinguitur: Mollius enim & gravius est vitrum ipsâ verâ Gemmâ.

**JALAPA**, Convolvuli Americani, Mechoacannæ & Rhabarbari nigri nomine nota radix, in taleolas dissecta ad nos ex Occidentali India defertur; quæ eligenda maximè vegeta, ponderosa & resinosis nigris venis abundans, ac, si frangatur, splendida, externâ facie nigricans, interna rufescens, flammam promptissimè concipiens.

**IPECACUANHA**, i. e. Radix dysenterica. Quamvis tres hujus radices dentur differentiæ, nigra nempe, alba & flava; quarum ultima reliquis præstare, alba autem exiguæ virtutis esse dicitur, nigra verò ex America, speciatim Brasilia & Peruvia ad Europæos potissimum defertur, quæ calami scriptorii crassitiem habet, geniculata, plurimis asperisque in superficie circulis aut annulis exasperata, extus fusca, intus grisea, linguam masticata mucilagine quadam quasi investiens, & resinosa adparet. Eligenda est carnosa, compacta, sive cortice densiori & crassiori prædita, substantia gaudens resinosa, & quæ per medium sui tractum fibræ aut nervum transmittit, saporis acris, amari, & nauseosi, fibræ & appendicibus glabris, utpote evanidis, destituta. Vid Cl. Mich. Bernh. Valentini Disp. 2. Polychrest. exoticorum.

**LADANUM** maximè probatur odoratum, facile mollescens, resinofum arenularum aliarumque sordium experts, nec squalore obsitum, quale laudabile, in gyros plerunque coagmentatum (massâ uniformi Arabicâ pro viliori reputatâ,) ex Cypro defertur. Ipsam plantam, ex qua Cretenses Ladanum colligere solent, Cysto feminae ferè similem esse, foliis tamen longioribus præditam, Salviæque proximis, testatur Pr. Alpinus cap. 43. de plant. Ægypt. Pasta ex caprino stercore, admixto Ladano, & pulvere nigro ejus formam æmulatur: Verùm id quia resinofum non est, ideò adulteratum esse deprehenditur.

**MALABATRUM**, sive ut Indis vocatur Tamalapatra, est folium procerae arboris in Cambaja alibique in India nascentis, unde etiam Folium Indum dici meruit. Eligitur, quod figurâ ad arboris Citriæ folium accedit, tribus donatum nervis per longitudinem ejus excurrentibus, colore ex pallido virescens, odore, si conteratur, & sapore admodum aromaticum, integrum, læve & nitidum ex una parte, ex altera verò asperum.



**MECHOACANA**, quæ nonnullis Rhabarbarum album, aliis Scammonium Americanum dicitur, species Bryoniæ exoticæ, in India Occidentali provenientis, eligatur albicans ac recens, ponderosa & insipida; improbaturnigra, cariota, & valdè candida. Adulteratur radicibus Bryoniæ in taleolas sectis, & ad formam Mechoacanæ resiccatis. Dolus autem deprehenditur, cum Bryonia substantiam longe laxiorem & levio- rem sit naçta.

**MOSCHUS** animalis Sinensis & Indici succus excrementosus, in certo à natura concessò folliculo collectus, probatur perquam odoratus, & tantâ fragrantia præditus, ut vel graveolentiam præ se ferat, caput feriat, & odorem latè dispergat: præterea amaricans sit, colore ferrugineus vel subrufus, granularis. Massas fictitias odor remissior à genuino inprimis discernit.

**MYRRHA** succus arboris Arabicæ, quæ tamen etiam in Insula Java majore copiosè provenit. Laudatur communiter illa, nempe Arabica sive Troglodytica. Sit fragilis, levis, undique concolor, & rubicunda, pura, aliquo modo pellucida, amara, acris, odorata, & quæ confracta ungues sive maculas albas exhibet; inutilis est ponderosa & coloris piceæ. Adulteratur Gummi macerato in aqua, in qua Myrrha maduerit; sapor tamen & odor dolum aperiunt.

**NARDUS** seu **SPICA INDICA** in Orientali India natales habens, odorata sit, haudquaquam cariota vel pulverulenta, (etenim ei stibium cum aqua aut palmeo vino ponderis causa à fraudulentis inspirari dicitur) cujus spicæ fibrillis longiusculis præditæ, sapore sit subamara & nonnihil acris ac aromatica, colore autem fulva & ad purpureum vergens. Alterum Spicæ genus Celticum in Liguriæ Alpibus, montibus Tirolensibus, aliisque locis natum, sit leve, longam comam & constantem odoris fragrantiam habens. Herbâ quadam simili, quæ ob odoris gravitatem Hirculus dicitur, permixtâ adulteratur: Verùm herba hæc minoribus foliolis magis candicat, atque insuper nec amara est, ut Nardus vera, nec adeò odorata.

**OPIUM**, Papaveris in Orientalibus plagis collectus est succus: quod, secundum Dioscoridem, præstantissimum est, si fuerit densum & grave, odoratu soporiferum, gustu amarum, aquâ facilè solubile, læve, candidum, (de quo vid. Exc. Wedelii Opiologia curiosa pag. 20.) neque asperum, neque grumosum, & quod inter colandum non ut cera concreseat, neque si accendatur, atrâ exardeat flammâ; quale Thebaici nomine venire solet. Quibus addere licet colorem ex nigredine rufescentem, & si pulverifetur, instar aloës flavum, aliquem, si frangatur, splendorem, & ab impuritatibus immunitatem. Adulteratur id Meconio, Glaucio, Gummi aut sylvestris Lactucæ succo; verùm id, quod lactucæo succo corruptum est, exiliter spirat; quod Glaucii admixtionem sensit, in dilutione croci colorem reddit; quod Gummi vitiatum est, nimium splendescit; Meconium verò plurimum admixtum, sordium multitudo inprimis manifestat.

**OPOPANAX** gummi ex incisa caule aut summa radice Panacis heracleæ, in Bœotia, Macedonia &c. stillans. Commendatur purissimus, amarus, internè albus, aut subfulvus, foris ad aureum colorem inclinans, lævis si frangatur, pinguis, Galbani instar lentescens, tener, statim in aqua eliquescent, & lactescens, gravique odore præditus. Improbaturniger ac mollis, nec non Ammoniaco aut Cerâ fucatus; dolus agnoscitur ex eo, quod in aqua digitis fricatus non resolvitur, nec lactescit.

**OPOBALSAMUM**, quod Balsamum Syriacum aliàs vocant, in Arabia felice, ex frutice quodam inciso stillat. Quod genuinum esse, indicat odor thuris & terebinthinæ æmulus; sapor subamarus, adstringens & modicè mordens; color, si mediam ætatem attigerit, aureus, vel in senio melleus; lactis ab eo infuso aliqualis coagulatio; & resinosa in panno adhæsio, quem non olei instar intimiùs penetrat, aut maculam inde-



indelebilem adfricat. Et tale Balsamum genuinum in sufficienti copia hodie haberi posse, non est dubium; id quod in primis elegantissimus libellus, de eo A. 1644. à Nob. D. D. J. G. Volckamero Noribergæ editus, persuadere poterit. Cæterum deferuntur quoque ad nos ex America tria Balsami genera, unum Peruvianum, alterum Tolutanum, tertium de Copaiba dictum. Peruvianum vulgo Indicum nigrum adpellatum, ex inciso arboris, quam Franc. Hernandez lib. 3. hist. nat. Mexic. cap. 11. describit, cortice stillans, colore est rufo ad nigrum vergente, sapore acri & amaricante, odoreque fragrantissimo. Quamvis nostras in regiones quod adfertur, ex ramis & truncis arboris per coctionem extrahi Nic. Monardus perhibeat. Tolutanum ex arboris piniformis cortice vulnerato prodiens, colore ex spadiceo ad aureum vergente gaudet, mediæ inter liquidum & densum in principio, postea verò siccae consistentiæ, saporis non ingrati, atque odoris excellentissimi, quod in nucum Indicarum putaminibus in Europam advehitur, nostris in Officinis Balsami Hispanici sicci nomine insignitum. Balsamum de Copaiba, sub Indici albi epitheto notum, quod etiam ad præcedentium differentiam Brasiliense vocare liceret, cum magna ejus in Brasilia copia ex arborum, quas Georg. Marcgravius in hist. plant. lib. 3. cap. 17. & Guilielmus Piso hist. natur. & med. Ind. occid. lib. 4. cap. 4. descripserunt, ad medullam usque incisis aut terebra perforatis corticibus profluat. Quæ cuncta in Syriaci locum substitui posse, est credibile, prioresque duas, in primis secundam speciem, Arabum Balsamo valde cognatas esse, ipse Joh. Veslingius in Opobalsami vindiciis fatetur.

OS è CORDE CERVI, arteriarum in cordis basi concursus quibusdam vocatur, & à Venatoribus à Crucis figura Os Crucis dici meretur. Illud in Cervo juniore, ex Renodæi observatione, cartilagineum tantum est, in annoso tandem in osseum quid degenerans; quod specificè corroborare cor quamvis dicatur, ut tamen id credamus, nulla causa subest; unde noxam, quàm à consimilis ossis è corde bovis desumpti immixtione inferri posse, nonnulli timent, nos, hoc respectu, haud adeo pertimescendum esse judicamus, timidulis tamen eapropter Cervinum cornu commendamus.

RHAPONTICUM à RHABARBARO, solo (ut quidam volunt) loco, in quo nascitur, differt; hoc enim ex Meridionali, illud verò Septentrionali plagâ advehi contendunt; adhæc Rhaponticum radice constat tenuiori, Rhabarbarum verò crassiori. Quamvis & alia inter utrumque observetur differentia; Rhapontico multò levioris & rariorem substantiam, remissiorisquæ amaritiem & odorem habente, in masticatione verò paulò glutinosiore existente. Unde si non unius ejusdemque plantæ radix utrumque fuerit, quandam saltem illud hujus speciem esse, vix dubitare licet: imò revera se hoc ita habere, differentiamquæ à tempore effossionis diverso dependere, celeberr. D. Georg. Wolffg. Wedelius in Exerc. med. phil. cent. 2. dec. 3. clare satis ostendit, cum æstate, aut illo tempore, quo viridia folia producit, radix succulenta haud existat, porosaquæ sit ac levissima, in hyeme autem succo turgeat, ibi Rhaponticum, hîc Rhabarbarum constituens; quo de P. Mich. Boymius in Flor. Sin. Lit. S. consuli potest, cujus figuras ab eodem delineatas, si cum illa Rhapontici Alpiniana conferre libeat, revera magnam inter utramque plantam esse differentiam, facile unicuique patebit. Optimum habetur Rhaponticum, quod teredines non sensit, rubescens, & quod dentibus contritum cum remissa adstrictione lentescit. Rhabarbarum ponderosum sit, aureis ac rufis venulis præditum, amaricans & adstringens, odoratum, & quod madefactum croceo colore manum fricantis tingat; duplex illud apud nos circumfertur: unum Moscoviticum, quod obscuriùs flavescit & vilius censetur, alterum Orientale, ex regno Sinico desumptum, flavo magis colore & præstantioribus viribus insignitum. Genuinam autem creditam Rhapontici descriptionem & figuram Cl. Prosper. Alpinus singulari libello expressisse videtur, cujus plantam ab Exc. Viro,



Francisco Craſſo Rhagufino ſibi dono datam, multis in horto ſuo annis aluit; quam etiam apud nos Auguſtæ, tum & alibi paſſim in hortis nunc provenire ſcimus. Naſcitur alioquin, ceu in patrio loco, Rhaponticum in Scythia ac Thracia juxta montes Rhodopæos, videturque inter Hippolapathi latifolii genera reponendum: cujus naturam æmulatur ea Lapathi ſpécies, quam vulgus herbariorum Rhabarbarum Monachorum hucusque nominare conſuevit.

**SAGAPENUM**, Gummi, quod Officinis Serapinum dicitur, ex Media, juxta Dioſcoridem l. 3. c. 79. ubi è planta quadam ferulacea manat, ortum ducit. Laudatur puriſſimum, translucidum, colore foris fulvo, intus albido, ſapore acri & ſubamaro, odore gravi, porrumque æmulante, & inter digitos lentefcens. Adulteratum haud facilè liqueſcit, verum autem protinus vino diſſolvitur.

**SANDALA** omnia, citrinum ſive pallidum, album, & rubrum, ex India Orientali ad nos convehuntur; quæ inter citrino primus ob præſtantiam locus conceditur; cui tamen ſubſtitui poſſe album, judicatur. Eligendum id ſuaviter fragrans, magnam habens medullam, utpote odoris gratiâ præcipuâ nobilitatam, grave & nodofum; nec ligno cedrino odoratiore adulteratum. Rubrum Braſilienſi ligno permixto corrumpitur, fucus autem ex hoc pateſcit, quòd Sandalum rubrum nec dulce ſit, nec ita inficiat; quæ notæ in Braſilienſiprehenduntur. Vide Garciam ab Horto l. 1. cap. 17. Officinis etiam noſtris uſuale eſt **LIGNUM** dictum **NEPHRITICUM**, ex frutice arboreſcente Mexicano & Novæ Hiſpaniæ deſumptum; quod Sandalum cœruleum vocari quibusdam ſolet, cùm aquam colore hoc inficiat; cujus genuitatem ex eo ipſo, quem aquæ infundit, colore, pro varia tamen radiorum lucis immiſſione vario adparente, facilè diſcernere licet.

**SANGUIS DRACONIS** ſuccus eſt inſtar ſanguinis exſiccati, ex arbore Peruviana &c. ſtillans, ſive ille ſit puriſſimus, foliis arboreis involutus, in forma granorum pyramidalium, ( qui ſanguis Draconis in lachryma dicitur, ) ſive alia grandiori, in panes ſeu maſſas majores coactus. Hic ſuccus omnis ſaporis & odoris expers, contritus in pulverem, colorem præbet eleganter rubentem, inſtar Cinnabaris, unde etiam quibusdam Cinnabaris Indica, & vegetabilis dicitur; non diſſolvitur in Aqua, neque in Oleo, ſed in Spiritu vini. Adulteratus econtra in aqua liqueſcit, ſaporem habet adſtringentem, pulveris formam difficulter admittit, quæ omnia fraudem facilè detegunt.

**SARCOCOLLA**, lachryma arboris in Perſia naſcentis, eligatur integra ( cùm in pulverem redacta adulterii ſuſpecta magis evadat, ) ſubtili thuri ſimilis, poroſa & facilè in aqua ſolubilis; quæ colore ad albedinem accedit, cum tempore magis rubefcens, ſaporeque acrimoniam quandam & amarorem exhibens.

**SCAMMONIUM**, ſuccus plantæ Syriacæ cognominis Scammoneæ, ex Convolvulorum genere lactariæ, laudatur optimum Antiochenum & Armenum. Expetitur nitidum, ſplendidum, clarum, ſpongioſum, citò liqueſcens, friabile, non valdè ponderoſum, ſalivâ vel aquâ madefactum lactefcens, linguam non exurens, nec tetro odore infectum. Adulteratur Tithymali lacte, ſed tunc linguam nimis valenter adſicit.

**SCHOENANTHUM** ipſo nomine, quid ſit, indicat, Juncum floridum in-nuente, qui Juncus odoratus ex Arabia felici advehitur, & præter flores, ipſos etiam ſtipites, odore & ſapore floribus ſimiles, uſui noſtro largitur. Flores hi eligendi ſunt odore & ſapore aromatico ſe commendantes, colore ex pallido rubentes, pulvere, feſtucis, aliisque quiſquiliis non permixti; qualem etiam odorem & ſaporem in ſtipitibus requirimus.

**SENA** duplex haberi ſolet: tum Orientalis, id eſt, Syriaca & Ægyptiaca, ſive Alexandrina, tum Europæa, Italica nempe & Gallica. Illa acuminata, hæc obtuſiora magis habet folia. Præfertur Orientalis, modò reliquas præſtantia notas poſſideat.

Eli-



Eligatur itaque viridis, probè ficcata, integra, non nimiùm contrita, non maculosa, nec teredine attrita, vel stipitum folliculorumque nimiâ admixtione, aut etiam Coluteæ foliolis fraudata.

**SMARAGDUS & SAPHYRUS** vitris colorem eorundem repræsentantibus adulterantur, proinde in iis coëmendis circumspectos Pharmacopœos esse oportet. Probantur aliàs, qui in ignem coniecti flammam non edunt.

**STYRAX CALAMITA**, succus resinofus ex inciso cortice arboris cujusdam prodiens, sic nuncupatur, quòd olim cannarum calamis, elegantix & fragrantix conservandæ causâ, è Pamphylia teste Galeno lib. 1. de antid. cap. 14. ferebatur, nunc Storax Officinis dicitur, qui optimus ex Cypro, Sidone & Pisidia adportatur. Probat purus, pinguis & resinofus, ex flavo rubescens, intus fragmentis albicantibus, odore jucundo, penetrante, ac perseverante dotatus. Rejiciendus furfurosus, aut aliis sordibus inquinatus, situ obductus, niger, & inodorus, utpote depravatus; qualem quoque mentiuntur magmata, facile tamen discernenda, ex ligni scobe, quam vermiculi erodentes excusserint, Melle, Ireos sedimento, cerâ, aut adipe odorato cum Styrace confecta.

**STYRAX LIQUIDUS**, succus resinofus coloris ex fusco rubentis, instar Balsami crassus, sapore acriusculus, styracini odoris aliquid continens; de cujus ortu diversæ Authorum sunt sententiæ; verum, quæ est Samuelis Dale Decisio in Pharmacolog. parte 2. pag. 427. omnino factitia res est, de qua à Pharmacopolis variis Londinensibus certiozem se esse factum, testatur. Datur etiam **STYRAX RUBER**, in hoc ipso Dispensatorio etiam semel iterumque præscriptus; de quo non minor passim est dissensus; prout corticem arboris styraciferæ, aut alterius alicujus arboris esse nonnullis videtur, **THYMIAMA** communiter dictum; massam nempe informem, ex India ad nos delatam, friabilem, atro-purpuream, odoratam; qua tamen æquissimo animo nos carere posse, non immerito noster Welschius hecatost. 1. obs. phys. med. 61. statuit. Augustanis meis Styracem optimum & selectissimum, vel grana Styracis hoc nomine olim venisse, ex Trochiscorum alyptæ moschatae recensione, in antiquioribus Pharmacopœiæ hujus editionibus patescit.

**TACAMAHACA**, quam Franc. Hernandez lib. 3. cap. 16. Hist. nat. Mexic. Tecomachacam vocat, resina est arboris cujusdam Populo similis, in nova Hispania, colore partim rutilo, partim flavo pallidiore, veluti ex unguibus albis, instar Gummi ammoniaci compacta, sapore amaricante aromatico, odore fragranti prædita; quam puram, & corticibus aliisque heterogeneis rebus non permixtam eligere convenit.

**TAMARINDI** sunt fructus filiquosi arboris tum in Or. Indiæ pluribus locis, tum Arabia felice, atque Æthyopia, partim & Ægypto nascentis. Eligendi recentes, ex nigro rufescentes, teneri, multis villis intertexti, succulenti, & acido-vinosi. Adulterantur Prunis, attamen hi non ut legitimi splendent, nec tantam, aut tam gratam aciditatem saporis referunt, cum præterea prunorum nuclei à Tamarindorum seminibus longè sint diversi.

**TERRA LEMNIA** ac **SIGILLATA**, itemque **BOLUS ARMENA** variâ terrarum aliarum, maximè verò lentarum ac limosarum admixtione polluantur, adeò ut fraus quandoque deprehendi vix posse videatur. Probantur tamen, si unctuosæ fuerint, præpingues ac leves, quæ linguæ promptè adhæreant, & in ore detentæ è sevo quasi constare videantur, nullam vel minimam arenosâ alicujus substantiæ notam, vel suspicionem post se relinquentes. Vera Sphragis ex Lemno olim petebatur, nunc Turcarum Imperatoris sigillo varios characteres habente notatæ tabulæ cinerei, rubicundi, imò diversi coloris Constantinopoli ad nos, de genuina admodum incertos, devehuntur. Bolus Armena ex Armenia quondam adferebatur, quam Medici Boli Orientalis nomine dotarunt, in qua hæ notæ requiruntur, ut pura sit ac sincera, nihil arenæ continens, man-



manducata verò butyri modo liquecat, gustui manifestam adstrictionem post se relinquens, ac quæ promptissimè admixto liquore in summum lævorem solvatur. Sunt & aliæ Terræ his viribus ferè affines, quas Veteres probavêre, inter quas Samia, Chia, Selinufa, Cimolia, Eretria, Rubrica Synopica ex Synope Cappadociæ urbe delata, Ochra, Attica, Pnigitis, Alana seu Tripolis, & aliæ ejusmodi: nostro porrò tempore præter Insulam Ceylonicam, Malabariam, Italiam, Bohemiam aliaque loca, Melitea inprimis Insula decantatam illam S. Pauli Terram præbet, Lemniæ vires habentem, & Silesia usitatissimam Terram Sigillatam, Turcicâ haud inferiorem nobis suppeditat.

THEE sunt folia fruticis in regno Sinico & Japonico crescentis, quibus diversa magnitudo diversum imponere pretium solet, minoribus, ut melioribus, majori pretio venientibus. Eligenda, quæ sunt foeni recentis instar odorata, viridia, non nigra, aut situ corrupta, cum quadam amaritie adstringentia, & aquæ imposita figuram oblongam, acuminatam & in ambitu crenatam exhibentia, inque plumbeis stanneisve pyxidulis conservata & adportata.

THUS, lachrymam, quam arbuscula quædam incisa fundit, Saba, Arabiæ felicitis provincia suppeditat. Eligendum esse censent, quod vocant masculum, id est, purissimum, pellucidum, guttarum formam referens, odore nativo fragrantissimum, colore ad albedinem proximè accedens, & in grana majora condensatum. Gummi & Pineâ resinâ depravatur; ignis maleficiûm monstrat, nam Gummi flammam non edit, Resinâ verò fumat, Thus statim ardet ac odorem præbet gratum. Ejus cortex aliis corticibus resinosis adulteratur, sed Thuris cortex ardet, & jucundum effumat spiritum, reliquis corticibus ardentibus quidem, sed sine odore tali fumantibus.

TURBITH, radix Convolvuli Indici, plantæ lactiferæ, ex Cambaja aliisque Indiæ locis ad nos deveniens, mediocriter ponderosum sit, subalbidum, aut cineritium, recens, ac fractu facile, non cariosum aut pulverulentum, intus resinosum, saporis primò subdulcis, postmodum pungitivi. Adulteratur Gummi dissoluto, radicibus aliis illito: verum hæc resinositas non extrinsecus tantum, sed in fractæ radicis etiam substantia requiritur.


UNICORNU maximi cujusdam piscis è Cetorum genere, in Mari Grönländico oberrantis, quem Islandi Narhval nominant, dens è superiori maxilla prodiens, olim ob maximam raritatem magno in pretio habitum, nunc crebrioribus in Grönländiam navigationibus ejusdem pretium cum raritate imminuentibus. Eligitur durissimum & grave, exterius albidum, si recens, aut si annosius, ad modum aliorum: Elephantis, Apri, &c. dentium flavescens, intus album, cavum, externè striis multis majoribus minoribusque per totam longitudinem intortum & convolutum, ipsis quidem harum protuberantiis lævitate, fulcis autem intermediis asperitate præditis. Habetur & aliud UNICORNU, colore & quandoque figurâ modò dictum aliquo modo referens, quod FOSSILE, aut etiam ebur, vel Spodium fossile vocant, inter Margæ species relatum, & variis in Germaniæ locis, aliquando etiam circa Urbem nostram in terra argillave inventum, variarum partium & ossium animalium, cornuum, dentium &c. formâ conspicuum; exterius ut plurimum durum, internè molle, album, friabile, cæterum linguæ adhærens deprehenditur.

ZIBETHUM animalis cujusdam, quod Hyænis nonnulli adnumerant, & in utraque India invenitur, excrementum pingue & unctuosum, in certis à Natura circa inguina ei concessis glandulosis folliculis collectum. Quod Butyri mollioris consistentiam habere, coloris subpallidi esse, (quem tamen ætas in flavedinem magis immutat,) & odorem fortissimum, omnino tetrum spirare debet, cum aliis tamen permixtum eximiâ suavitate commendabilem. Insuper si papyro adfrictum, sine corpore remanente

totum



totum sit solubile, aut vasi, in quo aqua bullit, infusum aquæ supernatet, heterogeneis nullis partibus fundum petentibus, bonum itidem æstimari solet; odore tamen omnium optimè sinceritatem confirmare apto.




## CAPUT TERTIUM.

### De Collectione Medicamentorum Simplicium.



Ametfi in peregrinis Medicamentis certum collectionis tempus sciri nequeat, eorum tamen color, sapor, odor, ac species iudicium nostrum subeunt, ex quibus omnibus ac singulis collectionis debito modo & tempore factæ notas desumere possumus. Ea porro, quæ nostris terris innascuntur, tùm demum colligere ac in usum medicum congerere oportet, cùm maximè vigent aut matura sunt, vel ad propriæ virtutis perfectionem plus magis accedunt. Sic media cujusque plantæ ætas, cùm jam florem emittere cœpit, collectioni quam maximè est opportuna; tùm enim folia magnitudinem suam, colorem, odoremque sunt adepta, ea præsertim quæ cacumini propinquiora nascuntur. Flores decerpendi sunt quandoque, dum adhuc in gemmis versantur; cæterùm antequam marcescant, aut spontè decidant; Semina, cùm ficcari cœperint, & antequam excidant: Fructus, ubi maturuerint, nisi specialior intentio immaturos requisiverit. Succus est plantarum tenerioribus foliis ac germinantibus cauliculis exprimendi. Radices quædam licet quovis ferè anni tempore, excepta hyeme, effodi possint, utpote Liquiritiæ, Acetosæ, Buglossi, Apii, Rusci, Althææ, Cyclaminis, &c. hæ enim semper vegetæ sunt ac succulentæ, etiamsi caulis abfuerit vel aruerit; potissimum tamen evellendæ, antequam in stolones vis plantæ abeat, sicque vernali inprimis tempore; nonnullis etiam astrorum observatio necessaria esse putatur, unde Pæoniæ radices ad epilepticos insultus reprimendos decresciente Lunâ legendas esse docemur. Eligantur autem radices plenæ vel succulentæ, integræ, non strigosæ, exsuccæ, tenues aut rugosæ, hæ quamprimùm laventur & à fibrillis adnatis, si evanidæ fuerint, repurgentur, atque insuper pro sui conditione resiccentur: aliæ enim integræ ficcantur, ut Gentiana, Satyrium, Hermodactylus: aliæ in taleolas dissectæ, ut Iris, Bryonia &c. aliæ denique, exemptâ matrice lignosâ vel corde, torrefiunt, utpote Petroselini, Apii, & Fœniculi radices. Siccandæ autem sunt non modò herbæ, verùm etiam radices in furno moderate calido, aut etiam in loco sublimi perflabili, non pulverulento aut fumoso, sed puro, sicco, umbroso, ad Septentrionem vel Ortum spectante, atque hæ præsertim, si austrina tempestas, aut cælum nubilum fuerit, sæpius versandæ, ne mucosæ fiant aut putridæ, maximè verò eæ quæ plurimum succi habent, aut crassæ existunt. Sed & locus, si fieri queat, unde plantæ leguntur, considerandus, etenim calidæ ex calidis regionibus, ac editis, & ficcis locis petendæ; sic Galenus Cretæ montes hoc casu præ cæteris prætulit: frigidiores econtra ex locis suæ conditioni & naturæ adcommodis, utpote umbrosis, opacis, ac palustribus petantur.





## CAPUT QUARTUM.

### De repositione, atque adfervatione Medicamentorum cùm Simplicium, tùm Compositorum.



**L**ecta sic ritè Simplicia, & quæ ex iis sub variis formis parata sunt Composita, debito modo reponi ac custodiri omnino postulant, ne vel situm contrahant, vel rancescant, putrescant, teredine consumantur, acescant, aut aliter corrumpantur. Solent autem herbæ, radices ac flores, præsertim odoratiores, in mundis arculis, maximè verò tiliaceis commodè adservari, loco sicco; licet radices nonnullæ crassiores trajecto filo, libero aëri suspensæ exponantur. Semina chartæ involuta in vitreatis vasculis vel pyxidibus ligneis rectè servantur. Succi, Liquores, & Aquæ stillatitiæ in vitris, aut vitreatis vasis depurantur ac detinentur: sunt autem succi prius defæcandi & dein vitris angusti orificii indendi, superfuso Oleo Amygdalino, aut Oleo Olivarum purissimo, ne aër subintrans succos corrumpat; eodemque modo Vinum Ribium, Cydoniorum, Granatorum, Berberumque adservari ac in annum unum pluresque sollicitâ curâ custodiri vel potest, vel debet. Syrupi etiam ex succis vel liquoribus jam dictis percocti, aut aliter quoque parati, itidem in vitreis, & testaceis ac figulinis vasis vitreâ crustâ obductis, perennant, præsertim verò qui per se acidi sunt, vel alioquin acetum recipiunt, cujusmodi sunt Syrupi de Limonibus, Granatis, Pomis, Aurantiis, Cerasis, Agrestis, Cydoniis, Berberibus, succo Acetosæ, Lujulæ, itemque Oxysacchara & Oxymelita, ac consimilia; quæ etiam in vasis figulinis vitreatis, aut lapideis (ut Mesue vult) coqui, ac despumari debere præcipimus, cum alioquin depravato sapore nativo, æruginem statim sapiant, ac coloris quoque amittant gratiam: aciditas enim quævis ex lebetibus è cupro & aurichalco confectis, vel pyxidibus aut thecis ex stanno paratis, mineralem quandam noxam prolicit, ventriculo abominabilem & adversam, ac proinde vomitus, stomachi subversiones, & deteriora nonnulla valetudinis nocumenta inducentem. Quod etiam de Aquis stillatitiis notandum, quæ in vitreis magis organis quàm stanneis aut plumbeis, vel æreis exstillari, ac vitreis vasculis conclusæ, loco frigidiusculo aptè foveri debent. Cortices autem, Gummi, Animalia, eorundemque partes, Trochisci, & Collyria arida, in pyxidibus ligneis commodè reponuntur. Loco verò sicco Tabulæ, Orbiculi, Confectiones solidæ, & ea, quæ saccharo obducta sunt, custodiuntur. Linimenta & Unguenta partim figulinis, partim stanneis pyxidibus conclusa tenentur. Species aromaticæ coriaceis facculis probè confutis, vel potius in vitreis aut eburneis vasculis rectè in ulum haud evanidæ servantur. Condita, Conservæ, Electuaria, Linctus & Lohoch figulina magis, quàm stannea vasa expetunt, licet & in iis non incommodè servari queant. Olea denique quævis, cocturâ, expressione, insolatione, vel infusione parata, in vitreatis similiter aut stanneis thecis reponi postulant, prout ea, quæ destillata sunt, in vitris angusti orificii, quæ arctè obligari & ab effluvio ac expiratione promptè custodiri queunt, in annos adservantur. Pilulæ porro, Cerata & Emplastra vesicâ & chartâ, quæ liquatam ceram imbibent, obvolvî, atque sic arculis vel pyxidibus siccis conclusæ teneri possunt.



## CAPUT QUINTUM.

## De Medicamentorum quorumlibet duratione.



Um sua sit cuique medicamento ætas, unumque alio citius & adolescat & exolefcat, ideo certum ac definitum durationis medicamentorum tempus statui in genere non potest, sed sunt ea pro cuiusque temperatura ac conditione moderanda, præcipuè cum & specialior determinatio persæpe vacillare deprehendatur. Quò tamen ad id, quod ut plurimum ita se habet, respiciendo, aliquid, tum aliorum ad exemplum, tum nostrorum Antecessorum methodum secuti, proferamus, animadvertimus, nonnulla vix annum spacium attingere, prout sunt flores, qui eò rectius in medicum usum cooptantur, quò recentiores fuerint: alia ætatem adepta perfectionem suscipere, cujusmodi esse creditur Euphorbium, ut quod recens nimis causticum esse, cum tempore autem mitescere putant, vel potius virium partem amittit; quædam solidam substantiam & probam omninò qualitatum temperiem nacta, diu persistere integra, quod de Cypero, Aristolochiâ, Rusco, Centaurio majore, Veratro, Chamæleone nigro, ac Elaterio Theophrastus & alii referunt. Communiter tamen herbas, flores, ac semina, præsertim frigida minora, itemque radices tenuiores quotannis mutari convenit; semina tamen calida, acrida, aromatica, nec non radices crassiores aut densæ per duos tresve annos salvis viribus perdurare possunt, prout & fructus quidam exotici duriori cortice aut crustâ vestiti, ut Myrobalani, Nux Indica, Nux vomica, &c. Syrupi simplices, Mella & Rob singulis annis commutantur. Compositi verò Syrupi, præsertim autem aromatici ad biennium valere creduntur. Conservæ & Lohoch, maximè quæ Amygdala, Pineas nuces, & semina frigida rancori obnoxia in sui constitutionem admittunt, vix ultra annum durant. Condita verò pleraque, præcipuè autem cortices, duos, tres, ac plures annos sine facultatis violatione persistere possunt. Aquæ destillatæ exoptantur in singulos annos recentes, exceptis quibusdam aromaticis, quorum aliqua ultra annum durant. Trochisci, præter eos, qui semina facile rancescentia recipiunt, Sief, & Pilulæ, duriori compagine concinnata cum sint, ac ob vim quoque Aloës corruptelæ obstantem, ad duos, aut tres annos pertingunt. Opiatæ compositiones pleræque usque ad sexennium, imò ad decennium, Theriaca verò ac Mithridatium usque ad triginta annos in sua bonitate persistunt; Unguentis, Ceratis ac Emplastris vix ad sesquiannum durantibus. Inter Olea Amygdalinum, aut ex Nucibus Pineis confectum, intus præsertim sumenda si fuerint, vix ultra duos, aut ad summum tres menses, sine rancoris nota servantur, frigida verò Olea anni unius decursum obeunt, calidiora autem & aromatica Olea duos, tres, vel plures etiam annos vires suas retinent, præsertim destillata. Electuaria lenitiva intra annum ferè imbecilliora evadunt, cum solutivorum virtus ad sesquiennium perduret. Hieræ autem & amara Electuaria ad duos annos pertingunt. Species Aromaticæ singulis annis, vel sesquiennali periodo renovari postulant. Animalia verò eorundemque partes, quamdiu incorruptæ servantur, vegetas vires obtinere creduntur. Id quod etiam de omnibus jam memoratis, cæterisque Simplicibus & Compositis æquè intelligendum volumus; cum eorum quædam citius, alia tardius ad præfatos corruptionis terminos pertingere certum sit, si vel negligentius, vel majori cum studio præparata, atque reposita fuerint. Inprimis vero negandum non est, aëris exclusionem, qui motu suo medicamentorum balsamicas particulas agitando, secum abducendo, vel



etiam humidas alienas immittendo, corruptionem accelerare potest, hîc plurimum valere, quo nempe excluso, quin proposita durationis tempora à multis medicamentis superari, eaque longè diutius perdurare queant, nullum est dubium. Ne tamen hîc quisquam sibi nimium blandiri aut seipsum decipere queat, exoletum nempe viribusve imminutum quid, vegetum adhuc persistere, aut vicissim, arbitrando, color inprimis, odor, sapor, aliæque qualitates, cum recentibus diligenter collatæ, pharmacorum peritum edocere facile poterunt.



## CAPUT SEXTUM.

### De Simplicibus absolutè scriptis.

**E**venit sæpissimè, ut in præscribendis Medicamentorum formulis simplex aliquod ponatur à Præcticis solo nomine, absque sexus, loci, magnitudinis, formæ, coloris, delectus, aut propriæ partis alicujus determinatione comprehensum; unde dubium oritur: sitne radix, an semen, vel folia, aut flores, hujus vel illius plantæ ibidem nominatæ, aut simplex aliquod aliud sub diversis formis ac qualitatibus in Officinis prostant, idque album vel nigrum, amarum vel dulce recipiendum. Pro cuius rei notitia sciendum, in unoquoque Medicamenti genere illud adsumi semper debere, quod est optimum, ut, si v. g. scribatur Benzoinum, sumatur amygdaloides, quod est optimum, si Aloë occurrat simpliciter scripta, intelligatur Socotrina, si Sandalum, capiatur citrinum, utpotè odoratissimum, si Tamariscus, sumatur Cortex ejus. Sunt autem plantæ non paucæ, quarum sola in usum Medicum folia cooptantur: aliæ ob flores duntaxat expetuntur; nonnullarum radix: prout in quibusdam semen tantum cæteris totius stirpis partibus præfertur. Quædam patriâ nativitate gaudent, ac à solo seu regione, unde ortum duxere, famam sortiuntur: alia sexu æstimantur, pleraque verò qualitatibus aliis, quarum hæ in hoc, aliæ in alio desiderari consueverunt, sua pro dignitate distinguuntur.

### ITAQUE SI SIMPLICITER OCCURRAT:

**A** Bsinthium,  
Acetum,  
Agaricum,  
Agnus castus,  
Aloë,  
Alumen,  
Amomum,  
Ammi,  
Aristolochia,  
Balsamum,  
Bryonia,  
Calamintha,  
Capparis,

} Sumatur

{ Ponticum.  
Ex Vino.  
Album & foemineum.  
Semen ejusdem.  
Socotrina.  
Scissile.  
Racemosum.  
Æthyopicum.  
Rotunda.  
Opobalsamum, vel ejus succedaneum.  
Alba.  
Montana.  
Cortex radiceis.

Carda-



Cardamomum,  
Centaurium,  
Cichorium,  
Corallium,  
Costus,  
Cupressus,

Daucus,  
Dictamnus,  
Eruca,  
Gummi,  
Granatum pom.  
Helleborus,  
Hepatica,  
Hyoscyamus,  
Hyssopus,  
Iris,  
Lilium,  
Marrubium,  
Medulla,  
Mentha,  
Nymphaea,  
Oleum,  
Opium,  
Passulæ,  
Papaver,  
Pœonia,  
Petroselinum,  
Piper,  
Pix,

Plantago,  
Polypodium,  
Prunum,  
Resina,  
Rhus,  
Rosa,  
Sandalum,  
Scordium,  
Scorzonera,  
Spica,  
Stœchas,  
Styrax,  
Sulphur,  
Thymus,  
Veronica,  
Viola,

Minus.

Minus.

Sativum.

Rubrum.

Amarus.

Conus ejusdem in adstringentibus, fo-  
lia aut lignum in diureticis.

Semen Dauci Cretici.

Cretensis.

Sylvestris.

Arabicum.

Acidum.

Niger.

Lichen.

Albus.

Montana.

Illyrica, vel Florentina.

Album.

Album.

Cervina, vel, si desit, Vitulina.

Rubra & hortensis vera.

Alba.

Sumatur

Olivarum.

Thebaicum, i. e. selectius optimum.

Minores, Corinthiacæ dictæ.

Album.

Maris semen, aut radix.

Macedonicum.

Album.

Liquida in suppurantibus, sicca in glu-  
tinantibus.

Major.

Quernum.

Damascenum, vel Hungaricum,

Larigna aut Terebinthina.

Cortex fructus Sumach.

Rubra.

Citrinum.

Creticum.

Sativa.

Indica.

Flos Stœchados Arabicæ.

Calamita.

Vivum.

Creticus.

Mas.

Nigra, seu cœrulea.



Nosse quoque Pharmacopœos oportet, plura quandoque Simplicia uno titulo simul comprehendi, utpote cum scribitur: Accipe quinque herbarum emollientium, singularum manipulum, sumantur sequentes, nempe

Quinque herbæ emollientes { Malva,  
Althæa,  
Violaria,  
Mercurialis,  
Parietaria.

His alii Brancam Ursinam, Betam & Atriplicem adscribunt.

Quatuor semina calida majora { Anisi,  
Fœniculi,  
Carvi,  
Cumini.

Quatuor semina calida minora { Ammeos,  
Amomi,  
Apii,  
Dauci.

Quatuor semina frigida majora { Cucumeris,  
Cucurbitæ,  
Citrulli,  
Melonum.

Quatuor semina frigida minora { Endiviæ,  
Scariolæ,  
Lactucæ,  
Portulacæ.

Quinque radices aperientes majores { Apii,  
Fœniculi,  
Asparagi,  
Petroselini,  
Rusci.

Quinque radices aperientes minores { Graminis,  
Rubiæ,  
Eryngii,  
Capparis,  
Ononidis.

Quinque genera Myrobalanorum { Citrinæ, seu flavæ,  
Chebulæ, seu Cepulæ,  
Indæ, seu nigræ,  
Emblicæ,  
Belliricæ.

Quatuor flores cordiales { Boraginis,  
Buglossi,  
Rosarum,  
Violarum.



Fragmenta quinque lapidum  
pretiosorum

{ Saphiri,  
Granati,  
Smaragdi,  
Hyacinthi,  
Sardæ, seu Carneoli.

Quinque herbæ capillares

{ Adiantum nigrum, seu Capillus Veneris,  
Adiantum album, seu Ruta muraria,  
Polytrichon aureum,  
Trichomanes,  
Asplenium, seu Ceterach,

Quatuor Aquæ pleuriticæ

{ Cardui B. Mariæ,  
Taraxaci,  
Cardui benedicti,  
Scabiosæ.

Tria Olea stomachica

{ Absinthii,  
Cydoniorum,  
Mastichinum.


Quatuor Unguenta calida

{ Arêgon,  
Martiatî,  
Althææ,  
Agrippæ,

Quatuor Unguenta frigida

{ Album Camphoratum,  
Rosatum Mesues,  
Populeum,  
Infrigidans Galeni.

Hæc autem omnia ac singula à Pharmacopœis ad amussim tenenda sunt, ne in his error obtingat, qui vel Medici intentionem præpediat, vel ægro damnum adferat; cum adprimè cavendum sit, ne quis ab ea arte, quæ omnibus benefacit, per operarii eam tractantis, aut exercentis, vel inscitiam vel incuriam, lædatur.



## CAPUT SEPTIMUM.

### De Succedaneis quorundam Medicamentorum.



Venit persæpe, ut in tanta tam diversorum Medicamentorum farragine, simplex aliquod medicamentum desideretur, vel quia id omnino deest, ac comparari vix potest; vel quia vis ejus ob loci, unde id peti debet, distantiam, & itineris prolixam moram, exoletum ut plurimum ad nos devehitur, ac viribus expers; vel quia de ejus ortu, an nimirum legitimum id sit vel spurium, adhuc dubitatur; unde ne ægri suo commodo priventur, aliud quodpiam viribus



viribus æquipollens huic substituendum, quod ejus defectum simili temperaturâ ac facultate resarciat. Talia subrogata medicamenta Græcis *αντιβαλλόμενα* dicta, Latinis Succedanea & Substituta, Officinis verò (licet satis barbarè) Quid pro Quo, vocari consueverunt. In iis autem deligendis, utpote quidnam cuique commodè subrogari queat, cum non nisi peritissimi Medici, minimè verò Pharmacopœi judicare ac decernere possint ac debeant, idcirco præcipua eorum complexi, hæc ipsa in seriem Alphanumericam sic digessimus, ut è dextro subjecti Catalogi latere vera & legitima, ex sinistra verò succedanea seu *αντιβαλλόμενα* promte conspicerentur.

## ITAQUE PRO

**A** Cacia,

Acantho,

Ammi,

Amomo,

Ammoniaco,

Amygdalis amaris,

Aristolochia rotunda,

Aspalatho,

Balaustio,

Cardamomo,

Carpobalsamo,

Cassia lignea,

Citri succo,

Costo,

Dictamno,

Doronico,

Folio,

Galbano,

Herba Paris,

Lapide Armeno,

Mandragora,

Meo,

Oesypo,

Opobalsamo,

Opopanace,

Osse è corde Cervi,

Phu Pontico,

Polytricho aureo,

Rhapontico,

Saxifragia,

Terra figillata Turcica,

Xylobaliâmo,

Hypocistis, aut succus Prunorum sylvestrium.

Malva.

Anisum.

Cardamomum vel semen Citri, ac Hyperici, æquali pondere.

Galbanum.

Nuclei Persicorum.

Longa vel Pistolochia.

Lignum Aloës.

Malicorium.

Cyperus.

Cubebæ.

Cinnamomum optimum.

Succus Limonum.

Zedoaria, vel Angelica.

Scordium.

Galanga cum corticum Citri parte, vel Zedoaria.

Macis & Cyperi partes æquales.

Sagapenum.

Umbilicus Veneris, aut Sedum minus.

Lapis Lazuli.

Hyoscyamus, Solanum, Papaver.

Angelica, aut Ostrutium.

Medulla cruris vituli.

Oleum Nucis moschatæ; vel etiam Balsamum Tolutanum, aut Peruvianum, vel quod de Copaiba vocatur.

Ammoniacum, vel Galbanum.

Cornu Cervi crudum.

Valeriana vulgaris.

Trichomanes.

Rhabarbarum selectum.

Pimpinella vulgaris.

Terra figillata Silesiaca.


Lignum Aloës.

CAPUT



## CAPUT OCTAVUM.

## De Venenis, eorundemque Antidotis.



Tſi in confefſo ſit, celeberrimas illas Antidotos, Mithridatium nimirum & Theriacam, à Damocrate & Andromacho ante aliquot ſecula, pellendis quibusvis venenis, eorundemque noxis abolendis, inventas conſtructasque fuiſſe; ac contra venenatorum animalium iſtus & morſus præclaram & efficacem omnino opem præſtituiſſe, quibus longa poſteritatis obſervatio multâ experimentorum ſerie fidem non modò fecit; ſed utriusque etiam Antidoti famam ad noſtra uſque tempora non ſine perennis gloriæ encomio ac laude deduxit. Venenatorum tamen varietas, ac eorundem diverſa natura, peculiaria quædam cujuſlibet toxicî Alexipharmaca expetere viſa fuit, ut ſua quodlibet agendi poteſtate illatam noxam infringeret & emendaret. Cùm enim non uno eodemque modo obſint omnia, ſed unum dementando, ſtupefaciendo; aliud conſtipando; plurima verò erodendo; aliqua etiam diverſimodè noceant, ideo ſingulis ferè venenis ſua propria ſunt reperta & inſtituta Alexiteria, ut noxia quævis attererent, fractisque malitiei viribus, vel expellerent vel annihilarent. Noſtrum quidem jam non eſt, notitiam Venenorum prolixiorẽ adducere; hoc tamen monere liceat, noxios eorum & lethales effectus commodiſſimè, quod à Recentioribus quibusdam Clariffimis Medicis abunde probatum vidimus, ex ipſa eorum natura, ſive principio activo ſalino - ſulphureo demonſtrari; dum partim ſalinis particulis ſuis acutiſſimis vel acerrimis nervoſas corporis partes perfodiendo, & irritando, ipſamque maſſam ſanguineam agitando, turbando, coagulando, & corrumpendo partim ſulphureis, viſcidis, foetidis, & narcoticis particulis cerebri ac nervorum poros obſtruendo, ſpiritus animales dementando, ſopiendo & quaſi ſuffocando, motumque ſanguinis & humorum ſiſtendo, vim ſuam deleteriam exſerunt, quæ licet manifeſta ſatis ſic videantur, atque, ut ita dicamus, ad oculum demonſtrari queant, ut primarum & ſecundarum qualitatum in tenebris, quibus medica pariter ars & naturalis ſcientia olim inerrabant, ampliùs ſubſiſtere haud opus habeamus, fateri tamen cogimur, intimiores in naturæ reſceſſus nondum nos eſſe admiſſos, & revera occultum quid nihilominus ſubinde in quibusdam concurrere, intellectu noſtro imbecilliori imputandum, cui non tantùm in plenariam miſſionis principiorum naturalium, ſalis nimirum & ſulphuris, ſed & ipſorummet intimiorem naturæ eorum conſtitutionem penetrare hætenus denegatum fuit. Nobis ſufficit, quod ex antediſtis ſatis ſuperque conſtare queat, non omnem Antidotum cuius veneno opponi poſſe, quæ ſanè pro diverſitate ipſius veneni, aliarumque circumſtantiarum, diverſa etiam requiritur; id quod prudentem ac peritum Medicum latere cùm nequeat, pluribus deducere haud laboramus; qui ſaltem in gratiam noſtrorum Pharmacopolarum, eorumque, veneno ore ſumto, vel per incuriam ſui ipſius, vel per malitiam alterius qui intoxicati fuerint, Venenorum quædam magis obvia enumerare, & qua ratione debellanda ſint, fideliter demonſtrare intendimus; dum plerumque præſens, promptum ac feſtinum remedium expetunt, nec Medicus tamen ſemper præſtò eſſe poteſt, cujuſ conſilio periculum inſtans conſeſtim evitari queat. Quotiescunque ideo mente ac corpore cæteroquin ſanus aliquis, ſine magnis in diætâ erroribus priùs commiſſis, aliamque evidentem ob cauſam, graviffimis ſubito opprimitur ſymptomatibus, anxietate cumprimis & dolore præcordiorum, vomitu enormi &c. nec tamen alia de veneno ſumto notitia habetur, illum tale aliquod hauſiſſe, non vanè conjicere licet; quod itaque in ventriculo adhuc hæſere, ex memoratis modò ſignis ſi conſtiterit, quantocyus vomitu id eſſe eliminandum,



fana suadet ratio, quem tamen non violentis emeticis, nisi blandiora forte nil promoveant, sed levioribus, pinguibus inprimis procurare, erit convenientissimum, largè propinato lacte vaccino, olivarum vel amygdalorum dulcium oleo, vel jure, pinguedinis aut butyri plurimum admixtum habente; quo non tantum acrimoniam venenati corporis, ferè semper conjunctam, disjungendo, inviscando & obtundendo ejus spicula, mitigari, & partes nervosas, ne ejusdem aculeis lædantur, præmuniri dabitur, sed faciliorem quoque ad exitum disponetur; scopusque optatus eò promptius obtinebitur, si & alia, quæ venenum enervare unâ valent, dextrè jungantur, qualia oxymeli, acetum &c. præcipuè esse poterunt. Sin pars veneni intestina jam subierit, ibique torminibus & circa umbilicum rofionibus turbas excitaverit, Enematum ex radicibus & herbis emollientibus aliisque lubricantibus & demulcentibus, malvâ, althæâ, lacte, oleo &c. paratorum usus unâ proderit. Postea iis quæ acrimoniam toxicæ, ut plurimum timendæ, resistere valent, pergendum, qualia inprimis exhibent Mucilagines seminum cydoniorum, psyllii, malvæ; Syrupus violarum; Emulsiones quatuor seminum frigidorum majorum, amygdalorum dulcium &c. Theriacam etiam vel alias expertas Antidotos jungere decet, si qualem fuerit toxicum, ignoretur. Sin verò de qualitate hujus certius quid constiterit, paucis jam, quænam in usum vocanda sint, indicare, aut etiam ex antedictis repetere, Lectoris cum venia liceat. Scilicet acrioribus illis, & manifestè causticâ vi præditis Vegetabilibus: ANACARDIIS, FLAMMULÆ, EPHEMERO, COLCHICO, EUPHORBIO, & MEZERO &c. non tantum seminum cydoniorum, psyllii, malvæ mucilagines, Emulsiones amygdalorum dulcium, vel seminum quatuor frigidorum majorum, Hordeum in cremorem decoctum, sed ipsum etiam Acetum est opponendum: Si quæ verò in sanguinem jam transiit noxa, uti hîc, ita in sequentibus etiam Venenis, Diaphoreticorum & Alexipharmacorum adpropriatorum usu eidem, habitâ symptomatum indè provenientium sedulâ consideratione, prudentia Medici rectius mederi tentabit. AQUAM FORTEM, ARSENICUM, AURIPIGMENTUM, CINNABARIM, MERCURIUM SUBLIMATUM, ÆRIS SQUAMAM, & ÆRUGINEM, quin & GYPSUM, CALCEMQUE VIVAM, prætermodò dicta mucilaginosa & oleosa, CrySTALLUS montana, Terra sigillata, Lapis Bezoar, aut etiam Sal tartari enervant. A CEREBRO FELIS sumto læsis Moschi optimi scrupulus dimidiis succurrit. CERUSSA, LITHARGYRUM, MINIMUM, & SCOBS PLUMBEA ab Aceto, observante Excell. D. D. Wedelio, salubriter ea in Saccharum quasi sensim corrode, emendantur. CICUTÆ, OPII, HYOSCYAMI, SOLANI FURIOSI, MANDRAGORÆ noxam idem Acetum inprimis, dein Theriaca; Diascordium Fracastorii, Rutæ succus, Castoreum & Sal cornu cervini volatile abigit. NAPELLO, præter Acetum, Species diamoschi dulcis, diambra, Lapis bezoar resistunt. A FUNGORUM esu illatum periculum Theriaca in Oxymelite sumta, Bezoar &c. avertunt. SANGUINEM & LAC IN VENTRICULO CONCRETUM, postquam Spermate ceti, Aceto simplici, Oxymelite, Oculis cancri, Coagulo leporino, vel Pulvere ad casum usuali resoluta fuerint, vomitu exturbare, & si quid supersit noxii, Theriacâ corrigere convenit. CANTHARIDIBUS sumtis itidem Mucilaginosa & Emulsiones seminum frigidorum oleosorum medentur. HELLEBORO, SCAMMONIO, TITHYMALO, & ESULA læsis Cydoniorum & Citriorum pomorum succi, Acetumque; NUCI VOMICÆ Citri cortex & succus propinantur.



## CAPUT NONUM.

De Ponderibus & Mensuris Medicis, Signisque  
Chimicis.

Estè fanè hucusque communis Philosophorum schola omnia pondere, numero & mensurâ contineri docuit; hæc enim agendorum sunt quasi quidam limites ac regulæ, quibus ea, quæ præstanda sunt, ad justitiam & æquitatem pensantur, adeò ut his neglectis, in Medicina facienda periculi plenus labor sit futurus, cum cujusque medicamenti vis & energia, ad subjecti seu patientis ægri vires aut tolerantiam comparatione factâ, horum adminiculo, eliciendæ debitæ dosis causâ, trutinetur, ne aut medicamentum in minori quàm par est quantitate exhibitum, effectû expectato frustretur; aut in ejusdem proportionis excessu porrectum, corpus vel lædat, vel omnino pessundet.

In ponderibus autem enumerandis à minutioribus, tanquam à partibus majora constructuris, initium ducimus; è granis enim scrupuli, ex his drachmæ, hinc uncia, ac tandem libræ consurgunt.

Granum minimum pondus est, quo utimur, albi piperis granum pondere adæquans, ejus vinginti scrupulum, sexaginta drachmam constituunt.

Scrupulus pendit grana viginti.

Drachma continet grana sexaginta, seu tres scrupulos, & est octava pars uncia.

Uncia duodecima pars libræ, constat drachmis octo.

Libra duplex in usu esse solet: Publica seu Civilis, pendens uncias sedecim, vel drachmas 128. & Medicinalis duodecim unciarum, vel 96. drachmarum pondere circumscripta; & hæc Officinis usitata, semper adhibenda, ubi simpliciter Libræ pondus ponitur, cum priori illi: p. c. *ponderis civilis* addi soleat.

NOTANTUR AUTEM PONDERA  
HIS SIGNIS.

Gr. gr.		Granum.
ð. ß.		Dimidium scrupulum.
ð. i.		Scrupulum.
ʒ. i.		Drachmam.
ʒ. ß.		Unciam dimidiam.
ʒ. i.	Designat	Unciam.
℥. ß.		Libram dimidiam.
℥. i.		Libram.
M.		Manipulum.
N.		Numerum.
P.		Pugillum.
ANA. āa. a.		Æquale pondus, aut mensuram duorum vel plurium medicamentorum.

Liquida, præter uncias, Mensuris sic dictis dispensari solent. Mensura autem Augustana bilibris est, continens uncias triginta duas.

Insuper notamus, consultius esse in definiendis, aut præscribendis medicamentorum formulis, ac signando numero, priscorum Romanorum notis uti, quæ sic pin-



guntur: I. II. III. IV. V. VI. VII. VIII. IX. X. XI. XII. XIII. &c. quàm aliis characteribus 1. 2. 3. 4. 5. 6. 7. 8. 9. 10. 11. 12. 13. &c. sic enim ob notarum diversitatem non tam facilè error committitur, qui characterum similitudine forsan subrepere posset; cùm v. g. 3. & drachmam, pondus, & numerum ternarium designet.

Usitiora denique Chemicorum signa, quæ pro scribendi quodam compendio haberi possunt ac solent, hisce subnectere, ne, si quæ horum aliquando occurrant, errorem pariant, consultum duximus. Denotatur itaque per;

⌘ Acetum.	⌘ Hora.
⌘ Acetum destillatum.	△ Ignis.
△ Aer.	⊙ Ignis rotæ vel circularis
⌘ Alembicus:	⌘ Mercurius sublimatus.
○ Alumen.	⌘ Mercurius præcipitatus.
aaa Amalgama.	⌘ Mensis.
⌘ Antimonium.	○ Nitrum.
▽ Aqua.	ρ Nox.
▽ Aqua fortis.	⊙ Oleum.
⌘ Aqua regia.	⌘ Plumbum.
⌘ Arena.	⌘ Præcipitatio.
⌘ Argentum.	Q. E. Quinta Essentia.
⌘ Argentum vivum.	⌘ Retorta.
⌘ Arsenicum.	⌘ Regulus.
⌘ Auripigmentum.	⊙ Sal.
○ Aurum.	⊙* Sal ammoniacum.
B Balneum.	⌘ Sal gemmæ.
MB Balneum Mariæ vel Maris.	Sp. ~ Spiritus.
⌘ Balneum Vaporis.	⌘ Stannum.
⌘ Calx viva.	S. S. S. Stratum super stratum.
⌘ Cancer.	⌘ Sublimatio.
⌘ Caput mortuum.	⌘ Sulphur.
⌘ Cineres.	⌘ Tartarus,
⌘ 33 Cinnabaris.	⌘ Terra.
C. C. Cornu cervi.	R Tinctura.
⌘ Crucibulum.	⌘ Vini Spiritus.
♀ Cuprum.	⊙ Viride æris.
♂ Dies.	⊙ Vitriolum.
♂ Ferrum.	⊙ Urina.







CLASSIS PRIMÆ,  
SYRUPOS ALTERAN-  
TES, MELLA, JULEP,  
MIVAS AC ROB  
CONTINENTIS,

SECTIO PRIMÆ,

DE

MEDICAMENTIS, IN OFFI-  
CINIS PHARMACEUTICIS REIPUB.  
AUGUSTANÆ USUALIBUS.

SYRUPUS DE ABSIN-  
THIO MESUÆ.

℞. Absinthii Pontici, seu Roma-  
ni libram semis,  
Rosarum rubrar. uncias duas,  
Spicæ Indicæ drachmas tres,  
Succi Cydoniorum libras tres,  
& uncias quatuor.

Macerentur in vase fictili horis  
viginti quatuor: deinde deco-  
quantur, exprimantur, & cola-  
turæ addantur

Sacchari libræ duæ.

Fiat, ut est artis, Syrupus.

*Ventriculi, hepatis, & viscerum  
aliorum imbecillitati, & cachexia,  
presertim à causa frigida succurrit:  
unde adpetentiam dejectam excitat,  
flatus discutit, auriginosos juvat, hu-  
moresque per urinas propellit: Datur  
etiam in albo & pituitoso mensium  
fluore.*

Quamvis subtiliorum partium magna ex parte  
jacturam in coctione hujus Syrupi, aliorumque  
nonnullorum subsequendum contingere, nemo dif-  
fiteri queat, easdem tamen, utpote intentioni no-  
stræ non adeo necessarias haud ægre semper ferre  
possumus, eoque magis, cum ut plurimum adver-  
sæ sint & ingratae, aut parvæ energiæ, ac imbelles,  
(quibus similibusque epithetis celeberr. D. Daniel  
Ludovici in Pharmacia moderno seculo applicanda,  
dissert. 1. non immerito easdem maculat,) imo in  
exigua



exigua admodum quantitate accedant, sive solitariè, sive aliorum medicamentorum pro edulcoratione &c. tantum adhibeantur, quin & si necessitas postulat, ex tempore, aliarum scopo satisficientium admistione facile suppleri possint. Si quis tamen aliquod earum connubium in hoc Syrupo expetat, tum aliis modis, tum sequenti etiam, præparationem instituere posset: Absinthium scilicet, Rosas & Spicam in aliquot Vini unciis aliquandiu macerando, & leniter exprimendo, remanentiam verò cum succo cydoniorum coquendo, exprimendo, & Colaturam Saccharo additam clarificando, atque ad crassorem consistentiam per coctionem deducendo, ut dein cum superiori infusione, prius depuratâ, Syrupus fieri queat, nativo vini &c. sapore & odore magis pollens, quàm si per destillationem separatæ tenuiores partes ei accesserint. Litem tamen haud movebimus, si quis alibi, per destillationem partes dictas separando, easdem Syrupo suo jungere ex arte voluerit; nos interea vinum quondam additum omisimus; cum cydoniorum succus sic satis extractioni necessariæ sufficiat.

Cæterum Welschius in hujus Syrupi præparatione, quam Zvvelferus Augustanæ substituerat, improbat, quòd 1. duplicem aquæ prolectionem commendat, quarum secunda cum aut nihil, aut aliquid virium habeat, minùs recte id fieri animadvertit; si enim nihil virium contineat, inutilem eam esse necesse sit; sin verò aliquid, Syrupo huic decedat, ideoque non satis efficax evadat; 2. expressum sigillatim inspisset, & non potius cum saccharo coquat, atque hæc duo cum ovi albumine clarificet, adeoque labores & sumtus multiplicet; 3. sola dissolutione Syrupum hunc fieri velit, quod impossibile, clarus Syrupus si expetatur, cum nullum saccharum, etiam finissimum, sine sordibus aut arena reperiatur; quod etiam quia tot in aliis Syrupis Zvvelferianis occurrit, in genere illud de iisdem hic animadvertisse sufficiet; 4. unica ebullitione eundem paret, qua profectò æquè ac coctione subtiliores partes exhalent, quas tamen tam anxie servare nitatur; ubi sanè notari meretur, quod Zvvelferus circa Mellis anthosati præparationem scripserat, nempe virtutes potiores & subtiliores in coctione persistere non posse, quia *mox inchoatâ cocturâ* in auras avolent; 5. aquam secundam demum usus tempore admiscere jubeat, quod absurdos errores & labores inutiles causare in Officinis posse, prudentiores judicare valeant; quin & hoc non esset, Syrupos vendere, sed Julapia, aut Potiones. Ipse autem Welschius verum præparandi modum, & præ Zvvelferiano compendiosorem esse existimat, quem his verbis proponit: *℞. omnia secundum Augustanorum præscriptionem, incisa immitte cucurbitæ vitreæ, & adfuso vino ac succo cydoniorum, adposito capitello, macera per 24. horas, postea destilla ℥xxx. circiter, quas serva separatim, residuum statim exprime adhuc calens, adde sacchari ℥ij, clarifica cum albumine ovi, & trans mitte per manicam Hippocratis dictam, coque ad consistentiam debitam, h. e. ne extractum & succus inspissatus adurantur, & quam peritus Pharmacopœus no-*

vit, scribi dicere non potest,) ab igne remoto statim admisce aquam illam destillatam, fiat Syrupus.

## SYRUPUS DE ALTHÆA FERNELII.

℞. Rad. Althææ, uncias duas,  
Graminis,  
Asparagi,  
Glycyrrhizæ,  
Uvarum passarum mundatarum ana unciam semis,  
Cicerum rubrorum unciam unam,  
Cymarum Althææ,  
Malvæ,  
Helxines,  
Pimpinellæ,  
Plantaginis,  
Adianti albi, & nigri ana manipulum unum,  
Sem. quatuor frig. major. & minor. ana drachmas tres,

Incisa coquantur ex aquæ libris novem, usque dum quatuor super sint: deinde cum Sacchari albi libris quatuor, fiat ex arte Syrupus.

*Ardorem urinæ demulcet, & crassam, obstruentemque pituitam, nec non viscidam purulentamque renum saniem, & arenulas blandè expurgat.*

Incommoda à mucilagine viscidissima & oleaginitate seminum metuenda Welschius præcavere censet 1. si radices, herbæ & semina non contundantur, sed tantum incidantur, exceptis solis ciceribus, qui crassiuscule contundi possint; 2. si major aquæ quantitas sumatur; 3. ne nimis diu decoquantur ante expressionem & sacchari additionem. Unde sequentem ceu verum & plane possibilem modum subjungit: *℞. Specierum omnium præscriptam quantitatem, incide omnia, & solos ciceres crassiuscule contunde, adfunde aquæ fontanæ ℥ix. coq. ad remanentiam ℥vij. exprime, expresso adde sacchari ℥iv. clarifica cum ovorum album. trajice per manicam Hipp. coq. ad debitam*



tam consistentiam. F. Syrupus. Destillatione tamen etiam parari posse hac ratione, subjungit: R. Ingredientia omnia præscripto pondere, add. aquæ ℥ix. macera, destilla in cucurbita vitrea ℥xvj. quas serva, deinde residuum exprime, expresso add. sacchari ℥iv. clarifica cum ovi album. trajice per manicam Hipp. coq. ad consistentiam debitam, uti adiantinum, quo de vid. infra, & deinde ab igne remoto add. aquæ destillatæ ℥xvj. F. Syrupus.

### SYRUPUS ANTICAUSODICUS.

R. Mellis clarificati uncias fedecim,

Succi Sempervivi majoris uncias quatuor,

Cancrorum fluviatilium,

Phlegmatis Vitrioli ana uncias duas semis,

Aceti rosati uncias tres,

Coquantur secundum artem ad justam consistentiam.

*In causo ejus usus esse potest, linguam enim siccam humectat, asperam lenit, & æstuantem refrigerat.*

### SYRUPUS DE ARTEMISIA.

R. Herb. Artemisiæ manipulos duos,

Pulegii,

Melissophylli,

Dictamni Cretici,

Sabinæ ana manipulum unum,

Flor. Hyperici manipulum semis,

Rad. Rubeæ,

Rusci ana uncias duas,

Sem. Nigellæ unciam semis,

Cassiae lignæ unciam unam,

Sacchari albi libras duas.

Coquantur cum aquæ font. libris quinque secundum artem in Syrupum.

*Mensium obstructionibus, uteri suffocationibus, & partui difficili medetur.*

Syrupum hunc ex Fernelio desumptum, prolixæ admodum compositionis cum esset, Collegium nostrum A. 1684. novam Dispensatorii hujus editionem parans, immutare, & contractiorem hanc, non minus tamen proficuum, substituere voluit; unde quem Welschius præparandi modum adscribit, de antiquiori illo intelligendus erit, qui hac ratione ab eo exponitur: R. Species præscriptas præscripto pondere concisas & contusas immitte cucurbitæ vitreæ, affunde aquæ ℥vij. macera per 24. horas, & destilla inde ℥xvj. quas serva. Residuum adfusa novæ aquæ s. q. (species enim propter insignem copiam, priorem omnem in se absorbere solent,) coque, deinde fortiter exprime, expresso adde sacch. ℥iv. clarifica cum ovi album. trajice per manicam Hipp. coq. ad consistent. debitam, cui ab igne remoto admisce aquæ supra destillatæ ℥xvj. F. Syrupus.

### SYRUPUS DE CORTICIBUS AURANTIORUM.

R. Corticum Aurantium recentium & extimorum uncias sex,

Vini albi Neccarici fortissimi libram unam.

Macerentur per viginti quatuor horas, in loco calido, benè obturato vase, postea Vinum decantetur, filtretur, & cum Sacchari clarificati ultra consistentiam tabellarum cocti sufficiente quantitate permiscendo fiat Syrupus.

*Ventriculum frigidum roborat, coctionem adjuvat, flatu dispellit, ac cordis vires adauget.*

Welschius in Zvvelferiano modo taxat, quòd 1. aquæ vel vini ℥i℥ à corticibus aurantium abstrahat ferè usque ad siccitatem, adeoque ignorare videatur, quot unciae prolici debeant, quæ sufficere possent; 2. pondus sacchari duplicarit, à quo Syrupus omnino minus efficax reddatur; 3. residuum in cucurbita denuò adfusâ aquâ coquat, cum tamen non faciendum sit per plura, quod fieri potest per pauciora, quod ex suo, nempe Welschiano modo pateat; 4. idem decoctum ad consistentiam tabulati cum saccharo coctum pro Syrupu adhibeat, quod tamen in Augustanorum modo antiquo, effectu & viribus carere innuit; 5. de hoc decocto scribat, clarificandum esse, si opus sit, cum semper



opus sit & ceu regula generalis in omnibus Syrupis conficiendis observari debeat; 6. decoctum peculiariter, saccharum verò omnino non clarificet; 7. rerum suarum plane incertus, aquæ prolectæ f. q. admiscere jubeat, nullâ mensurâ determinatâ; cum verò sacchari libris duabus non plures quàm ℥xiii℥ immisceri possint, reliquarum unciam virtus spirituosa, balsamica, calida & subtilis Syrupo decedat; 8. ebullitione institutâ partium subtilium aliquas evanescere faciat; id quod in pluribus aliis subsequētibz Zvvelferus non minùs incautè satis peragit.

Welschius autem hunc in modum parat: ℞. Corticum aurantium recentium & exteriorum à carne diligenter purgatorum ℥j. quibus concisis & cucurbitæ vitreæ immixtis adfunde aquæ font. aut vini Malvatici ℥i℥. macera per 24. horas, destillando in MB. prolice ℥vi. ℥vi. quas serva. Residuum exprime, expresso adde sacchari ℥j. clarifica cum album. ovi, trajice per manicam Hippocratis dictam, coque ultra consistentiam tabellar. cui ab igne remoto admisce aquæ supra prolectæ ℥vj. ℥vj. F. Syrupus.

### SYRUPUS FLORUM BELLIDIS.

℞. Florum Bellidis hortensis flore rubro libram unam semis, Macerentur in Aquæ fontanæ libris duabus per viginti quatuor horas, postea exprimantur, & cum

Sacchari albi libra una coquendo, & albumine ovi clarificando fiat Syrupus.

*In aperiendis obstructionibus, hepatis præsertim, efficax; in pectoris vulneribus curandis, & sanguine coagulato resolvendo utilis existit.*

### SYRUPUS DE BERBERIBUS.

℞. Succi Berberum depurati libras duas,  
Sacchari libram unam semis.  
Fiat ex arte Syrupus.

*Refrigerat, & modicè attenuat: febribus malignis confert, bilem re-*

*primit, febrium æstus delet, ac immoderatam sitim compescit, & biliosis ventris profluviiis salutaris est.*

Welschius hunc Syrupum ita parat: ℞. sacchari ℥ij. solve cum aqua font. clarifica cum album. ovi, trajice per manicam Hipp. coque ultra consistentiam tabell. cui ab igne remoto adde succi berberum depurati & per chartam emporeticam transmissi ℥j. ℥i℥. F. Syrupus. *Ast minor succi berberum quantitas & qua sacchari mole longe sit inferior, cum hac ratione Syrupo accedat, illi verò, non huic virtutes adscriptæ debeantur, minùs commodum videtur, coctionem succi, ob minutias illas particularum nonnihil subtilium, neque etiam in hoc Syrupu necessariarum omittere.*

### SYRUPUS DE BORAGINE.

℞. Florum Boraginis recentium libras sex,  
Aquæ fontanæ puræ calentis, quantum sufficit.

Fiat infusio per horas viginti quatuor, postea exprimantur, & Colaturæ libræ quinque cum Sacchari libris duabus semis, coquantur secundum artem, ad formam Syrupi.

*Prodest hic Syrupus maniacis ac melancholicis, pectus quoque humectat & lenit, nec non syncopen & animi defectiones è corde natas arcet, cujus etiam tremori, palpitationi & imbecillitati succurrit.*

Potest etiam Syrupus hic, ex succo, sequenti modo parari: ℞. Succi Boraginis defæcati, & cum albuminibus ovorum clarificati libras octo: In hoc succo calente, infunde per horas duodecim, florum Boraginis recentium libram unam: postea colentur, & cum Sacchari libris quatuor fiat Syrupus.

Welschius hunc ad modum Syrupi de floribus aurantium, qui inferius proponetur, & destillatione peragitur, esse parandum statuit.



SYRUPUS DE SUCCO  
CARDUI BENEDICTI.

℞. Succu Cardui Benedicti depura-  
ti libras tres,  
Sacchari clarificati libras duas,  
Fiat coctione Syrupus.

*Febribus malignis ac pestilenti-  
bus confert, humorum putredinem  
arceat, sudores prolicit, vermes enecat,  
& pleuritidi auxiliatur.*

Præparationem hujus Syrupi ad methodum Sy-  
rupi de betonica instituit Welschius.

SYRUPUS CERASORUM  
ACIDORUM.

℞. Succu Cerasorum acidorum  
per residentiam defæ-  
cati libras sex,  
Sacchari clarificati libras tres,  
Fiat Syrupus.

*Ad internos æstus efficax: sitim  
extinguit, appetitum instaurat, fe-  
brium incendia reprimit, bilis fero-  
ciam domat, mulierum malacia  
prodest, cordis denique vires tuetur.*

Sumenda hîc sunt Cerasa illa acida, aliquibus  
Duracina dicta, quæ nos vulgari idiomate *Weireln*  
nominamus, atque ex eorum succo, ubi probè ma-  
turuerint, Syrupus hic conficiendus.

Quamvis Welschius verum modum parandi  
hunc Syrupum credat, ubi ℥iij. Sacchari in aqua  
fontana solutis, & post clarificationem cum albumi-  
ne ovi, per manicam Hipp. trajectis, nec non ultra  
consistentiam tabell. coctis succi cerasor. acid. per  
residentiam depurati & filtrati ℥xx. ℥ij. admiscen-  
tur, ob majorem tamen succi copiam, à quo Syru-  
pi virtus dependet, (Confer. Syr. de berber.) prior  
ille Augustanorum præferendus est; neque etiam  
minutiæ illæ drachmarum duarum, præter uncias  
viginti, hîc & in aliis quibusdam, tam præcedenti-  
bus quàm sequentibus Syrupis requisitas, attendere  
opus est, cum nonnihil plus minusve addidisse, Sy-  
rupi justæ consistentiæ nihil derogare valeat.

SYRUPUS DE CHAME-  
MELO.

Præparatur ex florum infusione,  
colatura & Saccharo, uti antece-  
dens de Boragine.

*Usus ejus est in colica & iliaca,  
itemque affectibus uterinis à frigore  
enatis. Additur potissimum in ene-  
mata, ubi flatus evocare necesse est.*

SYRUPUS DE CINNA-  
MOMO.

℞. Cinnamomi optimi, crassius-  
culè contusi uncias quinque:  
Ponantur in cucurbitam vitream,  
addanturque

Aquæ Cinnamomi optimæ  
cum vino destillatæ libræ  
duæ,

Aquæ rosarum odoratissimæ  
unciæ duæ.

Stent in loco calido, bene obtu-  
rato vase, ne quid exspiret, horis  
viginti quatuor; deinde filtren-  
tur, atque cum Sacchari albissi-  
mi clarificati & ultra consisten-  
tiam tabellarum cocti sufficiente  
quantitate

Fiat Syrupus.

*Vitales spiritus plurimum recreat,  
cor ac ventriculum à frigore langui-  
dum reficit, & coctionem juvat.*

In Zvvelferiano modo Welschius animadvertit,  
quod 1. prima destillatio usque ad siccitatem impe-  
retur; 2. ter vel quater repetatur, semper accepto  
recenti cinnamomo; 3. cinnamomo à trina destil-  
latione residuo adfundat vinum Malvaticum & a-  
quam rosarum, & sic denuo destillet, quod sit, la-  
bores multiplicare, & per compendium fieri possit;  
4. extractum liquidum peculiariter, Saccharum ve-  
rò non clarificet; 5. pro Sacchari ℥iij. accipiat  
tantum extracti hujus liquidi ℥j. (imò nec tantum,  
cum à clarificatione ipsi aliquid decesserit,) quæ sit  
nimis exigua quantitas pro Saccharo solvendo, &  
in Syrupum elegantem coquendo; 6. aquam cinna-  
momi ter destillatam, cum altera illa ex vino Mal-



vatico &c. prolecta iterum per arenam destillet, quod nihil aliud sit quam facere per plura, quod fieri poterat per pauciora; 7. Saccharum ad consistentiam tabulati coquat, coquendum autem sit ultra eandem; 8. aquæ fragrantissimæ ℥i℥. cum Sacchari ℥i℥. misceat, cum tamen plures quam ℥j. ℥iv. ℥vij. immisceri nequeant; 9. aquam fragrantissimam omnem non commisceat Syrupo suo; 10. filtrandam non esse aquam dicat, quod tamen omnes norint, qui aquam & oleum cinnamomi unquam destillarunt.

Welschius hunc modum parandi proponit: ℞. Cinnamomi optimi & acutissimi, in frustula exigua diffracti ℥x. adfunde in cucurbitam vitream immisso aquæ cinnamomi ℥ij. vini Malvat. generosissimi ℥j. (aut vinum Malvaticum posset omitti, & pro illo tantundem aquæ cinnamomi accipi, cum spiritus vini non faciat Syrupos elegantes,) aquæ rosarum ℥ij. macera per 24. horas, deinde destilla, juncturis probe obturatis, quamdiu aliquid exstillat: tum aquam prolectam materiæ residuæ in cucurbita denuo adfunde, & iterum destilla exinde ℥xvj. ℥vij. quas diligenter serva; deinde residuum exprime, expresso adde Sacchari ℥i℥. solve, clarifica cum album. ovi, trajice per manicam Hipp. coque ultra consistentiam tabell. cui ab igne remoto adde aquæ supra destillatæ ℥xvj. ℥vij. F. Syrupus.

## SYRUPUS CORALLIORUM QUERCETANI.

℞. Corallia rubicundissima & elegantissima libram semis.

Succi Berberum perfectæ maturitatis depurati, ut materiam quatuor digitos superemineat, digerantur in calore Balnei vaporosi vel alio moderato per triduum, vel quousque corallia bullulas emittunt, dein quod dissolutum est, per inclinationem separetur, & recentem coralliis relictis succum depuratum rursus affundendo, tantisper id reiteretur, usque dum tota soluta videantur. Pro hujus Succi, corallinæ essentiæ imprægnati libris duabus, sumatur

Sacchari cantii albi libra una:  
& lentâ in M. B. evaporatione redigantur in formam Syrupi.

*Hic Syrupus facit ad omnes affectus ab hepatis vitio scaturientes; confert omnibus fluxionibus hepaticis, dysentericis, & lientericis.*

Præparationem hujus Syrupi Zvvelferianam non esse aspernandam, Welschius judicat, hoc tamen notari debere, ut Sacchari libræ uni, aqua simplici solutæ, clarificatæ, ultra consistentiam tabell. coctæ, atque ab igne remotæ admisceantur succi berber. ℥vj. ℥vj. in quo solut. corall. ℥ij. solutæ sint. Non videtur tamen Welschio ulla hujus Syrupi necessitas esse: siquidem fortasse ex tempore rectius præscriberetur, v. gr. ℞. Syr. de berber. q. s. solut. corall. quantum opus est pro varia intentione. *Quæ sanè omissio Syrupi hujus Welschiani & Zvvelferiani culpam nequit: genuina tamen Quercetani elaboratio, ut elegans satis & paratu maximè possibilis merito in Officinis nostris locum invenit.*

## SYRUPUS DE CORTICIBUS CITRI.

℞. Corticum Citri recentium & extimorum uncias sex,  
Granorum tinctorum, seu  
Chermes drachmas duas,  
Vini albi Neccarici fortissimi  
libram unam.

Macerentur loco calido, vase benè tecto, per viginti quatuor horas; postea Vinum decantetur, & filtretur, atque cum Sacchari clarificati ultra consistentiam tabellarum cocti sufficiente quantitate permisceatur.

Fiat Syrupus.

*Cor & ventriculum roborat: cordis palpitationi medetur, pestilentibus venenatisque morbis resistit:*

Si quis completum desideret hunc Syrupum, Mochi Or. in particula vini citrati soluti & filtrati grana sex eidem immiscere poterit.

Syrupum hunc Welschius è corticibus citri solis rectius parari censet, 1. cum aliis compositus dicendus esset; 2. colorem nonnihil immutent grana chermes; 3. exiguæ vires à ℥ij. granorum istorum, cum sint exsucca & arida, Syrupo accedant; & si omnino tale quid addi deceat, satius esset Syrupum granorum chermes accipere. *Verum quam-*



*vis diversimode confici Syrupus hic queat, tamen 1. non absolute sequitur, atque a potiori fit denominatio, prout nec Syrupus de Absinthio alique simplici tali denominatione indigni a quoquam hucusque censentur; 2. si, uti videtur, coloris impetrandi causa addantur, res bene se habet; 3. sufficit, si tantum virium accedat, quantum desideratur; grana vero ipsa licet sint arida, succum tamen exsiccatum & quasi concentratum recondunt, quem coctione in liquorem dimitunt.*

## SYRUPUS CYDONIORUM.

℞. Succi Cydoniorum acidorum  
depurati libras tres,  
Sacchari albi clarificati libram  
unam semis.  
Fiat Syrupus.

*Languidas ventriculi & viscerum aliorum vires recreat, nauseam ideo & vomitum sistit, lienteriam, & alvi profluvium biliosum, ac dysenteriam hepaticam sedat: cibi adpetentiam excitat, malos succos, biliosos praesertim, concoquit, atque ad expulsionem preparat.*

Welschius hunc Syrupum instar illius de berberibus conficit.

## SYRUPUS DE ERYSIMO LOBELII.

℞. Erysimi totius recentis manipulos sex,  
Radicum Helenii,  
Tussilaginis ana  
uncias duas,  
Herb. Boraginis,  
Cichorii,  
Capillorum Veneris an.  
manipulum unum semis,  
Florum Cordialium,  
Anthos,  
Stœchadis ana manipulum semis,

Seminis anisi drachmas sex,  
Passularum mundatarum unc.  
duas.

Incisa & contusa coquantur in  
Aquæ hordei,  
Hydromelitis ana libris qua-  
tuor,

Succi Irionis unciis sex,  
ad remanentiam librarum trium;  
in expresso liquore dissolvantur  
Sacchari albi libræ duæ.

Fiat lege artis Syrupus.

*Vires ejus sunt pectorales, & magnoperè inprimis in raucedine commendantur.*

## SYRUPUS DE FARFARA.

℞. Succi Farfaræ depurati libras  
tres,  
Sacchari clarificati libram u-  
nam semis.

Decoquantur in Syrupum.

*Refrigerat, lenit, & humectat: calidis ob id pectoris vitiis, tussi, pleuritidi, peripneumoniæ, ac phthisi salutaris, nec non catarrhis salsis, acribus, & in pectus faucesque delabentibus idoneus.*

## SYRUPUS DE FRAGIS.

℞. Succi fragorum depurati libras  
tres,  
Sacchari clarificati libram u-  
nam semis.

Fiat lege artis Syrupus.

*Æstuosis febribus, ac internis incendiis convenit, urinas movet, & renum arenulas expurgat.*

## SYRUPUS DE GLYCYRRHIZA MESUÆ.

℞. Glycyrrhizæ uncias duas,  
Capillorum Veneris unciam  
unam,

Hyss-



Hyssopi unciam semis,

Aquæ libras quatuor.

Species prædictæ in aqua prius fervefacta horis viginti quatuor macerentur, deinde decoquantur ad dimidias: colaturæ addendo

Mellis despumati uncias octo,

Sacchari albi uncias sedecim,

Aquæ Rosarum uncias sex.

Fiat Syrupus secundum artem.

*Thoracem, & pulmones expurgat: ideo diuturna, itemque sicca tussi, ac pleuritidi opem fert.*

Quamvis Saccharum penidium ab alio Saccharo, manum pharmaceuticam non experto, haud parum differat, quia tamen Syrupos paulò turbidiores reddere solet, nec tamen virtuti eorum, si omittatur, multum detrahat, ejus loco, Saccharum album substituere in hoc Syrupo, aliisque nonnullis subsequentibus, volumus.

### SYRUPUS GRANATORUM ACIDO-DULCIUM.

℞. Succi Granatorum acido-dulcium depurati libras quinque,

Sacchari albissimi libras duas semis.

Coquantur in Syrupum.

*Refrigerat, & humectat: nauseam ac vomitum biliosum reprimit, febribusque biliosis plurimum auxiliatur.*

Hujus præparationem instar ejus qui ex succo citri vel limonum conficitur Welschius instituit.

### SYRUPUS DE SUCCO HEDERÆ TERRESTRIS.

℞. Succi Hederæ terrestris depurati libras tres,

Sacchari albissimi libram unam semis.

Coquantur, ut est artis, in Syrupum.

*Ad internos abscessus, cruenta, & saniosa sputa salubris, phthisi me-*

*detur, vasa rupta glutinat, urinas, menses, ac sudores promovet.*

### SYRUPUS DE HYSSO- PO MESUÆ.

℞. Hyssopi,

Rad. Apii,

Fœniculi,

Petroselini,

Glycyrrhizæ ana drachmas decem,

Hordei mundi unciam semis,

Tragacanthi,

Sem. Malvæ,

Cydoniorum ana drachmas tres,

Capillorum Veneris drachmas sex,

Jujubarum,

Sebesten ana numero triginta,

Uvarum passerarum majorum ab arillis liberatarum unciam unam semis,

Caricarum,

Dactylorum pinguium ana numero decem,

Aquæ libras octo.

Coquantur ad librarum quinque consumptionem:

Expressum cum Sacchari albi libris duabus in Syrupum ex arte percoquatur.

*Utimur eo in morbis thoracis invalescentibus, ex frigida, crassa, & lenta materia natis, ubi attenuatione, deterfione ac expurgatione majore opus est: ideo asthmaticos & tussiculosos juvat, obstructions aperit, hypochondriorum dolori, ac renum calculis utilis.*

Welschii modus: ℞. hyssopi, radd. apii, fœniculi, petroselini, glycyrrhizæ ana ʒx. capill. Vener. ʒvj. adfunde aquæ font. ℥ij. macera, destilla



stillā inde ꝑix. quas serva, deinde residuo adde hordei mundati ꝑss. sem. malvæ, cydon. an. ꝑij. jujub. sebest. an. num. xxx. uvar. passar. ꝑss. caricar. dactylor. ping. an. num. x. aq. ꝑvij. coque ad remanentiam ꝑvij. exprime, expresso adde Sacchari penidii (qui velit, sumat simplex,) ꝑij. clarifica cum album. ovor. trajice per manicam Hipp. coque ad consistentiam debitam, talem scilicet, ut ꝑix. supra destillatæ aquæ adhuc admisceri commodè possint, ut F. Syrupus, cui qui velit, addat demum mucilaginem ex tragacanth. ꝑij. extractam, sed probè dilutam; melius tamen foret, hanc plane omittere, quandoquidem intentioni Syrupi hujus videtur potius repugnare; cum tragacanthum glutinet, & sistat potius, quàm incidat & detergat, quæ vires in hoc Syrupō expetuntur: Idem de semine cydoniorum observare poterit, qui velit. *Ast cum rarò sine feri quadam acredine isti sint adfectus, quibus hic Syrupus destinatur, vel hac ratione posset mixtura Mesuana similium ingredientium acrimoniæ adversantium tolerari. Alias etiam omitti absque piaculo posse eadem, non contradicere vellem.*

## SYRUPUS DE JUJUBIS MESUÆ.

℞. Jujubarum num. sexaginta,  
Violarum,  
Sem. Malvæ ana drachmas  
quinque,  
Capillorum Veneris,  
Hordei mundi,  
Glycyrrhizæ ana unciam unam,  
Sem. Papaveris albi,  
Melonum,  
Lactucæ,  
Cydoniorum,  
Tragacanthi ana drachmas  
tres,  
Aquæ font. libras novem.  
Coquantur ad tertias, & colaturæ addendo  
Sacchari libras duas,  
Fiat secundum artem Syrupus.

*Ad tussim siccam, arteriæ asperitatem, omnesque thoracis & spiritalium partium affectus à fluxionibus calidis ortum habentes adcommo-*

*rat, incrassat, & expectorat: eum Manardus ad vesicæ ulcera celebrat, ad quæ lentore dulci, frigido, & mucoso ideoque lenitate opus est.*

Simplex secundum Mesuen fit ex Ziziphiscentum, in Aquæ libris quatuor ad dimidias coctis, cum Sacchari libra una. Utilis ad tenues in pectus destillationes, & sputum liquidius modicè incrassandum.

Welschius ita præparat: ℞. Species præscripto pondere, incisis & contusis adfunde aquæ ꝑvij. destilla in cucurbita vitrea s. a. liquoris ꝑix. quas serva; residuum exprime, expresso adde Sacchari ꝑij. clarifica cum album. ovi, trajice per manicam Hipp. coque ad consistentiam debitam, ut nosti, cui ab igne remoto admisce aquæ destillatæ superioris ꝑix. F. Syrupus.

## SYRUPUS DE LIMONIBUS.

℞. Succi Limonum maturorum  
depurati libram unam  
semis,

Sacchari albissimi clarificati,  
ultra tabellarum consistentiam  
cocti libras tres.

Fiat secundum artem.

*Refrigerat, & acrimoniæ suæ vi penetrat: internis incendiis conducit: putredinem arcet, ac lumbricos enecat: nec non cor, & stomachum reficit.*

Cum hoc Syrupō ille, qui ex Succo pomorum citriorum paratur, & ACETOSITATIS CITRI vulgò adpellari solet, coincidit. Quamvis enim ratione aciditatis in utriusque pomi Succo aliquam differentiam dari, & in Limonibus majorem illam esse, non diffiteamur, eandem tamen virtutem possident; cum cæteroquin Citria poma in ea quantitate & pretio apud nos haberi nequeant, quæ usui nostro satisfacerent.

## SYRUPUS DE SUCCO MENTHÆ.

℞. Succi Menthæ libras tres,  
Abstrahantur leni calore arenæ  
ejusdem uncizæ sex; in re-  
manentia solvatur

Sacchari albi libra una semis.

B

Clari-



Clarificetur cum albumine ovi, atque ad debitam consistentiam coquatur; additâ aquâ per destillationem abstractâ,

Fiat Syrupus.

*Ufus ejus præcipuus est stomachicus, coctionem juvat, cruditates emendat, singultum & vomitum inhibet, ac flatus dissipat.*

Cum huic Syrupo partes subtiliores odoratas, coctione aliâs exhalantes, conservare præstet, destillatione easdem à fuga retractas ut Pharmacopœi nostri, ceu jamdudum observare prudentiores consueverunt, porro jungant, non prohibemus; qualem præparationem Welschius etiam commendat.

## SYRUPUS MYRTINUS COMPOSITUS MESUÆ.

℞. Baccarum Myrti drachmas viginti,

Rosarum rubrarum,

Sandali albi, & rubri,

Sumach,

Balaustiorum,

Berberum ana drachmas quindecim,

Mespilorum. drachmas quinquaginta,

Succi pomorum agrestium,

Cydoniorum ana libram semis.

Omnia cum aquæ font. libris octo coquantur ad medias, colentur, & cum Sacchari libris tribus

Fiat secundum artem Syrupus.

*Hæmorrhagiam omnem, præsertim pectoris, renum, & uteri, cohibet, diabetem ac omnem immodicam evacuationem, uti ventris profluvium, & vomitum sistit.*

Commodissime paratur hic Syrupus autumnali tempore, quando Mespila matura quidem, sed du-

riuscula adhuc nec temporis morâ vel diuturniore situ emollita prostant.

*Syrupus Myrtillorum simplex seu ex succo nostris non est in usu, cum his locis parari nequeat, nisi quis succum Myrtillorum ex Italia, aut Gallia Narbonensi petere voluerit; quantumvis nostri quoque Myrtilli, vulgò Heydelbeer / ad hunc usum maximo-perere celebrentur.*

In hoc myrtino Syrupo Welschius animadvertit, Zvvelferum eundem tantum coquere, cum verò rosæ etiam & sandala, quæ Zvvelferus in Syrupo de Endivia ipsemet destillat, ingredientur, baccæ etiam myrti Italicæ sint odoratissimæ, destillationem magis probat, quod non tantum adstrictio hîc requiratur, sed etiam spirituum, quos hæmorrhagiæ quæcunque dissipent, resectio; unde sequentem modum ceu verum commendat: ℞. Species præscriptas; quibus adfunde succos præscriptos, macera, destilla inde ℥xvj. quas serva, residuum exprime, expresso adde Sacchari ℥liij. clarifica, cola, coque ad consistentiam debitam, (diligenter despumando, valde enim spumat,) cui ab igne remoto adde aquæ prædictæ ℥xvj. F. Syrupus. *Augustani tamen prolixiori illo destillationis labore carere malunt, tum quod pauca sint ingredientia destillationi subjicienda, tum spirituosâ sanguinem rarefaciendi & magis commovendi vim habeant; spirituum resectione, sublata hæmorrhagiâ, sponte succedente, commodiusve aliis modis impetrandâ.*

## SYRUPUS DE PÆONIA.

Paratur hic Syrupus eodem modo, quo antecedens de Boragine, ex florum infusione; quamvis aliqui itidem ex ipso florum succo eundem conficiant.

*Epilepsie, convulsionibus, ac spasmo auxiliatur: menses ducit, uterinis quoque aliis affectibus opitulatur.*

Syrupum hunc, ut & qui sequuntur, de Papavere erratico, florum Paralyseos, & Pilosellæ ad modum Syrupi de boragine Welschius conficiendos esse judicat.

SYRU-



# SYRUPUS DE PAPAVERE SIMPLEX MESUÆ.

℞. Caputum Papaveris albi & nigri recentium & cum feminibus, ana uncias septem & semis.

Aquæ pluvialis libras octo.  
Decoquantur ad remanentiam libræ unius & dimidiæ: cui addantur

Sacchari albissimi uncia octo.  
Fiat Syrupus, ut est artis.

*Ufu creber arcendis defluxionibus calidis, tenuibus, & acribus in thoracem ruentibus, quæ asperam arteriam faucesque exasperant; proinde tussim ex defluxionibus iis enatampellit, & somnum blande conciliat.*

# SYRUPUS DE PAPAVERE ERRATIGO, QUOD ALIIS PAPAVER RHOEAS DICITUR.

Fit ex florum infusione, ut Syrupus de Boragine: quamvis ex succo quoque parari queat.

*Ad ardentium febrium vehementes æstus adhibetur, quos moderatur, vigilasque arcet; calidis præsertim pectoris malis, utpote peripneumonia, acribus destillationibus, faucium inflammationibus, ac pleuritidi, cui à proprietate quam maximè prodesse creditur, salutaris existit.*

# SYRUPUS DE SUCCO PLANTAGINIS.

℞. Succu Plantaginis defæcati libras tres,

Sacchari albi libram unam semis.

Coquantur, ut est artis, in Syrupum.

*Utiliter internis vasorum disruptionibus adhibetur: proinde cruentis sputis, ac renibus sanguinem fundentibus auxilio est, dysenteriam quoque, hæmorrhoides, & menses nimium fluentes reprimat.*

Hunc quoque Syrupum, mediante destillatione, nempe ut Syrupum de Betonica simplicem, Welschius parari jubet; quæ tamen hæc opus esse videtur, cum vis adstringendi tantum in ipso expectatur.

# SYRUPUS PRUNORUM SYLVESTRIVM.

℞. Succu Prunorum sylvestrium depurati libras tres,  
Sacchari clarificati libras duas.  
Coquendo fiat Syrupus.

*Vim habet exsiccandi, adstringendi, & incrassandi; unde in profluviiis alvinis, & sanguineis utilis censetur.*

# SYRUPUS DE RIBI- BUS.

℞. Succu Ribium depurati libras tres,  
Sacchari libram unam semis.  
Fiat ex arte Syrupus.

*Incendio febrili salubris existit, sitim sedat, nec non cholerae, cardiacisque succurrit.*

# SYRUPUS DE ROSIS SICCIS.

℞. Rosarum rubrarum exsiccatarum libram unam.

Infundantur in aquæ calentis puræ sufficiente quantitate, horis viginti quatuor, postea in expressione diluatur Sacchari albissimi libra una, & coquantur ex arte in Syrupum.



*Ad omnem alvi fluorem sistendum commendatur : unde coeliacos, lientericos, ac dysentericos juvat : partes internas roborat, ulcera detergit, ac glutinat, vomitum compescit, nec non uteri rheumatismum cohibet.*

Welschius hunc Syrupum uti rosatum simplicem, inferius describendum, fieri debere censet, nempe per destillationem; *ast si aqua destillata rosarum purgandi vim inesse, quod ibi adstruitur, concedatur, destillationem hic obesse, ideoque esse negligendam, vel saltem aquam destillatam huic Syrupo non admisceri debere, sequitur; cum non purgandi, sed sistendi vires exercere debeat.*

### SYRUPUS DE RUBO IDÆO.

℞. Succi baccarum Rubi Idæi depurati libras tres,  
Sacchari albi libram unam semis.

Coque secundum artem in Syrupum.

*Februm aestus mitigat, alvum blandè adstringit, ob id diarrhoeæ & dysenteriae, biliosisque alvi fluxionibus opitulatur: cordis insuper vires tutatur & auget.*

Welschius ut Syrupum de Berberibus hunc parare docet.

### SYRUPUS DE SCABIOSA.

℞. Succi Scabiosæ defæcati libras tres,

Sacchari libram unam semis.  
Coque ex arte in Syrupum.

*Pectoris noxis plurimum prodest, & anhelam senum tussim sublevat, pleuritidi confert, malignis febribus resistit, & apostemata sanat.*

Ad modum Syrupi de Betonica simplicis Welschius hunc conficit.

### SYRUPUS FLORUM TUNICÆ.

Fit, ut Syrupus Rosatus simplex.

*Ad precipuos cordis affectus tollendos efficax, ejus tremorem ac syn copas fugat; animique deliquiis opitulatur.*

Welschius hunc Syrupum, juxta normam in Syrupo florum Aurantiorum, aut Violarum tradendam, conficit.

### SYRUPUS VIOLATUS EX FLORIBUS.

℞. Florum Violarum Martialium libram unam, eos diligenter è caliculis excerptos, & à viridi caule repurgatos, in libra una semis aquæ per viginti quatuor horas infunde, postea cola & exprime; expressum cum sacchari clarificati ultra consistentiam tabellarum cocti sufficiente quantitate

Fiat lege artis Syrupus.

*Efficacissimus est in pectoris ac faucium morbis calidis: acres defluxiones demulcet ac temperat, sitim relevat, gutturis asperitatem mitigat, refrigerat & humectat.*

Elegans est modus, quem docet Quercetanus, quo dicti Violarum flores in mortario marmoreo, pistillo ligneo, fortiter contunduntur, & cum triplo Sacchari ultra Syrupi consistentiam cocti permiscuntur & exprimuntur. Et talis parandi modus Welschio admodum commendatur, qua meliorem nondum uspiam se vidisse testatur; ex modis autem Zvvelferi, quos duos proponit, neuter ipsi placet; in utroque enim taxat; 1. quod faciat infusionem, quæ genuinum colorem non servat, sed immutat, unde etiam eum purpureum, & purpureo-violaceum adpellat; 2. in vase stanneo, vel stanno obducto, quod tinctore aliquo dignius, quam pharmacopœo sit, infundat, cum vitreum esse queat; 3. Saccharum pulverisatum aut contusum accipiat, ex quo, nisi solvatur & clarificetur, elegans Syrupus nunquam fieri possit; 4. libris duabus



bus Sacchari addat infusi aut succi ℥ij. ℥iij. quæ quantitas nimia sit; 5. solâ dissolutione Syrupum fieri velit, quod sæpe jam reprehendit; 6. Syrupus durabilis non sit, nisi multum in MB. evaporarit; 7. ex floribus à bina infusione relictis alium Syrupum componat; qua ratione Syrupo priori aliquas vires decedere sequitur, quas alias omnes medicamento accedere debere urget; 8. in secundo modo ebullitionem inutilem & noxiam suadeat.

## MEL ANTHOSATUM.

℞. Mellis Rosati simplicis ad majorem spissitudinem cocti libras tres,

Florum Rorismarini recentium contusorum manipulos sex.

Stent in infusione, loco calido, horis viginti quatuor, deinde exprimantur, & fiat colatura, ut artis est.

*Colicos ac uterinos dolores mitigat, cerebri, cordis, & ventriculi vires auget, & crudam in intestinis, ac circa mesenterium, pituitam digerit ac flatus discutit. Additur in Enemata, ubi paresis ex colica metuitur, nervosas enim partes à noxis defendit.*

Aliter sic paratur: ℞. foliorum rorismarini libram unam, Aquæ fontanæ libras sex. Stent in infusione per horas duodecim, abhinc secunda & tertia vice, reassumto novo Roremarino repetatur infusio, cujus colaturæ libris quinque adde Mellis optimi despumati libras quatuor. Coque secundum artem. Cum vero in pluribus locis florum Rorismarini tanta non extet copia, quæ huic melli parando sufficiat, non minori efficacia herba ejusdem substituitur. Rondeletius, Renodæus, & alii libras tres Mellis accipiunt; ac in eo libram unam florum Rorismarini infundunt, & insolatione sola Mel anthosatum parant.

Welschius in Zvvelferi modo taxandum esse arbitratur, quod 1. flores Rorismarini etiam in Melle rosato, debitam suam consistentiam nactus, infundat, cum tamen tum alibi, tum ex gr. pag. 20. corticum citri in Syrupum eorum injectionem admodum exagitet, quod decoctum quoddam Sac-

charo imprægnatum, atque ad Syrupi consistentiam coctum, ob lentorem & crassitiem, aliarum rerum essentias extrahere nullo modo possit; 2. flores Rorismarini recentes non esse succulentos, contra sensus & experientiam dicat; 3. obscure & imperfecte modum suum reformatum tradiderit; cum enim flores Mellis infundat, modum, quo iterum separari debeant, non edixerit, nec quomodo mel ipsum despumari & clarificari possit, quod utut satis ante coctum, accedente tamen nova humiditate, & coctione in alembico, semper spumare soleat. Ipse autem Welschius talem modum proponit: ℞. florum rorismar. recent. M. vj. (qui fortius voluerit, accipiat plures, cum tamen una vice manipuli sex vix haberi possint, paulatim colligantur, & quotidie quantum haberi possunt, infusioni injiciantur,) adfunde aquæ font. ℥iij. (pro aqua communi etiam aquam rorismarini quis posset sumere, (cum verò postea saltem aqua ℥xiiij. abstrahantur, reliqua ℥xxiij. in coctione sequenti inutiliter in auras abirent, stent in digestionem, postea destilla inde ℥xiiij. quas serva; residuum exprime, expresso & clarificato adde mellis optimi ℥iij. aquæ font. q. s. (qua tamen non opus est, cum fere libra dua ab infusione præcedente accesserint,) despuma diligenter, cola per manicam H. & coque ultra consistentiam suppositoriorum, cui ab igne remoto admisce aquæ supra destillatæ ℥xiiij. F. Insuper Welschius Rondeletii & Renodæi modum, qui per insolationem in vase bene obturato instituitur, meliorem esse longa & laboriosa, non autem artificiosa Zvvelferi præparatione judicat; in qua insuper reprehendit: 1. duplicem aquæ exstillationem, & prioris tantum libræ unicæ, quæ quantitas nimis sit exigua, pro mellis ultra ordinariam & satis crassam consistentiam evaporati libris quatuor, adservationem; 2. incertam, quod illo: suff. quant. denotatur, aquæ illius mellis additionem; 3. quod scribat: quo plus aquæ spirituosæ immisceri possit, eo præstantius Mel evadere, & tamen ipse libram unam saltem immisceat, cum alteram etiam dimidiam libram jungere potuisset, atque ita 4. dimidiam hanc libram disperdat; 5. quod mel non sumat despumatum, sed simplex & clarum, ambigua determinatione. Modum verò suum Welschius his verbis exponit: ℞. herb. rorismar. ℥iij. adfunde aq. font. (qui volet, poterit aquam rorismarini adfundere,) ℥vj. macera per 24. horas, destilla inde ℥xxj. quas serva; residuum exprime, & clarifica cum album. ovi, adde mell. opt. despum. ℥iv. & una vel altera ebullitione facta, trajice per manicam Hipp. tum coq. ultra consistentiam supposit. cui ab igne remoto admisce aquæ supra destillatæ ℥xxj. F.

## MEL MENTHÆ.

℞. Succu Menthæ purificati libras duas,



Mellis optimi despumati tantundem.

Coquantur ad justam consistentiam.

*Ventriculum frigidum fovet, coctionem adjuvat, ac pituitosos faucium tumores discutit.*

In modo parandi Zvvelferiano Welschius reprehendit, quòd 1. succo menthæ immergat herbam ejusdem, & sic destillet, cum aut merum succum, aut solam herbam compendiosius fumere potuisset; 2. in aqua prolecta denuo mentham infundat, labore plane superfluo, cum istas herbæ hujus uncias quatuor cum prioribus destillare potuisset; 4. ambigue de melle loquatur, dum clarum desiderat, quo vocabulo incertum, an despumatum, vel aliud quodcunque intelligatur, & propterea pondus exacte determinari nequeat, cum longe aliud sit libras duas, & aliud libras tres accipere; 5. de aqua supra destillata tantum jungere præcipiat, quantum ad justam consistentiam sine coctione sufficiat: nam si mellis non despumati sumat ℥ij. tum plus immisceri non posse quàm ℥ix. restare igitur de libra una uncias tres, quæ superflue; si verò accipiat mellis non despumati ℥iij. tum immisceri posse ℥xiii℥. adeoque deficere unciam unam semis; si mellis despumati sumat ℥ij. tum plus immisceri non posse quàm ℥x℥. restare igitur ℥i℥, quæ superflue; si verò mellis despumati accipiat ℥iij. tum immisceri posse ℥xv℥. ℥ij. deficere ideo ℥iii℥. ℥ij. Welschius verò sequentem modum pro vero adducit. ℞. succi menthæ purif. ℥ij. destilla inde ℥x℥. quas serva: residuo adde aquæ font. q. s. clarifica cum album. ovi, adde mellis despumati ℥ij, una vel altera ebullitione facta, trajice per manicam Hipp. coque ultra consistentiam supposit. cui ab igne remoto admisce aquæ supra destillatæ ℥x℥. F.

### MEL ROSATUM SIMPLEX.

℞. Rosarum rubrarum recentium libras novem.

Contusæ infundantur in

Aquæ fontanæ puræ & calentis libris duodecim

per horas viginti quatuor; Colaturæ libris quinque addantur libræ quatuor Mellis.

Coquantur simul, ut artis est.

*Ventriculum roborat, detergit, viscidosque succos & crudos coquit & expurgat: putredini oris, prout & gingivarum tonsillarumque inflammationibus adversatur.*

Mel hoc à Welschio sic paratur: ℞. rosar. ℥ij. adfunde aquæ s. q. contunde, inde cucurbitæ, destilla ℥xiv. quas serva; residuo expresso adde mellis opt. ℥v. despuma; trajice per manicam Hipp. coque ad consistentiam supposit. cui ab igne remoto adde destillati superioris ℥xiv. F.

### OXYMELI SCILLITICUM MESUÆ.

℞. Mellis despumati libras tres, Aceti Scillitici libras duas.

Coquantur lento igne ad perfectam consistentiam.

*Ad cerebri, pulmonis, ventriculi affectus pituitosos, aut melancholicos etiam contumaces utile est. Asthmaticis quoque plurimum confert, venarum obstructions inveteratas reserat, crassosque humores potenter incidit.*

Compositum fit, ut Oxymeli compositum ex radicibus: scilliticum autem simplex juxta modum in Oxymelite simplici parando traditum conficit Welschius.

### JULEP ROSARUM.

℞. Aquæ Rosarum odoratissimæ uncias quatuordecim, Sacchari clarificati & ultra consistentiam tabulati cocti libras duas.

Misce.

*Cordiale medicamentum est: totius corporis exaestuationi confert, vitalesque spiritus reficit.*



Welschius in Zvvelferi modo taxat, quòd 1. aquæ rosarum odoriferæ libris duabus rosas alias addat, quod laborem superfluum implicet, cum in prima statim destillatione conveniens earum quantitas pro acquirenda aqua fragrantissima accipi queat; 2. aquæ tantum ℥xv. vel xvj. proliciat, relictis in cucurbita ejusdem unciis octo vel novem; 3. Saccharum albissimum vel clarificatum præscribat, quæ non sint unum & idem, utrumque tamen pro eleganti Syrupò obtinendo observari debeat; 4. ex sola Sacchari albissimi vel clarificati in aquæ rosar. ℥xv. vel ℥xvj. dissolutione Julepum hunc parare doceat; cum ex Saccharo simpliciter intellecto, absque clarificatione, nullum Julepum elegantem producere liceat, clarificatum autem, utpote per se liquidum, aquæ rosarum admixtionem, multo minus illam tot unciarum non admittat. Ipse verò talem genuinum modum adducit: R. Sacchari albiss. ℥ij. solvè cum aquæ font. f. q. clarifica cum album. ovi, trajice per manicam Hipp. coque ultra consistentiam tabell. cui ab igne remoto admisce aquæ rosar. optimæ & fragrantiss. ℥xiii. F. Quem etiam modum in Julepi sambuci & violarum præparatione observat.

### JULEP SAMBUCI- NUM.

Paratur eodem modo, ex Aqua Sambuci è floribus destillata, & Sacchari sufficiente quantitate.

*Serosos in corpore humores blandè temperat, calores febriles mitigat, & sudores elicit.*

### JULEP VIOLARUM.

Ex Aqua florum violarum, uti præcedentes, cum saccharo conficitur.

*Febrium incendia reprimit, vigilias levat, ac faucium afflictionibus à salsi aut acris humoris influxu enatis succurrit.*

### DIACARYON, SEU ROB NUCUM GALENI.

R. Succi Corticum viridium Juglandium diebus canicularibus extracti libras quatuor,

Mellis libras duas.

Coquantur, ut est artis.

*Stomacicum est Medicamentum: admodum efficax ad oris phlegmonas & synanchas, nec non destillationes infauces, & alias præfocantes.*

### DIAMORON SIM- PLEX.

R. Succi Mororum domesticorum depurati libras quinque.

In quibus solvatur Sacchari libra una.

Clarificetur cum album. ovi, & fiat coctio ad justam consistentiam.

*In oris, lingue & faucium inflammationibus salubre deprehenditur.*

Delicior nostrorum gustus, repudiato Melle, quondam huic Compositioni destinato, Saccharum substituere nos jubet.

### ROB DE AGRESTA.

R. Omphacii, seu Agrestæ depuratæ libras duas,  
Sacchari optimi libram unam.  
Coque ad spissitudinem mellis.

*Refrigerat & adstringit, unde fluxus malignos ac colliquantes coërcet, sitim sedat, biliosos ructus compescit, & contagiosis morbis opitulatur.*

### ROB DE CORNIS.

R. Pulpæ Cornorum libras duas,  
Sacchari libram unam,  
Coquantur ad debitam consistentiam.

*Poten-*



*Potenter adstringit; unde in fluxibus ventris, dysenteria, lienteria, & cœliaca utiliter exhibetur.*

### ROB CYDONIORUM.

℞. Succi Cydoniorum depurati quantum libet.

Coque ad Mellis spissitudinem.

*Ejus multiplex usus esse solet in diarrhœa biliosa, dysenteria, ac alvi profluviiis à calidis & acerbis humoribus concitatis, vomitiones emendat: cholera morbo medetur, & intestinorum hæmorrhagiam cohibet.*

### ROB CYNOSBATI.

Fit, ut Rob de Cornis, ex fructu Cynosbati, vel Rosarum sylvestrium, qui post florum defluvi-um circa finem Autumni, vel medio Autumno, pulcherrimo rubore maturescit.

*Usurpatur ad renum calculos atterendos, & arenulas eorundem expurgandas, hæmorrhagias etiam uteri, renum ac vesicæ cohibendas: dysentericis quoque auxilio est.*

### ROB EBULINUM.

℞. Succi Granorum Ebuli libram unam.

Inspissetur lento igne, additâ librâ semis Sacchari.

*Bilem, pituitam, & serum detrahit, sudores movet, ac ob prædicta hy-*

*dropicos adjuvat: leucophlegmatia, & podagra, procurato ab ejus sumptione sudore, medetur.*

### ROB JUNIPERINUM.

Eodem modo, quo prius, parari consuevit.

*Frigidis ventriculi, intestinorum ac uteri malis magnoperè prodest; urinas, menses, calculos ejicit: renes & vesicam à mucositate repurgat, flatus ventris discutit, pectus à crasso & tenaciùs infarcto phlegmate expurgat, venena pellit: ob id plebi adversus aëris infectionem, & contagiosos morbos antidotus familiaris existit.*

### ROB PRUNORUM SYLVESTRIUM.

Fit ex pulpa Prunorum sylvestrium, ut Rob de Cornis.

*Dysenteriam, diarrhœam, ac ventris profluvia, præsertim verò serosa & biliosa, adstringendo, retardat.*

### ROB SAMBUCINUM.

Fit, ut Ebulinum.

*Ebulino viribus affine est; etenim ictericos & hydropicos juvat, in erysipelate prodest, sudoresque prolicit, ac serum acre, nec non biliosi ichoris abundantiam evacuat.*



## CLASSIS PRIMÆ

## SECTIO SECUNDA,

DE

MEDICAMENTIS MINUS  
USUALIBUS.SYRUPUS DE SUCCO  
ACETOSÆ MESUÆ,

℞. Succī Acetosæ depurati libras tres,  
Sacchari clarificati libram unam semis.  
Coquantur ad Syrupi consistentiam.

*Febribus biliosis & pestilentibus salubris, viscerum nimium calorem moderatur, ipsaque roborat.*

Welschianus hunc Syrupum parandi modus :  
℞. succi acetosæ depurati ℥vj. inde cucurbitæ vitreæ, destilla aquæ ℥xx. quas serva; residuum mox exprime, expresso adde Sacchari ℥iij. clarifica cum ovi albumine; trajice per manicam Hippocratis dictam, coque ultra consistentiam tabell. pharmacopœo notam, ab igne remoto admisce aquam supra destillatam. F. Syrupus. Potest etiam absque destillatione parari, ut Syrupus de betonica simplex. Quod si cui placuerit, poterit magma illud seu recrementum expressionis probe exsiccatum in cinerem redigere, exinde sal, ut moris est, elicere, & Syrupo deinde adjungere, id quod etiam in omnibus aliis Syrupis observari secundum Welschium potest. *Verum sal hoc quia lixiviosam naturam habet, Syrupo huic ut admisceatur, non conducere potest, quod ob alcalicam suam vim, gratam, utilem & expetitam Syrupi aciditatem admodum immutat ac destruit; id quod etiam de reliquis Syrupis acidis intelligendum est. Prout nec in aliis quibusdam, adstrictoriam nempe facultatem, cui sal alcalicum contrariatur, præ se ferentibus, locum additio hæc facile inveniet; in aliquibus autem, ex. gr. è violis parato, coloris & saporis nativam gratiam inde perverti contingit. Caterum quod perpaucas subtiles particulas, destillatione obtinendas attinet, maxime huc quadrat, quod supra circa Syrupum de absinthio fuit monitum. Succī autem acetosellæ depurati sufficientem quantitatem cum Saccharo clarificato ad crassissimam consistentiam cocto miscere, non inelegantem quidem preparationem innuit, ast ob parciorum succi, cujus vires tamen unice hîc expetuntur, minus efficacem Syrupum suppeditat.*

SYRUPUS DE SUCCO  
ACETOSELLÆ.

℞. Succī Acetosellæ depurati libras duas,  
Sacchari clarificati libram unam.  
Coquantur in Syrupum.

*Viscerum inflammationibus, nec non malignis, ac pestilentibus febribus confert, sitim, ac sanguinis ebullitiones compescit, & cor roborat; aphthis etiam auxiliatur.*

SYRUPUS ACETOSUS  
SIMPLEX MESUÆ.

℞. Sacchari clarificati libras quinque,  
Aceti libras tres.  
Coquantur ad justam consistentiam.

*Humorum crassitiem incidit, attenuat & abstergit; unde obstructions aperit, & affectibus calidis, ac biliosis confert.*

Welschius Syrupum hunc sic parat : ℞. Sacchari ℥v. aquæ font. q. s. clarificetur cum albumine ovi, trajiciatur per manicam Hipp. coque ultra consistentiam tabell. cui ab igne remoto adde aceti acerrimi aliquoties per chartam emporeticam transmissi ℥ij. ℥ix. ℥vj. F. Syrupus. Si quis tamen omnino ex aceto destillato Syrupum præoptaret, posset eundem hac ratione parare : ℞. Sacchari ℥v. aquæ font. q. s. clarifica cum ovi albumine, trajice per manicam Hipp. coque ultra consistentiam tabell. cui ab igne remoto admisce aceti destillati per MB. à phlegmate separati ℥ij. ℥ix. ℥vj. F. Syrupus, cui denique adijunge crystallos aceti, ex residuo destillationis f. a. paratos.



## SYRUPUS ACETOSUS COMPOSITUS MESUÆ.

℞. Rad. Foeniculi,  
Apii,  
Endiviæ ana uncias tres,  
Sem. Anisi,  
Foeniculi,  
Apii ana unciam unam,  
Endiviæ unciam semis.

Coquantur lento igne in libris sex aquæ  
ad dimidias : colatura cum

Sacchari albi libris tribus,  
Aceti acerrimi libris duabus,  
Coquatur secundum artem in Syrupum.

*Obstructiones viscerum, jecoris, lienis,  
renum &c. reserat, humorum crassitiem te-  
nuat, urinas promovet, febres compositas  
& nothas, prout & ventriculum bile ac  
pituitâ crassâ refertum corrigit.*

Welschius hunc in modum parat : ℞. species  
præscriptas præscripto pondere ; incisas & contu-  
sas immitte cucurbitæ vitreæ, adfunde aceti acerrimi  
℥ij. ℥iv, macera per 24. horas, destilla in are-  
na ℥xx. quas ferva, deinde residuo adfunde aquæ  
font. f. q. coque & exprime, expresso adde Sac-  
chari ℥ij. clarifica cum ovi album. trajice per ma-  
nicam Hipp. coque ultra consistentiam tabell. no-  
tam, deinde ab igne remoto admisce aceti supra à  
speciebus destillati ℥xx. F. Syrupus. Cui, qui vo-  
let, poterit & sal ex magmate destillationis relicto  
f. a. extractum admiscere ; quod de omnibus Syru-  
pis observari potest ; laboriosum tamen & sumptuo-  
sum hoc esset. Confer. Syrupus ex succo acetosa.  
*Metuendum est in hoc Welschiano modo, ne destilla-  
tio in arena facta, ob magnam specierum molem &  
aceti paucitatem, liquori destillato empyreuma im-  
primat. Si quis autem partium subtiliorum con-  
nubium in hoc Syrupo desideraret, posset species odo-  
ratas in aceto acerrimo macerare, postea colare &  
fortiter exprimere, expressum filtrando depurare, re-  
manentiam cum aqua sufficiente quantitate coquere,  
colare, additâque Sacchari debitâ quantitate, ope  
album. ovi clarificare, ad debitam consistentiam co-  
quere, & tandem præfatum acetum admiscere.*

## SYRUPUS ACETOSUS DIARRHODON MESUÆ.

℞. Rad. Apii,  
Foeniculi,  
Endiviæ ana uncias duas,  
Rosarum unciam unam,

Glycyrrhizæ unciam semis,  
Spicæ drachmas duas semis,  
Sem. Anisi,  
Foeniculi,  
Apii ana drachmas septem,  
Succi Endiviæ,  
Apii ana libras duas semis,  
Aceti libras duas,  
Sacchari libras tres,  
Coquantur lege artis in Syrupum.

*Ufus ejus est ad febres complicatas : he-  
patis & splenis obstructiones aperit, & vi-  
scera corroborat.*

Welschius in Zvvelferi modo taxat, quòd  
1. rosarum dosin, contra Mesuæ mentem dupli-  
cet, præcipue cum à rosis aperientem Syrupi virtu-  
tem impediri credat ; 2. frustra cucurbitam ter-  
ream pro destillatione denominet, quia vitrea etiam  
sufficiat ; 3. duplicem aquam exstillet ; 4. ma-  
cerationem ante destillationem omittat ; 5. pau-  
cas ebullitiones instituat, quibus subtiliores odora-  
tioresque partes exhalare coguntur. Ipse vero  
talem modum proponit : ℞. species omnes, in  
eadem, quam ex Mesuæ Augustani ponunt, quan-  
titate ; incisas & contusas immitte cucurbitæ vi-  
treæ, adfunde succi endiviæ, apii ana ℥iiij. aceti  
optimi ℥ij. macera per 24. horas, deinde destilla  
℥xx. quas ferva ; residuum mox fortiter exprime,  
expresso adde Sacchari ℥ij. clarifica cum album.  
ovi, trajice per manicam Hipp. coque ultra consi-  
stentiam tabell. deinde ab igne remoto adde aquæ  
supra destillatæ ℥xx. F. Syrupus. Cui, qui vo-  
let, sal ex magmate Specierum & herbarum præ-  
scriptarum f. a. paratum addere potest, aut etiam  
alios paratos ex herbis ingredientium succorum sa-  
les adjicere.

## SYRUPUS ADIANTI- NUS FERNELII.

℞. Adianti albi ; id est, Rutæ murariæ ma-  
nipulos tres,  
nigri, seu Capilli Veneris,  
vulgaris, id est, Polytrichi  
aurei,

Saxifragiæ,  
Betoniciæ,  
Pimpinellæ,  
Aspleni ana manipul. duos  
Coquantur ex aquæ libris octo, usque  
dum ad quinque redeant. In expresso sol-  
vantur  
Sacchari albi libræ quatuor,

Mellis



Mellis optimi despumati libra semis.

Fiat ex arte Syrupus.

*Omnes in quacunque corporis parte humores crassos incidit, atque detergit.*

Welschius animadvertit, Syrupus hic ex herbis recentibus ut paretur, frustra à Zvvelfero præcipi, cum apud nos nec Capilli Veneris crescant, nec Asplenium. Ipse verò hunc modum parandi laudat: R. herbas præscriptas præscripta quantitate, inde cucurbitæ vitreæ, adfunde aquæ font. ℥v. stent ita per 24. horas, deinde destillando prolice ℥xvj. quas serva; residuum exprime, expresso adde Sacchari ℥iv. mellis optimi ℥℞. clarifica cum ovi album. trajice per manicam Hipp. coque ad consistentiam debitam (non tamen ad consist. tabell.) ne residuum aduratur, cui ab igne remoto adde aquæ supra destillatæ ℥xvj. F. Syrupus.

## SYRUPUS DE AGRESTA MESUÆ.

R. Omphacii depurati seu Agrestæ libras quinque,  
Sacchari clarificati libras tres.  
Coquantur in Syrupum.

*Adstringit, refrigerat & siccat, ideoque à putredine vindicat, & febribus biliosis, cholera morbo, ac dysenteria medetur. Post cibum sumtus, vomitum immoderatum, ab æstuante bile, aut inflammatione, sanat; prægnantium etiam malaciam emendat.*

Agresta, succus est ex uvis immaturis expressus, paulò antequam maturuerint; is Græcis Omphacium dicitur. Hoc autem loco Agresta sumi debet nondum coctione densata, sed expressa tantum & depurata.

Welschius hac ratione parat: R. Sacchari ℥iv. solve cum aq. font. clarifica cum ovi album. trajice per manicam Hipp. coq. ultra consistentiam tabell. ab igne remoto admisce Omphacii ℥xxvij. F. Syrupus. Confer. Syrupus de Agresta.

## SYRUPUS ANAGALLIDIS.

R. Succum ex herba Anagallidis flore phœniceo, expressi & depurati libras tres,  
Sacchari clarificati libras duas.  
Coquantur in Syrupum.

*Vires ejus sunt cephalicæ, maniacis præsertim commendatæ; potissimum adhibetur in torminibus infantum.*

## SYRUPUS APERIENS MAGISTRALIS D. MIN- DERERI.

R. Succ. depuratorum:

Rad. Cichorii,  
Pimpinellæ ana libram unam,  
Fumariæ,  
Lupuli ana uncias sex,  
Petroselini,  
Foeniculi ana uncias tres,

Rad. Apii,  
Enulæ,  
Asparagi,  
Eryngii,  
Vincetoxici ana unciam unam,

Herbarum Agrimonie,  
S. Kunegundis seu Eupatorii,  
Avicennæ,  
Agerati ana manipul. unum,

Foliorum Cuscutæ,  
Ceterach,  
Adianti utriusque,  
Cardui benedicti,

Comarum Absinthii Pontici,  
Florum Centaurii minoris ana manipulum semis,

Granorum Alkekengi unciam unam,  
Aquæ fontanæ libras tres,  
Aceti Scillitici libras duas,  
Sacchari albi libras tres semis,

Fiat secundum artem Syrupus justæ consistentiæ.

*Omnibus jecoris, mesenterii, hepatis ac venarum mesaraicarum obstructionibus; nec non diuturnis febribus, & ex eis natis cachexiis, ac hydropi prodest. Acui ejus vis potest Spiritu chalcantbi.*

Circa Syrupum hunc animadvertit Welschius: 1. Zvvelferum falso adstruere, quod succos ex radicibus cichorii, pimpinellæ, fumariæ, lupuli, petroselini, & fœniculi expressos Mindererus præscripserit, cum saltem cichorii succum ex ejus radicibus prolectum ab eo fuisse positum, Augustanorum autographum clare satis ostendat; nec



cichorium Augustanis succum denegat, quod nempe in magna satis copia apud nos feritur, ut etiam in acetariis vilissimus quisque copiose comedere soleat; 2. frustra coctionem rejicere, quod scilicet partes subtiliores sic exhalent, quos ipse alibi sæpe coxerit, & hac ipsa in compositione una vel altera ebullitione disperdat; 3. difficile ipsi videri, vires ingredientium quod conservari possint; aliter enim se rem habere, suum parandi modum fidem facere monet, videlicet dum speciebus incisis & contusis ac vitreae cucurbitae immixtis adfundit succos ex radicibus cichorii & herbis &c. ut & acetum scilliticum; macerat per 24. horas, deinde destillat in arena ℥xvj. quas servat; residuum exprimit, expresso addit Sacchari ℥iij/β. clarificat cum ovi album. trajicit per manicam Hipp. coquit ad consistentiam debitam, eique ab igne remoto aquae supra destillatae ℥xvj. admiscet.

## SYRUPUS FLORUM AURANTIORUM.

℞. Florum Aurantiorum recentium libram semis.

Infundantur in aquae fontanae calentis libris duabus, horis viginti quatuor: tum rejectis prioribus floribus, cum totidem novis infusio reiteretur, idque trinâ vice fiat. Tandem colatura depurata cum sacchari albissimi clarificati & ultra tabellarum consistentiam cocti sufficiente quantitate redigatur in Syrupum.

*Cor, ac cerebrum recreat, spiritus instaurat, sudoresque movet, pestilentibus ideo febribus salutaris.*

In Zvvelferiano modo Welschius animadvertit, quod 1. inutiliter flores aurantiorum aqua rosarum humectari jubeat, quæ refrigeret, flores autem calefaciant; nec odor hic principaliter, sed efficax medicamentum requiratur; 2. quantitatem florum non designet; 3. ad Sacchari ℥ij. accipiat aquae fragrantis ℥vij. vel viij. ast has nimias esse, præsertim cum Saccharum cum pari quantitate decocti mucilaginosi, ob lentorem suum, coctione non possit ad consistentiam tabell. redigi; 4. dissolutionem in MB instituat, quod superfluum; 5. Sacchari ℥ij. cum pari decocti quantitate non possit redigi coctione ad consistentiam tabulati, ob decocti lentorem quasi mucilaginosi, adeo ut deinde aquae spirituosae destillatae ℥vij. non queant immisceri, si debita Syrupi consistentia desideretur. Ipse postea suum modum addit: ℞. florum aurantiorum recent. aquae simpl. ana ℥i/β. macera per 24. horas in cucurbita vitrea, juncturis optime obturatis, deinde destilla in MB. & prolice ℥vj.

quas serva, deinde aquam secundam serva pro aliis usibus; residuum exprime, expresso adde Sacchari ℥ij. clarifica cum album. ovi, trajice per manicam Hipp. coq. ad consistentiam mellis crassioris, (ultra enim absque adustione fieri nequit,) cui ab igne remoto admisce aquae prioris destillatae ℥vj. F. Syrupus. Pro delicatulis posset fieri sola permistione aquae flor. aurantiorum cum Saccharo clarificato & debito modo inspissato.

## SYRUPUS E SUCCO AURANTIORUM.

℞. Succi Aurantiorum depurati libras tres, Sacchari albissimi libram unam semis.  
Coquantur secundum artem in Syrupum.

*Dupliciter hic Syrupus preparari potest, è succo nimirum Aurantiorum dulcium, & acidorum: quorum hic nauseam, sitim, & cordis tædia pellit; ille calidis faucium ac pectoris malis opitulatur.*

Welschianus modus: ℞. Sacchari ℥iv. solve cum aqua font. clarifica cum ovi album. trajice per manicam Hipp. coque ultra consistentiam tabell. ab igne remoto admisce succi aurantiorum depurati & per chartam emporeticam transmissi ℥ij. ℥iij. F. Syrupus.

## SYRUPUS DE BETONICA SIMPLEX.

℞. Succu Betonicae depurati libras tres, Sacchari clarificati libram unam semis.  
Coquendo fiat Syrupus.

*Ad capitis & uteri vitia efficax: leniter aperit, concoquit & abstergit, ac menses moderate provocat.*

In primo Zvvelferi modo Welschius taxat, quod ℥ij. succi vel aquae destillando evocet, cum ℥x. ℥j. pro requisita Sacchari ℥i/β. sufficiant; & succi residui ℥ij. pro dicta Sacchari quantitate ad Syrupum elegantem conficiendum nimis sit exigua. In secundo modo, quod 1. succo immergat herbam recentem, cum tamen ex hac nil aliud quam succus aut aqua destillari possit; unde satius fuerit pro ℥iv. succi & ℥ij. herbæ accipere ℥v. succi. Sic enim efficacior fuisset Syrupus, quia ℥ij. herbæ non reddat succi libram integram; 2. suarum rerum, ut ubique fere, plane incertus scribat pro ℥ij. Sacchari destillandam esse aquae ℥ij. h. e. ℥xij. vel



vel ℥xv. atqui illam quantitatem pro ℥ij. Sacchari nimis esse exiguam, hanc verò nimiam, cum ℥xiii℔. sufficiant, ideoque ℥i℔. supersint rejiciendæ: *de quo tamen dubitare liceat, cum Zwelferus in præfatione ad Classẽ primam, ad Sacchari libram unam ut plurimum uncias septem vel octo liquoris requirat, ipse etiam Welschius uncias novem immisceri posse, in notis ad Proœmium Zwelferianum MSS. moneat, qui tamen aliàs ad libram unam Sacchari tantum uncias sex cum totidem drachmis, uti in hoc, ita aliis quibusdam, nimis scrupulose drachmas duas (imò etiam unciam,) detrahens, admittit; 3. sola dissolutione Syrupum fieri velit, cum omne Saccharum sit impurum, & omne ideo clarificandum.* Welschius verò suum modum his verbis proponit: *℞. succi beton. depurati ℥ij. destilla in cucurbita vitrea ℥x. ℥j. quas serva; residuo adde Sacchari ℥i℔. clarifica cum ovi album. trajice per manicam Hipp. coque ultra consistentiam tabulati, cui ab igne remoto admisce aquæ supra destillatæ ℥x. ℥j. F. Syrupus.* Subjungit dein alium simpliciorẽ modum ex succo sine destillatione: *℞. Sacchari ℥iv. solve cum aqua font. clarifica cum album. ovi, trajice per manicam Hipp. coque ultra consistentiam tabell. cui ab igne remoto adde succi betonice depur. & filtr. ℥xxvij. F. Syrupus. Quem tamen posteriorem succi admixti paucitas priori longe inferiorem esse virtute, ostendit.*

## SYRUPUS DE BETONICA COMPOSITUS.

℞. Betonice manipulos tres,  
Majoranæ manipulum unum semis,  
Thymi,  
Rosarum ana manip. unum,  
Violarie,  
Stœchadis,  
Salviæ ana manipulum semis,  
Sem. Fœniculi,  
Anisi,  
Ammeos ana unciam semis,  
Rad. Pœoniæ,  
Polypodii,  
Fœniculi ana drachmas quinque.

Fiat decoctio in libris sex aquæ, ad medietatis consumptionem, colaturæ postmodum addendo

Succi Betonice libras duas,  
Sacchari libras tres.

Fiat f. a. Syrupus.

*Viribus ad simplicem accedit; licet ejusdem usui Syrupus de Stœchade Fernelii successerit.*

Hic Zwelferum in primis taxat Welschius, quòd aquam destillet ferè ad siccitatem specierum, quas ut plurimum recentes vult accipi, unde cum & ipsæ in se quandam humiditatem habeant, hinc destillando ad minimum libræ duæ aquæ impetrentur, quæ quantitas nimia sit pro ℥ij. Sacchari; nisi quæ superflua sunt, una, eaque satis violenta ebullitione exhalare debeant. Welschii modus parandi ita se habet: Species præscriptas præscripto pondere; incisas & contusas inde cucurbitæ vitreæ, adfunde succi betonice depurati ℥vj. (NB. quantitas succi in composito eadem est, quæ in simplici, in hoc nostro modo) macera per horas 24. destilla ℥xx. ℥j. quas serva; residuum exprime, expresso adde Sacchari ℥ij. clarifica cum album. ovi, trajice per manicam Hipp. coque ultra consistentiam tabell. cui ab igne remoto admisce destillati superioris ℥xx. ℥j. F. Syrupus.

## SYRUPUS DE BURGOSLO.

Paratur eodem modo, quo Syrupus de Boragine.

*Quoad vires & Welschianum parandi modum etiam cum eodem convenit.*

## SYRUPUS BYZANTINUS SIMPLEX MESUÆ.

℞. Succ. Endiviæ,  
Apii ana libras duas,  
Lupuli,  
Buglossi ana libram unam.

Ferveant simul, ac depurentur. Postea eorum libræ quatuor cum Sacchari clarificati libris duabus semis, lento igne in Syrupum percoquantur.

*Febres putridas mixtas ex humore bilioso & pituitoso, solutu contumaces juvat: obstructionsque viscerum aperit.*

Circa hujus Syrupi præparationem Welschius Lectorem ad Syrupum de betonica remittit.



## SYRUPUS BYZANTINUS COMPOSITUS MESUÆ.

℞. Succ. Endiviæ,  
 Apii ana libras duas,  
 Lupuli,  
 Buglossi ana libram unam.

In his succis decoquantur.

Rosarum rubrar. uncia duæ,  
 Glycyrrhizæ uncia semis,  
 Spicæ Indicæ drachmæ duæ,  
 Sem. Anisi,  
 Fœniculi,  
 Apii ana drachmæ tres :

Colaturæ addendo

Aceti libras duas,  
 Sacchari albissimi libras tres,  
 Coquantur, ut est artis, in Syrupum.

*Ad prædicta omnia valentior; hepatis inprimis & splenis pertinaces obstructions referat, ventris inflationi, ac hydropi incipienti medetur.*

Welschianus parandi modus: ℞. Species præscripto pondere, immitte in cucurbitam vitream, adfunde succos & acetum præscripta quantitate, destilla in arena ℥xiv. quas serva; residuum exprime, expresso adde Sacchari ℥iij, clarifica cum ovi album. trajice per manicam Hipp. coque ad consistentiam debitam, ut sæpius dictum, deinde ab igne remoto adde destillati superioris ℥xiv. F.

## SYRUPUS DE CALAMINTHA MESUÆ.

℞. Calaminthæ montanæ, seu Nepetæ,  
 domesticæ ana uncias  
 duas,

Sem. Ligustici,  
 Dauci,

Schoenanthi ana drachmas quinque,  
 Uvarum passarum libram semis,  
 Aquæ libras sex.

Primo coquantur Uvæ passæ cum reliquis ad medias, in fine addatur Schoenanthos. Expressum cum mellis despumati libris duabus s. a. fiat Syrupus.

*Viscerum obstructions levat, dum incidit, attenuat, tergit, & aperit; menses*

*movet, tussi inveteratæ, asthmatis, & intemperiei viscerum frigidæ convenit.*

Postquam Welschius Zvvelferum, secus ac in animadvers. circa Syrupum aper. magist. Mindereri promiserat, ommissa compositionum mutatione, præparationem saltem veram & legitimam se demonstraturum, innuisse, hîc vero pondus calaminthæ & feminum mutasse monuerat, insuper animadvertit: 1. eum aquæ tantum libram dimidiam adfundere, cum rectius aquam residuo à destillatione destinatam simul isti destillationi submisisset, atque liquoris s. q. prolicuisset; 2. nullam macerationem, aliis in Syrupis, ubi tamen minus opus erat, injunctam, præscribere; 3. destillatum pro mellis ad consistentiam crassissimam percocti libris duabus non sufficere. Unde talem modum ipsemet suppeditat: ℞. Species secundum præscriptionem Mesuæ; incisis & contusis adfunde in cucurbita vitrea aquæ ℥v, macera per 24. horas, deinde destilla ℥x℥. quas serva; residuum exprime, & cum album. ovi clarifica, cui adde mellis despum. ℥iij. unâ vel alterâ ebullitione factâ, trajice per manicam Hipp. dein coque ultra consistentiam suppositoriorum, cui ab igne remoto admisce destillati superioris ℥x℥. F.

## SYRUPUS DE CAPILLIS VENERIS SIMPLEX.

℞. Capillorum Veneris uncias sex.

Macerentur in libris sex aquæ, horis viginti quatuor: deinde coquantur ad medietatis consumptionem: Colaturæ addendo Sacchari libram unam semis,

Fiat, ut artis est, Syrupus.

*Ad thoracis affectiones calidas ac destillationes tenues præstans est: pleuritidi proinde incipienti idoneus, cum materia calida, aut mixta ob tenuitatem promptè ejici nequit: obstructions præterea vasorum leniter aperit.*

Welschius hic Ludov. Septalium, lib. 6. caut. & animadv. med. §. 137. adducit, ubi Capillos Veneris, & alia similia coquenda esse negat, quod vires suas in superficie sortita sint, quas coctione amittant &c. Unde hunc modum ipse tradit: ℞. capill. Vener. ℥vj. macera in ℥iij. aquæ per horas 24. in vitrea cucurbita, deinde destilla ℥x. ℥j. quas serva; residuum exprime, expresso adde Sacchari ℥i℥, clarifica cum album. ovi, trajice per manicam Hipp. coque ultra consistentiam tabell. cui ab igne remoto adde aquæ supra destillatæ ℥x. ℥j. F. Syrupus.



## SYRUPUS DE CAPILLIS VENERIS COMPOSITUS.

℞. Capillorum Veneris uncias quinque,  
Glycyrrhizæ uncias duas,  
Aspleni, seu Ceterach manipulum unum.

Macerentur in libris sex aquæ, horis viginti quatuor: deinde coquantur ad medietatis consumptionem. Colaturæ addendo

Sacchari clarificati,

Penidiorum,

Aquæ Capillorum Veneris ana uncias octo,

Fiat Syrupus secundum artem.

*Venarum meatus leniter expurgat, obstructions aperit, è renibus item & vesica mucosæ ac arenulas expellit: quem in finem Dodonæus Radicum Rusci & Asparagi ana unciam unam, ac Seminis insuper Malvæ drachmas duas addendas censet.*

Welschius hunc ita parat: ℞. capill. Vener. ℥v. glycyrrhiz. ℥ij. aspleni seu ceterach Mi. mace-  
ra in aquæ capill. Ven. ℥viiij. & aquæ commun. ℥iij. in cucurb. vitrea, destilla ℥ix. quas ferva, residuum exprime, expresso adde Sacchari simpl. & penidia-  
ti ana ℥viiij. clarifica cum ovi album. trajice per manicam Hipp. coque ultra consistentiam tabella-  
ti, cui ab igne remoto admisce aquæ supra destilla-  
tæ ℥ix. F. Syrupus.

## SYRUPUS DE CICHORIO SIMPLEX.

℞. Succo Cichorii depurati libras tres,  
Sacchari clarificati libram unam semis.

Coquantur in Syrupum.

*Hepatis ac renum intemperiem calidam emendat: febribus auxiliatur, bilis acrimoniam temperat, refrigerat, humectat, & obstructions expedit.*

Compositus, seu de Cichorio cum Rhabarbaro, inter Purgantes requirendus,

## SYRUPUS DE ENDIVIA SIMPLEX.

℞. Succo Endiviæ depurati libras octo,  
Sacchari libras quatuor.

Coquantur, ut est artis, in Syrupum.

*Ad hepatis, & viscerum intemperiem calidam est utilis: sitis ardores compefcit, ac morbi lateralis initiis convenit.*

Ad Syrupi de Betonica simplicis elaborationem hujus ut & seqq. de farfara, fumaria, hederæ terr. aliorumque præparatio à Welschio instituitur.

## SYRUPUS DE ENDIVIA COMPOSITUS.

℞. Endiviæ recentis,

Boraginis,

Scariolæ,

Hepaticæ,

Buglossi,

Melissæ,

Eupatorii,

Lactucæ ana manip. unum,

Sem. quatuor frig. major. ana unciam unam,

Florum Cordialium ana drachmas tres,

Sandali albi,

rubri ana drachmam unam.

Coquantur in aquæ fontanæ libris sex, secundum artem ad medias: deinde colaturæ addendo

Succi Endiviæ depurati libras quinque,  
Granatorum uncias tres,

Sacchari albi libras quatuor,

Fiat Syrupus, ut est artis.

*Potens est in magno præcordiorum incendio, nec non ventriculi & hepatis intemperie calida, febribus pariter biliosis & ardentibus: obstructions reserat, ac urinam promovet.*

Welschius hunc Syrupum ita conficit: ℞. species omnes præscripta quantitate, adfunde succos & aquam, destilla in cucurb. vitr. f. a. ℥xviiij. quas ferva; residuum exprime, expresso adde Sacchari ℥iv. clarifica cum ovi album. trajice per manicam Hipp. coque ad consistentiam debitam, cui ab igne remoto admisce aquæ destillatæ superioris ℥xviiij. F. Syrupus.



## SYRUPUS DE EUPATORIO MESUÆ.

℞. Rad. Apii,  
 Foeniculi,  
 Endiviæ ana uncias duas,  
 Glycyrrhizæ,  
 Schoenanthi,  
 Cuscutæ,  
 Absinthii,  
 Rosarum ana drachmas sex,  
 Capillorum Veneris,  
 Cardui benedicti,  
 Eryngii,  
 Florum Buglossi,  
 Sem. Anisi,  
 Foeniculi,  
 Eupatorii Mes. seu Agerati ana drachmas quinque,  
 Rhabarbari,  
 Mastiches ana drachmas tres,  
 Spicæ Indicæ,  
 Afari,  
 Folii, vel ejus loco Spicæ Romanæ ana drachmas duas,  
 Aquæ fontanæ libras octo.  
 Coquantur ad tertiæ partis consumptionem;  
 Expressioni addendo  
 Succi Apii libras duas,  
 Endiviæ libram unam,  
 Sacchari libras quatuor,  
 Coquantur secundum artem in Syrupum.

*Prodest in febribus diuturnis ac tertianis nothis, ex bile aut pituita crassa, quæ jecoris aut lienis obstructiones parit, ortum ducentibus: aperit, incidit, tenuat, tergit, & digerit: adpetentiam excitat, robur ventriculi suscitât, hydropi succurrit, cacochymiam & cachexiam emendat: vitiosos succos per urinas educit, intemperiem frigidam delet, flatus dissipat, hypochondriorumque dolorem, ac tensionem levat.*

Hunc ad modum Syrupi de Betonica compositi fieri vult Welschius.

## SYRUPUS DE FUMARIA SIMPEX.

℞. Succi Fumiterræ depurati libras quatuor,  
 Sacchari clarificati libras duas semis.  
 Fiat Syrupus.

*Sanguinem mundificat, obstructiones reserat, ventriculum & jecur roborat, unde icterum tollit, ventrem lubricat, urinas prolicit, cutis vitia, pruritum & scabiem auferit, demum ex viscerum infarctu natas febres, præsertim biliosas curat.*

## SYRUPUS GRANATORUM DULCIUM.

Paratur eodem modo, quo Syrupus Granatorum acido-dulcium.

*Tussim sedat, exscreationes promovet, humectando sitim mitigat, ac pectus lenit.*

## SYRUPUS FLORUM HYPERICI.

Paratur ut Syrupus de Boragine.

*Calculosis, ac renum dolores patientibus auxilio est, urinas movet, vermes enecat, nec non cordis cerebrique vires adauget.*

Welschius hunc Syrupum uti illum ex floribus Aurantiorum præparat.

## SYRUPUS DE LUPULO.

℞. Succ. depurati Lupuli libras quatuor,  
 Fumariæ libras duas,  
 Sacchari clarificati libras quatuor.  
 Fiat Syrupus.

*Ad jecoris intemperiem calidam, & bilis effervescentis impetum retundendum utilis: sanguinem purgat, ejusque ebullitionem compefcit: biliosis insuper febribus, synochis, cephalalgia calidæ, & ictero confert.*

Paratur quoque hic Syrupus ex solo Lupuli succo, prout Mesue cap. de Volubuli docet.



*In huius Syrupi confectione studendum, ut succus è primis emergentis Lupuli turionibus, seu asparagis, ante enata folia, exprimatur, non autem cum jam planta provector in caules adolevit.*

## SYRUPUS DE SUCCO MELISSOPHYLLI.

℞. Succī Melissophylli, seu Citrariæ veræ libras tres,

Abstrahantur leni arenæ calore ejusdem unciae sex; in remanentia solvatur

Sacchari albi libra una semis.

Clarificetur cum albumine ovi, & ad debitam consistentiam coquatur, postea additâ aquâ per destillationem abstractâ,

Fiat Syrupus.

*Ad cordis vires reparandas efficax: lipothymias sanat, spiritus auget, ac pestilentium febrium malignitati adversatur: uteri insuper affectibus summopere prodest, & præsertim menses moram trabentes promovet.*

## SYRUPUS DE MENTHA MINOR MESUÆ.

℞. Succī Menthæ depurati,  
Granatorum dulcium,  
acidorum;

Sacchari ana libram unam.

Coquantur secundum artem.

*Commendatur in ventriculi intemperie frigida, ideoque vomitum, nauseam, & singultum sedat, ac alvi fluorem sistit, stomachum quoque, & ventrem inferiorem blando suo calore, lenique adstrictione confortat.*

Welschius hunc, ut & præcedentem, juxta Syrupum de Betonica simplicem vult fieri.

## SYRUPUS DE MENTHA MAJOR EJUSDEM.

℞. Succī Cydoniorum acido-dulcium,  
dulcium,

Granatorum acido-dulcium,  
dulcium,  
acidorum ana libram  
unam semis,

In succis his, horis viginti quatuor macera

Menthæ ficcæ libram unam semis,

Rosar. rubrar. uncias duas.

Coquantur lento igne ad dimidias, & post colaturam, addendo

Sacchari libras duas,

ad perfectionem, in fine autem aromatizando Galix Moschatae veræ, tritæ & in findone ligatæ drachmis tribus.

*Priore longè præstantior, in quo parando Mentha parum sicca sumenda est, quæ supervacaneam humiditatem, suis flatibus ventriculum turbantem deposuerit.*

In hoc Syrupo parando Welschius Lectorem ad illum de Absinthio remittit.

## SYRUPUS DE SUCCO MERCURIALIS.

℞. Succī Mercurialis depurati libras tres,  
Sacchari libram unam semis.

Coquantur in Syrupum.

*Ejus usus ad enemata paranda ut plurimum commendatur: album enim leniter subducit, biliosos & aqueos humores evacans: uterum quoque impurum mundificat, & conceptioni habilem efficit.*

Welschius hunc, ut Syrupum ex succo Betonice, fieri jubet, absurdum enim esse judicat, eundem cum Zvvelfero per simplicem coctionem parare, quia tantum pro enematibus usurpari soleat, addens: quasi vero pro illarum partium affectibus medicamenta minus debeant esse efficacia? *Modo tantillulum subtiliorum particularum laboriosa destillatione conservare, nimia curiositatis suspensionem non incurrat.*

## SYRUPUS NEPHROCA- THARTICUS JOUBERTI.

℞. Quinque Radicum aperientium ana uncias duas,

D

Rad.



Rad. Raphani sylvestris,  
 Ononidis,  
 Bardanae,  
 Ericae,  
 Rubi,  
 Eryngii,  
 Levistici,  
 Rubeae majoris ana unciam unam.

Macerentur contusae in aceto per diem naturalem: postea accipe

Calami aromatici,

Cyperi,

Afari,

Valerianae,

Althaeae,

Cort. radicis Capparis,

Citri sicc. ana unciam semis,

Saxifragiae cum radicibus,

Plantaginis cum radicibus ana manip.  
 duos,

Summitatum Malvae,

Parietariae,

Urticae,

Asparagi,

Betonicae,

Pimpinellae,

Quinque Herbar. Capillarium,

Nasturtii,

Sisymbrii aquatici,

Berlae, id est, Sii, seu Laveris,

Crithmi marini,

Fragariae ana manip. unum,

Pulpae Passularum minorum,

Jujubarum,

Sebesten,

Glycyrrhizae rasae ana uncias duas,

Caricarum pinguium numero triginta,

Granorum Halicacabi,

Juniperi ana numero viginti,

Quatuor Seminum frig. majorum,  
 minorum,

Sem. Milii Solis,

Urticae,

Ocymi ana unciam semis,

Carui,

Dauci,

Seseleos ana drachmas duas,

Florum Cordialium,

Genistae,

Hyperici,

Matrisylvæ seu Caprifolii German. ana pugillum unum.

Coquantur in sufficienti quantitate decocti hordei, addito aceto infusionis radicum.

Libris quatuor colaturæ adde

Succi Limonum libram unam,

Sacchari & Mellis despumati ana libras duas.

Fiat Syrupus, qui aromatizetur

Cinnamomi unciam unam,

Nucis Moschatæ unciam semis.

Reponatur in usum.

*Laboriosa hujus Syrupi est confectio, ejus tamen usus quondam apud nos increbuerat, ob vires, quibus in cienda urina, renibusque à sabulo liberandis pollet: calculos enim atterit, arenulas expurgat, urinarios meatus aperit, & mundificat. Datur commodissime cum decocto Herniariae, aut Cicerum rubrorum.*

Apud nos tamen usus ejus jamdudum evuluit; ut ita illis, qui eodem uti voluerint, ejus emendationem, quâ egere videtur, relinquere malimus: Welschius autem eundem ad modum Syrupi aperientis Mindereri, vel acetosi compositi conficit, pro pulpis tamen, ut labori parcatur, fructus ipsos, sed in majori quantitate, quia in parandis pulpis semper aliquid decedit, accipiens.

## SYRUPUS DE NYMPHÆA SIMPLEX.

Fit ex florum Nymphææ albæ infusione, prout Syrupus Rosatus.

*Insigniter refrigerat, somnum conciliat, viscerum æstus mitigat, Veneris insomnia cohibet, semen immodicè fluens restringit, sitim ac febrium ardores temperat.*

Hunc Syrupum Welschius ita præparat: R. flor. Nymphææ albæ mundat. ℥ij. ʒviiij. aquæ font. Mens. iß. destilla in cucurbita vitrea & prolice ʒx. residuum exprime, add. Sacchari ℥ij. ʒviiij. solve, clarifica cum ovi album. trajice per manicam Hipp. coq. ad consistentiam debitam, ne scilicet ob decocti lentorem mucilaginosum aduratur, atque ab igne remoto adde aquæ supra destillatæ ʒx. F.



# SYRUPUS DE NYMPHÆA COMPOSITUS FRANCHI- SCI PEDEMON- TANI.

℞. Flor. Nymphææ albæ uncias duas,  
citrinæ,

Psyllii integri,

Sem. Acetosæ una unciam unam,

Quatuor frigid. major. ana unciam  
semis,

minor. ana drach-  
mas duas,

Rad. Foeniculi unciam unam.

Coquantur in aquæ hordei libris quatuor  
ad medias: colaturæ addantur

Sacchari libra una,

Succi Granatorum acidorum,

Aceti ana uncia duæ.

Fiat lege artis Syrupus, qui aromatizetur  
cum

Sandali citrini,

Spicæ Indicæ ana drachma una se-  
mis.

*Valet ad biliosarum vehementiumque fe-  
brium æstus; dolores à bile procreatos, &  
capitis fervores; insomnium levat, sitim-  
que extinguit.*

Syrupum hunc juxta modum in Syrupo acetofo  
composito traditum parare docet Welschius, & re-  
prehendit Zvvelferum, quod semina frigida esse mu-  
cilaginosa scribat, quæ oleaginosa rectius dixisset;  
Psyllum enim integrum recipi, non semen ejus-  
dem; quod mucilaginosum esse omnes sciant.  
Præterea Zvvelferi admonitionem reprehendit, qua  
cavere jubet, ne in coctura decoctum mucilagino-  
sum reddatur; quod tamen in ejus modo non pos-  
sit non accidere.

# SYRUPUS DE PAPAVERE COMPOSITUS MESUÆ.

℞. Caput Papaveris albi & nigri cum  
suis feminibus ana uncias sex, &  
drachmas duas,

Capillorum Veneris drachmas quindecim,

Glycyrrhizæ drachmas quinque,

Jujubarum numero triginta,

Sem. Lactuæ uncias quinque,

Malvæ,

Cydoniorum ana drachmas sex.

Coquantur in libris octo aquæ, ultra me-  
dietatis consumptionem: Postmodum acci-  
piendo

Colaturæ libras tres,

Sacchari albi,

Penidii ana libram unam,

Fiat Syrupus.

*Somnum conciliat, & refrigerat, ca-  
tarrhum, tussim siccam, phthisim sedat:  
alvi etiam profluvio, ac dysenteria, quam  
materiæ acris & biliosæ effluxus excitat,  
medicatur, intemperiem calidam & siccam  
intestinorum emendat.*

Rectius ex compositione hac Eclegma, quam  
Syrupum parari arbitratur Welschius; quo de con-  
fer. Syrupus viol. comp.

# SYRUPUS FLORUM

## PARALYSEOS.

Paratur ex florum infusione, ut Syrupus de  
Boragine.

*Frigidos nervorum ac cerebri morbos  
egregie curat. Datur ideo convulsis, tre-  
mulis, & paralyticis: cordis etiam vires  
tuetur, ac oris ulcera sanat.*

# SYRUPUS DE PILOSEL- LA SEU HISPIDULA RENODÆI.

℞. Summitatum floridarum & recentium  
Pilosellæ libram unam.

Infundantur per horas duodecim, in libris  
quinque aquæ calentis, deinde lento igne  
bulliant: abhinc colaturæ libris quatuor  
addendo

Sacchari libras tres,

Coquantur ex arte in Syrupum.

*Exhibetur potissimum iis, quibus à capi-  
te aut aliis partibus in thoracem fit defluxio,  
& quibus pulmones pituitoso humore multo  
infarciuntur: siquidem humoris irruentis  
impetum cohibet, influxum coquit, partem  
affectam roborat, ac expectorationem pro-  
moveret.*



## SYRUPUS DE POMIS SIMPLEX MESUÆ.

℞. Succī pomorum dulcium,  
acidorum, ana defæca-  
torum libras quin-  
que.

Cum Sacchari libris tribus fiat ex arte Sy-  
rupus.

*Cor imbecillum roborat, syncopi, cordis  
palpitationi, ac omnibus cordis affectibus  
ab atra bile natis succurrit: ventriculum fir-  
mat, sitim sedat, febribusque biliosis auxi-  
liatur.*

E dulcibus eligenda sunt sapidissima, ex acidis,  
quæ vinosa dicuntur, nostris, Weinling aut Bey-  
äpfel: quæ integra, hoc est, cum corticibus sunt ex-  
primenda.

Welschius hunc Syrupum pari cum illo de Be-  
tonica præparationi submittit.

## SYRUPUS DE PORTU- LACA MESUÆ.

℞. Sem. Portulacæ libram semis,  
Succī Endiviæ cocti & depurati libras  
duas,  
Sacchari libram unam,  
Succī Granatorum acidorum uncias  
novem.

Tritum semen in succo Endiviæ macera vi-  
ginti quatuor horis, postea lento igne co-  
que ad dimidias: demum cum Saccharo  
secundum artem percoque in Syrupum.

*Potenter refrigerat, sitim, febrium ar-  
dores, ventriculi & jecoris calidam intem-  
periem moderatur. Eo efficaciter utuntur  
ad lumbricos, & interaneorum animalia  
expellenda, cortice Citri indito.*

Welschianus parandi hunc Syrupum modus:  
℞. femin. portulacæ ℥℥. succi endiv. ℥ij. succi gra-  
nator. ℥ix. parumper contusum semen in succis ma-  
cera, destilla inde ℥vj. residuum exprime, expresso  
adde Sacchari ℥i. solve, clarifica cum ovi album.  
trajice per manicam Hipp. coque ultra consisten-  
tiam tabell. cui ab igne remoto admisce aquæ supra  
destillatæ ℥vi. F. Syrupus.

## SYRUPUS DE PRASIO MESUÆ.

℞. Prasii, seu Marrubii albi non admodum  
ficci uncias duas,

Glycyrrhizæ unciam unam,

Capillorum Veneris,

Hyssopi ana drachmas sex,

Calaminthæ,

Anisi,

Rad. Apii,

Fœniculi ana drachmas quinque,

Ireos,

Sem. Malvæ,

Fœnugræci ana drachmas tres,

Lini,

Cydoniorum ana drachmas duas,

Passularum majorum ab arillis liberata-  
rum uncias quinque,

Caricarum pinguium numero sedecim.

Coquantur in aquæ puræ libris decem ad  
dimidias: expressioni addantur

Sacchari albi,

Mellis despumati ana libræ duæ.

Fiat lege artis Syrupus.

*Ad longos & diuturnos thoracis affe-  
ctus, tussim anhelam, senibus & frigidis na-  
turis familiarem, ex crassa, frigida, & len-  
ta materia, salutaris; asthmaticis prodest,  
suppuratorum pus egregie dissolvit, incidit,  
tergit, atque educit.*

Hunc Syrupum ita parat Welschius: ℞. spe-  
cies præscripto pondere, adfusâ aquâ, destilla in cu-  
cubita vitrea s. a. ℥xiv. quas serva; residuum ex-  
prime, expressio adde Sacch. & mell. ana ℥ij. clari-  
fica cum ovi album. trajice per manicam Hipp. co-  
que ad consistentiam debitam, cui ab igne remoto  
admisce destillati superioris ℥xiv. F.

## SYRUPUS DE DUABUS RADICIBUS.

℞. Rad. Petroselini,

Fœniculi ana uncias quatuor,

Aquæ libras quinque.

Coque ad medias: colaturæ adde

Sacchari albissimi libras duas.

Fiat ex arte Syrupus.



*Obstructionem viscerum aperit, humorum crassitiem extergit, purgat & tenuat: urinas promovet: in febris compositis & nothis prodest, ventriculum bile ac pituitâ refertum allevat.*

Welschiana hujus Syrupi præparatio fit ad methodum in Syrupo de capillis Veneris simpl. institutam, scilicet radices cum ℥iv. aquæ macerando, ℥xiii℔. inde destillando, & cum residuo expresso, ac Sacchari ℥ii. f. a. in Syrupum efformando.

## SYRUPUS DE QUINQUE RADICIBUS MESUÆ.

℞. Rad. Apii,  
Fœniculi,  
Petroselini,  
Asparagi,  
Rusciana uncias duas,

Aquæ font. libras sex,  
Coquantur ad tertiæ partis consumtionem: expressum coquatur denuò secundum artem cum

Sacchari libris tribus:  
addendo in fine  
Aceti albi uncias octo.

*Humorum lentorem incidit, & præparat, obstructaque potenter aperit.*

Hujus parandi ratio Welschiana sic se habet: ℞. radices præscript. adfunde aquæ ℥v. aceti ℥viii: macera, destilla inde ℥xx. zij. quas ferva; residuum exprime, expresso adde Sacchari ℥iiij. cola, coque ultra consistentiam tabell. ab igne remoto admisce aquam superiorem destillatam, & F. Syrupus. *Magis placet Augustanorum modus, cum aceti portiores virtutes, in hoc medicamento utiles, conferuntur, ibi verò in coctione non pauca in auras abigantur.*

## SYRUPUS ROSATUS SIMPLEX.

℞. Rosarum rubrarum recentium libras duodecim,  
Aquæ puræ calentis, quantum sufficit.

Rosæ contusæ stent in infusione per horas viginti quatuor, tum colentur, & colaturæ addantur Sacchari libræ quatuor.

Fiat secundum artem Syrupus.

*Abstergit, aperit, lenit, ac concoquit: bilem crudam, & humores pituitosos, febrium fomitem præbentes, expulsiõni præparat, alvumque molliorem reddit.*

Cum Rosarum partes subtiliores in hujus Syrupi coctione exhalent, & aquæ rosarum nullam purgandi facultatem inesse, nondum demonstratum esse credat Welschius, qua de re Casp. Hoffmannus de med. off. lib. 1. cap. 30. §. 21. qui Costæum ad ℥x. exhibitam purgare scribentem citat, legendus sit, destillationem in hujus Syrupi elaboratione Welschius commendat; *quam, cui curta rosarum est supellex, obire equidem poterit, aquam rosarum pro aliis usibus aptam impetraturus, quæ ceteroquin in hoc Syrupo non indigemus, cum revera vis purgandi in florum istorum partibus subtilibus aut nulla, aut minimi momenti reputari debeat; vel, juxta celebr. D. D. Georg. Wolff. Wedelii decisionem in Pharmac. acroamat. lib. 2. sect. 1. cap. 5. §. 6. per accidens saltem operetur.* Talis autem est Welschianus parandi modus: ℞. rosar. rubr. recent. contus. ℥vj. aq. font. ℥viiiij. stent per 6. j. destilla inde ℥iiij. ℥iv℔. quas ferva; residuum exprime, expresso adde Sacchari ℥vj. clarifica, cola, coque ultra consistentiam tabell. ab igne remoto admisce aquæ supra destillatæ ℥iiij. ℥iv℔. F.

## SYRUPUS SCELOTYRBICUS.

℞. Succî Nasturtii aquatici,  
Becabungæ ana libram semis,  
Fumariæ,  
Lupuli ana uncias tres,

Lento igne destillando abstrahantur ejus uncia quatuor semis.

Residuum cum Sacchari unciis octo clarificetur, & ultra tabulati consistentiam coctum, cum aqua destillata permisceatur ad debitam Syrupi consistentiam.

*Scorbuto inprimis medetur, ejusdemque Symptomata varia mitigat; lienis, & venarum mesaraicarum obstructiones aperit, erosioni oris, & gingivarum prodest.*

Hujus Syrupi, ut & seqq. de scordio simplicis & de sempervivo simplicis, ad modum Syrupi de betonica simplicis Welschius præparationem instituit.



## SYRUPUS DE SCOLO- PENDRIO FERNELII.

℞. Polypodii querni,  
Rad. Buglossi,  
Cort. rad. Capparum,  
Tamarisci ana uncias duas,  
Scolopendrii veri, seu Ceterach mani-  
pulos tres,  
Lupuli,  
Capillorum Veneris,  
Cuscutæ,  
Melissophylli ana manipulos duos.  
Coquantur in aquæ libris novem ad rema-  
nentiam librarum quinque: colaturæ ad-  
de  
Sacchari albi libras quatuor.  
Percoquantur lege artis in Syrupum.

*Crassum melancholicum succum at-  
tenuat fluxilemque reddit: lienem ab obstru-  
ctione liberat, tumentemque solvit: melan-  
choliæ ideo, quartanis, diuturnisque fe-  
bribus utilis.*

Modum parandi hujus Syrupi in illo de quin-  
que radicibus dicto observatum Welschius com-  
mendat.

## SYRUPUS DE SCORDIO SIMPLEX.

℞. Succi Scordii depurati libras duas,  
Sacchari libram unam femis.  
Fiat ex arte Syrupus.

*Ejus usus præcipuus est in pestilentibus  
& malignis febribus: internæ namque pu-  
tredini & venenis adversatur, atque hu-  
morum corruptiones emendat, lumbricos  
enecat, menses ciet, vasa rupta glutinat,  
nec non sudores prolicit.*

Notandum, in succi hujus defectu substitui pos-  
se decoctum Scordii, ex copiosa plantæ hujus quan-  
titate paratum, quod multam herbæ vim imbiberit,  
ita ut suo valore succum æquet.

## SYRUPUS DE SCORDIO COMPOSITUS HIERONY- MI MERCURIALIS.

℞. Florum Nymphææ,  
Rosarum,

Boraginis,  
Citri,  
Foliorum Sonchi,  
Boraginis,  
Acetosæ,  
Pimpinellæ ana pugillos  
quinque,  
Sem. Acetosæ,  
Citri ana drach. quinque.

Decoque in Aquæ hordei libris tribus ad  
tertias: deinde recipe dicti decocti libras  
duas,

Succi Scordii depurati libras tres,  
Sacchari fini libras quatuor.

Decoque secundum artem, in fine ad-  
dendo

Camphoræ,  
Moschi ana scrup. femis.  
Fiat Syrupus.

*Describitur hic Syrupus ab Octaviano  
Roboreto in Tractatu de febre punctulari,  
cui præcipue convenit, prout morbis omnibus  
ab humorum corruptela seu putredine natis.*

Welschii præparatio hujus Syrupi eadem est cum  
illa in Syrupo de betonica composito.

## SYRUPUS DE SEMPER- VIVO SIMPLEX.

℞. Succi Sempervivi depurati libras tres,  
Sacchari albi libram unam femis.  
Coque s. a. in Syrupum.

*Febrium æstus extinguit, ac internis in-  
cendiis auxiliatur, ob id linguæ inflammatio-  
nem ejusque ariditatem aufert.*

## SYRUPUS DE SEMPER- VIVO COMPOSITUS.

℞. Foliorum Sempervivi recent. libras duo-  
decim.

Contundantur in pila lapidea, adspergen-  
do iisdem,

Salis ammoniaci mundi drachmas de-  
cem:

Stent probè tecta in vase fictili vitreato, per  
dies tres, vel quatuor, & quotidie agiten-  
tur. Postea exprimatur succus, qui cum  
saccha-



sacchari libris sex in vase itidem fictili, aut lapideo, coquatur lege artis in Syrupum justæ consistentiæ.

*Easdem cum Syrupo de Sempervivo simplici vires habet, efficacior tamen ad restinguendum febrium calorem supra modum adauctum.*

## SYRUPUS DE STOECHADE FERNELII.

℞. Florum Stœchad. uncias quatuor,  
Thymi,  
Calaminthæ,  
Origani ana unciam unam semis,  
Salviæ,  
Betonicæ,  
Flor. Rorismarini ana unciam semis,  
Sem. Rutæ,  
Pæoniæ,  
Fœniculi ana drachmas tres.

Incisa & contusa macerentur per 24. horas in Aquæ font. libris decem, & destillando inde leni arenæ calore separentur liquoris uncia circiter quatuordecim; in quibus iterum per 24. horas infundantur:

Cinnamomi,  
Zingiberis,  
Calami aromatici ana drachmæ duæ.

Postea Remanentia prima exprimatur, & quod expressum est, cum sacchari libris quatuor clarificetur, atque ad debitam consistentiam coquatur, additâque aromatum infusione filtratâ,

Fiat Syrupus.

*Vires hujus Syrupi cephalicæ prædicantur, cerebri ideo ac nervorum affectibus frigidis & pituitosis est dicatus.*

Welschii præparatio sic se habet: ℞. flores, herbas, aromata, semina, præscripta quantitate, incisis & contusis singulis, prout apta nata sunt, adfunde aquæ ℥x. macera per 24. horas, destilla inde ℥xxxvij. quas serva; residuum exprime, expresso adde Sacchari ℥iij, solve, clarifica, cola, coque ultra consistentiam tabell. cui ab igne remoto admisce aquæ supra destillatæ ℥xxxvij. F. Syrupus.

## SYRUPUS DE STOECHADE MINOR.

℞. Flor. Stœchadis uncias tres & drachmas sex,

Thymi,  
Calaminthæ,  
Origani ana drachmas decem,  
Anisi drachmas septem,  
Passularum majorum ab arillis liberatarum uncias quatuor,  
Aquæ libras septem,  
Sacchari aut mellis libras quatuor.

Fiat ad modum Syrupi de Stœchade Fernelii, & condiatur cum

Calami aromatici,  
Cinnamomi,  
Zingiberis ana drachma una semis.

*Ventriculum, cor, cerebrum, ac hepar confortat: crassos humores, & tenacem lentamque pituitam incidit, obstructionsque à viscidis humoribus obortas reserat.*

Welschius in modo parandi Zvvelferiano, aquæ odoriferæ ℥iij. nimias esse animadvertit, quæ cum Sacchari ℥iv. solâ dissolutione, ac sine ulteriori coctione elegantem & justæ consistentiæ Syrupum largiantur; ipse vero talem proponit: ut flores, herbas, aromata, semina & fructus, incisa & contusa, in aquæ ℥vij. maceret, uncias ℥xxxvij. inde destillet, & cum Sacchari una cum expresso succo clarificati, ac ultra consistentiam tabell. cocti ℥iv. in Syrupum efformet. Eodem modo etiam sequentem præparat.

## SYRUPUS DE STOECHADE MAJOR MESUÆ.

℞. Flor. Stœchad. uncias tres & drachmas sex,

Thymi,  
Calaminthæ,  
Origani ana drachmas decem,  
Anisi,  
Pyrethri ana drachmas septem,  
Piperis longi drachmas tres,  
Zingiberis drachmas duas,  
Passularum majorum ab arillis liberatarum uncias quatuor,

Aquæ libras octo,  
Sacchari aut Mellis libras quinque.



Eandem cum antecedente præparationem requirit, condiendus cum

Cinnamomi,  
Calami aromatici,  
Spicæ Indicæ,  
Croci,  
Zingiberis,  
Piperis nigri,  
longi ana drachma una semis.

*Affectibus cerebri & nervorum frigidis & pituitosis convenientior, ubi incidentibus, & tenuantibus magis utendum est; unde paralyfi, spasmo cynico, convulsioni, nec non epilepsiæ medicatur, destillationes frigidas consumit & siccat, ac ventriculum confortat.*

### SYRUPUS DE SYMPHYTO FERNELII.

℞. Radicum & Cymarum Symphyti majoris manipulos sex,

Rosarum rubrarum,  
Betonicæ,  
Plantaginis,  
Pimpinellæ,  
Polygoni,  
Scabiosæ,  
Tussilaginis ana manipulos duos.

Ex rufis omnibus recentibus exprimatur succus, coquaturque ad libras tres, addendo

Sacchari albi libras duas semis,  
Fiat ex arte Syrupus.

*Tabidorum & ulceratorum pulmonum saniem & pus blandè, ac sine sanguinis erupturi metu extergit, pulmonesque pariter confirmat.*

Welschius hunc Syrupum ut illum de betonica simplicem parare præcipit, scilicet ob rosarum, betonicæ &c. partes spirituosas; quibus tamen, si vires medicamenti hujus perpendere, & scrupulosi nimis etiam nobis esse liceat, facile carere eum posse arbitramur.

### SYRUPUS E SUCCO VERONICÆ.

℞. Succo Veronicæ depurati libras tres,  
Sacchari albi libram unam semis.  
Coquantur s. a. in Syrupum.

*Renum calculos & arenulas expurgat, eosque purulentos mundificat, & sanat; pulmonum præterea exulcerationibus eximie convenit, quorum saniem abstergit, ulcera glutinat, nec non sanguinis spuitionem prohibet; pestilentibus etiam febribus salutaris.*

Welschius hunc Syrupum instar illius de Betonica simplicis parat.

### SYRUPUS VIOLARUM SIMPLEX.

Fit eodem modo, quo Syrupus Rosatus simplex.

*In febrium æstibus, biliosis & acutis morbis, viscerum inflammationibus, ac siti commendatur.*

In modo hunc Syrupum parandi Welschius Lectorem ad rosatum simplicem remittit.

### SYRUPUS VIOLATUS COMPOSITUS MESUÆ.

℞. Violarum recentium uncias duas,  
Sem. Cydoniorum,  
Malvæ ana unciam unam,

Jujubarum,  
Sebesten ana num. viginti,  
Aquæ Cucurbitæ libras sex.

Coquantur ad tertias; addendo  
Sacchari libram unam semis,  
Fiat Syrupus secundum artem.

*Pleuritidi & tussi ex causa calida medetur: non solum leniendo, refrigerando, & humectando, ad gutturis asperitatem utilis existit, sed etiam ardentem urinam, ac nephriticum cruciatum demulcet.*

Cucurbita destillanda est, dum adhuc tenera existit, & antequam indurescere incipiat.

Circa hunc Syrupum Welschius non aliud monet, quàm Eclegma potius ex eo fieri posse. Ast cum Syrupus ab Eclegmate parum differat; quin si, uti communiter traditur, hoc crassior tantum est Syrupus, paulo majori liquoris accessione evadet Syrupus, & ita non erit impossibilis Syrupi hujus præparatio; præsertim quia Augustani secundum artem, & ita cum debita liquoris ad saccharum proportionem eundem parare præcipiunt.



MEL ANACARDINUM  
ALZARAVII.

℞. Anacardia recentia, i. e. succulenta atque vetustate non corrupta, tere, & in aquæ sufficiente quantitate decoque, donec melleum succum in aquam deposuerint, exprime & clarifica, ulteriorique coctione in mellis consistentiam redige.

*Memoriæ jacturam refarcit, labantes sensus reficit, ac mentem acuit: morbis cerebri frigidis & humidis conducit, nervorumque resolutioni opitulatur.*

Fuchsius paulò aliter describit: Anacardia enim trita in aceto justæ quantitatis diebus septem infundit, octavo die lento igne ad medietatem decoquit, & per linteolum colat, in succo autem Mel justæ quantitatis ad spissitudinem decoquit.

Postquam Zvvelferum Welschius hîc taxavit, quòd 1. scribat: paretur vel coquendo, vel digerendo, 2. cum, vel sine aceto, quod non sit idem, 3. percoquat etiam cum aceto ad consistentiam, contra propriam in Syrupo acetoso factam reprehensionem, ipse suum modum proponit: ℞. Anacardiorum ℥viij. infunde contusa in f. q. aquæ, (vel si quis velit Fuchsium sequi, aceti,) stent in loco calido; deinde destilla (nos enim anacardia in aqua infudimus, postea destillavimus, prodiit aqua resinosi odoris & saporis) inde aquæ ℥x. (alias essent ℥x℥. secundum nostram consuetudinem,) quas serva; residuum exprime, expresso & clarificato adde mellis optimi despumati ℥ij. coque ultra consistentiam suppositoriorum, cui ab igne remoto admisce aquam supra destillatam. F.

MEL EMBLICO-  
RUM.

℞. Myrobalanorum Emblicarum numero quinquaginta.

Contundantur mediocriter, & decoquantur in libris tribus aquæ ad consumptionem librarum duarum: residuo colato & clarificato addatur Mellis despumati tantundem; & ad justam consistentiam coctio instituat.

*Cor, cerebrum, jecur, nec non ventriculum confortat.*

## MEL MERCURIALIS.

℞. Succu Mercurialis libras tres,  
Mellis puri ac optimi libram unam semis.

Coquantur & despumentur, ut artis est.

*Easdem cum Syrupò vires obtinet, magis tamen abstergit, ideoque alvum (ubi Enematibus inditur) feliciter subducit.*

Verum modum parandi esse putat Welschius, si juxta Mel Menthæ instituat.

## MEL PASSULARUM.

℞. Uvarum passarum libras quatuor,  
Aquæ libras duodecim.

Incisæ Passulæ macerentur horis viginti quatuor in Aqua, deinde coquantur ad remanentiam tertiæ partis: Colentur, & ad Mellis consistentiam coctione redigantur; ob quam vocatur Mel Passularum.

*Pectoris vitiis, præcipuè verò destillationi acri, & calidæ à salsis humoribus orta conducit, dum asperam arteriam lenit, & humectat, expectorationem promovet, tussim itidem, ac raucedinem mitigat.*

MEL ROSATUM  
MESUÆ.

℞. Rosarum rubrarum nondum penitus apertarum libras duas,  
Mellis optimi libras sex.

Coquantur lento igne secundum artem.

*Id vulgus quondam plerumque expetiit, ac usurpavit: eodem raucedines mitigare, asperæ quoque arteriæ, columellæ, fauciumque noxas depellere, edoctum.*

Mel hoc instar anthosati secundi parandum esse Welschius monet.



## MEL ROSATUM CITRATUM.

℞. Mellis Rosati simpl. ad perfectionem co-  
cti libras duas,  
Huic, dum adhuc à coctura fervet, in-  
funde.

Cort. Citri recentium & extimorum li-  
bram unam;  
Stent in infusione per mensem, postea Mel  
transcoletur, ac reponatur.

*Frigidis ventriculi & cordis affectibus  
succurrit; abstergit, tenuat, concoquit;  
corruptionem humorum, eorundemque pu-  
tredinem arcet, ideoque oris fœtorem cor-  
rigit. Requiritur potissimum ad compo-  
sitionem Oxymelitis belleborati à Juliano  
descripti, & à Gesnero magnis encomiis  
celebrati.*

Præterquam quòd Zvvelferi in Mel præsens  
animadversiones contradictionem involvant, dum  
injectionem corticum citri in Mel rosatum ut fru-  
straneam & inutilem damnat, qui tamen supra in  
Melle anthosato flores rorismarini in Mel rosatum  
injecerat, notat insuper Welschius, quòd 1. loco  
rosarum rubrarum Damascenas, h. e. incarnatas ac-  
cipiat, quarum tamen vires diversas esse, omnes no-  
rint; 2. corticum citri pondus imminuat, à qui-  
bus tamen vires præcipuæ in Melle hoc promanare  
debeant; 3. mellis pondus pariter immutet, pro  
libris duabus tres adhibens. Ipse autem hunc  
suum parandi modum commendat: ℞. rosar.  
rubr. recent. ℥xxij. cort. citri exter. rec. concis. ℥ij.  
aquæ font. ℥vj. macerentur per 24. horas, deinde  
destilla inde ℥x℥. quas serva. Residuum expri-  
me, expressum clarifica, adde mellis despum. ℥ij.  
factâ unâ vel alterâ ebullitione, trajice per manicam,  
coque ultra consistentiam supposit. cui ab igne re-  
moto admisce aquæ supra destillatæ ℥x℥. F.

## MEL VIOLA- TUM.

Fit, ut Mel Rosatum simplex.

*Refrigerat, lenit, & humectat, alvum-  
que emollit: inditur potissimum Enemati-  
bus, ubi bilis & caloris acrimonia levanda,  
aut obtundenda est.*

Mellis hujus præparationem instar anthosati  
secundi, vel, quod ex mentha fit, Welschius insti-  
tuit.

## OXYMELI SIMPLEX GALENI.

℞. Mellis despumati & ad crassam confi-  
stentiam debite cocti libras duas,  
Aceti acerrimi uncias decem.  
Misce.

*Efficacissimum ad tenuandum, inciden-  
dum, & resolvendum humorem crassum, &  
lentum ventriculi, hepatis, præsertim in fe-  
bribus diuturnis pronunciatur; Vid. Ga-  
lenus de ratione victus in morbis acutis  
cap. 27. & 28. & 4. Salubrium.*

## OXYMELI COMPOSI- TUM MESUÆ.

℞. Corticum mundatorum & incisorum,  
Radicum Apii,  
Petroselini,  
Rusci,  
Foeniculi,  
Asparagi ana uncias duas,

Sem. Apii,  
Foeniculi,  
Petroselini ana unciam unam;  
Aceti libram unam semis,  
Aquæ libras sex,  
Mellis libras tres.

Cortices radicum, & semina horis vigin-  
ti quatuor macerentur in aceto & aqua:  
tum coquantur ad tertiæ partis consum-  
tionem: colato addatur Mel, & lento igne  
ex arte percoquatur.

*Efficacius est Oxymelite simplici, ac mor-  
bis diuturnis magis opportunum: potentius  
enim materiæ crassitiem incidit, & tenuat:  
melancholicis malis, quartana, & splenis  
duritie, inclinante potissimum morbo, ut  
& quotidianis febribus succurrit, urinas  
& sudores, coctâ jam materiâ, prœlicit.*

Welschianus modus: ℞. species præscriptas præ-  
scripto pondere; incisis & contusis, atque cucur-  
bitæ vitreæ immixtis adfunde aceti acerrimi ℥i℥.  
macera per 24. horas, destilla inde s. a. ℥xiii℥. quas  
serva; residuo adfunde aquæ simpl. ℥vj. coque,  
exprime, clarifica cum ovi album. adde mell. ℥ij.  
despuma, & trajice per manicam Hipp. coque ultra  
consistentiam supposit. cui ab igne remoto admisce  
destillati superioris ℥xiii℥. F. Eodem modo etiam  
in seq. Oxymelite diuretico procedit.



OXYMELI DIURE-  
TICUM.

℞. Mellis despumati uncias quindecim,  
Aceti acerrimi,  
Aquæ fontanæ ana libras duas,  
Rad. Raphani recentium unciam u-  
nam,  
Foeniculi drach. decem,  
Apii,  
Petroselini,  
Genistæ,  
Asari,  
Levistici ana drach. tres,  
Sem. Foeniculi,  
Petroselini,  
Asparagi,  
Rusci ana drachmas duas,  
Coriandri præparati,  
Cumini ana drachmam semis.  
Coquantur secundum artem.

*Impeditam urinam, & renum calculos propellit: cujus usus olim D. D. Ambrosio Jungio, Sen. aliisque etiam nostris Medicis familiaris fuerat.*

OXYSACCHARUM  
SIMPLEX.

℞. Succī Granatorum acidorum uncias octo,  
Aceti uncias quatuor,  
Sacchari albi libram unam.

Saccharum purissimum aceto solvatur, & ad crassam consistentiam percoquatur: cui, dum modice refrigerit, succus Granatorum admisceatur, simulque lege artis in Syrupi formam reducantur.

*Humori ferventi refrigerando, crasso autem incidendo, putredini arcendæ, siti sedandæ, nec non viscerum inflammationi mitigandæ conducit.*

Improbat in hoc medicamento, utpote simplicis titulum præ se ferente, succi granatorum additionem Welschius, dubitans, cur id fiat, & licet ex Casp. Hoffmanni lib. 2. de med. offic. cap. 24. §. 12. correctionis loco id fieri notet, displicet tamen illud ipsi, & medicamentum hoc planè

omittendum, ejusque loco, si usus ejus expetatur, tale quid, ex Syrupō granatorum acidorum, & Syrupō acetoso simplici, pro lubitu permixtis, ex tempore parari posse, censet. In ipso autem parandi modo, quem Augustani describunt, & Zvelferus admittit, acetum coctione disperdi, Saccharo ad consistentiam cocto succi granatorum non plus quàm uncias sex cum totidem drachmis immisceri posse, censet. *Uti vero succum granatorum cur Nicolao Myrepsō, cui OxySaccharum hoc in Sect. 34. Dispens. med. debetur, addere placuerit, ex viribus adscriptis non difficile est colligere, ita tamen tam rudem eundem non fuisse mihi persuadeo, qui putatitiae alicui correctioni in aceto illum destinaverit: sufficit, succum hunc nec viribus, nec præparationi OxySacchari quidquam derogare; simplicis autem adpellatio respectu alterius, quod modo adducemus, & compositum dicitur, atque ex pluribus ingredientibus conficitur, ipsi concedi potest. Ex-temporanea Syruporum, acetosi & granatorum acidorum mixtura alteram non excludit; nec omne acetum in præparatione disperdi, & ratio & sapor evincit; præcipuè si liquidiori in forma OxySaccharum hoc paratur; cum etiam in Syrupis uncias novem liquoris libra uni Sacchari immisceri posse, ex Welschio supra monitum fuerit.*

OXYSACCHARUM COM-  
POSITUM NICOLAI MY-  
REPSI ALEXAN-  
DRINI.

℞. Capillorū Veneris,  
Aspleni, seu Ceterach,  
Scolopendrii, seu Linguae cervinæ,  
Lichenis, seu Hepaticæ,  
Violarum,  
Polytrichi,  
Rad. Foeniculi,  
Asparagi,  
Rusci,  
Graminis ana unciam unam,  
Succi Granatorum acidorum libras octo  
semis.

Omnia in Granatorum acidorum succo per triduum macerentur, deinde post modicam ebullitionem exprimantur & colentur: tandem cum Sacchari libris quatuor ad formam Syrupi secundum artem percoquantur.



*Febribus tertianis nothis, omnibusque affectibus ex sanguinis ac bilis fervore & crassitie natis subvenit, jecoris, lienisque obstructionibus confert.*

Postquam Welschius Zvvelferum in hujus medicamento præparatione coctionem, contra proprias animadversiones, in Syrupo adiantino Fernelii aliisque admisisse animadvertisset, Oxysacchari hujus loco Syrupum acetosum compositum accipi posse, cum is verè Oxysaccharum compositum tam re quàm nomine, secus ac illud Nicolai, utpote quod nihil aceti ingrediatur, existat, vel ingredientia cum s. q. aceti destillari, & cum Saccharo deinde parari posse, notat. *Quia tamen vocula illa: ὀξύς non unice acetum, sed in genere etiam τὸ acidum (ex. gr. Oxys apud Plinium lib. 27. hist. nat. cap. 12. planta acetosella, sic ab acido sapore dicta, esse creditur; in scholis medicis etiam ὀξύγαλα ὀξύρεγμία &c. nota sunt,) denotat, nomen hoc suum, ob granatorum acidorum succum tueri jure poterit. Revera etiam Oxysaccharum hoc à Syrupo isto acetoso composito plurimum differt.*

## JULEP EX VINO.

Fit ad modum Julepi rosati, ex vino optimo, odoratissimo, albo, & saccharo.

*Ventriculi & cordis robur tuetur, coctionemque promovet.*

In Zvvelferiano processu Welschius vituperat: 1. ejus præparationem non ex vino, sed ex vini spiritu, qui tamen Syrupos elegantes non faciat, 2. trinam destillationem vini, quæ unâ vice, sumendo vini Malvatici libras sex, fieri potest, 3. ponderis Sacchari & Spiritus vini omisam determinationem, 4. Sacchari in Spiritu vini rectificatissimo dissolutionem impossibilem, quam & ipse Zvvelferus in animadversionibus ad Extractum catholicum notaverat. Postea Welschius sequentia addit: Modus verus, in quo vinum integrum Julapio immiscetur: R. Sacchari ℥ij. solve cum aqua fontana, clarifica cum album. ovi, trajice per manicam, coque ultra consistentiam tabell. & ab igne remoto admisce vini generosissimi ℥j. Ziβ. F. Julapium hoc non esse contemnendum, Welschius judicat: nam licet homines sani, quod Zvvelferus objicit, sæpe majorem quantitatem vini ingurgitent, aliam tamen rationem esse ægrotorum, quibus minor sufficit; sanos sæpe magnam fragorum, cydoniorum, ceraforum &c. fructuum omnium esculento-

rum copiam absumere absque noxa: ægrotis tamen sæpe pauxillum exhiberi cum commodo: fortasse & primò inventum fuisse Syrupum istum à R. Moyse, pro Muhammedanis, qui vinum bibere religione suâ prohibentur: ejusdem tamen eximiis virtutibus & commodis carere volebant; præsertim senes, pro quibus primò compositus esse videtur.

## MIVA CYDONIORUM SIMPLEX MESUÆ.

R. Succi Cydoniorum medii saporis depurati libras duodecim,

Sacchari libras tres.

Coquantur ad justam consistentiam.

*Adversus alvi profluvia efficax: ventriculum & cætera viscera firmat, ac vomitionem prohibet.*

Welschius inprimis hîc animadvertit, nihil aliud esse Mivam hanc, quàm Syrupum cydoniorum, quod ex ipsa inscriptione hujus medicamento apud Ebnsinam constet, nempe: Serapium cydoniorum, quod dicitur Miva: à Zvvelfero autem contra intentionem Mivæ, in ea mustum (& quidem vini recentis clari, quod absurdè dici facile adparet,) accipere, quod ventriculum non firmat, vomitionemve prohibeat, sed potius infirmet, & alvum moveat. *Ceterum quamvis libenter concedamus, Mivâ hac carere Officinas facile posse, diversam tamen esse à Syrupo, non minùs fatendum est; siquidem Mivæ consistentia, nostra ætate, non tantum crassior, quàm in Syrupo esse solet, sed Miva hæc etiam ex succo cydoniorum medii saporis, Syrupus autem ex acido confici debet; adeoque non nominatenus saltem, sed reipsa differunt.*

## MIVA CYDONIORUM AROMATICA MESUÆ.

R. Succi Cydoniorum depurati libras viginti,

Sacchari libras sex.

Clarificentur cum album. ovor. & coquantur ad consistentiam spissiore, Pharmacopœo perito notam; quibus ab igne depositis misceatur sequens infusio:

R. Cin-



℞. Cinnamomi electi,  
 Cardamomi majoris ana drachmas  
 tres,  
 Caryophyllorum drach. duas,  
 Zingiberis,  
 Mastiches,  
 Ligni Aloës,  
 Macis ana drachmam unam semis,  
 Croci drachmas duas,  
 Trochiscorum Galix moschatae drach-  
 mas duas,  
 Moschi scrupulum unum.

Incisa & contusa macerentur per 24. ho-  
 ras in Vini albi generosi libra una, postea  
 filtrentur.

*Ventriculum frigidum & humidum, &  
 à pituitosis humoribus laxum constringit:  
 ob id diarrhœam inde causatam refrœnat,  
 præcipuè verò lienteriam cohibet.*

Circa Zvvelferi modum Welschius notat: 1. libras iv. vini respectu aromatum esse nimias, vel horum dosin nimis exiguam, unde præstantissima & regia Miva non proveniat; 2. liquoris aromatici tantum libras duas minùs rectè destillari, cum longè plus libris sex Sacchari ad consistentiam tabulati cocti immisceri queat; 3. residuum destillationis phlegma adpellari nauseabundum, ingratum, ventriculum invertens, & non nisi porcis saginandis ferculum conducibile, & tamen ab ipso Mivæ suæ addi. Verum autem modum in eo consistere scribit, ut aromatum quantitas duplicetur, quæ deinde adfufis vini libris sex destillatur, dum ℥iij. ℥iv℞. evocatæ fuerint, quæ ferventur; postea Sacchari ℥vj. cum residuo destillationis expresso solvantur, clarificentur, trajiciantur per manicam Hipp. coquantur ultra consistentiam tabell. Addatur succus cydoniorum f. a. inspissatus; & tandem ab igne remotis immisceatur destillatum superius. Posset etiam ita fieri, ut succi cydon. ℥xx. adderentur vini ℥vj. cum dupla aromatum quantitate, & post macerationem debitam inde destillarentur, residuum expressum clarificaretur & coqueretur f. a. cum Sacchari ℥vj. ad consistentiam crassissimam, quibus ab igne remotis illud destillatum admisce-  
 retur.

## DIAMORON USITATUM NICOLAI.

℞. Succi Mororum Batinorum, id est, Ru-  
 bi libram unam,

Mororum Celsi libram semis,  
 Mellis libram unam,  
 Sapæ uncias tres.

Succos Mororum priùs depuratos cum  
 Melle & Sapa in vase lapideo lente deco-  
 que: coctum percola & serva.

*Ad faucium ardores, serpentia oris ul-  
 cera, gulæ, columellæ, & tonsillarum in-  
 flammationes, anginaeque principia efficax  
 existit.*

Mora Celsi, seu domestica nostris Maulbeer  
 dicuntur. Mora verò Sylvestria sunt Mora Rubi  
 five Bati, quæ Brombeer & Hymbeer vulgari idio-  
 mate adpellantur.

## ROB DE BERBERI- BUS.

℞. Succi Berberum depurati, quantum  
 volueris.

Coquatur per se ad spissitudinem Mel-  
 lis.

*Valenter refrigerat, ac præter adstri-  
 ctionem nonnihil incidentis facultatis ha-  
 bet, bilem ventriculo infestam reprimit,  
 inde enata ventris profluvia sistit, & sitim  
 sedat: febribus ob id biliosis, ac tertianis  
 opportunum.*

Rob de Berberibus, quod COMPOSITUM  
 olim dicebatur, ad differentiam hujus, SIMPLI-  
 CIS nomine insigniti, cum Syrupo idem est, nisi  
 quòd Rob Sacchari tantum libram unam recipere  
 consueverit.

## ROB CERASO- RUM.

Paratur eodem modo, quo Rob de Berbe-  
 ribus simplex.

*Fervores internos extinguat, sitim sedat,  
 & cor roborat.*



## ROB RIBIUM.

Paratur ex succo ad spissitudinem mellis  
inspissato,

*Ad refrigerandum, adstringendum, &  
in ventriculi, cæterorumque viscerum in-  
temperie calida, proficuum est; ventricu-  
lum firmat, vomitum biliosum reprimit,  
felleas alvi excretiones sistit, choleramque  
& hæmorrhagiam curat.*

Rob hoc SIMPLICIS cognomine olim no-  
tabatur: COMPOSITUM verò est, quod cum  
Saccharo, ut Rob de Berberibus paratur.

## ROB VERONICÆ.

℞. Succı Veronicæ libras duas,  
Sacchari libram unam.  
Fiat Rob.

*Utiliter peripneumoniæ ac phthysicis  
lingendum porrigitur, urinarios meatus  
repurgat, renumque calculos atterit, san-  
guinem mundificat, sudores prolicit, & ma-  
lignis pestilentibusque febribus adversatur;  
datur sanguinem screantibus, & ab alto  
lapsis, qui vasis alicujus interni rupturam  
passi sunt.*







# CLASSIS SECUNDÆ, SYRUPORUM PUR- GANTIUM SERIEM COMPLECTENTIS,

## SECTIO PRIMA,

DE

# MEDICAMENTIS USUALIBUS.

SYRUPUS DE CICHORIO CUM RHABBARBO  
NICOLAI FLORENTINI.

℞. Endiviæ domesticæ,  
sylvestris ana mani-  
pulos duos se-  
mis,

Cichorii,  
Taraxaci ana manipulos  
duos,

Cicerbitæ, seu Sonchi lævis,  
Hepaticæ, seu Lichenis,

Lactucæ domesticæ,  
Fumiterræ,  
Lupuli ana manipulum u-  
num,

Hordei integri uncias duas,  
Capillorum Veneris uncias  
duas & drachmas duas,

Vesicariæ; seu Halicacabi,  
Ceterach,

Cuscutæ ana drachmas sex,  
Adianti vulgaris, seu Rutæ  
murariæ,

Rad.



Rad. Foeniculi,  
 Apii,  
 Asparagi ana uncias duas,  
 Glycyrrhizæ drachmas  
 sex.

Decoquantur in Aquæ suff. quantitate ad medietatis consumptionem: Postea colentur, exprimantur, & cum album. ovor. clarificentur: in cujus decocti libris tribus infundantur horis viginti quatuor

Rhabarbari optimi uncia septem semis,  
 Spicæ drachmæ duæ, scrupuli duo,

& post lenem ebullitionem atque expressionem clarificentur: residuum verò decoctum cum Sacchari albi clarificati libris decem ad justam consistentiam coquantur, ut cum dicta infusione in Syrupum abeat.

*Usurpatur ad jecoris intemperiem calidam & obstructionem, icterum, cachexiam, & viscerum impuritatem: nutritioni inservientia instrumenta firmat, humoresque vitiosos per urinam & secessum educit: splenicis & melancholicis, peculiariter verò epilepticis subvenit, maximè pueris; quem in hoc casu mirificè commendabat Montanus, imò adseribat, Nicolaum eundem ad epilepsiam propulsandam composuisse.*

Syrupus hic à Nicolao Florentino serm. 5. de obstruct. hepat. describitur: Libertate tamen, quâ alii usi fuerunt, fretis nonnulla in ejus compositione mutare Antecessoribus nostris libuit, quos porro hac in parte sequi, salutaris hujus, quem præstat, usus nobis persuadet.

Welschius ejus præparationem ad modum Syrupi de carthamo, in Sect. 2. hujus Classis repositi, instituit.

## SYRUPUS DOMESTICUS, SEU DE SPINA INFECTORIA.

℞. Baccarum fruticis illius, quem Spinam Cervinam vocant, circa finem Septembris aut Octobris initio collectarum quantitatem sufficientem: Prius calefactæ contendantur in pila lapidea, deinde exprimantur & colentur: Succus expressus coquatur lento igne, donec quarta pars absumatur. In

Hujus colati libris duabus,  
 Sacchari uncia sedecim

solvantur, clarificentur & coquantur, donec Syrupi benè cocti consistentiam adquirant, adjiciendo in fine

Anisi,  
 Mastiches ana drachmas tres,  
 Zingiberis,  
 Cinnamomi,  
 Caryophyllorum ana drachmam unam semis.  
 Fiat Syrupus.

*Syrupus Domesticus sic dictus, quod familiariter eo uti possimus, bilem, pituitam & serosos maximè humores purgat, unde ejus usus præcipuus in cachexia, hydrope, ac arthritide. Consule de eo Reinerum Solenandrum in Consiliis, ut & Matthiolum Com. in Dioscorid. lib. 1. cap. 102, de Rhamnis.*

Caveant Pharmacopœi, ne pro Cervi spinæ baccis, similitudine forsan decepti, Alaterni baccas accipiant.

De nomine hujus Syrupi vid. Sim. Paulli in Quadrip. botan. cl. 2. ubi domesticum ideo audire



dire scribit, quod familiariter illo ceu domestico & adpropriato cachexiam, & præsertim arthriticorum corrigere, alvum eo subducendo, Medici condocerent, idem habet Casp. Hoffmannus lib. 1. med. Offic. cap. 38. §. 4. In modo primo Zvvelferi Welschius improbat, quod 1. succum baccarum coquat, non verò destillet; 2. oleorum aromaticorum nimiam quantitatem addat, cum feminis anisi drachmæ tres olei scrupulum dimidium, nec mastiches drachmæ tres integrum scrupulum, uti nec caryophyllorum ꝑ℥℥. olei ℥℥. & sic deinceps largiantur; in secundo autem modo, quod 1. ℥℥ij. ꝑ℥℥ij. succi sive destillatione, sive coctione redigat ad ℥xj. sicque ejus subtiliores partes disperdat; 2. ℥xi. illas tum demum, adjectis aromatibus, destillet, ex quibus tamen succus ille ad ℥xj. inspissatus non amplius satis efficaciter aromatum vires extrahere possit; 3. liquorem à destillatione residuum clarificet peculiariter, saccharum verò non clarificet; 4. liquori huic aquam aromaticam admisceat, & non potius illum cum residuo Saccharo coquat ad consistentiam, eique demum immisceat aquam aromaticam; 5. aquæ aromaticæ nimis exiguum quantitatem, nimirum ꝑ℥℥. proliciat, cum sacchari uncii sedecim ejus ℥ix. immisceri queant; 6. una & altera ebullitione oleum & operam perdat, & ita aromatum vires destillatione servatas illis ebullitionibus & coctionibus perdat; 7. sola sacchari dissolutione paret, ut supra jam sæpius monitum fuit. Welschius autem talem modum producit: ℞. aromata præscripta, quibus adfunde succi baccarum spinæ cervinæ colati ℥℥ij. ꝑ℥℥ij. Stent in digestionem, deinde destilla exinde ℥ix. quas serva, residuo adde sacchari ℥xvj. solve, clarifica cum ovi album. trajice per manicam, coque ultra consistentiam tabell. cui ab igne remoto admisce destillati superioris aromatici ℥ix. F.

## SYRUPUS EMETICUS ANGELI SALÆ.

℞. Vitri Antimonii subtilissime  
pulverisati unciam unam,  
Cinnamomi electi,  
Zedoariæ,  
Seminis Angelicæ ana drachmas duas,  
Sandali rubri unciam semis,  
Crocii Orientalis drachmam semis,  
Aceti Rosati uncias viginti.

Infundantur omnia in Balneo Mariæ per viginti quatuor horas,

postea filtrentur per chartam bibulam: & cum Sacchari clarificati, ultra consistentiam tabularum cocti sufficiente quantitate miscendo,

Fiat Syrupus.

*Vomitorium hoc medicamentum non tantum vitiosos humores ventriculi evacuat, sed & aliis etiam ex partibus peccantem materiam revelat, hinc non solum ipsis ventriculi vitiis prodest, sed etiam febribus intermittentibus, aliisque morbis chronicis conducit.*

Welschiana hujus Syrupi præparatio: ℞. vitrum ☿ cum speciebus reliquis præscriptis; adfunde aceti rosati ℥xx. stent in infusione per 24. horas, deinde destilla ℥xi. ꝑ℥℥. quas serva, residuum diligenter cola, deinde per chartam emporeticam trans mitte, cui adde sacchari ℥xx. aquæ simpl. q. s. solve, clarifica cum ovi album. trajice per manicam, coque ultra consistentiam tabell. cui ab igne remoto admisce destillati superioris ℥xj. ꝑ℥℥. F. In quo processu: 1. vitrum antimonii se destillare monet, non quod singulare quid inde sibi promittat, sed ut labori parcatur; & si quid prodeat, bene sit, si nihil, nihil etiam decedat, laborque unus & idem sit; 2. qui rosarum vires etiam desiderat, speciebus rosas contusas q. pl. addere posse; 3. posse etiam, loco destillationis, in aceti ℥xj. ꝑ℥℥. aut ℥xij. tam species quam vitrum antimonii infundi, infusum filtrari, & saccharo sufficienter cocto admisceri; id quod etiam in Dispensatorio hoc nostro renovato observatum fuit.

## ALIUS, sive OXYSACCHARUM EMETICUM.

℞. Croci metallorum edulcorati  
drachmas tres,  
Aceti uncias decem.

Fiat in loco calido per triduum infusio, sæpius agitando; postea liquor imprægnatus filtretur, & in eo Sacchari clarificati ultra tabellarum consistentiam cocti decem uncias solvantur.



*Vires ejus nomini respondent. Vid. de eo Exc. D. Daniel. Ludovici Pharmaciam mod. sec. applic.*

## SYRUPUS LAXATIVUS DE MANNA.

℞. Specierum decocti florum & fructuum uncias duas,  
Florum quatuor cordialium ana pugillos duos,  
Foliorum Senæ electorum uncias quatuor,  
Passularum minorum,  
Radicum Polypodii ana uncias duas,  
Seminis Anisi,  
Fœniculi ana drachmas duas,  
Galangæ,  
Macis,  
Zingiberis ana drachmam unam.

Coquantur in Aquæ fontanæ sufficiente quantitate. In colatura solvantur

Mannæ Calabrinæ uncia sex,  
Sacchari albi uncia octodecim.  
Fiat secundum artem Syrupus.

*Usus ejus frequens est ad alvum in puerulis laxandam.*

## SYRUPUS DE FLORIBUS PERSICORUM.

℞. Florum Persicorum recentium libram unam.

Contundantur & macerentur horis duodecim in libra una aquæ calentis, postea exprimantur, & in colatura depurata solvendo Sacchari albi clarificati & ultra

consistentiam tabellarum cocti sufficientem quantitatem,  
Fiat Syrupus.

*Serum & bilem educit, vermes enecat, ac mesenterium infarctu liberans serosos humores per alvum exturbat.*

## SYRUPUS ROSATUS SOLUTIVUS SIMPLEX, SIVE MUCHARUM.

℞. Florum Rosarum Damascenarum recentium quantum libet, ex. gr. libras duodecim.

Contundantur & macerentur horis viginti quatuor in totidem aquæ claræ ferventissimæ libris, postea exprimantur, additisque Sacchari albi libris duabus, in Syrupum secundum artem coquantur.

*In usu est ad ventriculi calorem febrilem, sitimque sedandam; febribus pestilentibus conducit, quod putredini, venenis & aëris vitio, subamarâ & aromaticâ suâ qualitate resistit.*

Quamvis olim multiplici infusione parare hunc Syrupum, nostris placuerit, cum tamen majori laboris compendio hic frui liceat, unicam ei substituere volumus, non minus efficacem Syrupum daturam.

Cæterum infusum hoc Pharmacopœi nostri ut plurimum absque Saccharo etiam pro usu reponere solent.

Quibus tot odoriferas rosarum particulas cocturâ perdere displicet, vel etiam parcius rosarum proventus easdem servare suadet, illi auctâ aquæ quantitate, loco macerationis, destillationem per aliquot horas instituere, ac ita odoratiore aqua in M. B. abstractâ, reliquum pro dicto usu possunt exprimere & adhibere.

Welschius hunc Syrupum ut rosatum simplicem parat, quò ita præter vim solutivam, suavitas etiam & fragrantia odoris conservetur.

SYRU-



# SYRUPUS ROSATUS SOLUTIVUS AUREUS.

℞. Florum Rosarum incarnatarum nondum penitus apertarum, & manè sereno cœlo collectarum libras quatuor.

Infundantur in sufficiente quantitate aquæ fontanæ calidæ per viginti quatuor horas, postea colentur & exprimantur. In colatura denuo Rosarum eadem quantitas infundatur, idque tertiâ vice repetatur; tandem cum Sacchari albi libris quatuor coquantur secundum artem in Syrupum.

*Vires sunt eadem cum precedenti; hic tamen magis colore & sapore palato blanditur.*

# SYRUPUS SPLENETICUS D. D. DAVIDIS VERBEZII.

℞. Succum pomorum redolentium libram unam,

Melissæ uncias quatuor,

Limonum uncias tres,

Spiritus Vitrioli ab omniphlegmate depurati scrupulos duos semis.

Foliorum Senæ electorum uncias duas,

Polypodii querni unciam unam,

Hellebori nigri præparati drachmas tres semis,

Corticum Capparum,

Tamarisci ana unciam semis,

Foliorum Citrariæ,

Ceterach ana manipulum unum,

Florum Boraginis,  
Buglossi,

Rosarum ana pugillos duos,

Violarum manipulum unum,

Seminum Viticis,

Ocimi caryophyllati,

Citri ana drachmas duas semis,

Croci Austriaci scrupulum unum,

Cinnamomi acuti unciam semis,

Aquæ fontanæ quantum sufficit.

Macerentur in Balneo Mariæ tepido per biduum, coquantur postea parum, & fortiter exprimantur: Colaturæ addatur Sacchari albi libra una. Fiat Syrupus, circa finem inspergendo seorsim Cremoris Tartari in tenuissimum pollinem redacti drachmas tres.

Servetur usui.

*In omnibus melancholiæ speciebus salutaris existit, dum humores atrabiliarios lieni & venis mesaraicis impactos incidit, & educit.*

Loco Sacchari cantii violacei, olim huic Syrupo destinati, non tamen usque adeo strictè necessarii, album vulgare tantum sumere, & ideo violarum tamen pondus augere placuit, licet cæteroquin violaceum illud Saccharum & sponte in Syrupo violaceo sæpius concrevere soleat, & facile parari queat.

Welschius hunc Syrupum ita parat: ℞. cort. cappar. polypod. cort. tamarisc. ellebor. n. fol. citrar. fl. cordial. semina omnia, croc. cinnam. omnia præscripta quantitate, it. crem. tartari, quibus adfunde succos etiam præscripta quantitate, aq. viol. ℥vj. macera per 24. horas, deinde destilla ℥vij. in quibus infunde folia senæ, digere, exprime, stet loco calido, filtra & serva; tum ℞. residuum destillationis, cui adde residuum infusum, coque, exprime, expresso adde sacchari ℥vj. solve, clarifica cum ovi album. trahice per manicam Hipp. coque ultra consistentiam tabell. cui ab igne remoto admisce infusionem supra dictam, F. Syrupus, cui add. spiritus vitrioli præscriptam quantitatem.



## SYRUPUS ZIBEBARUM.

℞. Foliorum Senæ electorum uncias quatuor,

Zibeborum unciam unam,

Zingiberis drachmam unam,

Aquæ fontanæ quantum fatis.

Infundantur horis viginti quatuor, dein ebulliant, exprimantur, & cum

Sacchari libris duabus,

coquantur f. a. ad consistentiam Syrupi, qui aromatisetur

Cinnamomi drachma una.

*Syrupus hic nomine BRODII ZIBEBARUM apud nos notissi-*

*mus, album blandè subducit, puerisque ac delicatulis commodè adhibetur.*

MEL ROSATUM  
LAXATIVUM.

℞. Muchari, i. e. infusionis Rosarum simpl. libras sex,

Mellis libras tres.

Conficiantur secundum artem.

*Easdem, quas Syrupus Rosatus solutivus simplex vires obtinet, minus tamen refrigerat, sed potentiùs abstergit.*

Welschius hoc Mel ex infus. rosar. Damasc. uti superius Mel rosatum simplex præparat.

## CLASSIS SECUNDÆ

## SECTIO SECUNDA,

DE

MEDICAMENTIS MINUS  
USUALIBUS.SYRUPUS FLORUM  
ACACIÆ.

Paratur ex infusione florum, ad normam Syrupi Rosati laxativi simplicis.

*Syrupi Rosati solutivi vires æmulatur, & ichores sanguini admixtos, tenuèque serum leniter expurgat.*

Monet hic Welschius, Syrupum hunc per coctionem minùs rectè à Zivelfero fieri, cum flores acaciæ sint odorati, ipsemet autem flores boraginis & buglossi in præparatione Syrupi eorundem destillare præceperit. Unde ipse juxta normam in Syrupo rosato simpl. traditam eundem parari jubet.

*Quia tamen in Syrupo florum acacia vis solutiva u-nice expetitur, qua partibus florum subtilibus non debetur, in reliquis duobus autem cordialem, qua in spirituosius partibus florum boraginis & buglossi latent, desiderari Zivelferus credidit, excusandus esse videtur.*

SYRUPUS DE CAR-  
THAMO.

℞. Adianti albi,

Hyssopi,

Thymi,

Origani,

Chamædryos,

Chamæpityos,

Scolo-



Scolopendrii,  
Buglossi ana manip. semis.  
Cuscutæ,  
Halicacabi ana unciam semis,  
Rad. Angelicæ,  
Glycyrrhizæ,  
Foeniculi,  
Asparagi ana unciam unam,  
Polypodii querni unciam unam semis,

Corticum Tamarisci unciam semis,  
Sem. Anisi,

Foeniculi,  
Ammeos,  
Dauci ana unciam unam,  
Carthami leviter contusi uncias quatuor,

Uvarum passarum enucleatarum uncias duas,

Folior. Senæ unciam unam semis,  
Agarici trochiscati unciam semis,  
Rhabbarbari electi drachmas sex,  
Zingiberis drachmam unam,  
Sacchari albissimi libram unam.

Coquantur secundum artem ad justam consistentiam, & addantur

Syrup. Violati solutivi,  
Rosati solutivi,  
Acetosi simplicis ana uncia duæ.

*Febribus inveteratis, quotidianis, quartanis & obstructionibus viscerum ex humoribus crassis, ac pituita enatis opitulatur; incidit, attenuat, aperit, nec non pituitosos & serosos humores leniter per album educit. Vid. de eo Joh. Guintherius Andernacus Comment. 2. de vet. & nov. Medicina dial. 7.*

Welschius in Zvvelferi modo improbat: 1. omissam macerationem specierum, 2. peculiarem liquoris ex residuo destillationis expressi cum album. ovi clarificationem; 3. specierum purgantium in eodem liquore, scilicet jam sufficienter saturato, contra suum axioma philosophicum; infusionem, 4. infusi purgantis coctionem ab eodem in Augustanis reprehensam, 4. colaturæ utriusque in Syrupi consistentiam percoctionem, qua subtilissimæ partes tanto labore prius conservatæ avolant. Ipse verò talem modum commendat: R. species pro decocto primo (Vid. Dispensatorium antiquum) præscriptas, quibus incisis & contusis, ac cucurbitæ vitreæ immixtis adfunde aquæ font. ℥iv. infus. rosar. ℥vj. aceti ℥ix. macerentur per 24. horas, deinde destilla inde ℥ix. quibus infunde species pro decocto secundo, macera per 24. horas in vitro optime ob-

turato, tum exprime, stent parum loco calido, tunc per chartam emporeticam trans mitte, & serva; residuum à destillatione ista misce, coque, exprime, expresso adde Sacchari ℥ij. ℥iij. solve, clarifica cum ovi album. trajice per manicam, coque ultra consistentiam tabell. cui ab igne remoto admisce aquam supra destillatam, in qua purgantia infusa sunt, & F. Syrupus, cui demum addantur Syrupi viol. solut. ℥ij.

## SYRUPUS DIASEREOS ANDERNACI.

R. Intybi latifoliæ, seu Endiviæ,  
Cichorii ana manip. tres,  
Adianti albi,  
nigri,

Agrimonix,

Ceterach,

Lupuli,

Fumariæ ana manipulum semis,

Granorum Halicacabi,

Cuscutæ ana drachmas tres,

Rad. Apii,

Foeniculi,

Asparagi ana unciam semis,

Polypodii querni unciam unam,

Glycyrrhizæ drach. sex,

Sem. Cnici unciam unam semis,

Quatuor frigid. majorum ana drachmas duas,

Hordei non excorticati pugillos duos,

Sem. Endiviæ,

Cichorii ana drachmam unam semis,

Uvarum passarum unciam unam,

Prunorum Damascenorum numero viginti,

Florum Boraginis,

Buglossi,

Violarum ana pugillum unum,

Myrobalanorum citrinarum,

Chebularum ana unciam semis,

Rhabbarbari electi uncias duas semis,

Agarici trochiscati unciam unam,

Folior. Senæ unciam unam semis,

Zingiberis,

Cinnamomi ana drachmam unam.

Coquantur secundum artem in sufficiente quantitate aquæ ad tertias, colentur & exprimantur; colaturæ addendo



Sacchari optimi libram unam,  
clarificetur, atque ad justam Syrupi confi-  
stentiam coquatur, cui permisceantur  
Syrupi Rosati solutivi unciae tres.

*Ad viscerum obstructions, febres, &  
alia inde provenientia mala efficax, aurigi-  
nosos, cachecticos, hydropicosque plurimum  
adjuvat: renes etiam expurgat.*

Cum Seris Medicamenti hujus basis existat,  
nimis autem parca Antecessoribus nostris visa fue-  
rit Intybi & Cichorii quantitas, idcirco earundem  
herbarum portionem triplicandam censuerant, ut  
Syrupus evaderet efficacior. Describitur ab An-  
dernaco Comment. 2. Dialogo 7. de veteri & no-  
va Medicina.

Zvvelferum hic pharmacopœis facere injuri-  
am, Welschius monet, dum in eorum Officinis pa-  
rum efficacem Syrupum hunc proflare scribit, at-  
que si ad Zvvelferianum præscriptum conficeretur,  
non efficacior, sed laboriosior fore, cum,  
quod destillavit, coctione violentissima pessundet,  
qua plus quam ℥vij. debeant evaporare, atque hac  
ratione & florum boraginis, buglossi, & aliarum  
herbarum, radicum &c. quorum coctionem alibi  
damnaverant, subtiliores utiles partes in auras pel-  
lantur: ipse autem juxta modum suum in Syrupo  
de carthamo traditum parare hunc præcipit, hac  
tamen observatione, ut aquæ sufficiens quantitas de-  
stillatione extrahatur; siquidem hic majori quanti-  
tate, quam in altero præscripta sint purgantia.

## SYRUPUS DE EPITHY- MO MESUÆ.

℞. Epithymi uncias duas semis,  
Myrobalanorum citrinarum,  
Indarum ana drachmas  
quindecim,

Cuscutæ,  
Fumiterræ ana drachmas decem,  
Thymi,  
Buglossi,  
Calaminthæ,  
Myrobalanorum Emblicarum,  
Belliricarum.

Glycyrrhizæ,  
Polypodii,  
Agarici,  
Stœchad. ana drach. sex,  
Rosarum,  
Fœniculi,

Anisi ana drach. duas semis,  
Prunorum numero viginti,  
Passularum majorum ab arillis liberata-  
rum uncias quatuor,  
Tamarindorum uncias duas semis,  
Aquæ libras decem,  
Sacchari libras quatuor,  
Sapæ libras duas.

Coquantur secundum artem in Syru-  
pum.

*Adhibetur in humoribus & affectibus  
puitosis, ac melancholicis à bile adusta &  
atra. Ulcera fistulosa & sinuosa curat: fœ-  
dam corporis scabiem & nigram, capitis a-  
reas & impetiginem emendat, psoram, lepram,  
cancrum, elephantiam, morbum item Galli-  
cum depellit.*

Juxta Welschium, uti Syrupus de absinthio,  
aut de betonica compositus, est parandus hic Syru-  
pus, additâ Sapâ Syrupo jam perfecte cocto.

## SYRUPUS DE FUMA- RIA COMPOSITUS MESUÆ.

℞. Myrobalanorum citrinarum,  
Chebularum ana  
drachmas viginti,

Florum Boraginis,  
Buglossi,  
Violarum,

Absinthii,  
Cuscutæ ana unciam unam,  
Glycyrrhizæ,  
Rosarum ana drachmas quatuor,  
Epithymi,  
Polypodii ana drachmas septem,  
Prunorum numero centum,  
Passularum majorum ab arillis liberata-  
rum libram semis,

Tamarindorum,  
Pulpæ Cassiæ ana uncias duas,  
Aquæ font. libras decem.

Omnia lento igne secundum artem, addi-  
tis in fine Tamarindis & Cassia, coquan-  
tur, & colentur: Deinde verò addan-  
tur



Succi Fumiterræ depurati ,  
Sacchari albi ana libræ tres.

Clarificentur cum album. ovi & coquantur  
in formam Syrupi.

*Educit pituitam falsam , & bilem u-  
tramque adustam ; nec non liberatis obstru-  
ctionibus , febres putridas ab his humoribus  
enatas curat ; Ventriculum & Hepar robo-  
rat, pforam , lepram , scabiem , impetiginem,  
ac exanthemata delet , icterum utrumque  
propulsat ; utuntur eo quidam in morbo Gal-  
lico.*

Hunc Syrupum uti præcedentem fieri posse,  
monet Welschius, nempe species cum succo destil-  
lando, fructus cum aqua & residuo coquendo, in  
reliquis procedendo, ut supra in Syrupo de hyssopo.

## SYRUPUS E POMIS REGIS SAPORIS MESUÆ.

℞. Succi Pomorum dulcium ,  
Boraginis ,  
Buglossi ana libram unam semis,  
Folliculorum Senæ uncias duas,  
Crocī drachmam unam.

Sena contrita horis viginti quatuor in suc-  
cis maceretur, ac semel aut bis fervefiat, &  
coletur : expressum cum

Sacchari libris duabus,  
addito circa finem Croco, coquatur secun-  
dum artem in Syrupum.

*Hic Syrupus Medorum Regi Saponi, à  
quo captus est Valerianus Imperator, attri-  
buitur, & à Mesue describitur, qui eo uti-  
tur ad maniam, melancholiam, & cordis ro-  
bur augendum.*

Welschius Syrupum hunc sic parat: ℞. suc-  
cos præscriptos & depuratos præscripto pondere,  
croci ʒj. destilla inde ʒxiv. in quibus infunde follic.  
senæ concis. ʒij. digere, exprime, stet loco calido,  
filtra & serva. Tum ℞. residuum destillationis,  
& infusionis folliculorum, coque, exprime, expres-  
so adde Sacch. ℥ij. solve, clarifica cum ovi album.  
trajice per manic. coque ultra consistentiam tabell.  
cui ab igne remoto admisce infusionem superio-  
rem. F.

## SYRUPUS DE RHABAR- BARO SOLUTIVUS.

℞. Rhabarbari optimi ,  
Foliorum Senæ ana uncias duas semis,  
Florum Violarum manipulum unum,  
Cinnamomi drachmam unam semis,  
Zingiberis drachmam semis,  
Aquarum Betonice ,  
Cichorii ,  
Buglossi ana libram unam.

Fiat omnium infusio per noctem : manè  
ebullitione & expressione factâ, colatura  
secundum artem coquatur in Syrupum  
cum Sacchari albi unciis sedecim; cui ad-  
dantur

Syrupi Rosati solutivi simplicis uncie  
quatuor.

*Citra molestiam in pueris delicatulis al-  
vum subducit, utramque bilem deturbans, ac  
pituitam quoque leniter evacuans.*

Welschius hunc juxta modum in Syrupo de  
Carthamo traditum parare jubet.

## SYRUPUS DE RHA- PONTICO.

℞. Succi Rhapontici depurati libras tres,  
Sacchari clarificati libras duas.  
Coquantur in Syrupum.

*Vires ejus aperiendi ac roborandi cele-  
brantur, qua ratione hepati medetur, & ob-  
structionibus lienis atque vasorum mesarai-  
corum utiliter opponitur.*

## SYRUPUS ROSATUS LA- XATIVUS COMPOSITUS HELLEBORATUS MONTANI.

℞. Myrobalanorum omnium enucleatarum  
ana uncias quatuor,  
Radicum Hellebori nigri veri drachmas  
sex,  
Polypodii uncias sex,  
Glycyrrhizæ,  
Seminum Citri ana uncias quatuor,  
Foliorum Senæ,



Epithymi ana uncias sex.  
Crassè contusa & incisa macerentur per viginti quatuor horas in libris duodecim Infusionis rosarum supra descriptæ, postea coquantur ad quartæ partis consumtionem. In cujus colati, expressi & cum album. ovor. clarificati libra una infundantur.

Rhabbari electi uncia duæ,  
Caryophyllorum uncia una.

Reliquum vero cum

Sacchari clarificati libris quinque  
ad debitam consistentiam coquatur, ut  
cum Rhabbari infusione filtrata

Fiat Syrupus.

*Utebatur eo Montanus, Medicus Patavinus clarissimus, in affectibus melancholicis, lue Gallica, psora, lepra, impetigine, lichenibus, cancro, elephantia, & aliis.*

Hunc & sequentem Syrupum juxta normam illius de Carthamo Welschius præparat.

## SYRUPUS ROSATUS COMPOSITUS SINE HELLEBORO.

℞. Myrobalanorum omnium ana uncias duas,

Rad. Polypodii uncias duas semis,

Sem. Carthami unciam unam semis,

Anisi,

Fœniculi ana drachmas sex,

Fol. & folliculorum Senæ,

Epithymi ana unciam semis,

Corticum Citri unciam unam,

Caryophyllorum unciam semis,

Nucis Moschatæ drach. tres.

Macerentur horis viginti quatuor in libris quindecim Infusionis rosarum, postea fortissima fiat expressio; & addatur ad liquoris singulas libras duas,

Sacchari libra una.

Fiat lege artis Syrupus,

*Lenius quidem quam prior purgat, nihilominus tamen bilem utramque, ac pituitam educit, visceribusque robur addit.*

Paratur & alius quidam Syrupus Rosatus cum additione Radicum Cichorii, &

foliorum Fumariæ, qui hoc modo conficitur, & dicitur:

## SYRUPUS ROSATUS LAXATIVUS CUM AM- BUBEIA.

℞. Rad. Cichorii sylvestris recentium & mundatarum libras duas,

Herb. Fumariæ recent. manip. sex.

Infundantur horis duodecim in libris sex Infusionis Rosarum laxativæ: postea colentur & exprimantur: colatura posthinc cum Sacchari libris tribus coquatur in Syrupum, cui ad justam consistentiam ferè percocto, in linteo immittantur, ac post perfectam coctionem in eo pendula permaneant sequentia: utpote

Specierum Diatrion Sandal. drachma una,

Diarrhodon Abbatis drachma semis,

Fiat Syrupus, ut artis est.

*Utramque bilem ac seros salsos humores blandè evacuat, unde jecori obstructo opitulatur, icterum ac tertianas sanat, & venarum mesaraicarum oppilationes expedit, D. Raymundo Minderero, Collegæ nostro quondam, præ cæteris usu familiaris.*

Welschius hunc parare docet, species omnes, etiam aromaticas cum infusione rosar. destillando, in reliquis procedendo ut in Syrupo rosato simplici; Zvvelferum autem, postquam laboriose partes subtiliores, quò minùs coctione perdantur, destillatione conservavit, tandem easdem percoquendo in fugam agere monet.

## SYRUPUS ROSATUS SOLUTIVUS QUERCE- TANI.

℞. Succi Rosarum pallidarum recenter expressi libras sex, in quibus infunde Rosarum pallidarum mediocriter contusarum libras tres:

Stent in Balneo Mariæ tepido, per viginti quatuor horas, deinde exprimantur: & sic reiterentur infusiones, cum libris tribus rosa-



rosarum novarum, novem vicibus vel pluries: quibus absolutis, ultima expressio reponatur in uno vel pluribus vitris ad digerendum in Balneo Mariæ viginti quatuor horis, usque dum in fundo vasis adpareat sedimentum, quod tamdiu clarefiat, donec nullæ ampliùs fæces conspiciantur:

℞. Hujus Succī summe depurati, à quo humiditas mercurialis sive aqua rosarum odoratissima sit abstracta, uncias sedecim,

Sacchari albissimi uncias quatuor.

Fiat secundùm artem Syrupus.

*Ejusdem cum communi Syrupō rosarum solutivo facultatis, in hoc ferè tantum differens, quòd purpurearum loco, pallidas rosas recipiat, & majori cum labore præparetur; qui cæteroquin ad modum alterius illius confici potest.*

## SYRUPUS LENITIVUS DE TRIBUS.

℞. Foliorum Senæ Orientalium mundatorum uncias sex,

Spirit. Vitrioli optimè rectificati drachmam unam,

Muchari Rosarum ferventis libras duas.

Indantur in cucurbitam vitream, adposito cæco alembico, & circumlinitis ritè commissuris, maneant infusa in rorido Balnei calore, horis viginti quatuor; factâ levi ebullitione, & fortissimâ expressione, in colatura denuò infunde, ut priùs.

Foliorum Senæ mundatorum uncias sex.

Iterumque factâ levi ebullitione, & forti expressione, infunde tertium minutissimè incisorum

Foliorum Senæ mundatorum uncias sex,

Rhabarbari selectissimi,

Agarici albissimi ana uncias duas,

Zingiberis acuti,

Caryophyllorum ana drachmas duas,

Cinnamomi electi drachmas tres,

Spicæ Indicæ drachmam unam.

Ubi iterum sic steterint infusa, ebullierint leviter, & expressa fortiter fuerint, colentur diligenter ad usum. Postea

℞. Remanentias Foliorum Senæ ex infusione superiori,

Radicum Polypodii querni,

Glycyrrhizæ ana unciam unam semis,

Adianti utriusque ana manipulum unum,

Passularum majorum ab arillis liberatarum,

minorum mundatarum ana uncias tres,

Prunorum Damascenorum dulcium numero tringinta,

Aquæ fontanæ libras quatuor semis.

Coquantur secundùm artem ad remanentiam libræ unius semis: In ultimam ebullitionem injiciendo

Florum quatuor Cordialium ana pugillos tres,

Corticum Citri recentium drachmas duas:

Expressis & colatis adde

Sacchari finissimi uncias sedecim,

Et ubi jam ad consistentiam cocta fuerint,

Infusionis ex Mucharo factæ libram unam.

Fiat lege artis Syrupus.

*Pituitam & utramque bilem blandè evacuat, adeoque omnibus viscerum naturalium obstructionibus, ac indè natis febribus, tertianæ & quartanæ, pellendis salutaris existit: qui jucundior & commodior futurus est, si tres vel quatuor uncie Mannæ, lege artis dissolutæ, eidem addantur.*

Hunc Syrupum, Pannoniæ & Austriæ familiarem, D. D. Paulus Jenischius, olim Dispensatorio huic inferendum curaverat; cujus prolixum admodum præparandi modum immutare nolimus, laborem istum cuilibet, si quis uti eo vellet, relinquentes; cùm eundem ægrotis præscribere jamdudum nostri intermiserint. Cæterùm tamen, si servatâ ingredientium quantitate & numero, parandus foret, coquendo foliorum Senæ uncias octodecim, radices Polypodii, Glycyrrhizæ, Adiantum, Passulas, Pruna, Rhabarbarum & Agaricum, in Mucharo rosarum, & aquæ spiritu vitrioli acidula-



tæ sufficiente quantitate, postea colando, exprimendo, ac tandem additâ Sacchari auctiori, quàm est præscripta, quantitate, in Syrupum, cum aromatibus destinatis condiendum, coquendo, fieri id posset.

Eodem in Medicina cum facile carere possimus, Welschio nullum alium tradere modum libuit; si tamen alicui parare lubeat, ad alios Syrupos purgantes eum amandat, mutando ad arbitrium Medici periti ea, quæ mutanda esse videntur.

## MEL VIOLATUM SOLUTIVUM.

Fit eodem modo, quo Rosatum solutivum.

*Syrupo jam dicto viribus adfines est: inditur potissimum Enematibus, ubi febres cum alvi adstrictione molestæ sunt.*

## OXYMELI HELLEBORATUM MAJUS JULIANI.

℞. Foliorum Rutæ,  
Thymi,  
Dictamni Cretici,  
Hyssopi,  
Pulegii,  
Prasii albi,  
Cardui Benedicti,  
Spicæ Celticæ,  
Corticum Sambuci interiorum ana manipulum unum,  
Calaminthæ montanæ pugillos duos,  
Sem. Anisi,  
Foeniculi,  
Ocimi,  
Urticæ Romanæ,  
Anethi ana drachmas duas,  
Rad. Angelicæ,  
Althææ,  
Ari,  
Scillæ præparatæ,

Turbith,  
Aristolochiæ rotundæ,  
longæ,  
Ireos vulgaris,  
Costi,  
Polypodii ana unciam unam,  
Hellebori albi,  
nigri præparati ana  
drachmas tres,

Esulæ præpar. drachmas duas.

Infundantur triduo in libris septem Aceti acerrimi, & Sapæ unciis duabus, in vase vitreato benè obturato, ad solem vel ad fornacem: deinde in eodem vase, decoquantur ad medias: sub finem decoctionis addendo

Agarici electi drachmas duas.

Coletur & cum Mellis Rosati Citrati, & Sacchari ana libra una fiat Syrupus, qui sub finem aromatizetur cum aromatibus sequentibus, utpote

Caryophyllorum,  
Crocii,  
Zingiberis,  
Galangæ,  
Macis ana drachma una.

*De Oxymelitis hujus, maximopere quondam celebrati, quod apud nos etiam olim in usu fuerat, ast propinari jamdudum desit, compositione, viribus & usu prolixum discursum, post Authoris obitum, in lucem edidit Caspar Wolphius lib. 3. Epist. Gesner. Tiguri A. C. 1577. excusarum adnexum; quod equidem diversum à suo, & Julianicum esse, Gesnerus in Epist. ad P. Ach. Gasserum & Adolph. Oeconem A. fil. A. 1565. scripserat; verum parvam inter utrumque esse differentiam, ex utriusque collatione facile adparet; cum econtra à Julianicis variis descriptionibus, quas Alex. Trallianus, Paulus Aegineta, & Nicolaus Myrepsus exhibent, plurimum differat.*







CLASSIS TERTIÆ,  
ELECTUARIA &c.  
LENIENTIA EX-  
PONENTIS,  
SECTIO PRIMA,  
DE  
MEDICAMENTIS  
USUALIBUS.

FLOS, SEU PULPA  
CASSIÆ.

℞. Cannas, seu siliquas Cassiæ ponderosas, & quæ concussæ non resonant, aperi, & contentam in eis pulpam, seu medullam cum laminis & seminibus diligenter excava: exempta projice super inversum & angustum cribrum ex setis equinis contextum & paulatim aquâ calidâ irrorâ, aversoque cochlearis convexo medullam Cassiæ hinc indè ducito, ut per cribrum paulatim excernatur. Præstiterit tamen,

ubi necessitas postulat, recentes semper Cassiæ flores educere, cum diutius repositi protinus acescant.

*Calefacit & humectat primo ordine, sanguinem depurat, ejus acrimoniam temperat, ac sitim coërcet, ventriculum, bilem & pituitam educendo mundificat, pectus & guttur lenit, ejus abscessus resolvens: renum calori cum Infuso Glycyrrhizæ confert, & calculi generationem prohibet, ac in acutis febribus exhibetur: album enim blandè lenit, ac flavam bilem inferne deturbat, atque ex hac natas febres mitigat.*



## CASSIA EXTRACTA.

℞. Violariæ,  
Malvæ,  
Mercurialis,  
Betæ,  
Parietariæ,  
Florum Violarum ana manipulum unum.

Fiat omnium decoctio in aqua sufficiente, quo decocto Cassia extrahatur, & Cannæ ejus laventur: deinde

℞. Pulpæ Cassiæ cum hac decoctione extractæ, & ad spissitudinem coctæ libram unam,  
Sacchari Thomæi libram unam semis.  
Coque ad perfectionem, ut est artis.

*Hujus usus est potissimum in Enematibus, non rarò tamen in Bolo quoque exhibetur, cum ipso flore Cassiæ minùs sit flatulenta, ac magis emolliat, & humectet.*

## PULPA TAMARINDORUM.

Extrahitur eodem modo, quo Pulpa Cassiæ.

*Refrigerat & siccat ordine secundo, bilem facilè solvit, ac valde adustos humores lenit, unde arquatis, lienosis, scabiem, lepram, vitiligines & lichenas patientibus commodè exhibetur; namque cutaneas exulcerationes omnes à sanguinis adustione natas tollit, insaniam insuper ac furorem permulcere creditur.*

## ELECTUARIUM CATHOLICON, SEU ANTIDOTUS CATHOLICA NICOLAI ALEXANDRINI.

℞. Polypodii querni libram semis.  
Decoquatur in aquæ communis mensuris nostratibus quatuor, ad medietatis consumptionem: In quo decocto colato dissolvantur

Sacchari albi libræ quatuor.  
Coquantur ad Syrupi consistentiam: ubi paululùm refrixerit, addantur:

Pulpæ Cassiæ,  
Tamarindorum ana  
unciæ quatuor,

probè agitando. Postremò subsequentes pulveres paulatim inspergantur:

℞. Senæ uncias quatuor,  
Rhabarbari,  
Violarum,  
Polypodii,  
Anisi ana uncias duas,  
Glycyrrhizæ drachmas duas,  
Sem. quatuor frigid. major. ana unciam semis.

Misceantur, ut artis est.

*Electuarium suave ac mite, quod acutis morbis confert, emollit, & alterat, tertianis, quartanis, & quotidianis febribus adversatur: doloribus item capitis auxilio est, vitiosos humores blandè educens, & multiplici nobis usu familiare.*

## HIERA PICRA GALENI, QUAM SIMPLICEM VOCANT.

℞. Cinnamomi,  
Xylobalsami, aut ejus loco Ligni Aloës, vel Cubebarum,  
Asari,  
Spicæ Indicæ,

Masti-



Mastiches Chiæ,  
 Croci ana drachmas sex,  
 Aloës non lotæ uncias duode-  
 cim semis,  
 Mellis despumati libras qua-  
 tuor, uncias tres.  
 Fiat Electuarium.

*Medicamentum hoc famosum de-  
 scribitur à Galeno lib. 7. Methodi  
 med. cap. 9. & lib. 2. de tuenda vale-  
 tudine cap. 10. quod quam maximè  
 prodest vitiosis succis, qui in ventri-  
 culi tunicis hærent; utiliter exhibetur  
 iis, qui suffusorum imagines, & alia  
 symptomata ex stomachi vitio patiun-  
 tur, & præterea iis, qui alvo sunt adstri-  
 ctâ, ut & mulieribus, quæ non probè  
 purgantur. Ut plurimum autè ejus usus  
 hodie in Clysteribus tantum esse solet.*

Advertant Pharmacopœi, ne species Mellis despu-  
 mato prius injiciant, quàm id ipsum ab igne fuerit re-  
 motum, ac ferè refrigeratum; alioquin enim Aloë  
 rursus conglobatur, & picis instar indurata coit; id  
 quod etiam de aliis pulveribus resinosis, in primis ve-  
 rò Dacrydio in sequentibus Compositionibus obser-  
 vandum erit.

### ELECTUARIUM LENITI- VUM EX TAMARINDIS.

℞. Folior. Senæ mundatorum un-  
 cias tres semis,  
 Cinnamonomi electi drachm. unâ,  
 Spicæ Indicæ scrupulos duos,  
 Vini Pucini vel Rheinfalini un-  
 cias viginti.

Fiat per noctem maceratio in lo-  
 co calido, mane una atque altera  
 ebullitio; exprime fortiter, & in  
 ea dissolve

Pulpæ Tamarindorum uncias  
 tres,  
 Passularum majorum un-  
 cias duas,  
 Mannæ Calabrinæ uncias tres  
 semis,

Misce, sub finem addendo  
 Aquæ Cinnamonomi drachm. unâ.  
 Fiat Electuarium.

*Blandissimum hoc medicamentum  
 delicatis & teneræ ætatis feliciter pro-  
 pinatur.*

Welschii modus est: Fiat miscendo pulpas &  
 mannam cum vini Pucini suff. quant. solutam & co-  
 latam, quibus addatur extractum foliorum senæ (non  
 tamen cum vino, sed cum aqua paratum,) ea, qua Me-  
 dico visum fuerit, quantitate, item pulverem cinnam.  
 & spic. Ind. aut etiam aquam cinnam. pondere aucto.

### PASSULÆ LAXA- TIVÆ.

℞. Folior. Senæ Alexand. unc. qua-  
 tuor,  
 Cinnamonomi electi,  
 Zingiberis ana scrupulos qua-  
 tuor,

Aq. Endiviæ libras duas semis.  
 Infundantur per horas octo, dein-  
 de ebulliant ac leniter exprimantur:  
 huic decocto addantur

Sacchari albi uncia quatuor,  
 Passularum minorum munda-  
 tarum libra una,

atque post justam coctionem re-  
 ponantur.

Eodem modo parantur & ZY-  
 BEBÆ, & PRUNA LAXATI-  
 VA nostris usitata.

*Adstrictam alvum leniunt, faeces-  
 que detentas expellunt. Dantur pue-  
 rulis, delicatulis, & hominibus alias  
 medicinas purgantes respuentibus.*

Efficaciores, sed minùs quidem gratæ & nonni-  
 hil amarescentes evadunt hæ Passulæ, aut Cybebæ, si  
 loco aquæ Endiviæ Mucharum Rosarum sumatur.

Welschiana Passularum harum præparatio ita se ha-  
 bet: ℞. fol. senæ, & coque cum aq. simpl. (qui vult,  
 umat aquam endiviæ, quæ tamen aliàs delicatulis est  
 ingrata,) exprime, expresse adde saccharum, clari-  
 fica, trajice per manicam, coque fere ad consisten-  
 tiam Syrupi, adde passulas, bulliant q. s. atque adde  
 aromata in pulverem redacta, aut olea eorundem.





# CLASSIS TERTIÆ

## SECTIO SECUNDA,

DE

# MEDICAMENTIS MINUS

## USUALIBUS.

### PULPA PRUNORUM

℞. Prunorum magnorum vinosorum, id est, Damascenorum sive Hungaricorum recentium quantitatem, quam voles, & exemptis nucleis, in fictili vitreato magno percoquito: deinde per cribrum setaceum trajicito, expressam pulpam denuò lento igne ad perfectam & justam spissitudinem coquito, addendo Sacchari tertiam circiter partem, vel ad Pulpæ libras decem, Sacchari libras tres: ita enim melius conservatur, ne situ corrumpatur.

*Ventrem mollit, ac alvum faciliat, calorem febrilem extinguit, sitisque fastidia demulcet.*

Cum hæc Pulpa ferè convenit ELECTUARIUM E PRUNIS SIMPLEX, ita olim à nobis dictum; nisi quòd ad Pulpæ libras duas, Saccharum in majori quantitate, nempe integra ejus libra fuerit adhibita.

### DIACASSIA CUM MANNA INCERTI AUTORIS.

℞. Prunorum Damascenorum uncias duas,  
 Flor. Violarum manipul. unum semis,  
 Aquæ puræ uncias decem & octo;  
 Bulliant ad medietatis consumptionem: colentur & in colatura dissolvantur  
 Mannæ optimæ uncia duæ,  
 Syrupi Violati uncia quatuor,  
 Sacchari cantii,  
 Penidii ana uncia una,  
 Coquantur ad justam consistentiam, & addantur  
 Pulpæ Cassiæ uncia sex,  
 Tamarindorum uncia una,  
 Conservæ Violarum uncia quatuor.  
 Misceantur.

*Medicamentum hoc leniens, mite ac suave, confert iis, qui duriores sunt alvo; hanc enim leniter & citra molestiam subducit ac flavam bilem ejicit, febresque inde natas levat.*

Monendi hoc loco Pharmacopœi, hoc & ejusmodi plura subsequenter Electuaria, in minori dosi paranda, quia periculum est, ne Cassia Pulpæ Tamarindorum commista, ex diuturnitate temporis acefcat, de quo videatur Fernelius in methodo medendi.

Uti compositio hæc varie mutari potest, ita eandem quoque Welschius his verbis tradere lubuit: ℞. Pulpæ prunor. ℥j. cassiæ ℥vj. tamarind. ℥j. Sacchar. canth. penid. ana ℥j. mannæ opt. ℥ij. Syrup. violar. ℥viij. Misc. s. a. saccharum canth. prius in pulverem redigendo: si quis omnino velit, admisceat etiam conservam violar. si pro clysteribus non usurpetur: item pro decocto violarum potest immisceri pulvis violar. quemadmodum fit in Electuario catholico.

### ELECTUARIUM LENITIVUM FLORENZOLÆ.

℞. Passularum majorum ab arillis liberatarum uncias duas,  
 Capillorum Veneris, seu adianti nigri,  
 Violarum recentium,  
 Hordei mundi ana manipulum unum,  
 Jujubarum,  
 Sebesten ana numero viginti,  
 Glycyrrhizæ unciam semis,  
 Prunorum enucleatorum,  
 Tamarindorum ana drachmas sex,  
 Foliorum Senæ,  
 Polypodii ana uncias duas,  
 Mercurialis manipulum unum semis.  
 Decoquantur, ut artis est, in sufficiente aqua ad consumptionem duarum tertiarum, postmodum colentur, & incolato dissolvantur  
 Sacchari albiss. uncia sex.

Coquan-



Coquantur ad debitam consistentiam, ut additis

Pulpar. Cassiæ,  
Tamarindorum,  
Prunorum,

Conservæ Violarum ana unciis sex,  
Pulveris Senæ unciis tribus semis,  
Fiat Electuarium.

*Bilem, pituitamque, nec non his humoribus admixtum succum melancholicum blandè educit; quo præsertim in pleuritide nec non aliis pectoris ac renum morbis, præsertim à calore natis, nostri olim uti consueverant.*

Welschius decoctum parat ex fructibus, hordeo, polypodio & mercuriali, eoque saccharum solvit, clarificat & coquit, deinde pulveres ac pulpas admiscet f. a. hoc observato, ut pro capillis Veneris decoquendis addatur pulveris herbæ  $\mathfrak{z}\beta$ . & pro foliis senæ coquendis pulveris eorundem  $\mathfrak{z}\text{ij}$ . ita ut in universum sint pulveris eorundem  $\mathfrak{z}\text{v}\beta$ . pro viol. rec. & conserv. violar. sumere suadet Syrupi viol.  $\mathfrak{z}\text{vij}$ . cum violarum vires in decocto exhalare sibi persuadeat, in decocto etiam pruna plane omitti posse, & loco eorundem convenientem quantitatem pulpæ eorum accipi, quæ aliàs jam ingreditur compositionem. Idem de tamarindis in decocto iudicium format. *Quamvis autem violarum partes subtiliores coctione exhalare diffiteri nemo queat, cum tamen in hisce virtus solutiva, quæ in hoc Electuario expetitur, non consistat, sed tantum in fixioribus, mutatione hac tantopere opus non est. Posset etiam conserva violarum omitti, ejusque loco pulvis violarum, quemadmodum in Electuario catholico & lenitivo cum manna Augustani fecerunt, sumi; quæ ratione nec Syrupo violarum indigeremus.*

### ELECTUARIUM LENITIVUM DE MANNA NICOLAI ALEXANDRINI.

$\mathfrak{R}$ . Prunorum Damascenorum numero viginti,  
Violarum unciam unam,  
Capillorum Veneris,  
Ceterach,  
Lichenis, seu Hepaticæ ana drachm. tres,  
Seminum quatuor frigidorum majorum ana unciam unam.

Coquantur in aqua sufficiente, ad mediæ consumptionem, exprimantur & colentur: in colato dissolvantur.

Mannæ optimæ & purissimæ uncia una,  
Sacchari albissimi libræ quatuor.

Coquantur ad Mellis consistentiam: & in fine subsequentes pulveres paulatim inspergantur:

Seminum quatuor frigid. major. excorticatorum,

Florum Violarum,  
Nymphææ,

Seminum Lactucæ,  
Scariolæ,  
Portulacæ,

Rhabbari electi,

Foliorum Senæ ana uncia una,  
addatur etiam:

Conservæ Violarum,

Pulpæ Cassiæ ana uncia una.

Fiat Electuarium.

*Ad purgandum sanguinem, flavam & atram bilem reprimendam, jecur calefactum nonnihil refrigerandum, & universi corporis purgationem ad commodatum existit.*

Welschii modus parandi hoc Electuarium ita se habet: Paretur decoctum ex prunis, ceterach, hepatica & semin. 4. frig. major. eoque solvatur saccharum, clarificetur, coquatur ad justam consistentiam, addatur Pulpa cassiæ, Syrupus violarum, conserva loco, postea pulveres præscripta quantitate, excepto pulvere violar. cujus sint  $\mathfrak{z}\text{ij}$ . præterea etiam pulv. capill. Ven.  $\mathfrak{z}\text{ij}$ . quæ alias coqui deberent, & manna aliqua decocti portiuncula soluta & colata.

### ELECTUARIUM DE PRUNIS LENITIVUM, SEU DIADAMASCENON NICOLAI ALEX.

$\mathfrak{R}$ . Succi Glycyrrhizæ drachmas duas,  
Violarum unciam dimidiam.

In aquæ sufficiente quantitate bulliant, & colentur, in colatura solvantur

Sacchari libræ duæ,

Coquantur ad debitam consistentiam, tandem addantur

Pulpæ Prunorum libra una,  
Cassiæ,

Tamarindorum ana uncia una,

Pulveris Sandali albi,  
rubri,

Spodii de Ebore,

Rhabbari,

Cinnamomi ana drach. tres,

Rosarum,

Violarum,

Seminum Portulacæ,

Scariolæ,

Berberis,



Tragacanthi ana drachmæ duæ,  
Seminum quatuor frigid. majorum ana drachma una,  
Commisceantur, ut est artis.

*Commendatur ad febres acutas, ardentes, tertianas continuas, hecticas marasmodos, lipyrias, causum & synochum, & ad omnem febrilem affectum in principio, augmento, & statu ægritudinis. Solutivum verò, inferius in Classe sequenti describendum, in ejusmodi morbis cavendum, ob Scammonium præparatum seu Dacrydium, à quo in febribus continuis peritiores Medici meritò abstinere.*

De hoc Electuario verba Welschiana hæc sunt: F. simplicissime, cum aqua simpl. saccharum solvendo, clarificando, coquendo ad justam consistentiam, deinde admiscendo pulpas prunor. cass. & tamarindor. denique & pulveres, hoc observato, ut violar. ꝑ. quæ aliàs coqueretur, etiam in pulvere cum reliquis violis admisceatur.

## ELECTUARIUM HIERÆ CUM AGARICO.

℞. Specierum Hieræ simplicis sine Aloë,  
Agarici trochiscati ana unciam semis,  
Aloës non lotæ unciam unam,  
Mellis despumati uncias sex.  
Misce, fiat Electuarium.

*Bilem, & pituitam citra molestiam educit.*

## TRYPHERA PERSICA MESUÆ.

℞. Succ. Endiviæ veræ libras tres;  
Apii,  
Lupulorum ana libras duas;  
Solani uncias novem,  
Berberum uncias tres,  
Epithymi uncias quinque,  
Cuscutæ unciam semis,  
Spicæ Indicæ drachmas tres.  
Violarum recentium uncias tres, drach. tres,  
Folliculorum Senæ uncias duas,  
Agarici unciam unam,  
Prunorum Damascenorum numero quinquaginta,  
Myrobalanorum citrinarum,  
Chebularum,  
Indarum ana unc. duas,  
Tamarindorum uncias tres.

Secundum artem lento igne, ad remanentiam circiter librarum duarum, bulliant, colentur & cum

Aceti libra una,  
Sacch. albissimi libris tribus & unc. octo,  
Coquantur ad justam consistentiam, & addantur

Mannæ uncia una semis,  
Pulpæ Cassiæ uncia quatuor,  
Pulv. Rhabarbari optimi uncia duæ,  
Myrabalanor. citrinarum uncia una semis,  
Chebularum,  
Indarum ana uncia una,  
Belliricarum,  
Emblicarum ana uncia semis,

Sem. Fumiterræ,  
Trochisc. Diarrhodon.  
Macis,  
Mastiches,  
Cubebæ,  
Spodii de Ebore,  
Sandali citrini ana drachmæ duæ,  
Sem. quatuor. frigid. major. ana drachmæ duæ semis,  
Anisi uncia semis,  
Spicæ Indicæ drachmæ duæ.  
Fiat Electuarium.

*Juxta Mesuen valet adversus acutas febres, calidam ventriculi & jecoris intemperiem, morbos omnes ex humorum uisione natos, sitim restinguit, icterum calidum ex obstructione sanat, suffusionem à vaporibus biliosis visui incommodantem discutit, sanguinem purgat, unde in febribus pestilentibus, & ipsa peste magnopere à Georgio Agricola, & aliis commendatur.*

Thryphera hæc à Persis quondam inventa & usitata fuit, quam, si nomen spectes, delicatam dicere queas, non quidem saporis, sed usus respectu; de quo nomine, præter alios, inprimis videri potest Georg. Hier. Welschius tr. de Vena Medin.

Idem Electuarium hoc ita conficit: ℞. species omnes, quæ pro decoctis sunt præscriptæ, etiam epithimum, exceptis prunis, adfunde succos, speciebus prius aceti ꝑ. irroratis; macera per 24. horas, destilla ꝑ. quas serva; residuo adde pruna Damasc. (qui volet, potest pulpam. loco eorum postea addere, cum reliquis pulpis,) coque, expresso adde sacchari ꝑ. solve, clarifica cum ovi album. trajice per manic. coque ultra consistentiam tabell. cui ab igne remoto admisce destillatum superius, ut f. Syrupus crassior, cui adde pulpam tamarindor. & cassiæ, item mannam colatam & conservam, vel ejus loco Syrupum viol. denique admisce etiam f. a. species seqq. omnes in subtilissimum pulverem redactas, & F.





CLASSIS QUARTÆ,  
ELECTUARIORUM  
SOLUTIVORUM MOL-  
LIUM STRUCTURAM COM-  
PREHENDENTIS,  
SECTIO PRIMA,  
DE  
MEDICAMENTIS  
USUALIBUS.

ELECTUARIUM CARYO-  
COSTINUM.

℞. Costi amari,  
Semin. Cymini,  
Zingib. albi,  
Caryophyllorum ana drach-  
mam unam,  
Dacrydii,  
Hermodactylorum alborum  
superiore cortice mundato-  
rum ana drachmas duas,  
Mellis despumati & sufficienter  
inspissati,  
Vini odoriferi ana uncias tres.  
Fiat lege artis Electuarium.

*Bilem utramque evacuat, cache-  
xia, & ex illa provenientius morbis  
variis conducit, obstructiones visce-  
rum reserat, eorundemque duritiem  
attenuat & emollit.*

ELECTUARIUM DE CITRO  
SOLUTIVUM.


℞. Cortic. Citrii Pomi condit.  
Conserv. Boraginis,  
Buglossi,  
Violarum ana drach-  
mas quinque,  
Specier. Diatragacanthi frigidi,  
Dacrydii ana unciam semis,  
H Tur-



Turbith optimi drachmas sex,  
Sacchari albi in aquarum Cordialium sufficiente quantitate dissoluti libram unam.

Fiat Electuarium.

*Electuarium hoc è Guidonis de Cauliaco Tractatu septimo de Purgatione desumptum, bilem ac pituitam evacuat, idem ferme præstans, quod Diacarthamum Arnoldi, nisi quòd gratius sit. Addit verò Guido foliorum Senæ drachmas quinque, ac inde tabellas conficit.*



# CLASSIS QUARTÆ

## SECTIO SECUNDA,

DE

# MEDICAMENTIS MINUS USUALIBUS.

### BENEDICTA SOLUTIVA NICOLAI.

℞. Turbith electi,  
Sacchari ana drachmas decem,  
Dacrydii,  
Efulæ præparatæ,  
Hermodylorum,  
Rosarum ana drachmas quinque,  
Caryophyllorum,  
Spicæ Indicæ,  
Zingiberis,  
Croci,  
Saxifragiæ veræ,  
Piperis longi,  
Amomi veri,  
Cardamomi minoris,  
Sem. Apii,

Petrofelini,  
Mili Solis,  
Foeniculi,  
Asparagi,  
Carvi,  
Rufci,

Salis Gemmæ,  
Galangæ,

Macis ana drachmam unam,  
Mellis despumati optimi libram unam femis.

Fiat Electuarium, ut est artis.

*Humores pituitosos ad articulos potissimum decumbentes elicit, colicis prodest, ad quorum Enemata plurimum expetitur; à renibus quoque & vesica purgat.*

Efulam aliqui omittunt, quam tamen Auctor decem drachmarum pondere in hanc confectionem recipit, prout Fuchsius ex Nicolao tam Latino quàm Græco notat. Nobis medietas sufficere posse videtur, unde drachmas solummodò quinque adposuimus. Debet autem ea debito modo prius præparata Medicamento huic indi, cujus correctionem, præparationemque suo loco require.

Pro Amomo, qui eo carent, Asarum substituant, quod præter cæteras, quas habet facultates, purgatoriâ suâ vi paulo valentius Medicamentum sit redditurum. Alii Cyperum, aut Calamum aromaticum ejus loco accipiunt, quod nec nos improbamus.

Præparatio hujus Electuarii Welschio dicitur simplicissima, & instar regulæ generalis observandum esse monet, ut melli ferè refrigerato species per

incer-



incerniculum paulatim inspergantur, ac misceantur, ne grumescat Electuarium.

## DIABALZEMER, SEU ELECTUARIUM SENATUM RENODÆI.

℞. Rad. Cichorii,  
Buglossi,  
Polypodii querni,  
Cort. rad. Capparum,  
Graminis,  
Glycyrrhizæ ana unciam semis,  
Passularum Corinthiacarum drachmas sex,

Adianti,  
Hemionitidis,  
Ceterach,  
Cuscutæ,  
Artemisizæ,  
Fumariæ,  
Agrimonizæ,  
Betonizæ,  
Melissæ,  
Florum Genistæ,  
Violarum ana manipulum semis,  
Foliorum Senæ uncias quatuor,  
Hellebori nigri præparati,  
Turbith optimi ana unciam unam semis,  
Caryophyllorum drachmas duas,  
Sem. Dauci,  
Coriandri ana drachmam unam semis,

Coquantur in libris sex aquæ ad mediæ partis consumptionem, in colatura solvatur Sacchari libra una semis.

Coquantur ad debitam consistentiam, ut cum sequenti pulvere fiat Electuarium:

℞. Rhabarbari unciam semis,  
Senæ pulverisatæ uncias duas,  
Lapidis Lazuli præparati,  
Cinnamomi ana unciam semis,  
Sassafras unciam unam,  
Rad. Pæoniæ,  
Cort. Tamarisci,  
median. Fraxini,  
Epithymi,  
Spicæ Indicæ,  
Caryophyllorum,

Sem. Agni casti,  
Nigellæ Romanæ ana drachmas duas,  
Dauci,  
Coriandri ana drachmam unam semis,  
Anthos,  
Stœchados ana drachmam unam.  
Misc.

*Convenit lienosis, melancholicis, hypochondriacis, maniacis, epilepticis, sine febre delirantibus, passionibus hystericeis, fœdis mulierum coloribus, elephanticeis, scabiosis, & Indicâ lue inveteratâ laborantibus.*

Welschianus parandi modus: ℞. species pro decocto præscriptas una cum purgantibus, caryophyll. & feminib. pro secundo decocto; incisa & contusa, prout apta nata sunt, omnia in cucurbitam vitream immitte, eisque adfunde aq. font. (aut qui volet, aquæ chalybeatæ,) ℥vj. macera per 24. hor. deinde destilla ℥ix. quas serva; residuum coque parumper, exprime, expresso adde sacchari ℥i℥. clarifica, trajice, coque ultra consist. tabell. cui ab igne remoto admisce superioris destillati ℥ix. ut F. Syrupus, cui deinde insperge f. a. species subsequ. cum rhabarb. in subtilissimum pulverem redactas, & F. Electuarium. Possê etiam ex speciebus supradictis ℥x. vel ℥xj. destillari, in iisdem rhabarbarum infundi, infusum exprimi, digeri, filtrari, deinde saccharo ad sufficientiam cum residuo destillationis cocto admisceri, postremo pulverem inspergi, monet.

## DIACARTHAMUM ARNOLDI DE VILLA NOVA.

℞. Specierum Diatragacanthi frigidi unciam semis,  
Pulpæ Cydoniorum conditæ unciam unam,  
Medullæ Carthami unciam semis,  
Zingiberis drachmas duas,  
Dacrydii drachmas tres,  
Turbith albi drachmas sex,  
Mannæ drachmas duas,  
Mellis Rosati colati,  
Sacchari cantii ana unciam unam,  
Hermodytylorum unciam semis;  
Sacchari albi in aqua Boraginis dissoluti uncias decem semis.



Fiat Electuarium liquidum.

*Flavæ bili ac pituitæ educendæ prodest, & ad omnes affectus è mixta cum bile pituita provenientes efficax est.*

Cydoniorum Pulpa Saccharo condiri debet, in cuius usum Cydoniatum nostrum rectè succedit, & cum Manna ac Melle Rosato solutum colatur per stamen: quæ omnia Saccharo postea paulò ultra, quàm Electuario convenit, cocto simul trita & colata cum pulveribus adduntur. Dacrydium tamen per se terendum.

## ELECTUARIUM EPISCOPI, QUOD ELESOPH ADPELLATUR, MESUÆ.

℞. Dacrydii,  
Turbith ana drachmas sex,  
Caryophyllorum,  
Cinnamomi,  
Zingiberis,  
Myrobalanorum Emblicarum,  
Nucis Moschatae,  
Polypodii ana drachmas duas & semis,  
Sacchari uncias sex,  
Mellis despumati triplum, id est, uncias decem, & drachmam unam.

*Flavam bilem, ac pituitam, flatus & excrementa è toto corpore educit, ob id doloribus articulorum & hypochondriorum, colicis item cruciatibus auxiliatur. Pulvis tamen est potius in usu, aut confectio solida, quorum utrumque si efficacius habere, ac ut in minore dosi eodem effectui exhiberi queat, efficere volueris, pro Sacchari unciis sex, cum Cordo & Coudenbergio, Sacchari drachmas tantummodo sex legito, aut illud potius omnino omittito.*

## CONFECTIO HAMECH MAJOR MESUÆ.

℞. Myrobalanorum citrinarum uncias quatuor,  
Chebularum,  
Indarum,  
Rhabarbari electi ana uncias duas,  
Agarici,  
Colocynthis,

Polypodii ana drachmas decem & octo,  
Absinthii,  
Thymi,  
Senæ ana unciam unam,  
Violarum drachmas quindecim,  
Epithymi uncias duas,  
Seminum Anisi,  
Fœniculi,  
Rosarum rubrarum ana drachmas sex,  
Prunorum numero sexaginta,  
Passularum enucleatarum uncias sex.

Macerentur omnia in

Succi Fumiterræ libra una,  
Seri lactis caprini libris duodecim,  
in vase vitreato, in loco tepido, per viginti quatuor horas; postea ferveant unâ vel alterâ ebullitione, & colentur. In colatura solvatur

Sacchari albi libra una semis,  
& ad debitam consistentiam coquatur, addendo in fine

Pulpæ Cassiæ uncias quatuor,  
Tamarindorum uncias quinque  
& ubi ab igne remota fuerit, sequentes pulveres paulatim inspergendo:

Scammonii præparati, & seorsim in pulverem redacti unciam unam & semis,

Myrobalanorum citrinarum,  
Chebularum,  
Indarum ana unciam semis,  
Belliricarum,  
Emblicarum,

Rhabarbari,  
Sem. Fumiterræ ana drachmas tres,  
Anisi,  
Spicæ Indicæ ana drachmas duas.  
Fiat Electuarium, ut est artis.

*Utramque bilem & pituitam salsam purgat. Ob id morbis inde natis, impetigini, scabiei, elephantia, cancro exedenti, & similibus morbis confert; in morbis melancholicis quibusdam magnopere laudatur; in quartanis feliciter datur cum Hellebore decocto, vel infuso, quorum descriptionem subjunximus:*



## INFUSUM HELLEBORI.

- ℞. Corticum rad. hellebori nigri præparat.  
drachmas duas,  
Sem. Anisi,  
Fœniculi ana drachmam unam,  
Cinnamomi,  
Caryophyllorum ana grana tria.

Fiat infusio f. a. in Aquæ Fumariæ sufficiente quantitate, ut post colaturam remaneant unciae tres, pro una dosi.

## DECOCTUM HELLEBORI.

- ℞. Corticum hellebori nigri scrupulos quatuor,  
Sem. Anisi,  
Citri,  
Caryophyllorum ana drachmam semis.  
Fiat decoctio, cum aqua fontana, ut est artis.
- ℞. Hujus decocti uncias quatuor,  
Hamech unciam semis;  
Syrupi de Fumoterræ compositi unciam unam.
- Misce.

Laboriosam medicamenti hujus præparationem olim traditam, cum minori labore institui queat, immutare nonnihil placuit; quam equidem Confectionem auream vocare Joh. Bapt. Montano libuit, atque ab aliis etiam summis laudibus extollitur; Licet vicissim non desint; qui eam improbant, atque inprimis noster Welschius in suis ad Methodum medendi Waleanam notis, ut in suavissimam, & ingenti farragine ineptissimam, plerisque fastiditam, eandem proclamat; Cl. Casp. Hoffmannus autem lib. 1. de medic. offic. cap. 9. §. 14. alvo potius quam ori infundendam censet.

Postquam Welschius tot in medicamento hoc parando, quinque nempe decoctiones Zvvelferianas, & hoc ipso partium subtilium exhalationes vituperasset, ipse seq. modum commendat: ℞. species omnes pro decocto præscriptas, exceptis prunis & passulis, quibus adfunde succi fumiterræ ℥ij. feri lactis caprilli ℥iij. macera per 24. horas, deinde destilla ℥xix, quas serva; residuum cum feri capr. f. q. (qui volet, sumat ℥xij. vel xij. est tamen nimia quantitas, quia prunorum & passularum loco accipit eorundem pulpas,) coque, exprime, expresse adde sacchari ℥iij. solve, clarifica, trajice, coque ultra consistentiam tabell. cui ab igne remoto admisce destillatum superius, ut f. Syrupus, adde pulp. cass. tamarind. prun. & passul. tandem etiam species subsequ. in tenuissimum pulverem redactas, inter quas rhabarbari dosi in decocto positi ℥ij. reliquis inter species præscriptis ℥iij. jungi possent.

HIERA COMPOSITA  
NICOLAI.

- ℞. Cinnamomi,  
Spicæ Indicæ,  
Crocī,  
Schoenanthi,  
Asari,  
Xylocassiae, aut Cinnamomi exquisitis-  
fimi,  
Xylobalsami,  
Carpobalsami,  
Violarum,  
Absinthii,  
Epithymi,  
Agarici,  
Rosarum,  
Turbith,  
Colocynthidos,  
Mastiches ana drachmam unam, scrupulum unum,  
Aloës non lotæ quantum reliquorum omnium, id est, uncias duas, drachmus quinque, scrupulum unum,  
Mellis despumati libram unam semis.  
Misce fiat Electuarium.

*Hiera hæc, quæ & magna, & Hiera ex sedecim rebus dicitur, (Mel enim & Aloë in Compositionibus hisce non numerantur) Enematum usui inservit: pituitam enim lentam, crassam & frigidam intestinis adherentem eluit, jecoris obstructiones liberat; lienis duritiem emollit, renibus & vesicæ humoris deturbatione proficit, uteri intemperiem emendat; capitis etiam affectus, oculorum & aurium gravedines à magno pituitæ lentore ortas juvat.*

## HIERA LOGADII NICOLAI MYREPSI.

- ℞. Pulpæ Colocynthidos,  
Polypodii ana drachmas duas,  
Euphorbii,  
Polii montani minoris,



Sem. Thymelææ, vel Coccognidii ana  
drachmam unam semis, grana  
sex,

Abfinthii,

Myrrhæ ana drachmam unam, grana  
duodecim,

Centaurii minoris,

Agarici,

Ammoniaci,

Folii, vel ejus loco Macis,

Spicæ Indicæ,

Scillæ præparatæ,

Dacrydii ana drachmam unam,

Aloës,

Comarum Thymi,

Chamædryos,

Cassia lignæ,

Bdellii,

Marrubii ana scrupulum unum, grana  
quatuordecim,

Cinnamomi,

Opopanacis,

Castorei,

Aristolochiæ longæ,

Trium piperum,

Croci,

Sagapeni,

Petrofelini Macedonici ana drachmam  
semis,

Hellebori nigri,

albi ana grana sex,

Mellis despumati uncias decem.

Misce, fiat Electuarium.

*Juxta Nicolaum, malis melancholicis  
diuturnis medetur, adpetitum instaurat,  
lethargicis, epilepticis, vertiginosis, &  
convulsis auxilio est, biliosis ac elephanti-  
acis inter initia convenit, feris item im-  
petiginibus, jecinorosis, & iis, qui venena  
lethalia hauserunt, utilis est, ac menses po-  
tenter movet, ischiadicis, lumborum dolore  
vexatis, & diuturnis morbis à vitiosis hu-  
moribus obortis plurimum conferre credi-  
tur. Expetitur potissimum in Enemata, ubi  
viscosos, crassos, lentos & tenaces humores  
evocare necesse est.*

Pro Pulpa Colocynthidis non in hac solum-  
modo Compositione, sed in omnibus aliis Trochi-  
scos Alhandali substituiimus.

## HIERA PACHII EX NI- COLAO ALEXANDRINO, QUÆ ET DIACOLOCYN- THIDOS.

℞. Stœchadis,

Marrubii,

Chamædryos,

Agarici,

Colocynthidos ana drachmas decem,

Opopanacis,

Sagapeni,

Petrofelini,

Radicis Aristolochiæ rotundæ,

Piperis albi ana drachmas quinque,

Cinnamomi,

Spicæ Nardi,

Myrrhæ,

Polii,

Croci ana drachmas quatuor,

Mellis despumati triplum, id est, libras  
duas, uncias novem, & drach-  
mas quinque.

*Scribonius Largus Hieram hanc ad Pa-  
chium autorem refert, & miris laudibus  
in cœlum effert, quas lib. de compos. medic.  
cap. 97. & seqq. legere datur.*

## ELECTUARIUM INDUM MAJUS MESUÆ.

℞. Cinnamomi,

Caryophyllorum,

Spicæ Indicæ,

Rosarum,

Cassia lignæ veræ,

Macis,

Cyperi rotundi ana unciam semis,

Sandali citrini drachmas duas semis,

Turbith opt. uncias sex, drachmas  
duas,

Ligni Aloës,

Nucis Moschatæ ana drachmas duas,

Sacchari albi,

penidii ana drachmas viginti,  
Galangæ,



Cardamomi majoris,  
minoris,  
Asari,  
Mastiches ana drachmam unam semis,  
Dacrydii unciam unam semis,  
Omnia terantur, & cum subsequenti Syru-  
po conficiantur.

℞. Succorum depuratorum Apii,  
Foeniculi,  
Cydoniorum,  
Granatorum,  
ana libram  
semis.

Mellis despumati optimi libras quatuor  
semis,

Decoquantur Succum cum melle ad spissitu-  
dinem justam, ut est artis: deinde miscean-  
tur species.

*Putridorum humorum, maximè verò  
pituitosorum excrementa è ventriculo, &  
aliis partibus nutritioni servientibus educit,  
ac crassos in iis flatibus discutit.*

Welschius hoc Electuarium sic præparat:  
℞. succos præscriptos depuratos, destilla f. a. ℥xviii.  
quas serva; residuum cum melle despumato coque  
ultra consistentiam supposit. cui ab igne remoto ad-  
misce destillatum superius, ut F. Syr. cui adde f. a.  
pulverem specierum præscriptum, ut F. Electua-  
rium. Vel. ℞. mell. despum. ℥iv. sacchari &  
penidior. ana ℥xx. solve cum aq. simpl. clarifica, &  
trajice, coque ultra consistentiam suppos. cui ab  
igne remoto admisce succos omnes, uti sunt præ-  
scripti, ut F. Syrup. deinde pulveres, & F. Electua-  
rium.

## DIAPHOENICON

MESUÆ.

℞. Pulpam Dactylorum citrinorum, ex eo-  
rundem enucleatorum unciis sex  
& drachmis duabus, post tridua-  
nam in aceto macerationem, para-  
tam,

Pinearum uncias tres & drachmam u-  
nam,

Amygdalorum dulcium drachmas quin-  
decim,

Turbith electi drachmas septendecim se-  
mis,

Dacrydii drachmas sex,  
Zingiberis,  
Piperis longi,  
Foliorum Rutæ ficcorum,  
Cinnamomi.  
Macis,  
Ligni Aloës,  
Anisi,  
Foeniculi,  
Dauci,  
Galangæ ana scrupulos quatuor,  
Mellis despumati libras tres, uncias unde-  
cim & drachmas quinque.

Fiat Electuarium.

*Electuarium hoc, quod (ut Mesue re-  
fert) descripsit filius Zezar, febribus com-  
positis & diuturnis auxiliatur: bilem nam-  
que flavam & pituitam sine molestia educit,  
ventriculi item doloribus, & id genus vitiis  
ex crudis humoribus ortis confert.*

## DIAPHOENICON

FERNELII.

℞. Pulpæ Palmularum mundatarum ex Hy-  
dromelite coctarum per cribrum  
seraceum trajectæ,  
Pinearum recentium ana libram semis,  
Amygdalorum expurgatorum uncias  
tres semis;

Contusis & permixtis omnibus adde

Mellis despumati libras duas:

Paulum coquantur, ac deinde inspergan-  
tur

Zingiberis,  
Piperis,  
Macis,  
Cinnamomi,  
Foliorum Rutæ ficcorum,  
Sem. Foeniculi,  
Dauci ana drachmæ duæ,  
Turbith tenuissimè triti uncia quatuor,  
Dacrydii uncia una semis.

Fiat Electuarium.

*Compositionem Electuarii Diaphœnici  
Mesues, ob Dactylos in aceto infusos alio-  
quin parum gratam, doctissimus, & ob presti-  
ta*



*ta in Rempub. Medicam beneficia clarissimus Fernelius in hanc formam transtulit, & ob auctam, imò ferè duplicatam Turbith ac Dacrydii quantitatem priore efficaciore reddidit, unde & minori dosi exhibita, priore potentiùs alvum solvit.*

### ELECTUARIUM DE PRUNIS SOLUTIVUM NICOLAI ALEXANDRINI.

℞. Diaprunis Lenitivi recentis & nonnihil adhuc calentis libras quatuor, Scammonii præparati, seu Dacrydii uncias duas, Misce.

*Confert morbis à bile genitis, in febribus tamen, maximè verò continuis, ab ejus usu cavendum.*

### ELECTUARIUM DE PSYLLIO MONTAGNANÆ.

℞. Polypodii recentis libram unam, Senæ, Violarum, Prunorum, Tamarindorum, Passularum, Seminis Psyllii ana uncias tres, Aquæ font. libras decem.

Macerentur horis viginti quatuor, postea decoquantur ad medietatem, colentur, exprimantur, & cum Sacchari libris quatuor,

decoquantur ad debitam consistentiam, addendo

Pulpæ Cassiæ, Tamarindorum ana libram semis,

Dacrydii uncias quatuor, Spodii de Ebore, Rhabarbari, Sandali albi, rubri,

Rosarum rubrarum, Violarum, Sem. Papaveris albi, Quatuor frigid. minor. Fœniculi, Anisi, Berberum, Fumiterræ,

Tragacanthi, Amyli, Gummi Arabici, Rasuræ Eboris, Glycyrrhizæ ana drachmas tres, Myrobalanorum Indarum, Emblicarum ana drachmas quinque semis.

Misce, fiat Electuarium.

*Flavam bilem educit, cujus fervorem temperat, dolori capitis & vertigini à biliosis humoribus procreata, morbo regio, ac jecori calefacto succurrit. Vid. Barthol. Montagnana in Consiliis fol. 226. in Antidot. c. 19.*

### ELECTUARIUM ROSATUM MESUÆ.

℞. Succii Rosarum rubrarum depurati libras quatuor, Sacchari optimi libram unam semis.

Coquantur lento igne ad Mellis consistentiam, addendo in fine

Mannæ electæ succo Rosarum dilutæ uncias sex,

& tandem

Dacrydii unciam unam semis, Trochiscorum de Spodio unciam unam, Berberibus unciam semis,

Galix Moschatæ veræ, Croci ana drachmas duas.

Fiat Electuarium, ut est artis.

*Cholagogum hoc salubre est biliosis affectibus,*



*ctibus, arthritidi calidæ, cephalalgia, vertigini, oculorum dolori, ictero.*

Parari etiam Medicamentum hoc poterit sine Galia, partim pro pauperibus, partim pro iis, qui Galia odorem non ferunt.

Secundum Welschium hoc Electuarium parari debet ad normam aliorum Electuariorum ab ipso propositam in præcedd. destillando nimirum succum rosarum, non coquendo.

## ELECTUARIUM E SUC- CO ROSARUM NICOLAI ALEXANDRINI.

- ℞. Succi Rosarum rubrarum,  
Sacchari albi ana uncias sedecim,  
Scammonii præparati unciam unam semis,  
Sandali rubri,  
albi,  
citrini ana drachmas sex,  
Spodii de Ebore drachmas tres,

Succus Rosarum cum Saccharo ad justam consistentiam coquatur, deinde Sandala cum Spodio, ac tandem Dacrydium, adjiciantur.

*Commendatur ad omnes affectus, in quibus bilis flava redundat, aut biliosi ichores peccant; convalescentes ex ægritudine, quotidianarios & tertianarios sine molestia purgat, malignorumque humorum reliquias educit.*

Camphoram, cujus scrupulus unus quondam huic Electuario destinatus fuerat, odore non omnibus placentem, omittere olim consuevimus; qui tamen addere voluerit, eandem cum nucl. pini terendo in pollinem prius redigat.

## ELECTUARIUM DIASE- BESTEN BARTHOLOMÆI MONTAGNANÆ.

- ℞. Sebesten sine nucleis,  
Prunorum ficcorum enucleatorum,  
Tamarindorum ana uncias quinque,

Succi Anguria uncias sex,  
Mercurialis depurati uncias quatuor,

Pulpæ Prunorum libram unam semis,  
Sacchari Penidii uncias octo,  
Sem. quatuor frigid. major. excorticato-  
rum ana uncias duas,  
Dacrydii drachmas tres.

Coquantur Tamarindi, Sebesten, & Pruna in aquæ simplicis unciis octodecim, & per cribrum setaceum transmittantur, dein addantur Succus & Pulpæ Prunorum cum Saccharo penidio, quo dissoluto, tandem Dacrydium & reliqua commisceantur, ac fiat Electuarium.

*Confert febribus biliosis interpolatis, ac continuis exquisitis, quarum vehementiam sedat, sitim extinguit, vigilias arcet, & acres humores per urinam educit.*

Anguria, quæ Hetruscorum est Cucumis in ventrem crescens (quæ alioquin Albateca, Batega, & Melo Indicus dicitur) nobis deest: quamvis eadem opus non habeamus, ipso Composito hoc apud nos jam dudum inter obsoleta reposito; qui tamen parare voluerit, in succi defectu, aquam Melonum stillatitiam vel simile quid substituat.

Aliqui ex Seminibus frigidis Electuarium hoc ingredientibus Emulsionem parant, quam cum Saccharo penidio decoctam Compositioni postmodum indunt, ac cum cæteris ad justam Electuarii consistentiam reducant.

## ELECTUARIUM DE SE- NA NICOLAI MY- REPSI.

- ℞. Senæ uncias tres,  
Avellanarum tostatarum numero quin-  
quaginta,  
Serici tosti drachmas duas,  
Lapidis Armeni loti drachmam unam,  
Lazuli loti drachm. tres,  
Sacchari uncias sex,  
Cinnamomi unciam unam,  
Caryophyllorum,



Galangæ,  
 Piperis,  
 Spicæ Indicæ,  
 Seminis Ocimi,  
 Folii,  
 Cardamomi,  
 Croci,  
 Zingiberis,  
 Zedoariæ,  
 Florum Rorismarini,  
 Piperis longi ana drachmas duas,  
 Mellis despumati libras duas.

Misce, fiat Electuarium.

*Melancholicis, maniacis, quartanâ laborantibus, atque omnibus noxis ex atrabile natis à Nicolao commendatur.*

Pro Lapide Armeno, de quo magna est inter autores controversia, Lapis Cyaneus vel Cœruleus, vulgariter Lapis Lazuli dictus, rectè hîc nostrâ opinionem substituitur, ut qui magnam cum Armeno cum ratione originis, tum virium adfinitate cognitionem habet. Eligendus est autem Lapis Lazuli aureis maculis distinctus, seu in cujus fracturis radiantibus quædam ac splendentes aureæ stellæ scintillant, unde à Mesue lapis stellatus vocari meruit: cujus, prout & Serici præparatio, infra & suo loco tradetur.







CLASSIS QUINTÆ,  
CONFECTIONES  
SOLUTIVAS, QUÆ IN FOR-  
MA SOLIDA PARARI CON-  
SUEVERUNT, PROPO-  
NENTIS,  
SECTIO PRIMA,  
DE  
MEDICAMENTIS  
USUALIBUS.

DIACYDONIUM SOLU-  
TIVUM PELLUCI-  
DUM.

℞. Magisterii Jalapæ unc. quatuor.  
Solvatur in paucō Spiritu vini  
optimè rectificato, & per-  
misceatur diligentissimè agi-  
tando, cum Gelatinæ Cy-  
doniatæ ad perfectam con-  
sistentiam coctæ libris tribus  
semis. Indatur scatulis.

*Bilem & pituitam satis poten-  
ter educit; pro delicatis & iis, qui  
pharmaca cætera aversantur, con-  
cinnatum.*

In Diacydonio hoc solutivo pellucido, ad ho-  
minum tam saporem delectandum, quàm medica-  
menti intentionem promovendam, plurimi hucus-  
que & Medici & Pharmacopœi laborârunt, quo-  
rum cuilibet pro suo invento sua quoque rependitur  
gratia. Nobis autem superscriptus compositio-  
nis nostræ modus omnium commodissimus, & se-  
curissimus esse videtur, quia Resina Jalapæ perfectè  
dissoluta, continuâ agitatione universæ massæ cy-  
doniatæ æqualiter communicatur & permiscetur.

Welschianus modus, quem ipse verum appel-  
lat, atque Parenti suo secretum fuisse refert, ita se  
habet: ℞. Mucilagin. cydonior. ℥xxxij. pomor.  
℥xvj. succ. cydonior. recent. expressi ℥viiij. Sacchar.  
finiss. ℥x. coq. simul omnia, deinde per pannum li-  
neum exprime, mox iterum coque, & ubi veram  
consistentiam adquisiverit, adde extr. scammon. ℥j.  
℥viiij. in f. q. Spir. vin. rectif. soluti super prunis,  
cavendo tamen, ne valde incalescat; M. diligenter.



Effunde in modulos confestim, quia cito concre-  
ret, si refrigeraretur.

### ELECTUARIUM EPISCO- PI, SEU ELESOPH SO- LIDUM.

Fit juxta descriptionem Me-  
suæ, speciebus addendo, loco un-  
ciarum sex,

Sacchari libram unam.

*Easdem vires præstat, quas vel  
Species, vel liquidum Electuarium  
possidet.*

Rarissimus est hujus apud nos hoc tempore  
usus, & penè nullus; ipsæ tamen Species paulò fre-  
quentius adhibentur; quas itaque solas in promptu  
habere Pharmacopœus tenetur; ex iis, necessitate  
postulante, facile cum Saccharo Electuarium soli-  
dum paraturus.

### DIATURBITH CUM RHA- BARBARO BARTHOL. MONTAGNANÆ.

℞. Rhabarbari drachmas decem,  
Turbith albi & gummosi,

Hermodylorum ana unciam  
unam,

Dacrydii unciam semis,

Zingiberis,

Sandali albi,

rubri,

Violarum ana drachmam u-  
nam semis,

Mastiches,

Anisi,


Cinnamomi,

Croci ana drachmam semis,

Sacchari albi libram unam,  
uncias duas, drachm. duas.

*Flavam bilem, & pituitam edu-  
cit, atque aquâ inter cutem laboran-  
tibus confert; ad vermes etiam Me-  
dicamentum est valde idoneum: nam  
Rheum eosdem enecat, & Turbith  
pituitam ipsam, vermium verum fo-  
mitem ejicit.*

Species hujus Electuarii, non nisi Pulveris for-  
mâ apud nos prostant, ex tempore in Confectionem  
solidam redigendæ, ubi expetitur.



## CLASSIS QUINTÆ

### SECTIO SECUNDA,

DE

## MEDICAMENTIS MINUS USUALIBUS.

### ANISUM SOLUTI- VUM.

℞. Sem. Anisi mundati uncias sex,  
Dacrydii uncias tres & drachmas  
sex,  
Mastiches electæ unciam semis,

Spec. de Gemmis frigid. drachmas  
duas,

Diamargarit. frigid.

Cinnamomi acuti,

Caryophyllorum,

Nucis Moschatæ ana drachmam unam,

Saccha-



Sacchari albissimi libras quinque & uncias quatuor.

Fiat secundum artem Confectio.

*Aniso hoc solutivo adstrictâ alvo laborantes ad eam movendam ante cibum utuntur: nonnulli autem qui Medicamenta purgantia alioquin respuunt, hujus Confectionis jucunditate illecti, eâ assumptâ purgantur.*

## DIACARTHAMUM SOLIDUM.

Species ingredientibus Electuar. Diacarthamum Arnoldi, cum Saccharo ipsi destinato conficiantur, omittendo Pulpam Cydoniorum, Mel, & Mannam; quamvis, si cui liberet, neque recensita illa compositionem hanc ingredi refugiant.

*Isdem viribus, quibus liquidum, pollet, & jucundius, quàm illud, assumitur.*

## CONFECTIO ADVERSUS LUMBRICOS.

℞. Sem. Cinæ drachmam unam,  
Rad. Filicis,  
Graminis,  
Dictamni ana scrupulos duos,  
Cornu Cervi usti,  
Rhabarbari ana scrupulos quatuor,  
Sacchari diluti Aquâ Graminis uncias sex,

*Vermes & animalia in intestinis nata enecat, & ejicit.*

## DIACYDONIUM SOLUTIVUM.

℞. Foliorum Senæ elect. uncias duas semis,  
Rhabarbari electi,  
Cinnamom. acuti ana drachmas sex,  
Seminis Anisi drachmas tres,  
Zingiberis albi unciam unam,

Vini Malvatici libras duas,  
Succi Limonum uncias octo.

Coquantur ad medias, postea colentur, & additis

Pulpæ Cydoniorum libris duabus semis,

Sacchari clarific. librâ unâ semis,

continuè agitando, ad justam consistentiam, coquendo deducantur, tandem etiam, ubi refrigerari incipit,

Dacrydii uncia semis, in spiritu vini soluti & filtratione depurati.

Fiat Diacydonium in scatulis.

Medicamenti hujus usus, cum neque pelluciditate admodum se commendet, neque palato gratum existat, jamdudum apud nos evulgit; & fortè nec alibi amplius in usum trahitur; Unde, contrarii tantum parandi illud modo adposito, emendationi ejus prolixiori studere haud opus fuit. Nonnulli Antimonii infusum olim addidere: Verum ventrem turbandi multæ sunt artes; attamen electivè purgantibus, inprimis similibus antimoniatibus, neque in hoc, neque in alio medicamento genere, temerè abutendum, præsertim verò in delicatulis ac infantibus. Cavendum etiam, ne vulgus, nomine Diacydonii deceptum, Dacrydatum hoc promiscuo ac inconsiderato usu, quibusvis id temerè exhibendo, in sui noxam porrigat.

## HOLIPPÆ PURGANTES.

℞. Turbith albi gummosi, & ab exteriori cortice mundati drachmas quinque.

Pulveris Syrii drachmas duas,

Zingiberis albissimi ab exteriori cortice mundati,

Cinnamomi acutissimi ana drachmam unam semis,

Hermodytylorum electorum & mundatorum drachmam unam.

Fiat Pulvis subtilissimus, cui admisce

Farinæ triticeæ candidissimæ,

Sacchari albissimi ana uncias quatuor.  
Cum sufficienti quantitate aquæ Rosarum

Fiant secundum artem Holippæ.



*Pituitosos, serosos, biliososque humores educunt; usui sunt potissimum iis, qui medicamentorum usum abhorrentes sic studiosè falli desiderant.*

## PASSULÆ SOLUTIVÆ SICCÆ D.D. IMMANUELIS DIDYMI.

- ℞. Passularum minorum unciam unam,  
Radicum Esulæ præparatæ,  
Hellebori nigri præparati ana  
drachmas duas.

Bulliant in libra una aquæ ad medias,  
Colentur, fortiterque exprimantur, adden-  
do postea

Pulveris Dacrydii unciam unam.

Quæ mixtura Passularum minorum succu-  
lentarum & optimè mundatarum uncias  
sex adfundatur, omniaque in patina con-  
fecta probè concutiendo permisceantur;  
deinde passulæ extendantur in eadem pati-  
na, & propè fornacem exsiccentur.

In his parandis Welschio non videtur tutum  
fatis esse, pulverem dacrydii passulis aspergere, cum  
fieri posset, ut una vel altera illarum plus ejus acci-  
peret, quàm decem aliæ, ita ut uni vel alteri nihil  
ejus accederet; unde pharmacopœo author est, ut  
illud in mellis rosati vel Syrupi cujusdam aliqua  
quantitate permisceat, postea passulis additis, eas-  
dem in patina contexta diligenter hinc inde com-  
movendo concutiat, & demum exsiccet. *Verùm  
si dacrydium in decocto passulato, quo cum passula de-  
in imbuuntur, probe sit permixtum, metus ille abesse  
potest, & preparatio eodem recidit.*

## DIAPHOENICON SOLIDUM.

- ℞. Dactylorum per triduum aceto macera-  
torum numero sex,  
Cardamomi drachmas duas,  
Pinearum,  
Amygdalorum dulcium ana drachmas  
quindecim,  
Turbith drachmas duodecim,  
Dacrydii drachm. undecim,  
Piperis longi,  
Zingiberis,  
Foliorum Rutæ siccatorum,  
Cinnamomi,  
Macis,

Sem. Fœniculi,

Anisi,

Dauci,

Galangæ,

Ligni Aloës ana drachmam unam,

Sacchari libram unam, uncias duas.

Fiat Confectio solida, ut est artis, æqualiter  
pulveres miscendo.

*Viribus affine est liquido.*

Omissis Dactylis, Pineis, Amygdalis, & Sac-  
charo, reliqui pulveres, uti supra dictæ Species Ele-  
ctuarii Episcopi, pro usu tantum apud nos quondam  
reponebantur.

## ELECTUARIUM E SUC- CO ROSARUM SOLIDUM.

- ℞. Specierum ingredientium Electuarium  
de Succo Rosarum Nicolai, quan-  
tum describitur supra.

Cum Sacchari uncias sedecim fiat Confectio  
in solido, recipiendo tantum

Succi Rosarum libram unam.

*Idem præstat, quod liquidum, & quidem  
paulò potentiùs: minor enim est hîc Succi Ro-  
sarum quàm in liquido quantitas.*

## ZINGIBER SOLUTI- VUM.

- ℞. Zingiberis drachmas duas,  
Cinnamomi,  
Caryophyllorum ana drachmam unam,  
Nucis moschatæ,  
Galangæ ana scrupulum unum,  
Crocii grana quatuordecim,  
Turbith scrup. unum semis,  
Dacrydii drachmas tres,  
Sacchari uncias quatuor.

Fiat Confectio solida.

*Cautè hoc Medicamento utendum, quo  
vulgus olim promiscuè abutebatur, ad quos-  
cunque affectus indiscriminatim ac præpo-  
sterè id adhibens; bilem tamen & pituitam  
evacuat; verùm in februm suspicionibus  
ab ejus usu cavendum: humores enim ni-  
mium fundit & liquat, unde Hypercatbar-  
sis facile metuenda foret, ac Medicamen-  
ti ipsius caliditas calidos affectus magis ir-  
ritat.*





CLASSIS SEXTÆ,  
PILULARUM COM-  
POSITIONES, AC VIRES  
EXHIBENTIS,  
SECTIO PRIMA,  
DE  
MEDICAMENTIS  
USUALIBUS.

PILULÆ DE ALOE  
ROSATA.

℞. Aloës optimæ, quæ Succum  
Rosarum tertiâ vice imbi-  
berit, atque resiccata fue-  
rit, unciam unam.

Ex qua cum Vino formentur Pi-  
lulæ pro lubitu.

*Minus quidem purgant, magis  
tamen roborant, cruditates absumunt,  
adstrictam alvum solvunt, ac humo-  
rum putredinem arcent.*

Eodem modo cum infusione violarum pa-  
ratur Aloë violata, quæ, plurium judicio, PILU-  
LAS sic dictas FRANCOFURTENSES  
constituit.

PILULÆ DE AMMONIA-  
CO QUERCETANI.

℞. Balsami Aloëtici uncias qua-  
tuor,

Gummi ammoniaci puri in  
aceto scillino dissoluti  
drachmas sex,

Myrrhæ electæ unciam semis,  
Mastiches,

Specierum Diatrionsandal. ana  
drachmam unam semis,

Croci,

Salis Fraxini,

Absinthii ana scrupulos  
duos.

Cum Syrupo de Stœchade  
Fiat Pilularum massa.



*Ad omnem totius corporis facultatē materiæ abundantiam educendam, cachexiam, febres inveteratas, & diuturnas tollendas, maxime conducunt; citra omnem etiam molestiam & perturbationem exhibentur.*

Welschius has Pilulas sic præparat: *℞.* granor. gummi ammon.  $\mathfrak{z}$ vj. in mortario tepido solve cum aceti scillit. f. q. cui adde pulv. myrrhæ & mastiches, solve omnia & probe subige cum pauxillo aceti scill. quibus adde crocum, balsamum aloëticum, species diatrion sandal. & salia, ac probe miscendo fiat massa pilularis.

## PILULÆ ANGELICÆ

Seu

## DE ALOE ET RHABBARO.

*℞.* Aloës Socotrinæ libram unam, quam dissolve in

Succor. depuratorum Cichorii,  
Endiviæ,  
Buglossi,  
Boraginis,  
Lupulorum,  
Fumariæ  
ana unciiis  
quatuor,  
Rosarum  
Damas-  
cen. li-  
bra una.

Lento igne ad justam consistentiam deducantur, ut cum sequenti pulvere:

*℞.* Pulveris Rhabbarbari electi unciam unam,  
Agarici trochiscati unciam semis.

Cinnamomi electi  
drachmas duas,

Fiat Massa Pilularis.

*Virtus harum pilularum nunquam satis laudanda existit, quoniam ad omnium viscerum nobiliorum corroborationem commendantur, pravorum insuper humorum correctionem, & blandissimam evacuationem promonent.*

Modum Augustanorum olim observatum, æquè ac Zvvelferi, improbat Welschius, in quo nempe optimas partes succorum per exhalationem disperdi monet: ipse verò minorem quantitatem succorum accipere, & iis paulatim aloën imbuere ac resiccare, deinde pulverem agarici, rhabbarbari & cinnamomi admisceri jubet. *Censura tamen hæc opus minimè fuit; cum, sive una vice, sive paulatim succi evaporent, utrobique succorum pars aquea in auras abeat, succorum etiam in dosi imminutio virtutem pilularum immutet; in Welschiana quoque præparatione pulveres rhabbarbari &c. cum succis resiccatis, absque vini vel alterius liquoris additione in massam pilularem minime compingi queunt.*

## PILULÆ ARTHRITICÆ NICOLAI ALEXANDRINI.

*℞.* Hermodactylorum,  
Turbith,  
Agarici ana drachmas duas,  
Cassiæ lignæ veræ,  
Spicæ Indicæ,  
Xylobalsami,  
Carpobalsami,  
Galangæ,  
Caryophyllorum,  
Macis,  
Asæ foetidæ,  
Zingiberis,  
Mastiches,  
Sem. Fœniculi,  
Anisi,  
Saxifragiæ,  
Asparagi,  
Rusci,  
Mili Solis,  
Rosarum,  
Salis gemmæ ana grana quindecim,

Da-



Dacrydii unciam semis,  
Aloës optimæ ad pondus omnium, id est, drachm. quatuordecim semis,  
Succi Fœniculi quantum sufficit.

Fiat Massa.

*Ad arthriticos dolores & podagræ insultus, aliosque frigidorum humorum in articulos procubitus, aut defluxiones adhibentur.*

Notandum, ex Asparagi & Rusci Seminibus Pulpam solum carnosam, abjectis granis in meditullio contentis, sumi debere, cum in iis vix ulla vis huc expetita resideat. Idem iudicium esto de Berberibus ac similibus.

### PILULÆ AUREÆ NICOLAI ALEXANDRINI.

℞. Aloës,  
Dacrydii ana drachmas quinque,  
Rosarum rubrarum,  
Sem. Apii ana drachmas duas semis,  
Sem. Anisi,  
Fœniculi ana drachm. unam semis,  
Mastiches,  
Pulpæ Colocynthidos,  
Crocī ana drachmam unam,  
Mellis Rosati solutivi, quantum satis est.

Fiat Massa.

*Caput expurgant, sensus omnes, præcipuè oculorum aciem exacuunt: atque ad stomachicos, colicos, nephriticos, & inflatos probantur.*

### PILULÆ CATARRHALES, vulgo, DE CYNOGLOSSO NICOLAI ALEXANDRINI.

℞. Rad. Anchusæ siccarum,  
Sem. Hyoscyami albi,

Opīi depurati ana unciam semis,

Myrrhæ drachmas sex,  
Thuris drachmas quinque,  
Caryophyllorum,  
Cinnamomi,

Styracis calamitæ ana drachmas duas.

Cum Syrupo ex Succo Violarum, & Succo Anchusæ lege artis formetur Massa.

Quamvis ex descriptione Mesuæ & Nicolai, nec non viribus assignatis, radices cynoglossi compositioni huic esse immiscendas, satis pateat, cum tamen nescio quo errore aut consilio, tum apud nos, tum alibi etiam à quibusdam pharmacopœis non cynoglossi, sed anchusæ radices rubræ recipi soleant, cynoglossum verò apud plures, ob narcotin malignam male audiat, anchusam retinere, neque inscriptionem, ne ulla confusio oriatur, prorsus delere, nobis placuit. Carere autem cynoglossi eò facilius possumus, cum quidquid ab ipso expectari hic queat, opium abunde & securius suppleat; in reliquis autem nihil mutandum censemus, quia Pilulæ sic paratæ longo plurimoque usu sunt expertissimæ.

Cæterum has Nicolaus à Mesuæ mutuatus est, qui eas sub titulo Pilularum ad omnes morbos catarrhicos hoc modo descripsit:

℞. Opīi,  
Cynoglossi,  
Hyoscyami ana unciam semis,  
Myrrhæ puræ drachmas sex,  
Olibani drachmas quinque,  
Crocī drachmam unam semis.

Fiat Massa.

Nobis etiam alia compositio quondam in usu fuit, quam Castoreum ingreditur, quod singulari vi Opīi qualitatem noxiam emendandi pollere creditur; quàm infra pag. 79. vide.

### PILULÆ IMMANUELIS.

℞. Aloës Socotrinæ unciam unam,  
Myrrhæ electæ scrupulum unum,  
Crocī Orientalis scrupulum semis,  
Cum Mithridatio Damocr.  
Fiat Massa.



*Frequentissimi apud nos sunt usus in ventriculo & intestinis à vitiosis humoribus blande liberandis ; unà confortant, flatusque dissipant.*

### PILULÆ DE STY- RACE.

℞. Styracis calamit. drachm. duas,  
Ladani,  
Olibani,  
Myrrhæ ana drachmam u-  
nam,  
Succi Glycyrrhizæ drachmam  
unam semis,  
Ambræ griseæ scrupulum un-  
um,  
Extracti opii, cum aceto destill.  
parati drachmam  
unam,  
croci cum spiritu vini  
facti scrupulos  
quatuor.  
Misceantur cum Syrupi de corti-  
cibus citri incompl. drachmis  
duabus, & fiat Massa.

*Sistunt pertinacissimam tussim & catarrhum ferinum. Prænantibus non sine abortûs discrimine tussienti-  
bus multoties cum successu datas fuisse, notat Schröderus.*

### PILULÆ DE SUCCINO DN. D. JOHANNIS CRA- TONIS.

℞. Pulveris Succini præparati,  
Mastiches ana drach-  
mas duas,

Aloës Socotrinæ drach-  
mas quinque,

Agarici trochiscati drach-  
mam unam semis,

Aristolochiæ rotundæ ve-  
ræ drachmam semis.

Cum Syrupo de Betonica for-  
mentur Pilulæ.

*Biliosos & pituitosos humores è ca-  
pite expellunt, ad catarrhos, & inde  
provenientes oculorum, aurium, &  
dentium dolores propulsandos feliciter  
usurpantur.*

### PILULÆ DE TARTARO SCHRÖDERI.

℞. Aloës Socotrinæ cum succo  
fragorum insuccatæ un-  
ciam unam,  
Granorum Ammoniaci gummi  
drachmas tres semis,  
Salis Martis subdulcis, cum ace-  
to dest. parati,  
Tincturæ Croci orientalis ana  
drachmam unam,  
Magisterii Tartari purgantis,  
sive Terræ Tartari foliatæ  
drachmas duas,  
Extracti Gentianæ drachmam  
unam semis.

Cum Tinctura Tartari fiat Massa.

*Saburram tartaream & mucilagi-  
nosam ex infimo ventre inprimis edu-  
cunt, lienem, uterum & hepar ab in-  
farctu liberant, morbosque inde pro-  
natos curant.*







## CLASSIS SEXTÆ

## SECTIO SECUNDA,

DE

MEDICAMENTIS MINUS  
USUALIBUS.PILULÆ DE AGARICO  
MESUÆ.

- ℞. Agarici drachmas tres,  
Ireos,  
Marrubii ana drachmam unam,  
Turbith drachmas quinque,  
Specier. Hieræ picræ Galeni drachmas  
quatuor,  
Colocynthidos,  
Sarcocollæ ana drachmas duas,  
Myrrhæ drachmam unam,  
Sapæ quantum satis est.  
Fiat Massa.

*Thoracem à pituita putri & crassa purgant, ob id antiquæ tussi & asthmatis, aliisque thoracis vitiis à pituitosis humoribus ortis auxiliantur.*

Agaricum in Compositionibus Pilularum à nobis semper sumitur trochiscatum.

PILULÆ AGGREGATIVÆ  
MAJORES MESUÆ.

- ℞. Myrobalanorum citrinarum,  
Rhabarbari ana drachmas quatuor,  
Succor. inspissator. Agerati,  
Absinthii ana drachmas tres,  
Dacrydii drachmas sex,  
Myrobalan. Chebularum,  
Indarum.  
Agarici,  
Colocynthidos,  
Polypodii ana drachmas duas,

Turbith,  
Aloës ana drachmas sex,  
Mastiches,  
Rosarum,  
Salis Gemmæ,  
Epithymi,  
Anisi,  
Zingiberis ana drachm. unam.  
Cum Syrupo Rosato sol.  
fiat Massa.

*Polychresta Catapotia dicuntur, quod ad multos affectus corporis præter naturam sint utilia, ac omnes humores purgent; ad varios enim capitis, ventriculi, jecorisque morbos, ut & diuturnas ac complicatas febres sunt efficaces.*

Quidam Dacrydii drachmas tantummodo quinque legunt, potior tamen Medicorum pars sex drachmas adscripsit. Ubi succus Absinthii in Pilulis sumendus est, vulgaris sive nostratis Absinthii succum statuimus intelligendum. Cæterum hic aliive Succo inspissati, si nimium indurati fuerint, pro Pilularum massa conficienda, prius in liquore (uti hic in Syrupo ros. sol.) solvendi sunt, antequam reliqua addantur.

PILULÆ AGGREGATIVÆ  
MINORES MESUÆ.

- ℞. Myrobal. citrinarum,  
Indarum,  
Emblicarum ana drachmas tres,  
Mastiches,  
Anisi,



Succor. inspissatorum Agerati,  
 Absinthii,  
 Rosarum ana  
 drachm. duas,  
 Rhabarbari drachmas quinque,  
 Specierum Hieræ picræ Galeni drach-  
 mas duodecim.  
 Cum Succo Apii formetur  
 Massa.

*Pituitam & bilem utramque è ventri-  
 culo & capite purgant, obstructions hepatis  
 aperiunt, ipsumque cum ventriculo roborant  
 febres antiquas, pruritum, & ulcera maligna  
 juvant.*

Melichius in Dispensatorio suo, non Aqua-  
 rum tantum, sed etiam Succorum usum in conficien-  
 da massa pilulari planè excludit, eorundemque loco  
 Mel, aut Syrupum aliquem tenuioris consistentiæ  
 substituit: Quem tamen vicissim alii rejiciunt.  
 Nos dictorum nullum improbamus, cum rationes  
 in contrarium partim adductæ exigui sint mo-  
 menti.

## PILULÆ ALEPHANGI- NÆ SEU AROMATICÆ MESUÆ.

℞. Cinnamomi,  
 Cubearum,  
 Ligni Aloës,  
 Calami aromatici,  
 Nucis moschatae,  
 Macis,  
 Cardamomi,  
 Caryophyllorum,  
 Radicum Asari,  
 Mastiches,  
 Schoenanthi,  
 Spicæ Indicæ,  
 Galangæ ana unciam unam,  
 Absinthii ficci,  
 Rosarum rubrarum ana drachmas quin-  
 que,

Dimidia pars horum aromatum crassiu-  
 sculè confusa infundatur in aquæ libris  
 quatuor: coquantur lento igne ad mediæ  
 partis consumptionem, deinde exprimantur  
 & colentur. In colatura dissolvatur  
 Aloës Socotrinæ cum aqua pluviali elotæ,

id est, depuratæ libra una, & ulteriori co-  
 cturâ ad justam consistentiam perducatur,  
 ut cum reliqua aromatum parte subtilissimè  
 tritâ, nec non

Pulveris Myrrhæ,  
 Mastiches ana drachmis quin-  
 que,  
 Croci drachmis tribus,  
 Fiat Massa.

*Ventriculum, cerebrum, & sensoria  
 omnia ab humoribus crassis, putribus, & pi-  
 tuitosis mundificant, ac inde natos dolores  
 tollunt: unde stomachi robur augent, co-  
 ctionem promovent, adpetitum instaurant,  
 cruditates abolent, ac nutritioni dicatas  
 partes plerasque à noxiorum humorum,  
 frigidiorum præsertim, accumulatione tuen-  
 tur.*

Medicamentum hoc, quod Mesue à Lampo-  
 ne Pelusiota mutuatus esse videtur, uti adparet ex  
 Galeno lib. 8. de Comp. Med. secund. loc. cap. 2.  
 utpote quod cum Hiera Lamponis ferè concordet,  
 ab Auctore potius ad corroborandum ventriculum  
 & cerebrum, quàm alvum ducendam est institu-  
 tum. Dicuntur autem hæ Pilulæ Aromaticæ, eò  
 quòd multis consent Aromatibus; itemque Pilulæ  
 Solis, quòd in Sole seu insolando, sine ulla tamen  
 necessitate, olim à quibusdam confectæ fue-  
 rint.

*Easdem ferè vires obtinent, aut saltem  
 modò dictarum Pilularum vires æmulantur  
 Pilulæ illæ sine cura dictæ, Clarissimi quon-  
 dam Viri D. D. Cyriaci Weberi, quarum  
 descriptio hæc est:*

℞. Xylocassia,  
 Cinnamomi acuti,  
 Nucis moschatae,  
 Mastiches electæ,  
 Cubearum,  
 Ligni Aloës,  
 Liquiritiæ ana drachmam unam,  
 Rosarum rubrarum drachmas duas,  
 Rhabarbari optimi drachmam unam semis,  
 Spicæ Indicæ drachmam semis,  
 Aloës Succo Rosarum lotæ uncias tres.  
 Redigantur in Massam Pilularem.

Welschius in Zvvelferi primo modo reprehen-  
 dit, quòd i. vini ℥v. vel vj. speciebus aromaticis  
 adfundat, & gemina destillatione, quousque aliquid  
 prodeat, id est, ad siccitatem proliciat, quod pro  
 myrrhæ, mastiches & croci ℥xiiij. diluendis adhibet;  
 quæ



quæ quantitas cum sit nimia, & in adquirenda justæ consistentiæ massa pilulari exhalare debeat, absurde destillationem institui sequatur; id quod etiam de secundo ejus modo valet; 2. oleorum destillatorum nimia sit quantitas respectu ponderis aromaticum ipsis substitutorum, cum ex. gr. uncia una cinnamomi ejusdem olei scrupulum dimidium non largiatur, e contrario ex mastiches ℥j. plus quam drachma dimidia vel scrupuli duo haberi possint. Unde ipse talem modum proponit: ℞. myrrhæ, mastiches ana ℥v. in mortario tepido, inspersa aquæ pluvialis, rosar. absinth. cinnamom. vel vini f. q. dissolve, his statim adde croci ℥iij. Tum ℞. aloës Socotrinæ illotæ, aut semel tantum cum aqua pluviali solut. colat. & inspissatæ, ac in pulverem redactæ ℥ij. redigatur in massam pilularem cum solutione priori, & f. q. liquoris, quicumque placuerit ex dictis, addendo pulveres asari, schoenanthi, spicæ Ind. ana ℥j. tandem oleum cinnam. cubeb. calami arom. nuc. mosch. macis, cardamomi, caryophyll. mastich. galang. absinth. rosar. (extr. ligni aloës addatur statim myrrhæ & mastich.) Et talem ferè modum in aliis Pilulis parandis etiam observat.

### PILULÆ DE ALOE LOTATA INCERTI AUCTORIS.

℞. Aloës cum Succo Rosarum lotæ unciam unam,  
Agarici trochiscati drachmas tres,  
Mastiches drachmas duas,  
Specierum Diamoschi dulcis drachmam semis.  
Cum Vino Malvatico fingatur  
Massa.

*Ventriculum, cerebrum, uterum, & alia viscera à putridis & pituitosis humoribus expurgant, concoctionemque promovent.*

### PILULÆ DE ALOE ET MASTICHE NICOLAI MYREPSI.

℞. Aloës unciam unam,  
Mastiches unciam semis,  
Caryophyllorum,  
Rosarum rubrarum ana drachmam unam,  
Croci,  
Dacrydii ana scrupulos duos.

Cum Succo Absinthii formetur  
Massa.

*Ventriculum sine molestia purgant, ex eoque bilem & pituitam eliciunt, ac nutritioni dicatis partibus robur præstant.*

### PILULÆ ARABICÆ NICOLAI.

℞. Aloës optimæ uncias duas,  
Radicis Bryoniæ,  
Myrobal. omnium,  
Mastiches,  
Dacrydii,  
Asari,  
Rosarum ana unciam semis,  
Castorei drachmam unam semis,  
Succi Foeniculi quantum satis est.  
Formetur Massa.

*Omnes humores purgant: auditum amissum reparant, vertigini, hemicraniæ, ac dolori capitis succurrunt.*

### PILULÆ ASSAIERET AVICENNÆ.

℞. Specierum Hieræ picræ Galeni unciam semis,  
Mastiches,  
Myrobalanorum citrinarum ana drachmas duas,  
Aloës optimæ unciam unam.  
Cum Syrupo de Stoechade formentur  
Pilulæ.

*Bilem flavam & pituitam leniter purgant, eam præsertim, quæ ventriculo insidet, ideoque hujus affectibus, quibus Hieræ remedio esse solet, & capitis doloribus à vitiosis stomachi succis abortis auxiliatur. Propinantur in tenuibus & acribus capitis fluxionibus, & describuntur ab Avicenna Fen. 1. lib. 3. cap. 29.*



## PILULÆ DE BDELLIO MAJORES MESUÆ.

℞. Bdellii drachmas duodecim,  
Mirobal. Chebularum,  
Indarum,  
Belliricarum,  
Emblicarum,  
Concharum Venerearum ultarum,  
Charabe ana drachmas duas semis,  
Ammeos parum tosti drachmas tres.

Maceretur Bdellium in succo foliorum Porri, & formetur Massa.

*Ad fluxum hæmorrhoidum, & ulcera ex eis provenientia, nec non menses immodicos utiliter exhibentur.*

Concha Venerea describitur à Gesnero de crustis ordine xv. fol. 254. Tota intus candida est, foris cortice lævis, atque varietate colorum & macularum inspersarum insignis.

## PILULÆ DE BENE- DICTA.

Fiunt ex Speciebus Benedictæ solutivæ, incorporatis cum Melle Rosaceo.

*Humores pituitosos potissimum ad articulos decumbentes eliciunt; à renibus quoque & vesica purgant.*

## PILULÆ DE CASTOREO AVICENNÆ.

℞. Castorei,  
Doronici,  
Zedoariæ,  
Nucis moschatæ ana drachmam unam,  
Sem. Apii,  
Anethi,  
Matris perlarum ana scrupulos quatuor,  
Hyoscyami grana tria.

Formetur Massa cum Mucilagine Tragacanthi in aqua Artemisiæ solutâ.

*Uterinis doloribus conferunt, crassos flatus dissipant, ac impeditas menstruas purgationes eliciunt.*

## PILULÆ COCHIÆ RHASIS.

℞. Specierum Hieræ picræ Rhasis drachmas decem,  
Pulpæ Colocynthidos drachmas tres, scrupulum unum,  
Dacrydii drachmas duas semis,  
Stœchadis,  
Turbith ana drachmas quinque,  
Syrupi de Stœchade quantum satis est.  
Fiat Massa.

*Cephalicæ rectè dicuntur, eò quòd caput magnâ efficaciam expurgent, ideoque à nervis crassos, pituitosos, & frigidos humores evacuent. Describuntur à Rhase 9. ad Almanforem cap. 1. De nomine earum vide Welshium nostrum tract. de vena Medin pag. 260. &c.*

## SPECIES HIERÆ PICRÆ RHASIS.

℞. Rosarum rubrarum,  
Spicæ Indicæ  
Mastiches,  
Xylobalsami,  
Carpobalsami,  
Cinnamomi,  
Xylocassiae,  
Rad. Asari ana scrupulum unum, grana quinque,  
Aloës drachmas sex, scrupulos duos,  
Terantur exactissimè, & per cribrum decussa in usum seponantur.

Pilulæ Cochiae Rhasis cum Pilulis Cochiis à Galeno lib. 5. Methodi cap. 14. in cura catarrhi falsi descriptis ferè concordant. Galenica descriptio sic sese habet:

℞. Aloës drachmas tres,  
Agarici drachmam unam,  
Colocynthidos drachmam semis,  
Dacrydii scrupulum unum,  
Bdellii scrupulos duos,  
Tragacanthi,  
Gummi Arabici ana grana quindecim,  
Excipiuntur Syrupò de Stœchade & in Massam coguntur.



PILULÆ DE COLOCYN-  
THIDE MESUÆ.

- ℞. Pulpæ Colocynthidos drachmas sex,  
Myrobalan. Indarum,  
citrinarum,  
Sagapeni,  
Bdellii,  
Sarcocollæ ana drachmas quinque,  
Aloës drachmas septem,  
Nigellæ,  
Cumini Carmanici Orientalis,  
Origani Cretici,  
Nasturtii albi sativi,  
Salis Gemmæ,  
Absinthii Romani ana drachmam u-  
nam,  
Succi Porri quantum satis.  
Fiat Massa.

*Articulorum doloribus profunt, pituito-  
sos quoque & melancholicos affectus profligant,  
unde etiam albos curatu difficiles ad  
sanitatem perducunt: cautè tamen iis uten-  
dum: Magna enim Colocynthidis quantitas  
compositionem hanc ingreditur, unde ad a-  
lias solum Pilulas acuendas quandoque ad-  
hibentur.*

Lachrymæ, seu Gummia ad constitutionem ha-  
rum Pilularum requisita in Succo Porri seorsim dis-  
solvantur, actum demum reliquis Speciebus addan-  
tur, & in Massam cogantur.

PILULÆ DE CYNO-  
GLOSSO CUM CA-  
STOREO.

- ℞. Opii.  
Radicum Cynoglossi,  
Seminum Hyoscyami ana unciam se-  
mis,  
Myrrhæ puræ drachmas sex,  
Olibani drachmas quinque,  
Styracis calamitæ drachmas duas,  
Crocii Austriaci,  
Castorei genuini electi ana drachmam  
unam semis.

Cum Succi Cynoglossi, & Syrupi è Succo  
Violarum partibus æqualibus  
Fiat Massa.

*Catarrhos tenues sistunt, ac tussim indè  
natam sedant: omnibus quoque defluxioni-  
bus, sive in thoracem, sive in pulmones, den-  
tes, aut aliò ferantur, conferunt, somnum  
conciliant, ac omnis generis dolores pla-  
cant.*

Pilulis istis Benedictus Faventinus, Medicus  
Bononiensis celeberrimus, in catarrho falso, magno  
successu cum Succo Glycyrrhizæ & Aloë lota secun-  
dum hanc descriptionem utebatur:

- ℞. Succi Glycyrrhizæ drachmas duas,  
Aloës lotæ drachmam unam,  
Pilul. de Cynoglossò drachmam semis,  
Cum Syrupo Violato fiat Massa.

PILULÆ DE EUPATORIO  
MAJORES MESUÆ.

- ℞. Myrobalanorum citrinarum,  
Succor. inspissatorum Agerati,  
Absinthii ana  
drach. tres,  
Rhabarbari drachmas tres semis,  
Mastiches drachmam unam,  
Crocii drachmam semis,  
Aloës drachmas quinque,  
Succi Endiviæ quantum satis est.  
Fiat Massa.

*Viscerum obstructionibus, atque ictero,  
nec non febribus periodicis medentur.*

PILULÆ DE EUPHOR-  
BIO MESUÆ.

- ℞. Euphorbii,  
Colocynthidos,  
Agarici,  
Bdellii,  
Sagapeni ana drachmas duas,  
Aloës drachmas quinque.

Cum succo porri fiat Massa.

*Pituitam crassam educunt: ob id ner-  
vorum resolutioni, articulorum malis à ni-  
mia humiditate profectis, ac hydropicis con-  
ferunt.*

Modus componendi hic est: ut Euphorbium  
adcuratè tritum cum Agarico trochiscato & Tro-  
chiscis Alhandali in pulverem redactis, Gummibus  
vino prius dissolutis jungatur, cum quibus in mor-  
tario



tario tepefacto, pistillo calido tam diu subigatur, donec in Massam coëant: cui Aloë unā cum sufficienti quantitate Succī Porri addita permisceatur, ac probè sic cuncta simul unita Pilularis pastæ formam lege artis adipiscantur.

## PILULÆ FOETIDÆ MAJORES MESUÆ.

℞. Sagapeni,  
Ammoniāci,  
Opopanacis,  
Bdellii,  
Colocynthidos,  
Seminis Rutæ hortensis,  
Aloës,  
Epithymi ana drachm. quinque,  
Hermodactylorum,  
Efulæ præparatæ ana drachmas duas,  
Scammonii præp. drachmas tres,  
Cinnamomi,  
Spicæ Indicæ,  
Crocī,  
Castorii ana drachmam unam,  
Turbith drachmas quatuor,  
Zingiberis drachmam unam semis,  
Euphorbii scrupulos duos,  
Succī Porri depurati quantum satis est.  
Fiat Massa.

*Pituitam crassam, lentam ac tenacem evacuant. Ob id affectibus inde natis, arthritidi, podagræ, gonagræ, spinæ quoque & aliarum juncturarum, nec non ventriculi & coli doloribus prosunt, albos, elephantiasin, & cutis vitia emendant, menses movent, ac impurum uteri mucum emungunt.*

Nota: Lachrymæ, seu Gummia in Succo Porri calefacto solvantur, quibus deinde Euphorbium per se tritum una cum cæteris addatur, ut lege artis in pastam Pilularum abeant.

## PILULÆ DE FUMARIA AVICENNÆ.

℞. Myrobal. citrinarum,  
Chebularum,  
Indarum ana drachmas quinque,

Aloës drachmas septem,  
Scammonii præp. drachm. quinque,  
Succī Fumiterræ quantum satis est.

Omnia in pulverem redacta Succo Fumiterræ comprehendito, ficcarique postea finito: dehinc rursus trita novo succo excipito, rursusque ficcato, & sic tertium iterato, ac postmodum in Massam formato.

*Pituitam salsam, biliosos itidem, acres ac adustos humores, à quibus pruritus & scabies oriuntur, solvunt, & sanguinem mundificant. Describuntur ab Avicenna lib. 4. Fen. 7. cap. 7. in cura pruritus & scabiei.*

## PILULÆ DE HERMO- DACTYLIS MAJORES MESUÆ.

℞. Hermodactylorum,  
Myrobalanorum citrinarum,  
Aloës,  
Turbith,  
Colocynthidos,  
Bdellii puri,  
Sagapeni ana drachmas sex,  
Castorii,  
Sarcocollæ,  
Euphorbii,  
Opopanacis,  
Sem. Rutæ sativæ,  
Apii ana drachmas tres,  
Crocī drachmam unam semis,  
Succī Brassicæ, sive Caulium quantum satis est.

Formetur Massa.

*Crassos, viscidos, & frigidos humores ex remotis partibus educunt; quo nomine arthritidi conveniunt.*

Modus confectionis est: ut liquores concreti, seu Gummia in succo calefacto Brassicæ sive Caulium dissolvantur, atque his per setaceum trajectis, Euphorbium & Castorium simul trita jungantur: his deinde addantur reliqua, & fiat Massa.

Hermodactylorum bulbi veri eligendi sunt, qui resiccati ad nos feruntur, albidi, non rugosi, modicè duri, qui contusi in candidum pulverem



rem abeant. Cavendum Colchicum stragulatorium, cujus radices seu bulbi siccati rugosi evadunt, & foris intusque nigricant, vel obscure rubescunt.

### QUIDAM SIMPLICIUS SIC COMPONUNT.

- ℞. Hermodactylorum benè purgatorum & pulveri-  
fatorum,  
Dacrydii ana drachmas decem,  
Cumini,  
Caryophyllorum,  
Zingiberis,  
Costi ana drachmas quinque,  
Aloës hepaticæ drachmas tres.  
Fiat Massa cum aqua Fœniculi.

Pilulæ hæ non minoris sunt efficaciz quam priores, quarum descriptionem Clarissimus Vir Dn. D. Georg. Henischius, Medicus quondam Augustanus, olim Dispensatorio inferi curaverat.

### PILULÆ DE HIERA PICRA GALENI.

- ℞. Specierum Hieræ picræ Galeni unc. duas,  
Mellis Rosati quantum satis est.  
Fiat Massa.

*Ventriculi noxis, ex humoribus biliosis & pituitosis natis, profunt.*

### PILULÆ DE HIERA CUM AGARICO.

- ℞. Specierum Hieræ Picræ Galeni,  
Agarici trochiscati ana unciam semis,  
Aloës unciam unam,  
Mellis Rosati quantum satis est.  
Fiat Massa.

*Stomachicis, asthmaticis, aliisque ventriculi & thoracis vitiis, à crassis & pituitosis humoribus ortis, subveniunt.*

### PILULÆ DE HIERA COM- POSITA NICOLAI MYREPSI.

- ℞. Cinnamomi,  
Spicæ Indicæ,  
Crocī,  
Schoenanthi,  
Xylocassia,  
Xylobalsami,  
Carpobalsami,  
Violarum,  
Rad. Afari,  
Absinthii,  
Epithymi,  
Agarici,  
Rosarum,

Turbith,  
Colocynthidos,  
Mastiches ana scrupulos duos,  
Aloës optimæ ad pondus omnium.  
Fiat Massa cum Succo Endiviæ.

*Capitis & nervorum vitiis à pituitosis humoribus natis opem ferunt, ac noxios ventriculi humores, frigidos præsertim & tenaces exturbant.*

### PILULÆ HYDRO- TICÆ.

- ℞. Aloës electæ,  
Dacrydii,  
Caryophyllorum ana scrupulos duos se-  
mis,  
Colocynthidis,  
Foliorum Senæ,  
Gummi Arabici ana scrupulum unum,  
grana quinque,  
Euphorbii præparati,  
Nucis moschatæ ana grana quindecim,  
Succi cort. mediani Sambuci & Absin-  
thii ana quantum satis est.  
Fiat Massa.

*Hydropicorum aquas, ac tenue serum evacuant. Earum descriptio à Clarissimo Dn. D. Tobia Cneulino Collega quondam nostro communicata fuit.*

### PILULÆ IMPERIALES INCERTI AUTORIS.

- ℞. Cinnamomi,  
Amomi,  
Anisi,  
Mastiches,  
Cardamomi minoris,  
Zingiberis,  
Zedoariæ,  
Macis,  
Nucis moschatæ,  
Caryophyllorum,  
Crocī,  
Cubebæ,  
Ligni Aloës,  
Turbith,  
Mannæ,  
Agarici,  
Foliorum Senæ,

L

Spicæ



Spicæ Indicæ,  
Myrobal. omnium ana scrupul. unum.  
Rhabarbari unciam unam,  
Aloës uncias duas.

Cum Syrupo Rosaceo fiat Massa.

*Parum admodum purgant, sed plurimum roborant, ventriculum, & omnia viscera refrigerata calefaciunt, sicque facultatis naturalis robur tuentur & augent, ac sanguinem spiritusque purificant.*

### PILULÆ INDÆ HALY EX MESUÆ.

℞. Myrobalanorum Indarum,  
Hellebori nigri præparati,  
Polypodii ana drachm. quinque,  
Epithymi,  
Stoechadis ana drachmas sex,  
Agarici,  
Lapidis Lazuli loti,  
Colocynthidos,  
Salis Indi, aut Gemmei ana drachmas quatuor,  
Succi Eupatorii inspissati,  
Spicæ Indicæ ana drachmas duas,  
Caryophyllorum drachmam unam,  
Hieræ Picræ Galeni drachm. duodecim.  
Fiat Massa cum Succo Apii.

*Utiles sunt ad cancrum, elephantiasim, alphas nigros curatu difficiles, & complura alia vitia ab humore melancholico procreata; unde etiam melancholiam, indeque natum inanem metum, ac mœstitiam, propulsant, quartanariis, & ictero nigro fœdatis auxilio sunt, lienis quoque tumorem ac dolorem auferunt.*

### PILULÆ DE LAPIDE LA- ZULI, SIVE CYANEO MESUÆ.

℞. Lapidis Lazuli abluti drachmas sex,  
Epithymi,  
Polypodii ana drachm. octo,  
Scammonii præparati,  
Hellebori nigri præparati,  
Salis Gemmæ ana drachmas duas semis,  
Agarici drachmas octo,  
Caryophyllorum,  
Anisi ana drachmas quatuor,  
Specierum Hieræ Picræ Galeni drachmas quindecim,

Succi Endiviæ quantum satis est.

Formetur Massa,

*Vitia ex melancholico & adusto humore nata, cancrum nimirum, elephantiasim, & quartanam profligant, arguato conferunt, lienis obstructions, infarctus, tumoresque resolvunt.*

### PILULÆ LUCIS MAJO- RES, SEU OPTICÆ MESUÆ.

℞. Rosarum,  
Violarum,  
Absinthii,  
Colocynthidos,  
Turbith,  
Cubearum,  
Calami aromatici,  
Nucis moschatae,  
Spicæ Indicæ,  
Epithymi,  
Carpobaliâmi,  
Xylobalsami,  
Sem. Seseleos Massiliotici,  
Rutæ,  
Anisi,  
Fœniculi,  
Apri,  
Schoenanthi,  
Mastiches,  
Rad. Asari,  
Caryophyllorum,  
Cinnamomi,  
Cassiae lignæ veræ,  
Crocii,  
Macis ana scrupulum unum,  
Myrobal. omnium.  
Rhabarbari ana scrup. duos,  
Agarici,  
Senæ ana scrupul. duos semis,  
Euphrasie drachmam unam,  
Aloës Socotrinæ ad pondus omnium, i.e. unciam unam, drachmas septem.  
Excipe Succo Fœniculi, & formetur Massa.

*Excrementa pituitosa è cerebro & oculis evacuant: visum conservant & firman, nervos opticos ab obstructione visceri humoris liberant, atque ob id oculorum aciem intendunt.*

Pro Carpobalsamo cum alioquin Cubæ substituantur, hæ autem per se compositionem hanc ingrediantur, opportunè hîc Cardamomum minus accipi, aut Cubearum pondus duplicatum sumi poterit.

PILU-



**PILULÆ MASTICHINÆ  
CONCILIATORIS, SIVE PE-  
TRI APONENSIS.**

℞. Mastiches drachmas quatuor,  
Agarici optimi drachmas tres,  
Aloës electæ drachmas decem.  
Cum sufficienti quantitate Mellis Rosati  
lege artis formetur Massa.

*Ventriculum ab omni morbo frigido &  
humido præservant, ejusque dolorem à fri-  
gida causa ortum tollunt; cerebrum quoque,  
oculos, & reliqua viscera à noxiis succis sa-  
na præstant, præcipuè verò uterum à putri-  
dis humoribus liberant & tuentur.*

**PILULÆ DE MEZEREEO  
MESUÆ.**

℞. Foliorum Mezerei in aceto per noctem  
maceratorum & siccatorum  
drachmas quinque,

Myrobal. citrinarum,  
Chebularum ana drachmas  
quatuor.

Cum Manna, & Pulpa Tamarindorum,  
aquâ Endiviæ dissolutis, formetur Massa.

*Serosum excrementum, seu aquas valen-  
ter expurgant: Ob id hydropem ascitem, &  
anasarcam juvant.*

**PILULÆ DE QUINQUE  
GENERIBUS MYROBALANO-  
RUM NICOLAI ALEX.**

℞. Quinque generum Myrobalanorum,  
Agarici,  
Dacrydii,  
Colocynthidos,  
Senæ ana drachm. duas semis,  
Epithymi,  
Turbith,  
Anisi,  
Foeniculi,  
Mastiches,  
Lapidis Lazuli ana drachmam unam,  
grana undecim,  
Rhabarbari scrupulos quatuor,  
Aloës drachmas quatuor.

Cum Succo Foeniculi formetur Massa.

*Pituitam & bilem utramque evacuant,  
podagricos, splenicos, stomachicos, & me-  
lancholicos juvant: cerebrum purgant, vi-  
sionem acuunt, sanguinemque purificant.*

**PILULÆ DE NITRO,  
ALEXANDRO TRALLIANO  
DIAColocYNTHIDOS  
DICTÆ.**

℞. Aloës,  
Colocynthidos,  
Scammonii præparati,  
Bdellii,  
Hellebori nigri præparati,  
Gummi Arabici ana drachmas duas,  
Euphorbii præparati,  
Nitri ana drachmam unam.

Cum Succo Brassicæ, & Melle Rosato so-  
lutivo

Fiat Massa.

*Pilula hæ (quas Alexander Trallianus  
sub nomine Pilarum Diacolocynthidos lib.  
1. cap. 12. de Hemicrania describit) efficaces  
sunt ad crassos, frigidos, & lentos humores  
è remotioribus partibus educendos: unde  
frigidis nervorum morbis, capitis pertinaci-  
bus affectionibus, & articulorum morbis  
conveniunt. Eas Monardus lib. 13. epist.  
6. in Epilepsia mirificè commendat.*

**PILULÆ DE OCTO RE-  
BUS, SEU OCTOMERÆ NICO-  
LAI ALEXANDRINI.**

℞. Aloës,  
Dacrydii ana drachm. duas,  
Epithymi,  
Colocynthidos:  
Agarici,  
Mastiches,  
Dauci Cretici,  
Myrobalanorum Chebularum,  
Absinthii ana drachmam unam.

Cum Succo Solani formetur  
Massa.

*Crassos humores à capite purgant, vi-  
sum acuunt, & suffusiones oculorum ar-  
cent.*

Aloë in formandis Pilulis numerum non tenet,  
ut neque Mel neque Saccharum in Electuariis; aliàs  
ex novem hæ constarent rebus, prout Foësius &  
Fuchsius notarunt.



## PILULÆ DE OPOPANACE MESUÆ.

℞. Opopanacis,  
 Hermodactylorum,  
 Sagapeni,  
 Bdellii puri,  
 Ammoniacy,  
 Colocynthidos ana drachmas quinque,  
 Croci,  
 Castorii,  
 Myrrhæ,  
 Zingiberis,  
 Piperis nigri,  
                   longi,  
 Cassiæ lignæ,  
 Myrobal. citrinarum  
                   Emblicarum,  
                   Belliricarum ana drachmam  
                                   unam,  
 Scammonii præparati drachmas duas,  
 Turbith drachmas quatuor,  
 Aloës drachmas duodecim.

Solve Lachrymas in aqua Caulium, postea addendo pulverem reliquorum, forma in Massam.

*Pituitam crassam, bilem, & melancholicam à cerebro nervosisque partibus vacuant. Efficaces sunt in articulorum doloribus à pituita productis, resolutione nervorum, incontinentia, & spasmò cynico.*

## PILULÆ PESTILENTIALES AVICENNÆ, SEU COMMUNES.

℞. Aloës electæ unciam unam,  
 Myrrhæ,  
 Croci ana unciam semis.  
 Confice cum Vino claro odorifero.

*Adversus pestiferæ luis contagia populariter grassantia miræ sunt efficaciæ: internas putredines fugant, & humores ventriculo infarctos extergunt, eorundemque corruptionem prohibent.*

## PILULÆ PESTILENTIALES RUFFI.

℞. Aloës,  
 Ammoniacy ana unciam unam,

Myrrhæ unciam semis.

Cum Succo Limonum fiat  
 Massa.

*Medicamentum hoc, cujus antiquissimus ac famosus Medicus Ruffus inventor existit, petitum est ex Paulo Ægineta lib. 2. cap. 36. fuisse tamen id Ruffi temporibus portionis formâ, species nempe in sufficienti quantitate Vini albi odoriferi dissolvendo, propinatum constat; verum quia amara nimis hæc erat potio, ideò ut facilius Medicamentum hoc assumeretur, posteritas id in Pilularum formam, non minorem effectum habituram effinxit.*

Sunt, qui Rhabbarum, Agaricum, Bolum, Terram Lemniam, & Theriacam addunt, ideoque valentiores putant; sed componendorum pharmacorum modus est infinitus.

## PILULÆ PESTILENTIALES D. D. FELICIS PLATERI.

℞. Aloës drachmas tres,  
 Rhabbari drachmam unam semis,  
 Agarici trochiscati drachmam unam,  
 Myrrhæ electæ,  
 Gummi Ammoniacy in aceto dissoluti  
                   ana drachmas duas,  
 Croci drachmam semis,  
 Camphoræ scrupulum unum,  
 Olei Zedoariæ guttas tres.  
 Cum Syrupò Scordii fiat  
 Massa.

*Ejusdem cum superioribus sunt efficaciæ, & tempore grassantis pestis felicissimè usurpantur.*

## PILULÆ DE RHABBARBARO MESUÆ.

℞. Rhabbari drachmas tres,  
 Succi Glycyrrhiæ,  
                   Absinthii,  
 Mastiches ana drachmam unam,  
 Myrobalanorum citrinarum drachmas  
                   tres semis,  
 Sem. Apii,  
 Foeniculi ana drachmam semis,

Trochisc.



Trochisc. Diarrhodon Rhasis drachmas tres semis,  
 Specierum Hieræ Picræ drachmas decem,  
 Succı Foeniculi & Mellis ana quantum fatis est.

Fiat Massa.

*Humores educunt crassos, lentos, multum putres, & inde ortas febres diuturnas, ac ex aliis humoribus natas tollunt: jecoris item dolorem, obstructionem, duritiem, ac hydropem incipientem sanant.*

### PILULÆ DE SAGAPENO MESUÆ.

℞. Sagapeni,  
 Ammoniacy,  
 Opopanacy,  
 Bdellii ana drachmas duas semis,  
 Sem. Apii,  
 Ammeos,  
 Anisi,  
 Rutæ agrestis ana drachmam unam,  
 Calami aromatici,  
 Lepidii,  
 Calaminthæ,  
 Foliı, vel ejus loco Spicæ Indicæ,  
 Centaurii minoris,  
 Polii,  
 Costi,  
 Salis Gemmæ ana drachmam semis,  
 Colocynthidos drachmas quinque,  
 Aloës drachmas sex.  
 Excipiantur Succo Porri, Marrubii aut Matricariæ.  
 Fiat Massa.

*Ad podagram, ischiadem, & reliquorum articulorum, quin imò & uteri dolorem faciunt, menses evocant, viscera emolliunt, eorundemque obstructiones reserant.*

### PILULÆ DE SARCOCOLLA MESUÆ.

℞. Sarcocollæ drachmas tres,  
 Turbith drachmas quatuor,  
 Colocynthidos,  
 Zingiberis ana drachmam unam semis,  
 Salis Gemmæ drachmam unam,

Syrup. Rosarum simplicis quantum fatis.  
 Fiat Massa.

*Pituitam lentam evacuant, atque ob id pituitosis affectibus conducunt.*

### PILULÆ SINE QUIBUS ESSE NOLO NICOLAI ALEXANDRINI.

℞. Aloës lotæ drachmas quatuordecim,  
 Quinque generum Myrobalanorum,  
 Rhabarbari,  
 Mastiches,  
 Absinthii,  
 Rosarum,  
 Violarum,  
 Senæ,  
 Agarici,  
 Cuscutæ ana drachmam unam,  
 Dacrydii drachmas sex semis,  
 Succı Foeniculi, quantum fatis pro massa ex arte paranda.

*Efficacissimæ sunt hæ pilulæ ad purgandos omnes humores partium superiorum, quo nomine suffusionibus oculorum, caliginibus ac visioni conferunt, auriumque dolorem sanant.*

### PILULÆ STOMACHICÆ ALKINDI.

℞. Myrobal. citrinarum,  
 Indarum,  
 Chebularum ana drachmas tres,  
 Rosarum,  
 Mastiches ana drachmas duas,  
 Cardamomi,  
 Ligni Aloës,  
 Sandali citrini,  
 Cubebæ,  
 Caryophyllorum,  
 Schœnanthi,  
 Nucis moschatæ ana drachmam unam,  
 Rhabarbari unciam semis,  
 Turbith drachmas septem,  
 Aloës ad pondus omnium.

Fiat Massa cum Syrupo de Absinthio.

*Biliosos ac pituitosos humores, eos præsertim, qui caput, jecur, & ventriculum obsident, vacuant: præterea ventriculum firmit, coctionem juvant, & adpetentiam excitant.*



PILULÆ DE TARTARO  
QUERCETANI, A D.D. DA-  
NIELE SENNERTO  
CORRECTÆ.

℞. Polypodii querni uncias duas,  
Radicum Afari,  
Seminum Genistæ ana unciam semis,  
Passularum minorum unciam unam se-  
mis,  
Fumariæ,  
Scolopendrii ana manipulum unum,  
Tartari albi drachmas sex,  
Florum Buglossi,

Boraginis ana manipul. semis.

Coquantur in Aquæ puræ sufficienti quan-  
titate secundum artem. Decocti clarifica-  
ti libris duabus adde Succi Pomorum li-  
bram unam. In his infunde

Foliorum Senæ uncias duas,  
Folliculorum Senæ unciam unam,  
Turbith electi & gummofi,  
Radicum Hellebori nigri,  
Styracis præparati ana unc. unam semis,  
Macis,  
Caryophyllorum,  
Cinnamomi,  
Epithymi ana unciam semis.

In vitro clauso macerentur, & digerantur  
per quatrimum in Balneo Mariæ, postea  
colentur, colaturæ adde

Cremoris vel Crystallorum Tartari un-  
cias tres,

Aloës præparatæ seu extractæ uncias  
quatuor,

Myrrhæ in Vino ad ignem dissolutæ &  
percolatæ unciam unam.

Omnia iterum diebus tribus vel quatuor in  
Balneo Mariæ digerantur, & hinc inspissen-  
tur, & coagulentur ad lentum ignem. Sub fi-  
nem, dum materia ferè refrigerata est, adde

Specierum Diarrhodon Abbatis,  
Lætificant. Rhasis,

Trochiscorum de Lacca ana drachmam  
unam,

Salis Absinthii,

Fraxini ana drachm. duas,

Essentiæ Croci scrupulos duos.

Reducantur in massæ pilularis consisten-  
tiam. Si libet, & res postulat, Scammonii,  
Rhabarbari, Trochiscorum Alhandali ex-  
tractum, & Ammoniacum addi possunt.

*Utramque bilem purgant, omnes humores  
crassos, tartareos, salsos, & mucilaginosos à*

*partibus profundis eliciunt, totam massam  
sanguinis purificant; inde maniacis, & me-  
lancholicis affectibus opitulantur.*

Pilularum harum à Quercetano primò descri-  
ptarum, postea à D. D. Dan. Sennerto immutatarum  
præparationem minore labore qui subire velit, po-  
terit ingredientia omnia decoctioni & infusioni pri-  
mæ destinata, præter Styracem, Aromata & Tartari  
crystallos in sufficiente quantitate aquæ & succo po-  
morum coquere & colare, colaturam ad justam  
consistentiam inspissare, tandem liquando in ea Aloën,  
atque addendo pulverem Styracis, Myrrhæ, Aro-  
matum, Specierum, Trochiscorum, Salium & Cry-  
stallorum tartari, in Massam redigere.

Welschius in mutata Zvvelferi præparatione  
taxat, quod 1. decoctum cum Augustanis paret ex  
radd. afari, flor. bugloss. &c. quæ tamen nusquam  
coqui aliàs voluit, & tartarum in eo accipiat, cum  
tamen cremor ejusdem postea etiam ingrediatur;  
2. succi pomorum libram unam omittat, contra  
suum promissum, se nihil quidquam compositioni-  
bus detracturum esse; 3. toties coquat, quod uni-  
ca vice fieri potuisset; 4. styracem destillet, cum  
ipse postea totam ejus virtutem destillatione non e-  
lici posse fateatur; 5. cum aqua spirituosâ ex aro-  
matibus elicita massam justæ consistentiæ fieri ju-  
beat, quæ tamen omnis fere ita exhalare debeat, &  
ita frustra addatur; 6. aromatum à destillatione re-  
siduorum coctionem cum vino commendet, cujus  
tamen subtiles partes ita disperdi alibi proclamave-  
rit. Ipse verò talem modum proponit: ℞. myr-  
rhæ electiss. ℥j. in mortario tepido solve cum vino,  
cui adde extr. folior. senæ ℥iij. turpeth. Div. radd.  
ellebor. ℥ss. resin. styrac. ℥i/8. deinde aloës præp. seu  
extr. ℥iv. cui admisce crem. vel crystall. tartar. in  
pulverem redact. ℥iii/8. pulv. radd. afari ℥ss. spec.  
diarrhod. lætificant. Rhasis, trochisc. de lacc. ana  
℥j. salis absinth. fraxin. ana ℥ij. salis genist. fumar.  
scolopendr. ana gr. v. essent. croci ℥ij. F. massa, cui  
adde olea macis, caryophyll. & cinnam.

PILULÆ TURBITH AU-  
REÆ MESUÆ.

℞. Turbith drachmas sedecim,  
Aloës drachmas duodecim,  
Myrobal. citrinarum drachmas decem,  
Mastiches,  
Rosarum ana drachmas septem,  
Crocī drachmas tres.

Cum Succo absinthii fiat  
Massa.

*Stomachicis, colicis, nephriticis, ac infla-  
tis prosunt.*





CLASSIS SEPTIMÆ,  
DECOCTORUM  
ET INFUSORUM  
DOCTRINAM EX-  
PONENTIS,  
SECTIO PRIMA,  
DE  
MEDICAMENTIS  
USUALIBUS.

DECOCTUM CARMINATIVUM.

℞. Sem. Anisi,  
Dauci,  
Cumini,  
Carui,  
Foeniculi ana drachmas  
tres,  
Glycyrrhizæ unciam semis,  
Flor. Chamæmeli manipulum  
semis,  
Passularum unciam unam se-  
mis.  
Incisa misceantur.

*Flatus potenter discutit: Ob id colicos dolores mitigat. Inditur potissimum Enematibus, ubi frigida pituita, aut crassi flatus negotium facessunt.*

Cum in communi Decocta parandi modo partium subtilium jacturam fieri observaret Welschius, eandem præcavere, & vires integras conservare, ideoque generalem methodum tradere voluit, juxta quam omnia commodissime parari queant. Nimirum vel: ut i. in ollam vitreata conjiciantur species, iisque adfundatur (non ut vulgo fit, tres partes aquæ aut duæ, quæ deinde exhalare debent ad consumptionem aut partis dimidiæ, aut tertiæ remanentiam, sed) ea ipsa quantitas aquæ aut liquoris, quæ in decocto expetitur, (experientia hîc opus esse, addit: cum ad ℥j. vel ℥ij. non possint omnia exacte compu-



computari, & in speciebus aliquid remaneat; ideo una vel altera uncia plus liquoris quàm expetitur, sumi, atque id periti pharmacopœi iudicio relinqui possit,) tum superposito operculo, & commissuris probè lutatis, ut nihil expirare possit, coquantur, deinde fortiter exprimantur; vel 2. præsertim si magna sit decocti quantitas, immittantur species in vesicam cupream, stanno obductam, (quem in finem pharmacopœi in promptu habere queant vesiculas ad id paratas,) & adfusa eadem quantitate aquæ vel liquoris, quæ expetitur, coquantur, adposito receptaculo ad rostrum, juncturisque optime lutatis; deinde residuum exprimatur, eique liquor, qui prodiit, admisceatur; vel 3. etiam in cucurbitam injiciantur species, & quantitate liquoris, qui expetitur, adfusa, coquantur in arena, atque liquor receptaculo exceptus, postea expresso admisceatur, & si non satis videantur ingredientia extracta esse, iteratâ adfusione denuo coquantur. Decocta verò omnia, antequam liquor in receptaculo collectus addatur, clarificentur.

Zwvelferus dum illud primo coquendum esse existimat, quod veluti basis est & fundamentum totius compositi, à quo nimirum illud majores suas virtutes mutuari debeat, Welschii censuram incurrit, multa absurda inde esse oritura judicantis; cum v. g. Decocti florum & fructuum basis sint, præter fructus, ipsi flores, eosdem tamen ne quidem coquendos esse ex doctrina Zwvelferi concluditur &c. *Welschiani autem modo memorati modi cum Zwvelferianis in Hydromelite composito, & purgante, nec non Potu Hippocratico descriptis conveniunt, & observari merentur, ubi partium subtilium in medicamento aliquo præsentia desideratur, qua tamen semper opus non esse, supra jam monitum fuit, & ipsum etiam Welschium ideo in praxi illud non semper attendisse, ex ejus Decad. 2. Curat. & Consil. pag. 64. pag. 77. &c. constat.*

## DECOCTUM PECTORALE.

℞. Passularum minorum mundatarum unciam unam,  
Sebesten,  
Jujubarum ana numero quindecim,  
Dactylorum numero sex,  
Caricarum pinguium numero quatuor,  
Hordei mundi unciam unam,  
Glycyrrhizæ unciam semis,  
Capillorum Veneris manipulum semis,  
Hyssopi drachmas duas.  
Incidantur, & misceantur.

*Pectoris vitiis, utpote catarrho, tussi, asthmatis, pleuritidi & ejusdem generis aliis noxis pectus adficien-  
tibus utile existit; thoracem lenit,  
& ab humoribus eidem impactis pur-  
gat.*

## INFUSUM LAXATI- VUM.

℞. Foliorum Senæ elect. drachmas tres,  
Cremoris tartari drachmas duas,  
Passularum minorum,  
Confectionis semin. Coriandri ana drachmas tres,  
Incisa & contusa infundantur per viginti quatuor horas in Aquæ font. bullientis unciis quatuordecim; postea colentur cum leni expressione, atque in colatura solvantur

Mannæ Calab. elect. uncia quatuor, & cum albumine ovi clarificentur.

*Infusum hoc magnæ famæ Medicum quondam Casareum, D. Joh. Guil. Managettam autorem agnoscit, crebro usu & laudabili operatione, in corpore leniter evacuando, apud nos celebre.*

## ACETUM DE LITHARGYRO.

℞. Lithargyri subtilissimè triti libram unam,  
Aceti fortissimi libras duas.  
Stent in infusione per tres vel quatuor dies, sæpius agitando, postea filtrando.

*Cosmeticum est, & ulceribus humidis, foetidis ac malignis exsiccandis conducit. Cum oleo Sambuci vel Vio-*



*Violarum comixtum in serpigine, herpete, & calidis doloribus magno cum commodo adplicatur.*

### ACETUM SCILLINUM.

*R. Scillæ præparatæ libram unam,  
Aceti acerrimi libras octo.  
Digerantur per aliquot dies, postea filtrentur.*

*De viribus Aceti hujus cum Galenus lib. 3. de med. facile parabilib. cap. 205. prolixè egerit, ad eundem Lectorem remittimus. Nobis in dif-*

*ficili respiratione inprimis usui esse solet.*

PROSTANT APUD NOS  
ETIAM ALIA ACETORUM  
MEDICATORUM  
GENERA,

utpote

LAVENDULATUM,  
ROSATUM EX FLORIBUS  
RUBRIS,  
RUBI IDÆI EX FRUCTI-  
BUS,  
RUTACEUM,  
SAMBUCINUM,  
TUNICÆ EX FLORIBUS  
RUBRIS.

## CLASSIS SEPTIMÆ

### SECTIO SECUNDÆ,

DE

## MEDICAMENTIS MINUS USUALIBUS.

DECOCTUM APERIENS,  
vulgò APERITIVUM  
MAJUS.

*R. Endiviæ,  
Cichorii,  
Fumi terræ ana manipulum unum,  
Eupatorii,  
Boraginis,  
Buglossi,  
Culcutæ,  
Scolopendrii veri ana manipulum se-  
mis,  
Glycyrrhizæ rasæ,  
Rad. Foeniculi,  
Apii,  
Petroselinii,*

*Passularum ana unciam semis,  
Sem. Anisi,*

*Foeniculi ana drachmas duas,*

*Comarum Thymi,*

*Epithymi ana drachmam unam semis,*

*Cort. Tamarisci,*

*Capparum ana drachmas duas,*

*Foliorum Senæ uncias duas,*

*Polypodii querni unciam unam,*

*Agarici electi unciam semis.*

*Incidenda incidantur, & quæ contundi de-  
bent, crassiusculè terantur, misceantur  
omnia, ac usui servantur.*

*Decocta Officinis plurimùm sunt con-  
suetæ: etenim ad Medicamenta tam lenientia  
quàm purgantia dissolvenda ut plurimùm*  
M expe-



*expetuntur, præsertim ubi liquoribus stilla-  
titiis uti non libet, nec licet. Aperiente hoc  
porro in viscerum obstructionibus & contu-  
macibus eorundem affectibus utuntur: diu-  
turnos enim jecoris, lienis, & venarum me-  
saraicarum obstructiones aperit, ac ictero  
ideo & febribus antiquis, nec non hydropi  
opportunitum.*

Cum Decocta facile acefcant & corrumpantur, non tam illa ipsa, quam Species pro iis requisitæ, in promptu haberi debent. Ipsam autem coctionem in vase capaciiori optimè clauso, cum debita aquæ quantitate parare convenit.

### DECOCTUM APERIENS MAJUS CUM RHABAR- BARO.

℞. Specierum Decocti aperient. majoris & minoris ana uncias tres.

Rhabbarbari electi unciam semis,  
Cinnamomi drachmas duas,  
Salis gemmæ scrupulum unum,  
Spicæ Indicæ scrupulos duos,  
Specierum Diarrhodon Abbatis scrupu-  
los quatuor.

Misceantur pro usu.

*Ad contumaces & inveteratas oppila-  
tiones adhibetur, hydropi, morbisque frigi-  
dis, præsertim pituitosis, aut ex bile mixta  
natis confert.*

### DECOCTUM APERIENS LENITIVUM MINUS.

℞. Herb. Agrimonix,

Lupuli,

Cichorii,

Cuscutæ,

Betonicæ,

Ceterach,

Endiviæ,

Fumiterræ ana uncias duas,

Rad. Apii,

Fœniculi,

Petroselini,

Acori,

Glycyrrhizæ ana uncias quatuor,

Asari unciam semis,

Sem. Anisi,

Fœniculi ana unciam unam,

Polypodii querni unc. duodecim,

Prunorum Damascenorum,

Ficuum pinguium ana numero triginta  
duas,

Passularum uncias quatuor,

Senæ Alexandr. unciam unam,

Flor. Boraginis,

Buglossi,

Violarum,

Rosarum rubrarum ana unciam u-  
nam.

Incidentur, contundantur, ac misce-  
antur.

*Omnes in universum humores ad expul-  
sionem præparat: Incidit enim, tenuat, con-  
coquit, aperit & abstergit, capiti, pecto-  
ri, ventriculo, jecori, nec non lieni fami-  
liare.*

### DECOCTUM CAPILLO- RUM VENERIS ME- SUÆ.

℞. Capillorum Veneris unciam unam se-  
mis,

Summitatum Fumi terræ,

Lupuli,

Violarum siccæ ana unciam unam,

Prunorum Damascenorum numero qua-  
draginta,

Sebesten numero decem,

Jujubarum numero viginti,

Cassix fistularis uncias tres,

Tamarindorum uncias duas,

Rhabbarbari optimi drachmas tres.

Incisa misceantur.

*Bilis flavæ ardorem compescit, sangui-  
nem purificat, ejusdemque fervorem attem-  
perat.*

### DECOCTUM EPITHYMI MESUÆ.

℞. Passularum,

Folliculorum Senæ,

Stœchadis Arabicæ,



Epithymi,  
Myrobalanorum Indarum ana unciam  
unam,  
Chebularum,

Turbith albi,  
Fumiterræ ana unciam semis,  
Eupatorii drachmas quinque,  
Polypodii querni drachmas sex,  
Hellebori nigri drachmam unam,  
Agarici drachmam unam semis,  
Salis Indi drachmam semis.

Incidantur & misceantur.

*Bilem atram ac pituitam salsam vacuat. Ob id affectibus melancholicis, ut cancro, elephantiasi, ac fœdæ scabiei medetur. Infundi & coqui potest cum seri caprilli libris tribus.*

## DECOCTUM FLORUM ET FRUCTUUM.

℞. Caricarum numero quinque,  
Prunorum Damascenorum numero  
quindecim,  
Jujubarum,  
Sebesten ana numero viginti,  
Tamarindorum unciam unam,  
Flor. Rosarum,  
Violarum,  
Boraginis,  
Buglossi ana drachmam unam,  
Capillorum Veneris,  
Lupuli,  
Endiviæ ana manipulum semis,  
Glycyrrhizæ drachmas duas.

Incidantur, & contundantur pro  
usu.

*Moderate refrigerat, lenit & humectat:  
cor, jecur, & pectus recreat, humores  
quoque ad commodam evacuationem præ-  
parat.*

## DECOCTUM FUMARIÆ MESUÆ.

℞. Succ. Cichorii,  
Endiviæ,  
Lupuli,  
Boraginis ana uncias quatuor,  
Fumiterræ uncias octo.

Quibus coctis, & depuratis, adde  
Myrobalanorum citrinarum,  
Indarum ana drachm.  
duas,

Passularum mundatarum unciam u-  
nam,

Tamarindorum uncias tres.

Coque iterum modicum, cola & serva.

*Sanguinem à bile flava & adustis hu-  
moribus purgat; hepatis obstructiones aperit,  
ac inde natum icterum sanat.*

## DECOCTUM SENÆ D. GEREONIS.

℞. Folliculorum Senæ unciam unam se-  
mis,  
Foliorum Senæ unciam unam,  
Zingiberis drachmam unam,  
Seminis Anisi,  
Florum Boraginis,  
Violarum,  
Rosarum rubrarum,  
Corticum Aurantiorum ana drachmas  
duas,  
Polypodii querni unciam semis,  
Passularum purgatarum uncias duas,  
Sebesten,  
Prunorum ana numero duodecim.  
Incisa & trita misceantur.

*Affectibus melancholicis, quartanis,  
cancro, lvi venereæ, & similibus idoneum.*

## INFUSUM SERI LACTIS MESUÆ.

℞. Foliorum Rosarum recentium uncias  
duas.



Rhabarbari electi drachmas duas, grana  
duodecim,

Nardi Indicæ drachmam unam semis.  
Minutim incisa macerentur per noctem in  
Seri lactis caprini libris duabus: deinde  
colentur, ac leviter exprimantur.

*Sanguinem depurat, bilem quoque fla-  
vam, tenues & calidos ichores eidem ad-  
mixtos clementer ac sine molestia educit, &  
erysipelata juvat.*

### INFUSUM ALIUD SERI LACTIS.

℞. Florum Boraginis,  
Buglossi,  
Fumiterræ,  
Epithymi ana manipulum se-  
mis,

Polypodii querni drachmas sex,  
Foeniculi drachmas duas,  
Folliculorum Senæ unciam semis,  
Seri lactis libras tres.

Fiat infusio & decoctio ad tertiæ partis  
consumtionem, & colaturæ addantur  
Mellis Rosati unciaæ duæ.

*Aduſtos humores temperat & expellit,  
cutem à scabie ac prurigine mundificat.*

### INFUSUM HIERÆ MESUÆ.

℞. Hieræ simplicis,  
Aloës ana drachmas quinque.

Macera in Decocti Epithymi superscripti  
libra una in vase vitreo, & cola.

*Ventriculum & caput expurgat, pro-  
inde amborum doloribus assiduus, ac hemi-  
craniæ confert, nec non febribus antiquis,  
& morbis melancholicis auxilio est.*

### HYDROMELI COMPO- SITUM.

℞. Aquæ fontanæ libras quinque,  
Mellis despumati libram unam,

Salviæ,  
Origani ana pugillum semis,  
Anisi,  
Coriandri ana drachmam unam,  
Glycyrrhizæ drachmas duas,  
Cinnamomi drachmam unam semis.

Bulliant in vase benè cooperto & colen-  
tur.

*Celebre olim fuit ad cerebri, nervorum,  
& aliarum partium affectus frigidos.*

### HYDROMELI PURGANS COMMUNE.

℞. Hydromelitis mensuram dimidiam,  
Caricarum pinguium numero octo,  
Fol. Senæ electæ,  
Polypodii querni ana unciam semis,  
Sem. Anisi drachmam unam,  
Cinnamomi drachmam semis,  
Zingiberis scrupulum unum.

Coquantur in vase benè tecto: colaturæ  
addantur

Sacchari cantii rubri unciaæ duæ.  
Misceantur, ut artis est.

*Datur iis, qui medicamenta cætera re-  
spuunt, ac interim alvi levatione indigent.  
Eccoproticon pro pueris, senibus, ac iis, quos  
sedes remorantur, maximè cum aliquo Da-  
crydii stimulo addito.*

### HYDROMELI LAXATIVUM TARTARISATUM ANTIME- LANCHOLICUM.

℞. Aquæ pluvialis destillatæ libras de-  
cem,  
Tartari crystallini electi contusi uncias  
duas,  
Foliorum Senæ mundatorum uncias qua-  
tuor,  
Epithymi,  
Polypodii querni ana drachmas sex,  
Herbarum Scolopendrii,  
Fumariæ,  
Melissæ ana manipulum u-  
num,



Florum Boraginis,  
Violarum,  
Genistæ,  
Stœchadis Arabicæ ana pugillos  
duos,

Sem. Anisi,

Fœniculi ana drachmam unam:

Coquantur in vase benè clauso, Colaturæ  
addantur

Mellis despumati libræ duæ,

Salis Nitri purgati drachmæ sex,

Fol. Rorismarini recentis pugilli duo,

Cinnamomi acuti drachma una,

Galangæ drachma semis.

Cum fermenti pauxillo reponatur ad fer-  
mentationem, in loco calido, tandem co-  
lentur.

*Virtute singulari præditum est in humore  
melancholico & atrabilioso preparando &  
evacuando, in obstructionibus lienis, vena-  
rum item mesaraicarum, & exinde proge-  
nita melancholia hypochondriaca.*

Welschianus parandi hocce Hydromeli mo-  
dus ita se habet: R. aquæ pluvial. ℥x. adde cre-  
mor. tartar. ℥v. & reliquas species pro decocto  
præscriptas omnes, determinatâ quantitate, incisas  
& contusas inde cucurbitæ vitreæ vel vesicæ, & de-  
stillâ indè ℥ij. quam serva; reliquum coque ad re-  
manentiam ℥iij. exprime, clarifica, adde mellis  
despum. ℥ij. nitri purgati ℥vj. rorismar. cinnam.  
galangam præscripto pondere, fermenti pauxillum,  
aquam supra destillatam, & stent in fermentatione,  
postea cola & serva.

## LAC VIRGINEUM.

R. Aluminis crudi uncias quatuor,  
Decoquantur ad tertias in aquæ fontanæ  
libris duabus. Postea

R. Lithargyri libram semis,

Aceti libram unam semis,

Decoquantur ad remanentiam libræ unius:  
colentur, & commisceantur ambæ aquæ,  
ut albescant.

*Cosmeticum est medicamentum, cuti  
perpoliendæ commodum: Faciem enim tergit,  
lentigines delet, nec non serpiginem, lichenas,  
impetiginesque sanat.*

## AQUA MERCURIATA.

R. Cerussæ Venetæ uncias duas,

Aluminis crudi unciam unam semis,

Salis Nitri,

Ammoniaci ana drachmas duas,

Lithargyri,

Mercurii sublimati ana unciam unam,

Zingiberis drachmam unam semis,

Aquæ Solani,

Plantaginis,

Rosarum albarum ana uncias  
tres,

Centinodiæ uncias quatuor,

Aceti acerrimi libram unam.

Misce & bulliant parum. Serventur in  
vitro sine colatura.

*Cutis defœdationi, pustulis, verrucis, fi-  
cubus, serpigini, scabiei malignæ, fissuris in  
volis manuum & plantis pedum conducit,  
ulceribus inprimis venereis penicillo leniter  
contactis illita prodest.*

## AQUA USITATA AD OCULOS.

R. Aloës hepaticæ,

Sarcocollæ ana drachmam unam,

Camphoræ,

Crôci Orientalis ana drachmam semis,

In vase clauso aliquandiu bulliant in

Vini Cretici,

Aquæ Rosarum ana unciis sex.

*Morbis oculorum destinata, inflamma-  
tiones, affluxus, nebulas, pustulas, & ma-  
culas eorum sanat.*

## POTUS HIPPOCRA- TICUS.

R. Cinnamomi unciam unam semis,

Zingiberis unciam semis,

Caryophyllorum drachm. semis,

Cardamomi,

Macis,

Granorum Paradisi ana drachmam u-  
nam,

Galangæ drachmam unam semis,



Seminis Anisi drachmam semis,  
 Vini libras decem,  
 Sacchari albi libram unam semis.  
 Fiat Potus secundum artem per infusionem,  
 & colaturam.

*Cerebrum & ventriculum roborat, spi-  
 ritus auget, vitales facultates fulcit, amif-  
 sas vires reparat.*

### JUCUNDIOR POTUS HIP- POCRATICUS SIC ALITER PARATUR.

℞. Cinnamomi electi uncias duas,  
 Zingiberis,  
 Galangæ ana scrupulos duos,  
 Nucis moschatæ scrupulum unum,  
 Sacchari albissimi uncias sedecim,  
 Vini albi generosi ac odoriferi libras  
 quinque.

Macerando probè tectâ per horas octo, vel  
 decem, posteaque sæpius Vinum aromati-  
 bus in manica Hippocratis contentis denuo  
 adfundendo & percolando, redigantur in  
 Potum Hippocraticum.

### POTUS HIPPOCRATICUS EXTEMPORANEUS SIM- PLEX JOHANNIS HEURNII.

℞. Cinnamomi electi unciam unam semis,  
 Zingiberis acuti drachm. tres,  
 Caryophyllorum,  
 Nucis moschatæ ana drachmam semis,  
 Granorum Paradisi scrupulos duos,  
 Piperis scrupulum unum.

Pulverisentur crassiusculè ac macerentur in  
 libra una semis spiritus vini optimi, probè  
 obturato vase, postea filtrentur.

Welschius cum Zvvelferum Potus hos ad de-  
 lectationem & gustum muliercularum inventos esse  
 scribentem animadvertisset, vehementer cum falli,

atque ab ultima antiquitate in Medicina Vinum aro-  
 maticum, licet absque saccharo, ipsis ignoto, usi-  
 tatum fuisse, & sæpius apud Hippocratem  
 οἶνον ἀρωματιστὴν reperiri, unde etiam nomen  
 confictum putat: à destillatione etiam, à Zvvelfero  
 commendatam ejus non tantum jucunditatem di-  
 minui, sed etiam præparationem multò laboriosio-  
 rem esse; ideoque infusionem rectius observari mo-  
 nuit.

### ACETUM THERIA- CALE.

℞. Rad. Chelidonii majoris unciam unam  
 semis,

Angelicæ,

Ostrutii,

Gentianæ,

Bistortæ,

Valerianæ,

Pimpinellæ,

Dictamni albi,

Carlinæ,

Zedoariæ ana drachmam unam,

Plantaginis majoris drachmam u-  
 nam semis,

Fol. Scordii,

Cardui benedicti,

Dictamni Cretici ana pugillos duos,

Corticum & seminum Citri ana drachm.  
 unam semis,

Granorum Juniperi drachmas duas,

Nucleorum Nucum Juglandium uncias  
 duas,

Sandali citrini drachmam semis,

Infundantur omnia in

Aceti Rutacei libris quatuor,

atque sic in vitro probè clauso infusa per-  
 maneant.

*Morbis venenatis auxiliatur, putredi-  
 nem humorum arcet, sudores prolicit, pesti-  
 lentis luis contagia dissipat: præsumtum ab  
 infectione corpus tuetur, ac peste correptos  
 tam internè exhibitum, quàm forinsecus  
 arteriarum & cordis regioni superimposi-  
 tum plurimum reficit.*







# CLASSIS OCTAVÆ, PULVERES MEDI- CATORUM EXPLI- CANTIS,

## SECTIO PRIMA,

DE

## MEDICAMENTIS USUALIBUS.

### PULVIS SENÆ PRÆPA- RATÆ MONTAGNANÆ.

℞. Foliorum Senæ unciam u-  
nam semis,  
Zingiberis,  
Macis ana drachmas tres,  
Cinnamomi,  
Tartari ana drachmam unam  
semis.

Fiat Pulvis.

*Serosam aquarum colluviem, &  
pituitam salsam, melancholicumque  
succum evacuat.*

Quidam Anisum addunt drachmæ pondere,  
alii Tartarum augent: prudenti cuique suum sit

hac de re iudicium. Nos huic formulæ adsueta fe-  
lix Medicamentum experti sumus.

### CHOLAGOGUM SIMPLEX SEU DACRYDIUM SUL- PHURATUM.

℞. Scammonii electissimi uncias  
tres, aut quantum vis.

*Crassiusculè tere, & supra char-  
tam bibulam tenuiter ac aequaliter  
expande, mox superimponere crati, sub  
quo carbo sit vivus, in quem injice  
sulphur, suffumigetur Scammonium,  
& charta tamdiu teneatur supra fu-  
mum, usque dum Scammonium lique-  
fieri,*



*fieri, & charta adherere incipiat: Cave solum, ne comburatur, ideoque à fumo remove, sicque calcinatum probile & seroso acri humore evacuan-  
do serva.*

**PULVIS COMITIS DE  
WARWICH, SEU DACRY-  
DIUM ANTIMONIA-  
TUM.**

℞. Cholagogi simplicis uncias du-  
as, drachmas duas,  
Antimonii præparati, id est,  
diaphoretici unciam u-  
nam semis,  
Cremoris Tartari crySTALLINI un-  
ciam semis.  
Fiat Pulvis.

*Pulvis hic sumtus etiamsi mole parvus sit, virtute tamen maximus existit, citò, tutò, & jucundè operatur, dum humores peccantes blandè educit, vitia ventriculi, nauseam, anorexiam corrigit, biliosos affectus curat, febrili inprimis fomiti expurgando perquam idoneus. A Marco Cornachino, Professore Medico Pisano, commentario doctissimo in lucem productus est.*

**PULVIS AD SUPPOSI-  
TORIA.**

℞. Specierum Hieræ Picræ unci-  
am unam semis,  
Colocynthidos pulv. drach-  
mas sex,  
Hellebori albi pulv. unciam u-  
nam,  
Salis communis uncias tres,  
Farinæ frumenti uncias decem  
& octo.

Cum vitellis ovorum, & Melle despumato, quantum sufficit, fiant Suppositoria.

Notandum, tametsi suppositoria hæc alvum sollicitent, ac sedes remorantes evocent, ea tamen mulieribus gravidis haudquaquam tuta existere, prout nec iis, quibus hæmorrhoides molestæ esse so-  
lent: His enim vel levissima ex solo Melle, vitello ovi, ac modico sale confecta sufficiunt, quibus acuendis nonnulli Muscædam paucâ quantitate in-  
dunt.

**PULVIS AD VERMES,  
SEU LUMBRICOS.**

℞. Sem. sancti uncias quatuor,  
Foliorum Senæ unciam unam,  
Coriandri præparati,  
Cornu cervi ana drachmam  
semis.  
Fiat Pulvis.

*Vires ex nomine patent, in ene-  
candis & expellendis lumbricis longo  
usu comprobata.*

Semen sanctum qualem plantam pro matre agnoscat, nondum certò constat. Si tamen non ad Abrotana, saltem Absinthia referri posset: prout etiam Absinthii Seriphii, quod aliàs Santonicum di-  
citur, semen esse, plurimis creditur. Officinæ se-  
men hoc passim vocant semen Lumbricorum, quod ipsum vulgus Wurmsaamen adpellat; eò quòd id-  
vermes & lumbricos expellere sit aptum.

**PULVIS CONTRA  
ABORTUM.**

℞. Granorum Cherms drach-  
mam unam,  
Sandalirubri drachmam semis,  
Caryophyllorum scrupulum  
unum,  
Nucis moschatae scrup. duos,  
Radicis Tormentillæ drach-  
mam semis,  
Margaritarum præparatarum,



Corallii utriusque præparati ana scrupulum unum.  
Foliorum auri numero tria,  
Sacchari perlati drachmas tres.  
Fiat pulvis.

*Datur gravidis ad præcavendum abortum, ex ovo sorbili, vel vino odorifero &c. idque non unâ tantum vice, sed sæpius ejus usum repetendo.*

### PULVIS ABSORBENS.

℞. Cretæ albissimæ drachmas tres,  
Nucis moschatæ drachmam unam semis,  
Radici Glycyrrhizæ,  
Seminis Cydoniorum ana drachmam unam,  
Boli Armenæ præparatæ,  
Coralliorum rubrorum præp. ana drachmam semis.  
Misce. F. Pulvis.

*Magnopere passim comendatæ, & felici cum successu à nobis etiam in usum ductæ Species diacretæ, quas Hadrianus à Mynsicht in Armament. med. chym. sect. 5. describit, ut nostris etiam in pharmacopoliis prostare deberent, nos permoverunt. Cum vero prima earum ingredientia scopo medico, in acido morbifico destruendo, acridine temperanda, sicque morbis inde enatis curandis satis superque satisfacere, atque minori in dosi usurpari valeant, cætera omittere placuit.*

### PULVIS ALEXIPHARMACUS.

℞. Terræ sigillatæ Silesiacæ,  
Cornu cervini philosophicè calcinati,

Radicum Angelicæ ana unciam unam,  
Zedoariæ drachmam unam,  
Corticum Citri exteriorum,  
Myrrhæ electæ ana drachmas duas.

M. F. Pulvis.

*Vires hujus Pulveris nomen monstrat, cujus usum inprimis tenuioris sortis hominibus dicavimus, salutaremque multoties experti fuimus.*

### PULVIS ANALEPTICUS FRIGIDUS.

℞. Specier. Cordialium temperat. inc. drachmas duas,  
de gemis frigid. drachmam unam,  
Ambraë griseæ scrupulum unum,  
Spiritus rosar. guttas sexaginta,  
Folior. Auri Num. duodecim,  
Argenti Num. tria.  
Man. Chr. simplic. uncias tres.  
Misce, fiat Pulvis.

*Pulvis hic, ad virium conservationem & reparationem plurimum conducens, celeb. nostrum Mindere-rum autorem agnoscit; qui alium etiam rubeum dictum, aromatica plura recipientem, in usu habuit, cujus tamen apud nos non est usus.*

### PULVIS ANONYMUS.

℞. Sem. Papaveris albi drachmas duas,  
Portulacæ,  
Cydoniorum,  
Malvæ,  
Bombacis ana drachm. unam semis,  
Quatuor. frig. major. ex-cort. ana drach. unam,  
N Gum-



Gummi Arabici,  
 Tragacanthi,  
 Amyli ana drachmas duas,  
 Hypocistidis,  
 Boli Armenæ præparatæ,  
 Cornu Cervi usti,  
 Rasuræ Eboris,  
 Cicerum rubrorum ana drachmam semis,  
 Cinnamomi drachmas duas,  
 Sacchari Penidii unciam unam semis,  
 Canariensis uncias sex.  
 Misc, fiat Pulvis.

*Tabidis Phthificisque prodest :  
 Ulcera enim pulmonum lenit , abster-  
 git, & glutinat , tenues ac salsos ca-  
 tarrhos sistit & incrassat , fauciumque  
 asperitatem mitigat.*

Nonnulli huic Liquiritiam, Rosas, semen Althææ, Corallia, Species Diatragacanthi frigidi, aut Pulmonis vulpis præparati nonnihil addunt. Verum hæc pro medici prudentis intentione quocunque tempore adjici possunt.

Similis ferè Pulvis exstat descriptus apud Valescum, Pulvis Haly dictus, easdem vires cum priorè obtinens, cujus descriptio hæc est :

℞. Sem. Papaveris albi drachmas quinque,  
 Gummi Arabici,  
 Amyli,  
 Tragacanthi ana drachmam unam semis,  
 Sem. Portulacæ,  
 Gossypii,  
 Althææ,  
 Malvæ ana drachmas duas semis,  
 Quatuor frig. major. excorticorum,  
 Cydoniorum mundatorum ana drachmas tres semis,  
 Spodii præparati,  
 Succu Liquiritiæ, vel potius Pulveris ejus ana drachmam unam semis,  
 Sacchari Penidii ad pondus omnium.  
 Misce, fiat Pulvis.

Notandum, Pulverum horum semina frigida continentium non nimiam unâ vice quantitatem præparari debere, ne Pulvis diuturniore morâ evadat rancidus.

## PULVIS CACHECTICUS QUERCETANI.

℞. Limaturæ chalybis cum sulphure calcinatæ unciam unam,  
 Fœculæ radicum Ari,  
 Ambraë griseæ ana drachmam unam semis,  
 Coralliorum,  
 Margaritarum ana præpar. drachmas duas,  
 Cornu Cervi Philosophicè præparati,  
 Succini præparati,  
 Cinnamomi ana scrupulos quatuor,  
 Sacchari ad pondus omnium.  
 Fiat Pulvis.

*In curanda omnis generis cachexia, & depravatis humoribus corrigendis præsentaneum est remedium : Unde leucophlegmatiam, & morbum virgineum curat, massam sanguineam purificando, & à variis corruptionibus tutam præstando.*

Pulvis hic à Quercetano descriptus, etiam sine Ambra, incompletus ideo dictus, in Officinis nostris prostat pro illis, quibus tenuiores facultates Ambraë usum denegant, tum & odor ejus adversus est.

## PULVIS AD CASUM.

℞. Terræ sigillatæ,  
 Sanguinis Draconis,  
 Mumiaë ana drachmas duas,  
 Spermatis Ceti drachm. unam,  
 Rhabarbari drachmam semis.  
 Misce, fiat Pulvis.

*Propinatur precipitatis, ruptis, contusis, fractis, ex vino adstringente, vel cui incocta fuerint, quæ strin-*



*stringendi vim habent; quin & externe lintea huic vino intincta, expressa, & calida parti laboranti imponuntur.*

### PULVIS CEPHALICUS.

℞. Cinnabaris nativæ electæ & præparatæ uncias tres,  
Radicum Pæoniæ unciam unam semis,  
Smaragdi præparati drachmas duas,  
Ungulæ Alces præp. drachmam unam,  
Cranii humani præpar.  
Coralliorum rubrorum præparatorum,  
Cornu Cervi spagiricè præparati ana scrupulos duos,  
Unicornu marini,  
Margaritarum præparatarum,  
Succini præparati ana scrupulum unum.  
Misc. F. Pulvis.

*Magnam famam, ob egregias virtutes cephalicas, cum passim meruerit Specificum cephalicum celeberrimi olim Lipsiensium Chymiatræ, Dn. D. Joannis Michaëlis, nostra etiam in Civitate quondam in usum duci cœpit. Quia verò Magisteria gemmarum &c. illud medicamentum magna ex parte constituentia, jamdudum apud nos usurpari desierunt, eorumque locum efficacius pulveres eorum subtilissimè levigati occupent, compositionem hanc, omissis etiam reliquis pretiosis lapidibus, aucto contra smaragdi pondere, & paucis mutatis aliis, aliquot abhinc annis adornare libuit; quam etiam felici cum successu hætenus non infrequenter adhibuimus.*

### PULVIS AD DENTIFRICIA MOSCHATUS.

℞. Pumicis uncias duas,  
Offis Sepiæ drachmas sex,  
Corallii rubri præparari drachmam unam,  
Radicis Ireos unciam unam,  
Moschi,  
Zibethi ana scrupulum semis,  
Olei Ligni Rhodii,  
Nucis moschatæ destillati ana guttas quatuor,  
Caryophyllorum guttas tres.  
Misc lege artis.

*Mucosos dentes à sordibus purgat, eosque dealbat ac mundificat, gingivas quoque stringit, & dentium radices firmat.*

### PULVIS DYSENTERICUS

D. D. JOANNIS  
LANGII.

℞. Maxillarum Lucii cum dentibus,  
Priapi cervi,  
Corticum Granatorum,  
Cornu Cervi usti,  
Boli Armenæ,  
Seminum Lapathi acuti ana unciam unam.  
Fiat Pulvis.

*Ad omnes alvi fluxus, diarrhœam, lenteriam, & inprimis dysenteriam magnæ est efficacia.*

### PULVIS PRO EPITHEMATE CORDIS.

℞. Florum Buglossi,  
Boraginis,  
Melissæ ana manipulum semis,



Sandalorum omnium,  
 Rosarum rubrarum ana drach-  
 mas duas,  
 Corticum Citri,  
 Sem. Acetosæ,  
 Ligni Aloës,  
 Caryophyllorum ana drach-  
 mam unam semis,  
 Doronici,  
 Been utriusque,  
 Succini ana scrupulos quatuor.  
 Trita omnia probè usui reserven-  
 tur.

*Adhibetur in affectibus cordis,  
 ejusque palpitazione, syncope, & vi-  
 rium dejectione.*

Si Camphoræ grana sex, & Moschi grana tria  
 addantur, dicitur **COMPLETUS**.

### PULVIS HYSTERI- CUS.

℞. Radic. Diſtamni albi drach-  
 mas tres,  
 Zedoariæ drachmam  
 unam,  
 Cort. Citri sicci,  
 Sem. ejusdem ana scrupulos  
 duos,  
 Fragmentorum Lapidum pre-  
 tioforum omnium ana grana  
 duodecim.  
 Specier. Diamargariti calidi  
 drachmas duas,  
 Sacchari albi unciam unam.  
 Fiat Pulvis.

*Uterinos dolores placat, ejusque  
 expurgat illuviem, menses quoque &  
 secundinas moram trahentes propellit,  
 animi defectiones ab utero ortas arcet,  
 ac ejus suffocationem abigit.*

Pulverem hunc multæ utilitatis, & in muliebri-  
 bus prædictis morbis longo tempore expertum,

D. D. Joan. Udalricus Rumlerus Collega quon-  
 dam noster tradidit.

### PULVIS MARCHIONIS SEU EPILEPTICUS.

℞. Radicum Pæoniæ maris, de-  
 crescente Lunâ effossarum  
 unciam semis,  
 Visci querni,  
 Rasuræ Eboris,  
 Ungulæ Alces,  
 Spodii,  
 Cornu Cervi ex apici-  
 bus desumpti,  
 Corallior. rubrorum,  
 alborum,  
 Margaritarum præpar. ana  
 drachmam unam,  
 Foliorum Auri puri numero  
 viginti.  
 Fiat Pulvis.

*Prodest hic Pulvis apoplecticis,  
 epilepticis ac incubo laborantibus, in-  
 temperiem cerebri humidam corrigit,  
 & nocturnos terrores fugat.*

### PULVIS PARTUM PRO- VOCANS.

℞. Cinnamonomi drachmam unam,  
 Croci drachmam semis,  
 Cassiæ lignæ veræ scrupulos  
 duos,  
 Succini albißimi præparati  
 scrupulum unum.  
 Fiat Pulvis.

*Ad partûs labores facilitandos  
 utiliter exhibetur: Eosdem namque  
 accelerat, & fœtûs exclusionem pro-  
 movet.*



## PULVIS PLEURITICUS.

℞. Mandibularum Lucii præparatarum,  
 Dentis Apri usti præparati ana drachmas duas.  
 Lapidum Percarum,  
 Talorum Leporis,  
 Oculorum Cancri præparatorum,  
 Lucii piscis præparatorum,  
 Seminum Cardui benedicti,  
 Artemisiæ rubræ ana drachmam unam.  
 Misce, fiat Pulvis.

*Contra omnes laterum puncturas in pleuritide tam spuria, quam exquisita, etiam in epidemia illa, quâ doloris vehementia multi jugulantur, ad dolores mitigandos, inflammationes resolvendas, sudoresque eliciendos singulare est remedium.*

## PULVIS RUBEUS PANNONICUS.

℞. Boli Armen. cum Aqua Rosarum & Acetosæ præparatæ uncias tres,  
 Terræ Lemniæ veræ præp. uncias duas,  
 Coralliorum rubrorum præparatorum unciam dimidiam,  
 alborum præparator. drachmas sex,  
 Lapidum pretiosorum, scilicet Smaragdi,  
 Rubini,  
 Sapphiri,

Hyacinthi ana præparat. drachmas quatuor,  
 Margarit. præpar. drachmas quinque,  
 Cinnamon electi drachm. duas,  
 Caryophyllorum drachmam unam,  
 Seminis Acetosæ drachm. duas,  
 Corticum Citri,  
 Sandali albi ana drachmam unam semis,  
 rubri drachmas duas,  
 Spodii præpar. drachm. quinque,  
 Rasuræ Eboris drachmas tres,  
 Croci orientalis drachm. unam.  
 Cornu Cervi philosophicè præparati drachmas quatuor,  
 Foliorum auri purissimi numero quinquaginta.  
 Fiat omnium Pulvis.

*Adversus pestilentium febrium noxas, & contagiosorum ac venenatorum morborum invasiones maximè potens est. Datur puerulis & infantibus, ubi variolarum aut morbillorum suspicio adest: Eos namque efficaciter expellit. Præbetur vulgò cum Syrupo Limonum, & Aqua Cardui, Acetosæ, vel Boraginis.*

## PULVIS SABAUDICUS.

℞. Cinnamon electi drachm. tres,  
 Caryophyllorum drachmas duas,  
 Mastiches electæ,  
 Myrrhæ electæ,  
 Radicum Tormentillæ ana drachmam unam,  
 Zedoariæ,  
 Anthoræ,  
 Contrajervæ,  
 Scorzonæræ,



Coralliorum rubrorum præpar.

Margaritarum præparat.

Sapphiri præpar.

Rubini præpar.

Smaragdi præp.

Hyacinthi præp.

Lapidis Bezoar orientalis,

Unicornu veri ana drachmas duas,

Boli Armenæ præp.

Terræ sigillatæ veræ ana drachmam unam,

Corticum Citri unciam semis,

Foliorum Auri numero decem,

Antimonii diaphoretici, ad pondus omnium.

Fiat omnium Pulvis.

*Vires ejus sunt alexipharmacæ ; unde in febris malignis, expellendis variolis &c. magnoperè laudatur.*

Moschi & Ambræ ana scrupulum dimidium, aliàs addi solitum, omisimus, à Medico, si expetat, usûs tempore rectius supplendum.

## PULVIS STEGNOTICUS

D. D. CASPARI GUTMANNI.

℞. Lapidis Ætitiæ drachmam unam,

Hæmatitiæ præpar.

Carneoli præparati,

Cornu Cervi usti præparati,

Terræ sigill. veræ ana drachmam semis,

Coralliorum rubrorum resolutorum drachmas duas.

Omnia in tenuissimum pollinem redacta misceantur.

*Ad omnes fluxus sanguineos narium, hepatis & vulnerum sistendos, inprimis menstruum mulierum purgationem superfluam, dysenteriam,*

*diarrhœam, alvi & uteri profluvia alba curanda, singularis efficaciæ existit.*

## PULVIS STERNUTATORIUS.

℞. Majoranæ drachmam unam semis,

Betonicæ,

Pyrethri ana drachmam semis,

Hellebori utriusque ana drachmam unam,

Pulegii scrupulum unum.

Fiat Pulvis.

*Lentam pituitam, ac phlegma crassum, naribus insufflatus, vel iisdem adfrictus provocat: hinc cerebrum à tenacibus humoribus purgat, & ossis ethmoidis obstructiones reserat.*

## PULVIS STOMACHICUS

D. D. BIRCKMANNI.

℞. Pulv. Rad. Ari præparatarum uncias duas,

Acori vulgaris,

Pimpinellæ ana unciam unam,

Oculorum Cancræ unciam semis,

Cinnamomi drachmas tres,

Salis Absinthii,

Juniperi ana drachmam unam,

Sacch. rosati ad pondus omnium.

Conficiatur Pulvis gustui gratus.

*Hic pulvis ad varia stomachi vitia & dolores conducit, cardialgiæ sive oris ventriculi à succis mordentibus adfecti, & cardiacæ, à virulentis & venenosis humoribus productæ medetur.*

PUL-



PULVIS AD STRUMAM  
ARNOLDI DE VILLA  
NOVA.

℞. Spongiæ combustæ,  
Pilæ marinæ tostæ,  
Offis Sepiæ,  
Piperis longi,  
          nigri,  
Zingiberis,  
Cinnamomi,  
Salis Gemmæ,  
Pyrethri,  
Gallarum,  
Lapidis Spongiæ ana unciam  
unam.  
Pulverisentur, & misceantur.

*Ad strumas abolendas, reiteratâ se-  
pius ejus assumptione, feliciter exhibe-  
tur.*

PULVIS VIOLARUM  
ODORATUS.

℞. Ireos Florentinæ uncias sex,  
Rosarum rubrarum uncias  
quatuor,  
Cyperi drachmam semis,

Majoranæ,  
Caryophyllorum,  
Styracis ana unciam unam,  
Benzoini,  
Sandali citrini ana unciam se-  
mis,  
Violarum drachmas tres,  
Moschi drachmam unam,  
Fiat Pulvis.

*Pulvis hic tametsi ad odora-  
men-  
ta potissimum expetatur, caput tamen  
extrinsecus adhibitus eximie roborat,  
nec non cordis palpitationi medetur.*

Paratus etiam prostat sine Moscho.

ALIQUI EUNDEM SIC  
COMPONUNT.

℞. Florum Violarum unciam semis,  
Rosarum rubrarum uncias tres,  
Benzoini unciam unam semis,  
Styracis calamitæ,  
Sandali citrini,  
          albi ana unciam semis,  
Rad. Cyperi rotundi,  
Majoranæ ana unciam unam,  
Caryophyllorum drachmas duas,  
Cinnamomi electi drachmas tres,  
Rad. Ireos Florent. uncias tres,  
Moschi Alexandrini,  
Ambraæ veræ ana scrupulum semis.  
Fiat Pulvis crassiusculus.

CLASSIS OCTAVÆ

SECTIO SECUNDA,

DE

MEDICAMENTIS MINUS  
USUALIBUS.

PULVIS TARTARI CRY-  
STALLINI SOLUTIVUS.

℞. Crystallorum Tartari,  
Foliorum Senæ selectissimæ ana unciam  
unam,

Cholagogi simplicis drachmas duas,  
Seminis Anisi electi,  
Cinnamomi acuti,  
Galangæ minoris ana drachmam unam,  
Caryophyllorum drachmam semis,  
Fiat Pulvis.

*Pitui-*



*Pituitam & bilem, succumque melancholicum, & adustos humores purgat.*

### PULVIS SOLUTIVUS DE TRIBUS.

℞. Foliorum Senæ drachmas sex,  
Turbith drachmas quatuor,  
Rhabarbari drachmas duas,  
Glycyrrhizæ,  
Sem. Anisi,  
Fœniculi ana drachmam unam,  
Spicæ Indicæ scrupulum semis.  
Fiat Pulvis.

*Inscribitur hic Pulvis de Tribus, ob tria Simplicia purgantia, quæ ejus compositionem ingrediuntur, Rhabarbarum nempe, Turbith, & folia Senæ. Confert autem hepatis, venarum mesaraicarum obstructionibus, hydropi incipienti, ac ventris inflationibus, dum crudorum humorum evacuationem promovet.*

### PULVIS SOLUTIVUS MAGISTRALIS STOCK- STALDI.

℞. Foliorum Senæ Alexandr.  
Dacrydii,  
Hermodytylorum,  
Turbith electi ana unciam semis,  
Cinnamomi,  
Zingiberis ana drachmas duas,  
Sem. Anisi drachmam unam,  
Cardamomi,  
Galangæ,  
Mastiches ana drachm. semis,  
Sacchari uncias tres.  
Fiat Pulvis.

*Hydropicis ac veteri ictero fœdatis opitulatur: Pituitam namque & bilem purgat. Descriptionem ejus vide in Valesco de Taranta.*

### CHOLAGOGUM INSUC- CATUM, SEU DACRYDIUM ROSATUM.

Scammonium sulphuris fumo præparatum infunde in Mucharo Rosarum bis, & exsicca.

### PULVIS AD SUPPOSI- TORIA COMMUNIA.

℞. Aloës drachmas duas,  
Cumini,  
Rutæ,  
Salis Gemmæ ana drachmam unam.

Fiat Pulvis, qui subigatur cum sufficienti quantitate Mellis, & redigatur in glandes.

### ALIUS ACUTIOR.

℞. Aloës unciam semis,  
Hellebori albi,  
Granorum Colocynthidos,  
Centaurii,  
Cumini,  
Rutæ ana drachmam unam.

Fiat Pulvis, qui melle subactus effingatur in glandes, seu suppositoria.

### PULVIS ADSTRINGENS GALENI.

℞. Aloës,  
Mannæ Thuris,  
Corticum Pini,  
Terræ Lemniæ,  
Boli Armenæ,  
Lapidis Hæmatitæ,  
Succi Hypocistidis,  
Crocii,  
Gallæ omphacit. ana drachmam unam.  
Fiat Pulvis.

### PULVIS BEZOARDICUS NICOLAI ALEXANDRINI.

℞. Boli Armen. cum Aceto præparat. uncias tres,

Terræ



Terræ figillatæ,  
Coriandri præparati,  
Specierum Diamarg. frig.  
Rad. Tormentillæ,

Dictamni vulgaris,  
Angelicæ,  
Scabiosæ ana drachmas duas,

Sem. Acetosæ,  
Citri mundati,  
Rutæ,  
Cardui benedicti,

Cornu Cervi usti,  
Doronici,  
Charabæ ana scrupulos quatuor,  
Rosarum rubrarum,  
Corallii utriusque,  
Ligni Aloës,  
Serici crudi,  
Sandalorum omnium,  
Margaritarum,  
Offis è corde Cervi ana drachmam u-  
nam,

Smaragdorum,  
Ambræ ana scrupulos duos,  
Moschi scrupulos quatuor,  
Crocigrana quindecim,  
Camphoræ grana decem.

Fiat Pulvis, vel cum Syrupo è Ribibus fiat  
in modum Opiatæ.

*Adversus pestiferæ luis insultus efficax,  
cordis vires eximie tuetur, internas putre-  
dines abolet, & contagiosis quibuslibet mor-  
bis adversatur.*

### PULVIS ELECTUARI DE BOLO.

℞. Boli Armen. præp. aquâ Rosarum unciam  
semis,

Rad. Tormentillæ,  
Angelicæ ana drachmas duas,  
Corallii rubri,  
Rasuræ Eboris,  
Cornu Cervi,  
Rosarum rubrarum ana drachmam unam  
semis,

Sem. Melonum,  
Acetosæ,  
Citri mundati,  
Bombacis mund.

Juniperi ana drachmam unam,  
Anisi,  
Fœniculi,  
Cinnamomi,  
Xylaloës,  
Macis ana drachmam semis.  
Fiat Pulvis.

### SIMPLICIOR A NONNUL- LIS SIC PARATUR.

℞. Boli Armen. unciam semis,  
Rad. Tormentillæ drachmas duas,  
Angelicæ drachmam unam,  
Sacchari ad pondus omnium.  
Fiat Pulvis.

*Uterque febribus malignis, pestiferis,  
ac contagiosis potenter resistit: sudoresque  
evocat.*

### PULVIS AD CALCU- LUM.

℞. Radicum Saxifragiæ albæ,  
Petroselini,  
Pimpinellæ,  
Liquiritiæ,  
Ononidis ana drachmas  
duas,  
Baccarum Alkekengi unciam semis,  
Juniperi drachmam unam,  
Seminum Milii Solis,  
Fœniculi,  
Erucae,  
Dauci Cretici,  
Violarum purpurearum ana  
drachmam unam,  
Lactucæ,  
Papaveris albi,  
Quatuor frigidorum majorum  
excorticatorum,  
Hyoscyami albi ana drachm.  
semis,  
Herniariæ Hollerii drachmam unam,



Gummi Ceraforum nigrorum drachmas  
duas,  
Tragacanthi drachmam unam,  
Terebinthinæ ad duritiem in aqua Mal-  
væ coctæ drachmas duas,  
Magisterii oculorum cancri,  
Salis Succini ana scrupulum unum,  
Lapidis Judaici præparati,  
Spongiæ præparati,  
Nephritici præparati ana drach-  
mam unam,  
Cantharidum grana sex,  
Sacchari cantii uncias duas.  
Misce.

*Compositionem hanc Pulveris ad calcu-  
lum multa sibi experientia probati, D. D.  
Marcus Banzerus, Augustanus, Facultatis  
Medicæ in Illustri Academia Wittebergenfi  
olim Professor, Collegii Medici Decanus  
& Senior, Libro huic inferendam quondam  
communicaverat.*

### PULVIS AD CALCULUM ALIUS.

℞. Sem. Milii Solis,  
Saxifragiæ ana drachmam unam,  
Lactucæ,  
Hyoscyami,  
Papaveris albi ana scrupulos duos  
femis,  
Quatuor. frigid. majorum ana scru-  
pulos duos,  
Glycyrrhizæ scrupulos quatuor,  
Trochisc. de Halicacabo drachmam u-  
nam femis,  
Rad. Pimpinellæ,  
Sem. Genistæ ana drachmam femis,  
Sacchari uncias duas.  
Fiat Pulvis.

*Datur nephriticis & calculosis ad re-  
num arenulas exturbandas, & ureterum  
obstructiones levandas.*

### PULVIS AVICENNÆ E CINERIBUS.

℞. Cinerum Vitri,  
Scorpionum,  
Rad. Brassicæ,

Leporis,  
Putamin. ovorum, è quibus  
pulli fuerint exclusi,  
Lapidis Spongiæ,  
Sanguinis hirci præparati,  
Lapidis Judaici,  
Gummi Juglandis,  
Acori ana drachmam unam,  
Petroselini,  
Dauci,  
Pulegii,  
Gummi Arabici,  
Sem. Althææ,  
Piperis nigri ana drachmam unam se-  
mis,  
Terantur, & simul misceantur.

*Priore longè validior, urinas magis pro-  
moveret, & calculos potentiùs educit.*

Pro Gummi Juglandis Ceraforum commodis-  
simè substituitur.

### PULVIS PRO EPITHE- MATE HEPATIS.

℞. Sandali rubri,  
albi,  
citrini ana unciam femis,  
Rosarum drachmam unam,  
Camphoræ scrupulum unum.

*Hepatis inflammationi confert, ejusque  
exæstuationem temperat.*

### PULVIS GRISEUS CÆ- SARIS CONTRA PESTEM.

℞. Rad. Pimpinellæ,  
Gentianæ,  
Tormentillæ,  
Serpentariæ,  
Foliorum Rutæ,  
Absinthii,  
Nucum Juglandium,  
Granorum Juniperi,  
Aceti Rosati.  
Theriacæ Andromachi ana unciam u-  
nam.  
Misceantur omnia.

*In præservatione, & curatione pestis  
plurimum valet.*

Quidam



Quidam addunt Castorei unciam semis; Aceti rosati uncia una oncti potest.

## PULVIS AD NASALIA i. e. ERRHINUS.

℞. Calaminthæ,  
Majoranæ,  
Rad. Ireos,  
Castorei,  
Sem. Nigellæ,  
Staphidis agriæ ana scrupulum unum,  
Hellebori albi,  
Pyrethri,  
Nucis moschatæ,  
Myrrhæ rubræ,  
Euphorbii ana scrupulos duos.

Misce. Ex hisce cum Ladani drachmis sex & Melle modico formari possunt Nasalia.

*Sternutationem potentissimè cient, ac crassa per nares phlegmata evocant; ideo lethargo ac epilepsiæ profunt; catalepticos & attonitos juvant; sed cautè iis utendum, præsertim in corporibus nondum purgatis, ne subita humorum per irritationem tam fortem præcipitatio suffocationis repentinæ periculum inferat.*

## PULVIS AD PARTUM HELIDEI DE PADUANIS.

℞. Cinnamomi,  
Croci ana scrupulum unum,  
Boracis scrupulos quatuor.  
Detur ex aqua artemisiæ.

*Usitatissimus ac expertissimus quondam erat hic Pulvis Helideo de Paduanis, Medico Bononiensi eximio, qui eundem secretum sibi adeo habebat, ut non nisi fidissimis amicis aut prædilectis discipulis eum communicaret.*

Augetur hujus Pulveris efficacia, si ei testiculorum equinorum aridorum, aut Julorum Nucum Juglandium pulvis admisceatur, quod pro prudentis Medici arbitrio & exigentis necessitatis occasione fieri poterit.

## PULVIS AD DYSTOKIAM.

℞. Pulveris Cinnamomi unciam unam,  
Succini albi præparati unciam semis,  
Boracis,  
Hipposforcheos ana unciam unam,  
Croci scrupulos octo.

Omnia in tenuem pollinem redacta misceantur.

*Pulverem hunc ad partum facilitandum, & secundinas expellendas experientia & multiplex usus commendant.*

## PULVIS RUBEUS CÆSARIS CONTRA PESTEM.

℞. Myrrhæ electæ,  
Croci ana drachmam unam,  
Ossis de corde Cervi scrupulos duos,  
Cornu Cervi drachmas duas,  
Dictamni Cretici,  
Tormentillæ,  
Pimpinellæ,  
Gentianæ ana drachmas duas, scrupulos duos,  
Zedoariæ,  
Zingiberis ana drachmas tres,  
Sulphuris vivi,  
Boli Armen. veræ ana drachmas quatuor,  
Camphoræ scrupulos quatuor,  
Theriacæ Andromachi,  
Mithridatii optimi ana drachmas sex.  
Fiat omnium Pulvis.

*Hic Anno Christi 1572. quo Pestis invaluit; apud nos frequentissimè fuit adhibitus, & D. Achilli Gassero nostro p. m. familiaris.*

## PULVIS RUBEUS PAN- NONICUS.

℞. Boli Armen. orientalis præp. uncias duas,  
Terræ sigillatæ veræ uncias sex,  
Lapidum pretiosorum, scilicet  
Hyacinthi,



Sapphiri,  
 Rubini,  
 Smaragdi ana præp. unciam unam,

Margaritarum præparatarum drachmas decem,

Spodii præparati,  
 Rasuræ Eboris ana drachmas quinque,  
 Coralliorum rubrorum præparatorum drachmas octo,  
 alborum præpar. unciam unam semis,

Rad. Tormentillæ,  
 Dictamni ana uncias quatuor,  
 Cornu Cervi philos. præpar. drachmas sex,  
 Sandali albi drachmam unam,  
 Radicis Doronici drachmas sex,  
 Seminis Acetosæ drachmas duas,  
 Corticum Citri drachmam unam & semis,

Camphoræ drachmas duas.  
 Pulverisentur singula per se, & misceantur, addendo foliorum auri numero quinquaginta, & fiat Pulvis.

*Easdem, quas prior pag. 101. descriptus, vires obtinet.*

## PULVIS SAXONICUS.

℞. Rad. Valerianæ unciam semis,  
 Vincetoxici,  
 Urticæ ana unciam unam,  
 Polypodii querni,  
 Althææ,  
 Angelicæ sylvestris ana uncias duas,  
 fativæ recentis uncias quatuor,  
 Cort. Rad. Laureolæ, sive Mezerei unciam unam semis.

*Pulvis hic in Saxonia primùm usurpari cœptus, pesti ac venenis quoque assumtis*

*egregiè adversatur, & deleteriorum vires frangit. Vide Moibani Parabilia in Dioscorid. lib. 2. cap. 143. ibidem varias descriptiones, & usum reperies.*

Quamvis radices has, eo tempore, quod xv. Augusti, & xiii. Septembris dies intercedit, effodas, & incisas, in Olla vitreata cum Aceto acerrimo coquendas, & postea, Aceto abjecto, exsicandas esse, quondam statutum fuerit; cum tamen maceratione & coctione illâ aliquas earum utiles particulas disperdi, haud sit negandum, Laureolæ quidem radices Aceto imprægnari, & sic earum acrimoniam corrigi posse, arbitramur, reliquas simpliciter in pulverem tritas admiscendo, & Acetum usus tempore, si Medico ita visum fuerit, unâ propinando. Licet Aceto, utpote liquore alexipharmaco, & has imbuere, si cui placeat, liberum per nos esse queat; qui pulverem hunc jam dudum in obsoletorum ordinem reposuimus.

## PULVIS PRO ULCERIBUS GUTTURIS.

℞. Sulphuris vivi uncias quatuor,  
 Myrrhæ rubræ,  
 Aluminis saccharini ana uncias duas,  
 Mastiches,  
 Thuris ana unciam unam,  
 Pyrethri drachmas sex,  
 Fiat Pulvis.

℞. Hujus Pulveris unciam unam,  
 Vini sublimati libram unam.  
 Misce.

*Pulvere hoc, in Nosocomio Gallico ad gutturis antiqua & fœda ulcera sananda, utebantur quondam D. D. Adolphi Occones, August. Medici, ac subsequentes Illustriss. ac Generosorum D. D. Comitum Fuggerorum Xenodochiis præfecti, quibus in locis, ex pia & munifica prædicti Stemmatis fundatione, plurimi Lue istâ laborantes usque ad plenam sanationem quondam sustentabantur.*







CLASSIS NONÆ,  
ECLEGMATA, SA-  
PAS, LINCTUS, ET LO-  
HOCH COMPREHEN-  
DENTIS,  
SECTIO PRIMA,  
DE  
MEDICAMENTIS  
USUALIBUS.

DIACODION JOAN.  
BAPT. MONTANI, ALIAS  
SYRUPUS DE SILI-  
QUIS.

℞. Caputum Papaveris albi cum  
feminibus numero viginti,  
Siliquarum dulcium unc. tres,  
Glycyrrhizæ rasæ uncias duas,  
Aquæ font. libras duodecim.

Eximantur è Siliquis grana, po-  
stea decoquantur in aqua ad re-  
manentiam librarum trium, ex-  
primantur & colentur: tandem  
additâ

Sacchari cantii rubri librâ unâ  
semis,

Decoquantur secundum ar-  
tem ad Mellis consisten-  
tiam.

*Eo utimur in tenuibus & acri-  
bus rheumatismis, pulmones & aspe-  
ram arteriam fluxione tentantibus,  
& continuâ tussi vigilias excitantibus.*

Improbat hîc Welschius, quodd Zvvelferus ex  
decocti, vel emulsionis decem unciis, & sacchari  
℥iſſ. sola dissolutione Eclegma parare doceat, cum  
nimia liquoris quantitas id minime permittat; ipse  
verò omnia, saccharum nempe, capita papaveris,  
siliquas & glycyrrhizam una cum emulsione ex fe-  
minibus papav. parata, simul coquit, clarificat, at-  
que ad consistentiam debitam coquendo redigit, aut  
etiam semina incisa addit.



## DIACODIUM SOLIDUM.

℞. Sem. Papaveris albi unciam  
femis,  
Aquæ Farfaræ,  
Rosarum ana unciam  
unam semis.

Fiat emulsio, in qua dissolve  
Sacchari albißimi uncias qua-  
tuor.

Fiat confectio in rotulis.

*Creberrimus hujus confectiois u-  
sus ad tenues, falsos & acres catarrhos  
inhibendos ac incrassandos: tussim  
ideo sedat, faucium asperitatem lenit,  
& raucedinem à calidis defluxionibus  
obortam aufert. Cum facile ran-  
cescat, in majori quantitate haud pa-  
ratur, sed usus tempore rectius recens  
conficitur.*

LOHOCH E PULMONE  
VULPIS MESUÆ.

℞. Pulmonis Vulpis siccati & præ-  
parati,  
Succi Glycyrrhizæ,  
Capillorum Veneris,  
Sem. Anisi,  
Fœniculi ana unciam u-  
nam,

Sacchari clarificati uncias quin-  
decim.

Omnia trita tenuissimè Saccharo  
excipiantur, & ad debitam for-  
mam redigantur.

*Medicamentum hoc ex Mesuæ  
cap. de phthisi desumptum, prodest  
magnopere tabidis, consumtis, ac ul-  
ceratos pulmones habentibus. Ejus  
loco aliqui solum pulverem pulmonis  
Vulpini cum Saccharo Rosato exhi-  
bent.*

LOHOCH SANUM ET  
EXPERTUM.

℞. Cinnamomi,  
Hyssopi,  
Calaminthæ,  
Ireos,  
Semin. Anisi,  
Fœniculi ana unciam  
femis,

Capillorum Veneris manipu-  
lum unum.

Macerentur per viginti quatuor  
horas in Aquæ fontanæ libris dua-  
bus, postea destillando abstra-  
tur circiter libra una; cum qua ex

Pinearum mund. drachmis  
quinque,

Amygdalorum dulcium drach-  
mis tribus,

Fiat Emulsio, & solvendo in ea  
Sacchari albi libras duas,  
additisque

Pulveris Glycyrrhizæ,

Tragacanthi,

Gummi Arabici,

Amyli ana drachmis  
tribus,

Ireos drachmis dua-  
bus,

optimè misceantur.


*Tussi, vocis asperitati & rauce-  
dini à frigidity nata auxilio est,  
crassos itidem in thorace & pulmone  
humores incidit, & attenuat; mor-  
bis tamen calidioribus, ut & tussi ca-  
lida, suspectum.*

Licet à recepto olim præparandi modo viribus  
medicamenti hujus nihil decesserit, cum tamen &  
apud nos in eo albedinem vulgus expectere soleat, à  
fructuum & reliquorum decoctione non ita impe-  
trandam, proposita ratione ut porro ejusdem ela-  
boratio instituat, non prohibemus.



Si quis tamen non tam colorem illum albicantem, quam medicamento efficaciam respicere velit, ille, secundum Welschii mentem, ex speciebus, quæ destillari possunt, aquam proliciat, cum qua ex pineis & amygdalis emulsionem faciat, quam saccharo aqua communi soluto & sufficienter cocto ad-

miscet, cui denique pulpam ex fructibus simul sumtis f. a. paratam, nec non species sequentes adjungat, omittendo tamen, cum sint ingrata, lini & fœnigræci semina olim compositionem ingredientia, pulveris autem liquiritiæ drachmis tribus illas quatuor, quæ alias decocto accedunt, jungendo.



# CLASSIS NONÆ

## SECTIO SECUNDA,

DE

# MEDICAMENTIS MINUS USUALIBUS.

### DIACODION SIMPLEX GALENI.

℞. Caput Papaveris albi, mediocris magnitudinis, nec nimium viridum, nec nimium maturorum numero viginti,

Aquæ pluvialis, aut Fontanæ libras tres.

Macera horis viginti quatuor, post coque, donec capita contabuerint, cola, & adde

Mellis libras duas,

Coque ad justam consistentiam.

Fit cum Saccharo eodem modo, item cum Sapa hac ratione:

℞. Decocti prædicti,

Sapæ ana libras duas,

Succi Glycyrrhiæ uncias duas.

Coquantur ad justam consistentiam.

*Ufus ejus est in destillationibus tenuibus in asperam arteriam, ex perpetua tussi in somnium parientibus. Quod si magna humoris copia ex capite circa pulmones constiterit, confectio ex melle melior est, quemadmodum somno opus habentibus, quæ ex Sapa constat. Est autem Sapa Mustum ad Rob perfecti consistentiam decoctum.*

### DIACODION ACTUARI.

℞. Caput Papaveris, magnitudinis mediocris, non nimium humidum, nec omnino aridum numero tredecim,

Rosarum rubrarum drachmas duas semis,

Croci orientalis,

Acaciæ,

Glycyrrhiæ ana drachmam unam,

Boli Armen. unciam semis,

Cinnamomi electi,

Rad. Consolidæ majoris,

Hypocystidis,

Balaustiorum ana drachmam unam,

Myrti,

Dauci ana unciam unam,

Corallii utriusque,

Sumach,

Sanguinis Draconis,

Florum Althææ ana drachmas duas,

Sem. Portulacæ drachmam semis.

Capita Papaveris in aquæ pluvialis aut fontanæ sufficienti quantitate duobus diebus macerato; postridie ad tertias coquito, & decoctum expressum cum Mellis optimi libris



libris duabus ad justam consistentiam bulliat: postremò deposito ab igne vase, Species subtilissimè tritas adjicito, ac benè unito. Quòd si solidiorem Compositionem efficere volueris, decoctum expressum prius jam dictum cum sufficiente quantitate Sacchari decoquito, accipiendo ad libram unam Sacchari, Specierum ingredientium unciam unam.

Fiat confectio in rotulis.

*Cœliacis, dysentericis, lævitati intestinorum ac alvi profluviiis prodest: Sanguinis sputo medetur, & acres tenuesque fluxiones ad thoracem ferri prohibet.*

### DIACODION SOLIDUM.

℞. Caput Papaveris albi, mediocri magnitudine, nec nimis viridium, neque prorsus ficcorum numero viginti,

Aquæ pluvialis aut fontanæ libras tres,

Macerentur horis viginti quatuor, deinde coquantur, donec contabuerint capita, & colentur: Postremo addatur

Sacchari sufficiens quantitas, & coquantur, ut est artis.

### LOHOCH DE CAULIBUS GORDONII.

℞. Succum Caulium rubrorum libram unam, Croci drachmas duas, Sacchari, Mellis ana libram semis.

Fiat s. a. Lohoch.

*Rauedini, & vocis ablationi medetur, ac pectus ab humoribus vitiosis liberat, nec non spiritum facilitando thoracis levat angustias; priscis forsitan magis quàm nobis usitatum Medicamentum, ut qui Brassicæ plurimum tribuentes, ex ea singulis in corpore membris singula compararunt remedia.*

Aliter in Pract. cap. de tussi humida à Mesue præparatur. Recipit enim Succum Caulium libras quinque, hunc, spumam auferendo, lento igne coquit ad libras duas: deinde addit Sapæ & Mellis ana libram unam, atque sic coquendo ad justam perducit consistentiam.

### LOHOCH DE FARFARA.

℞. Radicum Farfaræ libram unam.

Coquantur in aqua ad mollitiem, postmodum contendantur, & colentur, addendoque

Mellis libras duas,

Coquantur ad justam consistentiam.

*Tabidis prodest, pulmonis ulcera glutinat, faucium ac asperæ arteriæ asperitates lenit. Ad cujus normam & alia ejusmodi simplicia Lohoch præparari possunt, utpote Lohoch ex Althæa, Enula, Liquiritia & similibus, quibus interdum aromata adjiciuntur, atque inprimis Crocus pectori conveniens.*

### LOHOCH DE PAPAVERE MESUÆ.

℞. Papaveris albi drachmas viginti quinque,

Amygdalorum dulcium mundatorum, Nucleorum Pineorum,

Gummi Arabici,

Succi Glycyrrhizæ ana drachmas decem,

Amyli drachmas tres,

Sem. Portulacæ,

Lactucæ,

Cydoniorum ana drachmas quatuor,

Croci drachmam unam,

Sacchari Penidii uncias quatuor,

Syrupi de Papavere uncias tres.

Omnia concisa & contusa Syrupo de Papavere excipiantur, cujus hæc esto formula:

℞. Caput Papaveris albi & nigri recentium ana uncias sex,

Sem.



Sem. Lactucæ,  
Florum Violarum ana unciam unam semis.

Coquantur, dum contabuerint Capita, in  
Aquæ Cucurbitæ libris octo. Expressum  
& colatum cum

Sacchari libris quatuor,  
percoquatur ad Syrupi crassitudinem.

*Efficax est in destillationibus tenuibus,  
quæ acrem, salsam, & tenuem materiam in  
thoracem demittunt, fauces asperant, vigi-  
lias ac febrem pariunt; confert etiam fe-  
bribus ardentibus, dolenti thoraci, & pleu-  
ritidi.*

## LOHOCH PASSU- LARUM.

℞. Radicum Pæoniæ drachmas quatuor,  
Hyssopi,  
Melissæ,  
Scolopendrii seu Ceterach ana manipu-  
lum semis,

Glycyrrhizæ unciam semis,

Fiat omnium decoctio in sufficienti aqua  
pluviali, factâ colaturâ cum forti expressio-  
ne, adde

Passularum minorum in mortario benè  
contusarum, prius ab arillis mun-  
datarum libram unam.

Decoquantur, & per pannum lineum for-  
titer exprimantur, expressioni addendo

Sacchari libram unam.

Fiat Lohoch, ut est artis.

*Usus est ad tussim & pectoris vitia, ma-  
ximè in puerulis, iisdemque epilepticis.*

Partium subtilium, in epilepticis pectoris ad-  
fectibus non inutilium, jacturam veritus Welschius,  
medicamentum hoc, radices pæoniæ, herbas hyssopi  
& scolopendrii cum aqua destillando, & uncias  
quatuor indè proliciendo, residuum cum reliquis  
coquendo, exprimendo, expressum ad consisten-  
tiam Lohoch inspissando, & cum saccharo ultra  
consistentiam tabell. cocto, nec non destillato supe-  
riori miscendo, conficit.

## LOHOCH DE PINEIS MESUÆ.

℞. Nucleorum Pineorum drachmas tri-  
ginta,

Amygdalorum dulcium,

Avellandarum assatarum,

Tragacanthi,

Gummi Arabici,

Glycyrrhizæ,

Succi ejusdem,

Amyli,

Capillorum Veneris,

Ireos ana unciam dimidiam,

Dactylorum drachmas triginta quin-  
que,

Amygdalorum amarorum drachmas  
tres,

Mellis Passularum,

Sacchari albi,

Butyri recentis ana uncias quatuor,

Mellis optimi libras tres, uncias duas.

Terenda terantur, & incidenda minutissi-  
mè incidantur, ac Melle excipiantur.

Modus confectionis hic est, ut Gummi & Tra-  
gacanthum macerentur in libris tribus aquæ Capil-  
lorum Veneris, donec prorsus mollescant, deinde  
cribro setaceo transmittantur, & cum Melle opti-  
mo misceantur ad lentum ignem, rudiculâ ligneâ  
diu movendo, postea ei inspergantur pulveres te-  
nuissimi radicum Ireos, Capillorum Veneris, Gly-  
cyrrhizæ, Sacchari, Amyli, ut & Pinei nuclei, A-  
mygdala & Avellanæ contusæ, & optimè miscean-  
tur. Demum utrumque Gummi mistum, & Da-  
ctyli in pulpam redacti, Melli Passularum, in quo  
prius fuerit dissolutus succus Glycyrrhizæ, vase ab  
igne deposito addatur, & diutius omnia agitentur,  
donec uniantur, addito Butyro recenti, si statim eo  
utendum sit; sin verò diutius fuerit adservandum,  
paretur absque Butyro; ne rancorem contrahat.

*Diurnæ tussi, difficultati spirandi, &  
asthmatis succurrit, humores in thorace cras-  
sos incidit & attenuat, senibus maxime fa-  
miliare, peripneumoniam quoque ac pleuri-  
tidem, inclinante jam febre, juvat.*

Pro Melle Passularum aliqui Sapam non ineptè  
substituunt.



## LOHOCH E PORTU- LACA.

- ℞. Succi Portulacæ libras duas,  
Trochisc. de Terra Lemnia drachmas  
duas,  
de Charabe,  
Gummi Arabici,  
Sanguinis Draconis ana drachmam u-  
nam,  
Lapidis Hæmatitæ,  
Pilorum leporis ustorum ana scrupulos  
duos,  
Sacchari albi libram unam.

Fiat Lohoch, ut est artis.

*Sputum sanguinis cohibet, ac ruptis  
opitulatur pulmonibus: exesa vasa cruorem  
fundentia glutinat, & anhelitus vias ab  
exulceratione tutas reddit.*

## LOHOCH E SUCCO SCILLÆ GALENI.

- ℞. Succi Scillæ libram unam,  
Mellis libram unam semis.

Coque ad formam Lohoch.

*Incidit, tenuat, & expulsionem præparat  
materiam crassam, quæ in thorace contine-*

*tur, veterem tussim sanat, suppuratis,  
asthmaticis, difficulter spirantibus in magna  
puris & lentæ pituitæ copia, spiritus vias  
opprimente, succurrit.*

Scillas plenas ac nitidas cultello eburneo in  
partes incidito, ejusque laminas puriores in morta-  
rio lapideo contusas exprimito, ac utitor.


Galenii descriptio à Mesuæ non differt, nisi  
quod Mesuæ succi Scillæ, & Mellis partes æquales  
ponit.

## LOHOCH E SCILLA COM- POSITUM MESUÆ, ALIIS LO- HOCH AD ASTHMA DICTUM.

- ℞. Scillæ præparatæ unciam dimidiam,  
Marrubii,  
Hyssopi ana drachmam unam,  
Ireos drachmas duas,  
Myrrhæ,  
Croci ana drachmam semis,  
Mellis quantum sufficit.

Fiat Lohoch.

*Predicta omnia valentiùs præstat, tuf-  
sim ac senum difficilem respirationem levat,  
pectus à frigida, crassa, tenaci & impaëta  
iis locis pituita potenter expurgat.*







CLASSIS DECIMÆ,  
CONFECTIONES  
AROMATICAS, SEU  
SPECIES &c. EDOCEN-  
TIS,  
SECTIO PRIMA,  
DE  
MEDICAMENTIS  
USUALIBUS.

SPECIES AROMATICÆ  
ROSATÆ GABRIELIS.

℞. Rosarum rubrarum drachmas  
quindecim,  
Glycyrrhizæ rasæ drachmas  
septem,  
Ligni Aloës,  
Sandali citrini ana drach. tres,  
Cinnamomi electi drachmas  
quinque,  
Caryophyllorum,  
Macis ana drachm. duas semis,  
Gummi Arabici,  
Tragacanthi ana drachmas du-  
as, scrupulos duos,  
Nucis moschatæ,

Cardamomi minoris,  
Galangæ ana drachm. unam,  
Spicæ Indicæ scrupulos duos.  
Fiat Pulvis,  
Cui pro completo addantur  
Ambræ griseæ scrupuli duo,  
Moschi scrupulus unus.

*Earum usus in magno humidorum  
excrementorum ventriculi proventu,  
coctionem juvant, putredinem prohi-  
bent, nutritioni inservientia viscera  
roborant, ventriculum distendentes  
flatus dissipant, adpetentiam excitant,  
nauseam sedant, ac è diuturno morbo  
emergentes plurimum recreant.*







Foliorum Auri,  
Argenti ana numero  
decem.

Misc.

Quibus addimus

Ambrae,

Moschi ana drachmam semis;  
ut fiant Sp. completæ.

*Cor roborant, animi deliquio medi-  
cantur, nec non in pestilente lue com-  
mendantur.*

## SPECIES DE GEMMIS

FRIGIDÆ.

℞. Margaritarum præpar. drach-  
mas tres,

Spodii de Ebore,

Rasuræ Eboris,

Corallii utriusque ana drach-  
mas duas,

Flor. Rosarum rubrar. drach-  
mam unam semis,

Hyacinthi,

Smaragdi,

Sapphiri,

Sardæ,

Granati,

Sandali albi,

rubri,

citrini,

Florum Boraginis,

Buglossi,

Sem. Acetosæ,

Basilici,

Been utriusque ana drachm.  
unam,

Offis de corde Cervi drachm.  
semis,

Foliorum Auri,

Argenti ana numero

quindecim.

*In magno febrium æstu, ut &  
jecinorosis prosunt; insuper adpeten-  
tiæ dejectæ, syncopis, cordis palpi-  
tationi, tussiculosis & asthmaticis au-  
xiliantur.*

## SPECIES DE HYA-

CINTHO.

℞. Hyacinthi præparati,

Corallii rubri,

Boli Armenæ,

Terræ sigill. Silestiacæ ana drach-  
mam unam semis,

Granorum Chermes,

Rad. Tormentillæ,

Dictamni albi,

Sem. Citri mundati,

Acetosæ,

Portulacæ,

Croci,

Myrrhæ,

Rosarum rubrarum,

Sandalorum omnium,

Offis de corde Cervi,

Cornu Cervi usti,

Rasuræ Eboris ana scrupulos  
quatuor,

Sapphiri,

Smaragdi,

Topazii,

Margaritarum,

Serici crudi tostæ ana scrupulos  
duos,

Foliorum Auri numero viginti,  
Argenti numero de-  
cem.

Fiat Pulvis;

qui completus redditur per

Ambrae veræ,

Moschi ana scrupulum unum,

Camphoræ grana quinque.



*Opitulantur cardiacis & lipothymias ac syncopen patientibus; viribus exolutos restituunt, pestiferos morbos & malignas febres præcavent, eosdemque jam factos expellunt.*

Si huic compositioni Syrupi è succo Limonum parati libra una permisceatur, fit CONFECTIO DE HYACINTHO liquida, frequenti apud nos usu commendata; quam & completam, & incompletam proflare volumus.

### SPECIES IMPERATORIS.

℞. Cinnamomi optimi drachm. decem,  
Zingiberis unciam unam,  
Caryophyllorum unciam semis,  
Galangæ,  
Macis,  
Nucis moschatæ ana drachmas duas.

Misce.

Completæ fiunt per Moschi optimi scrupulum semis.

*Species hæc induntur potissimum Tragematibus, cor & ventriculum frigidum, humidum, ac flatulentum confortantibus; aut addito Saccharo in Morsellos aptantur, qui ad stomachi segniter cibum concoquentis vires augendas concinnantur.*

### SPECIES DIAIREOS SIMPLICES NICOLAI ALEXANDRINI.

℞. Ireos unciam semis,  
Sacchari cantii albi,  
Specierum Diatragacanthi frigidi ana drachmas duas.

*Ad omnem in fauces destillationem, idque initio, nondum invalescente impetu, feliciter adhibentur.*

### SPECIES LIBERANTES INCERTI AUTORIS.

℞. Radicum Tormentillæ,  
Sem. Acetosæ,  
Endiviæ,  
Coriandri,  
Citri ana drachmam unam semis,

Sandalorum omnium,  
Dictamni albi ana drachmam unam,

Boli Armen. præparatæ,  
Terræ Lemniæ ana drachmas duas,

Margaritarum,  
Corallii utriusque,  
Succini albi,  
Rasuræ Eboris,  
Spodii ex Ebore, seu Eboris usti,  
Offis de corde Cervi,

Been utriusque,  
Doronici,

Cardamomi,  
Cinnamomi,

Macis,  
Ligni Aloës,

Cassiæ lignæ,  
Croci,

Zedoariæ ana drachm. semis,  
Sacchari cantii,

Penidii,

Serici crudi tosti pulverisati,  
Smaragdi,

Hyacinthi,  
Granati ana scrupulos duos,

Florum Nymphææ,  
Buglossi,

Rosarum ana scrupulum unum.

Misc.

Completæ fiunt, additis  
Camphoræ granis septem,

Moschi



Moschi,  
Ambræ ana granis tribus.

*Harum usus multiplex est in febribus malignis, ipsaque peste: Cor namque à veneni labe tuentur, præterea sudores movent.*

**SPECIES DIAMARGARI-  
TI FRIGIDI NICOLAI  
ALEXANDRINI.**

℞. Seminum quatuor frigidorum  
majorum excorti-  
catorum,  
Portulacæ,  
Papaveris albi,  
Rosarum rubrarum,  
Florum Nymphææ albæ,  
Boraginis,  
Baccarum Myrti,  
Sandalī albi,  
citri,  
Ligni Aloës ana drachmam u-  
nam,  
Corallii albi,  
rubri ana drachmam  
semis,  
Margaritarum Or. drachmas  
tres.

*Omnem virium imbecillitatem fir-  
mant, syncopen juvant, & asthmati-  
cos, tabidos, tussientes, atque ex lon-  
go morbo languentes reficiunt.*

**SPECIES DIAMOSCHU  
DULCES MESUÆ.**

℞. Croci,  
Doronici,  
Zedoariæ,  
Ligni Aloës,  
Macis ana drachmas duas,  
Margaritarum albarum,  
Serici crudi tosti,

Charabe,  
Coralliorum rubrorū ana drach-  
mas duas semis,  
Sem. Ocimi caryophyllati,  
Zingiberis,  
Cubebæ,  
Piperis longi ana drachmam u-  
nam semis,  
Been albi,  
rubri,  
Folii,  
Spicæ Indicæ,  
Caryophyllorum ana drach-  
mam unam.

Misc.

Completæ fiunt, immiscendo  
Galix moschatæ drachmam  
unam semis,  
Moschi scrupulos duos.

*Commendantur ad cerebri affectus  
frigidos, ex gr. vertiginem, epilepsiam,  
melancholiam; item cordis palpita-  
tionem, ac spirandi difficultatem; so-  
pitem calorem nativum recreant, ca-  
chexiam emendant; lienosis, jecino-  
rosis, ac stomachicis succurrunt.*

**SPECIES DIARRHODON  
ABBATIS NICOLAI ALE-  
XANDRINI.**

℞. Sandali albi,  
rubri ana drachmas  
duas semis,

Tragacanthi,  
Gummi Arabici,  
Spodii ana scrupulos duos,  
Succi Glycyrrhizæ,  
Asari,  
Mastiches,  
Spicæ Indicæ,  
Cardamomi,  
Croci,

Ligni



Ligni Aloës,  
 Caryophyllorum,  
 Cinnamomi,  
 Rhabbarbari electi,  
 Sem. Berberum,  
 Quatuor frigidorum ma-  
 jorum,  
 Anisi,  
 Foeniculi,  
 Basilici,  
 Papaveris albi,  
 Intybi,  
 Portulacæ,  
 Lactucæ ana scrup. unum,  
 Margaritarum,  
 Offis de corde Cervi ana scrupulum semis,  
 Rosarum,  
 Sacchari cantii ana unciam unam, drachmas tres,  
 Misc.

Completæ fieri possunt per  
 Galicæ moschatae scrupulum unum,  
 Camphoræ grana septem,  
 Moschi grana quatuor.

*Hepaticis, ictericis, cardiacis, phthysicis, & celiacis prosunt, deflectionibus item animi à corde natis succurrunt, ventriculum humidum desiccant, ac cerebro robur addunt. Dantur salubriter iis, qui à morbis diuturnis ac febribus emergunt.*

Non Abbatem aliquem, sed Ebn Abbasum, Persam, qui vulgo Haly Abbas vocatur, compositionis hujus authorem esse, Welschianæ notæ MSS. in Ol. Borrichii Ling. Pharm. monent.

### SPECIES DIATRION SANDALON NICOLAI MYREPSI.

℞. Trium Sandalorum ana drachmas duas, scrupulos duos,

Rhabbarbari,  
 Spodii ex Ebore,  
 Succu Glycyrrhizæ,  
 Semin. Portulacæ ana drachmas duas,  
 Amyli,  
 Gummi Arabici,  
 Tragacanthi,  
 Sem. quatuor frigidorum majorum,  
 Intybi ana scrupul. quatuor,  
 Violarum unciam semis,  
 Rosarum quantum reliqua omnia pendent, id est, uncias tres, drachmas tres.

Misc.

Si Camphoræ scrupulus unus jungatur, completæ dicuntur.

*Febrium biliosarum ardoribus, & viscerum fervoribus, hepaticis, cardiacis, ictericis, phthysicis auxiliantur, & intemperiem omnem calidam emendant. Precipuus earum usus est in febrium declinationibus, materiâ jam evacuatâ, ad residuum calorem extinguendum, & viscerum tonum conservandum.*

### SPECIES DIATRAGACANTHI FRIGIDÆ NICOLAI ALEXANDRINI.

℞. Tragacanthi candidi uncias duas,  
 Gummi Arabici unciam unam, drachmas duas,  
 Amyli unciam semis,  
 Glycyrrhizæ,  
 Sem. quatuor frigidorum majorum ana drachm. duas,  
 Papaveris albi drachmas tres.

Sacchari penidii uncias tres.  
 Misc.

Cam-



Camphora si cui arrideat, is scrupulum semis immisceat. Nos eam expunctam volumus.

*Usus ejus frequens est in omnibus pectoris & pulmonum noxis à calida & sicca causa ortum trahentibus, pleuriticis, peripneumonicis, tabidis & macie confectis; linguae itidem & faucium asperitati succurrit, ac siti immodica, quam pulmonum calor invexit, confert.*

### CONFECTIO AD VERMES.

℞. Seminis sancti unciam unam semis,  
Farinae Lupinorum unciam unam,  
Dictamni albi,  
Cretici ana unciam semis,  
Cornu Cervi usti,  
Scordii veri ana drachmam unam semis,  
Croci drachm. semis, grana sex,  
Sacchari albi aqua Absinthii soluti quantum satis est.  
Fiat Confectio, ut est artis.

*Vermes & interaneorum animalia expellit & enecat, ac ea gigni prohibet, putredinemque humorum, in quibus hac nascuntur, arcet ac emendat.*

### CONFECTIO ZINGIBERIS COCTI.

℞. Cinnamomi electi drachmas duas,  
Nucis moschatae drachmam unam,  
Caryophyllorum scrup. duos,  
Macis scrupulum unum.  
Incidantur omnia crasse, addendo postea

Zingiberis tenuissime pulverisati drachmas sex,  
Sacchari aqua Rosarum soluti uncias sedecim.

Fiat Confectio in Morfellis.

*Frigidis ventriculi noxis succurrit, ejusque concoctionem languidam restaurat.*

### MANUS CHRISTI SIMPLEX, & CUM MARGARITIS, sive SACCHARUM PERLATUM.

℞. Sacchari albiissimi libram unam,  
Aqua Rosarum quantum satis est pro Sacchari solutione.  
Coquantur, ut est artis. Quod si Margaritas addere volueris, injiciatur sub finem  
Margaritarum præparatarum uncia semis.  
Fiant Rotulae

*Viribus dejectis, febribus ardentibus, & deliriis medetur.*

Paratur etiam Manus Christi Perlata, adjectis sub finem coctionis guttulis aliquot Olei Cinnamomi, jucundissimum sanè ad omnem virium lapsum medicamen, si modo febris aut calor aliquis præternaturalis non subsit.

### ROTULÆ DIAIREOS CUM EXTRACTO LIQUIRITIÆ.

℞. Specierum Diaireos simpl. drachmas duas,  
Extracti Liquiritiæ drachmam unam,  
Sacchari albi in aqua Violarum soluti uncias sedecim.  
Fiant secundum artem Rotulae.



*In tussi atque raucedine, & viribus & jucundo sapore se comendant.*

### MORSELLI IMPERATORIS.

℞. Pinearum mundatarum,  
Pistaciorum decorticatorum,  
Amygdalorum dulcium ana  
unciam semis,  
Specierum Imperatoris parum  
incisarum & contusarum drachmas tres,  
Aromatici Rosati  
Gabrielis,  
Cinnamomi incisi & contusi ana  
drachmam unam,  
Conservæ Rosarum Damascenarum  
unciam semis,  
Sacchari in aqua Rosarum dissoluti  
uncias octo.  
Fiant Morselli.

*Stomacho confortando imprimis sunt dicati.*

### SACCHARUM ROSATUM TABULATUM.

℞. Florum Rosarum rubrarum mundatarum drachmas duas.

Pulverisentur subtilissimè, & irrorentur Spiritûs Vitrioli guttis duodecim, præter tantillum aquæ rosarum pro intensiori colore rubro impetrando,

postea immisceantur

Sacchari albi in Aqua Rosarum dissoluti & ad debitam consistentiam cocti unciae quatuor.

Fiat Confectio in Tabulis vel Morsellis.

### TRAGEA GROSSA CUM TABULATIS.

℞. Confect. Sem. Anisi,  
Fœniculi,  
Coriandri,  
Carvi ana drachmas sex,  
Aquilegiæ,  
Erucae ana drachmas quinque,  
Cubebar. drachmas tres,  
Tabul. Aromat. Rosati drachmas sex,  
Contra Apoplexiam drachmas quinque,  
De Extracto Ligni Aloës  
unciam semis,  
Ex Ol. Cinnamomi drachmas sex,  
Caryophyllorum  
drach. tres,  
Anisi,  
Fœniculi ana drachmas duas semis,  
Cort. Citri condit. siccorum  
unciam unam,  
Nucis moschatæ Lusit. majoris  
condit. siccæ,  
Specierum Imperatoris ana  
unciam semis.  
Crassiusculè concisa misceantur.

### TRAGEA AROMATICA USITATA.

℞. Cinnamomi acutissimi drachmas sex,  
Nucis moschatæ drachmam unam,  
Macis drachmam semis,  
Galangæ,  
Caryo-




Caryophyllorum ana drachmam unam semis,  
 Zingiberis albi scrupulos quatuor,  
 Seminis Coriandri drachmam semis,  
 Florum Rosarum rubrarum scrupulos duos,  
 Sacchari albi libras duas.  
 Misce, fiat Tragea tenuis.

*In stomacho roborando potissimum usurpatur.*

# SEMINA &c. USITATA SACCHARO OBDUCTA.

Semen Anisi,  
 Aquilegiæ,  
 Carvi,  
 Coriandri,  
 Cumini,  
 Erucae,  
 Fœniculi,  
 Santonici,  
 Cinnamomum,  
 Cubebæ,  
 Summitates Majoranæ.



## CLASSIS DECIMÆ

### SECTIO SECUNDA,

DE

## MEDICAMENTIS MINUS USUALIBUS.

### SPECIES AROMATICÆ CARYOPHYLLATÆ MESUÆ.

12. Caryophyllorum drachmas septem,  
 Macis,  
 Zedoariæ,  
 Galangæ,  
 Sandali citrini,  
 Trochiscorum Diarrhodon,  
 Cinnamomi,  
 Ligni Aloës,  
 Spicæ Nardi Indicæ,  
 Piperis longi,  
 Cardamomi ana drachmam unam,  
 Rosarum rubrarum drachmas quatuor,  
 Glycyrrhizæ drachmas duas,  
 Folii Indici,  
 Cubebarum ana scrupulos duos.  
 Fiat Pulvis subtilissimus; cui, si completum quis desideret, addantur:  
 Galix moschatae drachmæ duæ,  
 Ambrae griseæ drachma una,  
 Moschi scrupulus semis.

*Cor, ventriculus, & reliqua nutritioni dicata membra roborant: nauseam & vomitum reprimunt, flatus dissipant, putredinemque humorum in ventriculo arcent.*

Notandum, Confectiones has Aromaticas, Ambram, & Moschum, ac Galiam, vel etiam Camphoram recipientes, partim cum, partim sine his odoratis, in usum præcipue mulierum, quæ uterinis suffocationibus obnoxie sunt, tum & aliorum, fragrantiam vel odorem similium qui non ferunt, olunt paratas, atque ita completas & incompletas proflare apud nos debuisse; cum tamen horum meliores & fragrantissimæ partes facile exhalent, & ita Species minus efficaces relinquunt, ut in posterum illæ, quarum usus non adeo frequens esse solet, incompletæ tantum pro usu nostro conficiantur, decrevimus; odoratorum istorum connubio, à Medico consimiles præscribente, rectius quovis tempore imperando.

Quod si quis ex his confectionem in forma solida parare voluerit, ad singulas drachmas Specierum, pro earundem conditione, (cum aliæ plures, aliæ minus Sacchari exigant) Sacchari optimi unciam unam, vel drachmas decem, vel quantum Medico necessarium videbitur, adjiciat, paretque, ut artis est.



SPECIES DIANISU  
MESUÆ.

- ℞. Sem. Anisi uncias duas semis,  
 Glycyrrhizæ rasæ,  
 Mastiches ana unciam unam,  
 Sem. Carvi,  
 Foeniculi,  
 Galangæ,  
 Macis,  
 Zingiberis,  
 Cinnamomi ana drachmas quinque,  
 Trium Piperum,  
 Cassiæ lignæ veræ,  
 Pyrethri,  
 Calaminthæ ana drachmas duas,  
 Cardamomi,  
 Caryophyllorum,  
 Cubebæ,  
 Spicæ Indicæ,  
 Croci ana drachmam unam semis.

*Ventriculo frigido & humido succurrunt, ac cruditates à lenta pituita natas absumunt: flatus quoque crassos in ventre collectos dissipant, quin etiam pectus à tenacibus humoribus repurgant, ac ob id diuturnæ tussi medentur.*

SPECIES DIANTHON  
NICOLAI ALEXAN-  
DRINI.

- ℞. Florum Rorismarini unciam unam,  
 Rosarum,  
 Violarum,  
 Glycyrrhizæ ana drachm. sex,  
 Caryophyllorum,  
 Spicæ Indicæ,  
 Nucis moschatæ,  
 Galangæ,  
 Cinnamomi,  
 Zingiberis,  
 Zedoariæ,  
 Macis,  
 Ligni Aloës,  
 Cardamomi,  
 Sem. Anethi,  
 Anisi ana scrupulos quatuor.

*Præter rationem tristibus subveniunt; item cardiacis, animi defectionibus, & cordis syncopi auxilio sunt; prosunt etiam catarrho affectis, & in universum omni cordis ac corporis imbecillitati.*

SPECIES DIACALAMIN-  
THES MESUÆ.

- ℞. Calaminthæ aquaticæ, seu Menthastricampestris,  
 Seseleos Massiliensis,  
 Petroselini Macedonici,  
 Ligustici ana drachmas sex,  
 Zingiberis drachmas tres,  
 Sem. Apii,  
 Comarum Thymi ana drachmas duas,  
 Piperis nigri unciam unam semis.

*Tenaces & viscidos humores attenuant, flatus crassos dissipant, indeque natum singultum solvunt; coctionem, & alimenti in corpus distributionem juvant, affectus ventris frigidos sanant, & urinam ac menses promovent.*

*Calamintha campestris Germanis dicitur wilde Geld, oder Kornmünz.*

SPECIES DIACALAMIN-  
THES GALENI.

- ℞. Piperis uncias sex,  
 Cardamomi uncias duas,  
 Comarum Thymi,  
 Sem. Apii ana unciam semis,  
 Seseleos Massiliensis,  
 Pulegii montani,  
 Sem. Petroselini Macedonici,  
 Calaminthæ montanæ ana drachmas duas.

*Famosum hoc Galeni Medicamentum describitur ab auctore lib. 4. de tuenda valetudine, quo is utebatur in ulceroso dolore, cum crudorum succorum copia extra venas & in corporis habitum recepta erat: Utile est Medicamentum ad thoracis & stomachi vitia, tussim à frigido excitatam, ac præcordiorum & pectoris refrigerationem; seni-*  
bus



*bus & quartanariis confert, difficulter co-  
quentes adjuvat, crassos & lentos humores  
tenuat, flatus crassos discutit, urinam ac  
menses movet, qui præcipuè ex vasorum à  
crassis & lentis humoribus oborta obstru-  
ctione retinentur.*

### SPECIES DIACINNA- MOMU MESUÆ.

- ℞. Cinnamomi tenuis drachmas quindecim,  
Cassiae lignæ,  
Rad. Enulæ ana unciam semis,  
Galangæ drachmas septem,  
Caryophyllorum,  
Piperis longi,  
Zingiberis,  
Cardamomi utriusque,  
Macis,  
Nucis moschatæ,  
Ligni Aloës ana drachmas tres,  
Crocī drachmam unam,  
Sacchari albi drachmas quinque.

*Concoctionem juvant, pituitæ putredinem  
prohibent, ac alimenti in corpus distributionem  
promovent.*

### SPECIES CORDIALES ALEXANDRI BENEDICTI.

- ℞. Margaritarum,  
Granatorum Orientalium,  
Spodii de Ebore,  
Cinnamomi,  
Tormentillæ,  
Boli Armen. ana drachm. tres,  
Terræ Lemniæ scrupulos octo,  
Sandalorum omnium,  
Rasuræ Eboris,  
Unicornu ana drachmas duas,  
Hyacinthi,  
Sapphiri,  
Corallii utriusque,  
Succini albi,  
Valerianæ veræ,  
Diatamni,

Zedoariæ,  
Ligni Aloës ana drachmam unam,  
Serici crudi tosti scrup. duos,  
Offis de corde Cervi drachmam semis,  
Been utriusque ana scrupulos duos,  
Foliorum Auri num. quinque,  
In pulverem redigantur, & misceantur.

Completæ fiunt, si jungantur

Ambraë,  
Moschi ana grana decem.

*Febribus pestilentibus & malignis ad-  
versantur, humores putrescentes corrigunt,  
aut eos corrumpi prohibent: spiritus vitales  
plurimum reficiunt, ac cordis vires tuen-  
tur.*

Pro Unicornu duplum hîc pondus Cornu cer-  
vini usti & præparati ex apicibus desumpti, pro Of-  
se verò de corde Cervi, sicut in aliis quoque ejus-  
modi compositionibus, Margaritas præparatas sub-  
stituere quondam consuevimus; utrique tamen  
Cornu Cervi spagiricè præparatum subrogari po-  
test.

### SPECIES DIACUMINU NICOLAI ALEXAN- DRINI.

- ℞. Cumini prius per diem naturalem in ace-  
to infusi, & rursus exsiccati unciam  
unam, scrupulum unum,  
Cinnamomi,  
Caryophyllorum ana drachmas tres, scrup-  
ulos duos,  
Galangæ,  
Satirejæ,  
Calaminthæ,  
Zingiberis,  
Piperis nigri ana drachmam unam, scrup-  
ulos duos,  
Ammeos,  
Ligustici ana drachmam unam, scrupu-  
lum unum, grana sex,  
Piperis longi drachmam unam,  
Spicæ,  
Nucis moschatæ,  
Cardamomi ana scrupulos duos semis.

*Thoracis, præcordiorum, ventriculi &  
viscerum imbecillitati à frigida causa natæ,  
atque oxyregmiæ opitulantur, intestinorum  
flatus*



flatus dissipant, hypochondriorum distensionem à nimia cruditate & flatibus profectam auferunt, viscera calefaciunt; difficultati itidem spirandi, & tussi ex frigidis crassisque humoribus ortæ, auxilio sunt, & quartanis plurimum prosunt.

Si quis Species has præparare voluerit, Cumini absque infusione ista præparatum, sed in pulverem tantum contritum ut sumat, præstabit; id quod etiam in Diospolitico Gal. notandum erit.

### SPECIES DIACURCUMÆ MESUÆ, SEU SPECIES DIACROCU.

- ℞. Croci,  
Asari,  
Sem. Petroselini Macedonici,  
Dauci,  
Anisi,  
Apii ana unciam semis,  
Rhabarbari,  
Mei,  
Phu, seu Valerianæ majoris,  
Spicæ Indicæ ana drachmas sex,  
Scolopendrii, seu Ceterach drachmas  
duas semis,  
Costi,  
Myrrhæ,  
Cassiæ lignæ,  
Schoenanthi,  
Carpobalsami,  
Rubix,  
Succi Absinthii,  
Agerati,  
Olei Caryophyllorum ana drachmas  
duas,  
Calami Aromatici,  
Cinnamomi ana drachmam unam se-  
mis,  
Scordii veri,  
Succi Glycyrrhizæ ana drachmas duas se-  
mis,  
Tragacanthi drachmam unam.

*Medicamentum hoc, quod nonnullis δια-  
κροκου, aliis δια ἐρωθροδ άνε inscribitur, ven-  
triculi, hepatis, & lienis morbis frigidis ac  
diuturnis subvenit. Usurpatur ad cache-  
xiam, & hydropem: Obstructiones enim in-*

*ternas reſerat, colorem corporis fœdum &  
totum ejus habitum frigidiorē corrigit,  
flatus crassos dissipat, humorumque cor-  
ruptionem prohibet, renum quoque vitiis  
ab obstructione crassorum & viscidorum  
humorum natis opem fert, urinam prolicit,  
ac frigidis vesicæ affectibus medetur.*

### DIOSPOLITICON GALENI.

- ℞. Cumini aceto macerati & tosti,  
Piperis longi, vel nigri,  
Fol. Rutæ ana unciam unam,  
Nitri unciam semis; vel æquale cum re-  
liquis pondus, si movere ventrem  
velis.

*Medicamentum hoc à Diospoli Ægypti  
oppido (vid. Contr. Gesneri lib. 2. Epist.  
med. pag. 60. quamvis non ipsi urbi, sed  
Diospolitæ cuidam Actuarius lib. 5. meth.  
med. cap. 6. & Nicolaus Myrepsus adtri-  
buant.) denominationem sortitum, descri-  
bitur à Galeno δ' υγεινωτων ε. Flatus poten-  
ter dissipat, & ventriculo infarctam pi-  
tuitam efficaciter detergit.*

### SPECIES ELECTUARIII DUCIS EX NICOLAO.

- ℞. Sem. Anisi drachmas duas, grana fede-  
cim,  
Glycyrrhizæ,  
Mastiches ana scrupulos duos, grana  
quinque,  
Chamædryos,  
Cinnamomi,  
Zingiberis albi,  
Galangæ,  
Sem. Foeniculi,  
Carvi ana scrup. unum, grana quin-  
decim,  
Cassiæ lignæ,  
Calaminthæ,  
Pyrethri,  
Piperis albi,  
longi,  
Cyperii rotundi,



Schoenanthi,  
 Rad. Ireos,  
 Folii,  
 Afari,  
 Sem. Dauci,  
     Amomi ana scrup. unum,  
 Spicæ Indicæ,  
 Croci,  
 Gummi Arabici,  
 Tragacanthi,  
 Calami aromatici,  
 Cubebæ,  
 Caryophyllorum,  
 Carpobalsami,  
 Cardamomi,  
 Baccarum Juniperi,  
 Rad. Pentaphylli,  
     Acori,  
 Rhabarbari,  
 Nucis moschatæ,  
 Xylaloës,  
 Basilici caryophyllati,  
 Sem. Anethi,  
     Ligustici,  
     Petroselini Macedonici & nostratis,  
 Seseleos,  
 Asparagi,  
 Citri,  
 Ammeos,  
 Milii Solis,  
 Saxifragiæ, seu Pimpinellæ,  
 Scariolæ,  
 Quatuor frigidorum majorum,  
 Been utriusque,  
 Styracis calamitæ ana scrupulum semis,  
     grana quinque,  
 Sacchari Penidii drachmas quatuor,  
     scrupulos duos semis.

*Cruditatem, inflationemque ventriculi  
 & intestinorum corrigunt, colicos etiam,  
 ac iliacos curant; præterea calculos expel-  
 lunt, & urinam remorantem potenter pro-  
 movent.*

### SPECIES DIAGALAN- GÆ MESUÆ.

13. Galangæ,  
 Ligni Aloës ana drachm. sex,

Caryophyllorum,  
 Macis,  
 Ligustici ana drachmas duas,  
 Zingiberis,  
 Piperis longi,  
     albi,  
 Cinnamomi,  
 Calami aromatici ana drachmam unam  
     semis,  
 Calaminthæ,  
 Cardamomi majoris,  
 Spicæ Indicæ,  
 Sem. Apii,  
     Anisi,  
     Foeniculi,  
     Carvi ana drachmam unam.

*Ventriculi & jecoris intemperiem frigi-  
 dam sanant, ob id coctionem juvant, ructus  
 acidos compefcunt, flatus crassos, atque ab  
 eis natas inflationes dissipant, orisque hali-  
 tum commendant.*

### SPECIES DE GEMMIS CALIDÆ MESUÆ.

14. Trochiscorum Diarrhodon,  
 Ligni Aloës ana drachmas quinque,  
 Zedoariæ drachmas tres semis,  
 Margaritarum albarum,  
 Doronici,  
 Corticum Citri,  
 Macis,  
 Sem. Ocimi caryophyllati,  
 Ambrae veræ ana drachmas duas,  
 Corallii rubri,  
 Succini albi,  
 Rasuræ Eboris ana scrupulos quinque,  
 Sapphiri,  
 Hyacinthi,  
 Sardæ,  
 Granatorum,  
 Smaragdi,  
 Cinnamomi,  
 Galangæ ana drachmam unam semis,  
 Been utriusque,  
 Caryophyllorum,  
 Zingiberis,  
 Piperis longi,

Spicæ



Spicæ Indicæ,  
 Folii,  
 Croci,  
 Cardamomi majoris ana drachmam unam,  
 Foliorum Auri numero viginti,  
 Argenti numero decem,  
 Moschi drachmam semis.  
 Misc.

*Ad frigidos affectus cerebri, cordis, ventriculi, hepatis, & uteri efficacissimum medicamentum, melancholicos, tristes, sine causa manifesta timidos juvat, & exhilarat, lipothymias, cordis tremorem & syncopen emendat, universi habitus refrigerationem corrigit, imbecillitatem reficit, uteri præfocationes sanat.*

### SPECIES DIAHYSSOPU NICOLAI ALEXAN- DRINI.

℞. Hyssopi,  
 Ireos,  
 Thymi,  
 Piperis ana drachm. quindecim,  
 Pulegii,  
 Saturejæ,  
 Rutæ,  
 Cumini ana drachm. decem,  
 Dactylorum enucleatorum,  
 Tragacanthi,  
 Glycyrrhizæ,  
 Caricarum,  
 Passularum majorum enucleatarum,  
 Foeniculi ana drachmas quinque,  
 Zingiberis,  
 Sem. Anisi,  
 Carvi,  
 Ligustici ana drachmas duas semis.

*Capitis vitiis frigidis conducunt, columellam à frigido humore prolapsam vel tumefactam exsiccant, arteriam asperam expurgant, omnia frigida thoracis & stomachi vitia emendant, & coctionem promonent.*

### SPECIES DIAIREOS SALOMONIS EX NI- COLAO MYREPSO.

℞. Ireos unciam unam,  
 Pulegii,  
 Hyssopi,  
 Glycyrrhizæ ana drachmas sex,  
 Tragacanthi,  
 Amyli,  
 Cinnamomi,  
 Zingiberis,  
 Piperis,  
 Amygdalorum amarorum,  
 Nucum Pinearum ana drachmas tres,  
 Caricarum,  
 Passularum majorum enucleatarum,  
 Dactylorum enucleatorum ana drachmas tres semis,  
 Styracis calamitæ drachmas duas, scrupulum unum.

*Faucibus exasperatis, & columellæ fluxione tentatæ prosunt, dispnoicis item, arteriacis, & tussiculosis auxilio sunt, nec non frigida capitis intemperiei & destillationi in fauces irruenti conducunt, ac vocis jacturam frigore contractam resarciunt.*

### SPECIES DIAIREOS USITATÆ.

℞. Specierum Diatragacanthi frigidi unciam unam,  
 Radicum Ireos uncias duas,  
 Gummi Arabici,  
 Tragacanthi ana unciam semis.

*Harum in destillationibus ad fauces ac asperam arteriam ruentibus usus est, guttur probè leniunt, expectorationem faciilitant, nec non acres destillationes contemperant.*

### SPECIES ELECTUARIII JUSTINI EX NICOLAO ALEXANDRINO.

℞. Cinnamomi,  
 Folii,



Costi,  
 Spicæ Indicæ,  
 Cassiæ lignæ,  
 Aristolochiæ rotundæ,  
                     longæ,  
 Enulæ,  
 Pentaphylli,  
 Hyssopi,  
 Pulegii,  
 Artemisiæ,  
 Piperis albi,  
 Baccarum Juniperi,  
                     Lauri,  
 Sem. Orobi veræ,  
     Petroselini,  
     Levistici,  
     Petroselini Macedonici,  
     Urticæ,  
     Milii Solis,  
     Saxifragiæ,  
     Asparagi,  
     Sileris montani,  
     Apii,  
     Anethi,  
     Rutæ,  
     Citri,  
     Foeniculi,  
     Anisi ana drachmam unam & se-  
     mis.

*Ad dolorem renum minuendum haud  
 incommodum medicamentum, calculos atte-  
 rit, ac urinæ difficultati succurrit.*

De Orobo mota inter doctos controversia  
 Antecessores nostros permoverat, ut Dictamni al-  
 bi, seu Fraxinellæ radices, prout etiam in Trochi-  
 scis Scillinis, eidem substituerint.

### SPECIES DIALACCÆ MAJORES MESUÆ.

R. Laccæ lotæ,  
 Rhabarbari ana drachmas tres,  
 Spicæ Indicæ,  
 Florum & stipitum Schoenanthi,  
 Mastiches,  
 Myrrhæ,  
 Costi,  
 Cinnamomi,

Croci,  
 Cassiæ lignæ veræ,  
 Bdellii,  
 Hyssopi,  
 Sabinæ,  
 Amygdalorum amarorum excorticato-  
     rum,  
 Succi Absinthii,  
 Agerati,  
 Rad. Rubiæ tinctorum,  
     Aristolochiæ rotundæ veræ,  
     Gentianæ,  
 Sem. Ammeos,  
     Apii,  
     Foeniculi,  
     Anisi ana drachmam unam semis,  
 Piperis nigri,  
 Zingiberis ana drachmam unam.

*Usurpantur ad ventriculi & jecoris fri-  
 gidam intemperiem, hepatis obstructions,  
 inflationes & durities, aquæ intercuti me-  
 dentur, menses cient, scirrhum dissolvunt,  
 cachexiam depellunt, urinæ promovent, re-  
 num ac vesicæ duritiem dissipant, & calcu-  
 los atterunt.*

### SPECIES LÆTIFICAN- TES GALENI, EX NICO- LAO ALEXANDRI- NO.

R. Seminis Ocimi caryophyllati, aut florum  
 ejusdem,

Croci,  
 Zedoariæ,  
 Xylobalsami,  
 Caryophyllorum,  
 Corticum Citri,  
 Galangæ,  
 Macis,  
 Nucis moschatae,

Styracis calamitæ ana drachmas duas se-  
     mis,

Rasuræ Eboris,  
 Sem. Anisi,  
 Thymi Cretici,  
 Epithymi ana drachmam unam,  
 Cornu cervini,



Margaritarum ana drachmam semis,  
Foliorum Auri numero quinquaginta,  
Argenti numero viginti quin-  
que.

Misce.

Completæ fiunt, addendo

Camphoræ,

Moschi ana drachmam dimidiam.

*Hæc compositio, Galeno quidem falso adscripta, sed magis ex Nicolai Antidotario excerpta, plurimum valet ad cordis affectus ejusque palpitationem; ventriculi & hepatis intemperiem frigidam & humidam corrigit, coctionem adjuvat, & corporis malum habitum emendat, colori gratiam reddens, oris quoque odorem ac halitum gratum efficit, vires debiles instaurat, melancholiam sanat, ac involuntarios fletus compescit.*

### SPECIES LÆTIFICAN- TES RHASIS.

℞. Melissæ,

Corticum Citri,

Caryophyllorum,

Mastiches,

Croci,

Cinnamomi,

Nucis moschatæ,

Cardamomi majoris,

Sem. Pæoniæ,

Been albi,

rubri,

Zedoariæ,

Doronici,

Sem. Ocimi caryophyllati ana unciam  
semis,

Foliorum Auri numero quinquaginta,  
Argenti numero viginti quin-  
que.

Misce.

Completæ fiunt, si addatur

Galix moschatæ uncia semis,

Moschi scrupulus unus.

*Describuntur à Rhase 9. ad Almanso-  
rem cap. 13. de Melancholia. Plurimum  
verò faciunt ad affectus cordis, ventriculi,  
& jecoris, quas partes etiam roborant:*

*palpitationem cordis abigunt, exhilarant,  
infirmæ concoctioni opem adferunt, colo-  
remque corporis vividum efficiunt.*

### SPECIES LITHONTRI- PTICÆ NICOLAI ALE- XANDRINI.

℞. Spicæ Indicæ,

Zingiberis,

Xylobalsami,

Acori,

Cinnamomi,

Rad. Peucedani;

Mei,

Trium Pipærum,

Saxifragiæ ana drachmas duas semis,

Opobalsami, aut Olei Juniperi ex granis  
parati,

Caryophyllorum,

Costi,

Rhapontici,

Glycyrrhizæ,

Cyperi rotundi,

Tragacanthi,

Chamædyros,

Sem. Olusatæ,

Apii,

Ammeos;

Asparagi,

Ocimi,

Urticæ;

Citri ana drachmam unam, grana  
quindecim,

Amomi,

Ligustici,

Milii Solis,

Petroselinii Macedonici,

Seseli,

Dauci Cretici,

Anethi,

Cardamomi,

Folii,

Croci,

Schoenanthi,

Cassix lignæ,

Bdellii,

Mastiches,

Ireos,

Euphor-



Euphorbii præparati,  
Lapidis Lyncis,  
Olei Nardini compositi Mesuæ,  
Moschelini ana scrupulum unum,  
grana quatuor.

*Nephrriticis, nec non stranguriæ, & dysuriæ succurrunt, iliorum, lumborum, & renum gravitates ac obstructions à frigidis & crassis succis ortas expediunt, ac vesicæ & renum calculos expellunt.*

### SPECIES DIAMARGARITI CALIDI AVICENNÆ.

℞. Magaritarum Orientalium,  
Pyrethri ana drachmam unam,  
Zingiberis,  
Mastiches ana drachmas quatuor,  
Doronici,  
Zedoariæ,  
Sem. Apii,  
Cardamomi utriusque,  
Nucis moschatæ,  
Macis,  
Been utriusque,  
Piperis nigri,  
longi ana drachmas tres,  
Cinnamomi drachmas quinque.

*Medicamentum ad universi corporis refrigerationem perutile, cardiacos, animo deficientes, mulieres uterum ferentes, præfocationes uteri, cordisque syncopen patientes juvat, ventriculi & omnium virium imbecillitatem firmat.*

### SPECIES DIAPENIDION NICOLAI ALEXANDRINI.

℞. Sacchari Penidii uncias duas,  
Nucum Pinearum,  
Amygdalorum dulcium,  
Seminis Papaveris albi ana drachmas tres, scrupulum unum,  
Cinnamomi,  
Caryophyllorum,  
Succi Glycyrrhizæ,

Tragacanthi,  
Zingiberis,  
Gummi Arabici,  
Amyli candidissimi,  
Sem. excorticat. quatuor frigid. major. ana drachmam unam semis.

Misc.

Completæ dicuntur, quibus junguntur  
Camphoræ grana septem.

*Tussiculosis, pleuriticis, peripneumoniacis conferunt, omnem thoracis noxam, faucium asperitatem, vocis raucedinem & jacturam ex frigido & sicco contractam emendant, tabidisque & purulenta rejicientibus opem ferunt.*

### SPECIES CONTRA PESTEM FERDINANDI IMPERATORIS.

℞. Boli Armenæ præparatæ unciam semis,  
Cornu Cervi præparati,  
Sem. Citri,  
Aurantiorum,  
Linonum ana drachmas tres,  
Coriandri,  
Perforatæ ana drachmam unam semis,

Anisi,  
Perfoliatæ ana drachmam semis,  
Dictamni albi,  
Cinnamomi electi ana drachmas duas,  
Caryophyllorum,  
Rosarum rubrarum,  
Rasuræ Eboris ana drachmam unam semis,

Xylaloës,  
Nucis moschatæ,  
Majoranæ,  
Granorum Juniperi,  
Offis de corde Cervi,  
Rad. Tormentillæ,

Scabiosæ,  
Buglossi,  
Sandalorum omnium ana drachmam semis,

Sapphiri,  
Hyacynthi,



Smaragdi,  
 Rubini,  
 Granati præparati ana scrupulum u-  
 num.

*Adversus pestilentis luis malignarum-  
 que febrium contagia remedium præstans ac  
 efficax, cordis vires tuetur & auget, ve-  
 nenique malitiam sudoris provocatione dis-  
 jicit.*

### SPECIES DIATRION PIPEREON GALENI.

℞. Trium Piperum ana drachmas sex, grana  
 quindecim,

Anisi,

Thymi,

Zingiberis ana drachmam unam.

*Describitur hoc Medicamentum à Ga-  
 leno 4. de tuenda valetudine: Commendat  
 id autem in crudorum succorum & fla-  
 tuum copia à cruditate; dandum iis, qui  
 malè concoquunt & succum plurimum pi-  
 tuitosum in primis venis coacervârunt;  
 stomachi refrigerationes, ructus acidus,  
 & jecinorosos juvat, nec non inflationes  
 discutit.*

### SPECIES DIATRION PIPEREON MESUÆ.

℞. Trium Piperum ana drachmas quinque,  
 Zingiberis,

Thymi,

Anisi ana drachmas duas,

Spicæ Indicæ,

Amomi ana drachmam unam,

Cassia lignæ,

Radicum Afari,

Enulæ,

Sem. Apii,

Sesileos ana drachmam semis.

*Ventriculi refrigerationibus, acido ru-  
 ctui, quartanariis, jecinorosis, & inflatio-  
 nibus auxiliatur, ac fluxionibus, quæ à ca-  
 pite ad thoracem descendunt, conducunt.*

### SPECIES PLERES AR- CHONTICON NICOLAI ALEXANDRINI.

℞. Cinnamomi,

Caryophyllorum,

Ligni Aloës,

Galangæ,

Spicæ Indicæ,

Nucis moschatæ,

Zingiberis,

Spodii,

Schoenanthi,

Cyperi,

Rosarum,

Violarum ana drachmam unam, grana  
 quindecim,

Folii,

Glycyrrhizæ,

Mastiches,

Styracis calamitæ,

Majoranæ,

Balsamitæ, seu Menthæ aquaticæ,

Ocimi,

Cardamomi,

Piperis longi,

Baccarum Myrti,

Corticum Citri ana scrupulos duos, grana  
 quinque,

Margaritarum Orientalium,

Been albi,

rubri,

Corallii rubri,

Serici tosti ana scrupulum unum, grana  
 duo semis,

Misc.

*Species hæ completæ dicuntur, si porrò in-  
 grediantur eas*

Moschi grana septem semis,

Camphoræ grana quinque.

*Calori stomachi, cardiacis, cibum evo-  
 mentibus, & pulmonariis prodesse, præte-  
 rea eos, qui ex diuturno morbo extenuati  
 sunt, plurimamque indè imbecillitatem  
 contraxerunt, admodum corroborare Au-  
 thor scribit.*



SPECIES DIAPRASIU  
NICOLAI ALEXAN-  
DRINI.

℞. Prasii drachmas quinque semis,  
 Pinearum repurgatarum,  
 Amygdalorum dulcium,  
 Pistaciorum,  
 Carnium Daetylorum,  
 Caricarum pinguium,  
 Passularum majorum,  
 Tragacanthi ana drachmas tres semis,  
 Cinnamomi,  
 Caryophyllorum,  
 Nucis moschatae,  
 Macis,  
 Ligni Aloës,  
 Galangae,  
 Spicae Indicae,  
 Zingiberis,  
 Zedoariae,  
 Glycyrrhizae,  
 Rhapontici,  
 Anacardii,  
 Styracis calamitae,  
 Galbani,  
 Terebinthinæ,  
 Mastiches,  
 Myrrhæ rubrae,  
 Rad. Ireos,  
   Aristolochiæ rotundæ,  
   Gentianæ,  
 Cort. radice Capparis,  
 Piperis nigri,  
 Sem. Anisi,  
   Foeniculi,  
   Anethi,  
   Apii,  
   Petroselinæ Macedonici,  
   Saxifragiæ ana drachmas duas,  
 Hermodaetylorum,  
 Origani,  
 Peucedani,  
 Schoenanthi,  
 Cardamomi,  
 Piperis albi,  
 Carvi,  
 Ligustici,  
 Vincetoxici ana drachmam unam semis,  
 grana duo,

Balsamitæ,  
 Pulegii,  
 Dictamni Cretici,  
 Costi,  
 Pyrethri,  
 Thymbræ,  
 Sem. Basilici,  
   Pœoniæ,  
   Amomi,  
   Seseleos Cretici,  
   Orobi veræ,  
 Piperis longi ana drachmam unam, gr.  
 duo,  
 Xylobalsami,  
 Cassiæ lignæ,  
 Corallii rubri,  
 Rasuræ Eboris,  
 Carpobalsami,  
 Dauci Cretici ana drachmam semis,  
 Offis de corde Cervi.  
 Misc.

Completæ fiunt per  
 Ambrae,  
 Moschi ana grana duodecim.

*Conferunt tabidis, tussientibus, & iis, qui defluxionibus destillationibusque frigidis è capite obnoxii sunt, item hebetudini oculorum, & palati noxis, oris putredinibus, ac in universum omnibus affectibus frigidis tussim afferentibus opitulantur, calculos atterunt, ac iis, qui difficulter mingunt, commodè exhibentur, ventriculi quoque & hepatis dolorem, ventrisque inflationes & torsiones sedant, menses educunt, ac pallidum corporis colorem crebro usu vividum reddunt, insuper etiam paroxysmos quotidianos, & quartanarios reprimunt.*

SPECIES ROSATÆ NO-  
VELLÆ EJUSDEM.

℞. Sacchari Rosati tabulati,  
 Rosarum,  
 Glycyrrhizæ ana unciam unam, scrupu-  
 los duos semis,  
 Cinnamomi drachmas duas, grana vi-  
 ginti duo,  
 Caryophyllorum,  
 Spicae Indicae,  
 Zingiberis,



Galangæ,  
Nucis moschatæ,  
Zedoariæ,  
Styracis calamitæ,  
Cardamomi,  
Sem. Apii ana grana viginti octo.

*Ad ventriculi & cordis imbecillitatem efficaces sunt, his præsertim, qui diuturno morbo conflictantur, usu familiares; vomitum & nauseas compescunt, cardiacis quoque & pulmonariis subveniunt; ventriculi vires restaurant, ac longa ægritudine extenuatos reficiunt.*

### SPECIES DIATHAMARON EJUSDEM.

℞. Antophyllorum,  
Zingiberis ana drachmas quinque, grana triginta sex,  
Cinnamomi,  
Caryophyllorum,  
Carnium Dactylorum ana drachmas quatuor, grana triginta sex,  
Galangæ,  
Spicæ Indicæ,  
Zedoariæ,  
Costi albi aromatici,  
Pyrethri,  
Corallii rubri,  
Tragacanthi,  
Rhapontici,  
Spicæ Celticæ,  
Anacardii,  
Offium Dactylorum,  
Carpobalsami,  
Anisi,  
Baccarum Juniperi,  
Trium Piperum ana drachmam unam, grana quadraginta octo,  
Margaritarum scrupulos quatuor,  
Blattæ Byzantiæ, i. e. Unguis odorati scrup. duos,  
Fol. Auri centum viginti quinque,  
Argenti septuaginta quinque,  
Offis de corde Cervi legitimi scrupulos duos semis,  
Rasuræ Eboris grana viginti septem.  
Mīlc.

Si completæ defiderentur, addenda  
Ambra grana viginti septem,  
Moschi grana tria.

*Tabidis, tussientibus, stomachicis, difficulter spirantibus, & asthmaticis prosunt, ac ad omnem corporis imbecillitatem levandam faciunt; renum præterea debilitati succurrunt.*

### SPECIES DIATRAGACANTHI CALIDÆ EJUSDEM.

℞. Tragacanthi uncias duas,  
Hyssopi unciam semis,  
Pinearum,  
Amygdalorum utrorumque,  
Sem. Lini ana drachmas tres,  
Fœnugræci,  
Cinnamomi ana drachmas duas,  
Glycyrrhizæ rasæ,  
Succi Glycyrrhizæ,  
Zingiberis ana drachmam unam.

*Conferunt pectoris affectibus frigidis; ægrè tussientes, asthmaticos, & suspiriosos relevant.*

### SPECIES DIAXYLALOES MESUÆ.

℞. Ligni Aloës electi,  
Rosarum ana unciam unam,  
Caryophyllorum,  
Spicæ Indicæ,  
Macis,  
Nucis moschatæ,  
Cubebæ,  
Cardamomi utriusque,  
Cinnamomi,  
Mastiches,  
Cyperis rotundi.  
Schoenanthi,  
Zedoariæ,  
Ben utriusque,  
Folii,  
Serici crudi tostii,



Margaritarum,  
Corallii rubri.  
Charabe,  
Foliorum Citri,  
Corticum Citri,  
Ocymi caryophyllati,  
Balsamitæ,  
Menthæ siccæ,  
Majoranæ,  
Piperis longi,  
Zingiberis ana unciam semis.

Misc.

Completæ fiunt per

Galix moschatae unciam semis,  
Ambra drachmam unam semis,  
Moschi scrupulum unum.

*Ventriculi, cordis & jecinoris malis  
frigidis, animi defectioni, concoctionique  
auxilantur, oris foetorem abigunt, & spi-  
ritus plurimum exhilarant.*

## SPECIES DIAZINGIBE- RIS EJUSDEM.

℞. Zingiberis,  
Galangæ,  
Caryophyllorum,  
Cinnamomi,  
Nucis moschatae,  
Cardamomi utriusque,  
Piperis longi,  
Macis,  
Spicæ Indicæ,  
Rhabarbari,  
Rosarum rubrarum ana grana quindecim,  
Sem. Anisi,  
Foeniculi,  
Glycyrrhizæ,  
Croci ana drachmam semis,  
Pistaciorum drachmas duas,  
Pinearum mundatarum unciam semis.

*Ventriculum frigidum roborant, &  
confirmant, nec non crassos in eo flatus  
dissolvunt.*

## PASTA REGIA, SEU PANIS MARTIUS.

℞. Amygdalorum dulcium contusorum li-  
bram semis,

Sacchari tenuissimè pulverisati libram  
unam.

Cum aqua Rosarum fiat Pasta.

## PASTA REGIA COM- POSITA.

℞. Pinearum mundatarum,  
Pistaciorum præpar. ana uncias quatuor,  
Sacchari albissimi uncias octo,  
Quinque Lapidum pretiosorum ana scrupulos duos,  
Corall. rub. præpar. drachmam unam semis,  
Cinnamomi acuti drachmam unam.  
Specierum de Gemmis frigid. drachmas duas,  
Nucis moschatae drachmam semis,  
Macis grana quinque,  
Corticum Citri conditorum,  
Conservæ Boraginis ana unciam unam semis,  
Margaritarum præparatarum drachmam unam semis,

Cum aqua Buglossi, incisus crassiusculè incidendis, Aromatibus reliquis contusis, fiat Pasta Saccharo & Cinnamomo incrustanda.

*Plurimum nutriunt ac roborant; iis-  
dem, qui è diuturnis morbis emerferunt, &  
macilenti commodè reficiuntur.*

## CONFECTIO POST PASTUM.

℞. Sem. Anisi,  
Foeniculi,  
Carvi,  
Coriandri,  
Zingiberis albi ana drachmam unam semis,  
Calami aromatici,  
Nucis moschatae ana drachmam unam,  
Cinnamomi electi drachmas duas,  
Sacchari albissimi libram unam semis.  
Semina maneant integra, reliqua verò diligenter incidantur, & cum sufficiente quantitate aquæ Rosarum fiant Morielli, qui aromatisentur

Moschi Orientalis granis duobus.

*Tardam infirmamque ventriculi coctionem promovet, & crassos ejusdem flatus dissipat, ructus quoque acidos compescit, & oris hali-*



halitui gratiam conciliat. *Ejus descriptio quondam à Collega nostro Dn. D. Martino Holzappelio communicata huc accessit.*

## CONFECTIO PECTORALIS.

℞. Pulv. radicum Ireos Florentinæ drachm. tres,  
Liquiritiæ drachmam unam,

Cinnamomi acuti drachmas duas,  
Nucis moschatae drachmam unam,  
Caryophyllorum scrupulos duos,  
Macis scrupulum unum,  
Specierum Diaireos simplicis,  
Diatragacanthi frigidi ana drachmas duas,  
Pulveris Zingiberis albi drachmas tres,  
Croci scrupulum semis,  
Sacchari albi in aqua Farfaræ dissoluti uncias viginti.

Fiant secundum artem Tabulæ aut Morfelli.

*Utile ad tussim ac pectoris vitia medicamentum existit; unde etiam Confectionis Pectoralis nomen, sive Brust-Zucker/ obtinuit.*

## PINEOLATUM ALBUM.

℞. Pinearum mundatarum libram unam,  
Sacchari albissimi in Succo Limonum dissoluti, & albuminibus ovorum clarificati tantundem.  
Fiat, ut artis est.

## PINEOLATUM VIRIDE.

℞. Pistaciorum præparatorum unciam unam,  
Nucleorum Pineorum mundatorum uncias duas,  
Cinnamomi acuti unciam semis,  
Zingiberis drachmam unam,  
Caryophyllorum,  
Nucis moschatae ana drachmam semis,  
Macis scrupulos duos,  
Sacchari albi in succo Betonicæ dissoluti libram unam,

Fiat secundum artem.

## PINEOLATUM VULGARE.

℞. Sacchari clarificati ad justam consistentiam cocti libram unam.

Cui ab igne remoto immisceantur  
Nucum Pinearum uncia quatuor,  
& in Morfello redigantur.

*Pineolata hæc usui sunt tabidis, consumtis, extenuatis, & corporis refectiorem exigentibus: Plurimum enim roborant, ac nutriunt.*

## SPECIES INCISÆ SACHARO OBDUCTÆ.

℞. Cinnamomi elect. drachm. sex,  
Zingiberis drachmas quinque, scrupulum unum,  
Calami aromatici unciam semis,  
Macis,  
Nucis moschatae ana drachmas duas, scrupulos duos,  
Galangæ,  
Caryophyllorum ana drachmas duas,  
Cubebæ scrupulos quatuor,  
Sem. Anisi uncias quatuor,  
Carvi,  
Foeniculi,  
Coriandri ana uncias duas.  
Conficiantur omnia cum Saccharo, ut est artis.

*Stomacho confortando imprimis utiles sunt.*

## SPECIES INCISÆ, SIVE TRAGEA GROSSA, UT VOCANT.

℞. Confect. Sem. Anisi libram unam,  
Foeniculi,  
Carvi,  
Coriandri,  
Zingib. albi ana uncias octo,  
Cinnamomi electi uncias duas,  
Calami aromatici unciam unam,  
Nucis moschatae unciam semis,  
Concidantur crasso modo, & misceantur.

*Usus earum est præcipuus manè ad cerebrum & ventriculum roborandum, aut etiam post cibum ad ventriculi flatum dissipandos, & oris halitum commendandum.*





# CLASSIS UNDECIMÆ, TROCHISCOS EX- HIBENTIS, SECTIO PRIMA, DE MEDICAMENTIS USUALIBUS.

## AGARICUM TROCHISCA- TUM MESUÆ.

℞. Agarici electi uncias quatuor,  
Vini Cretici aut Malvatici, in  
quo drachma una Zingibe-  
ris infusa fuerit, quantum  
sufficit.

Formentur Trochisci.

*Pituitam crassam bile permixtam  
expurgat, ac viscerum obstructions  
tollit.*

Agaricum selectissimum per incerniculum  
transmissum cum justa quantitate Infusi Zingiberini  
in mortario lapideo in pastillos cogatur, qui aëre li-  
bero in umbra siccentur, ut evadant candidi, cum  
alioquin facile nigrescant.

Welschius non quodvis anni tempus, sed bru-  
male tantum præparationi huic commodum, & quò  
frigidius, eò commodius esse; infusum etiam Zin-  
giberinum Trochiscis colorem nigricantem conci-

liare, ejusque vim aromaticam, si non omnem, sal-  
tem maximam ejus partem per subsequenter exsic-  
cationem perire, ideoque vini spiritum ipsi substi-  
tuendum esse animadvertit. *Quamvis autem uni-  
ci candidi coloris causa Zingiber omittere haud con-  
veniat, cum non color, sed virtus medicamenti requi-  
ratur, & trochisci hi insuper non ita per se soli, sed  
vel cum aliis mixti, vel in liquore aliquo extracti in  
usum veniant, quo ipso color ille candidus non potest  
non immutari, revera tamen nec à tantillo illo, quod  
ab aromate hoc Agarico accedit, colorem album ma-  
gnopere mutari, nec calido etiam tempore, si massa be-  
ne pistetur, omnem candorem exuere trochiscos hosce,  
experimur. Et licet exsiccatione aliqua Zingiberis  
particula subtiles exhalent, aromaticorum tamen ad-  
huc multas superesse, vel sapor acris abunde evincit.  
Ceterum spiritus vini usum pro hisce trochiscis paran-  
dis etiam Phil. Guibertus medic. officios. p. 105. 214.  
commendat.*

## TROCHISCI ALHAN- DALI.

℞. Tragacanthi,  
Gummi Arabici,

S

Bdel-



Bdellii ana drachmas duas.  
Macerentur in aqua Rosacea, donec liquecant, & cum majori parte hujus mucilaginis Pulpæ Colocynthis à seminibus munda, ac minutim incisæ uncia decem imbuantur, siccentur, pulverisentur, & tandem cum reliqua mucilagine formentur Trochisci.

*Pituitam, & humores alios crassos ac glutinosos è profundis, utpote cerebro, nervis, musculis, juncturis, pulmonibus, ac thorace evacuant; quo nomine in cephalalgia, hemicrania, apoplexia, vertigine, asthmate, diuturna tussi, dyspnœa, thoracis angustia, ischiade, morbisque articularibus frigidis usurpantur; exhibentur in dolore colico flatulento ad vitream & viscidam pituitam ex intestinis deturbandam.*

Correctionem, quam ex Mesuæ præcepto, cum amygdalorum dulcium oleo instituere olim consueverunt, cum facile carere eâ possimus, consultò omisimus.

### TROCHISCI ALKERMES.

℞. Confectionis Alkermes completæ unciam unam semis,  
Laccæ Florentinæ scrupulos quatuor,  
Ambræ,  
Moschi ana scrupulum semis,  
Sacchari albi uncias sedecim,  
Mucilaginis Tragacanthi cum aqua Rosarum factæ quantum satis.  
Fiant Trochisci.

*Viribus cum ipso Electuario sive Confectione conveniunt.*

Eosdem etiam sine Moscho & Ambra paratos in usu habemus.

### TROCHISCI BECHICI ALBI.

℞. Sacchari albissimi libram unam uncias octo,  
Ireos unciam unam semis,  
Amyli uncias duas semis,  
Mucilaginis Tragacanthi albissimi cum aqua Rosarum factæ quantum satis.  
Formentur Trochisci parvi.

*Faucium asperitati prosunt, ac tussientibus & difficulter spirantibus opem ferunt.*

### TROCHISCI BECHICI NIGRI.

℞. Succu Liquiritiæ inspissati uncias octo,  
Sacchari libras duas.  
Cum mucilagine Tragacanthi fiant Trochisci, in mortario calido massam miscendo.

*Tussi sicca à materia acri & calida profecta conferunt, guttur ac fauces leniunt, difficilesque exscreationes promovent.*

Pulveris liquiritiæ unciam unam, olim huic compositioni destinatam, si quis addere voluerit, per nos liceat, quamvis hac ratione Trochiscorum colorem nigrum, à multis vulgò expetitur, immutari contingat.

### TROCHISCI BECHICI RUBRI.

℞. Specierum Trochiscos Bechicos albos constituentium uncias duas,



Boli Armenæ præparatæ drachmas duas & scrupulos duos. Cum infuso Tragacanthi factò in aqua Rosarum fiant Trochisci.

*Catarrhos tenues intercipiunt, leniter enim adstringunt & siccant, ac sputum sanguinis inhibent.*

### TROCHISCI DE CHARABE MESUÆ.

℞. Charabe drachmas sex,  
Cornu Cervi usti,  
Gummi Arabici,  
Corallii rubri,  
Tragacanthi,  
Succi Acaciæ,  
Hypocistidis,  
Balauftiorum,  
Mastiches,  
Laccæ,  
Papaveris nigri ana drachmas duas,  
Thuris,  
Crocii,  
Opii ana drachmam unam,  
grana quindecim,  
Mucilaginis Psyllii quantum satis est.  
Formentur Trochisci.

*Sanguinem exscreantibus, tabidis, purulenta exspuentibus, coeliacis & dysentericis auxiliantur, sanguinem undecunque emanantem supprimunt.*

### TROCHISCI PECTORALES CUM AMBRA.

℞. Specierum Diaireos simplic. scrupulos octo,  
Diambrae completæ,  
Pulveris Radicis Ireos Floren

tinæ ana scrup. quatuor,

Amyli unciam semis,  
Trochiscorum Galiaë moschatæ scrupulos quatuor, grana octo,  
Ambrae griseæ veræ scrupulum unum, grana octo,  
Sacchari albissimi libram unam,

Mucilaginis Tragacanthi cum aqua Rosarum factæ quantum satis.  
Fiant Trochisci.

*In catarrho & defluxionibus è capite variis, ad asperam arteriam & cavitationem pectoris inprimis utiles sunt, lentorem catarrhi incidunt, & expectorationi humoris conducunt.*


### TROCHISCI DE SPODIO CUM SEMINE ACETOSÆ MESUÆ.

℞. Rosarum rubrarum unciam unam semis,  
Spodii drachmas decem,  
Sem. Acetosæ drachmas sex,  
Portulacæ,  
Coriandri,  
Sumach ana drachmas duas semis,

Amyli,  
Balauftiorum,  
Berberum ana drachm. duas,  
Gummi Arabici drachmam unam semis,  
Omphacii quantum satis.  
Fiant Trochisci.

*In febribus biliosis cum alvi fluore prestantes sunt, inflammationem ventriculi & hepatis, ac sitim continuam sedant.*





# CLASSIS UNDECIMÆ

## SECTIO SECUNDA,

### DE

# MEDICAMENTIS MINUS

## USUALIBUS.

### TROCHISCI DE ABSINTHIO MESUÆ.

℞. Rosarum,  
Absinthii Pontici,  
Anisi ana drachmas duas,  
Rhabarbari,  
Succi Eupatorii Mesuæ,  
Asari,  
Seminis Apii,  
Amygdalorum amarorum,  
Spicæ Indicæ,  
Mastiches,  
Folii ana drachmam unam,  
Succi Endiviæ quantum sufficit.  
Fiant Trochisci.

*In diuturnis febribus proficui, obstructions ventriculi, hepatis, & dolores eorundem levant, partes naturales omnes roborant, dejectamque adpetentiam suscitant.*

### TROCHISCI DE AGARICO MESUÆ.

℞. Agarici electi uncias tres,  
Salis Gemmæ unciam unam,  
Syrupi Acetosi simplicis quantum sufficit.  
Formentur Trochisci, qui reponantur in loco calido & sicco.

*Agaricum præterquam quòd pituitam crassam & bilem utramque purgare Mesuæ dicatur, ad plurimos etiam morbos à Veteribus commendabatur; & cum ad omnes corporis partes conformitatem habere Ara-*

*bi huic videretur, à Democrito Medicinam familiæ vel familiarem dictam fuisse arbitratur; quo de etymo iudicium Guern. Rolsincii lib. de purg. veget. pag. 12. legi potest.*

Hi sunt communes illi Trochisci de Agarico: Solennior tamen & magis correctæ eorum componendorum ratio pluribus videtur ea, quæ sequitur:

℞. Agarici albi & levis uncias tres,  
Salis Gemmæ unciam semis,  
Zingiberis drachmas tres,  
Oxymelitis simplicis quantum sufficit.  
Formentur Trochisci.

Antiquorum mos in corrigendo Agarico hic erat, ut ei Salem gemmeum tres potissimum ob causas adderent, quarum prima, exigui tamen ponderis est, ut is jam dictum Agaricum ob levitatem suam os ventriculi alioquin petiturum, ac vomitum vel stomachi subversionem citaturum, ad ventriculi fundum deprimeret. Deinde verò, ut, cum Agaricum tarde ac segniter purget, Sal gemmeus magis irriter, stimulet, atque excretionem promoveat. Tandem quoque ut abstergat & mundificet, unde Priscos omnibus ferè Medicamentis purgantibus Salem indidisse notavimus. Oxymeli porrò adiciebant, ne Agaricum intestinis adhæreret, sed protinus abstergeretur, cum aliàs vitium hoc ei peculiare existat, unde Avicenna eundem Colicis non exhibendum esse docet, ne levitate suâ intestinis adhærens novos dolores procreet. Insuper etiam Oxymeli crassos ac lentos humores incidit, prout & Zingiber, quod tenacem pituitam liquat attenuatque, & Agarici infirmam vim ad longinquiores partes deducit, cum interim calore suo aromatico easdem confortet: quo de Dnn. Antecessorum nostrorum commento, ad temporis istius genium scripto, liberum cuilibet suum maneat iudicium; nos licet benignè illud interpretandum esse persuasi simus, inter obsoleta tamen medicamenta Trochiscos hos jamdudum fuisse repositos, sufficiat.

TRO-



TROCHISCI DE AGNO  
CASTO RHASIS.

℞. Sem. Agni casti drachmas quinque,  
Endiviæ,  
Portulacæ ana drachmas duas fe-  
mis,  
Cort. Tamarisci drachmas quinque.  
Formentur Trochisci cum decocto Scolo-  
pendrii.

*Profluvio seminis vel gonorrhœæ, mor-  
bis itidem splenis medentur.*

TROCHISCI DE ALKEKEN-  
GI, SEU DE HALICACA-  
BO MESUÆ.

℞. Fructuum Halicacabi drachmas tres,  
Sem. Citrulli,  
Anguriæ,  
Cucurbitæ ana drachmas tres fe-  
mis,  
Boli Armenæ,  
Gummi Arabici,  
Thuris masculi,  
Sanguinis Draconis,  
Amygdalorum amarorum,  
Succi Glycyrrhizæ,  
Tragacanthi,  
Amyli,  
Pinearum mundatarum,  
Sem. Papaveris albi ana drachmas sex,  
Apii,  
Hyoscyami,  
Charabe seu Succini albi,  
Terræ figillatæ,  
Opii ana drachmas duas.

Cum Succo Halicacabi, vel cum aqua Rosa-  
cea, in qua ejusdem fructus ficci fuerint  
macerati, fiant Trochisci.

*Dicuntur etiam Diaphysalidon, & de  
Vesicaria. In fistula urinaria, vesica, reni-  
bus & ureteribus exulceratis feliciter exhi-  
bentur, dum ulcera detergant, glutinant &  
cicatrice tegunt, lotii acrimoniam miti-  
gant, indeque urinæ tarditatem & dysente-  
riam natam tollunt.*

TROCHISCI ALIPTÆ MO-  
SCHATÆ NICOLAI ALE-  
XANDRINI.

℞. Ladani purissimi uncias tres,  
Styracis calamitæ uncias duas semis,  
Ligni Aloës veri drachmas duas,  
Ambræ drachmam unam,  
Camphoræ drachmam semis,  
Moschi scrupulum semis,  
Aquæ Rosarum quantum sufficit.  
Formentur Trochisci.

*Conferunt hi Trochisci infantibus ac  
puerulis asthmaticis & pectoris angustia vel  
anhelitûs difficultate pressis, ventriculorum  
eorum laxum ac imbecillum roborant, unde  
lactis à nutrice præbiti evomitiones compe-  
scunt; nec non ad pretiosos suffitus expe-  
tuntur.*

Parandi modus hic est, ut Ladanum & Styrax,  
in calido mortario, pistillo calido, validè contusa  
commisceantur, & emolliantur, deinde Lignum  
Aloës in tenuem pollinem tritum inspergatur, &  
denique Camphora, Ambra & Moschus in sufficien-  
te quantitate Aquæ Rosacæ odoratissimæ soluta  
addantur, & omnia in pastam cogantur, quæ in pa-  
stillos aut orbiculos efformari queat.

TROCHISCI DE ANI-  
SO MESUÆ.

℞. Anisi,  
Succi Eupatorii Mesuæ inspissati ana  
drachmas duas,  
Sem. Anethi,  
Spicæ Indicæ,  
Mastiches,  
Folii,  
Foliorum Absinthii,  
Radicum Asari,  
Apii,  
Amygdalorum amarorum ana drachm.  
semis,  
Aloës drachmas duas,  
Succi Absinthii quantum sufficit.  
Fiant Trochisci.

*Obstructiones hepatis reserant, flatus dis-  
cutiunt, stomacho auxiliantur, atque chro-  
nicos frigidos morbos, febresque diuturnas  
sanant.*



TROCHISCI BECHICI  
NIGRI.

- ℞. Succī Glycyrrhizæ inspissati uncias quatuor,  
 Stryacis calamitæ unciam unam semis,  
 Sacchari cantii uncias duas semis,  
 Specierum Diaireos Saloni.  
 Lohoch fani ana unciam semis,  
 Sacchari Penidii libram semis,  
 Albissimi libras duas, uncias tres.  
 Mucilaginis Tragacanthi cum aqua Hyssopi factæ quantum satis.  
 Fiant Trochisci.

*Viribus cum Trochiscis Bechicis nigris, superius descriptis. conveniunt.*

TROCHISCI DE  
BENZOË.

- ℞. Benzoini uncias sex,  
 Ligni Aloës optimi uncias octo,  
 Stryacis calamitæ uncias tres,  
 Moschi drachmam semis,  
 Ireos uncias duas,  
 Sacchari cantii libras tres.  
 Pulverisatis omnibus, fiant Trochisci cum aqua Rosarum.

*Caput & pectus roborant & siccant, nec non ad suffitus ac odora menta expectantur.*

## TROCHISCI DE BERBERIBUS MESUÆ.

- ℞. Berberum drachmas duas,  
 Spodii,  
 Ligni Aloës,  
 Seminis Acetosæ,  
 Mastiches,  
 Galiæ moschatae,  
 Nardi Indicæ ana drachmam unam,  
 Gummi Arabici drachmas tres,  
 Rosarum rubrarum drachmas quinque,  
 Aquæ Rosarum quantum sufficit,  
 Fiant Trochisci.

*Ingrediuntur Elect. Rosatum Mesuæ, in eumque usum potissimum parantur; licet*

*usurpari etiam possint ad intemperiem calidam, febrium ardores, linguæ ariditatem, & sitim sedandam.*

## TROCHISCI DE CAMPHORA MESUÆ.

- ℞. Rosarum rubrarum drachmas quatuor,  
 Sacchari albi,  
 Mannæ ana drachmas tres,  
 Sandali citrini drachmas duas semis,  
 Glycyrrhizæ,  
 Spodii ana drachmas duas,  
 Sem. quatuor frigid. major.  
 Gummi Arabici,  
 Tragacanthi,  
 Nardi Indicæ,  
 Croci ana drachmam unam,  
 Ligni Aloës,  
 Cardamomi majoris,  
 Amyli,  
 Camphoræ ana scrup. duos,

Cum mucilagine Sem, Pfyllii, extractâ cum aqua Rosacea, formentur Trochisci.

*Ad febres ardentes, bilis & sanguinis fervorem, ventriculi & hepatis intemperiem calidam & ab his sitim intensam, icterum quoque, phthisin, & hæticam utiliter adhibentur.*

## TROCHISCI DE CAPPARIBUS MESUÆ.

- ℞. Cort. radicum Capparum,  
 Sem. Agni casti ana drachmas sex,  
 Nigellæ,  
 Nasturtii,  
 Calaminthæ,  
 Succī Eupatorii Mesuæ,  
 Acori,  
 Amygdalorum amarorum,  
 Foliorum Rutæ,  
 Aristolochiæ rotundæ veræ,  
 Ammoniaci ana drachmas duas,  
 Cyperi rotundi,  
 Scolopendrii veri, seu Ceterach ana drachmam unam.



Trita omnia cum Ammoniaco in Aceto dissoluto formentur in Trochiscos.

*Commendantur ad lienis & hepatis obstructions à crassa & melancholica materia profectas; humores enim attenuant, natamque inde viscerum duritiem emolliunt, ac flatibus hypochondriacos, cæterarumque partium solvunt.*

## TROCHISCI DE CORALLIO NICOLAI ALEXANDRINI.

℞. Corallii rubri,  
Cinnamomi,  
Myrrhæ,  
Amomi,  
Sem. Papaveris ana unciam semis,  
Schoenanthi,  
Crocī ana drachmas duas,  
Calami aromatici,  
Xylobalsami,  
Cassia lignæ,  
Folii,  
Mastiches,  
Foliorum Polii montani,  
Pedis columbini,  
Radic. Phu,  
Asari ana drachmam unam,  
Mucilaginis Tragacanthi quantum sufficit.  
Formentur Trochisci.

*Sanguinolenta exscreantibus, dysentericis, cœliacis, & cibum fastidientibus subveniunt.*

Pes Columbinus est altera Geranii Species habens Malvæ folia. Vide Foesium fol. 210.

## TROCHISCI DIACORALLII GALENI.

℞. Corallii rubri,  
Terræ Samiæ, aut Boli Armenæ ana unciam unam,  
Lemniæ,  
Balauftiorum,  
Amyli ana unciam semis,

Hypocistidis,  
Sem. Hyoscyami,  
Opī ana drachmas duas,  
Succi Plantaginis quantum sufficit.  
Formentur Trochisci.

*Iisdem affectibus tollendis, quibus præcedentes succurrunt.*

## TROCHISCI DE CROCO NICOLAI ALEXANDRINI.

℞. Croci drachmas tres,  
Rosarum rubrarum,  
Ammeos,  
Myrrhæ ana drachmam unam semis,  
Ligni Aloës scrupulos duos,  
Cum mucilagine Tragacanthi aquâ Rosaceâ facta fiant Trochisci.

*Lienis & hepatis obstructions aperiunt, flatibus dissipant, humorum putredinem arcent, ac cordi vires addunt.*

## CROCOMAGMA DAMOCRATIS EX GALENO.

℞. Croci drachmas viginti quinque,  
Myrrhæ,  
Rosarum ana drachmas duodecim semis,  
Amyli,  
Gummi Arabici ana drachmas septem semis,  
Vini Chii quantum sufficit.  
Fiant Trochisci.

*De usu in capitis dolore in febre vid. apud Galenum lib. 2. comp. med. sec. loc. cap. 1.*

## TROCHISCI CYPHEOS DAMOCRATIS EX GALENO.

℞. Uvarum Passarum majorum, seu Cybearum,  
Terebinthinæ coctæ ana uncias tres,  
Myrrhæ,

Schoe-



Schoenanthi ana unciam unam semis,  
Calami aromatici drachmas novem,  
Cinnamomi drachmas quatuor,  
Bdellii electi,  
Spicæ Indicæ,  
Cassiae lignæ veræ,  
Cyperi,  
Baccarum Juniperi ana drachmas tres,  
Aspalathi drachmas duas semis,  
Croci drachmam unam,  
Mellis quantum sufficit,  
Vini Cretici modicum.

Bdellium, Myrrha, & Terebinthina cocta in Vino dissoluta redigantur ad crassitiem Mellis, & carni Passularum ex Melle diu tritæ misceantur: deinde reliqua in tenuissimum pulverem redacta adjiciantur, ac simul agitando commisceantur, formen-  
turque Trochisci, qui in umbra ficcen-  
tur.

*Describuntur à Galeno 2. de Antidotis cap. 2. in Mithridatio Damocriti, cujus compositionem ingrediuntur. Quamquam per se quoque commodè iis dentur, qui jecur, aut aliud aliquod viscus exulceratum habent.*

Trochiscos hos inter obsoletos reposuimus, ut & qui Hedrychoi dicuntur, postea describendi; cum nobis pro aliis usibus haud inserviant, quàm ut Theriacæ ac Mithridatii compositionem ingrediantur; quibus tamen species pro iis requisitas commodiùs substituimus, & etiam substituere hactenus consuevimus.

## TROCHISCI DE EUPA- TORIO MESUÆ.

℞. Mannæ,  
Succi Eupatorii ana unciam unam,  
Rosarum unciam semis,  
Spodii ex Ebore drachmas tres semis,  
Spicæ Indicæ drachmas tres,  
Rhabarbari,  
Asari,  
Anisi ana drachmas duas semis,  
Cum aqua Cuscutæ fiant Trochisci, qui in umbra ficcati reponantur.

*Efficaces sunt ad omnem lienis & hepatis obstructionem, tumoremque præter naturam; febres antiquas, earumque rigorem sanant, morbo regio & hydropi incipienti succurrunt, stomachicos juvant, & corporis flatus discutunt.*

## TROCHISCI DE GALIA MOSCHATA MESUÆ.

℞. Ligni Aloës drachmas quinque,  
Ambrae drachmas tres,  
Moschi drachmam unam,  
Mucilaginis Tragacanthi extractæ cum aqua Rosarum quantum sufficit.

*Cerebrum, cor, ventriculum, & reliqua viscera roborant, vomitum reprimunt, pectoris angustias & respirationis difficultatem juvant, oris halitum commendant, & ad varias compositiones expetuntur, suffitu ac vaporazione gratissimi.*

## TROCHISCI GOR- DONII.

℞. Sem. quatuor frigid. major. mundat.  
Papaveris albi,  
Malvæ,  
Bombacis,  
Portulacæ,  
Cydoniorum,  
Baccarum Myrtillorum,  
Tragacanthi,  
Gummi Arabici,  
Pinearum mundatarum,  
Pistaciorum,  
Liquiritiæ mundæ,  
Hordei mundi,  
Mucilaginis Psyllii,  
Amygdalorum dulcium ana unciam unam,  
Boli Armenæ,  
Sanguinis Draconis,  
Spodii,  
Rosarum,  
Myrrhæ ana unciam semis,  
Sacchari cantii uncias duas.  
Cum Hydromelite fiant Trochisci.

*Describuntur à Gordonio de Passionibus renum, partic. 6. cap. 10. Quorum exulcerationes sanant, sanguinis mictum inhibent, diabeti & gonorrhœæ conferunt, ac stringuriam levant. Propinantur, si abstersio expetitur ex Hydromelite, aut decocto Liquiritiæ vel Hordei; sin verò consolidandi intentio prævalet, ex lacte aut aqua chalybeata cum Syrupo vel Succo Plantaginis; ac si*  
exul-



*exulceratio in vesica exstiterit, lacte distemperati per syringam injiciuntur. Aliam descriptionem similium Trochiscorum ponit idem præfatus auctor eodem loco cap. 11. quæ Ambra, Succinum, Spica, Schoenanthum, & alia recipit; verum hæc, quam adposuimus, usitator existit.*

### TROCHISCI HEDYCHROI ANDROMACHI EX GALENO.

℞. Mari,  
Radicum Afari,  
Amaraci,  
Aspalathi ana drachmas duas,  
Schoenanthi,  
Calami odorati,  
Phu Pontici,  
Xylobalsami,  
Opobalsami,  
Cinnamomi,  
Costi ana drachmas tres,  
Myrrhæ,  
Folii,  
Nardi Indicæ,  
Crocii,  
Cassiae lignæ ana drachmas sex,  
Amomi drachm. duodecim,  
Mastiches drachmam unam,  
Vini Falerni quantum sufficit.  
Fiant Trochisci.

*Describuntur à Galeno 1. de Antidotis c. 10. ad Theriaces compositionem expetiti. In his cum quædam requirantur interdum Succedanea, pro Maro, si defuerit (quod tamen ad nos jam deferri cœpit) Dictamni Cretici folia, pro Aspalatho Sandalum citrinum, pro Opobalsamo Oleum Caryophyllorum, pro Costo Angelicam, pro Amomo Citri semina, ac denique pro Falerno Creticum vinum adsumere consueverunt.*

### TROCHISCI DIAION SEU DE VIOLIS NICOLAI ALEXANDRINI.

℞. Flor. Violarum purpurearum recentium drachmas quinque,  
Amyli drachmas tres,  
Sem. Papaveris albi drachmas duas semis,

Rhabbarbari scrupulos quinque,  
Sem. Plantaginis drachmam unam,  
Opobalsami vel Olei Caryophyllorum scrupulum unum.  
Trita subigantur, & cum aqua Rosarum formentur Trochisci.

*Thoracis angustias levant, guttur leniunt, ac alvum emolliunt.*

### TROCHISCI DE LACCA MESUÆ.

℞. Laccæ mundatæ,  
Succi Glycyrrhizæ,  
Eupatorii,  
Absinthii,  
Berberum,  
Rhabbarbari,  
Aristolochiæ longæ,  
Costi,  
Afari,  
Amygdalorum amarorum,  
Rubicæ,  
Anisi,  
Apii,  
Schoenanthi ana drachmam unam.  
Cum decocto Aristolochiæ & Schoenanthi, vel Succo Eupatorii, aut Absinthii fiant Trochisci.

*Jecinorosos, lienosos, & hydropicos adjuvant, febresque ex viscerum obstructione natas propulsant, ac urinas potenter movent.*

### TROCHISCI DE MYRRHA RHASIS.

℞. Myrrhæ drachmas tres,  
Lupinorum drachmas quinque,  
Foliorum Rutæ,  
Mentastri,  
Pulegii cervini,  
Cumini,  
Rubicæ,  
Asæ foetidæ,  
Sagapeni,  
Opopanax ana drachmas duas.  
Diffolvantur Gummi in aceto Scillino, & cum Succo Artemisiæ fingantur Trochisci.

*Describuntur à Rhase 9. ad Almanso-rem, utiles in menstruæ purgationis retentione, quæ ex crassorum & frigidorum humorum*



*morum copia aut sanguine concreto ortum duxit : attenuant , incidunt , & infarctos meatus aperiunt , foetum mortuum , & præcipuè secundinam tardantem expellunt.*

Pro Pulegio cervino quidam vulgare capiunt: Ejus enim maxima vis est in ciendis menstuis.

### TROCHISCI RAMICH MESUÆ.

℞. Succi Acetosæ uncias sedecim,  
Rosarum rubrarum unciam unam,  
Baccarum Myrti uncias duas.  
Semel fervefiant & colentur, adde colato  
Gallarum recentium adcuratè tritarum  
uncias tres :

Coquantur iterum aliquantulum, deinde  
inspergatur sequentium Specierum minu-  
tissimus & optimè commixtus pulvis :

℞. Rosarum unciam unam,  
Sandali citrini drachm. decem,  
Gummi Arabici unciam unam semis,  
Sumach,  
Spodii ana unciam unam,  
Omphacii drachmas septem,  
Granorum Myrti uncias quatuor,  
Ligni Aloës,  
Caryophyllorum,  
Macis,  
Nucis moschatae ana drachmas quatuor.  
Misce omnia, & extende in scutella lapidea,  
usque dum ficcentur. Exficcata rursus  
in tenuissimum pulverem terantur, & for-  
mentur Trochisci parvi cum Camphoræ  
aureo seu denario uno, hoc est, drachma  
una & septima ejusdem parte, & sufficienti  
aqua Rosarum, ac in umbra libera exsiccati  
reponantur.

*Hos Trochiscos aliquot compositiones re-  
cipiunt, usurpari tamen etiam possunt in in-  
testinorum & alvi totius levitate, acrium-  
que humorum per sedem profluvio: Infusi  
enim acrimoniam obtundunt, & impetum  
refrænant, eoque nomine cholera morbo suc-  
currunt: Hæmorrhagiam omnem sistunt  
naribus immissi, viscerum languores, ven-  
triculi, hepatis, & cordis imbecillitates  
firmant.*

Illius receptæ antiquitus præparationis loco,  
commodius omittendo commendatam in princi-  
pio coctionem & infusionem, pulvis Rosarum &  
granorum Myrti dosis duplicari, Gallæ etiam con-  
tritæ admisceri, & cum reliquis, ope Gummi Ara-

bici in Omphacii & Succi Acetosæ sufficienti quan-  
titate solutis, in Trochiscos effingi possent.

### TROCHISCI DE RHA- BARBARO MESUÆ.

℞. Rhabbarbari optimi drachmas decem,  
Succi Eupatorii,  
Amygdalorum amarorum ana drachmas  
quatuor,  
Rosarum rubrarum drachmas tres,  
Spicæ Indicæ,  
Anisi,  
Rubeæ radic.  
Absinthii,  
Asari,  
Sem. Apii ana drachmam unam,  
Mucilaginis Tragacanthi cum Aqua  
Cuscutæ factæ quantum sufficit.  
Fiant Trochisci.

*Horum usus est in febrium diuturna-  
rum declinatione, imminente malo corporis  
habitu; namque ictericis, hydropicis, hepa-  
ticis, & cachecticis, tumoribusque & do-  
loribus ventris inferioris conducunt.*

### TROCHISCI DIARRHO- DON NICOLAI ALEX.

℞. Rosarum recentium drachmas tres,  
Spodii drachmas duas,  
Sandali rubri drachmam unam semis,  
grana septem,  
albi drachmam unam, grana  
duodecim,  
Crocii scrupulos duos semis,  
Camphoræ scrupulum semis,  
Rosas contunde in mortario lapideo, tum  
reliqua in pulverem redacta adde, & cum  
aqua Rosacea, sub finem Camphoram ad-  
dendo, formabis Trochiscos, quos in um-  
bra ficcatos usui reserva.

*Dysentericis, celiacis, jecinorosis, &  
stomachicis conferunt.*

### TROCHISCI DE RO- SIS RHASIS.

℞. Rosarum rubrarum unciam semis,  
Ligni Aloës drachmas duas,  
Mastiches drachmam unam semis  
Cinnamomi,  
Absinthii Pontici.  
Nardi Indicæ,  
Cassiae lignæ veræ,



Schoenanthi ana drachmam unam,  
Cum decocto quinque Radicum aperien-  
tium formentur Trochisci.

*Efficaces sunt ad jecoris obstructionem  
ac febres antiquas, icterum, & aquam in-  
tercutem; ventriculi & nutritioni dicata-  
rum partium imbecillitatem corrigunt.*

### TROCHISCI DE SANDALIS MESUÆ.

℞. Trium Sandalorum ana unciam semis,  
Rosarum drachmas tres semis,  
Berberum aut Succi eorundem inspissati  
drachmas tres,

Boli Armenæ,

Sem. Cucumeris,

Cucurbitæ,

Citrulli,

Portulacæ,

Spodii ana drachmas duas,

Camphoræ drachmam semis.

Cum Mucilagine Tragacanthi aquâ Portu-  
lacæ soluta fiant Trochisci.

*Ad febrem ardentem, ventriculi & he-  
patis intemperiem calidam, & sitim levan-  
dam usurpantur.*

### TROCHISCI DE SCILLA GALENI.

Scillam plenam & candidam, cortice pri-  
mo detracto, & parte duriore, cui radi-  
culæ adhærent, abjectâ, farinâ subactâ  
involves, & eò usque in clibano coques,  
donec farina crustam contraxerit, qua  
perforata, stylo ligneo explorabis, num  
Scilla tenera sit. Eam exemptam dili-  
genter teres, & admiscebis farinæ Ervi  
tenuissimè cribratæ uncias octo ad sin-  
gulas libras, formabisque Trochiscos  
ponderis duarum drachmarum, quos in  
umbra ficcabis, sæpiùs invertendo, do-  
nec probè ficcati fuerint.

*Describuntur à Galeno 1. de Antidotis  
cap. 9. & in Theriaca ad Pisonem: Ejus  
enim compositionem ingrediuntur.*

Pro farina Orobi seu Ervi rectè hic à nobis sub-  
stituitur Pulvis radicum Dictamni albi, seu Fraxi-  
nellæ.

### TROCHISCI DIASPER- MATON GALENI.

℞. Sem. Apii,

Anmeos ana unciam semis,

Anisi,

Foeniculi ana drachmas duas,

Opii,

Cassia ana drachmam unam.

Cum mucilagine Tragacanthi aquâ pluvia-  
li facta formentur Trochisci.

*Dantur ex Passo, aut Aqua, ad omnes  
internos affectus dolorificos, sanguinem re-  
jectantibus conferunt, ac somnum conciliant.*

### TROCHISCI SUBLIN- GUALES COMPLETI CON- TRA PESTEM.

℞. Extracti Ligni Aloës grana decem,

Spécierum Cordialium temperat. drach-  
mam unam,

Diamoschi dulcis drach. sem.

Radicum Ireos Florentinæ scrup. duos,

Olei corticis Citri guttas tres,

Zedoariæ guttas duas,

Sacchari albi uncias octo,

Ambra griseæ grana quinque,

Moschi grana quatuor,

Zibethi granum unum,

Mucilaginis Tragacanthi cum Aqua Rosa-  
rum factæ, quantum satis. Fiant.

### TROCHISCI SUBLIN- GUALES INCOMPLETI.

℞. Pulveris Radicum Angelicæ unc. semis,  
Pimpinellæ,

Seminis Angelicæ,

Corticis Citri sicci,

Zedoariæ ana scrup. duos semis,

Sacchari albi uncias septem.

Cum mucilagine Tragacanthi ex aqua Ro-  
sarum facta quantum satis,

Formentur Trochisci parvi.

### TROCHISCI DE TER- RA SIGILLATA MESUÆ.

℞. Sanguinis Draconis,

Gummi Arabici,

Trochiscorum Ramich,

Rosarum rubrarum,

Amyli,

Acaciæ,

Hypocistidis,

Lapidis Hæmatitæ,

Balaustiorum,



Boli Armenæ,  
 Terræ sigillatæ,  
 Corallii rubri,  
 Charabe ana drachmam unam,  
 Spodii de Ebore,  
 Margaritarum præparatarum,  
 Tragacanthi,  
 Sem. Papaveris nigri ana drachmam unam semis,  
 Rosarum drachmam unam,  
 Portulacæ,  
 Cornu Cervi usti,  
 Thuris masculi,  
 Conorum Cupressi,  
 Croci ana drachmas duas,  
 Aquæ Plantaginis quantum sufficit.  
 Fiant Trochisci.

*Sanguinem undecunque manantem & spuita cruenta cohibent; hinc foeminarum menstruam purgationem immoderatiùs fluentem morantur, intus sumti, vel cum Succo Polygoni aut Plantaginis ac ovi albumine coxis & pubi illiti, aut cum conveniente liquore utero immissi, cruento item lotio medentur, ac dysenterias, diarrhoeas & alvi profluvia compescunt. Potentiùs id præstant, si eis addatur Opium, quod aliqui compositioni huic drachmarum duarum pondere adjiciunt.*

### TROCHISCI DE SULPHURE ET TUTIA.

℞. Sulphuris vivi,  
 Camphoræ,  
 Tragacanthi ana drachmam unam,  
 Tutiae præparatæ unciam semis,  
 Cum aqua Rosarum quantum satis.  
 Fiant ex arte Trochisci.

*Ad varia superficiei corporis vitia, impetiginem, phlogosin, herpetem, phlyctenas, rhagades, erysipelata conducunt, si cum aqua adpropriata dissolvantur, & parti dolenti sæpius imponantur.*

### TROCHISCI DE VIOLIS SOLUTIVI MESUÆ.

℞. Violarum Martialium mediocriter exsiccatarum drachm. sex,  
 Turbith drachmas quatuor,  
 Succi Glycyrrhizæ,  
 Scammonii præparati,  
 Mannæ ana drachmas duas,  
 Cum Syrupo Violato fiant Trochisci.

*Usurpantur in expurganda pituita lenta & viscida, quæ thoracis vias intercipit, & suspiriosos facit, bileque vitellina permixta deturbanda.*

### TROCHISCI E VIPERA GALENI.

℞. Carnis Viperinæ, Anetho, Sale & Aquâ coctæ & post factam à spinis separationem nonnihil exsiccatæ uncias octo,  
 Panis tritrici purissimi, bis cocti, triti & cribrati uncias duas.

Formentur Trochisci cum jure, in quo decoctæ fuerint carnes viperinæ, priùs tamen cocturâ ad minorem molem deducto, & inungantur Oleo Caryophyllorum, quod proximè accedit ad naturam Balsami. Siccentur in loco umbroso & aëri pervio, sæpe eos invertendo, deinde in vase vitreo, aut vitreato, benè obturato, reponendo. Annum integrum perseverant; quanquam longè meliùs fuerit, recentes semper pro conficienda Theriaca adhibere.

*Trochisci hi Theriacæ conficiendæ inseruiunt. Cæterum cutaneis morbis, viperarum morsibus, & febribus pestilentialibus conveniunt, elephantiacos juvant, oculorum caliginem atque obscuritatem emendant, nec non visum ipsum acuiunt.*

### TROCHISCI DE XYLALOE MESUÆ.

℞. Ligni Aloës,  
 Rosarum rubrarum ana drachmas duas,  
 Mastiches,  
 Cinnamomi,  
 Caryophyllorum,  
 Galiæ moschatæ,  
 Spicæ Indicæ,  
 Macis,  
 Nucis moschatæ,  
 Cubebarum,  
 Cardamomi utriusque,  
 Pastinacæ,  
 Corticum Citri ana drachm. unam semis,  
 Moschi,  
 Ambraæ ana scrupulum semis.

Cum Melle Passulato fiant Trochisci.

*Ventriculum, cor, & hepar, ac membra alia debilia roborant, oris fœtorem abigunt, cordis palpitationem & syncopas auferunt, hydropicis auxiliantur, ac pestilenti constitutioni medentur.*





CLASSIS DUODECIMÆ,  
COLLYRIA SICCA  
ARABIBUS SIEF DICTA,  
PASTAS ODORATAS, NEC  
NON ALIA SUFFITIUM  
GENERA DOCENTIS,  
SECTIO PRIMA,  
DE  
MEDICAMENTIS  
USUALIBUS.

SIEF ALBUM SINE  
OPIO.

℞. Gummi Arabici,  
Tragacanthi,  
Amyli ana unciam semis,  
Cerussæ lotæ drachmas sex,  
Sarcocollæ nutritæ drachmas  
tres.

Cum albumine ovi fiat Sief.  
Paratur etiam cum Opii drach-  
ma una.

*Ad oculorum rheumatismos, lippit-  
tudines subacres, & ophthalmicos do-  
lores leniendos efficax. Idem ferè est  
cum Collyrio albo Rhasis 3. ad Alman-  
sorem, quod Cerussæ pondus auctius  
habet, nimirum ad drachmas decem;*

*cui & Thus addit Mesue, unde in sta-  
tu magis prodest, sicut hoc initio ve-  
hementis doloris à causa calida.*

POMUM AMBRÆ.

℞. Styracis calamitæ,  
liquidi,  
Benzoini,  
Galix moschatæ veræ,  
Aliptæ moschata,  
Ladani ana unciam semis,  
Cinnamomi electi,  
Caryophyllorum,  
Sandali citrini ana drachmas  
duas,  
Rosarum rubrarum,  
Nucis moschata,

Macis,



Macis,  
Ligni Aloës,  
Cyperi rotundi,  
Majoranæ,  
Gummi Elemi,  
Rorismarini,  
Ireos Illiricæ ana scrupul. duos,  
grana quinque,  
Mucilaginis Tragacanthi factæ  
cum aqua Rosarum, quantum  
sufficit.

Fiat Massa.

*Cor ac cerebrum odoris suavitate  
ac fragrantia reficit, spiritus cum vi-  
tales tum animales recreat, vertigino-  
sos juvat, ac capiti à frigida & humi-  
da intemperie opem præstat.*

Pro majori Simplicium compositionem hanc  
constituentium unione quandoque nonnihil Tere-  
binthinæ Cypriæ admiscetur, ac ob odoris gratiam  
pauillum Olei Caryophyllorum additur. Diviti-  
bus Ambra, & Moschus vel Zibethum pro consu-  
lenti Medici judicio, aut expetito odore adjiciuntur.

### SUFFITUS CEPHALICUS.

℞. Benzoini unciam unam semis,  
Styracis calamitæ,  
Succini citrini,  
Mastiches ana unciam unam,  
Olibani,  
Myrrhæ ana drachmas sex,  
Ligni Aloës,  
Caryophyllorum ana drachm.  
unam semis,  
Florum Rosar. rubrar. drach. sex,  
Lavendulæ,  
Corticis Citri sicci ana drach-  
mas tres.

Contundantur crassiusculè  
& misceantur.

### SUFFITUS DELICATUS.

℞. Benzoini electi unc. unā semis,  
Styracis calamitæ drachm. sex,  
Ligni Aloës drachmas duas.

Fiat Pulvis crassiusculus.

### SUFFITUS COMMUNIS.

℞. Baccarum Juniperi,  
Rasuræ Succini citrini ana un-  
cias tres,  
Florum Rosarum rubrar. unc.  
unam semis, drachm. duas.  
Styracis calamitæ unciam u-  
nam semis,  
Ligni Juniperi drach. undecim,  
Mastiches,  
Sandaracæ ana drach. decem.  
Olibani drachmas septem.

Misce, F. Pulvis crassiusculus.

### CANDELÆ PRO SUFFI- TU PRIMÆ.

℞. Benzoini,  
Styracis calamitæ ana uncias  
quatuor,  
Thymiamatis,  
Olibani ana uncias duodecim,  
Ladani uncias decem & octo,  
Caryophyllor. unc. un. semis,  
Sem. Nigellæ unciam unam,  
Coriandri,  
Granor. Juniperi ana unc. semis,  
Styracis liquidi uncias sex,  
Terebinthinæ unciam semis,  
Carbonum Tiliæ vel Salicis un-  
cias triginta.

Cum infusione Tragacanthi, factâ  
in aqua Rosarum, fiant Candelæ.

### CANDELÆ PRO SUFFI- TU SECUNDÆ.

℞. Styracis calamitæ,  
Carbonū Salicis ana unc. duas,  
Benzoini unciam unam,  
Caryophyllorum unc. semis,  
Ladani drachmas sex.

Cum Terebinthina Cypria & mu-  
cilagine Tragacanthi in aqua Ro-  
sarum facta q. s. fiant Candelæ,  
quibus pro delicatoribus Galiam  
Moschatam addere licebit.





# CLASSIS DUODECIMÆ

## SECTIO SECUNDA,

### DE

# MEDICAMENTIS MINUS

## USUALIBUS.

### SIEF ALBUM GALENI.

- ℞. Tutiaæ præparatæ uncias duas,  
Ceruffæ lotæ,  
Amyli,  
Gummi Aarabici,  
Tragacanthi ana unciam semis,  
Opii drachmas duas,

Excipiantur cum aqua Rosacea, & fiat Collyrium ficcum; quod etiam sine Opio parari potest.

*Collyrium hoc à Galeno τρυφερόν dictum, describitur ab eodem 4. de Compos. med. secundum loc. cap. 7. idem ferè præstat, quod Cygnus Galeni, qui paulo aliter describitur, & succum Acaciæ recipit: præcipuè verò facit ad oculorum ustiones, pustulas, & chemoses, maximè in his, qui nullam acrimoniam aut mordacitatem ferre queunt.*

### SIEF CITRINUM MESUÆ.

- ℞. Cadmiæ ustæ, & in lacte mulieris extinctæ, vel potius Tutiaæ præparat. unciam unam,

Ceruffæ lotæ uncias duas,  
Crocii unciam semis,  
Opii drachmam unam,  
Tragacanthi drachmas duas,  
Aquæ pluvialis quantum sufficit.

*Describitur hoc Collyrium à Mesue in cap. de Ophthalmia: Vehementissimis enim oculorum doloribus ulceribusque conducit.*

Si lac muliebre defuerit, substituatur in ejus locum lac asininum, caprillum, vel ovillum.

### SIEF DE PLUMBO MESUÆ.

- ℞. Plumbi usti, & loti,  
Æris usti,  
Antimonii,  
Tutiaæ lotæ,  
Gummi Arabici,  
Tragacanthi ana unciam unam,

Opii drachmam semis,  
Aquæ pluvialis quantum sufficit.  
Fiat Sief.

*Vulnera & ulcera oculorum consolidat.*

### SIEF DE ROSIS EJUSDEM.

- ℞. Foliorum Rosarum drachm. quindecim,  
Gummi Arabici,  
Crocii ana unciam unam,  
Opii,  
Nardi Indicæ ana drachmas duas.

*Ad doloris molestias, fluxum uberem, ac tenuem, pustulas & prolapsus oculorum efficax.*

### SIEF DE THURE RHASIS.

- ℞. Cadmiæ, vel Tutiaæ præpar.  
Pompholygis,  
Thuris ana drachmas decem,  
Ceruffæ uncias quinque,  
Opii,  
Gummi ana drachmas sex,  
Aquæ pluvialis quantum satis.  
Fiat Collyrium.

*Tumores oculorum reprimat, eorundemque exulcerationes sanat, ac cohibet.*

### SIEF VIRIDE ANTÆI.

- ℞. Cadmiæ, vel Tutiaæ præpar.  
Crocii ana drachmas tres.  
Gummi,  
Myrrhæ,  
Opii ana drachmam unam semis,  
Plumbi usti & loti scrupulum unum,  
grana quindecim,  
Squamæ Æris,  
Nardi Indicæ,  
Acaciæ ana scrupulum unum semis.  
Cum aqua pluviali fiat Collyrium.

*Celebratur ad doloris molestias, pustulas, ustiones, prolapsus & contusiones oculorum.*  
POMUM



## POMUM AMBRÆ.

- ℞. Sandali citrini drachmas sex, scrupulos duos,  
 Ligni Aloës unciam semis,  
 Rosarum rubrarum,  
 Basilici,  
 Lavendulæ,  
 Anthos,  
 Majoranæ,  
 Cinnamomi,  
 Nucis moschatæ,  
 Macis,  
 Caryophyllorum,  
 Coriandri,  
 Cardamomi ana drachm. tres, scrupulum unum,  
 Corticum Citri drachmas septem,  
 Ladani puri uncias octo,  
 Styracis calamitæ drachmas sex, scrupulos duos,  
 liquididi drachm. tres,  
 Asæ dulcis drachmas decem,  
 Cerae citrinæ unciam unam semis,  
 Terebinthinæ Cypriæ uncias quatuor,  
 Moschi Alexandrini,  
 Ambræ griseæ ana scrupul. duos semis.  
 Fiat Massa.

*Odore spiritus instaurat, & cordi robur addit. Usui est maximè, cum aliqua aëris inquinati suspicio viget, cui tunc temporis Angelica, Zedoaria, Ruta, & præsertim Camphora rectè adjicitur.*

## TEDA AROMATICA.

- ℞. Benzoini,  
 Styracis calamitæ,  
 Mastiches,  
 Olibani,  
 Ladani ana unciam unam,  
 Caryophyllorum,  
 Cinnamomi,  
 Sandali citrini,  
 Succini albi ana drachm. duas,  
 Cerae libram unam.  
 Fiat Teda ad crassitiem unius digiti.

*Istiusmodi Tedis medici Læmodochiales nostri quondam utebantur, pro dissipando venenato aëre, & corrigendo conclavium infectorum fœtore, in magna illa peste, quæ Anno millesimo sexcentesimo vigesimo septimo, & octavo Urbem nostram depopulabatur.*

## PASTILLI PRO FUMO USITATI.

- ℞. Benzoini electi uncias duas semis,  
 Styracis calamitæ drachmas decem,  
 Ligni Aloës drachmas tres,  
 Caryophyllorum drachmas sex,  
 Cinnamomi electi drachmas duas,  
 Ligni Cupressi unciam unam semis,  
 Sacchari albi uncias quatuordecim.  
 Cum infusione Tragacanthi aquâ Rosarum facta

Fiant Pastilli.

## SAPO MOSCHATUS.

- ℞. Saponis Veneti libras quatuor.  
 Incidantur minutissimè atque addantur  
 Pulveris Caryophyllorum,  
 Sandali albi ana uncia duæ,  
 Benzoini uncia una,  
 Moschi scrupulus unus.

Fiat ex arte cum aqua Rosacea.

## SAPO MOSCHATUS VENETUS.

- ℞. Pulveris Radicum Ireos Florentinæ unciam semis.  
 Styracis calamitæ,  
 Asæ dulcis ana drachmam unam,  
 Caryophyllorum,  
 Ladani ana drachm. semis,  
 Sandali albi,  
 Ligni Aloës ana scrup. unum.  
 Tenuissimè pulverisata misceantur secundum artem in mortario calido, cum  
 Saponis Veneti libra una.  
 Olei Tartari per deliquium facti uncia una semis,  
 Ligni Rhodii scrup. uno,  
 Moschi scrupulo semis.  
 Fiant Globuli.

## ALIUS ALBI COLORIS.

- ℞. Saponis Veneti uncias decem,  
 Pulveris Radic. Ireos Florentinæ odoratæ drachmas quinque.  
 Misceantur optimè in mortario calido, addendo porrò  
 Olei Tartari per deliquium facti drachmas decem,  
 & in fine  
 Olei Ligni Rhodii scrupulum unum,  
 Formentur Globuli.

CLAS-





CLASSIS DECIMÆ  
TERTIÆ,  
CONFECTIONES  
ANTIDOTALES, NARCOTI-  
CAS SEU OPIATAS, ALIASQUE  
CONSIMILES, CONDITA ET  
CONSERVAS CONTINENTIS,  
SECTIO PRIMA,  
DE  
MEDICAMENTIS  
USUALIBUS.

**T**heriacam, quam omnium planè Medicamentorum Reginam dicere nonnulli consueverunt, & ob singularem efficaciam nobili multorum seculorum encomio & experientiâ, fidissimâ rerum magistrâ, celebratam, ipsis olim Regibus Imperatoribusque, magnis sumptibus simplicia ad ejus confectiorem requisita comparantibus, usui fuisse constat, & cujus præparationem ipsi Medici Cæsarei non detrectabant; Præcipuè verò Mithridates medicamentorum venenis adversantium vires particulatim expertus, plurima eorum conjungens, in famosam tandem redegit Antidotum, quâ suam à venenis incolumitatem tutatus esse legitur. Subsecutus autem multis post annis Andromachus, inter Neronis Medicos primus, nonnullis additis, quibusdam demtis, viperas ei admiscuit, cum jam ante citra harum additionem confectum medicamentum præclarè contra toxica faceret, atque sic Theriacam construxit, cujus usus sub maximis Imperatoribus (ut Galenus lib. de Theriaca ad Pisonem testatur) in publicum prodiiit, primatibus ac exercituum ducibus opportunus futurus. Ad nobilem autem hanc Antidotum parandam, idem Galenus lib. 1. de Antidot. sibi ex magna Syria, Palæstina, Ægypto, Cappadocia, Ponto, maximè verò ex Macedonia, & ex provinciis ad Occidentem sitis, quas Galli inhabitant & Hispani, atque oppositas oras incolentes Mauri, medicamenta ad ejus compositionem necessaria allata fuisse scribit. Unde nullis hîc sumtibus, diligentia, aut labori parcendum, ac difficultas propter utilitatem superanda. Cum autem neminem eam rectè paraturum putaverit Galenus, nisi benè parantem priùs viderit, ideo ejus componendæ legitimam normam multo nobis usu compertam, lucidissimè, ne error obrepere possit, subjunximus. Ea autem ita se habet:



**THERIACA ANDROMA-  
CHI SENIORIS EX  
GALENO.**

℞. Trochiscorum Scillinorum un-  
cias sex,  
de Viperâ,  
Piperis longi,  
Opium cum aceto depurati,  
Trochiscorum Hedychroi ana  
uncias tres,  
Rosarum rubrarum exsiccata-  
rum,  
Ireos Illyricæ, aut Florentinæ,  
Succi Glycyrrhizæ,  
Seminis Buniadis dulcis, seu  
Napi sativæ,  
Comarum Scordii Cretici,  
Opobalsami, vel Olei ex Nuce  
moschata expressi,  
Cinnamomi,  
Agarici ana unc. unam semis,  
Myrrhæ,  
Costi odorati, vel Zedoariæ,  
Crocii Orientalis,  
Cassie lignæ veræ,  
Nardi Indicæ,  
Schoenanthi,  
Thuris masculi pellucidi,  
Piperis nigri,  
albi,  
Fol. Dictamni Cretici,  
Comarum Marrubii,  
Rhabarbari,  
Stœchadis Arabicæ,  
Sem. Petroselinii Macedonici,  
Calaminthæ montanæ odora-  
tæ,  
Terebinthinæ Cypriæ,  
Zingiberis,  
Rad. Pentaphylli ana drach. sex,  
Polii Cretici,  
Chamæpityos,  
Styracis calamitæ,

Mei, vel Angelicæ,  
Amomi racemosi, aut sem. Ci-  
tri & Hyperici ana part. æ-  
quales,  
Calami aromatici,  
Nardi Celticæ,  
Terræ Lemniæ veræ,  
Phu Pontici, aut Valerianæ  
nostræ,  
Comarum Chamædryos Cre-  
ticæ,  
Fol. Malabatri, aut ejus loco  
Macis & Caryophyllorum  
ana partes æquales,  
Chalcitidis tostæ,  
Radici Gentianæ,  
Anisi,  
Succi Hypocistidis,  
Carpobalsami,  
Gummi Arabici splendidi,  
Sem. Fœniculi Cretici,  
Cardamomi minoris,  
Seseleos Massil.  
Succi Acaciæ,  
Thlaspios,  
Comarum Hyperici,  
Ammeos,  
Sagapeni ana drach. quatuor.  
Castorei,  
Aristolochiæ longæ,  
Sem. Dauci Cretici,  
Bituminis Judaici,  
Opopanacis,  
Comarum Centaurii minoris,  
Galbani ana drachmas duas.  
Mellis despumati triplum, id est,  
libras quatuordecim, uncias quin-  
que & drachmas duas.

*Nobilissima hæc Antidotus, à  
Galeno 1. de Antidotis, & lib. de  
Theriaca ad Pisonem descripta, quæ  
ante à tranquillitate, quam agris præ-*



*præstat, Γαλόν dicta est, cum varie à variis parari soleat, cuilibet per nos methodo sibi consuetâ uti, & suo abundare sensu licebit; qua in re nec nostris Pharmacopœis, in miscendis ingredientibus non unum ordinem observantibus, hætenus, ad certum eos adstringendo modum, nimis rigorosos aut superciliosos nos præbui-  
mus, certi, modo exacta omnium instituat unio, idem Medicamentum enatum iri. Unde ordinem saltem antiquitus observatum, in paucissimis tantum immutatum, & misturam satis laudabilem daturum, hîc repetere animus est.*

*Simplicia igitur ad Theriacæ constitutionem expetita, eaque omnium selectissima, quæ conteri possunt, in sex Classes dividantur, harumque singulæ seorsim in subtilem pulverem redigantur; non eâ quidem intentione; ac si omnia illa, si jungantur, conteri simul nequeant; sed ne tanta moles (cum in magna ut plurimum quantitate conficiatur,) trituram difficiliorem reddat; quamvis non omnino negare velimus, aliquid hîc potius opinioni & consuetudini, imò & pompæ, si non apud vulgum proficue, saltem non damno-  
sæ, dari, liberum interea aliis relinquendo, simplicia ista vel juncta, vel in partes pro lubitu divisa, in pulverem redigere.*

*Præfatæ autem Classes hoc modo se habent:*

## I. CLASSIS.

- Rx. Ireos Illyricæ,  
Scordii Cretici,  
Seminis Buniadis ana unciam unam semis,  
Anisi,  
Seseleos,

Polii Cretici ana unciam semis,  
Zedoariæ electæ drachmas sex.

*Pendit hæc Classis in universum libram semis, drachmas sex.*

## II. CLASSIS.

- Rx. Gentianæ,  
Chamædryos,  
Fœniculi Cretici,  
Amomi ana unciam semis,  
Pentaphylli,  
Marrubii,  
Calaminthæ montanæ ana drachm. sex.

*Pendit hæc Classis in universum uncias quatuor, drachmas duas.*

## III. CLASSIS.

- Rx. Radicis Mei, seu Angelicæ,  
Phu Pontici,  
Nardi Celticæ,  
Chamæpityos,  
Seminis Thlaspios ana unciam semis,  
Aristolochiæ longæ drachmas duas,  
Dictamni Cretici drachmas sex.

*Pendit hæc Classis in universum uncias tres semis.*

## IV. CLASSIS.

- Rx. Rosarum rubrarum unciam unam semis,  
Florum Hyperici unciam semis,  
Centaurii minoris,  
Seminis Dauci ana drachmas duas,  
Petroselini Macedonici drachm. sex,  
Trochiscorum de Vipera uncias tres,  
Scilla uncias sex.

*Pendit hæc Classis in universum uncias duodecim, drachmas duas.*

## V. CLASSIS.

- Rx. Seminis Ammeos,  
Calami aromatici ana unciam semis,  
Cinnamomi optimi unciam unam semis,  
Cassiæ lignæ,  
Rhabbarbari ana drachmas sex,  
Piperis longi uncias tres.

*Pendit hæc Classis in universum uncias septem.*



## VI. CLASSIS.

Zingiberis albi,  
 Piperis nigri,  
     albi ana drachmas sex,  
 Folii,  
 Cubebarum,  
 Cardamomi ana unciam semis.

*Pendit hæc Classis in universum uncias tres, drachmas sex.*

*Sequentia autem singula per se terantur, utpote*

Myrrhæ,  
 Thuris albi,  
 Croci Orientalis ana drachmæ sex,  
 Agarici trochiscati uncia una semis,  
 Castorei,  
 Bituminis Judaici ana drachmæ duæ,  
 Terræ Lemniæ veræ,  
 Chalcitidis tostæ ana uncia semis.

*Porro :*

Schoenanthi,  
 Spicæ Indicæ,  
 Stœchadis Arabicæ ana drachmæ sex,  
 forfice minutim incidantur, mucilagine tragacanthi imbuantur, iterumque exsiccatae in pulverem conterantur.

Trochiscorum Hedychroi ingredientia, postquam eorum usus, præter eum, Theriaca quem postulat, amplius apud nos haud superest, nunquam in illam orbicularem formam redacta, sed debito tantum in pondere, inque pollinem redacta (Oleum Caryophyllorum pro mixtura ad finem jam deducta fervendo) huc accersere, ceu supra jam monuimus, hætenus consuevimus.

*Nunc verò Gummia & Resina, Terebinthinâ Cypriâ & Styrace exceptis, utpote Sagapeni uncia semis, Opopanax drachmæ duæ, Galbani drachmæ duæ, Gummi Arabici uncia semis, per se vino Cretico dissoluta ac eliquata per setaceum tenuis pulticulæ formâ exprimantur: hoc factò ad permixtionem sic accedes: Primò sex Classes Medicamentorum in tenuem pollinem redactas, unâ cum iis, quæ per se terenda monuimus, nec non speciebus Trochiscorum Hedychroi, (Terra Le-*

*mnia, Croco & Chalcitide exceptis) comiscebis, diligenter pulveres agitando, ut adcuratè & per minima permixti, paulatim postmodum Mellis & reliquis liquidioribus misceri queant, eo plane modo, quem jam tradituri sumus.*

*His igitur ita ritè dispositis, in cacabum magnum sex circiter Mellis despumati ac modicè calentis uncia infundenda, eaque pistillo magno ligneo ita hinc inde diducenda, ut cacabi jam dicti fundus & parietes aliquousque Melle hoc tenuissimè obducta, & quasi peruncta videantur. Tunc omnium primò Terebinthina Cypria supra prunas leni calore liquata, addito paucò Melle & vino Cretico, eidem aheno indenda, quam mox Gummium expressus quasi cremor identidem vino Cretico modicè dilutus, & leniter calefactus subsequatur. Abhinc Succi & Liquores concreti, nempe Succus Acaciæ, Glycyrrhizæ, Hypocistidis, ipsumque Opium compositioni jungantur, quæ omnia ac singula vino Cretico dissoluta & colata, unâ cum prioribus aheno inditis, continua ac indesinenti agitatione probè permisceantur. Hoc factò, Mellis despumati mediocriter calentis libræ aliquot immittantur, atque factâ iterum diligenti omnium jam dictorum unione, pulveres sex Classium per cribrum angustum paulatim inspergantur, continuaque agitatione sic adcuratè permisceantur, ne quid grumescat, sed compositio ipsa evadat æqualis ac tenera, atque sic alternis vicibus modò Mellis portio aliqua adfundenda, modò pulveres inspergendi, donec omnis pul-*



pulverum quantitas Melli unita fuerit. Tunc verò Terra Lemnia, & post eam Chalcitis, utraque prius vino Cretico diluta, adjicienda; abhinc Styra calamita addito modico vino Cretico super prunas liquefiat, ac Oleo Nucis moschatæ addito artificiosè, ne grumescat, dissolvatur, compositionique addatur. Quæ ubi probè unà cum cæteris omnibus mixta fuerint, Crocus eodem vino Cretico dilutus, Theriacam intret, & postremò Oleum Caryophyllorum, quod à Trochiscis Hedychroi, in quorum structura Opobalsami vices supplere debebat, huc accedit, Medicamentumque diu ac strenuè agitandum, ut omnium eò perfectior fiat mixtio, idque in vase mundo reponendum, cujus tertia vel ad minimum quarta pars vacua supersit, ut Theriaca fermentando in ampliorem molem accrescens & insurgens comòdè per dies aliquot in eo agitari queat. Est enim ad

dies minimum octo continuos quotidie comovenda, deinde verò singulis mensibus agitanda, donec anni unius ætatem attigerit, semper eam diligenter contegendo, & ab externis injuriis muniendo; eritque sic Theriaca omnibus suis numeris absoluta, eos effectus præstans, quos vetus seculum atque etiam modernum, de tam nobili ac pretioso Medicamine pollicetur.

Quandoquidem verò conficiendæ Theriacæ labor vix ob parvam ejus copiam preparandam suscipitur, cum, si secundum descriptionem simplicem dispensetur, vix viginti libras constituat, ideò ejusdem in duplo, quadruplo, sextuplo, octuplo, decuplo & duodecuplo construendæ Schematismum subjecimus, adjectâ singulis ingredientibus debitâ ponderis notâ, ut Pharmacopœos supputationis onere levaremus. Schematismus verò clarus & facilis hic est:

THERIACA ANDROMACHI.		In simplo.	In duplo.	In quadruplo.	In sextuplo.	In octuplo.	In decuplo.	In duodecuplo.
℞. Trochilorum Scillinorum de Vipera, Hedychroi,		℥. s.	℥. i.	℥. ii.	℥. iii.	℥. iv.	℥. v.	℥. vi.
Piperis longi,								
Opil,								
Rosarum rubrarum exsiccatarum,	ana	℥. iii.	℥. vi.	℥. i.	℥. i. s.	℥. ii.	℥. ii. s.	℥. iii.
Ireos Illyricæ,								
Succi Glycyrrhizæ,								
Seminis Buniadis,								
Comarum Scordii Cretici,								
Olei Nucis moschatæ expressi,								
Cinnamomi,								
Agarici trochiscati,	ana	℥. i. s.	℥. iii.	℥. vi.	℥. ix.	℥. xii.	℥. xv.	℥. xviii.
Myrrhæ,								
Costi odorati,								
Croci Orientalis,								
Cassia lignæ veræ,								
Nardi Indicæ,								



		<i>In sim- plo.</i>	<i>In du- plo.</i>	<i>In qua- druplo.</i>	<i>In sex- uplo.</i>	<i>In octu- plo.</i>	<i>In decu- plo.</i>	<i>In duo- decuplo.</i>
Schoenanthi, Thuris masculi, Piperis nigri, albi, Fol. Dictamni Cretici, Comarum Marrubii, Rhabbarbari electi, Stoechadis Arabicae, Sem. Petroselini Macedo- nici, Calaminthæ montanæ, Terebinthinæ Cypriæ, Zingiberis albi, Rad. Pentaphylli, -- -- ana		℥. VI.	℥. I. s.	℥. III.	℥. IV. s.	℥. VI.	℥. VII. s.	℥. IX.
Poli Cretici, Chamæpityos, Styracis calamitæ, Mei, Amomi racemosi, Nardi Celticæ, Terræ Lemniæ veræ, Phu Pontici, Chamædryos, Folii, Chalcitidis tostæ, Rad. Gentianæ, Anisi torrefacti, Hypocistidis, Cubebæ, Gummi Arabici splendidi, Sem. Fœniculi Cretici, Cardamomi minoris, Sem. Seseleos, Succi Acaciæ, Thlaspios, Comarum Hyperici, Ammeos, Calami aromatici, Sagapeni, -- -- ana		℥. s.	℥. I.	℥. II.	℥. III.	℥. IV.	℥. v.	℥. VI.
Castorei, Aristolochiæ longæ, Sem. Dauci Cretici, Bituminis Judaici, Opopanacis, Florum Centaurii mino- ris, Galbani recentis, -- -- ana		℥. II.	℥. s.	℥. I.	℥. I. s.	℥. II.	℥. II. s.	℥. III.
Mellis despumati triplum.	feu	℔. 14. ℥. 5. ℥. 2.	℔. 28. ℥. 10. ℥. 4.	℔. 57. ℥. 9.	℔. 86. ℥. 7. ℥. 4.	℔. 115. ℥. 6. ℥. 4.	℔. 144. ℥. 4. ℥. 4.	℔. 173. ℥. 3.



Theriace ac Mithridatii per Classes parandi modus, ac elaboratio forma, nec non scenica distributio, ad calcem libri duabus tabulis, totam horum tam celebrium medicamentorum structuram comprehendentibus, est expressa.

*Theriace vires, ex Galeni aliorumque testimonio, celebrantur in primis Alexiteria. Unde exhibetur in venenatis morbis, aut venenatorum plagis; Hydrophobiam crebrius data sæpe sustulit; In pestilentibus constitutionibus præservando & curando conducit; non tam animositatem aliquam, opii propter accessum inspirans, quàm potius non exigua selectissimorum alexipharmacorum copia venenatum miasma oppugnans. Capitis dolores diuturnos, vertigines, auditus graves, hebetudines oculorum, gustus instrumentum debilitatum, comitalem morbum, orthopnoicos cum mulsa potum sanat, incidens, attenuans, & educit faciles reddens humores. Succurrit etiam recenti & veteri tussi, & iis quibus thorax dolet. Convenit sanguinem exspuentibus, sive is à thorace, sive à pulmone excernatur. Stomachi vitia, difficilem concoctionem & imbecillitatem emendat, inflationes stomachi, & intestinorum cruciatus sedat, colicos & iliacos placat. Valet etiam in cardiacis, & iis, qui animo linquntur, & chole-ricis. Lumbricorum omne genus expellit; hepaticos affectus, morbo regio laborantes, & induratos lienes curat. In calculo renum, difficili mictione, & vesicæ exulceratione prodest. Præbetur in omnis generis rigoribus diuturnis, maxime verò quartanis, si quis eâ post inclinationem utatur; in biliosis verò febri-*

*bus vitare oportet. Datur etiam hydropicis cum Asari decocto, & similibus malis, potissimum vero iis, qui anasarca laborant. Elephantia quoque correptis & partium corporis resolutionibus auxiliatur. Menses movet, & mortuos fœtus ejicit. Podagra adfectis & arthriticis conducit, post inclinationem multoties pondere drachmæ unius pota, pro viribus & ægri temperamento; opitulatur dolentibus etiam imposita. Insuper animo malè affecto medetur; ex atra enim bile natas diversas imaginationes sedat. Hyemis tempore iter facientibus consulimus, ut ex ipsa parum sumant, viscera enim calefacit & roborat. Dare oportet hoc Medicamentum vacuo stomacho. In æstate parcius sit ejus usus, nec non in vigore ætatis existentibus, ut qui plurimum habent caloris; senioribus verò pituitosis, nauseabundis & cruditate ac stomachi inflatione laborantibus, sæpius & plurimum exhibere convenit.*

### THERIACA SMARAGDINA.

℞. Smaragdi præp. drachm. tres,  
Hyacinthi præp.  
Radicum Pæoniæ,  
Seminum ejusdem,  
Visci querni,  
Cinnamomi,  
Zedoariæ ana drachmas duas,  
Crocī drachmam semis,  
Dictamni Cretici,  
Seminum Citri ana drachmas  
tres,  
Acetosæ,

Coral-



Coralliorum rubrorum præp.  
ana drachmam unam fe-  
mis,

Rasuræ Unicornu,

Eboris ana drachmas  
duas,

Syrupi è succo Limonum,

Mellis despumati ana quantum  
fatis.

Fiat Electuarium molle.

*Epileptics, vertiginosis, & ute-  
rinis affectibus maximè est proficua.  
Vid. Nob. Franc. Ignat. Thiermairii li-  
ber. 1. Cons. med. cap. 1. in schol. &  
cap. 2. schol.*

### THERIACA DIATES- SARON.

℞. Gentianæ,

Baccarum Lauri,

Myrrhæ,

Aristolochiæ rotundæ ana un-  
cias duas,

Mellis despumati libras duas.

*Describitur ab Avicenna & Me-  
sue. Ad venenatos morsus & potus  
efficax, omnesque cerebri frigidos af-  
fectus, convulsiones, resolutionem,  
morbum comitiam, ventriculi infla-  
tionem, ac coctionis tarditatem. Hanc  
passim agyrta & circumforanei cir-  
cumferunt, & pro magna Theriaca  
venalem exhibent.*

Theriaca hæc licet jumentis communiter ex-  
hibeatur, hominibus tamen identidem salutaris ex-  
sistit. Valebit autem plurimum contra pestilentis  
luis infectionem, aliorumque morborum maligno-  
rum contagia, si ei Terram Lemniam, aut Bolum  
Armenam, Dictamnium album, Tormentillam,  
Scordium, Carlinam, Zedoariam vel Angelicam,  
aucto Mellis pondere junxeris. Notabis autem  
vulgares illas radices pro Aristolochiæ radicibus non-  
nunquam venundari solitas, Pistolochiæ radices esse,  
vulgò Hol- Wurk dictas. Aristolochia autem  
vera radix est longè major, & tuberosa, intus soli-

da, colore Buxi flavo, odorem, & saporem Aristo-  
lochiæ longæ nostratis referens.

### MITHRIDATIUM DA- MOCRATIS.

℞. Myrrhæ Troglodyticæ,

Croci,

Agarici,

Zingiberis,

Cinnamomi,

Spicæ Nardi,

Thuris,

Thlaspios ana drachm. decem,

Seseleos,

Opobalsami, vel Olei Nucis  
moschatæ,

Schoenanthi,

Stœchadis,

Costi veri aromatici, aut Ze-  
doariæ,

Galbani,

Terebinthinæ,

Piperis longi,

Castorei,

Succi Hypocistidis,

Styracis rubri,

Opopanacis,

Folii ana unciam unam,

Cassiæ lignæ,

Polii,

Piperis albi,

Scordii,

Sem. Dauci Cretici,

Carpobalsami,

Trochiscorum Cypheos,

Bdellii ana drachm. septem,

Nardi Celticæ,

Sem. Petroselini,

Gummi Arabici,

Opii,

Cardamomi,

Sem. Fœniculi,

Gentianæ,

Florum



Florum Rosarum rubrarum,  
Dictamni Cretici ana drach-  
mas quinque,

Anisi,

Aristolochiæ rotundæ,

Calami aromatici,

Phu,

Sagapeni ana drachmas tres,

Mei Athamantici,

Succi Acaciæ,

Carhis Scinci veri,

Summitatum Hyperici ana  
drachmas duas semis,

Vini quantum satis est,

Mellis despumati triplum, id  
est, libras novem, uncias  
octo, drachmas duas,

*Modus confectionis hic esse solet,  
ut ingredientia ad compositionem hu-  
jus tam famosi Medicaminis in sex  
Classes divisa, in tenuem pulverem re-  
digantur. Classium porrò series hac est.*

### I. CLASSIS.

℞. Sem. Anisi drachmas tres,  
Zingiberis drachmas decem,  
Macis,  
Caryophyllorum ana unciam semis,  
Gentianæ drachmas quinque.

*Pendit hæc Classis in universum  
uncias tres, drachmas duas.*

### II. CLASSIS.

℞. Scordii Cretici drachmas septem,  
Nardi Celticæ,  
Seminis Petroselinæ Macedonici ana drachmas  
quinque,  
Piperis longi unciam unam.

*Pendit hæc Classis in universum  
uncias tres, drachmam unam.*

### III. CLASSIS.

℞. Polii montani drachmas septem,  
Seminis Fœniculi drachmas quinque,  
Phu Pontici drachmas tres.

*Pendit hæc Classis in universum  
unciam unam, drachmas septem.*

### IV. CLASSIS.

℞. Cinnamomi drachmas decem,  
Zedoariæ,  
Seseleos ana unciam unam,  
Rosarum drachmas quinque.

*Pendit hæc Classis in universum  
uncias tres, drachmas quinque,*

### V. CLASSIS.

℞. Dictamni Cretici drachmas quinque,  
Cassiæ lignæ,  
Cubebarum,  
Piperis albi ana drachmas septem,  
Sem. Thlaspios drachmas decem.

*Pendit hæc Classis in universum  
uncias quatuor semis.*

### VI. CLASSIS.

℞. Sem. Dauci drachmas septem,  
Cardamomi drachmas quinque,  
Calami aromatici,  
Aristolochiæ rotundæ ana drachmas tres,  
Angelicæ,  
Hyperici ana drachmas duas semis.

*Pendit hæc Classis in universum  
uncias duas, drachmas septem.*

*Sequentia porrò per se terantur,  
nempe*

Myrrhæ,  
Thuris,  
Agarici,  
Croci ana drachmæ decem,  
Castorei uncia una,  
Bdellii drachmæ septem,  
Carnis Scinci marini, in minutissimas partes inci-  
sæ, drachmæ duæ semis.

*Insuper :*

Spicæ Indicæ,  
Schoenanthi ana drachmæ decem,  
Stœchadis uncia una,  
minutim incisa, mucilagine tragacanthi imbuta,  
& denuo exsiccata, in pulverem redigantur.

Trochiscorum Cypheos, utpote cæteroquin  
apud nos minùs jam usualium, ingredientia, itidem  
in pulverem contusa, sufficientem eorum recipiendo  
dosin, insuper addantur, pulpa vero ex Uvis passis  
educta, & Vino Cretico diluta in ipsa Mithridatii  
mixture infundatur.

*Hoc peracto, Gummia & Succi vi-  
no Cretico solvantur, ac eo planè modo,  
qui in Theriaca prescriptus est, cum  
Terebinthina, Melle & pulveribus sex,*

X

Clas



*Classium uniantur, adjiciendo sub finem Crocum vino Cretico dilutum, itemque Styracem Oleo Nucis moschatæ & eodem Vino liquatum; atque sic sedulâ strenuâque agitatione compositio hac suam perfectionem adquirat, quæ identidem in vase mundo &*

*satis amplo, ut fermentare queat, reponenda, atque ut Theriaca sæpius commovenda, donec in annum adoleverit.*

*Adjicimus hîc Schematismum Mithridatii in duplicata quantitate usque ad duodecuplam parandi, qui sic sese habet:*

MITHRIDATIUM DAMOCRATIS.			In sim- plo.	In du- plo.	In qua- druplo.	In sex- tuplo.	In octu- plo.	In decu- plo.	In duo- decuplo.
R. Myrrhæ Arabicæ, Crocī, Agarici, Zingiberis, Cinnamomi, Spicæ Nardi, Thuris, Thlaspios, -- -- ana	3. x.	3. II. s.	3. v.	3. VII. s.	3. x.	3. XII. s.	3. xv.		
Seseleos, Opobalsami vel Olei Nucis moschatæ, Schoenanthi, Stœchadis Arabicæ, Costi, Galbani, Terebinthinæ, Piperis longi, Castorii, Succi Hypocistidis, Styracis, Opopanacis, Folii, - - - ana	3. I.	3. II.	3. IV.	3. VI.	3. VIII.	3. x.	3. XII.		
Cassia lignæ, Polii montani, Piperis albi, Scordii Cretici, Sem. Dauci Cretici, Carpobalsami, Cypheos Trochiscorum, Bdellii, - - - ana	3. VII.	3. XIV.	3. III. s.	3. v.	3. VII.	3. VIII.	3. x. s.		
Nardi Celticæ, Seminis Petroselinī, Gummi, Opii, Cardamomi, Seminis Fœniculi, Gentianæ, Flor. Rosarum, Dictamni Cretici, - - - ana	3. v.	3. x.	3. II. s.	3. III.	3. v.	3. VI.	3. VII. s.		
Anisi, Aristolochiæ rotundæ, Calami aromatici, Phu, Sagapeni, - - - ana	3. III.	3. VI.	3. I. s.	3. II.	3. III.	3. III.	3. IV. s.		
Mei, vel Angelicæ, Succi Acaciæ, Carnium Scinci, Summitatum Hyperici, - ana	3. I. s.	3. v.	3. x.	3. xv.	3. II. s.	3. III. s.	3. VI.		
Vini quantum satis, Mellis despum. triplum.	℥. 9. 3. 8. 3. 2.	℥. 19. 3. 4. 3. 4.	℥. 38. 3. 9. 3. 4.	℥. 58. 3. 1. 3. 4.	℥. 77. 3. 6. 3. 4.	℥. 96. 3. 10. 3. 4.	℥. 116. 3. 3.		



*Mithridatica Antidotus celeberrima ad lethales & venenatos morbus à Mithridate, Ponti & Bithyniæ Rege, famam & nomen accepit. Valet ad capitis, aurium, oculorum, dentium, pulmonum, ventriculi & intestinorum affectus frigidos seu pituitosos & melancholicos, ad stuporem, paralyfin, apoplexiam, epilepsiam, spasnum, tetanum, cephalæam, hemicraniam, maniam, melancholiam, gravem auditum, oculos lachrymantes, odontalgiam, cynanchen, asthma, sputum sanguinis, peripneumoniam, ventris inflationem, celiacam, lenteriam, dysenteriam, sive sumatur, sive admoveatur, Præterea ad frangendos calculos, difficultatem urinæ emendandam, menses ciendos, foetum mortuum ejiciendum, omnia uterivitia, scirrhus, podagras, morsus & ictus venenatos, morsum canis rabidi, febres quotidianas & quartanas initio accessionum, coctâ jam materiâ, avellane quantitate cum vino vel aqua, cui Salvia, vel Mentha sit incocta, in aliis autem vespere sumta vel admota efficax existit, bonum corporis colorem conciliat, ex morbo languidos reficit, præsumpta non permittit lædi à lethalibus pharmacis, omnibus tandem in profundo corporis factis exulcerationibus & abscessibus medetur.*

### ACORUS CONDITUS VULGARIS.

℞. Conservæ radicum Acori libram unam semis,  
Mellis despumati libram unam,  
Amygdalorum dulcium incisorum libram semis,

Piperis nigri,  
Nucis moschatæ,  
Zingiberis albi ana unciam unam.

Misce, fiat Conditum.

*Ventriculum frigidum & humidum confortat, flatus crassos dissipat, & concoctionem promovet.*

Radices Acori vulgaris seu palustris mundatæ & in taleolas tenuissime incisæ, decoquantur ad mollitiem in vino rubro: postea contusæ & tractæ coquantur iterum cum dupla quantitate sacchari, ad formam Conservæ, sicuti reliquæ.

### ELECTUARIUM ALKERMES.

℞. Succi pomorum dulcium,  
Sacchari albißimi ana libram unam semis.

Coquantur ad crassam consistentiam: postea addatur

Succi granorum Kermes Monspelio allati spissioris libra una semis.

Ab igne depositis & adhuc calentibus misceantur

Ambrae in particula Succi solutæ drachmæ duæ,

Ligni Aloës,

Cinnamomi ana drachmæ sex,

Lapidis Lazuli,

Margaritarum Orient. ana drachmæ duæ,

Foliorum auri,

Moschi in Spiritu rosarum soluti ana drachma una.

Fiat Electuarium.

*Cor ac vitales vires roborat: Ob id syncopen & cordis palpitationes pellit, cerebro quoque ac animali facultati languida succurrit, nec non ab apoplexia præservat. Datur melancholicis.*



*meticulosus ac tristibus, animum quippe hilarem reddit ac reficit.*

In Confectione hac, ad modum Monspeliensibus usitatum, & à Catelano descriptum, paratâ, Sericum, licet per se innoxium, minùs tamen hîc necessarium, ut & Aquam rosarum, coctione exhalantem, omittere; Sacchari dosin imminuere; Succo vero Kermesini quantitatem augere placuit; cùm hic, prout ad nos defertur, jam Sacchari partem pro sui conservatione admixtam habeat; quamvis propterea succum, nimio saccharo turgidum haud approbemus, sed delectum ejus Pharmacopœis nostris commendemus.

Partem etiam hujus Electuarii sine Moscho & Ambra paratam apud nos proflare debere, monemus.

### ELECTUARIUM E BACCIS LAURI RHASIS.

℞. Florum Rutæ drachm. decem,  
Sem. Ammeos,

Cumini,

Nigellæ,

Ligustici,

Carvi,

Dauci,

Calami aromatici,

Origani,

Amygdalorum amarorum,

Piperis nigri,

longi,

Mentastri,

Baccarum Lauri,

Castorei ana drachmas duas,

Sagapeni unciam semis,

Opopanacis drachmas tres,

Mellis triplum, id est, libram unam, uncias quatuor, drachmas septem.

Tritis diligenter, quæ terenda sunt, fiat Electuarium, additis circa finem Lachrymis vino dilutis.

*Comendatur ad colicam & iliacam passionem; ac doloribus intestinorum ex causa frigida vel flatuosa opitulatur. Unde adhibetur utiliter*

*Enematibus, flatibus vel evocantibus, vel discutientibus.*

### CHOCOLATA,

℞. Fructus Peruviani, Cacacii, si-  
ve Cacao dicti libram unam,

Leniter torreatur, & cortice separato, in minutissimum pollinem teratur, qui cum

Sacchari albi libra semis, probè subactus in pastam redigatur, leni calore exsiccandam.

*Vires depredicantur confortantes, impinguantes, & aphrodisiacæ, stomachum inprimis roborantes ejusque digestionem promoventes.*

Simplici huic descriptioni, pro varia Medici intentione, & adfectuum aliarumque circumstantiarum varietatē, plura alia ex tempore commisceri possunt. Quā ratione Siliquæ illæ aromaticæ, Vainiliæ quibusdam dictæ, sive Tlilxochitl, ab Olao Wormio lib. 2. Mus. cap. 31. descriptæ, Cinnamomum &c. interdum adduntur. Prout nec ipsos Americanos, à quibus ortum ducit hæc Confectio, eundem semper componendi modum observare legimus. Vid. præter alios, inprimis Opusculum Antonii Colmeneri de Ledesma, à D. D. Joh. Georg. Volckamero, Archiatro quondam Norico celeberr. A. 1644. Noribergæ editum.

### ELECTUARIUM CONTRA DYSENTERIAM D. D. PHILIPPI HOECHSTETERI.

℞. Conservæ Rosarum rubrarum antiquæ Vitriolatæ uncias duas semis, Pimpinellæ sanguiforbæ drachmas decem,

Theriacæ Andromachi recentis unciam semis,

Trochiscorum de Spodio cum semine Acetosæ drachmas duas,

Rad.



Rad. Consolidæ majoris drachmas sex,  
 Crassulæ, seu Telephii  
 Tragi unciam semis,  
 Pulveris Nucis moschatæ scrupulos quatuor,  
 Specierum Diarrhodon Abbat-  
 tis scrupulos duos,  
 Croci Martis drachmam u-  
 nam semis,  
 Rob Prunorum sylvestrium  
 uncias tres,  
 Syrupi ex Rosis ficcis,  
 Myrtillorum ana unci-  
 am unam.

Misce, fiat Electuarium.

Cum Trochisci Ramich & de Terra sigillata, quondam huic compositioni destinati, amplius in usu nobis haud sint, eorumque vices Trochisci de Spodio facile supplere valeant, horum dosin, omis-  
 sis prioribus illis, auctiorem ponere placuit. Vid. de hoc Electuario D. Authoris dec. 7. observ. med. cas. 9. in schol.

**PHILONIUM ROMANUM**  
 NICOLAI MYREPSI, quod  
 alias etiam MAJUS  
 dicitur.

℞. Piperis albi drachmas quinque,  
 Opii drachmas duas semis,  
 Cassiæ lignæ veræ drachmam  
 unam semis,  
 Sem. Hyoscyami albi drach-  
 mas quinque,  
 Apii drachmam unam,  
 Petroselinæ Macedonici,  
 Foeniculi,  
 Dauci Cretici ana scrupu-  
 los duos, grana quin-  
 que,  
 Croci scrupulum unum,  
 Nardi Indicæ,  
 Pyrethri,  
 Zedoariæ ana grana quindec.  
 Cinnamomi drach. un. semis,  
 Euphorbii,

Myrrhæ,  
 Castorei ana drachm. unam,  
 Mellis optimi triplum, id est,  
 uncias octo, drachmas  
 quatuor semis.

*Colicos affectus, cæterarumque partium graves dolores, ventris, hypochondriorum, ventriculi, uteri, hepatis, lienis, renum, ab intemperie frigida, flatibus crassis aut crudis humoribus excitatos sedat, tusses intensissimas suffocationis periculum minantes, singultum etiam vehementem, nec non urinæ difficultatem tollit, sanguinis ejectionibus, tabidis, suspiriosis, pleuriticis confert, hæmorrhagiam sistit, somnum conciliat, & ita vires reficit, doloresque omnes abigit. Sed in colicis præcipuam habet dignitatem, eique affectui adhibet Galen. lib. 2. de locis affect. doloris enim magnitudo sæpè totam in se curationem intendit & in miseram vitæ desperationem multos conjicit.*

**DIASATYRIUM NICOLAI**  
 ALEXANDRINI.

℞. Radic. Satyrii recentium succu-  
 lentarum,  
 Pastinacæ sativæ recent.  
 Eryngii recentium,  
 Nucis Indicæ,  
 Pinearum,  
 Pistaciorum ana unc. un. semis,  
 Caryophyllorum,  
 Zingiberis albi,  
 Sem. Fraxini,  
 Anisi,  
 Erucæ an. drach. quinque,  
 Urticæ,  
 Cinnamomi,  
 Carnis Scinci veri ana drach-  
 mas duas semis,



Moschi grana septem,  
Mellis despumati optimi libras  
tres.

Radices Satyrii, Pastinacæ & Eryngii seorsim benè tritæ, Melli imponantur ac subigantur, paululumque lento igne ferveſcant, deinde Piſtacia & Nuces Pineæ mundatæ ac tuſæ adjiciantur: ubi cum Melle aliquantulum bullierint, ſublato ab igne lebetes, tuſæ & cribratæ Species, ac poſtremo Moſchus cum pauca Roſarum aqua ſolutus addatur; omniaque probè permisceantur.

*Analepticum eſt Medicamentum, conſumptos & emaciatos reſciens, ſemen augens, & venerem languidam concitans, contra renum & veſicæ imbecillitatem valet, remorantem urinam propellit.*

Nota, Satyrii & Paſtinacæ radices Melle, aut Saccharo conditas, ad hujus compoſitionis ſtructuram adſervari poſſe, tamdiu donec Paſtinacæ ſativæ ad maturitatem pervenerint, unde Mellis libræ tres ſufficere poterunt.

Welfchius hujus Electuarii præparationem ſecundum illam, in Diacoro Meſ. ab ipſo poſtea docendam inſtituit.

### DIASCORDIUM HIERONYMI FRACASTORII.

℞. Scordii unciam unam,  
Cinnamomi,  
Caſſiæ ligneæ,  
Diſtamni Cretici,  
Tormentillæ,  
Biſtortæ,  
Galbani,  
Gentianæ,  
Gumi Arabici ana unc. ſemis,  
Seminis Acetoſæ,  
Opium ana drachm. unam ſemis,  
Styracis calamitæ drachmas  
quatuor ſemis,

Boli Armenæ unc. unam ſemis,  
Terræ Lemniæ unciam ſemis,  
Piperis longi,  
Zingiberis ana drachm. duas,  
Mellis clar. libras duas ſemis,  
Conſervæ Roſarum libram unam.

Fiat Electuarium.

*Egregium eſt ſudoriferum, in morbis malignis admodum proficuum; conducit etiam in diarrhœa, dysenteria &c. Describitur ab Hieronymo Fracaſtorio de Contag. & morbis contagioſis lib. 3. cap. 7. & in peſte correptis ac extremè deſperatis comendat hoc modo:*

℞. Succo Lujulæ uncias duas,  
Citri unciam unam,  
Diaſcordii drachmam unam,  
Specierum Cord. & Gemmis ſcrupulos duos,  
Aceti unciam unam,  
Omnia miſceto, pro una doſi.

Welfchius circa hujus Electuarii confectionem, ratione conſervæ roſarum, illud Guidonis contra peſtem conſulendum eſſe monet.

### ELECTUARIUM, ſive CONSERVA SPAGIRICA.

℞. Saliū cryſtalliſat. Abſinthii uncias duas,  
Meliffæ,  
Urticæ ana unc. unam,  
Tartari vitriolati unc. ſemis,  
Arcani duplicati Myſſichti uncias duas.

Misceantur, & fiat pulvis, cui adfundantur

Spiritus ſulphuris campanati drachmæ duæ;  
poſtquam deferbuerint, addantur  
Conſervæ flor. Roſar. rubrar.  
Tunicæ ana libra una,  
Olei



Olei Cinnamomi drachmæ  
quinque,  
Corticum Citri,  
Sem. Anisi ana drachma u-  
na,  
Fœniculi,  
Menthæ ana drachma semis.  
Misceantur.

Si completa hæc Confectio desi-  
deretur, addantur ei

Ambra griseæ grana quindecim,  
in Spiritu Rosarum  
solutæ.

*Medicamentum hoc celebratur ut  
spleneticum & nephriticum eximium,  
dum obstructiones solvit, humores  
crassos attenuat, viscidos incidit, fla-  
tus dispellit, spiritus reficit, & calcu-  
lum expellit. Cujus descriptionem,  
pro magno quondam secreto habitam,  
& ipsi tandem communicatam, debe-  
mus excellentissimo nostro Collegæ,  
D. D. Georgio Tobiaë Dürrio, Coll.  
Med. Vicario; quam etiam, ab hac  
tamen nonnihil diversam, Chimia suæ  
experimentalis curiosæ sect. 6. cap. 16.  
Clar. D. Jo. Helfr. Jüncken inseruit.*

#### ELECTUARIUM STOMA- CHICUM STROMAYERI.

℞. Zingiberis albi crassiusculè in-  
cisi unciam unam,  
Caryophyllorum minutim in-  
cisorum unciam semis,  
Acori conditi uncias tres,  
Conservæ Menthæ,  
Melissæ ana uncias  
duas,  
Rosarum rubrarum  
uncias quatuor,  
Sacchari albi uncias sex cum  
sufficiente quantitate aquæ  
rosarum soluti,  
Fiat Electuarium.

*Vires ejus in confortando stoma-  
cho, multiplici apud nos usu commen-  
dantur.*

#### CONDITA.

Aurantiorum Cortices,  
Flores,  
Berberes cum stipitibus,  
sine stipitibus,  
Calamus aromaticus,  
Cerasa acida,  
Citri Caro,  
Cortices,  
Flores,  
Cichorii radices,  
Cydonia,  
Enula,  
Eryngium,  
Lactuca Hispanica,  
Myrobalani Chebulæ,  
Nuces Juglandes,  
moschatae communes,  
moschatae Lusitanicæ  
maiores,  
Pimpinella,  
Pruna sylvestria,  
Ribes,  
Satyrii radices,  
Scorzonera,  
Zingiber Chinense,  
Indicum,  
Vulgare,

Ex his, quæ apud nos condiri pos-  
sunt, Saccharo clarificato, ut ar-  
tis est, condiantur; reliqua aliun-  
de ad nos allata, ut ritè se habe-  
ant, Pharmacopœus videat.

#### CONSERVÆ.

Acetosellæ,  
Acori vulgaris,  
Anthos,

Balau-



Balauftiorum,  
 Bellidis hortensis,  
 Boraginis,  
 Calendulæ,  
 Cichorii,  
 Citrariæ,  
 Citri ex pulpa,  
 Cochleariæ,  
 Euphrasiæ,  
 Fumariæ,  
 Liliorum alborum,  
 Majoranæ,  
 Menthæ rubræ,  
 Papaveris erratici,  
 Pæoniæ,  
 Rosarum Damascenarum,  
 Rubrarum simplex.  
 Tunicæ,  
 Violarum,

Flores minutissimè inciduntur, & singulis libris florum addantur Sacchari albissimi libræ duæ, iis scilicet, qui humidi ac mucilaginosi fuerint, ut Boraginis, & similibus; siccioribus verò, quales sunt Majoranæ, Melissæ &c. addantur Sacchari albissimi libræ duæ semis, adfusâ aliquantulum aquâ stillatitiâ, ut commodiùs pistillo permisceri possint.

#### DIACYDONITES SIMPLEX.

℞. Pulpæ Cydoniorum cum suc-

co Cydon. depurato paratæ,

Sacchari albissimi despumati  
 & ad spissitudinem justam  
 cocti ana libras octo.

Coquantur ad debitam consistentiam, ut possit infundi scatulis. Vel fiant in forma Electuarii spissi.

*Eodem modo fiunt alia Electuaria ex Prunis, Pyris, Pomis, Persicis, Cerasis, Ribibus, Berberibus &c.*


Quidam octo libris Pulpæ Cydoniorum addunt sex libras Sacchari clarificati.

#### DIACYDONITES AROMATICUM.

℞. Diacydonii simplicis ad justam consistentiam cocti libram unam,  
 Specierum Imperatoris sine Moscho, incisarum unciam semis,  
 Seminis Coriandri drachmam unam,  
 Corticis Citri exterioris recentis minutim incisi drachmas quinque,  
 Misceantur & fundantur in scatulas.







# CLASSIS DECIMÆ TERTIÆ

## SECTIO SECUNDA,

### DE

# MEDICAMENTIS MINUS

## USUALIBUS.

### THERIACA COMMUNIS SEU AUGUSTANA.

℞. Rad. Enulæ libram semis, uncias quinque, drachm. septem,  
 Aristolochiæ rotundæ veræ libram semis, unciam unam semis,  
 longæ unciam unam semis, drachmas duas,  
 Gentianæ,  
 Dictamni albi,  
 Tormentillæ,  
 Spicæ Romanæ,  
 Calami aromatici ana unciam unam semis,  
 Mei,  
 Phu,  
 Pimpinellæ ana drachmas sex,  
 Zedoariæ uncias duas, drachmas sex,  
 Zingiberis drachmas tres,  
 Fol. Scordii,  
 Chamædryos,  
 Chamæpityos ana uncias tres, drachmas sex,  
 Scabiosæ,  
 Sabinæ ana unciam unam, drachmas sex,  
 Betonicæ,  
 Salviæ domesticæ,  
 Prasii ana unciam unam semis,  
 Melissæ hortensis,  
 Menthæ rubræ ana drachmas sex,  
 Absinthii,  
 Calaminthæ montanæ ana drachmas tres,

Comarum Hyperici unciam unam, drachmas sex,  
 Corticum Citri siccorum uncias tres, drachmam unam,  
 Sem. Rutæ unciam unam, drachmas sex,  
 Ammeos,  
 Carviana drachmas sex,  
 Baecarium Lauri unciam unam semis,  
 Granorum Juniperi uncias tres, drachmas sex,  
 Nucum Juglandium numero sexaginta,  
 Sandali rubri,  
 Succini citrini,  
 Macis ana drachmas sex,  
 Piperis nigri,  
 Castorei ana drachmas tres,  
 Vitrioli præparati unciam unam semis,  
 Boli Armenæ præparatæ libram semis,  
 Opii Thebaici,  
 Sulphuris vivi præparati ana uncias tres, drachmam unam,  
 Cornu Cervi præparati unciam unam semis, drachm. semis,  
 Olei Juniperi è baccis uncias tres,  
 Oxymelitis Scillini libram unam,  
 Succi Corticum Fraxini uncias tres,  
 Vini Cretici libram unam,  
 Mellis optimi despumati triplum.

Simplicibus singulis suo tempore collectis, & artificiosè præparatis, fiat Theriaca in bona forma.

*Theriaca hac vulgus ad subitas morborum invasiones, ubi contagii alicujus suspicio suberat, commodè quondam utebatur: Sudores enim potenter prolicit, humorum putre-*



*putredini adversatur, eorumque corruptionem emendat; colicos insuper, inflatos, ex ventre, vesica, stomacho, aut utero dolentes adjuvat, venenis resistit, malignarum febrium primos insultus reprimat, cordis noxas à putridorum succorum halitu ortum ducentes discutit, coctionem adjuvat, frigidam viscerum intemperiem corrigit, ac contra venenati aut contaminati aëris noxas salubriter adsumitur.*

## ANTIDOTUS MAT- THIOLI.

℞. Rhabarbari,  
Rhapontici,  
Rad. Phu,  
Calami aromatici,  
Cypero,  
Quinquefolii,  
Tormentillæ,  
Aristolochiæ rotundæ,  
Pæoniæ,  
Helenii,  
Costi,  
Ireos Illyricæ,  
Chameleontis albi ana drachmas  
tres,  
Galangæ,  
Imperatoriae,  
Dictamni albi,  
Angelicæ,  
Filipendulæ,  
Zedoariæ,  
Zingiberis ana drachmas duas,  
Agarici drachmas tres,  
Gentianæ,  
Morsus Diaboli ana drachmas duas  
semis,  
Sem. Citri,  
Vitici,  
Cocci infectoriæ,  
Fraxini,  
Oxalidis,  
Pastinacæ sylvestris,  
Napi,  
Nigellæ,  
Pæoniæ,  
Ocimi,  
Irionis,

Thlaspios,  
Foeniculi,  
Ammeos ana drachmas duas,  
Baccarum Lauri,  
Juniperi,  
Hederæ,  
Smilacis asperæ,  
Cubearum ana drachmam  
unam semis,  
Foliorum Scordii,  
Chamædryos,  
Chamæpityos,  
Centaurei minoris,  
Stœchadis Arabicæ,  
Nardi Celticæ,  
Calaminthæ,  
Rutæ,  
Menthæ,  
Betonicæ,  
Verbenacæ,  
Scabiosæ,  
Cardui benedicti,  
Melissophylli ana drachmam  
unam semis,  
Millefolii,  
Libanotidis maris,  
Dictamni Cretici ana drachm.  
tres,  
Sampsuchi,  
Hyperici,  
Junci odorati,  
Marrubii,  
Galegæ,  
Sabinæ,  
Pimpinellæ ana drachmas  
duas,  
Caricarum,  
Nucum Juglandium,  
Pistaciorum ana uncias tres,  
Myrobalanorum Emblicarum drachmas  
quatuor,  
Florum Buglossi utriusque,  
Rosarum,  
Lavendulæ,  
Salviæ,  
Rorismarini ana scrupulos qua-  
tuor,  
Croci drachmas tres,  
Cassiae lignæ veræ drachm. decem,  
Caryophyllorum,  
Nucis moschatæ,



Macis ana drachmas duas semis,  
 Piperis nigri,  
     longi,  
 Sandalorum omnium,  
 Agallochi ana drachmam unam semis,  
 Cornu Cervi unciam semis,  
 Unicornu drachmam unam,  
 Offis de corde Cervi,  
 Ramentorum Eboris,  
 Virgæ Cervinæ,  
 Castorei ana scrupulos quatuor,  
 Terræ Lemniæ drachmas tres,  
 Opii drachmam unam semis,  
 Margaritarum Oriental.  
 Fragmentorum Smaragdi,  
     Hyacinthi,  
     Corallii rubri ana drach-  
         mam unam semis,  
 Camphoræ drachmas duas,  
 Mastiches,  
 Thuris,  
 Styracis,  
 Myrrhæ,  
 Gummi Arabici,  
 Resinæ Terebinthinæ,  
 Sagapeni,  
 Opopanacis,  
 Laserpitii ana drachmas duas semis,  
 Moschi odorati,  
 Ambræ ana drachmam unam,  
 Olei Vitrioli unciam semis,  
 Specierum Cord. temperatarum,  
     Diamargariti frigidi,  
     Diamoschu dulcis,  
     Diambæ,  
     De gemmis frigid.  
 Trochiscorum de Camphora,  
     Scillinorum ana drach-  
         mas duas semis,  
     de Vipera uncias duas,  
 Succi Oxalidis,  
     Sonchi,  
     Scordii,  
     Echii,  
     Buglossi,  
     Melissophylli ana libram semis,  
     Hypocistidis drachmas duas,  
 Theriacæ electæ,  
 Mithridatii optimi ana uncias sex,  
 Vini veteris albi odorati libras tres,

Mellis optimi libras octo, & uncias  
 sex.

Fiat secundum artem Electuarium eo mo-  
 do, quo Theriaca aut Mithridatium confi-  
 ciuntur.

*Describitur à Petro Andrea Matthiolo  
 in Commentar. ad librum 6. Dioscoridis. Ex  
 cujus commendatione, facit adversus ple-  
 raque venena, quæ per os ingeruntur, item-  
 que adversus ea, quæ morfu, vel ictu in-  
 feruntur; pesti plurimum adversatur,  
 morbosque malignos præcavet & expellit,  
 ac Theriacæ, aut Mithridatii vires æmu-  
 latur.*

Si hujus Antidoti ex gr. libra semis cum Spi-  
 ritus vini libris duabus semis aliquandiu digeratur,  
 & liquor filtratus cum Syrupi de Corticibus Citri  
 dimidia libra misceatur, constituit AQUAM  
 ANTIDOTALEM MATTHIOLI, iis-  
 dem, quibus ipsa Antidotus, viribus pollentem.

## DIACORUM MESUÆ.

℞. Rad. Eryngii,  
     Calami aromatici,  
 Pinearum ana libram unam semis.

Radices Eryngii mundatæ & incisæ co-  
 quantur in aqua clara, donec aqua con-  
 sumatur. Postea optimè pistentur, & in  
 minutissimas partes conterantur, ad pul-  
 tis consistentiam: deinde adfundendo  
 Mellis optimè despumati libras decem, co-  
 quantur lento igne, donec tota aqua,  
 quam radices imbibebunt, in vaporem re-  
 soluta sit, diligenter agitando, ne radices  
 adurantur. Cum autem justæ spissitudi-  
 nis consistentiam adquisiverit, ab igne  
 deponatur, & radices Acori tenuissimè  
 tritæ ac Pineæ minutissimè incisæ, cum  
 subsequenti pulvere optimè mixtæ, ad-  
 dantur:

℞. Piperis nigri unciam unam,  
     longi,  
 Caryophyllorum,  
 Zingiberis,  
 Rosarum,  
 Macis ana unciam semis,  
 Nucis moschatæ,



Galangæ,  
Cardamomi ana drachmas tres.

*Mesue ad nervorum ægritudines frigidæ Conditum hoc præcipue commendat in praxi cap. de affect. nervorum.*

Rectius fieri hoc Electuarium tali modo Welſchius cenſet, ut radices eryngii & calami aromatici benè mundatæ, in taleolasque ſectæ immittantur in veſicam, & adfuſa aquæ ſufficienti quantitate, atque appoſito capitello cum recipiente coquantur, & aqua ſpirituofa & aromatica prodiens, adſervetur, deinde aqua reſidua è radicibus decantetur, radices in umbra parùm ſiccentur, cum aqua decantata ſaccharum (quod melli præfert, licet cuivis integrum relinquat etiam mel accipere,) clarificetur, coletur per manicam, coquatur ad conſiſtentiam ſufficientem pro immiſcenda aqua ſpirituofa proleſta, quæ ab igne remoto eſt jungenda: tum huic Syrupò admiſce radices ſuperiores, nec non pineas conciſas, item aromata craſſiuscule conciſa & contuſa.

### ELECTUARIUM ALKERMES MESUÆ.

- ℞. Serici ſucco granorum tinctorum recenter tinctorum libram ſemis,  
Succi Pomorum dulcium,  
Aquæ Roſarum,  
Sacchari albi ana uncias novem,  
Ambræ grifeæ drachmas duas,  
Ligni Aloës optimi,  
Cinnamomi electi ana drachmas tres,  
Lapid. Cyanei loti & præparati,  
Margaritarum albarum ana drachmas duas,  
Foliorum Auri drachmam ſemis,  
Moſchi laudatiſſimi ſcrupulum ſemis.

Sericum in aqua & ſucco maceretur viginti quatuor horis, deinde pauliſper his incoquatur, donec liquores iſti rubescant, quos, expreſſo & abjecto Serico, coque cum Saccharo ad Mellis conſiſtentiam. Ab igne depositis & adhuc calentibus miſce Ambram, in particula Succi calentis ſolutam, Moſchum aquâ Roſarum dilutum, pulverem Ligni Aloës, Cinnamomi, Lapidis Cyanei, & Margaritarum, ac tandem Folia Auri.

*Vires ex ſuperiore Confectione Alkermes patent.*

### CONFECTIO ANACARDINA MESUÆ.

- ℞. Myrobalanorum Chebularum,  
Emblicarum,  
Belliricarum,  
Indarum.

- Piperis nigri,  
longi,  
Caſtorei ana drachmas duas,  
Coſti,  
Anacardiorum præparatorum,  
Sacchari albi,  
Sem. Nigellæ aut Eruçæ,  
Baccarum Lauri ana drachmas ſex,  
Cyperis drachmas quatuor.

Cum Melle deſpumato fiat Electuarium.

*Valet ad ventris totius inferioris & cerebri affectus frigidos, ſanguinem puriorem reddit, ac inde ſpiritu animali puriore tenuioreque effecto, ſenſus omnes juvat; unde eam Meſue Confectionem Sapientum eſſe dixit. Cautè tamen hoc Medicamento eſt utendum, & ab ejus adſumptione à labore, ira, coitu ac ebrietate cavendum.*

Confectioni huic licet ad mentem Meſuæ butyri recentis non ſaliti uncia quinque ſemis permiscendæ quondam fuerint. Quia tamen rancorem hinc facile contrahere ſolet, Pharmacopœi noſtri eandem ſine eo parare conſueverant, uſus tantum tempore determinatam ejus quantitatem admiſcentes; quod etiam planè omitti poſſet, ſi, quod veriſimile videtur, correctioni acrimoniæ in Anacardiis recentioribus deprehendendæ, primitus fuerit deſtinatum, cum, quæ ad noſtras manus deveniunt, neque exceſſivâ illâ vi exurente ampliùs polleant, neque ea ipſa in præparatione, juxta mōdum præſcriptum inſtitutâ, ſuperſtes eſſe queat.

### CONFECTIO ARCHIGENIS.

- ℞. Caſtorei,  
Piperis longi,  
nigri,  
Styracis,  
Spicæ,  
Coſti,  
Galbani,



Opī ana unciam semis,  
 Croci drachmas duas.  
 Cum Mellis despumati sufficiente quanti-  
 tate

Fiat Electuarium.

*Efficax est ad sputum sanguinis, & tus-  
 sim diuturnam ex materia corrupta sanio-  
 sa, vel ab ulcere ac phthisi, mundificat enim  
 & abstergit materiam crassam ac putridam;  
 uteri præfocationi, paralyti, vesicæ vitiis,  
 fluxui ventris, febrilibus paroxysmis ac ve-  
 nenis resistit.*

In Zvvelferiano præparandi modo taxandum  
 esse scribit Welschius, quod 1. pulvis croci admi-  
 sceatur, qui tamen in Theriaca & Mithridatio sem-  
 per vinò dilui debuerit; 2. resinæ styracis uncia di-  
 midia pro ipsius styracis uncia dimidia sumatur,  
 quod etiam in Theriaca & Mithridatio factum fuit,  
 cum tamen ex uncia dimidia styracis tantundem re-  
 sinæ impetrari nequeat. Ipsius verò præparatio-  
 nis modum addere, quòd omnibus sit notissimus,  
 intermittit; id quod etiam de sequentibus duabus  
 compositionibus animadvertit.

## ATHANASIA MAGNA NICOLAI ALEXAN- DRINI.

℞. Cinnamomi,  
 Cassiæ lignæ ana drachmas tres, grana  
 septem,  
 Croci,  
 Schoenanthi,  
 Styracis calamitæ,  
 Opī,  
 Phu,  
 Betonice,  
 Sem. Hyoscyami,  
 Seseleos,  
 Apī,  
 Dauci,  
 Anisi ana drachmam unam semis,  
 grana tria,

Spicæ Indicæ,  
 Symphyti,  
 Helenii,  
 Acori,  
 Asari,  
 Mei,  
 Cortic. rad. Mandragoræ,

Folii,  
 Polii,  
 Baccarum Lauri,  
 Piperis albi,  
 longi,  
 Castorei,  
 Myrrhæ,  
 Mumie,  
 Sanguinis draconis,  
 Boli Armenæ,  
 Charabe,  
 Corallii rubri,  
 Lapidis Hæmatitæ ana drachm. semis,  
 Sem. Oxyacanthæ uncias duas,  
 Plantaginis minoris drachmam u-  
 nam, grana quatuor,  
 Petroselinī drachmam semis,  
 Baccarum Myrti,  
 Rosarum ana drachmam unam, grana  
 quatuor,  
 Succī Plantaginis uncias tres,  
 Hypocistidis,  
 Acaciæ,  
 Oxyacanthæ ana uncias duas,  
 Mellis triplum.

*Dysenteria laborantibus & cœliacis  
 confert, ac fluxum muliebrem superfluum  
 restringit, facit ad profluvium sanguinis  
 narium, aliarumque partium, & eos, qui  
 cibum non retinent in ventriculo, juvat.*

## AUREA ALEXANDRINA NICOLAI ALEXAN- DRINI.

℞. Asari,  
 Carpobalsami ana drachmas duas se-  
 mis,  
 Caryophyllorum,  
 Opī Thebaici,  
 Myrrhæ,  
 Cyperi rotundi ana drachmas duas,  
 Sem. Hyoscyami albi drachmas duas se-  
 mis,  
 Seseleos,  
 Sinapis,  
 Saxifragiæ,  
 Anethi,  
 Anisi,  
 Cardamomi minoris,



Folii,  
 Salviæ,  
 Opobalsamī,  
 Cinnamomi,  
 Cassiæ lignæ veræ,  
 Costi veri,  
 Mei,  
 Zedoariæ,  
 Zingiberis,  
 Euphorbii præparati,  
 Tragacanthi,  
 Thuris masculi,  
 Styracis calamitæ,  
 Corallii ana drachmam unam,  
 Aiptæ moschatae,  
 Rhabarbari, aut Rhapontici veri,  
 Galangæ,  
 Spicæ Indicæ,  
 Rad. Pæoniæ,  
     Eryngii,  
     Acori veri,  
     Aristolochiæ longæ,  
     Gentianæ,  
     Phu,  
 Cort. radic. Mandragoræ,  
 Sem. Ligustici,  
     Rutæ,  
     Sinoni, seu Amomi vulgaris Offici-  
         narum,  
     Carvi,  
     Amomi veri,  
     Petroselinī Macedonici,  
     Ammeos,  
     Dauci Cretici,  
 Anacardii præparati,  
 Baccarum Lauri,  
 Piperis longi,  
     albi,  
 Rosarum rubrarum,  
 Thymi,  
 Pulegii,  
 Chamædryos,  
 Ligni Aloës,  
 Xylobalsami, vel Sandali citrini,  
 Castorei,  
 Opopanacis,  
 Mastiches,  
 Sulphuris vivi,  
 Margaritarum albarum,  
 Blattæ Byzantiæ,

Offis de corde Cervi ana drachmam se-  
 mis, grana tria,  
 Foliorum Auri numero viginti quinque,  
     Argenti numero duodecim,  
 Limaturæ Eboris,  
 Calami aromatici,  
 Pyrethri ana grana novem,  
 Mellis triplum.

*Compositio hæc ab Auro, quod ad ejus constitutionem expetitur, vel potius à vi-  
 rium præstantia sic dici creditur, & paulo  
 aliter à Fuchsio, ut & Actuario describitur.  
 Efficax esse perhibetur contra capitis deflu-  
 xiones à frigore conceptas, cum dolorem  
 confestim mitiget, oculorum lachrymas sistat,  
 dentium dolores sanet, & omnem noxam  
 capitis à frigido & humido, non modo epo-  
 ta, sed & imposita, & fronti illita propel-  
 lat; comitialibus, vertiginosis, paralyticis,  
 apoplecticis utilis, furiosorum incompósitos  
 motus compescit, tabidis, tussiculosis, asth-  
 maticis, sanguinis rejectionibus, cardiacis,  
 ischiadicis, colicis, nephriticis, dysuriæ,  
 stranguriæ, ischuriæ est auxilio, calculos re-  
 num & vesicæ comminuit, quotidianis ac  
 tertianis febribus circa accessionis initium  
 cum decocto Stæchadis medetur.*

### ELECTUARIUM CHA- LYBEATUM.

℞. Limaturæ Chalybis præparat. uncias  
 septem.  
 Cinnamomi acuti,  
 Nucis moschatae ana drachmas sex,  
 Rhabarbari electi drachmas duas,  
 Specierum Aromat. Rosati drachm. sex,  
 Mellis optimi despumati,  
 Sacchari albissimi ana uncias tredecim.  
 Misce ad lentum ignem, & fiat  
 Electuarium.

*Hujus Electuarii inventor existit Fa-  
 bricius Barzonius, Professor Bononiensis,  
 fuitque ejus usus in jecoris diuturna obstru-  
 ctione, & albo virginum ictero. Erat id  
 quondam familiarissimum Clarissimis viris  
 D. D. Cratoni, Philippo Menzelio, ac Tho-  
 mæ Meermannō, quo muliebrem præsertim  
 cachexiam pellebant.*



## CONDITUM PRO FAMILIA ANTIDOTALE STAPEDII.

- ℞. Granorum Juniperi uncias sex,  
 Caricarum pinguium num. duodecim,  
 Nucleorum Nucum Juglandium uncias  
 octo.  
 Conservæ florum Boraginis,  
 Buglossi ana uncias  
 quatuor,  
 Theriacæ veteris,  
 Mithridatii optimi ana uncias duas,  
 Radicum Tormentillæ,  
 Gentianæ,  
 Pimpinellæ,  
 Angelicæ,  
 Zedoariæ ana unciam unam.  
 Cum Syrupo de Limonibus  
 fiat Conditum.

*Vires ex inscriptione patent.*

## ELECTUARIUM DIURETICUM BARTHOLOMÆI MONTAGNANÆ.

- ℞. Cineris putaminum ovorum, è quibus  
 pulli sunt exclusi,  
 Vitri combusti,  
 Lapidis Spongiæ,  
 Judaici ana drachmam unam se-  
 mis,  
 Sem. Apii,  
 Rusci,  
 Petroselini,  
 Asparagi,  
 Levistici ana drachmam unam,  
 Anisi,  
 Glycyrrhizæ ana unciam semis,  
 Sanguinis Hirci præparati drachmas  
 quinque,  
 Mucilaginis Sebesten libram unam,  
 Sacchari rubri libram semis,  
 Oxymelitis compositi uncias tres,  
 Pistaciorum mundatorum uncias qua-  
 tuor.

Infundantur Pistacia in aqua cineris calidi  
 per duos dies, postea minutim incidantur,  
 & coquantur simul mucilagines: Oxyme-  
 li & Saccharum deinde in mortario incor-

porentur cum Pistaciis & aliis Speciebus.  
 Fiat Electuarium.

*Confert in urinæ retentione, dysuria, &  
 stranguria: Nam urinam potenter provocat,  
 & calculos rumpit. Cæterum cum in usu  
 nobis amplius haud sit, multa de eo verbo  
 facere nil attinet.*

## ELECTUARIUM DE SCORIA FERRI RHASIS.

- ℞. Myrobalanorum Indarum,  
 Belliricarum,  
 Emblicarum ana drach-  
 mam unam,  
 Spicæ Indicæ,  
 Schoenanthi,  
 Cyperi,  
 Zingiberis,  
 Piperis,  
 Ammeos,  
 Thuris ana unciam semis,  
 Scoriæ Ferri infusæ aceto per dies se-  
 ptem, postea torrefactæ drachmas  
 tres,  
 Mellis decocti cum Apozemate Embli-  
 carum uncias sedecim.  
 Misce, fiat Electuarium.

*Ejusdem cum præcedenti Electuario  
 chalybeato est virtutis.*

## ELECTUARIUM MAGNANIMITATIS.

- ℞. Elect. Diasatyrii unciam unam semis,  
 Diacori Mesuæ drachmas tres,  
 Nucis Indicæ conditæ,  
 Radicis Satyrii conditæ,  
 Specier. Diatrion pipereon,  
 Confectionis Anacardinæ ana  
 drachmas duas,  
 Pistaciorum mundatarum,  
 Pinearum mundatarum ana unciam se-  
 mis,  
 Sem. Eruçæ,  
 Urticæ,  
 Pastinacæ ana drachmam semis,  
 Priapi Tauri,  
 Cervi,

Testi-



Testiculorum Equi ana drachmam unam  
femis,  
Carnis Scincorum drachmas duas,  
Cardamomi minoris,  
Boracis Veneti ana drachmam femis,  
Cantharidum ablatis alis & capitibus  
numero duodecim,  
Moschi grana quinque,  
Ambræ grana tria.  
Cum brodio Nucis moschatæ Indicæ  
Fiat Electuarium.

*Aphrodisiacas vires obtinet.*

### MICLETA NICOLAI MYREPSI.

℞. Quinque generum Myrobalanorum pa-  
rum tostarum ana drachmas duas  
femis,  
Sem. Nasturtii,  
Cumini,  
Anisi,  
Foeniculi,  
Ammeos,  
Carui ana drachmam unam femis.

Omnia cruda terantur, & macerentur in  
modico Aceto vini, horis viginti quatuor,  
exsiccentur subinde adperso aceto, ac tor-  
refiant leniter super prunas, deinde addan-  
tur sequentia:

Spodii de Ebore,  
Balauftiorum,  
Pulpæ Rhois, id est, Sumach,  
Mastiches,  
Gummi Arabici ana drachma una, grana  
quindecim,

Omnia cum Oleo Rosaceo fricentur &  
commisceantur cum Syrupi Myrtini triplo,  
id est, unciis decem, drachmis tribus &  
quartâ parte drachmæ.

*Utilis est dysenteriae, intestinorum le-  
vitate laborantibus, inflationibus intestino-  
rum: ad omnes insuper coeliacos affectus  
atque hæmorrhoides fluentes efficax. Cete-  
rùm qui hac uti velit, pro lubitu eam ipse  
emendet, cum emendationem non uno modo  
admittat.*

### ELECTUARIUM DE OVO MAXIM. IMP. P. F. AUG.

℞. Ovum gallinæ recens, & educto per api-  
cem albumine, id, quod vacuum est,  
Croco Orientali non pulverisato im-  
ple, vitellum non auferendo: po-  
stea cum alio putamine iterum oc-  
clude, ne quid transpiret, & lento  
igne tandiu assa in ollula, donec  
tota ovi testa nigrescere incipiat, di-  
ligenter cavendo, ne Crocus com-  
buratur. Exemta è testa materia  
exsicceetur, ut in mortario exquisi-  
tissimè contundi, & in pulverem re-  
digi queat, addendo pulveris Sinapis  
albi, quantum prædicta omnia ponde-  
rant. Postea

℞. Pulver. Dictamni albi,  
Tormentillæ ana drachmas  
duas,  
Myrrhæ,  
Cornu Cervi,  
Angelicæ,  
Pimpinellæ,  
Granorum Juniperi,  
Zedoariæ,  
Camphoræ ana unciam femis.

Misce omnia simul in mortario, & tan-  
dem adice Theriacæ optimæ ad pondus  
omnium, ac iterum pistillo fortiter con-  
tunde & commisce, per tres quasi integras  
horas agitando. Fiat Electuarium, ut est  
artis.

*Præcipuus ejus usus est in peste & præ-  
servatione à venenis deleteriis: sudores po-  
tenter movet, & venenatos ichores à cen-  
tro ad circumferentiam propellit, cor à te-  
tris fuliginibus tuetur, ac pestilentis luis no-  
xas disjicit.*

Nucem vomicam, Venenorum classi à mul-  
tis illatam, & cujus drachma una huic composi-  
tioni quondam destinabatur, consultò omittimus; cum  
sine ea Electuarium vires suas alexipharmacas satis  
exferat; vel aliorum ad exemplum, semine Citri,  
radice Petasitæ, aliisve, locus ejus securiùs implea-  
tur.

Welschius non putat, in hoc Electuario  
(quod Imperatori ab impudenti quodam empiri-  
co obtrusum scribit Casp. Hofmannus lib. 2. de  
med. offic. cap. 162. §. 150.) ovi vitellum addi  
propter



propter vim alexipharmacam, sed ut croci color intendatur; id quod mangonium sit pigmentariorum; si autem accipiat vitellus ferè, sed tamen non planè ad duritiem coctus, & in mortario ei sensim pulvis croci terendo permisceatur, tunc ipsum colorem adquirere elegantissimum.

## ELECTUARIUM GUIDONIS CONTRA PESTEM,

QUOD ALII

## ELECTUARIUM PAPÆ VOCANT.

℞. Granorum Juniperi drachmas duas semis,

Caryophyllorum,

Macis,

Nucis moschatæ,

Zingiberis albi,

Zedoariæ ana drachmas duas,

Radic. Gentianæ,

Tormentillæ,

Dictamni albi,

Aristolochiæ rotundæ,

longæ ana drachm.

duas semis,

Doronici drachmam semis,

Herbæ Tunicæ, vel Cardui benedicti drachmas duas,

Salviæ,

Rutæ,

Balsamitæ,

Menthæ crispæ ana drachmam unam,

Baccarum Lauri,

Croci Orientalis,

Sem. Acetosæ,

Citri,

Ocimi,

Ligni Aloës,

Sandali citrini,

rubei,

albi,

Mastiches,

Thuris,

Boli Armenæ,

Terræ Lemniæ,

Spodii præparati,

Offis de corde Cervi,

Rasuræ Eboris,

Margaritarum præparatarum,

Coralliorum rubrorum,

Fragmentor. Sapphiri,

Smaragdi ana drach. semis,

Conservæ Rosarum,

Buglossi,

Nymphææ,

Theriacæ Andromachi ana unciam unam,

Sacchari optimi libras tres.

Dissolvatur Saccharum cum aqua Scabiosæ & Rosarum, addendo

Camphoræ scrupulum unum.

Misceantur omnia, ut est artis.

*Febrium malignarum & contagiosarum impetus frangit, ac pestilentis luis seminaria disjicit, venenatam materiam sudore excludens, & tam in præservatione quàm in curatione magnas vires obtinet.*

Ne flocculi ex conservis, si Electuarium in liquoribus dissolvendum sit, negotium facebant, in ipsa ejus præparatione hoc modo procedere consuevit Welschius, ut saccharum clarificetur cum aqua simplici, & coquatur ultra consistentiam tabellarum, deinde admisceatur aquæ scabiosæ & rosarum tantum; quantum saccharo immisceri potest, cum his extrahantur conservæ, & per linteum exprimantur, expressum jungatur saccharo, deinde cum reliquis speciebus procedatur, ut artis est. *Quamvis hujus Electuarii usus, per DEI gratiam, quæ nostram Urbem per plurima lustra à pestifero contagio immunem præstitit, nullus apud nos sit usus, ob conservam tamen rosarum in Diascordio Fracast. superius recensito, notari debet, laboriosa extractione dicta conservæ cum aqua aliqua opus non esse, cum rosas minutissime incisas, & dein cum saccharo insuper bene contusas periti Pharmacopœi adhibere soleant, ut nullus flocculorum metus superesse queat.*

## PHILONIUM MESUÆ.

℞. Piperis albi,

Sem. Hyoscyami albi ana drachmas viginti,

Opii drachmas decem,

Croci drachmas quinque,

Spicæ Indicæ,

Pyrethri,

Castorei ana drachmam unam,

Mellis despumati quadruplum.

*Ex Mesuæ commendatione, mitigat dolores ventriculi, uteri, coli, hypochondriorum, hepatis, lienis, renum, uteri, excitatos à crudis humoribus, aut flatu crasso, aut amborum causa intemperie frigida; valet etiam ad suffocationis periculum, singultum vehementem, & urinæ difficultatem.*



## PHILONIUM PERSICUM MESUÆ.

℞. Piperis albi,  
Hyoscyami albi ana drachmas decem,  
Opii,  
Terræ Lemniæ ana drachmas quinque,  
Lapidis Hæmatitæ,  
Crociana drachmas duas semis,  
Castorei,  
Spicæ Indicæ,  
Euphorbii,  
Pyrethri,  
Margaritarum.  
Charabe,  
Zedoariæ,  
Doronici,  
Trochiscor. Ramich ana drachmam semis,  
Camphoræ scrupulum semis,  
Mellis triplum.

*Ejus usus est ad uteri hæmorrhagias, procidentiam, hæmorrhoides, & cruentas excretiones per inferna, sanguinis sputum compefcit, & fœtum in utero retinet.*

## PHILONIUM TARSENSE GALENI.

℞. Croci drachmas quinque,  
Pyrethri,  
Euphorbii,  
Nardi Indicæ ana drachmam unam,  
Piperis albi,  
Sem. Hyoscyami ana drachmas viginti,  
Opii drachmas decem,  
Mellis triplum,  
Confice secundum artem.

*Quoad vires cum Philonio Mesuæ convenit.*

## REQUIES NICOLAI ALEXANDRINI.

℞. Rosarum rubrarum,  
Violarum ana drachmas tres,  
Opii,  
Sem. Hyoscyami,  
Papaveris albi,  
Scariolæ,  
Lactucæ,  
Portulacæ,  
Psyllii,

Cort. rad. Mandragoræ,  
Nucis moschatæ,  
Cinnamomi,  
Zingiberis ana drachmam unam semis,  
Sacchari cantii drachmam unam,  
Sandali albi,  
rubri,  
Spodii,  
Tragacanthi ana scrupulos duos, grana quinque,  
Sacchari uncias decem,  
Cum Aqua Rosarum modica misce.

*Sic adpellata ab effectu, quod dolorem obtundat ac mitiget, caloremque febrium mitiorem reddat, & iis, qui hanc sumunt, requiem adferat. Est etiam utilis temporibus, & pulsibus manuum inuncta, cordis dolorem lenit, somnumque conciliat.*

Welschianus parandi modus: Saccharum una cum saccharo cantho solvatur, coquatur ultra consistentiam tabell. cui postea ab igne remoto admisceatur aquæ rosarum sufficiens quantitas, deinde addantur species omnes una cum tragacantho, f. a. in pulverem redactæ, & debite misceantur.

## DIASCORDIUM SYLVII.

℞. Radicum Gentianæ unciam semis,  
Angelicæ drachmas duas,  
Foliorum ficcorum Scordii unc. duas,  
Cardui benedicti,  
Dictamni Cret. ana unc. semis,  
Crocii optimi drachmas duas,  
Acaciæ veræ drachmam unam semis.  
Cum sufficiente quantitate Spiritus vini fiat extractio, quæ ad Extracti liquidi consistentiam inspissetur. Cui addantur  
Extracti mollioris Opii cum Aceto destillato facti drachmæ duæ,  
Gummi Arabici purissimi in uncia una semis Aquæ Foeniculi soluti uncia semis,  
Boli Armenæ præpar. uncia una semis,  
Pulv. Radicum Imperatoriæ uncia una,  
Cassiaæ lignæ,  
Cinnamomi optimi ana unc. semis,  
Nucis moschatæ drachmæ tres.  
Misceantur.

*Vires cum Fracastoriano eadem; quas in minori tamen dosi largitur.*



## SOTIRELLA PARVA.

℞. Olei Nucis moschatæ expressi drachmam unam,  
 Opii Thebaici,  
 Specier. Diambrae incompl. ana drachmam semis,  
 Camphoræ,  
 Extracti Croci ana grana sex,  
 Ol. Caryophyllorum destill. guttas quindecim.  
 Redigantur in formam Opiatæ spissioris.

*Cavernis dentium indita dolores eorundem sopit ac placat, ad quorum auxilium præcipuè expetitur, Raymundo Minderero, Collegæ quondam nostro adscripta.*

TRYPHERA MAGNA  
NICOLAI ALEXANDRINI.

℞. Opii drachmas duas,  
 Cinnamomi,  
 Caryophyllorum,  
 Galangæ,  
 Spicæ Indicæ,  
 Zedoariæ,  
 Zingiberis,  
 Costi,  
 Styracis calamitæ,  
 Cyperi,  
 Calami aromatici,  
 Rad. Ireos Illyricæ,  
 Peucedani,  
 Acori, aut Galangæ majoris,  
 Cort. Mandragoræ,  
 Rosarum rubrarum,  
 Nardi Celticæ,  
 Piperis,  
 Anisi,  
 Apii,  
 Petroselinii,  
 Foeniculi,  
 Dauci,  
 Sinoni,  
 Hyoscyami,  
 Hyssopi,  
 Sem. Ocimi ana drachmam unam,  
 Mellis despumati triplum, seu uncias decem semis.

*Putredines humorum emendat, & bonum corporis habitum restituit; porro ad omnia muliebria vitia à frigidity nata conferre Nicolaus tradit.*

TRYPHERA MINOR  
PHÆNONIS MESUÆ.

℞. Myrobal. Chebularum,  
 Belliricarum,  
 Indarum,  
 Emblicarum,  
 Nucis moschatæ ana drachmas quinque,  
 Sem. Nasturtii,  
 Afari,  
 Origani Cretici,  
 Piperis,  
 Thuris,  
 Ammeos,  
 Zingiberis,  
 Foliorum Tamaricis,  
 Nardi Indicæ,  
 Schoenanthi,  
 Cyperi ana drachmas quatuor,  
 Scorix Ferri, aut Chalybis quinque diebus Aceto macerati drachmas viginti,  
 Myrobalani cum Butyro recenti non salito modicum assentur, reliqua Oleo Amygdalorum dulcium imbuantur: deinde adde  
 Moschi drachmam unam,  
 Mellis despumati triplum, id est, libras duas, uncias novem, drachmas sex,  
 Fiat Electuarium.

*Ventriculum, hepar, renes, vesicam roborat: Ob id fluorem alvi, hæmorrhoidum & mensium immodicum cohibet, sanguinis corruptionem, nec non cruditates, ac in ventriculo putredines humorum emendat, bonumque colorem reddit.*

## TRYPHERA SARACENICA MESUÆ.

℞. Quinque generum Myrobalanorum ana drachmas quinque,



Cinnamomi,  
 Trium Piperum,  
 Eryngii,  
 Folii,  
 Spicæ Indicæ,  
 Cardamomi utriusque,  
 Cassiæ lignæ,  
 Lepidii,  
 Cyperi,  
 Apii,  
 Sem. Fraxini,  
 Caryophyllorum,  
 Been utriusque,  
 Zingiberis ana drachmas duas,  
 Nucis moschatæ,  
 Macis,  
 Sefami excort. ana drachmas tres,  
 Amygdalorum utrorumque ana drachmas quinque,  
 Ligni Aloës,  
 Rhabarbari,  
 Rutæ,  
 Sem. Foeniculi,  
 Mastiches ana drachmas duas,  
 Ocimi caryophyllati,  
 Menthæ siccæ,  
 Origani Cretici ana drachmam unam semis.

Fricentur Myrobalani tritæ cum Butyro vaccino recente non salito, reliquæ verò Species Oleo Amygdalorum dulcium: & cum triplo Mellis despumati fiat Electuarium.

*Coctionem ventriculi & hepatis suo calore juvat: Ob id flatus dissipat, humores in ventriculo & aliis visceribus putres absu- mit, lassitudinem tollit, oris ac corporis reliqui odorem & colorem commendat.*

### ELECTUARIUM VITÆ ARNOLDI DE VILLA NOVA.

℞. Uvarum passarum libram unam,  
 Glycyrrhizæ rasæ unciam semis,

Myrobal. Chebularum,  
 citrinarum,  
 Indarum ana unciam unam,  
 Emblicarum,  
 Belliricarum ana drachmam unam.

Decoquantur cum Aquæ fontanæ sufficien- te quantitate, postea colentur & expri- mantur. In Colatura solvatur

Sacchari libra semis.

Coctis ad formam Syrupi addatur,

Cinnamomi electi,

Caryophyllorum,

Galangæ,

Nucis moschatæ ana drachma una,

Sem. Anisi,

Foeniculi ana uncia semis.

Misceantur, ut est artis.

*Ventriculum roborat, simulque leniter evacuat.*

### CONSERVA HEDERÆ TERRESTRIS COMPO- SITA.

℞. Folior. Hederæ terrestris,  
 Rutæ ana unciam semis,  
 Raphani unciam unam,  
 Rad. Angelicæ,  
 Levistici ana drachmas sex,  
 Sacchari albi libram unam, uncias qua- tuor semis,

Ex incisis & contusis fiat Conserva, quæ, si aridior evaserit, succo Citri aut Limonum adjecto q. s. redigatur ad debitam consi- stentiam.

*Ejus in peste usus est, ad eliciendum su- dorem; quâ olim felicissimo successu Claris- simus D.D. Leonardus Rauhvolffius, Rei- pub. quondam nostræ Medicus eximius, in- fectionis tempore utebatur.*







CLASSIS DECIMÆ  
QUARTÆ,  
OLEORUM COCTO-  
RUM, INFUSORUM, ET  
EXPRESSORUM SERIEM  
COMPLECTENTIS,  
SECTIO PRIMA,  
DE  
MEDICAMENTIS  
USUALIBUS.

OLEUM ABSINTHII.

℞. Olei Olivarum libras tres,  
Comarum Absinthii Pontici  
recentis contusarum libram  
unam,  
Rosarum rubrarum unciam se-  
mis.

Macerentur per triduum in loco  
calido, deinde coquantur, usque  
dum prunis injectum non am-  
plius strepat Oleum, quod cola-  
tum fervetur.

*Calefacit & roborat, præsertim  
ventriculum, appetitum excitat, ob-*

*structiones aperit, lumbricos necat, &  
ventriculi flatus dissipat.*

Cum in hoc aliisve Oleis partium subtiliorum  
jacturam fieri consideret, easdem conservare, oleis-  
que combinare studuit Welschius sequenti modo:  
℞. herb. recent. incis. & contus. adfunde vini vete-  
ris q. s. destilla inde, quamdiu aliquid spirituosum  
prodit, destillatum super herbam recentem rectifi-  
ca, si ita lubet, non tamen diutius urgendo, quàm  
quamdiu spiritus prodit, cum residuo coque oleum  
olivarum, donec prunis adspersum non amplius  
strepat, deinde colato admisce destillatum superius  
s. a. & probe agitando. Atque etiamsi spiritus  
ab oleo nonnihil separaretur, agitatione tamen sta-  
tim iterum se conjungeret. Quanquam fortasse  
melius foret, digestionem aut circulationem arctius uni-  
re, cujusmodi operationis vestigia apud Paracellum  
deprehendimus, qui lib. 8. Archidox. pag. 821. in  
Elixir subtilitatis dicto, oleum olivarum, & vini spi-  
ritum, & Q. Essentias herbarum miscere docuit.  
*Vel, quia nunquam unio liquoris destillati, cum Oleo*  
Z 3 *oliva-*



*olivarum est speranda, Medicus facile & rectius olei destillati, vel proprii, vel scopo suo convenientis alterius guttulam unam aut alteram instillando, eundem effectum obtinere poterit.*

### OLEUM ANAGALLIDIS.

Oleum Anagallidis paratur ut Oleum Abrotoni, inferius describendum.

*Præsentaneum remedium esse creditur variis puerorum doloribus in infimo ventre exsuscitatis à flatulentis, sabulosis, biliosis & pituitosis contentis; sive enematibus admistum injiciatur, sive exterius adplicetur.*

Rationem parandi hoc oleum eandem cum præcedenti commendat Welschius; quo labore tamen, cum destillatus liquor, si ullarum, certè exiguarum sit virium, supersedere licet.

### OLEUM ANETHINUM.

Oleum Anethinum fit ex floribus & Foliis Anethi, ac Oleo claro, eodem modo, quo Oleum Abrotoni.

*Anodynum est, tumores concoquit, & resolvit, somnum conciliat, rigorem febrilem, spinæ & partibus nervosis accessionis initio illitum tollit, cephalalgiam mitigat, uteri duritiem emollit, menstrua provocat, lassitudines discutit, dolores articulorum levat, calefacit & emollit, nervis gratum, ac convulsionibus medetur.*

Censura Welschiana de præparatione hujus olei, scil. per destillationem, eadem est cum præcedentibus, uti de sequentibus quoque, de cappari-  
bus, chamæmelo, cheyrino, costino, crocato, enulato, jasmini, irino, ligustrino, liliorum convallium, lumbricorum terr. simplici, menthæ, nardino composito & simplici, populino, ranarum, resolvente, rutæ, linelæo rutaceo, sambucino, scorpio-  
num composito, & magno M.

### OLEUM DE CAPPARI- BUS.

Rx. Corticis rad. Capparum unci-  
am unam,  
Tamarisci,

Florum Tamarisci,  
Seminis Agni casti,  
Ceterach,

Cyperi ana drachmas duas,  
Rutæ drachmam unam.

Trita & cum Aceto irrigata, cum Olei olivarum libra una coquantur ad humiditatis aqueæ consumptionem, colentur & exprimantur.

*Lienis tumoribus duris ac scirrhis, ejusque obstructionibus medetur.*

### OLEUM DE CASTOREO JACOBI DE MANLIIS.

Rx. Castorei,  
Styracis calamitæ,  
Galbani,  
Euphorbii,  
Cassiae lignæ veræ,  
Crocī,  
Opopanax,  
Cubebæ,  
Spicæ Nardi Indicæ,  
Costi ana drachmas duas,  
Cyperī,  
Schoenanthi,  
Piperis longi,  
nigri,  
Sabinæ,  
Pyrethri ana drach. duas semis,  
Olei libras tres.

Omnia calore arenæ conjunctim digerantur in vase clauso. Postea colentur.

*Valet ad omnes nervorum & cerebri affectus frigidos, tetanum,*  
con-



*convulsionem, tremorem, ac paraly-  
sin, rigoresque febriles sedat, spinæ  
dorsi illitum.*

Oleum hoc Welschius ita parat. *℞.* Species omnes, (exceptis styrace, galbano, euphorbio & opopanace,) incisæ & contusæ adfunde vini veter. q. s. destilla inde partem subtiliorem, & si vis, instituaturn cohobatio; cum residuo coque olei ℥iij. donec non amplius in prunis strepat, deinde colato admisce destillatum superius f. a. & gummi galbanum, ac opopanacem in aceto f. a. soluta & colata atque inspissata, ut & pulverem euphorbii & styracis, aut, si quis pulverem aspernaretur, addere posset olea horum destillata in debita proportione, fiatque Linimentum potius quam Oleum dicendum.

### OLEUM CHAMÆMELINUM.

Oleum Chamæmelinum fit ex floribus Chamæmeli recentibus, & Oleo claro, ut Oleum de Abrotono.

*Phlegmonas mitigat, moderatè resolvit, fluxiones vi suâ modicè adstringente cohibet, ideoque colicis, arthriticis, aliorumque dolorum initiis salubre est; lassitudines juvat, hypochondria tensa laxat, febres discutit, præsertim quæ à stipata cute proveniunt.*

### OLEUM DIACOLOCYNTHIDOS.

*℞.* Olei Absinthii,  
Rutæ ana unciam unam,  
Fellis bubuli,  
agnini ana unciam semis,  
Pulpæ Colocynthidis,  
Hellebori nigri ana drachmas duas.

Coquantur ad humiditatis aquosæ consumptionem, & colentur.

*Umbilico vel inferiori ventri illinitur, quando alvus est obstructa, vermes enecat, aliisque insuper*

*usibus inservit. Vid. Philipp. Grulingius in Florileg. Hipp. Galen. Chym. part. 6. cap. 30.*

### OLEUM CYDONIORUM MESUÆ.

*℞.* Cydoniorum non excorticatorum libras duas,

Olei Olivarum libras tres.

Post factam macerationem fiat coctio ad humidi aquei exhalationem, colatura, & expressio.

*Melinum Dioscoridi dicitur, stringit & refrigerat, ad ventriculi & jecoris imbecillitates utile, ventrem totum inferiorem ac nervos laxos roborat, stomacho in vomitiones effuso, lenteria, diarrhœæ ac dysenteria medetur; spinæ illitum & thoraci, sudores immodicos cohibet.*

Circa hoc oleum talem format Welschius censuram: quia tantum adstringere debet & refrigerare, ideo fiat per simplicem coctionem. *At si in cæteris destillatio stricte sit observanda, in hoc certe oleo non esset negligenda, præsertim cum in cydoniis particula admodum fragrans emineant, viresque ei adscriptæ in adstringendo & refrigerando unice haud consistant.*

### OLEUM FORMICARUM.

*℞.* Formicarum uncias duas,  
Olei libram semis.

Macerentur æstate ad Solem, vel alio calore, diebus quadraginta, postea colatum Oleum reponatur.

*Eo partes generationi dicatas ad venerem concitandam & impregnationem promovendam inungunt.*

OLE-



## OLEUM HYPERICI.

℞. Florum Hyperici ad maturitatem feminis ferè accedentium contusorum, libras tres, Croci scrupulos quatuor, Olei clari libras duas.

Post factam trium dierum macerationem bulliant ad humiditatis aquosæ consumptionem, postea exprimantur, & expressum commisceatur cum

Terebinthinæ claræ libra una.

*Calefacit & siccatur, essentiaque est tenuis: Unde ad omnes dolores à frigido contractos, ischiadicis præterea & varicibus utiliter adhibetur, contra dentium dolorem, podagram, chiram, articulorumque dolores salubre remedium, nervorum puncturis & vulneribus efficax est, & illitu ac fotu convulsiones prohibet, ambustis cicatrices ducit, & vulnera glutinat.*

Destillationem huic quoque Oleo Welschius adjudicat, cum vino nempe, quod olim hujus olei elaborationi destinatum fuerat; crocum autem in fine cum spiritu vini parumper dilutum, ut & terebinthinam admiscet.

## OLEUM JASMINUM.

Fit ex floribus Jasmini, & oleo nucleorum Ban, vulgo Ben dictorum, vel etiam oleo Amygdalorū dulcium; gossypium nempe carptum oleo imprægnando, & cum floribus Jasmini recentibus aliquoties stratificando, tandemque exprimendo. Prolixiorem parandi modum in primis Tobias Aldinus cap. 6. Descriptionis rario- rum plantarum Horti Farnesiani Romani, pag. 78. &c. & pag. 100. exhibuit.

*Ufus ejus nobis potissimum est ad odoris gratiam; quamvis nec medicas ei vires denegemus, quas cephalicas & cordiales possidet.*

## OLEUM LILIORUM ALBORUM SIMPLEX.

℞. Florum Liliorum alborum, abjecto, quod Croceum est, Olei ana libras tres.

Macera & insola per dies octo, postea coque & exprime.

*Dicitur & Crininum, Lilinum, ac Susinum; resolvit, digerit, concoquit, dolores à frigore thoracis, ventriculi, coli, uteri, renum, vesicæ, & nervosarum partium sedat, ac mitigat, convulsionibus, colicis item doloribus inunctum aut suppositum confert; utile est cum primis muliebribus malis, uteri suffocationes & durities solvens, gravidis ad facilem partum auxilio est, ulcera capitis manantia, furfures, varos, fervidasque eruptiones sanat, vibices, cicatricesque celerimè ad colorem reducit, & omnem inflammationem cum vitellis ovorum inunctum discutit.*

(Welschianus Oleum hoc parandi modus ita se habet: species omnes cum vino destillantur, ut in Oleo Absinthii, excepta mastiche, quæ in olei jam parati particula s. a. solvi & reliquo admisceri potest. Ad Ol. lil. alb. comp. p. 192.)

## OLEUM LUMBRICORUM TERRESTRIVM SIMPLEX.

℞. Lumbricorum terrestrium libram semis,

Laventur in Vino, deinde immittantur in Olei Rosati libras duas.

Coquantur ad humidi aquosi consumptionem.

*Anody-*



*Anodynum est, & cujus fotu nervi recreantur : Unde in eorum vulneribus, atque resolutionibus utile illud experimur.*

### OLEUM MASTICHINUM MESUÆ.

℞. Olei Rosati libram unam,  
in qua dissolve  
Mastiches uncias tres.  
Fiat colatura.

*Mediocriter calefacit, adstringit, & emollit, ventriculum firmat, illitum in lenteria & intemperie frigida sicca salubre existit, ad celiacorum, stomachicorum, ac dysentericorum cruciatus utile, tumores duros lenit, cerebrum, nervos, & juncturas roborat.*

### OLEUM MENTHÆ.

Fit ex Mentha domestica crispa, cum Oleo, ut Oleum de Abrotono.

*Ventriculo imbecillo & refrigerato adhibetur: Eum namque calefacit, roborat, nauseam abigit, vomitionem sistit, adpetentiamque excitat.*

### OLEUM NYMPHÆÆ.

Fit ex floribus Nymphææ, ad modum Olei de Abrotono.

*Refrigerat, cephalalgiam ex februm incendio, indeque enatum delirium, Papaverino mixtum, mitigat, insomnium abigit, urine ardori, intemperiei calide renum, eorumque ulceri, & vesicæ commodum, illitum aut injectum, gonorrhœam & tentiginem arcet, genitalibus illitum.*

### OLEUM RESOLVENS, vulgò RESOLUTIVUM.

℞. Rad. Cucumeris asinini,  
Bryoniæ,  
Althææ ana libras tres,  
Olei communis libras decem.

*Macerentur aliquandiu, coquantur postea secundum artem, & exprimantur.*

*Resolvit, digerit, mollit, alta penetrat, ac frigidos & contumaces dolores mitigat.*

### OLEUM ROSATUM.

℞. Olei communis,  
Rosarum Damascenarum nondum penitus apertarum & contusarum ana libras quatuor.

*Macera & insola per dies octo, postea cola & exprime. Nonnulli tres instituunt infusiones, pro singulis uncias sedecim Rosarum recipientes, in ultima verò infusione Rosas relinquentes.*

*Vim habet repellentem, mitigatoriam, concoquentem, & discusso-riam, inflammationes extinguit, refrigerat, roborat, rheumatismos sistit, alvum, solvit, ventriculo aestuanti, uteri inflammationi, capitis & meningum cerebri vulneribus succurrit, dolores mitigat, ac somnum inducit, in dolore denitum inter initia utiliter adhibetur, ulceribus in capite manantibus, & fervidis eruptionibus illinitur, lumbricos & ascarides potum deturbat, podagricis doloribus ac inflammationibus, & hæmorrhoidibus comode illinitur.*



# LINELÆON RUTACEUM.

Ex foliis Rutæ recentibus & Oleo Seminis Lini expresso, fumendo amborum æquales partes, coctione & expressione paratur.

*Singulare admodum est adversus lienis scirrhus, & duritiem: Tumores enim emollit, ratione Olei Lini, eosdemque discutit ac digerit, ratione Rutæ; variis insuper aliis usibus in morbis accommodatum existit.*

## OLEUM SCORPIONUM MAGNUM.

℞. Olei Olivarum libras tres,  
Summitatum Hyperici manipulos decem,  
Scordii manipulum unum, semis,  
Calaminthæ,  
Cardui benedicti ana manipulum unum.

Herbæ contusæ & in Oleo maceratæ coquantur ad humiditatis aqueæ exhalationem. In colatura infundantur:

Rad. Zedoariæ,  
Dictamni albi,  
Gentianæ,  
Aristolochiæ rotundæ ana drachmæ tres,  
Baccarum Juniperi unc. semis,  
Cinnamomi drachmæ sex,  
Schoenanthi,  
Croci ana drachma una,  
Styracis,  
Benzoini,  
Myrrhæ,  
Theriacæ,  
Mithridatii ana uncia semis,  
Scorpionum vivorum numero trecenti.

Macerentur per triduum in Balneo, vase benè tecto, postea colentur & exprimantur.

*Cum alterum illud Oleum Scorpionum Matthioli, verè, si compositionem & præparationem spectes, magnum dictum, magnos requirat sumtus & longum pro elaboratione tempus, nec omni censurâ careat, eidem præsens hoc contractius substituere volumus; cujus usus imprimis in febribus malignis, externè si inungatur, esse poterit.*

## OLEUM SCORPIONUM SIMPLEX MESUÆ.

℞. Scorpionum numero triginta,  
Olei Amygdalorum amarorum libras duas.

Macerentur in vase vitreo stricti orificii per dies triginta in loco calido, postea colatum ad usus reponatur.

*Vesica ac renum calculum dissolvit, lumbis, pubi, perineo in Solii egressu illitum, & in porum urinarium immissum, venenis, præcipuè à Scorpione ictis, ac pestilentia adeo resistere creditur, ut ejus solo usu quandam cum famulatio à pestilentia contagio servatum scribere non dubitaverit Manardus, & ex sola inunctione aliquos esse liberatos, qui sævissima venena biberant.*

## OLEUM STOMACHICUM FLORENTINUM.

℞. Mastiches uncias sex,  
Nucis moschatæ,  
Caryophyllorum ana uncias quatuor,  
Schoenanthos,

Macis



Macis ana unciam unam,  
Ligni aloës uncias quinque,  
Olei Mastichini libras duas.

Coquantur in vase benè cooper-  
to, & colentur.

*Oleum hoc, sub epitheto Magni  
Ducis Hetruriæ notum, & Florentia  
etiam ad nos adferri solitum, in Joh.  
Prevotii Hortulo Medico describitur,  
in calefaciendo & roborando ventricu-  
lo, flatibusque discutiendis sese com-  
mendans.*

### OLEUM E FLORIBUS VERBASCI.

Fit ex Verbasci floribus, ut Ole-  
um e floribus Liliorum albo-  
rum.

*Ad podagricos & alios dolores,  
præsertim calidos laudatissimum. Com-  
mendatur etiam in hæmorrhoidibus.*

### OLEUM VIOLACEUM.

Oleum hoc fit ex floribus Viola-  
rum ac Oleo Olivarum, sic-  
ut Rosaceum.

*Frigidum ac humidum est, te-  
nuium partium, leniens & modicè  
aperiens, ad inflammationes idoneum,  
fistula pulmonariæ asperitatem, pul-  
monem & thoracem lenit inuncto tho-  
race, unde & tabidis & hæcticis est  
remedio: in phrenesi ac vigiliis fronti  
& temporibus impositum somnum  
conciliat, hepatis ac præcordiis adhibi-  
tum febrium ardentium æstus miti-  
gat, renumque ac jecoris immoderatum  
calorem extinguit.*

### OLEUM, five BALSAMUM VULNERARIUM MINDE- RERI.

℞. Terebinthinæ Venetæ unciam  
unam semis,  
Gummi Elemi quantum in ea  
solvi potest,  
Olei Hyperici unciam unam,  
Olei Cerae destillati scrupulos  
duos.

Misce.

*In vulneribus recentibus singula-  
re remedium est, si lintea eo madida  
imponantur.*

### OLEA EXPRESSA.

#### OLEUM AMYGDALORUM AMARORUM.

℞. Amygdalorum amarorum sic-  
corum, non tamen ranci-  
dorum, à cortice membra-  
noso mundatorum quan-  
tum voles.

Contundas minutissimè, postea  
secundùm artem prælo exprimas.

*Primo ordine calidum est, in hu-  
mido & sicco temperatum; unde ca-  
lefacit, attenuat, incidit & digerit,  
aurium tinnitus ac flatus è crassa &  
frigida materia ortos dissipat, audi-  
tumque hinc obtusum restaurat, ob-  
structa aperit, cutis maculas & aspe-  
ritates tam reliquarum partium,  
quàm faciei (quas ephelidas & pa-  
nos vocant) delet, manantia capi-  
tis ulcera furfuresque detergit, ner-  
vorum affectus frigidos, duos, &  
dolentes calore tenuante ac digerente  
sanat, lumbricos necat, & frigidis  
uteri malis prodest, cujus dolores,  
strangulatus, inflammationes sanat,*



*capitis dolores instillatum sedat, urinæ difficultati pubi illitum, calculosis, renum vitiis, stranguriæ in fistulam urinariam immissum medetur, suspiriosis, lienosis, jecinorosis & tabidis subvenit.*

### OLEUM AMYGDALORUM DULCIUM.

*Fit ut Oleum Amygdalorum amarorum.*

*Eo utimur ad gutturis, faucium, & bronchiorum asperitatem leniendam, vel per se, vel adjecto Saccharo, præsertim Cantio, Violato; duri-  
tiem omnem ac siccitatem articulo-  
rum corrigit, cutem erugat, scabra  
& aspera polit, densa emollit, phthi-  
sibus & atrophiam laborantibus ac consum-  
ptis utile: Alimentum enim humidum  
& lentore mediocri diuturnum præ-  
stat; calore est temperatum, humido-  
que secundum ordinem attingit, quo  
nomine omnem intemperiem sedat, ac  
semen genitale promovet, uteri, vesti-  
cae, & urinæ ardores mitigat, colicos ac  
nephriticos cruciatus cum pari portio-  
ne Olei amygdalorum amarorum mi-  
rifice levat, partium difficultates & la-  
bores torminosos discutit, & lenit,  
nephriticis & lotii acrimoniâ laboran-  
tibus per Syphonem injectum tepidum  
mirè confert.*

### OLEUM HYOSCYAMI.

*Semina Hyoscyami contundun-  
tur, torrentur & exprimuntur.  
Dioscorides ex semine Hyoscy-  
ami albi recentis, & siccati, a-  
quâ calidâ consperso, tritoque  
hoc oleum parare docuit.*

*In Phlegmone & ulceratione par-  
tium pudendarum utriusque sexus præ  
reliquis locum habet.*

### OLEUM LAURINUM.

*℞. Baccarum Lauri recentium ele-  
ctarum, maturarum & con-  
tritarum quantum voles.*

*Eæ in aqua coquantur, colen-  
tur, & exprimantur; cui ex-  
presso, postquam refrigera-  
tum fuerit, oleum super-  
natat.*

*Vis ejus calefactoria vehemens,  
molliens, tenuans, aperiens, discu-  
tiens, exsiccans, intemperiem omnem  
partium frigidam solam, aut cum pi-  
tuita & flatibus sanat, cerebri, ner-  
vorum, articulorum, ventriculi, in-  
testinorum, præsertim coli, hepatis,  
lienis, renum, & uteri affectibus fri-  
gidis medetur, ac dolorem his succe-  
dentem abolet, rigori febrili spinæ  
dorsi illitum, paralysi, nervorum vi-  
tiis, algoribus, ischiadicis, capitis do-  
loribus inveteratis ac destillationibus  
auxiliatur, auribus illinitur, renum  
morbis frigore contractis succurrit,  
lassitudines discutit, scabie infestatis,  
& asperâ impetigine laborantibus in  
balneo inunctum medicatur. Fu-  
giendum tamen in scabie, aut impe-  
tigine inflammationem minante, & ca-  
lidis ac biliosis naturis; vermes & pe-  
diculos enecat, capitis furfures, ophia-  
sim, & alopeciam delet, capiti tamen  
calido non admovendum.*

*Quamvis Oleum hoc apud nos, ob defectum  
recentium baccarum Lauri, commodè parari ne-  
queat, cum tamen frequens ejus usus esse soleat,  
parandi modum adponere volumus.*

### OLEUM SEMINIS LINI.

*Lini semina contusa & affata ex-  
primantur.*

*Viri-*



*Viribus proximum Chamæmeli-  
no & Anethino, anodynum est, con-  
vulsionem curat, articulorum, mu-  
sculorum, nervorum, ac cervicis du-  
rities mitigat, ani affectibus confert,  
abscessus ejus, fissuras & hæmorrhoi-  
dum dolores curans. In pleuritide  
sacra multorum apud nos est anchora;  
quod etiam Manardus pleuriticis lin-  
ctu aut potu exhibebat; quod magno-  
pere probavit Gesnerus, qui in episto-  
la quadam ad Clar. Adolphum Occo-  
nem hunc in modum scripsit; Jam  
quater aut quinquies feliciter propina-  
vi, primum bis ante sesquiannum in  
pleuritide cruda & maligna, jam  
desperatis ferè virgini & mulieri,  
quarum unaquæque mox magnâ ad-  
miratione meâ restitui cœpit. Postea  
juveni in morbo quodam interiore  
incognito ferè, nec satis jam me-  
mini, etsi annotavi. Quartò in tussi  
ac dyspnœa ante paucos dies mulieri  
gutturosa, quæ heri ad me venit, &  
pro hoc consilio gratias egit. Omni-  
bus paulo post soluta alvus est satis  
copiosè. Tres aut quatuor uncias  
unâ vice bibi jubeo. Odoris quidem  
ejus gravitas plerisque adeo molesta  
& fastidiosa est, ut secundò sumere  
nollent, sed nullum periculum, nul-  
lum incommodum sequitur, & Medi-  
cus necessitatem in gravissimis mor-  
bis, non voluptatem sumentium spe-  
ctare debet. Si ritè pureque pare-  
tur, & Medicus domi haberet, con-  
fidentiùs dari posset; etsi Brassavo-  
lus non admodum laudet; ego pro  
cognita felicissima, & admiranda  
ejus facultate D E O gratias ago: Ha-  
tenuus Gesnerus.*

## OLEUM NUCUM JU- GLANDIUM.

Conficitur ut Oleum Amygdalo-  
rum amarorum.

*Flatus crassos dissipat, tumores  
dissolvit, nervis punctis cum calce lo-  
ta utiliter adhibetur, scabiei medetur,  
& variis vitiis cutaneis.*

## OLEUM NUCIS MO- SCHATÆ.

Nuces moschatae radulâ attritæ,  
aut concisæ, & diligenter con-  
tusæ, aquæ calidæ vapore ir-  
rigantur, ex quibus postmo-  
dum, dum adhuc calent, O-  
leum exprimitur.

*Ori ventriculi inunctum mirè eum  
roborat, deglutitum calefacit medio-  
criter, & anhelitum comendat, illi-  
tum veneris tentiginem excitat, sto-  
machicis quoque frigidâ & humidâ  
intemperie laborantibus conducit.*

## OLEUM SEMINIS PA- PAVERIS ALBI.

Præparatur ut Oleum Seminis  
Hyoscyami.

*Utile est anodynum ad ardorem fe-  
brium mitigandum; fronti & tempo-  
ribus adpositum, somnum conciliat,  
& dolores capitis tollit.*


## OLEUM E VITELLIS OVORUM.

℞. Ova recentia numero centum,  
coquito, donec penitus indu-  
rentur. Postea Vitellos eo-  
rum exime, & comminutos  
assa in sartagine, donec rufe-  
scant, & pinguedinem quan-  
dam emittant: deinde adhuc  
ferventes & forti sacco in-  
clusos exprime.



*Cutis foeditatem mirè aufert, cicatricibus decorem addit, iis præcipuè, quæ in ambustis relictæ sunt, aurium, dentium, sedis doloribus, ejusque reliquis affectibus convenit, pilos auget, impetiginem, serpiginem, & alia cutis vitia eluit, lentigines & foedas oris maculas detergendi, ac*

*resolvendi vi delet, rhagadiis utile, fissuras manuum, pedum, & ani sanat, dolores ulcerum, articulorum, omniumque locorum nervosorum sedat, ad aurium quoque dolores ac ulcera facit, ambustis utile, & in membranis cerebri partes contusas à sanis feliciter separat.*



# CLASSIS DECIMÆ QUARTÆ

## SECTIO SECUNDA,

DE

# MEDICAMENTIS MINUS USUALIBUS.

### OLEUM ABROTONI.

℞. Abrotoni recentis incisi & contusi libras tres.

Macerentur in Olei clarissimi libris tribus per triduum, deinde coquantur, donec prunis inspersum non ampliùs strepat oleum, quod colatum usui servetur.

*Adhibetur ad producendos pilos, & in eorum defluvio cum Ladano & Urfi pinguedine glabris locis illinitur.*

### OLEUM ARANEARUM MINDERERI.

℞. Olei Nymphææ,  
Lumbricorum terrestrium ana uncias sex,  
Hyperici uncias duas,  
Foliorum Rutæ,  
Florum Sambuci ana recentium manipulum unum semis,  
Aceti Rosacei,  
Calendulæ ana uncias tres,

Aranearum crassarum magnarum numero quadraginta quinque.

Decoquantur omnia ad humiditatis consumptionem, colentur & exprimantur. In hoc colato infundantur rursus.

Aranæ crassæ numero viginti quinque, ac addatur

Camphoræ cum spiritu Rosarum dilutæ drachma semis.

Digerantur & reponantur ad usum.

*Proderit hoc Oleum ad inunctionem regionis cordis & arteriarum, in febre maligna petechiali, ad venenum evocandum.*

Voluit Auctor supplere eo vices Olei Scorpionum Matthioli, quod magno pretio veneat, & Germania Scorpionibus carere credatur; quamvis eis, copiosè utpote aliunde, ex agro potissimum Tridentino ad nos allatis, haud careamus.

### OLEUM CHEYRINUM MESUÆ.

Oleum Cheyrinum fit ex Leucojis luteis, hoc est, ex Cheyris citrinis, & Oleo claro, ad modum Chamæmelini.

*Attenuat, lenit, ac digerit, dolores ex flatibus à materia frigida & pituitosa mitigat,*



gat, ventris torminibus, nec non resolutis succurrit, nervorum & juncturarum dolores levat, thoraci, pectori, vesicæ ac renibus confert, menses provocat, uterique suffocationi medetur, lumbricos interimit, partumque faciliat.

## OLEUM COSTINUM MESUÆ.

℞. Costi amari uncias duas,  
Cassiae lignæ veræ unciam unam,  
Summitatum Sampsuchi uncias octo,  
Olei Sefamini libras tres.  
Trita macerentur biduo, deinde colentur.

*Calefacit, ideoque nervorum ex frigore injurias propellit, paralyti confert, nervos roborando, ventriculum, musculos, tendines & ligamenta confirmat, spinæ illitum mitigat febrium rigorem, capillorum defluvium prohibet, ac mucoso humore canitiem accelerante consumto, eam moratur.*

## OLEUM E CROCO MESUÆ.

℞. Croci unciam semis,  
Myrrhæ electæ drachmas duas,  
Cardamomi drachmas quatuor semis,  
Olei uncias novem.

Digerantur omnia leni calore, colentur, & exprimantur.

*Nervos ac uterum roborat, eorum dolorem sedat, convulsionique & uteri noxis confert.*

## OLEUM DE ENULA MESUÆ.

℞. Radicum Enulæ recentium contusarum libram unam,  
Olei Sefamini libram semis.

Coquantur ad humiditatis aquosæ consumptionem: colatura servetur usui.

*Calefacit, tenuat, digerit: Ob id affectibus nervorum, uteri & vesicæ frigidis, febrium quoque rigori, & colo à flatibus dolenti medicatur.*

## OLEUM EX EUPHORBIO MESUÆ.

℞. Euphorbii triti unciam semis,  
Olei Cheyrini uncias quinque,  
Coquantur & colentur.

*In frigidis cerebri noxis, hemicrania, cephalalgia & lethargo adhibetur; epispasticis medicaminibus utiliter admiscetur; alopecias, & capillorum defluxia sanat, in coxæ aliorumque articulorum doloribus inveteratis, laudatissimum remedium; ast cautè & nonnisi vehementer frigidis vitiis adhibendum; in aurium tinnitu, sibilo, & hebetiore sensu ex frigidityte contracto tepidum adhibet Galenus 2. compos. Medic. localium.*

## OLEUM JASMINI.

Fit ex floribus Jasmini, & Oleo veteri claro, ut Oleum Cheyrinum.

*Frigidis affectibus adfert remedium: Unde partibus calefactionem & relaxationem desiderantibus utiliter adhibetur, Chamæmelino aut Cheyrino viribus proximum.*

Hujus quidem odor suavis in præparatione perit: Eodem tamen hic absque virium dispendio facile carere possumus.

## OLEUM IRINUM MESUÆ.

℞. Radicum Ireos libras tres,  
Florum ejusdem libras sex.  
Macerentur in decocto aliarum radicum Ireos quantum sufficit; postea addantur  
Olei veteris libræ duæ.

Coquantur, & exprimantur.

*Vim habet calefactoriam & emollientem, roborat, tenuat, resolvit, tergit, & maturat, convulsionibus efficax, aurium sonitus tollit, quæ in thorace sunt & pulmone concoquit, asthmaticos juvat, tussim compescit, strumas dissipat, aliosque tumores dueros hepatis & splenis, articulorum dolores & durities emendat; facit ad intestinorum tormina ac ilei cruciatus, nariibus illitum destillationibus & ozæni medetur. Datur iis, qui cicutam, coriandrum, aut fungorum venenum hauserunt, ut præsentissimum Alexipharmacum.*

OLE-



## OLEUM LIGUSTRINUM MESUÆ, SIVE CYPRI- NUM.

Fit ex floribus recentibus Ligustri, cum  
Oleo, ad modum Olei Chamæmelini.

*Arabibus de Alcanna dicitur, nobis Li-  
gustrinum, quod ex Ligustri floribus fiat.  
Calefacit & moderatè adstringit, emollien-  
di vim habet, vulvæ ac nervorum affecti-  
tibus subvenit, pleuriticis, opisthonicis  
& angina laborantibus succurrit, capillos  
à canitie vindicat.*

## OLEUM LILIORUM AL- BORUM COMPOSITUM MESUÆ.

℞. Mastiches,  
Calami aromatici,  
Costi,  
Carpobalsami ana unciam unam,  
Caryophyllorum,  
Cinnamomi ana unciam semis,  
Croci drachmas tres.

Omnia, post sufficientem macerationem in  
Olei Liliorum alborum simplicis libris dua-  
bus, colentur.

*Viribus cum simplici convenit, eique  
prævalet.*

## OLEUM LILIORUM CONVALLIUM.

Fit ex floribus Liliorum Convallium &  
Oleo claro, ut Oleum Liliorum sim-  
plex.

*Spasmo, convulsioni ac tremori, aliis-  
que frigidis nervorum noxis succurrit, pue-  
rulorum item tormina mitigat.*

## OLEUM LUMBRICORUM COMPOSITUM.

℞. Olei Lumbricorum simplicis uncias  
tres,  
Florum Hyperici uncias duas,  
stillatitii Rorismarini scrupulum  
unum.

Misce, fervetur ad usum.

*Viribus cum simplici convenit, ad supra-  
dicta tamen majoris efficaciæ compertum.*

## OLEUM MANDRA- GORÆ.

℞. Corticum rad. Mandragoræ libram u-  
nam,

Capitum Papaveris nigri uncias sex.

Contundantur, & coquantur in aqua suffi-  
cienti, colato decocto addantur

Succorum Hyoscyami albi uncia duæ,

Cicutæ teneræ uncia una,

Olei Violarum libræ duæ,

Opii,

Styracis calamitæ ana uncia semis.

Succi cum Oleo coquantur ad humiditatis  
aqueæ consumptionem, & colentur, adden-  
do tandem Styracem & Opium.

*Commendatur ad omnem inflammatio-  
nem extinguendam, somnum conciliandum,  
capitis dolores sedandos, phreneticis, feбри-  
citantibus, & vigilantibus conveniens,  
fronti, temporibus, ac naribus illitum.*

Welschius hoc Oleum præparat, sumendo sem.  
papav. & hyoscyami expressum, miscendoque cum  
Oleo violar. & Oleo mandrag. simpl. (omissa cicu-  
ta,) & addendo opii debitam quantitatem s. a. nec  
non styracem vel in pulverem redactum vel ejusdem  
Olei debitam proportionem.

## OLEUM MOSCHELINUM NICOLAI ALEXAN- DRINI.

℞. Olei libras sex,  
Macis,  
Nardi Indicæ,  
Costi,  
Mastiches ana unciam unam semis,  
Styracis calamitæ,  
Croci,  
Myrrhæ,  
Cinnamomi,  
Cassia lignæ veræ ana drachmas sex,  
Carpobalsami,  
Caryophyllorum,  
Bdellii ana unciam semis,  
Nucis moschatæ numero duas.

Omnia post biduanam macerationem in va-  
se probe recto, leni arenæ calore factam  
colentur, & addatur Moschi in particula  
Spiritus Rosarum soluti drachma una.



*Μοσχέλαιον* dicendum à *Moscho*, qui ejus compositionem ingreditur. Frigidis affectibus est præstantissimum, ventriculo præsertim debili, quem roborat & calefacit, doctorem lateris illitum sanat, stranguriosis, colicis, ac nervorum omnibus propè vitiis confert.

Welschianus parandi modus hac ratione se habet: ℞. folium aut macim, nardum Ind. costum, crocum, cinnamomum, cassiam, cubebas, caryophyllos, nucem mosch. & adfusa vini sufficienti quantitate, ac prægressa s. a. maceratione, fiat destillatio cum cohobatione. Cum residuo coque s. a. Olei ℥vi. cola, in particula colati solve mastichen & admisce; in destillato infunde styracem & myrrham, cola, & adde, ( bdellium omitti potest, ) tandem moschus in spiritus destillati particula solutus addatur.

## OLEUM MYRTIL- LORUM.

℞. Olei Olivarum libras tres,  
Myrtillorum libram unam.  
Myrtilli contendantur, atque si exsiccati fuerint, vino conspergantur, postea cum Oleo ad humiditatis aqueæ exhalationem coquantur & colentur.

*Adstringit, & refrigerat, cerebrum, nervos & ventriculum roborat, viscerum phlegmonis utile, gingivis, dentium dolori, dysentericis, celiacis, vulvæ exulceratæ, ulceribus vetustis vel manantibus, cum squama æris & cera medetur; attrita sanat, furfures, rhagades, condylomata, articulos luxatos, & omnia, quæ adstrictionem desiderant; hæmoptoicis, & sanguinis ex pectore rejectioni confert; & ad arcendam phlegmonem in ulcere pulmonis Galenus illinit, capillorum destivium prohibet, adjecto præsertim Ladano, Galen. 1. de Comp. Med. sec. loc. cap. 2.*

## OLEUM MYRTI- NUM.

Oleum Myrtinum fit ex foliis Myrti, ut Myrtillorum Oleum.

*Easdem ferè vires obtinet, quas Oleum Myrtillorum; adstringit enim & roborat.*

## OLEUM NARDINUM SIMPLEX MESUÆ.

℞. Olei Sefamini libram unam semis,  
Spicæ Nardi aromaticæ uncias tres.  
Post factam digestionem colentur.

*Calefacit, tenuat, digerit, modicè adstringit; quocirca auxiliatur stomachicis, celiacis, destillationi ac thoracis vitio obnoxiiis, ventriculum firmat, coctionem procurat, viscerum phlegmonis, jecoris inflammationi, ac pulmonum ulceribus medetur, cerebri & nervorum frigidos affectus sanat, ac aurium dolores mitigat, tremulis & paralyticis summum est remedium, uteri præfocationes, & tumores suppositum discutit, aut etiam injectum vesicæ dolori, renumque calculis opitulatur.*

## OLEUM NARDINUM COMPOSITUM MESUÆ.

℞. Spicæ Indicæ uncias tres,  
Majoranæ uncias duas,  
Ligni Aloës,  
Enulæ,  
Macis,  
Calami aromatici,  
Foliorum Lauri,  
Cyperi,  
Schoenanthi,  
Cardamomi ana unciam unam semis.  
Contendantur omnia crassiusculè, deinde cum  
Olei Sefamini libris quatuor,  
aliquandiu macerentur, & colentur.  
*Vires simplicis, sed efficaciores obtinet.*

## OLEUM PAPAVERI- NUM.

℞. Capitem Papaveris,  
Foliorum Papaveris,  
Florum ejusdem ana libram unam.  
Contusa infundantur in Olei libris tribus, postea sufficienter coquantur & colentur.

*Intemperiem calidam sanat, febrium ardores ac insomniam mitigat, fronti, auribus, naribus, & temporibus illitum, somnum conciliat, asperam arteriam lenit, renumque doloribus ex intemperie calida medetur.*



OLEUM DE PIPERIBUS  
MESUÆ.

℞. Piperis longi,  
 albi,  
 nigri ana drachmas tres,  
 Myrobal. Chebulorum,  
 Emblicorum,  
 Indorum ana drachmas quin-  
 que,  
 Radicum Apii,  
 Foeniculi ana drachmas tres  
 semis,  
 Turbith drachmas duas,  
 Zingiberis drachmas tres,  
 Summitatum Hyssopi,  
 Rutæ viridis ana manipulum unum.  
 Coquantur in quantitate aquæ sufficienti  
 ad tertias. Colaturæ adde  
 Olei amygdalorum dulcium libras duas.  
 Recoque ad consumptionem aquæ, in fine  
 addendo sequentia gummi in aceto diluta:  
 Sagapeni,  
 Opopanacis,  
 Ammoniaci ana drachmas duas semis.

*Cerebri & nervorum frigidas noxas  
 propellit, quia calefacit, tenuat, abstergit,  
 discutit, aperit, eoque nomine calculo me-  
 detur; ad paralyfin, spasmus, tremorem,  
 epilepsiam, uteri, coli, renum ac vesicæ af-  
 fectus frigidos & articulorum dolores ad-  
 hibetur, menses evocat, & ventriculum  
 imbecillum firmat.*

Welschius sic conficit hoc Oleum: ℞. species,  
 exceptis gumm. & turpetho, destillantur cum vini  
 f. q. residuum coque c. oleo simpl. (non enim opus  
 est amygdalinum sumere,) cola, adde destillatum,  
 in quo sagapenum, opopanax & ammoniacum fue-  
 runt soluta ac colata, item turpethi resinam vel ex-  
 tracti debitam proportionem in spiritus superioris  
 particula solutam.

OLEUM POPULINUM  
NICOLAI ALEXAN-  
DRINI.

℞. Olei communis libras septem, uncias  
 duas,  
 Gemmarum Populi, arboris, recentium  
 Veris initio collectarum libras tres.  
 Gemmæ Populi terantur, & macerentur in  
 Oleo, postea coquantur ad consumptionem  
 humiditatis aqueæ, colentur & exprimantur.

*Emollit, tenuium est partium & cali-  
 dum, arthriticis ac podagricis utile.*

## OLEUM RANARUM.

℞. Ranarum fluviatiliū libram semis,  
 Olei Sefamini libram unam semis.  
 Coquantur usque ad Ranarum dissolutio-  
 nem, postea colentur.

*Refrigerat: Ob id podagram & alias ar-  
 thritidis species calidas mitigat, ac incen-  
 dium febrium ardentium compefcit, fronti  
 & temporibus illitum somnum conciliat.*

OLEUM ROSATUM  
OMPHACINUM.

℞. Olei Omphacini, id est, Olivarum im-  
 maturarum,  
 Rosarum rubrarum nondum penitus a-  
 pertarum, ana libram unam.  
 Fiat ut Oleum Rosatum superius de-  
 scriptum.

*Juxta Nicolaum Myrepsum, caput ca-  
 lefactum ex mora in sole, in febribus &c.  
 juvat, cum humectet, mitiget & somnum  
 inducat.*

OLEUM ROSATUM  
COMPOSITUM MESUÆ.

℞. Olei Olivarum vulgaris,  
 Rosarum rubrarum apertarum & contu-  
 farum ana libram unam,  
 Infusi Rosarum libram semis.  
 Coquantur ad humidi aquosi consumptio-  
 nem, colentur, & exprimantur.

*Roborandi, resolvendi & leniendi vires  
 Mesue ei adscribit.*

## OLEUM RUTÆ.

Præparatur ex Ruta, & Oleo vulgari, eo-  
 dem modo, quo Abrotoni Oleum  
 præparare docuimus.

*Calefacit, tenuat, & digerit, illitum &  
 cum clysteribus injectum colicum dolorem se-  
 dat, vitreum phlegma ejiciens, laterum, re-  
 num, vesicæ ac uteri dolores à causa frigida  
 juvat, nervorum & spinæ resolutioni, con-  
 vulsionibusque medetur & flatu dissipat.*

OLE-



OLEUM SAMBUCI-  
NUM.

Oleum Sambucinum fit ex floribus Sambuci & Oleo clarissimo, ut Oleum Abrotoni.

*Lenit, abstergit, cutim mundificat, ictero & hepatis obstructo confert, articulorum & nervorum doloribus utile: Eos namque roborat, epotum aut injectum alvum irritat, serosaque excrementa per inferna educit. Fit quoque ex medio Sambuci cortice similiter macerato Oleum, quod ad ambusta Italici usus est.*

OLEUM SAMPsuchinum,  
i. e. MAJORANÆ.

℞. Foliorum Sampsuchi manip. quatuor,  
Serpilli manipulos duos,  
Foliorum Myrti manipulum unum,  
Abrotoni,  
Sisymbrii, seu Menthæ aquaticæ ana manipulum semis,  
Cassia lignæ veræ uncias duas,  
Olei Omphacini libras tres.

Concidantur & contendantur omnia, postea addendo Olei Olivarum libras tres, in vase optimè clauso macerentur ad Solem vel alio calore, diebus octo; dein exprimantur, & expressum Oleum infundatur recentibus Speciebus, & hoc etiam tertio faciendo.

*Lassitudinibus utile est, frigidis cerebri & nervorum vitis prodest, spinæ in balneo inunctum paralytin juvat, & spasmus cynicum, naribus immissum, aut ore detentum, sternutamentum leviter ciet; in opisthotonicorum, & convulsorum cataplasmata additur, auribus immissum tinnitum à flatu dissipat, menses, secundinas, ac partus expellit, uteri suffocationi, & Scorpionum morsibus medetur.*

OLEUM SCORPIONUM  
COMPOSITUM MESUÆ.

℞. Aristolochiæ rotundæ veræ,  
Gentianæ,  
Cyperii,  
Cort. radicum Capparum ana unciam unam,

Olei Amygdalorum amarorum libram unam semis.

Macerentur in Oleo contusæ Radices ad Solem fervidum, vel alio calore, deinde coquantur aliquantulum, injectis tandem Scorpionibus numero viginti: postea excolatum Oleum reponatur.

*Usus idem est ac simplicis.*

Welschius hoc Oleum, juxta normam Olei Absinthii, per distillationem conficit, vel saltem Oleum scorpionum simplici distillatum ex speciebus adjungit.

OLEUM SCORPIONUM  
MAGNUM MATTHIOLI.

℞. Olei Olivarum vetustissimi libras tres,  
Florum Hyperici virentium ac modicè conquassatorum manipulos tres.

Insolentur simul in vase vitreo probè obturato, recondita per dies decem vel duodecim, dehinc in calente Balneo Mariæ macerentur horis viginti quatuor, tum verò colentur & exprimantur.

## HOC FACTO.

℞. Flor. Hyperici recent.  
Chamædryos,  
Calaminthæ,  
Cardui benedicti ana manipulum unum.

Flor. & Herb. prius contusæ Oleo admisceantur, macerenturque in Balneo per triduum, postea colentur & exprimantur.

## POST HÆC.

℞. Florum Hyperici à caulibus repurgatorum, ac modicè contusorum manipulos tres.

Submergantur in eodem Oleo, ac per triduum itidem in Balneo macerentur, colentur & exprimantur, eandem infusionem readsumtis semper recentibus floribus ter vel quater reiterando, donec Oleum sanguineum colorem adquirat.

## HIS PERACTIS.

℞. Granorum viridium Hyperici, quod defloruit, in cacumine plantæ natorum, in quibus semen continetur, manipulos tres.



Contundantur & vino albo meraco perfusa in prædictum Oleum immissa per octiduum insolentur, postea vero tridui spatio in Balneo macerentur, colentur & exprimantur, laborem hunc novis semper readsumtis feminibus ter vel quater sic repetendo, ut Oleum obscuri sanguinis colorem referat. Tunc verò

℞. Scordii recentis,  
Calaminthæ,  
Centaurii minoris,  
Cardui benedicti,  
Verbenacæ,  
Dictamni Cretici ana manipul. semis.

Tusa ac in Oleo priore demersa, per biduum in Balneo macerentur, colentur & exprimantur ut suprâ.

### POSTEA.

℞. Zedoariæ,  
Rad. Dictamni,  
Tormentillæ,  
Aristol. rotundæ ana drachm. tres,  
Scordii manipulum unum.

Hæc omnia tusa ut prius in Balneo adfuso priore Oleo per triduum rursus macerentur, colentur, & exprimantur :

Expresso & colato huic infunde denuò  
Styracis calamitæ,  
Laseris, seu Benzoini ana drachmas sex,  
Baccarum Juniperi unciam semis,  
Melanthii drachmas duas,  
Cassiae lignæ, vel Cinnamomi odoratissimi drachmas novem,  
Junci odorati, seu Schoenanthi,  
Cyperi rotundi ana drachm. unam semis,  
Sandali albi unciam semis.

Contusa in Oleum immittantur, rursusque ut antea per triduum in eodem rorido Balneo macerentur, tum colatum ac expressum Oleum calens superinfundatur trecentis Scorpionibus vivis diebus canicularibus lectis, qui prius vitreo vase conclusi, ac calidis cineribus superimpositi in iram exarserint, & sudare inceperint. Hi una cum hoc Oleo tridui spatio in Balneo macerati exprimantur, Oleumque abjectis Scorpionibus percoletur :

In hoc rursus infunde  
Rhabarbari selectissimi,  
Myrrhæ,

Aloës hepaticæ ana drachmas tres,  
Spicæ Indicæ drachmas duas,  
Crocī drachmam unam,  
Theriacæ,  
Mithridatii ana unciam semis.

Tundenda contundantur, ac cum cæteris Oleo prædicto immergantur, macerenturque sic simul omnia in Balneo calente per triduum, postea absque colatura reponantur in usum.

*Viperarum, aspidum, ac venenatorum animalium morfibus auxilio est. Pulsibus ac extimæ cordis parti ad sinistram mammillam inunctum, repetitâ per ternas horas illinitione, omnibus venenis per os sumtis, si modò ea erodentia non fuerint, efficacissimè succurrit, quin etiam pestiferis morbis sic adhibitum medicatur, nec non ab iisdem præservat.*

Welschianus conficiendi modus ita se habet :  
Fiat destillando herbas, florum hyperici bonam partem, radices, baccas juniperi, rhabarbarum, & aromata, cum vino f. a. residuum autem cum Oleo coquendo & colando; colatum miscendo cum spiritu destillato, in quo Styrax & Benzoinum sit solutum, ut & myrrha ac aloë; qui volet etiam theriacam & mithridatium habere, is admisceat talia Oleis ex tempore.

### OLEUM STOMACHICUM CRATONIS.

℞. Olei Absinthii libram unam,  
Summitatum Absinthii manipulum unum,  
Caryophyllorum,  
Sandali citrini ana drachmas duas,  
Rosarum rubrarum,  
Macis ana drachmam semis,  
Mastiches drachmas duas semis.

Macerentur aliquandiu in vase optimè clauso, & post lenem ebullitionem colentur.

*Hoc Oleum Crato mirificè prædicat in ventriculi doloribus, maxime verò frigidis; quod olim apud nos in crebro usu fuit, cui tamen nunc Florentinum dictum successit.*

Si cum vino juxta antiquam descriptionem paratur, modum in Oleo lilior. albor. composito, Welschius commendat.

### OLEUM



## OLEUM EX STYRACE.

℞. Styracis uncias tres,  
Olei communis libram unam.  
Coquantur in duplici vase & colentur.

*Calefacit vehementer & emollit. Ob id confert dolentibus à frigore renibus, vesicæ, utero, musculis, juncturis, tendinibus, eorumque durities insigniter emollit, ad nervorum injurias & vulnera fotu commodum, ac ad scabiem efficax, ut scribit Manardus, additâ Hellebori albi octavâ portione.*

OLEUM VULPINUM  
MESUÆ.

℞. Vulpem integram vegetam, exemptis interaneis,  
Aquæ fontanæ libras tres,  
Olei veteris clari libras quatuor,  
Salis uncias sex.

Coquantur, & inter coquendum adjiciatur Anethi,  
Thymi ana libra una,  
coctionem continuando, donec ab ossibus recedat caro & aqua consumatur, deinde coletur Oleum ac reponatur.

*Potentissimæ in digerendo & discutiendo facultatis est, quo nomine ad nervosi generis injurias frigidas & articulares affectus præcipuè valet.*

## OLEUM BALANINUM.

Fit è Balano Myrepfica vel Glande unguentaria, quam granum Ben vulgò vocant, terendo, Oleumque exinde s. a. exprimendo.

*Tergit, expurgat, obstructa liberat, auri injectum tinnitui & surditati confert, strumas, hepatis & lienis scirrhum emollit ac digerit, affectibus frigidis nervorum & juncturarum, spasma & arthritidi medetur, albos, lentigines, varos, maculas, cicatrices nigras, & reliqua foeda cutis vitia corrigit, alvum potu solvit, sed stomacho adversatur.*

## OLEUM CARTHAMI.

Fiat ex semine Carthami trito, affato, & expresso.

*Obstructa liberat, tergitque: Ideo morbo regio, ventriculo dolenti, & colo confert, thoracem ac pulmonem expurgat, & clariorem vocem reddit.*

OLEUM E GRANIS  
CITRI.

Grana Citri itidem teruntur, torrentur, & exprimuntur.

*Arthritico dolori ac succedenti tumori conducit, calculum vesicæ & renum expellit. In pestilenti statu Alexiterium optimum; lumbricos enecat potum aut illitum.*

OLEUM NUCIS IN-  
DICÆ.

Paratur, ut Oleum Nucis moschatæ.

*Nervorum dolori confert, thoracem & pulmones lenit, clariorem vocem facit, impingat, ac genitale semen auget; usurpatur etiam ad conceptus procurationem.*

OLEUM E GRANIS  
PÆONIÆ.

Præparatur, ut Oleum è granis Citri.

*Usus ejus tam intra corpus quàm extra in epilepsia & similibus morbis existit.*

OLEUM NUCLEORUM  
PERSICORUM.

Præparatur, ut Oleum Amygdalorum amarorum.

*Obstructa aperit, aurium, & sedis ab hæmorrhoidibus dolores ac tumores sanat, lumbricos enecat, in renum affectibus injectum & epotum valere adserit Manardus.*



OLEUM EX PISTACIIS  
ET PINEIS.

Exprimuntur ut reliqua.

*Hepatis & renum dolores leniunt, impinguant, semen augent, ventriculo non ingrata, tussim & thoracis dolorem compescunt, ac intemperiem emendant.*

OLEUM SESAMI-  
NUM.

Fit ex semine Sesami eodem modo, quo Oleum Papaveris.

Olim ex Alexandria Ægypti Venetias, & inde ad nos comportabatur sincerum; adulteratur Oleo Nucum & Papaveris. Hodie apud nos paratur ex Sesamo; clarum

est & candidum, gustu in cibis ac dulcedine delicatissimum.

Quamvis autem nondum inter Botanicos conveniat, quale sit legitimum Antiquorum Sesamum, nobis tamen hoc sub nomine venit planta, quam Pseudomyagrū Petr. Andr. Matthiolus somm. in Dioscor. lib. 4. cap. 102. recensuit.

*Vires habet impinguandi, semen genitale augendi, asperitates & durities leniendi, siquidem asperam arteriam emollit, ac clariorem vocem reddit, aurium dolores sanat, & ulceribus, quæ serpunt, ac mali moris sunt (cacoëthe vocant) medetur, pectori & pulmonibus confert, pleuritidi adcommodatum, puerorum tussim sedat, cum Saccharo cantio paulatim deglutitum.*







CLASSIS DECIMÆ  
QUINTÆ,  
UNGUENTORUM  
STRUCTURAM EX-  
HIBENTIS,  
SECTIO PRIMA,  
DE  
MEDICAMENTIS  
USUALIBUS.

UNGUENTUM ÆGYPTIA-  
CUM COMPOSITUM.

℞. Æruginis, vulgò Viridis Æris  
uncias quatuor,

Aluminis,

Salis Armoniæ ana unc. semis,

Succi Scordii uncias quatuor,

Alliariæ,

Rutæ ana uncias tres,

Aceti Scillini uncias sex,

Mellis cum decocto Absinthii

& Scordii despumati uncias

sedecim.

Omnia simul lento igne coquan-  
tur ad mediocrem Unguenti con-  
sistentiam : addendo

Theriacæ electæ,

Mithridatii ana unciam semis,  
Camphoræ unciam unam.

Ex probè mixtis fiat Unguen-  
tum.

*Usus hujus Unguenti plurimum  
comendatur in Gangrena, & Spha-  
celo, omnibusque aliis ulceribus valde  
putridis, & sinuosis; putredini siqui-  
dem resistit, & carnem mortuam à  
sana separat, exsiccat ac detergit, va-  
poresque putridos & venenatos par-  
tibus nobilioribus præcipuè infestos,  
discutere, à Guilielmo Fabricio Hil-  
dano, Chirurgo quondam experientis-  
simo, in tractatu de Gangrena &  
Sphacelo dicitur.*

Præter-



Præterquam quòd Welschius in Zvvelferiano modo scordii, rutæ & absinthii coctionem, ex Zvvelferi iudicio, quo talia absque virium iactura eoqui non posse, in Classe prima docuerat, improbet, ipse, ut vires omnes conserventur, alium modum recenset, observando tamen, aceti coctionem consultò à se concessam esse, quia 1. nisi id fieret, ærugo rite dissolvi nequiret, propter quam tamen fuerit additum; 2. aliàs color spadiceus seu fuscus non acquireretur, qui tamen vulgari opinione tam Medicorum quàm Chirurgorum & Pharmacopœorum, ceu necessarius requiritur, adeo ut si alium præ se ferret, non putaretur rite confectum esse unguentum, licet esset efficacius, 3. externum medicamentum est, in quo omnia tam accurate non possint conservari, sicut in internis, neque etiam ut conserventur omnia exactè, valde necessarium videatur, præcipuè si quid coloris tantum, aut solutionis gratia addatur, uti hîc acetum scillinum, pro quo tamen etiam simplex & forte accipi posset: Ipse autem Welschii modus ita se habet: *℞. herb. absinth. & scordii ana Mi. aut Miß. adfunde succi scordii ℥iv. succi alliarie, rutæ ana ℥iii. vini ℥xvi. mace- ra & digere per 24. horas, deinde destilla, quamdiu prodit spiritus, cavendo ne phlegma subsequens ei- dem permisceatur; spiritum serva. Residuum ex- prime, & cola, colato adde mellis ℥xvi. despuma, & inspissa ad consistentiam debitam, tum adde viri- dis æris in pulverem redacti ℥iv. alumin. & salis am- moniac. ana ℥ß. aceti scill. ℥vi. coque ad justam con- sistentiam; tum adde, cum parum refrixerit, the- riacæ & mithridatii ana ℥ß. camphoræ in supradicto spiritu solutæ ℥i. misce f. a.*

### UNGUENTUM ÆGYPTIA- CUM SIMPLEX MESUÆ.

*℞. Æruginis drachmas quinque,  
Mellis drachm. quatuordecim,  
Aceti fortis drachm. septem.  
Coquantur omnia, donec fiat  
Unguentum spissum, & colore  
purpureum.*

*Valentissimum ad saniem siccan-  
dam, sordes detergendas, & carnem  
absumentam, ulceribus malignis, pu-  
tridis & sinuosis convenit.*

### UNGUENTUM DE ALA- BASTRO.

*℞. Flor. & Herb. Chamæmeli,  
Rutæ ana mani-  
pulos duos,*

*Rosarum,  
Betonicæ ana  
manipulum u-  
num,*

*Rad. Althææ uncias duas,  
Olei Rosati libram un. semis.  
Contundantur, & ad aqueæ hu-  
miditatis exhalationem coquan-  
tur, postea colentur & exprimantur.  
Ex colatura cum  
Alabastri puri & pulverisati un-  
ciis tribus,  
& Cerae albæ sufficienti quantita-  
te, fiat Unguentum.*

*Describitur hoc Unguentum ab  
auctore Benedicto Faventino in Em-  
piric. cap. 1. de dolore capitis, in quo  
tamen Succorum loco, ipsas herbas &  
flores recipere hætenus nostri consue-  
verunt. Confert autem omni capitis  
dolori, sive is per essentiam, sive per  
consensum, cum & citra febrem ob-  
ortus fuerit.*

Welschius in modo Zvvelferi animadvertit:  
1. quòd nullam proportionem observet florum,  
herbarum & radicum, ratione succorum, v. g. rad.  
althææ ℥i. & succi earum ℥ii. 2. in oleo flores &c.  
infundat, cum tamen oleum olivar. extractioni vege-  
tabilium non sufficere ipsemet hîc & alibi censeat;  
3. una & altera leni ebullitione perfecta humiditatis  
consumptio non fiat, à qua remanente Unguentum  
certissime situm contrahat; 4. alabastrum in oleo  
infundat, ex quo duro tamen lapide nil quidquam  
oleum extrahere valeat. Ipse autem vult, ut flores,  
herbæ & radices in vino per 24. horas macerentur,  
deinde ℥ii. destillantur, residuum exprimatur, ex-  
pressum cum oleo ad consumptionem perfectam hu-  
miditatis coquatur, tandem cera, alabastrum & post-  
quam omnino refrixerit, superius destillatum proba  
agitatione immisceatur.

### UNGUENTUM ALBUM, SIVE DE CERUSSA DI- CTUM AVICENNÆ.

*℞. Lithargyri albi loti unc. semis,  
Cerussæ lotæ drachm. viginti,  
Cerae albæ drach. viginti octo,  
Olei Rosati uncias octo,*

*Albu-*



Albuminum ovorum numero  
quatuor.

Ceræ in Oleo Rosato liquatæ in-  
jice Cerussam & Lithargyrum  
probè contrita, misce, ac postre-  
mo adde albumina ovorum.

*Comendatur ad ambusta, erysipe-  
lata, scabiem, & cutis vitia à salsa  
pituita, & bile usta enata, ad pruri-  
gines ac pustularum eruptiones, acrem  
serpiginem, attrita, & intemperiem  
ulcerum calidam.*

### UNGUENTUM ALBUM CAMPHORATUM.

℞. Olei Rosati,  
Cerussæ ana libram unam,  
Ceræ albæ uncias tres,  
Albuminum ovorum numero  
sex,  
Camphoræ dilutæ cum Spiritu  
Rosarum drachmas duas.  
Fiat Unguentum secundum  
artem.

*Ad prædicta valentius est propter  
Camphoram; erysipelata reprimit, &  
ambustis medetur.*

Welschius suum parandi modum his verbis de-  
scribit: Cera per se liquetur, oleum rosar. nostro  
modo paratum addatur, cum sale Saturni rite præpa-  
rato, & album. ovorum. Potest etiam absque ce-  
ra confici, ita ut lithargyrum & cerussa cum aceto ex-  
trahantur, filtratione feces abjiciantur, solutio mi-  
sceatur cum oleo rosato diligenter agitando, tan-  
dem & albumina ovor. conquassata admisceantur.  
(*Hac tamen ratione Unguenti consistentia non impe-  
tratur & nimis liquida remanet.*) Vel lithargyrum  
& cerussa nutriantur oleo super prunis, donec Un-  
guenti consistentiam adquirant, deinde admisc. al-  
bum. ovorum, cera omissa. Camphoram non o-  
pus est in spiritu rosar. ardente solvere, nili pro di-  
tioribus: Potest enim commode fieri in spiritu vini  
rectif. simpl. vel in aqua rosar. si pauci tantum nuclei  
pinei addantur; sed & in olei rosati particula solvi  
potest. *Pretium nimium vix debet spiritum rosarum  
excludere, cum integra Unguenti uncia vix uno cru-  
cigero inde carior evadat.*

### UNGUENTUM DE AL- THÆA SIMPLEX NICOLAI.

℞. Radicum Althææ libram unam,  
Sem. Lini,

Fœnugræci ana libram di-  
midiam,

Butyri libras quatuor,

Ceræ libram unam,

Terebinthinæ uncias duas,

Resinæ uncias sex.

Radices & Semina contusa mace-  
rentur in aquæ sufficienti quanti-  
tate, deinde coquantur, donec e-  
mittant crassam & viscosam mu-  
cilaginem, quæ exprimatur; tum

℞. Expressæ mucilag. libr. duas:  
Coque cum Butyro, & cum a-  
quosum illud in mucilagine con-  
sumtum fuerit, Ceram cum Resi-  
na liquatam & colatam, hisque ab  
igne depositis Terebinthinam ad-  
dito, & secundum artem Unguen-  
tum parato.

*Uso celeberrimum ad emollien-  
dum, calefaciendum, & humectan-  
dum, pectoris dolorem à frigore con-  
tractum lenit, laterumque doloribus  
felicissimè adhibetur, viscerum du-  
rities laxat, ac stomachi inflationes  
discutit, valet ad nervorum duritiem  
ac resolutionem, eosque præcisos glu-  
tinat, vulnera claudit, inprimis ve-  
sicæ benefacit, periodicasque febres a-  
molitur.*

Welschius hunc commendat modum, ut mu-  
cilagines cum oleo coquantur, donec guttula prunis  
inspersæ non stridant, tum statim ab igne remoto ad-  
dantur reliqua simul per se liquata, & trajiciantur per  
stuppam incerniculo impositam, non autem per qua-  
lum, cum Zvvelfero, cum trajicienda ei adhærent.

### UNGUENTUM ANO- DYNUM.

℞. Ol. Liliorum alborum unc. sex,  
Anethini,

Cc

Cha-



Chamæmelini ana unc. duas,  
 Amygdalorum dulcium un-  
 ciam unam,  
 Pinguedinis Anatis,  
 Gallinæ ana unci-  
 as duas,  
 Cerae albæ quantum satis.  
 In Oleis & Pinguedinibus Ceram  
 liquando fiat Unguentum.

*Dolores quacunque in corporis  
 parte mitigat, unde nomen quoque  
 contraxit.*

### UNGUENTUM ANODY- NUM ALIUD, vulgò JOVIS dictum.

℞. Fol. Hyoscyami,  
 Verbenæ,  
 Parietariæ,  
 Sambuci,  
 Geranii ana manipulos  
 quatuor,  
 Violarum,  
 Papaveris albi,  
 Cicutæ ana manip. sex,  
 Sempervivi manip. tres,  
 Rad. Liquiritiæ libras tres.  
 Omnia sumantur recentia, con-  
 cidantur, & cum sufficiente quan-  
 titate Butyri recentis probè simul  
 contusa impastentur, postea co-  
 quantur & exprimantur.

Alii hac ratione parant:

℞. Verbenæ recentis,  
 Hyoscyami recentis ana manipulos  
 duos,  
 Butyri recentis uncias octo.

Contundantur simul, atque sic maneant per  
 dies quatuordecim: deinde coquantur ad  
 consumptionem humiditatis, & colentur.

*Inflammationes, ac calidos quosvis  
 tumores reprimit, scroti præsertim  
 incendiis salutare,*

### UNGUENTUM APOSTO- LORUM AVICENNÆ.

℞. Terebinthinæ,  
 Resinæ,  
 Cerae albæ,  
 Ammoniaci præparati ana  
 drachm. quatuordecim,  
 Aristolochiæ longæ,  
 Thuris masculi,  
 Bdellii ana drachmas sex,  
 Myrrhæ,  
 Galbani præparati ana drach-  
 mas quatuor,  
 Opopanacis præpar.  
 Æruginis ana drachmas duas,  
 Lithargyri drachm. novem,  
 Olei communis libras tres.

Oleum cum Lithargyro sufficien-  
 ter coquatur lento igne, postea  
 immisceatur Cera cum Resina li-  
 quefacta & colata, atque his ab  
 igne remotis & nonnihil refrige-  
 ratis Ammoniacum, Galbanum  
 & Opopanax cum Terebinthina  
 soluta, ac tandem reliqua in pul-  
 verem contrita.

*Sic dictum quòd ex duodecim  
 (Oleo, ut fieri solet, non numerato,)   
 constet simplicibus. Usu frequens ad  
 vulnera & ulcera difficilia, cuniculo-  
 sos sinus & fistulas, sordidaque ulcera  
 emendat, exsiccant, ac detergit, &  
 exesa putrilagine carnem restaurat,  
 duramque emollit. Unguentum  
 istud cum Venere antiquorum con-  
 sentit, quo usi sunt attrahendo, mol-  
 liendo, glutinando, & contra fera-  
 rum morsus,*

In modo Zvvelferi vituperat Welschius, quòd  
 i. absque necessitate pondus lithargyri, terebinthi-  
 næ, & aliorum ingredientium augeat, inprimis  
 pro æruginis zij.umat. Zijß. cum tamen sic Un-  
 guentum propter Æruginis acrimoniam nimis  
 dolorosum in ulceribus (conf. ipse Zvvelferus de  
 fl. æris in Unguent. ad tineam,) futurum sit, atque  
 alias



alias quoque ulceribus admotum satis mordere soleat, quo de lepidam historiam narret Leonh. Fioravanti lib. 1. phys. cap. 22. de milite Hispano, qui penis ulcere venereo laborans, cum ei hoc Unguentum chirurgus adplicuisset, & ille dolorem ultra ferre nequireret, quidnam esset sapius interrogaret, chirurgus, Unguentum Apostolorum adpellari constanter respondente, dispeream, inquit, nî proditoris Judæ, si maxime Apostolorum fuerit; ut adeo pessimè facere, Welschius judicet, qui viridem colorem Unguenti securitati præferunt; 2. aceti nimiam quantitatem, quâ non opus est, adhibeat; 3. gummia, quæ nunquam sunt pura, statim, absque colatura, dissolvenda in pultis formam præscribat; 4. oleum terebinthinæ rubrum pro oleo simplici sumere consulat, quod tamen juxta ejus doctrinam coquendum sit, atque ita meliores ejus partes periturae essent.

### UNGUENTUM CLYS- MATICUM.

℞. Herb. Malvæ,  
Bismalvæ,  
Brançæ ursinæ,  
Parietariæ,  
Mercurialis ana manipulos quatuor,  
Radicum Althææ,  
Liliorum albor. ana uncias quatuor,  
Florum Chamæmeli,  
Meliloti ana manipulos tres,

Butyri recentis libras quinque.  
Pistentur simul, & sic stent per mensem: postea coquantur & exprimantur.

*Adhibetur in Enemata, vel per se liquatum injicitur; emollit enim, lenit, digerit, dolores levat, duras feces emollit, ac ventrem blandè subducit.*

Welschius in Zvvelferi modo levem coctionem improbat, atque tantam, quanta sufficit ad consumptionem humiditatis, ne situm statim contrahat, commendat, nec non loco florum chamæmeli, quia non sint coquendi, particulam olei chamæmelini suo modo parati sumit.

### UNGUENTUM DE AN- CHUSA, vulgo DE CYN- GLOSSO.

℞. Radicum Anchusæ rubrarum,  
recentium, contusarum li-  
bram semis,  
Butyri recentis librâ un. semis,  
Vini rubri uncias quatuor.

Coquantur ad vini consum-  
tionem & colentur.

*Valet ad contusa & suggillata, sanguinem concretum tam intus adsumtum, quàm extus illitum dissolvit, pleuritidi auxiliatur, dolores à causa calida, etiam podagricos, mitigat, & Anodynum est præstantissimum.*

Cum nullæ radices cynoglossi rubro colore sint præditæ, huc quoque trahendum esse, facile colligere datur, quod supra circa Pilulas de cynoglossi dictas monitum fuit; recipi nempe debere, prout etiam vulgò ab omnibus recipiuntur, anchusæ radices; quas jam antiquis temporibus pigmentariorum usui, ad Unguentorum spissamenta, inservisse, Dioscorides lib. 4. cap. 23. testatur: quin & virtus sanguinem concretum resolvens anchusæ, non cynoglossi communiter tribuitur.

### UNGUENTUM AD HÆ- MORRHOIDES D.D. NORI- BERGENSIUM.

℞. Amyli albissimi,  
Cerussæ lotæ,  
Lithargyri puri,  
Plumbi usti,  
Tragacanthi ana drachmam unam semis,  
Opium Thebaici,  
Camphoræ ana scrup. unum.  
Albumen Ovi unius,  
Olei rosacei,  
violacei ana unciam u-  
nam semis,

Ceræ quantum satis.

Ceram in Oleis liquefaciendo, postea juxta cum Camphora in Ace-



ti destillati portiuncula diluta, reliquorum pulveres, & Albumen Ovi addendo, fiat Unguentum.

*Ad dolentes hæmorrhoides & mariscas utiliter admodum adhibetur.*

### UNGUENTUM INFRI- GIDANS GALENI.

℞. Olei Rosati libram unam,

Ceræ albæ uncias tres.

Ceram in Oleo liquabis, & pauxillum Aceti Rosati adjicies.

*Ubicunque refrigeratione & humectatione opus est, ejus usus esse poterit; hæcticis prodest, nec non renum dolori à causa calida proveniente opem fert.*

### UNGUENTUM DE LINARIA.

℞. Herbæ Linariæ cum floribus, Adipis porcini ana libram unam.

Contundantur, coquantur ad aqueæ humiditatis consumptionem, & exprimantur.

*Doloribus hæmorrhoidalibus medetur cum lana vel gossypio parti affectæ adplicatum. Vid. de eo Gregorius Horstius lib. 4. obs. med. 42. & Johannis Hartmanni Praxis Chimiatrica.*

De Vitellis Ovorum, juxta descriptionem addendis, notamus, posse illos, ad evitandam Unguenti corruptionem, demum ex tempore, ubi à Medico præscribitur, pro ejus lubitu immisceri.

### UNGUENTUM DE LI- QUIRITIA.

℞. Butyri recentis,

Liquiritiæ recentis ac succulentæ ana libram unam.

Pistentur simul in mortario, posteaque frigrantur in sartagine, co-

lentur & exprimantur; tandem Butyro sic præparato adde

Pompholygis drachmas duas,

Cerussæ lotæ uncias tres,

Albumin. ovi conquassati unciam unam semis,

Camphoræ scrupulos duos.

Fiat secundum artem Unguentum.

*Inflammationes partium, erysipelata, sacrosignes, ac pustulas ab ichoribus sanguinis calidis aut bile natas persanat, nec non manantibus ulceribus dolorificis à salsi seri acrimonia profectis eximie confert, fuitque Civibus nostris, ex suasu Raymundi Mindereri, Med. Doctoris & Collegæ nostri quondam, admodum familiare; quod etiam adhucdum utiliter in usum trahitur.*

Cerussæ cum aceto coctionem Zvvelferianam minus probat Welschius, qua nempe Unguentum album non fieret, quale vulgo ab omnibus expectitur.

### UNGUENTUM DE LI- THARGYRO.

℞. Lithargyri uncias duas,

Cerussæ unciam semis,

Aceti unciam unam,

Olei Rosati uncias duas semis.

Fiat secundum artem Unguentum in mortario plumbeo optime agitatum.

*Prodest scabiei & cutis vulneribus; pruritus ac desquamata juvat, & siccatur sine morsu. Sarcoticum est & epuloticum, difficiliaque ulcera persanat, & cruenta glutinat.*



# UNGUENTUM AD MEM- BRA EX IGNE AMBUSTA.

℞. Camphoræ unciam unam,  
Olei Rosarum uncias tres,  
Cerussæ albæ uncias sex,  
Pulveris Olibani electi uncias  
duas,  
Albuminis Ovorum numero  
septem.

In plumbeo mortario misceantur  
& agitentur optimè.

*Vires ex nomine patent.*

# UNGUENTUM AD MEM- BRA PERUSTA GELU.

℞. Pinguedinis Cati sylvestris,  
Sevi Cervini,  
Olei Laurini,  
Ceræ novæ ana unciam semis,  
Camphoræ drachmam unam.

Diluatur Camphora in Spiritus  
Vini rectificati drachmis duabus,  
& reliquis invicem liquatis ex ar-  
te misceatur.

*Vires nomini respondent.*

# UNGUENTUM NERVI- NUM.

℞. Herb. Salviæ,  
Chamæpityos,  
Majoranæ,  
Rorismarini,  
Menthæ,  
Rutæ,  
Lavendulæ,  
Hyperici,  
Paralyseos cum flore,  
Flor. Chamæmeli,  
Meliloti,  
Summit. Anethi,  
Rad. Pyrethri ana drach. duas,  
Baccarum Lauri,  
Juniperi ana unci-  
am unam,

Mastiches unciam semis,  
Benzoini drachmas sex,  
Terebinthinæ uncias quatuor,  
Ol. Lumbricorum,  
Vulpini,  
Anethini,  
Hyperici ana uncias tres,  
Terebinthinæ unc. unam,  
Axungiae humanæ,

Cati sylvestris,

Canis ana unc. sem.

Terebinthinæ cum Oleis & Axun-  
giis liquatæ reliqua in pulverem  
subtilissimum trita immiscean-  
tur, & cum Ceræ sufficiente  
quantitate fiat secundum artem  
Unguentum.

*Frigidos nervorum morbos tollit,  
ac doloribus eorundem opitulatur.*

Zwelfferum hîc 1. præscriptam quantitatem in-  
gredientium immutasse, 2. in oleo tantum & pin-  
guedinibus eadem macerasse, cum tamen aliàs oleum  
aptum extractionis menstruum esse pernegarit, 3.  
humiditatem plantarum in oleo relinquere, à qua  
Unguentum citissime rancescat & situ obducatur,  
cum Welschius notasset, ipse suam parandi metho-  
dum his verbis proponit: ℞. herbas, flores, summi-  
tates & baccas lauri ac juniperi rec. benè conquassat.  
omnia præscripto pondere, vini opt. ℥i. spir. vini  
℥ii. macerentur, deinde destill. quamdiu spiritus  
prodit, & serva. Residuum exprime & inspissa ad  
consistentiam extracti, quod serva. Jam ℞. Ben-  
zoini ℥vi. solve in spiritu supra destillato, & trajice  
per chartam. Tum olea præscripta quantitate, ut  
& pingued. præscripto pondere; in quibus liquatis  
dissolve mastichen, adde ceram, terebinth. ℥iv. pul-  
ver. pyrethr. ℥ii. & spiritum destillatum, in quo ben-  
zoinum dissolutum & extractum superius dilutum  
fuerit. M. f. a.

# UNGUENTUM NIHILI AD OCULOS.

℞. Tutiae præparatæ,  
Nihili albi ana unciam unam,  
Corall. rub. præparat.  
Matris Perlarû ana unc. semis,  
Camphoræ drachmam unam,  
Pinguedinis Porci mundatæ li-  
bram unam.

C c 3

Fiat



Fiat lege artis Unguentum.

*Calidas oculorum fluxiones demulcet ac sistit, eorundem rubedinem, & inflammationem, nec non dolores inde natos aufert.*

### UNGUENTUM PECTORALE.

℞. Olei Amygdalorum dulcium uncias quatuor,  
Chamæmelini,  
Violati ana uncias tres,  
Butyri recentis uncias sex,  
Adipis Gallinæ,  
Anatis ana unc. duas,  
Ireos drachmas duas,  
Croci drachmam semis,  
Ceræ albæ uncias tres.

Ceram & adipem in oleis liquato, postea addito Ireos & Croci pulvere, fiat secundum artem Unguentum.

*Laterum ac pectoris dolores mitigat, tussim sedat, maturat, exscretionem juvat, humores crassos digerit & attenuat.*

### UNGUENTUM PEDICULORUM.

℞. Sem. Staphidis agriæ unc. duas,  
Hellebori albi unciam unam,  
Salis drachmas duas,  
Argenti vivi uncias duas,  
Axungiaë porcinæ libr. unam,  
Olei Laurini uncias novem,  
Saponis Veneti libram semis.  
Fiat Unguentum secundum artem.

Sapo in lixivio communi solutus, cum oleo coquatur ad humiditatis aquosæ consumptionem, postea Mercurius cum Axungia subactus, & reliquorum pulvis commisceantur.

### UNGUENTUM POMORUM.

℞. Axungiaë Suillæ libr. tres semis,  
Styracis calamitæ,  
Asæ dulcis,  
Radicum Ireos Florentinæ,  
Cinnamomi,  
Caryophyllor. ana unc. unam,  
Pomorum Citri,  
Aurantiorum ana numero duo,  
Borsdorfferianorū numero quatuor.

Omnia secundum artem ad humiditatis aqueæ consumptionem coquantur, colentur, & junctâ Ceræ albæ sufficiente quantitate fiat Unguentum, cum Spiritu Rosarum aliquandiu agitandum.

*Ad oris fissuras, & decorem cuti conciliandum, utiliter adhibetur.*

In Zvvelferiano modo Welschius reprehendit:  
1. pomorum odoriferorum, radd. ireos & rosar. recent. cum sebo & pingued. suilla coctionem ad exhalationem humiditatis, qua omnes illorum partes odoratæ planissime pereant; 2. styracis & benzoini solutionem in spiritu rosarum, quæ bonus odor non adquiratur; 3. oleorum destillatorum in nimia quantitate respectu ipsorum aromatum admistionem; 4. macis & florum spicæ omissionem; 5. olei ligni rhodii in ipsa descriptione non occurrentis additionem. Ipse verò hunc parandi modum proponit:  
℞. sebi castrati ℥i. pingui. suillæ ℥i. pomor. num. xxiv. (quorum coctio hîc admittitur, cum vis cordialis, uti in Syrupo &c. hîc non exspectatur, sed tantum vis refrigerandi, quæ insignis est in pomis illis acidis, oblongis, quæ Augustani ipsi in Syrupo præfato vocant *Ben-Alepfel*.) pomor. aurant. & citrior. absque corticibus ana num. ii. coq. f. a. ad consumptionem humiditatis, exprimantur & colentur, deinde iterum coq. ad totalem consumptionem aquositatis, in quo liquefac ceræ ℥iv. admisce pulver. rad. Ireos Flor. ℥i. pulv. benzoin el. 3x. styrac. calam. in spiritu aromatico destillato sequenti soluti & filtr. 3x. f. a. Spiritus aromaticus ita paratur: ℞. cinnam. el. caryophyll. ana 3vi. nuc. mosch. 3iii. macis 3i. flor. lavend. spicæ ana pug. ii. cort. duorum pomor. aurant. & citrior. recent. rosar. contus. ℥i. vini alb. opt. Mens. i. macera, destilla, quamdiu prodit



prodit spiritus. *Unguenta odorata conficiendi modum genuinum Tob. Aldinus supra loc. cit. pag. 79. &c. docuit.*

# UNGUENTUM DIAPOMPHOLYGOS NICOLAI MYREPSI, vulgo NIHILI DICTUM.

℞. Olei Rosacei uncias sex,  
Ceræ albæ uncias tres,  
Succi fructus uvæ lupinæ unc. quatuor,  
Cerussæ uncias duas,  
Plumbi usti & loti,  
Pompholygis,  
Thuris puri ana unciam unam.  
Confice secundum artem, Oleum cum succo ad humidi aquosi exhalationem coquendo, postea Ceram in eo liquefaciendo, & pulveres reliquorum immiscendo.

*Prodest ulceribus calidis, ac iis, quos acres & salsi humores infestant: Refrigerat enim, siccatur & consolidat, nec non absque ullius acrimonia sensu cicatricem ducit.*

# UNGUENTUM POPULEUM NICOLAI MYREPSI.

℞. Oculorum sive gemmarum Populi arboris recentium libram unam semis,  
Axungia porcina præparata libras duas.  
Oculi Populi contendantur, & macerentur in Axungia, donec sequentes herbæ per æstatem colligi queant: scilicet  
℞. Cymarum Rubi tenerrimarum,  
Folior. Papaveris albi,  
Mandragoræ,  
Hyoscyami,

Herb. Solani,  
Vermicularis, id est, Sempervivi minoris,  
Lactucæ,  
Sempervivi majoris,  
Bardanae,  
Violaria,  
Umbilici Ven. ana unc. tres.

Herbæ contendantur, & miscantur oculis Populi & Axungia, deinde coquantur lento igne ad humiditatis aqueæ consumptionem, colentur & exprimantur.

*Febrium ardoribus cum Rosaceo aut Violaceo convenit, somnum conciliat, fronti, temporibus, aut manuum, ac pedum pulsibus illitum.*

Quidam, ut virescat magis, ac refrigerandi facultate sit efficacius, coctioni addunt Solani triti manipulos duos.

In defectu foliorum Mandragoræ augeri potest quantitas Hyoscyami; pro Umbilico verò Veneris herba Paris adsumenda.

# UNGUENTUM RESUMTIVUM FERNELII.

℞. Sem. Lini,  
Althææ,  
Fœnugræci,  
Gummi Arabici,  
Tragacanthi ana drach. duas.  
Macerentur & bulliant in libra semis aquæ simplicis, eliciatur mucilago, quæ cum  
Butyri recentis libra dimidia,  
Adipis Suilli,  
Gallinæ,  
Anseris,  
Anatis ana unc. duabus.  
coquatur ad humiditatis aquosæ consumptionem, postea addantur  
Oesypi uncia semis,  
Ol. Violarum,  
Chamæmeli,  
Amyg-



Amygdalorum dulcium ana unciae duae,

Medullae Vituli,

Cerae albæ ana libra semis.

Fiat secundum artē Unguentum.

*Adhibetur commodè asthmaticis, hecticis, tabidis, pleuriticis, ac è longo morbo emaciatis.*

## UNGUENTUM ROSATUM MESUÆ.

℞. Axungiae Porcinæ libr. unam,  
Lavetur aliquoties aqua simplici,

deinde addantur

Rosarum albarum recentium  
librae duae.

Probè terantur, & coquantur lento igne usque ad humidi aquosi consumptionem, postea colentur.

*Usu frequentissimum ad phlegmonas, ignem sacrum, ulcera serpentia; & cephalalgiam calidam, ventriculi & jecoris intemperiem calidam mitigat, renum ardoribus ac hæmorrhoidum inflammationi salubre, & cordi robur addit.*

Quidam parum Opii in aqua Rosarum colliquati, inter decoquendum injiciunt, sed id Unguenti candorem destruit.

Welschius primum Zvvelferi modum in parando hoc Unguento observatum culpat, quod: 1. libram unam rosarum in libra una pinguedinis porcinae macerari frustra jubeat, cum nihil ex rosis extrahere valeat, quia nec oleum ipsum extractioni commodum menstruum ipsi videtur; 2. eandem ℥i. rosarum coquendo, odorem & vim refrigerandi perdat; 3. humiditatem ex altera ℥i. rosarum elicitam readfundat pinguedini tantum expressæ, nec denuo prius coctæ, sic enim Unguentum nimia humiditate scædens situm facile contrahat, nec insuper candidum Unguentum efficiat, cum expressio rosarum fœdum colorem producat; 4. spiritum etiam rosarum, & oleum earundem, aut ligni rhodii addat, quod nimis sumtuosum pro vulgatissimo hoc Unguento externo esset. Displicet etiam ipsi alter modus, qui si maximè ita commodè institui possit, hac tamen difficultate prematur, quod talia Unguenta potius ad voluptatem sint inventa, quàm ad usum medicum, sicut etiam in Italia illo modo parata, tantum à mu-

lierculis usurpentur, quæ ornatui student; quin ipsæ rosarum vires refrigerandi, quæ solæ hîc expetantur, consistant in odore & fragrantia, cum aliàs sequi necesse esset, quod quid esset odoratiùs, eò etiam magis refrigerare, quod tamen absurdum esse, & pleraque odorata non parùm esse calida experientia testetur. Welschius autem hac ratione procedere docet: ℞. lardum in taleolas sectum, liquabis, inspergendo pauxillum aquæ rosarum, liquatum residere permitte, & de superiori pinguedine candida accipe libram unam, cui frigidæ admisce aquam rosarum optimam & odoratissimam, aliquoties super rosis recentibus rectificatam, agitetur diligentissimè, & F. *Quamvis tali ratione paratum Unguentum hoc candidum & odoratum exsurgat, viribus tamen refrigerandi illud non excellere, quæ hic expetuntur, ex ipsa Welschiana animadversione colligere daretur; neque etiam, si cum rosis albis paretur, & rosa post coctionem valide non exprimantur, candore destituitur.*

## UNGUENTUM AD SCABIEM.

℞. Styracis liquidi unciam unam,  
Terebinthinæ Venetæ,  
Butyri ana uncias duas,  
Succi Limonum unc. un. semis,  
Cerussæ lotæ unciam unam,  
Salis uncias duas.

Fiat secundum artem miscendo Unguentum.

*Confert ad scabiem & pruritus, cujus fervorem temperat, vitiosum humorem cuti impactum extergit, & emendat.*

Succum Limonum Unguento huic facilimè situm contrahere cum Welschius censeat, eundem omittere, & usus tempore admiscere consulit. *Situm tamen hunc non adeo facile exsurgere, observatur; nec parando illud in minori quantitate, periculum hoc est timendum, ut ita succi Limonum extemporanea additione, cœni multum fastidiosa non opus esse videatur.*

## UNGUENTUM DE TUTIA NICOLAI MYREPSI.

℞. Olei Rosati,  
Cerae albæ ana unciam unam  
semis,  
Succi Solani drachmas duas,  
Cerussæ



Cerussæ lotæ unciam semis,  
Plumbi usti & loti,  
Tutiæ præparatæ ana drach-  
mas duas,  
Thuris drachmam unam.  
Ceram liqua cum Oleo, lento  
igne, postea paulatim succum su-  
pradictum instillato, & reliqua in  
pulverem redacta immisceto.

*Differt ab Unguento Diapom-  
pholygos in eo, quod hoc Cadmiam  
fornacum Botrytim dictam recipiat,  
nostris Tutiam adpellatam, alterum  
verò Pompholyga, id est, Nil album  
dictum. Ejusdem penè facultatis  
ad exsiccanda erysipelata, sananda-  
que vulnera sordida, & tibiæ ul-  
cera. In putridis & cancris, ubi  
fervor aliquis est, summa fiducia usur-  
pari debet, quod nulli Veterum com-  
positioni cedat.*

## UNGUENTUM AD VERMES.

℞. Succus Absinthii,  
Abrotoni,  
Centaurii minoris,  
Persicariæ,  
Folior. Persici arb.  
Lupini,  
Rad. Ebuli,  
Porri,  
Nasturtii aquatici ana  
uncias duas,  
Balauftiorum drachm. unam,  
Olei Absinthii libram unam se-  
mis,

Ceræ quantum sufficit.  
Fiat Unguentum, succos cum O-  
leo coquendo, postea Ceram in  
eo liquando, & pulverem Balau-  
ftiorum immiscendo.

*Umbilico superpositum ac ventri  
inunctum, vermes enecat & expellit.*

# CLASSIS DECIMÆ QUINTÆ SECTIO SECUNDA, DE MEDICAMENTIS MINUS USUALIBUS.

## UNGUENTUM AGRIP- PÆ EX NICOLAO MY- REPSO.

℞. Radicum Bryoniæ libras duas,  
Cucumeris asinini libr. unam,  
Scillæ libram semis,  
Ireos uncias tres,  
Filicis,  
Ebuli,  
Tribulorum aquaticorum ana uncias  
duas,

Ceræ albæ uncias quindecim,  
Olei olivarum libras quatuor.

Radices omnes istæ recentes mundatæ, in-  
cisæ, & contusæ cum Tribulis macerentur  
in Oleo per dies octo. Deinde coquantur,  
exprimantur, & in colato ac expresso Oleo  
resolvatur Cera, fiatque Unguentum secun-  
dum artem.

*Ad Regem Agrippam auctorem referunt  
hanc compositionem; ad aquæ suffusiones,  
D d par-*



*partium tumores laxos seu œdemata, & nervorum contractiones valet, nephriticis succurrit, ac ventri illitum alvum movet, stranguriam sedat, ad lienosos quoque, & ventrem dolentes utile existit.*

Welschius cum consilium Zvvelferi rejecisset, suadentis, ut hoc & similia Unguenta singulis annis recentia, vel in minori quantitate parentur, cum aliàs, nonnihil humiditatis in eo si relinquatur, tractu temporis situm contrahant, illud ad summum intra quatuor menses contingere arbitratur, unde pro integro anno non sufficiat, nec tamen radices præscriptæ semper haberi possint: quare cataplasma ex recentibus, quando haberi possunt, vel siccis, additis liquoribus & oleis idoneis, ex tempore præscribere consulit. *Verum si ad perfectam humiditatis consumptionem, quam ipse Welschius in Unguento alabastrino &c. insinuat, fiat coctio, metus ille contrahendi situs aberit, ut Cataplasmatibus substitutione non sit opus.*

### UNGUENTUM DE ALTHÆA COMPOSITUM NICOLAI MYREPSI.

℞. Radicum Althææ libras duas,  
Seminum Lini,  
Fœnugræci ana libram unam,  
Scillæ recentis uncias sex,  
Olei libras quatuor,  
Ceræ libram unam,  
Terebinthinæ,  
Gummi Hederæ,  
Galbani ana uncias duas,  
Colophonizæ,  
Resinæ ana uncias sex.

Radices & Semina contusa macerentur in sufficiente quantitate aquæ, deinde coquantur, donec crassescat mucilago. Postea

℞. Mucilaginis expressæ libras duas, & cum Oleo ad humiditatis aqueæ consumptionem coque, adde Ceram cum Colophonia & Resina liquefactam & colatam, ab igne verò depositis & semirefrigeratis, Galbanum cum Terebinthina liquatum, ut & Gummi Hederæ pulverisatum.

*Vires præsertim nervinæ, cum Unguento de Althæa simplici conveniunt.*

Nonnulli ex Pharmacopœis, ut colorem Unguenti magis intendat, illudque oculis gratius efficiant, nonnihil de radicibus Curcuzæ adjiciunt. Id autem, si Cera pulchra & citrina fuerit, facere non opus est, nec Curcuma ad medicamenti

intentionem facit. Qui etiam parare voluerit hoc Unguentum, posset dimidiâ, imò vel tertiâ, quartâve parte radicum Althææ, & seminum contentus esse, cum præscripta quantitas nimia esse videatur.

### UNGUENTUM AREGON NICOLAI MYREPSI.

℞. Radicum Ari,  
Cucumeris asinini uncias quatuor semis,  
Bryoniæ uncias tres,  
Pyrethri unciam unam,  
Rorismarini,  
Majoranæ,  
Serpilli,  
Rutæ ana uncias quatuor semis,  
Foliorum Coccognidii uncias novem,  
Cucumeris asinini uncias sex,  
Lauri,  
Salviæ,  
Sabinæ ana uncias tres,  
Perficariæ uncias octo,  
Calaminthæ uncias sex,  
Mastiches,  
Olibani ana drachmas septem,  
Euphorbii,  
Zingiberis,  
Piperis ana unciam unam,  
Olei Moschelini unciam semis,  
Communis libras quinque,  
Laurini,  
Adipis Ursini ana uncias tres,  
Petrolei clari unciam unam,  
Butyri uncias quatuor, aut quantum satis est,  
Ceræ libram unam, uncias tres.

Herbæ & radices recentes contusæ cum Oleo communi aliquandiu macerentur, deinde sufficienter coquantur & colentur. Colato Oleo admisce Ceram, Adipem, Butyrum, Olea, & aliquantulum refrigeratis cætera in pulverem redacta.

*Unguentum hoc ab effectu ἀπνὸν seu auxiliare dictum, numeratur inter quatuor Unguenta calida, ideoque corporis vitiis frigidis, convulsioni, paralyti, tetano, & nervorum distensionibus conducit, spinæ & renum dolores, ac colicos cruciatus sanat, ad omnem stomachi, & ventris dolorem, uterina quoque*



*que mulierum mala, quartanas, & morbum comitalem conducit, arthriticos morbos & scabiem ex lue venerea juvat, & rigores febrium spinæ illitum discutit.*

Moschelinum Oleum si deest, Rutaceo aut Laurino utendum.

In Zvvelferi modo postquam Welschius herbas recentes in Oleo expresso immergi observavit, ex quibus, cum tantum expressio & colatura earum fiat, multa humiditas cum oleo remanet, quæ Unguento situm & rancorem necessario citissime conciliat, suum ipse adfert modum: ℞. rorismar. majoran. ferpill. rut. fol. lauri, salv. fabin. calaminth. præscripta quantitate, adfunde vini s. l. q. macera per aliquot dies, destilla, quamdiu spiritus prodit, quem prolectum serva. Postea ℞. residuum, item radices & herb. reliquas (excepto pyrethro & Zingibere,) incisas & contusas, præscripto pondere, cui adde olei communis ℥v. butyri ℥iv. coquantur ad consumptionem humiditatis, exprimantur & colentur;colato adde ceram & adipem ursinum; quibus liquatis adijunge oleum moschelinum nostro modo paratum, it. laurinum & petroleum clarum; & demum in fine pulveres pyrethri, mastiches, olibanii, euphorbii, Zingiberis & piperis; mixtis omnibus adcuratè & planè refrigeratis adijunge spiritum supra destillatum, & F. s. a. Unguentum.

## UNGUENTUM DE ARTHANITA MAJUS MESUÆ.

℞. Radicum Cyclaminis libras tres;  
Cucumeris agrestis,  
Butyri Vaccini ana libram unam,  
Olei Irini libras duas,  
Pulpæ Colocynthidis uncias quatuor,  
Polypodii uncias sex.

Contundenda terantur; & macerentur in Succis ac Oleis diebus octo in vase vitreo; postea additis

Fellis taurini drachmis septem semis, coquantur ad aquosarum partium consumptionem; colentur & exprimantur; incolato dissolvantur

Ceræ unciae quinque,  
& ferè refrigeratis inspergatur paulatim pulveris subsequens:

℞. Euphorbii drachmas septem,  
Sagapeni,  
Scammonii,  
Aloës,  
Colocynthidis,  
Mezerei,  
Turbith ana drachmas septem semis,

Salis Gemmæ drachmas quatuor semis,  
Myrrhæ,  
Piperis longi,  
Zingiberis,  
Chamæmeli ana drachmas tres.  
Misce, fiat Unguentum.

*Illitum stomacho per vomitum purgat, hypogastrio autem inunctum, alvum dejicit: ob id hydropicos juvat, serosum excrementum evacuando; vermes quoque enecat & educit. Adhibetur iis, qui purgans medicamentum sumere nequeunt.*

Welschius in Zvvelferi modo non tantum ponderis sagapeni & fellis taurini immutationem, atque olei communis irino substitutionem notat, cum tamen nihil idem in compositionibus se detracturum aut immutaturum promiserit, sed etiam olei cocti fortem expressionem culpat, qua iterum humiditatem contrahat, quæ postea Unguento, quod etiam in aliis quibusdam ejus Unguentis accidit, situm accersit, præsertim cum vix aliud sit, quod tam facile rancescat. Ipse autem hunc in modum præparationem instituit: Succi, pulpa colocynthid. polypod. & euphorbium, prius macerata in oleo & butyro, coquantur ad consumptionem humiditatis, exprimantur, expressum iterum coquatur ad totalem consumptionem humiditatis, tum addatur cera, & denique alternatim pulveres myrrh. & seqq. rerum, ac sagapenum aceto solutum, nec non fel taurinum, fiatque f. a. Unguentum.

## UNGUENTUM AUREUM MESUÆ.

℞. Ceræ citrinæ uncias sex,  
Olei Olivarum libras duas semis,  
Terebinthinæ uncias duas,  
Resinæ,  
Colophonix ana unciam unam semis,  
Thuris,  
Mastiches ana unciam unam,  
Crocii drachmam unam.

Confice secundum artem, Oleo Ceram cum Resina & Colophonia liquefaciam & colatam immiscendo, postea Terebinthinam, & reliquorum pulveres addendo.

*Aureum à colore & virium pretio dicitur, quibusdam Regis Unguentum; Vulnera glutinat, præsertim in corporibus mollioribus.*



Welschius contra Zvvelferum hîc notat, crocum melius in spiritu vini, quàm vino dilui, maltichen etiam in pulvere addi posse, uti ipsemet fecit in Ung. arego, oleum terebinth. pro oleo simplici, contra intentionem medicamenti, quod nimis calidum sic fieret; sumi, si tamen aliquot uncias communi detrachere, & totidem olei terebinth. addere voluisset, tunc tolerari potuisse: *attamen absque ulla necessitate*:

### UNGUENTUM DE BDELLIO MESUÆ.

℞. Bdellii drachmas sex,  
Euphorbii,  
Sagapeni ana drachmas quatuor,  
Castorei drachmas tres,  
Olei Leucoji uncias tres,  
Ceræ quantum satis est.  
Ceræ cum Oleo liquatæ addatur Sagapenum, nec non reliqua in pulverem redacta, fiatque ex arte Unguentum.

*Commendatur ad paralyfin, & spasmus jam confirmatum: valenter namque digerit atque emollit, ut nervorum, & articulorum topbos dissipet; eorundem etiam frigidus affectus juvat, ac membrorum resolutionem sanat, ad epilepsiam quoque plurimum facit.*

In Zvvelferiano modo reprehendit Welschius, quòd 1. pro oleo leucoji sumatur oleum de castoreo, moschelinum, vel nardinum; 2. ceræ pondus drachmâ unâ augeatur; 3. sagapenum plane omitatur: ipse verò ita parat: ℞. olei leucoji ℥ij. 3vj. ceræ ℥ij. add. pulv. euphorb. 3iv. bdellii 3vj. sagapen. prius aceto soluti 3iv. & tandem admisc. pulv. castor. 3ij. F. f. a. Unguentum.

### UNGUENTUM E CALCE.

Calcem vivam aliquoties lavabis, aquæ priori, postquam pulvis subsederit, decantatæ semper novam substituendo, postea exsiccabis.

℞. Hujus Calcis ita præparatæ uncias tres,  
Olei Rosati libram unam,  
Ceræ albæ uncias tres.

Ceram in Oleo liquato; huic ab igne remotæ, & jam concrefcere incipienti Calcem levissimè tritam admisceto, & reponito.

*Aliud ἐυπόρισον: Calci vivæ superinfunde aquam puram, cui mox detractæ adde tantundem Olei communis & agita simul, donec fiat Unguentum. Ambusta felicissimè inter initia percurat. Aliud ad ambusta ex Corticibus mediis Sambuci refert Foësius sect. XI.*

### UNGUENTUM CITRI- NUM, SEU BASILICON NI- COLAI MYREPSI.

℞. Boracis drachmas duas,  
Camphoræ drachmam unam,  
Corallii albi drachmas quatuor,  
Amianthi unciam unam,  
Umbilici marini,  
Tragacanthi albissimi,  
Amyli,  
Crytalli,  
Antali,  
Dentali,  
Thuris,  
Nitri ana drachmas tres,  
Marmoris albi, aut Alabastri drachmas duas,  
Gersæ serpentariæ unciam unam,  
Cerussæ uncias sex,  
Axungiae Porcinæ recentis mundæ libram unam semis,  
Sevi Caprini præparati unciam unam semis,  
Adipis Gallinacei præparati unciam unam.

Confice sic:

Axungiam porcinam atque adipem gallinaceum liqua simul, & impone tepidis adhuc Corticum Citrii Mali satis magnam quantitatem, & macerentur per mensem unum. Deinde eximito cortices, & sebum caprinum addito: postea Camphora in spiritu rosarum diluta, & reliqua tenuissimè trita addantur.

*Citrinum Officinæ vocant, cum potius Citrium dicendum sit à Pomis Citri, vel eorundem succo. Aspera lævigat, faciei maculas & lentigines exterit, ephelides ac ex insolatione ustiones factas, & cicatrices emendat, ruborem oculorum aufert, nec non pustulas in cute à salsa pituita productas sanat.*



Priora exemplaria legebant Boracis unciam unam. Præstiterit tamen ad Græci exemplaris normam, fumere drachmas duas, Gersæ autem serpentariæ, quam Nicolaus *ψιμύδιον* vocat, pondus ad unciam extendere, cum cosmeticum sit medicamentum cutem emaculans, cui intentioni Gersæ præcipuè servit. Aliqui præter Citri cortices succum quoque Citri adjiciunt, & sic efficacius medicamentum efficiunt.

Welschius hoc Unguentum ita parat: *℞.* capthur. *ʒj.* liquefac in axung. porcin. sebo capr. & adipe gallinaceo, lenissimo igne, addè pulveres subtiliss. ingredientium reliquorum, omnia præscripto pondere, & oleum citri ex recent. corticib. destill. *ʒij.* Misc. f. a. Qui succum citri desiderat, usus tempore admisceat quantum volet: Nam alias situm contrahit Unguentum. *Conf. Ung. ad scabiem.*

## UNGUENTUM CLYS- MATICUM.

*℞.* Parietariæ,  
Malvæ,  
Mercurialis,  
Betæ ana manipulos tres,  
Foliorum Althææ,  
Violariæ,  
Florum Chamæmeli,  
Meliloti, omnium recentium ana  
manipulum unum semis,  
Coque cum libra una semis Butyri recentis non saliti, donec virescat, addendo colaturæ

Olei Amygdalorum dulcium unc. octo.  
Misce, fiat Unguentum.

*Vires cum illo, quod in priori Sectione describitur, conveniunt.*

## UNGUENTUM COMI- TISSÆ GUILIELMI DE VA- RIGNANA.

*℞.* Cort. med. Glandium,  
Castanearum,  
Quercûs arboris,  
Baccarum Myrti,  
Equiseti,  
Gallarum,  
Corticum Fabarum,  
Acinorum Uvarum,  
Calycum Glandium,  
Sorborum immaturorum siccorum,

Mespilorum acerborum siccatorum,  
Foliorum Capparis,  
Pruni sylvestris,  
Rad. Tormentillæ ana unciam unam semis.

Contundantur aliquantulum, & coquantur in aquæ simplicis sufficiente quantitate, donec media pars consumpta fuerit. Colatura ulterius coquatur cum

Olei Myrtillorum libra una semis, ad humiditatis aquosæ consumptionem, postea in ea dissolvantur

Ceræ novæ uncia octo semis,  
ab igne depositis addatur

Olei Mastichini libra una semis,  
atque inspergatur sequentium rerum tenuissimus pulvis:

*℞.* Cort. med. Castanearum,  
Glandium,  
Quercûs arboris ana unciam unam,  
Gallarum,  
Succi Hypocistidis,  
Cineris ossium cruris bubuli,  
Baccarum Myrti,  
Acinorum Uvarum,  
Sorborum immatur. ana unciam semis,  
Trochiscorum de Charabe uncias duas.

Misce, fiat Unguentum.

*Unguentum hoc à Comitissa Vandrensi nomen sortitum, ad menstrua supprimenda, & abortum prohibendum concinnatum à Varignana lib. 16. de morbis cur. cap. 4. Fæminei fluxus abundantiam compescit, locos muliebres firmat, uterum roborat, ac renes laxatos stringit, si eo inungantur, hæmorrhoidum superfluum profluvium sistit.*

In Zvvelferi parandi modo improbat Welschius: 1. ceræ cum decocto frustraneam coctionem, utpote à quo ipsi nihil virium accedere potest; 2. circa olei communis & mastiches pro oleo mastichino substitutionem; in pondere errorem; 3. qui etiam circa specierum trochiscorum de charabe pondus observatur: Ipse autem Unguentum hoc sic parare docet: *℞.* species omnes pro decocto descriptas, præscripto pondere; contusas & aliquandiu maceratas in aquæ simpl. *℥viii.* coque ad consumptionem mediæ partis, adde olei myrtill. *℥i/3.* olei omphacin. *℥j. ʒij. ʒij.* coque omnia simul ad consumpt. humiditatis, exprime, cola, iterum coque ad omnimodam consumptionem aquositatis, deinde dissolve in hoc oleo mastich. *ʒij. ʒv.* ceræ *ʒviii/3.*



tandem insperge pulveres sequentes, & F. f. a. Unguentum. Qui succum hypocistidis dissolvere velit, videat, ut sibi aptum menstruum procuret, ne Unguentum deinde situm contrahat; spiritus vini quidem huic negotio eligi posset, nisi insignis ejusdem calor præter medicamenti adstringentis intentionem videretur. Aut fiat etiam simpliciter modo jam dicto, vel absque decocto, præsertim cum pleraque deinde addantur in pulvere, adjiciendo tamen reliquis speciebus adhuc succi acaciæ, hippuridis, & radic. tormentill. ana  $\frac{z}{\beta}$ . Posset etiam aliquid rosarum rubr. addi propter oleum rosar. omphacinum, quod requiritur ad compositionem olei mastichini.

### • UNGUENTUM FUSCUM NICOLAI MYREPSI.

℞. Olei libram unam semis,  
Cerae novæ uncias quatuor,  
Picis Græcæ,  
nigræ,  
Sagapeni præp. ana uncias duas,  
Mastiches,  
Galbani præp.  
Thuris,  
Terebinthinæ ana unciam unam.

Fiat Unguentum, Ceram cum Pice liquatam & colatam, postea semirefrigeratis Mastichen & Thus pulverisatam, ut & Sagapenum, Galbanum & Terebinthinam invicem liquefacta, Oleo immiscendo.

*Dicitur & Nigrum. Vulnera mundificat, emollit & concoquit, carnem generat, putridamque depascit.*

Welschius hic, pro oleo communi non opus esse, ut oleum terebinthinæ rubrum sumatur, cum illud sufficiat; neque sagapenum & galbanum statim in pultis formam solvenda esse, cum æque ac illa altera, quæ per linum & qualum suum colat, impura sint & colatione indigeant; mastichen etiam in oleo solvi posse, aut in pulverem redactam cum thure admisceri, contra Zvvelferum notat.

### UNGUENTUM AD HÆMORRHOIDAS.

℞. Thuris unciam semis,  
Succi Prunorum sylvestrium,  
Myrrhæ,  
Crocī ana drachmas tres,  
Opī drachmam unam,  
Mucilaginis Psyllii unciam semis,

Olei Rosacei uncias tres,  
Lactis Caprini uncias quatuor,  
Vitellum ovi unum,  
Succus Prunorum, & Opium coquantur cum mucilagine, Oleo, & lacte ad debitam consistentiam, tandem addatur pulvis Croci, Thuris & Myrrhæ, cum Ovi vitello. Fiat Unguentum.

*Acerbissimos hæmorrhoidum dolores placat, earundemque inflammationes retundit.*

### UNGUENTUM MARCIA- TI EX NICOLAO MYREPSO, vulgò MARTIATON.

℞. Foliorum Tamarisci uncias sex,  
Lauri,  
Rorismarini ana uncias octo,  
Rutæ uncias septem,  
Ebuli,  
Sabinæ,  
Balsamitæ, seu Menthæ aquaticæ,  
Salviæ,  
Ocymi,  
Polii veri,  
Calaminthæ,  
Artemisiæ,  
Enulæ,  
Betonicæ,  
Brançæ Ursinæ,  
Aparinæ,  
Parietariæ,  
Pimpinellæ Sanguisorbæ, vel vulgaris,  
Agrimonie,  
Absinthii,  
Primulæ veris,  
Persicariæ,  
Cymarum Sambuci,  
Millefolii,  
Sempervivi minoris,  
majoris,  
Chamædryos,  
Centaurii,  
Plantaginis minoris,  
Fragariæ,  
Orobi, aut Siderit,  
Quinquefolii ana uncias quatuor,  
Radicum Althææ,  
Cumini,  
Myrrhæ ana uncias tres,



Butyri unciam unam, drachmas duas,  
 Sem. Foenugræci unciam unam semis,  
 Urticæ,  
 Violarum,  
 Papaveris albi,  
 Menthæ agrestis, seu Menthæstri, crispæ,  
 Lapathi acuti,  
 Adianti albi,  
 Cardui benedicti,  
 Matrisylvæ,  
 Valerianæ,  
 Geranii odorati,  
 Trifolii acetosi,  
 Linguae Cervinæ,  
 Corulæ non foetidæ,  
 Abrotoni,  
 Medullæ Cervinæ,  
 Styracis calamitæ ana unciam semis,  
 Adipis Ursini,  
 Gallinacei,  
 Mastiches,  
 Thuris ana unciam unam,  
 Olei Nardini uncias duas,  
 Cerae libras duas.

Herbæ omnes recentes colligantur, & incisæ ac contusæ macerentur in

Olei communis libris octo,

Coquantur secundum artem, colentur, exprimantur, atque cum Cerae circiter libris duabus, & reliquis fiat Unguentum.

*Usui est ad frigida corporis mala, capitis, thoracis, stomachi, jecoris, lienis, aliosque dolores à frigore natos, convulsiones, nervorum resolutiones; & coxarios juvat, tumores ac durities emollit, leni indurato præcipuè, ut & hydropi confert.*

Multa circa hoc Unguentum in Zvvelfero reprehendit Welschius, & quidem: 1. quòd quædam immutavit, uti: sumendo præter folia, etiam radices enulæ & pimpinellæ, nec non pro ʒi. ʒii. butyri ʒʒ. 2. quædam omiserit, nempe betonic. ʒiv. menthæstri ʒʒ. 3. terebinthinæ ʒʒ. addiderit; 4. multas coquat herbas balsamicas, quas alibi coqui vetuit, uti ebulum, artemis. pimpinell. agrimon. primul. veris &c. 5. radices & semina in vino maceret, quorum vires in coctione ad humiditatis consumptionem usque instituta, una cum vino sic disperdantur; 6. quòd herbis his, seminibus & radicibus oleum & butyrum adfundat; cum tamen oleum aptum menstruum pro rerum extractione non esse aliàs pronunciarit; imò 7. in eodem oleo denuo reliquas herbas & radices infundat, cum tamen sæpius nihil

recipere ultra modum suæ receptivitatis, & quæ imprægnata sint sufficienter, nihil ultra extrahere posse scripserit; 8. oleum post coctionem in cucurbita, vel vesica solùm colet & exprimat, sicque omnem ferè aquositatem ex secundis herbis, ut & particulam ex primis, cum oleo relinquat, à qua, ut & illa per destillationem prolecta, Unguentum nimis aquosum fiat, & certissimè situm contrahat; 9. myrrham, styracem & thus non posse perfectè Unguento misceri, nisi sint in terebinthina liquata, falsissimè dicat; inprimis myrrhæ in vino solutionem non esse genuinam, quam tamen in Theriaca & alibi multoties ipse instituerit. Modus autem Welschianus in præparando talis est: ʒ. fol. lauri, rorismar. ana ʒviii. rutæ ʒvii. ebuli, sabinae, balsamitæ, salviæ, ocymii, polii, calaminth. artemis. enulæ, beton. pimpinell. agrimon. absinth. primulæ veris, cymar. sambuci, chamædr. centaur. ana ʒiv. cumini ʒiii. menthæstri, menthæ crispæ, card. bened. matrisylv. valerian. geranii mosch. acetosell. abrotoni ana ʒʒ. quibus incisis & contulis adfunde vini Mens. iv. mace- rentur aliquot diebus, deinde destilla inde quamdiu prodit spiritus, (putamus prodituras circiter ʒxiv. vel ʒxv.) in quo solve myrrhæ ʒiii styr. calam. ʒʒ. & serva. Remanentiam exprime, expresso adde herbas, radices, & semina reliqua, omnia præscripto pondere, ut tamarisc. ʒvi. branc. ursin. aparin, parietar. ana ʒiv. persicar. crassul. millefol. semperviv. major. plantagin. min. fragar. sideritid. quinquefol. ana ʒiv. rad. alth. ʒiii. sem. fœn. græc. ʒiʒ. sem. urtic. violar. papav. alb. lapath. acut. rutæ murar. ling. cervin. bupthalm. ana ʒʒ. macera per aliquot dies, deinde adde olei oliv. ʒviii. butyri ʒi. coque ad consumpt. humid. exprime & cola; colatum iterum coque ad omnimodam consumptionem aquositatis; in eo liquefac cera ʒii. deinde adde olei nardini ʒii. adip. ursin. gallin. ana ʒi. medullæ cervin. ʒʒ. item. pulv. mastich. thuris ana ʒi. misc. & ubi refrixerit, adjunge etiam myrrham & styracem in destillato superiori solut. F. s. a.

## UNGUENTUM AD MEM- BRA EX IGNE AM- BUSTA.

ʒ. Corticum interiorum Sambuci succulen-  
torum uncias quatuor,  
 Olei Rosati uncias sex,

Decoquantur ad humiditatis aquosæ consumptionem, & exprimantur, in colatura li-  
quescant

Cerae albæ drachmæ tres,  
 Postea admisceantur

Vitellorum ovorum numero tres.

Fiat Unguentum.



*Euporiston est, in sedando dolore & ardore partium ab igne laesarum, nullo cicatricum relicto vestigio.*

## UNGUENTUM MERCURIALE.

- ℞. Mercurii vivi purificati,  
Axungiae porcinæ veteris ana libram unam,  
Lithargyri Argenti,  
Cerussæ ana uncias duas,  
Myrrhæ electæ,  
Thuris masculi,  
Bdellii,  
Gummi Ammoniaci ana unciam unam,  
Theriacæ Andromachi,  
Mithridatii Damocratis ana unciam unam semis,  
Unguent. Agrippæ,  
Martiatiana uncias duas,  
de Althæa uncias duas semis,  
Olei Laurini uncias quatuor,  
Axungiae Viperinæ veræ uncias duas,  
Resinæ Pini uncias duas semis.  
Mercurium Axungiae porcinæ agitatione permiscendo, & cum reliquis jungendo, lege artis fiat Unguentum.

*Vires Unguenti hujus D. D. Joannes Udalricus Rumlerus, Collega quondam noster, multo tempore in Nosocomio Gallico feliciter est expertus.*

Mercurius cum aceto ac sale agitur, & aliquoties abluitur, ac per corium expressus purgatur.

## UNGUENTUM NICOTIANÆ.

- ℞. Foliorum Nicotianæ libras duas,  
Pinguedinis Porci recentis diligenter lotæ libram unam,  
Succi Nicotianæ depurati libram semis.  
Herba recens contusa cum Succo & Pinguedine per noctem maceretur, manè igne lento coquatur ad humiditatis aqueæ consumptionem, coletur & exprimatur. In expresso liquefaciendo  
Resinæ Abietis uncias quatuor,  
Ceræ novæ quantum satis est,  
additisque

Aristolochiæ rotundæ subtilissimè pulverifatae uncias duabus.  
Fiat Unguentum.

*Describitur hoc Unguentum à Laurentio Jouberto in sua Pharmacopœia, cui miram in scrophulis dissipandis vim inesse ait. Celebratur etiam in ulceribus & vulneribus, tam recentibus, quàm antiquis persanandis. Adusta quoque, morphæam & tineam capitis juvat, ac cutem à scabie mundificat.*

Qui Ceratum maluerit, pondus Ceræ augeat: Cui verò exsiccandi & consolidandi mens fuerit, Mumiae & Succini ana drachmas tres adjicere poterit.

Unguentum hoc Welschius ita parat: Herba & succus (si quis velit,) coquantur cum pinguedine ad consumptionem humiditatis, exprimantur, iterum coquantur ad omnimodam consumptionem aquosifatis; in hoc liquabitis resinam & ceram, & simul colabis, tandem admisce pulver. aristoloch. & F. f. a. Unguentum.

## UNGUENTUM AD OCULOS.

- ℞. Butyri recentis uncias quatuor,  
Ceræ albissimæ unciam unam,  
Tutiae præparatæ unciam semis,  
Camphoræ scrupulos duos.  
Fiat ex arte Unguentum.

*Easdem vires obtinet, quæ Unguentum Nihili, paulò tamen inferiores.*

Welschius hic notat, butyrum, quod semper aut lactis, aut aquæ aliquid admixtum habet, prius per coctionem ab humiditate liberandum esse; secus enim Unguentum certissime rancescere, neque durabile esse; ideo etiam lotionem cum aqua rosar. & prunor. inutilem esse; ubi tamen dubitare liceat, an sola coctio butyri pro humiditate separanda sufficiat, cum particula falsa in sero lactis, butyro immixto, hac ratione non tollantur; quibus separandis lotio utique conducet, ne acredine sua oculis noceant.

## UNGUENTUM PEDICULORUM.

- ℞. Olei Laurini libram unam,  
Argenti vivi uncias quatuor,  
Staphidis agriæ,  
Hellebori albi ana uncias decem,

Olei



Olei Spicæ unciam unam,  
Axungiae porcinae libras sex.

Argentum vivum agitetur cum Oleo Laurino, donec splendorem amittat, postea secundum artem cum reliquis jungatur.

## UNGUENTUM POMATUM.

℞. Styracis calamitæ,  
Benzoini electi ana drachmas decem,  
Cinnamomi electi,  
Caryophyllorum ana drachmas sex,  
Radicum Ireos Florentinae unciam unam,  
Nucis moschatae drachmas tres,  
Macis drachmam unam,  
Florum Lavendulae,  
Spicæ ana pugill. duos,  
Pomorum Aurantiorum recentium,  
Citriorum recentium ana numero duo,  
Odoriferorum numero viginti quatuor,  
Aquæ Rosarum optimæ uncias octodecim,  
Vini albi optimi uncias quatuor,  
Unguenti Rosati albi libras tres,  
Sebi castrati libram unam,  
Cerae albæ uncias quatuor.

Fiat lege artis Unguentum.

*Viribus cum illo superius pag. 206. descripto convenit.*

## POMATA, SIVE SEBUM CONFECTUM EX AMATO LUSITANO.

℞. Adipis Cervini, vel illius, qui ab Hoedirenibus separatur, libras duas,  
Pinguedinis suillæ recentis libram semis.

Pinguedines à membranis purgatas albo Vino abluito, deinde lineo panno exprimito, ut Vinum à pinguedinibus separetur. Eas postea in ollam vitreatam aquâ Rosaceâ semiplenam infundito, ut aqua super-

emineat, & pinguedines cooperiat, quibus demum addes

Pulveris Caryophyllorum unciam semis,  
Nucis moschatae drachmas duas,  
Spicæ Indicæ grana quatuor,  
Pomorum Camusiorum mundatorum & incisorum numero octo.

Postea optimè coopertâ ollâ, lenibus prunis totum admoveto, & bacillo agitato, fervereque permittito, ut aquositas penè tota consumatur. Tandem remotâ ab igne ollâ, quod residuum est, per linteam novum rarum in vas fictile aquâ Rosaceâ respersum percolato, faeces tamen relinquendo. Colatum denuò in alteram infundatur ollam vitreatam, cui adde

Olei Amygdalorum dulcium uncias sex,  
Cerae albæ uncias quatuor.

Ad ignem omnia liquefacta iterum collato, & in vasculum vitreatum Rosaceâ aquâ inspersum cadere finito. Demum omnia illa aquâ Rosaceâ abluta, in vase vitreo optimè cooperto servato, & tum candidissimum sebum habebis, quod interdum Minio coloratur. Potest iisdem addi

Coralliorum rubrorum drachma una semis.

*Vires cum Unguento pomato superius descripto coincidunt.*

In hujus unguenti præparatione facile quis inveniet, quod mutationem exoptulet; quam tamen cuivis, illud parare qui voluerit, potius relinquimus; ipsam verò descriptionem addere volumus, ut & hæc, tot inter alias, passim usuales, si forte alicubi in usu sit, prostacket.

## UNGUENTUM POMATILE.

℞. Butyri recentis non saliti libram unam semis.  
Rad. Rubæ tinctorum,  
Tormentillæ,



Castorei,  
Spermatis Ceti ana unciam semis.  
Radices & Sperma Ceti cum Butyro bulliant in Vini odorati sufficienti quantitate ad ejus consumptionem, colentur & exprimantur, ac addito pulvere Castorii, fiat Unguentum secundum artem.

*Eorum, qui ex alto ceciderunt, vulnera interna glutinat, sanguinem concretum dissolvit, ut & concussis auxilio est.*

### UNGUENTUM EX RHAMNO ET FRANGULA MINDERERI.

℞. Rad. recentium Scrophulariæ uncias duas,  
Enulæ,  
Lapathi acuti,  
Chelidonii majoris,  
Corticum med. Frangulæ,  
Rhamni ana recentium unciam unam.

Butyri recentis uncias sedecim.  
Pistentur simul fortiter, posteaque, additis

Aceti Rutacei unciis quatuor,  
coquantur ad humiditatis aquosæ consumptionem, colentur & fortiter exprimantur, deinde addantur

Terebinthinæ Venetæ drachmæ sex,  
Styracis liquidi drachmæ tres,  
Vitelli ovorum numero quatuor,  
Salis Nitri drachma una semis,  
Sulphuris vivi drachma una,  
Aceti Scillini drachmæ sex.

Misceantur omnium primò Terebinthina cum Styrace, & Vitellis ovorum, postea additis reliquis, fiat Unguentum.

*Ad cutis vitia ex scabie utile est, tutius longè omnibus Mercuriatis.*

### UNGUENTUM RUBRUM, SIVE DE MINIO CAM- PHORATUM.

℞. Olei Rosati libram unam semis,  
Lithargyri uncias duas,

Minii uncias tres,  
Cerussæ unciam unam semis,  
Tutiæ præparatæ,  
Camphoræ ana drachmas tres,  
Ceræ albæ uncias duas.

Liquatam Ceram cum Oleo, lento igne, misce in mortario plumbeo, cum reliquis rebus tenuissimè tritis.

*Refrigerat & siccatur potentissimè, ideoque igni sacro felicissimè adhibetur, canculos sanat & ulcera, quæ humorum acrimoniâ serpunt: Eam namque obtundit.*

Coctionem cum aceto, quam præscribit Zvelferus, unguentum rubrum non largiri notat Welshius, quia minium coctum colorem suum perdit.

### UNGUENTUM DE SUCCIS ARANTII.

℞. Olei Rosati uncias sex,  
Omphacini uncias tres,  
Succorum Plantaginis,  
Solani hortensis,  
Centaurei minoris,  
Lapathi acuti ana unciam unam semis,

Bulliant ad succorum consumptionem, postea addatur

Ceræ albæ seorsim liquatæ quantum satis:

Inspergendo paulatim  
Lithargyri triti drachmam unam semis,

Plumbi usti drachmas tres,  
Pompholygis drachmas duas,  
Hordei usti pugill. unum semis,  
Boli Armenæ,  
Camphoræ ana drachmam unam:

His omnibus simul mixtis, ultimo loco adde

Ung. Populei unciam unam,  
Infrigidantis Gal. unciam semis.  
Fiat Unguentum.

*Ulceribus fœdis ac malignis opitulatur. Mundificat enim, siccatur, fluxiones acres in iisdem temperat, inflammationes reprimit, ac sinus cicatrice tegit.*



Hæc descriptio ab auctoris, Jul. Cæs. Arantii, nonnihil est diversa, utpote quam Tiberius Phialetus Medicus & Chirurgus Patavinus nonnihil immutavit, à D. D. Joh. Udalrico Rumlero communicata.

## UNGUENTUM AD TINEAM.

℞. Olei Rosati,  
Juniperi ex ligno ana drachmas sex,  
Sulphuris vivi,  
Stercoris Columbini,  
Floris Æris ana unciam semis,  
Ceræ quantum sufficit.  
Fiat Unguentum.

*Vires ex inscriptione patent.*

## UNGUENTUM AD VER- RUCAS SEU CARUNCULAS IN MEATU URINARIO NATAS.

℞. Mercurii præcipitati drachmas duas,  
Unguenti de Cerussa unciam semis.  
Misce.

Addi his potest pro magnitudine affectus aliquid Olei Vitrioli aut Aquæ fortis, immittendo hujus Unguenti parum supra candelam ceream in canalem. Potest autem loco Unguenti de Cerussa à principio sumi Unguentum Anodynum in æqua cum Præcipitato portione, aut etiam aliàs pro lubitu & intentione Medici variari.

Candelæ sic fiunt:

℞. Ceræ albæ libram unam,  
Terebinthinæ Venetæ unciam unam.  
Liquescat Cera, postea addatur Terebinthina, & in his liquatis intingantur Ellychnia, fiantque Candelæ justam crassitiem habentes.

*Utebatur hoc Unguento feliciter Alphonsus Ferreus Neapolitanus in exstirpandis carunculis seu verrucis in pene natis, urinæ non rarò suppressionem causantibus: id quoque commodissimè quondam usurpabat Joannes Thanmüllerus, Lithotomus ac Chirurgus insignis, qui multis annis in urbe no-*

*stra Praxin suam exercuit; id verò D. D. Udalricus Rumlerus, Collega quondam noster, communicaverat.*

## UNGUENTUM VIO- LATUM.

Fit ut Rosatum.

*Calidis pectoris noxis prodest, refrigerat  
& humectat.*

## UNGUENTUM VIRIDE REGINÆ.

℞. Fol. Lauri,  
Rorismarini,  
Salviæ,  
Majoranæ,  
Rutæ,  
Millefolii,  
Anagallidis aquaticæ,  
Nigellæ cum floribus & feminibus ana  
manipulos duos,  
Urticæ majoris,  
minoris,  
Hyssopi,  
Prunellæ,  
Artemisiæ ana manipulum unum,  
Agrimonix,  
Centinodii,  
Plantaginis minoris,  
Rad. Cichorii,  
Bellidis,  
Consolidæ mediæ,  
Saracenicæ,  
Vincæ pervincæ,  
Lavendulæ,  
Absinthii,  
Rosarum rubrarum,  
albarum ana manipulos tres.

Herbæ & Radices mundatæ incidantur, contundanturque cum Butyri recentis libris sex, postea additis Olei Olivarum libris duabus coquantur lento igne, rudiculâ continuò agitando: colentur & exprimantur, addaturque

Ceræ albæ libra semis,  
ac tandem




Olibani & Mastiches subtilissimè pulverisatorum ana unciaë quatuor.

Redigantur in Unguentum.

*Non tantum externè adhibetur, sed etiam internè datur ruptis, convulsis ac ex alto prolapsis, ubi grumosi sanguinis suspicio subest: suggillata curat, dolores partium lenit, estque ad varios usus adcommo-*

*tum.*  
In Zvvelferi præparatione taxat Welschius, quòd: 1. pro anagallide aquat. ponat anagallidem simpliciter, cum tamen utriusque non eadem sint vires; 2. pro anagall. & nigell. ana Man. ij. utriusque sumat ℥iv. & tamen in seqq. pro prunell. & artemis. ana Mi. utriusque ℥iij. id quod absque ulla proportionè proferatur; & omnium confessione manipulo uni respondeat uncia dimidia, aut, si de recentibus sermo sit, circiter uncia integra;

3. herbas recentes maceret in oleo & butyro, quæ ineptum menstruum esse pro extractione alibi adfirmat; 4. easdem herbas, in quibus multæ sunt balsamicæ & odoriferæ, uti artemisia, absinthium, rosa &c. coquat ad humiditatis consumptionem, quæ ratione vires exhalare necesse sit; 5. in expresso hoc & imprægnato oleo infundat iterum alias herbas, cum tamen nihil recipiat ultra modum suæ receptivitatis; 6. pro fol. lauri &c. Mii. iterum sumat ana ℥iv. 7. denuo ponat absinth. & rosar. ana ℥iij. cum supra jam tantundem posuerit; 8. humiditatem elicitam in cucurbita, addat reliquo tantum fortissime expresso, non denuo prius ad consumptionem humiditatis cocto, & sic facillimè rancescenti; 9. mastiches in pulvere additionem reprehendat, quam ipse supra in Unguento arego sic immiscuerat. Welschius autem hunc verum esse parandi modum pronunciat, ut ex herbis, adjecto vino, fiat destillatio, & in reliquis procedatur, sicut in Unguento Marciati ab ipso fuit expositum.







CLASSIS DECIMÆ  
SEXTÆ,  
EMPLASTRA  
EXPLANANTIS,  
SECTIO PRIMA,  
DE  
MEDICAMENTIS  
USUALIBUS.

EMPLASTRUM ALBUM  
COCTUM.

℞. Olei libras duas,  
Cerussæ libram unam semis,  
Ceræ albæ uncias quatuor.  
Cerussam cum Oleo, leni igne ad  
debitam consistentiam coquen-  
do, & tandem Ceram in eo lique-  
faciendo, fiat Emplastrum.

*Dicitur & Emplastrum de Cerus-  
sa. Intertriginibus quacunque ex  
causa succurrit, ac leves cutis exul-  
cerationes sanat.*

Quidam aquæ aliquid addunt, ut eò facilius  
albedo Emplastri in coctione servetur.

Welschius cerussam oleo nutrire ad Empla-  
stri consistentiam præcipit, cui deinde cera addatur,  
quæ tamen non sit corpus, sed faciat tantum Em-

plastra, ut sic dicatur, complanabilia, seu tractabi-  
lia; acetum autem & sal cum Zvvelfero addere, non  
opus esse judicat, quia illud faciat emplastrum fla-  
vescere, non candicare.

EMPLASTRUM DE  
BACCIS LAURI.

℞. Thuris,  
Mastiches,  
Myrrhæ ana unciam unam,  
Baccarum Lauri uncias duas,  
Cyperi,  
Costi ana unciam unam,  
Olei Laurini,  
Terebinthinæ Venetæ,  
Ceræ citrinæ ana unc. semis,  
Mellis despumati quantum  
sufficit.



Fiat secundum artem Emplastrum, Oleo Terebinthinæ & Cerae invicem liquatis, post factam ab igne depositionem, cætera immiscendo.

*Ventriculi, intestinorum, jecoris, renum, vesicæ, uteri & partium aliarum dolorem à flatibus, aut frigida intemperie ortum sanat. Si verò sterqus capræ, aut vaccæ siccum, pondere omnium, adjicias, & aucto Mellis pondere, ad hydropem ascitem, ac tympanitem conducit.*

Welschianus parandi modus est, ut ex pulveribus præscriptis fiat cum mellis despum. & ad debitam crassitiem cocti suff. quant. massa debitæ consistentiæ, cui deinde adduntur ol. lumbric. terebinth. & cera flava simul pistata.

### EMPLASTRUM DE CICUTA SCHRÖDERI.

℞. Cicutæ cum toto incisæ, & exsiccatae uncias novem,  
Succi ejusdem uncias quatuor,  
Olei Capparum unc. octodec.  
Irini uncias sex,  
Cerae novæ uncias quatuor semis,  
Gummi Ammoniacy unciam unam semis.

In Oleis cum Succo sufficienter coctis liquetur Cera, postea ab igne depositis addendo pulverem Cicutæ & Ammoniacy, fiat Emplastrum.

*Præstantissimum est in tumoribus duris & scirrhis, in primis vero lienem obstructum aperit, roborat, ejusque duritiem emollit.*

### EMPLASTRUM DIACHYLON SIMPLEX, SIVE ALBUM MESUÆ.

℞. Mucilag. Fœnugræci,  
Seminis Lini,  
Rad. Althææ ana libram unam,

Olei clari libras tres,  
Lithargyri libram unam semis.  
Coquantur omnia leni igne, continue agitando, usque ad humiditatis aquosæ consumptionem, vel justam consistentiam.

*Ad partium quarumcunque durities resolvendas & digerendas efficax, hepatis, lienis, ventriculi, & furunculi reliquias emollit ac dissipat, strumas quoque & inveteratos abscessus dissolvit, recentia vulnera ut & ulcera ab inflammatione vindicat, divisa glutinat, superficialia ulcera sanat solutum Rosaceo vel Myrtino, liquatum Chamamelino nervorum phlegmonam prohibet, podagricis quovis tempore opitulatur, ad diuturnas ac recentes uteri phlegmonas pessario inditum admovetur.*

Quidam pulveris Ireos unciam unam in libras singulas addunt.

Cum Zvvelferus in Emplastri hujus præparatione Lectorem ad Album coctum remittat, atque in eo candorem, aut aliquam saltem albedinem valdopere probari innuat, hanc ipsam ab aceto, quod addit, in flavescensem aut nigricantem verti, præterea mucilaginis cum lixivio, utpote falso, extractionem esse inutilem, oleo autem axungiam porcina recentem à quibusdam substitui, notissimum Officinis esse monet Welschius; modum econtra parandi præscriptum esse facilem, hoc unum observando, ne conficiatur in fornace vulgari cum ventili, sive ne ignis sit nimis fortis.

### EMPLASTRUM DIACHYLON CUM GUMM. VIGONIS.

℞. Radicum Althææ libram semis,  
Sem. Lini,  
Fœnugræci ana unciam unam,  
Malvæ,  
Althææ,  
Cydoniorum ana unciam semis,  
Psyllii drachmas duas,  
Suc-



Succi Glycyrrhizæ drachmas  
decem,

Cum aqua fontana coquantur &  
exprimantur. Mucilagini ex-  
pressæ adde

Olei Chamæmelini,

Anethini,

Liliorum,

Lini,

Irini ana uncias tres,

Amygdalorum dulcium,

Lithargyri Auri ana drachmas  
decem.

Coquantur ad humoris aquei  
consumtionem; postea ab igne  
removeantur, & cum

Pinguedinis Gallinæ,

Anatis,

Anseris ana unciis  
tribus,

Oesypi drachmis decem,

Sebi Vitulini libra semis,

Pulveris Rad. Ireos unciis dua-  
bus,

Florum Violarum un-  
cia dimidia,

Bdellii drachm. tribus,

Terebinthinæ uncia una semis,

Ammoniaci præparati drach-  
mis quinque,

Sagapeni,

Opopanacis,

Galbani ana præpar. drachmis  
tribus,

Gummia hæc cum Terebinthina  
liquando, fiat secundum artem  
Emplastrum.

*Magnarum in emolliendo est vi-  
rium, concoquit, maturat, digerit ac  
resolvit.*

Quod flores violarum & olea chamæm. a-  
neth. &c. coquendo, Zvvelferus eorum virtutes dif-  
perdat, gummi ammoniacum planè omittat, saga-  
penum & galbanum in pulverem redigere frustra

laboret, eadem in pultis forma absque colatura ad-  
misceat, bdellium in aqua, quam tamen Emplastra  
non patiuntur, solvat, & lithargyrum absque aceto,  
quod alias reprehendit, coquat, Welschius monet,  
suumque parandi modum adjungit: *℞. mucilagines  
ex radd. & semin. confectas, & si emplastrum album  
desideretur, loco succi, decocti rad. liquirit. ℥℥. o-  
lei lini, lilior. irin. ad ℥iij. amygdal. dulc. 3x. olei  
simpl. 3vj. pingued. gallin. anat. anser. ana ℥iij. li-  
tharg. æquale pondus, quantum est ol. & pingued.  
Coque ad debitam consistentiam, deinde adde fe-  
bum vitul. terebinth. oesypum & ceram, tum gumm.  
sagapeni, opopan. galban. ana ℥iij. ammoniac. 3v.  
in aceto soluta, colata & iterum inspissata, it. pul-  
ver. subtiliss. bdellii ℥iij. pulv. rad. ireos Flor. ℥ij.  
pulv. fl. violar. 3℥. F. f. a. cui addi posset ol. cha-  
mæm. & aneth. destill. ana 3℥. Quia tamen hic  
lithargyri pondus tantopere, nec malè augendum  
erat, idcirco etiam pondus gumm. ita auctum velle-  
mus, ut trium priorum fumeretur, ana 3j. & am-  
moniac. 3i℥. aut saltem duplicatum. Id quod in  
omnibus Emplastris notandum, in quibus lithargy-  
rum & cerussa augetur. Cum neque lithargyri, ne-  
que cera largior additio quidquam virium Emplastro  
huic conferat, sed potius eas imminuat: Præstat oleo-  
rum, pinguedinum & sebidosin imminuere, gummium  
autem & pulverum quantitatem augere, atque ita  
Emplastrum efficacius construere. Succo liquiritia si  
decoctum ex radicibus ejus libra dimidia substituatur,  
Emplastri albedo multò magis obfuscabitur, cum illa  
radicum quantitas per coctionem cum aqua, si inspiss-  
setur, longe plus succi, quàm drachmas decem lar-  
giatur.*

## EMPLASTRUM CITRI- NUM VULGARE.

*℞. Resinæ libram unam,*

*Ceræ citrinæ libram semis,*

*Sebi Cervini uncias quatuor,*

*Terebinthinæ uncias duas.*

*Fiat Emplastrum, omnia invicem  
liquando & colando.*

*Vulneribus recentibus medetur,  
ac ea cicatrice claudit. Quod si id ul-  
ceribus repurgandis magis idoneum  
reddere volueris, in singulas libras  
Emplastri, adjicito Æruginis munda-  
tæ drachmas duas, atque sic Empla-  
strum viride efficies, id quod commu-  
niter à plebeis expetitur.*

Pro colore intensiore obtinendo, parum cur-  
cumæ, uti vulgo fieri solet in Officinis, ante cola-  
tionem adjicere permittit Welschius, quod etiam in  
Unguento de althæa composito Zvvelferus permi-  
serat.

EM-



# EMPLASTRUM DE CRUSTA PANIS MONTAGNANÆ,

℞. Mastiches,  
Menthæ ana drachm. unam,  
Crustæ panis tostæ & macerata in aceto per horam mediam uncias duas,  
Olei de Mastiche,  
Cydoniorum,  
Terebinthinæ,  
Ceræ ana unciam unam,  
Farinæ Hordei quantum sufficit.

Fiat Emplastrum, Oleis Ceram cum Terebinthina liquefactam & cætera permiscendo.

*Confert ad vomitum puerorum, ac iis, qui cibum retinere nequeunt.*

# EMPLASTRUM DIAPHORETICUM MYNSICHTI.

℞. Ceræ flavæ uncias undecim,  
Colophonix,  
Bdellii ana uncias quatuor,  
Succini citrini uncias tres,  
Gummi Ammoniaci præpar.  
Terebinthinæ puræ ana uncias duas,  
Galbani præparati,  
Sandaracæ ana unciam unam,  
Mastiches,  
Thuris electi ana unc. semis.

Cera cum Colophonia liquetur & coletur; quibus ab igne depositis & semirefrigeratis Ammoniacum, Galbanum & Terebinthinam invicem liquefacta, post reliqua in pulverem contrita immiscendo, fiat secundum artem Emplastrum.

*Pituitam ac serosam humiditatem absorbet, discutit & extrahit; hinc*

*prodest in ischiadico dolore, intumescencia pedum, parotidibus & tumoribus Gallicis pituitosis, ubi suppurationi incumbere nolumus. Plura vid. in Hadriani Mynsichti Armament. med. Chym.*

# EMPLASTRUM FEBRIFUGUM STROBELBERGERI.

℞. Terebinthinæ puræ unciam unam semis,  
Leni igne liquefactæ injice  
Aranearum vivarum in locis mundis captarum numero quindecim.

Misceantur & agitentur cum pistillo ligneo, usque dum nihil amplius de Araneis conspiciatur, postea addatur

Telarum mundarum, quantum prædictæ Araneæ texerunt,  
Pulveris Asphalti,

Salis ammoniaci purissimi ana unc. un. semis.

Terantur, usque dum refrigescat materia, & justam Emplastri consistentiam adquirat; quod cum Oleo Scorpionum simplici malaxetur.

*Usus ejus est in febris tertianis & quartanis multis experimentis comprobatus; si carpis manuum applicetur.*

# EMPLASTRUM MALACTICUM CUM GUMMIBUS.

℞. Ceræ citrinæ uncias duas,  
drachmas sex,  
Terebinthinæ drachm. decem,  
Sebi cervini,  
Resinæ ana unciam unam,  
Gummi Ammoniaci,  
Galbani ana præp. unciam semis,  
Pulveris Curcumæ,  
Fœnugræci,



Lini ana unciam semis,  
 Althææ drachmas duas,  
 Farinæ Fabarum,  
 Tritici ana drach. tres.

Ceræ, Sevo & Resinæ liquefactis,  
 colatis, postea ab igne depositis  
 & semirefrigeratis, Pulveres ac  
 Gumia cum Terebinthina liquata  
 immiscendo, fiat Emplastrum.

### EMPLASTRUM MALACTI- CUM SINE GUMMIBUS.

℞. Ceræ citrinæ uncias octo,  
 Terebinthinæ uncias quatuor,  
 Colophonix uncias tres,  
 Olibani uncias duas,  
 Tartari albi drachmas duas,  
 Myrrhæ,  
 Seminis Fœnugræci,  
 Lini ana unc. unam,  
 Radicum Althææ,  
 Curcumæ,  
 Farinæ Fabarum ana drachm.  
 duas,

Olei Lini drachmas tres.

Cera cum Colophonia liquetur,  
 coletur & Oleo ac Terebinthinæ  
 invicem liquefactis, ut & reliquo-  
 rum pulvis ex arte permisceantur.

*Vires utriusque Emplastri nomini  
 respondent, & cum subsequentis Em-  
 plastri de Meliloto conveniunt.*

### EMPLASTRUM DE ME- LILOTO MESUÆ.

℞. Meliloti uncias sex,  
 Florum Chamæmeli,  
 Fœnugræci,  
 Baccarum Lauri,  
 Rad. Althææ,  
 Absinthii ana drachmas tres,  
 Seminis Apii,  
 Cardamomi,  
 Ireos,

Cyperì,  
 Spicæ Nardi Indicæ,  
 Cassiæ lignæ,  
 Ammeos ana drachm. unam  
 semis,  
 Majoranæ drachmas tres,  
 Ammoniacy præpar. drachm.  
 decem,  
 Styracis calamitæ præpar.  
 Bdellii ana drachmas quinque,  
 Terebinthinæ uncias tres,  
 Ficum pinguium numero  
 duodecim,  
 Sevi Hircini,  
 Resinæ ana uncias duas semis,  
 Ceræ libram unam,  
 Olei Sampsuchini,  
 Nardini ana quantum suf-  
 ficit.

Cera cum Resina & Sevo liquata  
 ac colata misceatur Oleis, postea  
 ab igne depositis & semirefrigera-  
 tis Pulveres, ac tandem Styrax &  
 Ammoniacum, in Terebinthina  
 liquata, ut & Ficus in pulpam  
 crassam redactæ addantur.

Fiat Emplastrum.

Cum ob magnam pulverum  
 quantitatem Emplastrum hoc fa-  
 cile in grumos, ægris molestos,  
 facessat, incommodum hoc ut  
 præcaveremus, terebinthinæ &  
 ceræ pondus duplicavimus, cum  
 antea illius tantum uncia una  
 cum dimidia, hujus autem uncix  
 sex requirerentur.

*Malacticum celebre ad invetera-  
 tas duresces jecoris, lienis, ventriculi,  
 viscerum, & reliquarum partium e-  
 molliendas, hypochondriorum tensio-  
 nem laxandam, flatus resolvendos, bu-  
 bones discutiendos, ac dolorem à fri-  
 gido sedandum.*



Cum Zvvelferus, flores chamæmeli, absinthium, spicam Indicam &c. coquendo, partes subtiles deperdat, bdellium omittat, & pondera ingredientium immutet, censuram Welschii incurrit, qui in suo modo sebum hircinum, resinam, ceram simul liquat, & colat, postea olea, styracem cum terebinthina in mortario calido prius subactum, ammoniacum in aceto solutum, colatum & inspissatum, pulpam ficuum, ad superfluum humiditatem abigendam prius nonnihil coctam, & pulverem reliquorum omnium alternatim addit, ut s. a. fiat Emplastrum.

### EMPLASTRUM NERVINUM VIGONIS.

℞. Olei Chamæmelini,  
Rosarum ana unc. duas,  
Mastichini,  
Terebinthinæ,  
Lini ana unc. unam semis,  
Terebinthinæ claræ uncias  
quatuor,  
Sevi Vitulini,  
Hircini ana unc. duas sem.  
Herbarum Rorismarini,  
Betonicæ,  
Caudæ equinæ,  
Centaurii ana manipulum unum,  
Vermium terrestrium lotorum  
uncias tres,  
Radicum Rubiæ tinctorum  
drachmas decem,  
Hyperici fol. & sem. ejus ana  
manipulum unum,  
Mastiches pulverisatæ,  
Gummi Elemi ana drachmas  
decem,  
Picis navalis,  
Resinæ ana unc. unam semis,  
Sagapeni,  
Galbani,  
Ammoniacy ana præparati  
drachmas tres,  
Lithargyri Auri,  
Argentiy ana uncias  
duas semis,

Minii uncias duas,  
Ceræ quantum satis.

Oleum Chamæmelinum, Rosarum, Mastichinum & Lini cum Lithargyro & Minio coquantur ad debitam consistentiam, postea addantur Pix, Resina, Sebum cum Cera invicem liquata & colata, atque cum ab igne deposita & semirefrigerata fuerint, reliqua in pulverem redacta, necnon Gummi Elemi, Sagapenum, Galbanum, Ammoniacum cum Terebinthina liquefacta, ac tandem Oleum Terebinthinæ.

*Emollit, digerit, resolvit, nervosarum partium malis cum primis utile.*

In modo parandi hoc Emplastrum Zvvelferiano reprehendit Welschius, quod: 1. herbas rorismarini, betonicæ &c. in vino & aceto coquendo, potiores eorum vires disperdat, idemque etiam in oleo chamæmelino, rosato, & terebinthinæ faciat, dictorum oleorum & lithargyrorum dosin sine causa augeat, gummi elemi, sagapeni & galbani frustra in pulverem redigere tentet, (quod tamen simpliciter non esse frustraneum, quilibet facile experiri poterit,) colationem gummi omittat, mastiches pondus non debite augeat &c. Ipse autem talem modum proponit: ℞. ol. lumbricor, ℥v. zi. olei lini ℥i℔. lithargyri, auri & argenti pondus æquale, coque nutriendo ad consistentiam debitam; postea ℞. terebinth. claræ ℥iv. sebi vitulini, hircini ana ℥i℔. picis naval. resinæ ana ℥i℔. ceræ fl. q. f. Liquata simul & colata priori adijunge; tum ℞. gummi elemi ℥x. sagapeni, galbani, ammoniaci, ana ℥iiii. soluta in aceto, colata & inspissata adde, & denique pulv. mastiches ℥xiii. pulv. herbæ beton. caudæ equin. centaur. ana ℥℔. pulv. rad. rub. tinct. ℥x. fol. & summitat. hyperic. ana ℥℔. ol. terebinth. ℥i℔. minii ℥ii. M. s. a. adde etiam olei rorismarin. & chamæm. destill. aliquot guttulas.

### OXYCROCEUM COMMUNE EX NICOLAO ALEXANDRINO.

℞. Ceræ,  
Picis,  
Colophoniæ ana libr. unam,  
Crocij,  
Terebinthinæ,  
Galbani præpar.  
Ammoniacy præpar.

Myrrhæ,



Myrrhæ,

Olibani,

Mastiches ana unc. quatuor.

Cera, Pix, & Colophonia invicem liquentur & colentur, quibus dein ab igne depositis & semirefrigeratis Galbanum & Ammoniacum in Terebinthina soluta, post reliqua in pulverem tenuissimum redacta, jungantur, fiatque secundum artem Emplastrum.

*Ad contusa, ossium fracturas, nervorum dolores, & abscessuum inveteratorum duritiem emolliendam idoneum, emplasticum quoque & gignendo callo habile.*

Welschius in modo Zvvelferi reprehendit: 1. non necessarium ponderis terebinthinæ augmentum; 2. galbani electi, id est, in granis additionem; 3. mastiches pulverisatæ admixtionem, quam alias in oleo aut terebinthina liquandam esse censuit; 4. coctionem in diplomate, qua partes tenuiores avolent: 5. galbani in hyeme commodam in pulverem redactionem, quæ fieri nequeat: Ipse vero talem suppeditat: ceram, picem, colophoniam, terebinthinam una liquando & colando, deinde gummia in aceto soluta, colata & inspissata addendo, item pulver. myrrhæ, thuris & mastiches, nec non croci cum vini spiritu irrigati.

## EMPLASTRUM DE RANIS CUM MERCURIO VIGONIS.

℞. Ol. Chamæmelini,

Anethini,

Liliorum alborum ana uncias duas,

de Croco unciam unam,

Pingued. Vituli libram semis,

Ranarum numero sex,

Lumbricorum elotorum unc. tres semis,

Decocti radicis Ebuli,

Enulæ an. uncias duas.

Coquantur ad consumptionem humiditatis aqueæ, & post colaturam cum

Lithargyri libra una, bulliant ad debitam consistentiam, postea addantur

Ceræ flavæ uncia sex, & ab igne remotis

Pulveris Euphorbii drachmæ quinque,

Thuris drachmæ decem,

Schoenanthi,

Stœchadis,

Matricariæ ana unc. semis,

Terebinthinæ claræ unc. duæ,

Styracis liquidi unc. una semis,

Argenti vivi cum dicta Terebinthina & Styrace probè permixti uncia quatuor.

Axungia viperinæ uncia duæ semis,

Olei Spicæ uncia duæ,

Laurini uncia una semis.

Fiat Emplastrum.

Debet etiam proflare SINE MERCURIO paratum.

*Valet in dissipandis doloribus artuum, homoplatarum, coxendicumque à lue venerea inveterata abortis, partibus robur conciliat, & virulentiam luis sub madoris specie extrahit. Quod sine Mercurio paratur, doloribus ex frigida causa abortis confert.*

In hujus Emplastri præparatione Zvvelferiana taxat Welschius, quod: 1. Mercurius in aqua forti solvatur, & cum pinguedine viperina ac oleo liliorum coquatur; qua ratione massa dura evadat; si autem maximè sic solvendus esset Mercurius, potius præcipitatum esse sumendum, quamvis hîc non corrodens ille desideretur, sed quantum madoris specie virus extrahat; 2. coctione pinguedinis viperinæ partes subtiliores pereant; schoenanthum, stæchas, matricaria, oleum chamæmelinum, anethinum, spicæ & laurinum coquantur; 4. pondus quorundam ingredientium absque ulla necessitate immutetur; 5. quædam ingredientia planè omittantur, uti oleum è croco; 6. oleum de spica coctum præscribatur, cum



nulla olea ex rebus odoratis coqui alias velit, & oleum spicæ destillatum vulgare in maxima copia habeatur &c. Welschianus autem præparandi modus talis est: ℞. ol. oliv. ℥v. Tebi vitulin. ℥℥℥. ranar. num. vi. lumbricor. mund. ℥iii℥. succi rad. ebul. ℥ii. coq. ad consumt. humiditatis, add. colaturæ ol. lil. alb. ℥ij. litharg. ℥ij. coq. nutriendo ad consist. emplastri durioris; postea ℞. ol. laurin. ℥i℥. ping. viper. ℥ii℥. ceræ flav. q. f. liquatis simul add. olei de spica ℥ij. & misc. cum priori emplastro, it. pulv. euphorb. ℥v. thuris ℥x. croc. ℥℥. myrrh. gr. xv. cardamomi ℥℥. & ubi semirefrigerit, add. styr. liq. ℥i℥. F. f. a. Emplastrum; cui, qui volet, addere poterit oleor. destill. chamæm. aneth. guttas aliquot, & si quis reliqua etiam desideraret morosius, adderet schoenanthum, stœchadem, matricariam, & radices enulæ in pulverem redacta debita quantitate. Et hoc Emplastrum esset sine Mercurio; qui vellet cum Mercurio usurpare, ultimò admiscere posset Mercurii vivi comm. ℥ij. terebinthina in mortario æneo cum pistillo ferreo extincti & subacti ℥iv.

### EMPLASTRUM SANDALINUM, OLIM INCOGNITUM DICTUM.

℞. Ceræ novæ uncias quatuor,  
Resinæ uncias quinque semis,  
Sandali rubri unc. unam semis,  
Crocī drachmas duas,  
Olibani,  
Mastiches,  
Myrrhæ,  
Aluminis ana drachm. unam semis.

Fiat secundum artem Emplastrum, Ceræ cum Resina liquefactæ & colatæ, iterumque semirefrigeratæ, Sandalum & Crocum cum Vini spiritu diluta, nec non reliqua in pulverem redacta immiscendo.

*Hepar roborat, obstructiones ejus reserat, nec non indurationes ejus emollit, infarctosque humores peccantes resolvit, & sanguinem mundificat.*

### EMPLASTRUM SAPONIS.

℞. Olei rosati libram unam,  
Calefiat in patella, adde

Saponis albi Veneti rasi uncias quatuor,  
quibus liquefactis, admisce

Cerussæ,

Minii ana uncias quatuor,  
Coque lento igne, continuè movendo, donec emplastrum duriorē consistentiam adquirat; tandem ab igne remotis, & nonnihil refrigeratis adde, sub continua agitatione, Camphoræ unciam unam, in Spiritu Vini ad pultis formam solutæ.

*Celebris est hujus usus imprimis in doloribus podagricis; de quo ejusdem Author, D. Otto Tachenius, in tractatu de morborum principe, videri poterit.*

### EMPLASTRUM SATURNINUM.

℞. Plumbi usti & loti uncias duas,  
Sevi hircini,  
Ceræ albæ ana unc. unam sem.  
Terebinthinæ drachmas sex,  
Lapidis calaminaris,  
Cerussæ lotæ ana unc. semis,  
Pompholygos,  
Tutiæ præpar. ana drach. duas,  
Myrrhæ,  
Mastiches,  
Olibani ana drachm. unam,  
Aloës hepaticæ,  
Camphoræ,  
Nitri depurati ana drachmam semis.

Ceræ cum Sevo hircino & Terebinthina liquatæ, postquam ab igne remota fuerint, reliqua in pulverem redacta secundum artem permisceantur.

*Valet contra omnis generis ambusta, inflammationes, tumores, vulnera*



nera & ulcera maligna, foetida, & corrodentia. Vid. Hadriani à Mynsicht *Thesaurus Medico-Chymicus*.

### EMPLASTRUM E SPERMATE CETI.

℞. Cerae albæ uncias quatuor,  
Spermatis Ceti uncias duas,  
Gummi Galbani unc. unam.  
Cerae eliquatae comisceatur Sperma Ceti, & tandem Gummi Galbanum tritum. Fiat Emplastrum.

*Mānis puerperarum post partum non lactantium impositum, & per aliquot dies gestatum omnibus, ex lacte doloribus & tumoribus, etiam duris, imò scrofulis & strumis medetur. Vid. Mynsichtus.*

### EMPLASTRUM E SPERMATE RANARUM.

℞. Spermatis Ranarum depurati,  
Olei Olivarum ana libras tres,  
Cerussæ Venetæ libras quatuor semis,  
Cerae albæ libram unam,  
Aluminis crudi unc. quatuor,  
Terebinthinæ drachm. duas,  
Camphoræ unciam unam.  
Oleum cum Spermate Ranarum usque ad humiditatis aquosæ consumptionem coquatur, postea Cera & Terebinthina, ut & reliqua pulverisata ex arte immisceantur.

*In inflammationibus & doloribus coercendis, nec non ad ulcera contumacia & antiqua curanda utiliter adhibetur.*

### EMPLASTRUM SPLENETICUM HIERONYMI FABRICII AB AQUAPENDENTE.

℞. Gummi Ammoniacy præpar. unciam unam,  
Succi Tabaci unciam semis,  
Ebuli,  
Resinæ Pini,  
Terebinthinæ ana drach. duas,  
Olei de Capparibus unc. semis,  
Cerae drachmam unam semis,  
Fiat Emplastrum, Succos cum Oleo sufficienter coquendo, dein Ceram cum Resina liquatam & colatam, ac tandem Ammoniacum cum Terebinthina soluta jungendo.

*Hujus Emplastri virtus est in resolvendo succo melancholico, splenem occupante, priusquam in scirrhum abeat, vel, si diuturnitate temporis jam sese exserat, in eodem emolliendo & resolvendo.*

Welschius hoc Emplastrum ita parat. ℞. resin. pini, terebinth. ana zij. ol. capp. ℥ss. ceræ. q. s. liquentur simul & colentur, tum add. gummi ammoniaci in aceto sol. colat. & inspissat. ℥i. pulv. tabac. ℥ss. F. omittendo, ob parvam ejus quantitatem (quamvis nec reliquorum ingredientium magna sit dosis,) zij. succi ebuli.

### EMPLASTRUM STYPTICUM CROLLII.

℞. Minii,  
Calaminaris ana libram semis,  
Lithargyri Auri,  
Argenti ana uncias tres,  
Olei Lini,  
Olivarum ana libram unam semis,  
Laurini libram semis,  
Cerae,  
Colophonix ana libr. unam,  
Vernicis,

Ff 3

Tere-







Fiat, coquendo sufficienter Mucilaginem cum Oleo & postea cum Cera, Medulla & Adipe permiscendo, Emplastrum.

*Juncturarum tophos ac nodos du-  
ros emollit, dissolvit, & crassa len-  
taque pulmonis ac thoracis excremen-*

*ta ad ejectionem per sputum magis  
habilia reddit.*

Si valentius facere volueris, adde  
Mucilaginis Althææ,


Fœnugræci partes æquales,

Olei Leucoji quantum satis.

Adhuc valentius reddetur, si addatur

Oesypi,

Ichthyocollæ ana quantum sufficit.



## CLASSIS DECIMÆ SEXTÆ

### SECTIO SECUNDA,

DE

# MEDICAMENTIS MINUS USUALIBUS.

## EMPLASTRUM APOSTO- LICON NICOLAI ALE- XANDRINI.

℞. Lithargyri uncias sex,  
Ceræ citrinæ,  
Colophonix ana uncias duas,  
Propoleos,  
Visci querni glutinis ana unciam unam,  
Gummi Ammoniaci præpar.  
Lapidis Calaminaris,  
Thuris ana drachmas sex,  
Mastiches,  
Mumiæ ana unciam unam semis,  
Terebinthinæ,  
Galbani præpar.  
Bdellii,  
Myrrhæ,  
Æris usti,  
Sarcocollæ,  
Squamæ Æris,  
Dictamni Cretici,  
Aristolochiæ,  
Viridis Æris ana unciam unam,  
Olei veteris quantum sufficit.

Ceræ cum Colophonia liquatæ & colatæ  
Gummi Ammoniacum, Galbanum & Te-  
rebinthina simul soluta, post reliqua in

pulverem redacta, & tandem Gluten Visci  
querni secundum artem misceantur.

*Epispasticum dici poterat: Nam cala-  
mos, furculos, & spicula corpori altum  
infixa extrahit; ad strumas recentes, fri-  
gidos ac diuturnos abscessus, viscerum tu-  
mores, præcisos & punctos nervos, recentia  
vulnera, phygetla, carcinomata, & cervicis  
ex frigida causa dolores facit; strumas ape-  
rit, abscessus rumpit, purgat & glutinat, ac  
cicatrices extenuat, splenis duritiem emen-  
dat, articulorum ac genuum ex influxu do-  
lores sedat, ad mammarum collectiones,  
erysipelata & fistulas injectum efficax; im-  
positum etiam morsibus venenatis, aut ra-  
bidorum animalium medetur. Usurpatur  
insuper ad hæmorrhoidas, condylomata,  
rimas ani, carbunculos, impetigines, inte-  
stinorum ramices, pudendorum depascentia  
ulcera cum Rosaceo injectum, cum quo etiam  
muliebribus malis pesso suppositum confert.*

Squama Æris sumenda hîc est, non illa crassa, vul-  
gò Ruppferschlag dicta, sed rufa ac tenuis, quam  
vulgus Kesselbraun vocat.

In Zvvelferi processu culpât Welschius: 1. te-  
rebinthinæ &c. præter necessitatem in pondere  
augmen-



augmentum; 2. gummium in aceto solutorum intermissam colaturam, quæ ob sordes in illis, præcipuè galbano, contentas sit necessaria; 3. eorundem gummium absque ulteriori coctione admistionem, quæ non emplastrum debitæ consistentiæ, sed unguentum potius producat; 4. lapidis calaminaris in pulverem redacti additionem, quem rectius cum lithargyro coxisset, utpote talium rerum solutiones aliàs tantopere urgens; 5. coctionis in diplomate vanam jactationem, sine qua tamen egregia Emplastra olim sint confecta, & etiamnum conficiantur. Ipse autem sic parat: ℞. litharg. olei veter. ana ℥vi. coq. nutriendo ad consistentiam debitam; cui add. ceræ, colophonix ana ℥ij. propol. terebinth. ana ℥i. simul prius liquata & colata, deinde admisce alternatim gummia & pulv. seqq. una cum ℥i. glutin. visci quern. Venet. (quod nulla colatione indiget,) gummia etiam ammoniacum & galbanum, quæ præscripta quantitate in aceto sunt solvenda & colanda, iterumque inspissanda. Pulveres fiant ex thure, mastiche, myrrha, farcocola, bdellio, lapide calaminari, mumia, ære usto, squama æris, dictamno Cret. aristolochia & viridi æris; sic F. f. a.

### EMPLASTRUM BASILICON MAJUS MESUÆ.

℞. Ceræ albæ,  
Resinæ Pineæ,  
Sevi Vaccini,  
Picis Græcæ,  
nigræ,  
Terebinthinæ,  
Thuris,  
Myrrhæ,  
Olei communis ana unciam unam.

Fiat secundum artem Emplastrum, Sevum, Ceram, Resinam & Picem invicem liquata & colata cum Oleo, Terebinthina, ac reliquorum pulvere permiscendo.

*Vulneribus recentibus remedio est, ea-  
que probè glutinat.*

### EMPLASTRUM BASILICON MINUS MESUÆ.

℞. Ceræ flavæ,  
Resinæ Pineæ,  
Picis Græcæ ana libram unam,  
Olei communis quantum sufficit.

Fiat Emplastrum, Ceræ cum Resina & Pice liquatæ colatæque Oleum commiscendo.

*Ulcera phlegmones expertia partium  
maximè nervosarum tergit, ac carne im-  
plet.*

Alii Terebinthinam addunt: alii verò eandem Picis loco ponunt.

### EMPLASTRUM E LAPIDE CALAMINARI.

℞. Lapidis Calaminaris,  
Tutiae præparatæ ana uncias duas,  
Terebinthinæ unciam unam semis,  
Ceræ citrinæ,  
Resinæ ana unciam unam,  
Lithargyri unciam semis,  
Olibani,  
Mastiches,  
Tragacanthi ana drachmam unam,  
Olei Rosati,  
Myrtini ana uncias duas.

Fiat secundum artem Emplastrum.

*Ulcera manantia desiccant & cicatrice  
claudit, atque idem ferè præstat, quod Gri-  
seum.*

In Zvvelferi conficiendi modo animadvertit Welschius, quod: 1. oleum rosar. coquat, sicque odorem & vires perdat; 2. lithargyri pondus sextuplum sumat; 3. mastichen in pulvere addat, quam aliàs non nisi liquatam jungere præcipit; 4. tragacanthum in aqua rosar. solvat, cum tamen Emplastra non patiantur aquas, & ipsum in pulvere addi queat; 5. pondus olibani & mastiches duplicet; 6. lapidem calaminarem in pulvere addat, de cerussa & lithargyro coquendis ubique tam sollicitus, qua coctione etiam ille opus habeat. Welschius itaque præparationem sic peragit: ℞. lap. calam. ℥ij. litharg. ℥℞. ol. myrtin. ℥ij. coq. nutriendo ad debitam consistentiam, add. terebinth. ℥i℞. ceræ citr. resin. ana ℥i. per se simul liquata, it. olei rosar. ℥ij. denique tutiam, thus, mastichen, tragacanthum in pulverem subtilem redacta. M. F. f. a.

### EMPLASTRUM CATAGMATI- TICUM, SEU AD FRACTU- RAS OSSIUM RE- NODÆI.

℞. Radicum Symphyti majoris,  
Althææ,  
Visci querni ana uncias duas,  
Plantaginis,  
Chamæpyteos,  
Hyperici ana manipulum unum.

Fiat



Fiat decoctio in æquis partibus Vini rubri & aquæ Fabrorum ad medias. Colaturæ adde

Mucilaginis seminis Cydoniorum cum decocto Aristolochiæ rotundæ extractæ,  
 Olei Mastichini,  
 Rosarum ana uncias quatuor,  
 Cera Virgineæ libram unam,  
 Lithargyri Auri uncias duas,  
 Terebinthinæ uncias tres,  
 Balauftiorum,  
 Rosarum,  
 Myrtillorum,  
 Acaciæ ana unciam semis,  
 Mumia,  
 Seminis Hyperici,  
 Colophonix,  
 Mastiches,  
 Succini ana drachmas sex,  
 Picis navalis,  
 Boli Armenæ,  
 Farinæ volatilis,  
 Thuris ana unciam unam semis,  
 Sanguinis Draconis uncias duas.

Fiat lege artis Emplastrum, Decoctum superius & Mucilaginem cum Oleo rosarum ad humiditatis aqueæ consuntionem coquendo, dein Ceram cum Colophonia & Pice liquatam atque colatam, Terebinthinam & Oleum Mastichinum, nec non reliqua in pulverem redacta permiscendo.

*Emplastrum hoc catagmaticum vires habet insignes ad fracturas ossium sanandas: Eorum enim coalitum iuvat, & accelerat, callum, quo simul agglutinantur, auget, calorem partis nativum fovet, & humorum fluxiones sistit.*

Contra Zvvelferi modum parandi notat Welschius, quod: 1. olei mastichini, & mucilaginis seminis cydon. pondus diminuerit; 2. lithargyri dosin auxerit; 3. oleum rosar. chamæpit. hyperic. & alia cum odoris & virium perditione coquat; 4. mastichen non solutam addat; 5. omnia denique una vel altera ebullitione iterum, cum præcipuarum virium, si quæ adhuc supersites essent, iactura coquat &c. Welschius autem talem modum proponit: R. Olei omphacin. ℥viij. lithargyr. aur. ℥ij. (melius tamen esset, ℥vj. vel etiam ℥viij. sumere,) decoctum mucilaginosum ex radd. symphyti maj. alth. plantag. & sem. cydon. præscripta quantitate in aqua fabror. factum; coq. ad consistentiam de-

bitam, cui add. ceram, picem naval. & colophon. per se liquata & colata, deinde terebinthinam, in qua solutæ sint mastich. ℥j. ℥vj. (licet etiam posset in pulvere addi,) & denique reliqua omnia in pulverem tenuissimum redacta, etiam succum acaciæ, qui s. a. cum reliquis æquè benè potest pulverisari; it. gluten visci querni Veneti alternatim cum pulveribus admiscetur; rosarum pondus ad ℥j. augeri potest, propter oleum rosarum præscriptum, pro quo sumimus oleum omphacinum.

## EMPLASTRUM CERONEUM NICOLAI.

R. Picis Navalis,  
 Cera ana uncias duas, drachmas tres,  
 Sagapeni uncias duas,  
 Ammoniæ præp.  
 Terebinthinæ,  
 Colophonix,  
 Croci ana unciam unam, drachmas tres,  
 Aloës,  
 Thuris,  
 Myrrhæ ana unciam unam,  
 Opopanacis præpar.  
 Styracis calamitæ præp.  
 Galbani præpar.  
 Mastiches,  
 Aluminis,  
 Fœnugræci ana drachmas sex,  
 Styracis liquidi,  
 Bdellii ana drachmas tres,  
 Lithargyri drachmam unam semis.

Cera cum Pice & Colophonia liquatæ atque colatæ additur Styrax calam. cum Styrace liquido & Terebinthina liquefactus, ut & Sagapenum, Galbanum, Opopanax & Ammoniacum, cum pauxillo aceto distemperata, ac cætera in pulverem redacta.

*Valet ad dolorem scapularum & thoracis à frigore ortum ducentem, lienis duri-  
 tiem emollit, aquam intercutem à frigida  
 jecoris intemperie natam sanat, ac uteri vi-  
 tiis ex simili causa ortis prodest, lumborum,  
 pudendorum, vesicæ, ac renum frigus vi suâ  
 calefaciente dissipat, ossium fracturis & lu-  
 xationibus prodest, concoquit, mollit, car-  
 nesque procreat.*



In hoc quoque Emplastro Welschius diversorum ingredientium pondus à Zvvelfero mutatum, styracis in terebinthina liquationem in grumos inde fatiscentis, mastiches in pulvere additionem, gummi in vino solutorum intermissam colationem, nec non in pultis forma admixtionem &c. culpat, ipse verò talem parandi modum proponit: ℞. picis naval. ceræ ana ℥ij. ℥iij. terebinthin. ℥j. colophon. ℥j. ℥iij. liquefiant & colentur; dein ℞. sagapen. ammoniac. opopanax. galban. solve in vino vel aceto, cola, & iterum inspissa; tum ℞. aloën, thus, myrrham, mastichen, alumen, fœnugræcum, bdellium, lithargyrum, crocum, in pulverem redacta, & juxta cum gummibus liquatis immisce; ultimò cum refrigerari incipit, add. styracem calam. cum terebinth. ℥iij. & styrace liq. priùs in mortario calido unita. F. s. a. Emplastrum.

### EMPLASTRUM DIACHYLON COMPOSITUM SEU EMPLASTRUM DE MUCILAGINIBUS DICTUM.

℞. Decocti mucilaginosi rad. Althææ,  
Sem. Lini,  
medii cortic. Ulmi,  
Fœnugræci ana  
uncias quatuor semis,

Olei Chamæmelini,  
Liliorum,  
Anethi ana unciam unam semis,  
Ammoniacy,  
Galbani,  
Opopanax,  
Sagapeni ana præparat. unciam semis,  
Ceræ novæ uncias viginti,  
Croci drachmas duas,  
Terebinthinæ uncias duas.

Fiat secundum artem Emplastrum, Mucilaginem cum Oleis sufficienter coquendo, Gummiæque cum Terebinthina soluta, Ceram & Crocum pulverisatum addendo

*Maximarum in emolliendo est virium, phlegmonas sanat, & saniem ruptorum apostematum abstergit.*

Nota, in defectu mediani corticis Ulmi, Fœnugræci pondus duplicari posse.

Welschianus parandi modus talis est: Mucilagine coquantur cum oleo simpl. vel oleo lilior. alb. deinde liquetur cera, tum addatur terebinthina cum

gummibus solut. colat. & inspissatis, it. pulvis croci parum cum spiritu vini solutus, vel etiam solus.

### EMPLASTRUM DIACHYLON MAGNUM MESUÆ.

℞. Lithargyri libram unam,  
Olei Chamæmelini,  
Irini,  
Anethini ana uncias octo.  
Mucilaginis sem. Lini,  
Fœnugræci,  
Althææ,  
Decocti Ficuum pinguium,  
Uvarum passerarum,  
Ireos,  
Scillæ,  
Ichthyocollæ,  
Oesypi ana drachmas duodecim,  
Terebinthinæ uncias tres,  
Resinæ Pini,  
Ceræ flavæ ana uncias duas.  
Fiat secundum artem Emplastrum.

*Inflammata & dura sedando, emolliendo, ac digerendo magis est efficax sequenti, ideoque Magnum dicitur. Vigonis tamen ad omnia ista efficacius.*

In Zvvelferiano parandi modo taxat Welschius: 1. olei chamæm. & aneth. coctionem, & ita virium perditionem; 2. oesypi in Classe præparatorum ab eo rejecti admixtionem; 3. pulveris ireos cum succo permutationem, cum tamen is apud nos haberi queat, succus scillæ autem non facile, cujus tamen pulverem non sumit; 4. mucilaginis ficuum adhibitionem, cum tamen in Emplastro de meliloto pulpam commendet; 5. aceti additione desideratæ in hoc emplastro albedinis in fuscum mutationem. Modus autem Welschianus est, ut lithargyri ℥iij. cum oleo simpl. & mucilag. ac succis coquantur ad consistentiam debitam, deinde admisceantur cera, resina, terebinthina & oesypus per se simul liquata & colata, fiatque f. a. addendo ultimò pulpas ficuum & passerularum ad debitam consistentiam priùs excoctam.

### EMPLASTRUM DIACHYLON PARVUM MESUÆ.

℞. Lithargyri uncias sex,  
Olei veteris clari libram unam,

Deco-



Decocti feminis Hyoscyami unciam unam semis,  
 Lini,  
 Mucilaginis rad. Althææ ana unc. duas,  
 Psyllii uncias quatuor.  
 Fiat ex arte Emplastrum.

*Ufus ejus est in inflammationibus ac tumoribus calidis: Eos namque digerit & maturat.*

## EMPLASTRUM DE FULIGINE.

℞. Theriacæ Andromachi,  
 Mithridatii ana unciam semis,  
 Fermenti,  
 Terebinthinæ ana uncias duas,  
 Mellis Rosati simplicis unciam unam semis,  
 Butyri recentis uncias duas,  
 Salis communis unciam unam,  
 Fuliginis Camini unciam unam semis,  
 Saponis Veneti uncias quatuor,  
 Croci drachmas tres,  
 Vitellorum ovorum numero quatuor.  
 Fiat lege artis Emplastrum.

*Emplastro hoc Augustani Lœmiatri ad maturandos bubones ac anthraces pestilentes, extrahendum venenum, atque mitigandos ex inflammationibus subortos dolores felicissime quondam utebantur.*

## EMPLASTRUM GRISEUM, sive DE LAPIDE CALAMINARI.

℞. Lapidis Calaminaris præparati unciam unam,  
 Lithargyri uncias duas,  
 Cerussæ unciam semis,  
 Tutia drachmam unam,  
 Terebinthinæ unciam unam semis,  
 Cerae albæ uncias tres,  
 Sebi Cervini uncias quatuor,  
 Thuris electi drachmas quinque,  
 Mastiches drachmas tres,  
 Myrrhæ drachmas duas,  
 Camphoræ drachmam unam semis.

Confice secundum artem, Sebo, Terebinthinæ & Cerae liquatis, post aliqualem refrigerationem, reliquorum pulverem immiscendo.

*Ulceræ explet, siccatur, & cicatrice claudit.*

## EMPLASTRUM AD HYDROPEM.

℞. Stercoris Columbini aceto macerati libram unam,  
 Succu Ebuli uncias duas,  
 Mellis libram semis,  
 Sulphuris vivi unciam unam,  
 Nitri unciam semis.  
 Coquantur omnia ad spissitudinem; postea addantur  
 Pulveris rad. Ireos uncia una,  
 Enulæ,  
 Baccarum Lauri,  
 Anethi,  
 Florum Chamæmeli ana drachmæ sex,  
 Semin. Nasturtii drachmæ duæ,  
 Farinæ Fabarum uncia una semis,  
 Sebi Cervini libra semis,  
 Terebinthinæ uncia quatuor semis,  
 Cerae flavæ quantum sufficit.  
 Fiat s. a. Emplastrum.

*Eo quondam crebrò usi sunt celeberrimi Medici Patavini, Joannes Baptista Montanus & Aloysius Bellacattus, tanquam experto ac valde probato ad hydrope remedio, nec nos inefficax deprehendimus.*

In Zvvelferi modo Welschius vituperat, quòd: 1. semen nasturtii omiserit; 2. radices enulæ coxerit in vino, quas tamen in Syrupò aper. Mind. & de artemis. destillationi commiserit, & hoc pacto meliores partes hinc perdiderit; 3. postquam addidit pulverem ireos, baccar. lauri, aneth. & fl. chamæm. una cum melle, terebinth. ac sebo cerv. iterum coctionem, seu unam vel alteram ebullitionem instituerit, qua, quidquid reliquum est de viribus, disperdi necesse sit. Ipse vero ex præscripta compositione non posse fieri emplastrum justæ consistentiæ, sed rectius ex tempore cataplasma inde à Medico præscribi, arbitratur; id quod etiam de sequenti ischiadico statuit. *Cum hic de Emplastris agatur, nec Cataplasma desideretur, ad justam consistentiam obtinendam, ceram olim non præscriptam addere placuit.*



EMPLASTRUM ISCHIA-  
DICUM.

℞. Gummi Galbani,  
Sagapeni,  
Castorei ana unciam semis,  
Euphorbii drachmam unam,  
Seminis Lini,  
Ceparum,  
Erucae ana drachmas duas,  
Pulpæ Scillæ,  
Stercoris columbini ana drachmas tres,  
Ceræ flavæ unciam unam semis,  
Fermenti acris,  
Olei Lini ana quantum fatis.  
Pulpam Scillæ cum Stercore col. Fermen-  
to, & Oleo Lini coquendo, ad partium  
aquosarum exhalationem, postea ceram in  
eo liquando, & tandem his ab igne remo-  
tis galbanum cum pauca terebinthina solu-  
tum, nec non reliquorum pulveres adden-  
do fiat Emplastrum.

*Commendatur illius virtus ad humores,  
à cerebro & partibus superioribus ad co-  
xam destillantes, exsiccandos, vel attractos  
è profundioribus istis locis discutiendos, at-  
que ita dolores ischiadicos placandos & au-  
ferendos.*

EMPLASTRUM MAGNE-  
TICUM ANGELI SALÆ.

℞. Gummi Sagapeni,  
Ammoniacy,  
Galbani ana præp. uncias tres,  
Terebinth. Laric.  
Ceræ ana uncias quatuor semis,  
Magnetis Arsenicalis uncias tres,  
Terræ Vitrioli lotæ sive Colcotharis e-  
dulcati unciam unam,  
Olei Succini uncias duas.  
Gummia cum Terebinthina & Cera lique-  
scant, addendo dein pulverem Magnetis  
Arsenicalis & Colcotharis, & tandem O-  
leum Succini. Fiat Emplastrum.

Præparatio Arsenicalis Magnetis hæc  
est:

℞. Antimonii crudi,  
Sulphuris flavi,  
Arsenici crystallini ana uncias duas.  
Pulveriscentur omnia subtiliter & in vase  
vitreo in arenam calentem imponantur,  
& tamdiu in illa relinquantur, donec ma-

teria illa omnis colliquescat, studiosè à  
fumo sibi cavendo, id quod inde cogno-  
veris, si materia ferreo stylo tacta illi  
adhæserit, & Terebinthinæ instar duci  
possit.

*Emplastrum hoc anthracibus pestilenti-  
bus dextrè applicatum, eos maturat, rum-  
pit, & venenum attrahit, longè aliis Em-  
plastris huic usui destinatis meritò antese-  
rendum. Vide nostrum Mindererum de  
Chalcantho cap. 7. D.D. Frider. Hoffman-  
num in Methodo Med. pag. 427. & Cla-  
vem pharmac. Schröd. pag. 72. ut & Go-  
dofr. Schulzii appendicem Scrutinii cinna-  
bar.*

Frustra in hoc Emplastro gummi in aceto  
solutorum inspissationem, quòd subtiliores partes  
sic exhalent, improbare Zvvelferum, Welschius 1.  
animadvertit, cum quæri adhuc possit, an vires e-  
molliendi, attrahendi, discutiendi, & maturandi in  
illis partibus resideant; olea verò eorundem ad hoc  
efficacissima sint, nec pereant tamen inspissatione,  
quia non simplici destillatione aut coctione extra-  
hantur, sed fortiolem ignem & retortam deside-  
rent; 2. terram vitrioli à sublimatione salis ammo-  
niacy cum vitriolo calcinato relictam & nullo mo-  
do lotam vel edulcoratam rejicit, & Zvvelferum  
hîc authorem emplastri, qui est Angelus Sala, non  
Mindererum sequi debuisse, sicque caput mortuum  
vitrioli intelligendum esse monet; 3. sagapeni &  
galbani tempore hyberno pulverisationem tradere  
Zvvelferum, quod omnium confessione fieri ne-  
queat; 4. pondus terebinth. & ceræ ab eodem abs-  
que necessitate immutari. Ubi obiter notare lice-  
at: 1. gummi istorum depurationis causâ in ace-  
to solutorum inspissatio licet reprehensionem frustra u-  
tique subeat, in partibus tamen istis subtilioribus ex-  
halantibus, si maximè servari possint & debeant, dis-  
cutiendi &c. vires non minùs ac in remanentibus  
inveniri; 2. quamvis colcothar sive caput mortuum  
vitrioli dictum non malè in hoc emplastrum recipia-  
tur, ipsum tamen Ang. Salam terram suam vitrioli  
cum sale ammoniaco parasse, atque ita Mindererum  
nostrum nihil contra intentionem Authoris egisse, ejus-  
dem anatomia vitrioli tract. 1. cap. 6. & 7. clarè sa-  
tis testatur; 3. sagapenum & galbanum tempore  
hyberno in pulverem redigere non est impossibile, quod  
quivis, cui experiri lubet, facile deprehendet.

EMPLASTRUM DE MI-  
NIO VIGONIS.

℞. Olei Rosati libram unam semis,  
Myrtini,

Unguen-



Unguenti Populei ana uncias quatuor,  
 Pinguedinis Gallinæ uncias duas,  
     Porcinæ uncias septem,  
 Sebi Castrati,  
     Vaccini ana libram semis,  
 Lithargyri Auri,  
     Argenti ana unc. tres semis,  
 Minii uncias tres,  
 Cerussæ,  
 Terebinthinæ ana uncias quatuor,  
 Cera quantum sufficit.

Fiat Emplastrum secundum artem, Olea cum Lithargyro, Cerussa & Minio leniter coquendo, & cætera dein in eis liquefaciendo & permiscendo.

*Vulnera & ulcera antiqua atque maligna curat.*

### ALIUD NICOLAI MASSÆ.

℞. Minii libras duas,  
 Olei Rosacei uncias viginti,  
 Picis navalis uncias quatuor,  
 Terebinthinæ uncias duas,

Fiat Emplastrum, Oleum cum Minio ad debitam consistentiam coquendo, & Picem cum Terebinthina liquatam & colatam ei permiscendo.

*Commendatur ad vulnera pectoris penetrantia & ad ulcera antiqua, ac difficilis consolidationis. Massa parte 2. fol. 96.*

Welschius hîc pro oleo rosaceo saltem simplex aut myrtini pondus auctius sumit, & lithargyri ac cerussæ æquale pondus, respectu oleorum & pinguedinum, nec non pro unguento populeo pinguedinem porcinam, scil. ne vires illorum coctione pereant; *quas tamen præsertim tantillulas in hoc Emplastro, vulneribus & ulceribus tantum dicato vix necessarias esse, ipse usus comprobat.*

In altera compositione Massæ, minii coctionem Zvvelferianam cum aceto destill. improbat Welschius, cum sic colorem rubrum perdat & nigrescat, ut ut lento igne & agitatione continua paretur, aut in fine demum minium addatur, quia emplastrum si semel nigricans productum fuerit, nunquam in colorem rubrum mutabitur.

### EMPLASTRUM NIGRUM.

℞. Colophonix,  
 Resinæ,  
 Picis navalis,  
 Cera albæ,  
 Vitrioli Romani,

Cerussæ,  
 Olibani,  
 Myrrhæ ana uncias octo,  
 Mastiches,  
 Terræ sigillatæ,  
 Sanguinis Draconis,  
 Lumbricorum præparatorum,  
 Camphoræ ana unciam unam,  
 Mumix,  
 Lapidis Magnetis præparati,  
 Vitrioli albi,  
 Corallii rubri ana uncias duas,  
 Axungix Ardeæ unciam unam,  
     Thymalli uncias tres,  
 Olei Ovorum uncias duas,  
     de Spica unciam unam,  
 Juniperi ex granis uncias tres,  
 Rosarum uncias septem.

Fiat Emplastrum secundum artem, Colophoniam, Resinam, Picem & Ceram invicem liquando & colando, dein Olea & Axungias, ut & reliqua pulverisata immiscendo.

*Perquam efficax ad recentia vulnera & puncturas,*

### EMPLASTRUM OPODEL- TOCH D. D. MINDERERI.

℞. Cera novæ mundissimæ libram unam,  
 Terebinthinæ Venetæ claræ libram semis,  
 Olei Hyperici,  
     Myrtini ana unciam unam semis,  
 Gummi Elemi uncias tres,  
     Ammoniacy,  
     Galbani,  
     Opopanax ana præparati  
         drachmas tres,

Colophonix drachmas sex,  
 Mumix selectæ,  
 Succini albi ana drachmas duas,  
 Olibani,  
 Mastiches,  
 Sanguinis Draconis,  
 Sarcocollæ à recrementis purgatæ ana  
     drachmam unam semis,  
 Aloës hepaticæ drachmam semis,  
 Myrrhæ drachmam unam,  
 Lapidis Magnetis præparati drachmas  
     sex,



Croci Martis ex arte sine corrosivo concinnati,

Tutiae præparatae ana unciam unam,

Lapidis Calaminaris præparati uncias quinque,

Lithargyri Auri unciam unam,

Colcotharis indulcati, seu Terræ Vitrioli mortuæ ac dulcificatæ unc. duas,

Succi Alchymillæ,

Symphyti,

Veronicæ,

Pyrolæ,

Saniculæ,

Consolidæ mediæ, vel Saracenicæ,

Telephii,

Nicotianæ,

Numulariæ, aut Fol. quercus ana unciam unam.

Olea cum Succis coquantur ad humiditatis aqueæ consumptionem; postea additis Cera & Colophoniâ invicem liquatis ac colatis, ut & post factam ab igne remotionem & aliqualem refrigerationem, Gummibus cum Terebinthina solutis, atque reliquis in pulverem redactis, fiat lege artis Emplastrum.

*Emplastrum hoc magnæ efficacæ est ad vulnera recentia sananda; spicula, tela, cuspides, dummodò ossibus fixi non hæreant, itemque pilos, aut quæ vulnere inciderint, extrahit, symptomata vulneribus infensa ac periculosa, si citò adplicetur, præcavet, tumores, adfluxusque humorum, qui offensæ parti incumbere solent, reprimit.*

Qui mollius habere hoc Emplastrum voluerit, Terebinthinæ ac Oleorum supradictorum quantitatem non nihil augendo, facile id obtinere poterit.

Zvvelferiano in modo Welschius taxat, quod: 1. mumiam omiserit; 2. quædam ingredientia permutaverit, pro oleo hyperici & myrtino oleum terebinthinæ rubrum fumendo; 3. quædam addiderit, ut tacamahacam; 4. ingredientium pondera, v. g. terebinth. galban. opopanac. ammoniac. myrrh. &c. immutaverit; 5. colcotharis ab astris imprægnationem absurde tradiderit; 6. galbani grana fumere suaserit, quod nimis pretiosum esset, nec tanta eorum copia suppeteret, si etiam in externa medicamenta adsumi deberent, &c. Welschianus autem conficiendi modus talis est. R. gummi elemi ℥iii. terebinth. Ven. clar. ℥ss. liquefactis simul adde ceræ ℥j. & colophon. ℥vj. liquentur & colentur, tum add. ol. hyperic. & myrtin. ana ℥i℥. item gummia in aceto dissoluta, colata & inspissata, ac pulveres reliquorum.

## EMPLASTRUM OXYCROCEUM VIGONIS.

R. Olei Myrtini,

Rosarum,

Omphacini ana libram unam semis,

Radicum Althææ libras duas,

Rad. & Folior. Fraxini,

Consolidæ minoris.

Foliorum Myrti ana manipulum unum, Radices & Folia contusa, bulliant cum Oleis ad consumptionem humiditatis aqueæ, postea colentur, & addantur invicem liquata:

Sebi Hircini libra semis,

Terebinthinæ uncia duæ,

Ceræ novæ quantum sufficit,

nec non sequentes pulveres:

Myrrhæ,

Thuris ana uncia semis,

Mastiches uncia una,

Lithargyri Auri,

Argenti ana uncia tres,

Boli Armenæ,

Terræ sigillatæ ana uncia duæ,

Minii drachmæ decem.

Fiat Emplastrum.

*Perperam hoc emplastrum à Vigone dicitur Oxycroceum, cum Aceto & Croco careat, nomen tamen immutare nolimus, quia ejusdem usus diuturnior sub hoc nomine jam invaluit.*

Welschii præparatio hæc est: R. mucilag. radd. alth. ℥ij. radd. & fol. fraxini, consolidæ minor. fol. myrti ana Mi. ol. myrtin. ℥i℥. omphacin. ℥iij. coq. ad consumt. humidit. colaturæ add. lithargyri utriusque ana ℥ij. ℥iij. coq. nutriendo ad debitam consistentiam, add. sebi hircini ℥ss. terebinth. ℥iv. ceræ q. s. it. pulv. mastich. myrrh. thuris, bol. Arm. terr. sigill. & minii. F. f. a. Emplastrum.

## EMPLASTRUM DIAPHONICON CALIDUM MESUÆ.

R. Ceræ uncias duas,

Olei Rosati,

Nardini ana uncias quatuor,

Simul liquentur; deinde

R. Da-



℞. Daſtylorum ficcorum numero quadraginta,

Panis biscocti,

Carnis Cydoniorum ana unciam unam.

Coquantur in Vino odorato & redigantur in pulpam, quæ ad debitam consistentiam perducta misceantur superioribus; addendo denique sequentia pulverisata:

Mastiches,

Thuris,

Abſinthii Romani ana drachmas duas semis,

Ligni Aloës,

Macis,

Myrrhæ,

Aloës lotæ,

Spicæ Nardi,

Acaciæ,

Galix Moschata,

Trochiscorum Ramich,

Calami aromatici ana drachmam unam,

Ladani drachmas duas.

Misce. Fiat Emplaſtrum.

*Ventriculum & hepar firmat: Ob id lienteriam & dysenteriam hepaticam juvat. Id verò, quod frigidum dicitur, ventrem totum inferiorem, ne aliarum partium recrementa suscipiat, roborare, coctionemque adjuvare creditur: ob hæc vomitum, choleram morbum, lienteriam ac fluxum hepaticum coërcet.*

Reprehenditur hic Zvvelferus à Welschio, quòd: 1. nimis parvam quantitatem daſtylorum accipiat, cum eorum quadraginta longè plus quàm uncias sedecim largiantur; pondera ingredientium reliquorum mirè, absque ulla proportionè ac ratione permutaverit; 3. oleorum pondera imminuerit; 4. absinthium coxerit; 5. Galix moschata resolutionem minùs adcuratè instituerit; ipse autem sequentem modum parandi ponit: ℞. daſtylos num. xi. carn. cydonior. ʒi. fiat pulpa cum aceto f. a. cui add. panis biscoct. ʒi. quæ ad debitam consistentiam inspissentur; tum ℞. ol. nardin. roſar. ana ʒiv. ceræ ʒvj. & liquatis immisce pulpam superiorem, & pulverem reliquorum omnium, alternatim per incerniculum, F. Empl. Qua etiam ratione sequens Emplaſtrum diaphœnicum frigidum parari jubet.

## EMPLASTRUM DIAPHŒNICON FRIGIDUM EJUSDEM.

℞. Daſtylorum maturitati proximorum uncias quinque,

Panis biscocti unciam unam,

Carnis Cydoniorum unc. unam semis.

Coquantur cum Vino austero & redigantur in pulpam, quæ debitè inspissata permisceatur cum sequentibus:

℞. Pulv. Styracis calamitæ,

Mastiches,

Ladani,

Florum Acaciarum,

Rosarum rubrarum,

Sandali citrini,

Trochiscorum Ramich,

Myrrhæ,

Ligni Aloës ana drachmas quatuor,

Ceræ uncias quatuor,

Olei Rosacei unc. quindecim.

Fiat ex arte Emplaſtrum.

## EMPLASTRUM DE RHABBARO JOANNIS MANARDI.

℞. Rhabbari electi unc. semis,

Aloës hepaticæ unciam unam,

Lixivii fortis libram unam,

Saponis Veneti libram semis,

Ceræ uncias duas.

Decoquantur secundum artem ad justam consistentiam.

*Commendatur ad duros tumores, & topophos præsertim in morbo Gallico.*

## EMPLASTRUM TETRAPHARMACON GALENI.

℞. Picis nigræ,

Refinæ,

Ceræ,

Adipis Vaccini uncias duas.

Omnia misceantur, liqueſcant, & colentur.

*Dicitur Mesuæ Basilicon minus, & à Galeni compositione non differt, nisi quòd Oleum pro adipe vaccino Mesuæ substituit. Usus ejus est ad pus movendum, inflammationem leniendam, molliendum, tergendum, & glutinandum: Ob id recentibus capitis & nervosarum partium vulneribus ac ulceribus est aptissimum.*

EM-



EMPLASTRUM AD  
TOPHOS.

℞. Picis-navalis,  
Colophonix ana uncias tres,  
Mucilaginis radicis Althææ uncias  
duas semis.  
Galbani præpar.  
Ammoniaci præp.  
Mastiches,  
Myrrhæ,  
Thuris ana unciam unam semis,  
Propoleos,  
Visci querni,  
Aristolochiæ rotundæ,  
Æris usti,  
Ceræ citrinæ,  
Terebinthinæ ana uncias tres,

Fiat secundum artem Emplastrum, Ceram  
cum Colophonia liquando & colando,  
dein Galbanum & Ammoniacum cum Te-  
rebinthina liquefacta, juxta cum pulvere  
reliquorum immiscendo, mucilaginemque  
sensim addendo.

*In tumoribus & nodis Gallicis felici suc-  
cessu usurpatur.*

In Zvvelferi processu carpit Welschius: 1. gal-  
bani pulverisationem; 2. mastiches in pulvere ad-  
ditionem; 3. non necessariam visci querni in oleo  
hyperici solutionem & colationem, cum, quod Ve-  
netum est, satis purum sit; 4. mucilaginis althææ  
cum pulveribus immixtionem, qua unguentum fie-  
ri nequeat; 5. coctionem sub specie diplomatis,  
quæ non sit alia quam coctio aliàs ab ipso rejecta;  
ipse verò, præterquam reliquis parandi modus

quod sit facillimus, mucilaginem jure omitti posse  
putat, aut si morosè expetatur, ad crassam confi-  
sistentiam esse coquendam monet.

EMPLASTRUM TRIA-  
PHARMACON MESUÆ.

℞. Lithargyri,  
Aceti fortis,  
Olei communis ana uncias tres.

Lithargyrus levissimè tritus, moveatur con-  
tinuò ad ignem, paulatim adfufis Oleo &  
Aceto: vel etiam omnia simul permixta le-  
ge artis coquantur.

*Dicitur & Emplastrum de Lithargyro  
nutrito Mesuæ. Siccat potentissimè ulcera  
difficilia, & fistulas, quæ nondum callum  
contraxerint, curat; eoque parotidas cri-  
ticas, quæ jam fistulas contrahebant, in pue-  
ris, adolescentibus, ac mulieribus Galenus  
percuravit.*

EMPLASTRUM D. D.  
ULMENSIMUM.

℞. Cerussæ subtilissimè tritæ,  
Ceræ citrinæ,  
Olei Olivarum ana quantum libet.

Coquantur secundum artem, ut fiat Em-  
plastrum cineritii ferè coloris.

*Ejusdem cum Emplastro Albo facultatis  
existit, & solâ cocturâ, quæ in præsentia va-  
lidior esse debet, ab eodem differt.*







CLASSIS DECIMÆ  
SEPTIMÆ,  
CERATORUM PA-  
RANDORUM MODUM  
PRÆSCRIBENTIS,  
SECTIO PRIMA,  
DE  
MEDICAMENTIS  
USUALIBUS.

CERATUM DE AMMO-  
NIACO PETRI FO-  
RESTI.

℞. Am̃oniaci præpar. unc. semis,  
Unguenti Dialthææ,  
Emplastri de Meliloto ana  
drachmas duas,  
Furfurum frumenti optimè  
cribratorum unciam semis,  
Pulveris rad. Bryoniæ,  
Ireos Illyricæ ana  
drachm. duas,  
Pinguedinis Anatis,  
Anseris,  
Gallinæ ana drach-  
mam un. semis,

Bdellii,  
Galbani præparat. ana scrupu-  
los duos, grana sex,  
Olei Irini drachmas sex,  
Mucilaginis sem. Fœnugræci,  
Lini ana unc.  
unam semis.  
Ceræ uncias duas,  
Terebinthinæ,  
Resinæ Pini ana drachm. sex,  
Mucilagines cum Oleo & Pingue-  
dinibus coquantur ad humidi a-  
quosi exhalationem; postea ad-  
dantur Cera & Resina invicem li-  
quata & colata, atque his ab igne  
remotis ac semirefrigeratis, Un-  
guen-



guentum de Althæa, & Emplastrum de Meliloto, nec non post reliquorum pulverem, Ammoniacum & Galbanum cum Terebinthina soluta.

Fiat Ceratum.

*Malacticum & plurimi usus ac emolumentum est hoc Ceratum in omnibus affectibus externis, digestionem & concoctionem requirentibus; inflammationes sedat, indurata emollit, ulcera detergit, vulnera consolidat, & callum obducit.*

In Zvvelferiano modo Welschius: 1. galbani, quod nunquam est sine sordibus, omissam colationem, grana autem ejus, si fuerint pura, nimis pretiosa forent pro usu externo; 2. bdellii in aqua plantag. cujus aquositatem Cerata non patiantur, solutionem; 3. Ung. dialth. in quo nonnulla ingredientia partes subtiles continent, quæ sic perduntur, coctionem improbat; ipsam verò reliquam præparationem admittit; ut nempe unguentum hoc cum cera, resina & terebinthina s. a. addantur, ammoniacum etiam & bdellium in pulverem redacta, galbanum autem in aceto solutum & inspissatum jungantur.

### CERATUM EX BETONICA.

℞. Terebinthinæ,  
Resinæ Pini,  
Ceræ flavæ ana uncias duas,  
Pulveris Betonice unc. semis,  
Mastiches,  
Thuris ana drachmas duas,  
Mumiæ drachmam unam semis.

Fiat, Ceræ cum Resina liquatæ, colatæ ac postea semirefrigeratæ addendo Terebinthinam, & reliquorum pulveres, secundum artem Ceratum.

*Ad exsiccandos varios humores cerebri, cephalæam, cephalalgiam, catarrhos, aliosque capitis affectus conducit.*

Modus parandi, quem dedimus, idem est cum Welschiano, nisi quod ipsi pulveris betonicæ, non ex stipitibus, sed meris herbæ foliis, *quod aliàs cuivis pharmacopœo solerti in usu est*, diligenter mundatis facti, integram unciam admisceri non inconfutatum videatur, quo efficacius evadat Ceratum, & colorem adquirat elegantius virescentem. *Imò & variis aliis modis pro varia intentione mutari posset.*

### CERATUM DIACHALCITEOS GALENI, vulgò DIAPALMÆ.

℞. Axungia Porci veteris à membranis per liquationem & colationem purgatæ libras duas,

Olei veteris,

Lithargyri triti ana libras tres,  
Chalcitidis ustæ unc. quatuor,  
Teneriorum Palmæ ramorum manipulos quatuor.

Axungia, Oleum & Palmæ rami minutim incisi, recentes, vel si exsiccati fuerint, aquâ prius macerati, coquantur ad humiditatis aqueæ consumptionem, colentur & exprimantur; Colatura cum Lithargyro ad justam consistentiam lento igne redigatur, immiscendo tandem ab igne deposito pulverem Chalcitidis, & rudiculâ ex recenti Palmæ ramo confectâ agitationem instituendo. Fiat Ceratum.

*Vere polychreston est hoc Emplastrum, valet ad ulcera dyssepulotica, œdemata; articulorum morbis, bubonibus, ambustis, pernionibus, ossium fracturis, contusionibus, omnibus denique affectibus, quos rheumaticos vocant, prodest; Fonticulis ligandis destinatum est remedium, quos minimè sordescere aut excrescere permittit.*

Cum Ceratum hoc vulgò albicans vel cineritii coloris expetatur, is autem à Chalcitide usta haud



haud impetrari queat, Vitriolum album, sine virium decremento, substitui solet.

In defectu ramorum Palmæ rudicula ex recenti ligno Quercus parata, ut & folia querna fumantur.

Zvvelferum, dum in hujus Emplastri præparatione vitriolum cum lithargyro & oleo coquit, non emplastrum ad albedinem vergens, sed planissime nigrum impetrare, cum Welschius monuisset, ipse modum, nutriendo lithargyrum cum oleo & pinguedine porcina, (in quibus folia palmæ aut quercus prius fuerint incocta,) addendo deinde in pulverem redactam chalcitidem, proponit.

### CERATUM PRO HERNIOSIS D. D. NORIBERGENSIUM.

℞. Pulv. Mastiches,  
Mumiæ,  
Thuris,  
Succini,  
Gummi Arabici,  
Tragacanthi,  
Aloës optimæ,  
Balauftiorum,  
Rosarum ana unciam semis,  
Sanguinis Draconis,  
Boli Armenæ,  
Lapidis Hæmatitæ ana drachmas sex,  
Olei Rosarum uncias tres,  
Myrtini,  
Mastichini ana unciam unam.

Cum Cera & Resina simul liquefactis & colatis, quantum sufficit, additis Oleis, & pulvere reliquorum, fiat ex arte Ceratum.

*Hoc in frequenti usu habuit Clar. Medicus & excellens Chirurgus, D. Volcherus Coiter, quod & hucusque apud nos feliciter herniosis fuit adhibitum.*

### CERATUM MATRICALE, VEL DE GALBANO.

℞. Galbani præparati unciam unam semis,  
Asæ foetidæ unciam semis,  
Myrrhæ rubræ drachm. duas,  
Bdellii mollis drachm. unam,  
Gummi Animæ drachm. tres,  
Tacamahacæ drach. quinque,  
Matricariæ pulverisatæ,  
Artemisiæ ana drachm. semis,  
Seminis Dauci scrupulum unum,  
Terebinthinæ unciam semis,  
Ceræ uncias quatuor.

Fiat Ceratum, Ceræ liquatæ Terebinthinam & Galbanum invicem liquefacta post reliquorum pulverem immiscendo.

*Uterum frigidum calefacit, ejus flatus dissipat, doloresque frigidos placat.*

Zvvelferus hic animadversionem Welschianam incurrit, ob ponderis nonnullorum ingredientium non necessariam immutationem, & bdellii in aqua matricariæ pro ceratis inconvenientem solutionem; ipse verò Ceratum hoc sic parat: ℞. tacamah. zv. gummi animæ ziii. asæ foetid. ʒß. crassiuscule contusa liquefiant cum terebinth. q. f. & colentur per linteum cum expressione, add. galban. in aceto solut. colat. & inspissat. item pulv. reliquorum.

### CERATUM SANDALINUM MESUÆ.

℞. Rosarum rubrarum unciam unam semis,  
Sandali rubri drachm. decem,  
albi,  
citrini ana drachm. sex,  
Boli Armenæ drachm. septem,  
Spodii drachmas quatuor,  
Camphoræ drachmas duas,  
Olei Rosati libram unam,



**Ceræ albæ uncias sex, vel quantum sufficit.**

**Confice secundum artem Ceram in Oleo liquando, & tandem reliquorum pulveres immiscendo, sandalum prius, & rosas, coloris intensioris gratia, spiritu vini irrorando.**

*Phlegmonas & calidas intemperies ventriculi & hepatis, atque aliarum partium emendat.*

### CERATUM STOMACHICUM BURRHI.

**R. Ceræ virginæ uncias octo,  
Tacamahacæ uncias quatuor,  
Terebinthinæ unciā unam,  
Balsami Peruviani,  
Olei destillati Menthæ ana  
drachm. duas,  
Caryophyllor.  
drach. unam.**

**Ceræ cum Terebinthina liquatæ & semirefrigeratæ admisceatur Tacamahaca pulverisata, ac tandem Balsamum cum oleis solum.**

Emplastri hujus communicatio nostro quondam Collegæ, D. D. Balth. Stangio &c. ceu singulare arcanum, atque famosi Francisci Josephi Bur-

rhi inventum debetur. Quamvis autem conditionem volatilitatis, in Emplastris à Burrho, secundum relationem Olai Borrichii in Thom. Bartholini cent. 3. epist. med. 89. requisitam non obtineat, egregias tamen virtutes stomachicas possidere, facile tum ipsa compositio persuadebit, tum nostra experientia comprobatur. Cera autem *Catholica Burrhianna*, quam Emplastri stomachici titulo quidam insigunt, variasque ejus descriptiones passim proferrunt, minus huc referri meretur.

### CERATUM STOMACHICUM GALENI.


**R. Rosarum rubrarum,  
Mastiches ana drachmas viginti,  
Foliorum Absinthii drachmas quindecim,  
Spicæ Nardi drachm. decem,  
Olei Rosacei libram unam semis,  
Ceræ mundæ quantum sufficit.**

**Cera & Oleum invicem liquentur, & postquam ab igne deposita fuerint, reliqua in subtilissimum pulverem trita immisceantur.**

*Ventriculum infirmum unā cum hepate roborat, ac horum dolorem à frigida causa lenit, vomitiones compescit, & concoctioni opitulatur.*







# CLASSIS DECIMÆ SEPTIMÆ SECTIO SECUNDA, DE MEDICAMENTIS MINUS USUALIBUS.

## CERATUM CAPI- TALE.

℞. Sandaracæ,  
Thuris,  
Mastiches,  
Ligni Aloës,  
Sandali rubri,  
Rosarum rubrarum ana drachmam unam,  
Cum Ladano, Cera, & Resina ana quantum sufficit, fiat Ceratum.

*Ad capitis fluxiones sistendas conducit.*

## CERATUM CERINE CTESIPHONTIS.

℞. Cerae citrinæ,  
Terebinthinæ,  
Olei antiqui,  
Salis Nitri ana libram semis.  
Fit simplici modo, liquando Ceram, Terebinthinam & Oleum, tandem Nitri puri pulverem immiscendo.

*Exsiccat humores tumorum omnium corporis partium, & præsertim scroti. Vid. Galenus lib. 6. de compos. medic. per gen. cap. 16.*

## DIADICTAMNU SEU SACRUM GALENI.

℞. Olei veteris libras duas semis,  
Lithargyri libram unam, unc. semis,  
Æruginis unciam unam,  
Squamæ Æris drachmas sex.

Colophonix uncias sex, drachmas duas,  
Pollinis Thuris,  
Galbani ana unciam unam semis,  
Ammoniaci uncias duas,  
Æris usti,  
Propoleos,  
Aloës ana unciam unam,  
Diphrygis,  
Gentianæ ana drachmas sex.  
Aristolochiæ rotundæ,  
Dictamni Cretensis ana unciam unam,  
drachmas duas,  
Cerae drachmas viginti quinque.

Confice in hunc modum:

Lithargyrum cum Oleo mixtum coques, usque dum probè coierint, continuo agitando, & additis Æruginæ ac Squamæ æris, ferveant aliquantulum; ab igne remotis immitte Colophoniam cum Cera liquatam, ac tandem reliqua in pulverem redacta.

*Prodest ad vulnera recentia, nervorum præcisiones, vetera ulcera, quæ cicatricem non faciliè admittunt, abscessus, strumas, furunculos, durities: tela, aculeos & ossa educit: nec non ad cujuslibet virulentæ bestię ictus efficax existit.*

Welshianus modus parandi est, nutrire lithargyrum cum olei æquali pondere, deinde addere ceram & colophoniam simul liquata, it. gummi ammoniacum & galbanum in aceto soluta ac inspissata, tandem & reliqua in pulverem redacta.



## CERATUM DE GRATIA DEI NICOLAI MY- REPSI.

- ℞. Terebinthinæ libram semis,  
Resinæ libram unam,  
Ceræ albæ uncias quatuor,  
Mastiches unciam unam,  
Verbenæ,  
Betonicæ,  
Pimpinellæ ana manipulum unum.

Ceram & Resinam invicem liquando, postea Terebinthinam, & reliquorum pulveres immiscendo, fiat Ceratum.

*Sordida repurgat, inflammata lenit, durata mollit, vulnera consolidat, nervorum incisiones glutinat, & furunculos mitigat.*

Simplicem hanc parandi rationem commendans Welſchius, nec ponderis immutatione, quam Zvvelferus adducit, neque extractorum betonicæ &c. quibus æquè ac coctione partes subtiles decedere in Classe Extractorum ipse fatetur, additione opus esse animadvertit.

## CERATUM ISIDIS EX GALENO.

- ℞. Ceræ albæ drachmas quinquaginta,  
Squamæ Æris,  
Æruginis,  
Aristolochiæ,  
Thuris,  
Salis Ammoniaci,  
Gummi ammoniaci,  
Æris usti ana drachmas quatuor,  
Aluminis usti drachmas tres,  
Myrrhæ,  
Aloës,  
Galbani ana drachmas sex,  
Olei veteris uncias quinque.

Ceræ cum Oleo liquatæ reliqua in pulverem trita misceantur.

*Usurpatur ad fœda ulcera & fistulas, carnem putridam absumit, ac fœdam ulcerum antiquorum, & quæ mali moris sunt, saniem exsiccat & abstergit.*

1. Zvvelferi inutilem aluminis usti, & 2. ceræ citrinæ, de cujus partibus subtilibus & fragran-

tibus in animadvers. ad Ung. anodyn. p. 338. & alibi ipsemet agit, damnosam coctionem; 3. galbani puri, quod nunquam reperiri supra dictum est, frustraneam additionem; 4. galbani & gummi ammoniaci intermissam colationem Welſchius reprehendit, & Ceratum hoc seq. modo conficit: oleum & ceram simul liquando, deinde alternatim immiscendo gummia aceto soluta, colata & inspissata, ac pulveres reliquorum. Emplastrum hoc vocatur etiam viride.

## CERATUM OESYPI MESUÆ.

- ℞. Olei Chamæmelini,  
Iriani ana uncias sex,  
Mastiches unciam unam,  
Spicæ Nardi drachmas duas semis,  
Crocī drachmam unam semis,  
Terebinthinæ unciam unam,  
Resinæ unciam semis,  
Oesypti uncias decem,  
Ceræ quantum satis est.

Fiat lege artis Ceratum.

*Emollit, lenit, concoquit, & maturat, duros tumores ac tophos membrorum digerit, crudosque abscessus maturat. Philagrii ad prædicta omnia efficacius; quod ita se habet:*

## CERATUM OESYPI PHILAGRII.

- ℞. Croci drachmas quinque,  
Bdellii,  
Mastiches,  
Ammoniaci,  
Aloës,  
Styracis liquidi ana drachmas septem,  
Ceræ flavæ libram unam,  
Terebinthinæ unciam unam semis,  
Medullæ cruris Vaccæ,  
Adipis Anseris ana drachmas quindecim,  
Oesypti libram unam semis.

Fiat, Ceram, Medullam & Adipem liquando, pulveres actandem Styracem & Ammoniacum cum Terebinthina immiscendo.



reliquorum ingredientium pulverem, &  
tandem Viscum quernum. Fiat ex arte  
Ceratum.

*Ad membrorum luxationes adhibetur,  
præcipuè verò herniosis prodest.*

Welschius taxat in Zvvelferi modo: 1. quòd pondera multorum ingredientium immutaverit; 2. rosas & aristolochiam coquat; 3. costum omittat; 4. pro mumia asphaltum substituatur; 5. sanguini siccatò recentem coquendum præferat, cum illi, non huic debeat vis adstringendi, quæ præcipuè in hoc Cerato desideratur; 6. galbanum iterum electum pro medicamento externo, sive, uti supra interpretatus est, grana ejus præscribat; 7. viscum quernum in oleo solvat, quod, si purum illud sit, non opus habeat. Ipse verò sic parat: ℞. mucilaginis lentæ pell. arietin. ℥i. pulveris sanguinis humani siccati ℥ix. leni calore misce, deinde adde picem, colophoniam & ceram simul liquata & colata, it. gummi ammoniac. & galban. aceto sol. col. & inspiss. nec non gluten visci querni Venetum, it. opium & succum hypocist. in aceto pauxillo solut. & pulveres reliquorum.

CERATUM DIAPIPE-  
REOS GALENI.

Rosarum rubrarum,  
Myrrhæ,  
Aloës ana grana decem & octo,  
Succi Hypocistidis,  
Gallarum immaturarum,  
Balauſtiorum,  
Aristolochiæ rotundæ ana drachmas  
sex,  
Viſci querni drachmas duas,  
Terebinthinæ uncias duas,  
Sanguinis humani exſiccati uncias no-  
vem.

**Confice sic:**

Pellem Arietinum integrum coque in aqua, donec ferè dissoluta sit, in lentorem quendam, quem colabis, & ad debitam crassitiem inspissabis. Hujus sume libram unam, adde Picem, Colophoniam & Ceram invicem liquata & colata, postea Ammoniacum & Galbanum cum Terebinthina soluta, Opium & Succum Hypocistidis in modico Aceto liquata ac

℞. Lithargyri Argenti,  
Cerussæ ana libram unam,  
Olei communis libras duas,  
Ceræ uncias sex,  
Terebinthinæ uncias tres,  
Thuris unciam unam semis,  
Aluminis drachmas sex,  
Piperis drachmas tres.

Fit in hunc modum :

Lithargyrus & Cerussa levissimè trita co-  
quuntur in Oleo, ad debitam crassitiem:  
deinde adduntur Cera & Terebinthina, &  
his liquatis pulvis tenuissimus Thuris, Alu-  
minis, & Piperis.

*Omne ulcus curat, & non facile cicatricem admittit.*

**CERA-**



# CERATUM SPARA- DRAPPUM VIGONIS.

℞. Hordei,  
Myrtillorum,  
Pinguedinis Vituli,  
Vaccæ ana libram semis,  
Axungia Porci uncias quinque,  
Foliorum Plantaginis,  
Solatri,  
Matrifylvæ ana manipulos  
duos,  
Vini Granatorum uncias octo.

Probè permixta macerentur aliquandiu,  
deinde bulliant ad consumptionem Vini;  
postremum colentur; colaturæ adde se-  
quentia:

Lithargyri Auri,  
Argenti ana uncias tres,  
Minii drachmas decem,  
Boli Armenæ,  
Terræ figillatæ ana drachmas sex.

Bulliant iterum, & cum Cera alba quantum  
sufficit, fiat Sparadrappum, addendo in fine  
cocturæ.

Camphoræ drachmas duas.  
Terebinthinæ uncias tres semis,  
Olei Rosati uncias duas,  
Unguenti Populei uncias duas semis,  
Misce.

*Fluxiones quacunque corporis parte ir-  
ruentes intercipit, & ad locum affectum  
deferri vetat.*







CLASSIS DECIMÆ  
OCTAVÆ,  
PRÆPARATIONES  
QUORUNDAM SIMPLICIUM,  
QUORUM IN HOC OPERE  
MENTIO FACTA AUT ALIAS  
USUS EST, DILUCIDANTIS,  
SECTIO PRIMA,  
DE  
MEDICAMENTIS  
USUALIBUS.

ADIPUM PRÆPARA-  
TIO.

Adeps quivis cūm rarò, aut nunquam purus esse soleat, sed sanguine aliisve recrementis pollutus, non immeritò præparationem subire tenetur. Unde à membranulis & venulis liberatus multoties aquâ lavetur, donec ea non ampliùs inficiatur, postea leni calore ab adhærente humiditate aquea liberetur, & post liquationem coletur.

ÆRIS USTIO.

Æris bractæ in fictile immittantur, interposito inter singulas lamellas Salis communis, aut Sulphuris pulvere, atque sic stratum super stratum paretur, quod igne sufficienter uratur: calx vel cinis relictus aquâ calidâ sæpius adfusâ edulcoretur; qui rubicundus evadit à Sale vel Nitro, niger autem, si cum Sulphure præparetur.



### AGARICI PRÆPARATIO.

Nihil aliud est apud nos, quàm Agaricum Trochiscatum, quod hac ratione ab adhærentibus multis inutilibus particulis liberatur, commodiori trituræ inservit, & viribus augetur; ipsa verò præparatio descripta habetur supra fol. 137.

### ALOES LOTIO.

Cùm Aloë, quàm pura etiam videatur, rarò absque heterogenearum particularum consortio reperiatur, præparationem sive improprie dictam lotionem utique deposcit, quæ aquâ, in qua totam dilui posse experientia testatur, commodè peragitur. Itaque Aloë Socotrinæ quantum volueris, superfunde aquæ pluvialis destillatæ quantum satis est, stent in leni calore, sæpiùs movendo, donec Aloë soluta fuerit, separetur à fæcibus, colatura clara inspissetur in Sole vel loco calido ad justam crassitiem.

Solemus etiam parare cum succo Rosarum, ut videre est in descriptione Pilularum de Aloë rosata, superiùs fol. 71.

### ALUMINIS USTIO.

℞. Aluminis quantum volueris; ponatur in fictile novum, & tamdiu uratur, donec totum alumen, spiritibus expulsis, (quos alembico imposito qui colligere voluerit, per nos, eorum haud indigos, & ideo nec rem adeò levis pretii tam religiosè & laboriosè comparare studentes, colligat licet,) porosum & quasi spumofum evaserit.

### AMMONIACI GUMMI PRÆPARATIO.

Gummi Ammoniacum in Aceto leni calore liquatur & colatur, ac postea Acetum leniter coquendo iterum separatur.

Eadem est præparatio

GALBANI,  
OPOPANACIS;  
SAGAPENI.

### ARI RADICUM PRÆPARATIO.

In præparatione Radicum Ari quilibet per nos suo abundet sensu. Nos intensam ejus acrimoniam, si vel sola inprimis, vel aliorum admixtione non retusa radix est usurpanda, veriti, præparare eam, vel saltem hoc respectu, nulli dubitamus; cùm benè observante id Cl. D. Daniele Ludovici in Pharmac. sua, pag. 485. etiam exsiccata & vetustior deglutientium fauces laceffere haud desinat. Radices itaque Ari optimè mundatæ tessellatimque incisæ, maceantur in Vino albo, spatio viginti quatuor horarum, postea effundatur Vinum per inclinationem, & ita repetatur, secundâ & tertiâ vice, semper adfundendo novum Vinum; Tunc exsiccantur radices, servanturque ad usum. Qui verò non retusas in radicibus istis vires expetit, & aliorum conubio salinarum acrium spicula discontinuando mitiores tantum reddere voluerit, ille non simpliciter radices exsiccando, sed easdem priùs ab exteriori pellicula liberando, opus peragat. Et sic utroque modo præparatæ in usum trahi poterunt.

ASEL.



## ASELLORUM PRÆPARATIO.

℞. Asellorum elotorum, five Millepedarum quantum volueris; moderato calore exsiccentur & pulverisentur, postea imprægnentur Vino Malvatico, quantum imbibere possunt, iterumque exsiccentur, qui irrorationis & exsiccationis labor tertiâ vice repetatur.

## BOLI ARMENÆ PRÆPARATIO.

Liquata Bolus in aqua pura agitetur, & aqua tenuissimo polline saturata turbidaque facta effundatur, ac nova superinfusa aqua labor toties repetatur, donec clara remaneat, lapilli autem & arenulæ in fundo solæ hæreant. Tandem pulvisculus ita decantatus paulatim subsidere permittatur, atque, effusa aqua, exsiccetur. Aquam autem rosaceam, Acetum, Vinum, similemve liquorem medicatum huic operi sine necessitate adhiberi, censemus.

## CERUSSÆ LOTIO.

℞. Cerussæ quantum volueris; pulverisetur, & in aquæ sufficienti quantitate diluatur, & decantetur; relictis partibus crassioribus in fundo, resideat per noctem, postea separetur aqua per inclinationem, & materia residua exsiccetur, reponaturque ad usum.

## CHALCITIDIS PRÆPARATIO.

In vase terreo aliquandiu calcinatur, ut sulphur, si quod insit conjunctum, comburatur, &

Chalcitis in pulverem facilius abeat. Cujus tamen locum ut plurimum Vitriolum martiale ad rubedinem calcinatum supplere solet.

## CHALYBIS PRÆPARATIO EX ACETO.

℞. Limaturæ Chalybis quantum volueris; adfundatur Aceti Vini acerrimi tantum, ut tota eo madefiat, stent in loco calido tamdiu, donec limatura iterum sit exsiccata, postea pulverisetur; & sic septies reiteretur: Postremo teratur supra Porphyritem & servetur usui.

## CHALYBS CUM SULPHURE.

℞. Limaturæ Chalybis quantum volueris; quæ cum pulvere sulphuris citrini stratificata calcinetur: Hanc calcinationem semper addito novo sulphure toties repete, donec Chalybs lique scat; tandem forti igne Sulphure consumto, super Porphyritem lævigetur pro usu.

Si quis faciliiori modo Chalybem integrum candentem, sulphuræ massæ intrudendo, calcinare, & hoc peracto, ad sulphuris adhærentis omnimodam combustionem, ulterius igni exponere voluerit, illi per nos id liberum esto.

## COLCOTHARIS INDULCATI PRÆPARATIO.

Colcothar ad rubedinem calcinatum, vel Caput mortuum Spiritus Vitrioli abluatur aquâ communi toties, donec omnis



falsedo, & acrimonia prorsus absumpta fuerit, deinde exsiccatetur ad usum.

### COLOCYNTHIDIS PRÆPARATIO.

Nobis nulla alia est, quàm Trochiscorum Alhandal compositio, quæ supra videnda est fol. 138.

### CORIANDRI PRÆPARATIO.

Coriandri semina modico Aceto irrigantur, deinde siccantur, & reponuntur.

### CORNU CERVI PRÆPARATIO.

Cornu Cervi vasi figulino imponitur, deinde in fornace ad albedinem ustum & postea pulverisatum in lapide Porphyrite minutissimè cum aqua Rosacea teritur, & exsiccatetur.

### CRANII HOMINIS PRÆPARATIO.

℞. Rasuram Cranii humani violentâ morte peremti, ab omni immunditie & pinguedine liberati quantum volueris, contunde, & cum aqua Liliorum convallium minutissimè teratur, postea exsiccatetur.

### DENTIUM APRORUM PRÆPARATIO.

℞. Dentium Aprorum pulverisatorum quantum volueris, conterantur cum sufficienti quantitate

Aquarum Cardui Mariæ,

Taraxaci,

Papaveris erratici,

Scabiosæ,

donec in tenuissimum pollinem abeant, qui exsiccatetur.

### EBORIS, SEU ANTISPODII PRÆPARATIO.

℞. Eboris selecti in tenues lamellas seu frustula dissecti libram unam: id in fictili mundo, quod in summitate nonnihil apertum sit, ne Ebur inter urendum nigrescat, in fornace figuli aut alio forti calore ad perfectionem, id est, albedinem calcinetur, tandem cum aqua Rosacea lævigandum & exsiccandum.

### ELATERII PRÆPARATIO.

Succus fructûs Cucumeris sylvestris maturi digeritur in Balneo Mariæ, usque dum clarescat, separatur à fæcibus & inspissatur.

### ESULÆ RADICUM CORTICUM PRÆPARATIO.

Esulæ radices benè mundatas infunde vel irrorâ tridui spatio in Aceto Vini acerrimo, deinde exsiccentur, & servantur usui.

### EUPHORBII PRÆPARATIO.

Euphorbium subtilissimè pulverisatum cum sufficienti quantitate Olei Amygdalorum dulcium teritur, massa postmodum illa Pomo Citrio vel Cydonio excavato inditur, pastâque panis obvolvitur, atque sic in clibano coquitur. Euphorbium deinde sic præparatum vase vitreo benè obturato reconditur.

HEL-



HELLEBORI ALBI ET  
NIGRI PRÆPARA-  
TIO.

Radices Hellebori albi & nigri, demtâ ligneâ medullâ, triduo in Vino Cydoniorum macerentur, loco tepido, postea exsiccentur ac reponantur.

Alioquin radices sic maceratæ Pomo demum Cydonio infiguntur, quod pastâ panis obvolutum, in clibano coquitur ad sufficientiam, radices postmodum exemptæ siccantur, & in usum adservantur.

LACCÆ PRÆPARA-  
TIO.

Lacca crassiusculè trita aquâ fontanâ lavetur, pistillo semper agitando, quoad clarescat: quod resedit, coletur & siccetur.

LAPIDIS LAZULI PRÆ-  
PARATIO.

Lapis Lazuli minutissimè tritus toties aquâ abluitur, teritur, & agitur, donec aqua nullum ampliùs vel colorem vel etiam saporem induerit; id verò quod in aqua subsidet, exsiccetetur pro usu.

LAPIDIS MAGNETIS  
PRÆPARATIO.

R. Succi Aristolochiæ rotundæ, Sabinæ ana unc. quatuor, Serpentariæ uncias duas. Cum his succis successivè imprægnentur Magnetis electi in pulverem redacti uncia quatuor; & exsiccentur.

LUMBRICORUM PRÆ-  
PARATIO.

Lumbrici cum Vino toties lavantur, donec omnem impuritatem deposuerint, deinde siccantur.

MANDIBULARUM LU-  
CII PISCIS PRÆPARA-  
TIO.

Fit, ut antegressa dentium Aprorum.

MEZEREI PRÆ-  
PARATIO.

Folia Mezerei macerentur horis viginti quatuor in Aceto acerrimo, postea in umbra siccantur, ac adserventur.

MYRRHÆ PRÆPARA-  
TIO.

Myrrha in Vino leni calore dissoluta, adhuc calens per linteum transcolanda est.

Eodem modo paratur etiam  
STYRAX CALAMITA.

## OESYPI COLLECTIO.

Lanæ succidæ, hoc est, nondum purgatæ, quæ ex collo, coxis & alis Ovium defatigatarum fuerit detonsa, adfundatur aqua fervens pluries, & lavetur diligenter, quousque omnem suam pinguedinem in aquam deposuerit. Postea expressa lana seponatur, & aqua illa pinguis & sordida ex vasculo aliquo diutissimè ex alto fundatur & refundatur, donec spumosa fiat, ac tum spuma sinatur subsidere, & colligatur aquæ



innatans pinguedo, iterumque aqua refundatur, donec spumet, ac subsidens pinguedo auferatur, quod tamdiu fiat, donec non amplius adpareat spuma, & nulla concreascit supra aquam pinguedo. Tum collectam pinguedinem cum spuma in aqua pura manu subigendo lavare, sordesque immixtas sæpius aquam renovando auferre decet, donec pura effluat; deinde reponatur in fictili denso, frigido loco.

Oesypus hic Veterum corrupto nomine vocatur Hyssopus humida, quem ut rectè præparatum habeant Pharmacopœi, operam dare debent, aut saltem, quod supra jam in Prolegomenis, cap. 7. monuimus, Medullam cruris vitulini substituant.

### OLEI LOTIO.

In phiala magna vitrea infundantur duæ partes aquæ puræ, & una Olei, deinde calefiant, & agitentur omnia diligentissimè, donec optimè misceatur. Oleum cum aqua, & totus liquor candidus fiat; postea reponatur, ut separetur Oleum ab aqua, quod dein ab aqua est decantandum.

### PELLICULARUM VENTRICULORUM GALLINARUM PRÆPARATIO.

Laventur Vino albo, postea exsiccantur & reponantur pro usu.

### PILORUM LEPORIS USTIO.

Fit, ut ustio Hirundinum.

### PILARUM MARINARUM TORREFACTIO.

Leniter torrefiant, ut in pulverem terendo redigi queant.

### PLUMBI USTIO ET LOTIO.

Plumbum cum Sulphure (ut in Æris ustione supra monuimus) facto strato super stratum, uritur, post ustionem sæpius abluatur & resiccatur.

Comodiùs ab aliis Plumbum cū Sale calcinatur. Liquato enim plumbo sensim Sal communis inspergitur, & spatula continuò agitur, donec plumbum in pulverem abeat, qui beneficio aquæ simplicis à Sale liberatus colorem cineritium acquirit. Prout etiam Plumbum liquefactum, & spatulâ ferreâ agitatum, sine alterius rei additione, in pulverem abire solet.

### PULMONUM VULPIUM PRÆPARATIO.

Pulmo Vulpis junioris recens, ab aspera arteria, venis & arteriis, ut & sanguine purgatus, Vino albo odorato, cui Hyssopus, & Scabiosa incocta, lavatur, in clibano siccat, & siccatus Absinthio, Marrubio, ac Hyssopo involutus reponitur.

### SACCHARI PENIDII PRÆPARATIO.

Saccharum clarificatum lento igne inspissatur, donec in magnas bullas attollatur, & artifici notam consistentiam adquisiverit; tum ab igne remotum supra tabulam marmoream, oleo amygdalorum dulcium inunctam, effunditur, & ubi nonnihil induruerit, ac prope modum Terebinthinæ crassitiem obtinuerit, de unco suspenditur, manibusque amylo subinde con-



sperfis toties detrahitur, iterumque unco adglutinatur, donec indurescat & candorem adquirat; tandem in tenues massulas funiculi instar contortas, in tabula amylo conspersa effingitur.

### SANGUINIS HIRCI PRÆPARATIO.

Hircum mediocris ætatis domi per mensem alito, qui Pimpinella, Apio, Petroselino, Levistico, Erica, Malva, & similibus herbis diureticis nutriatur; hunc æstatis principio, Sole Cancrum ingrediente, madato, & sanguinem, qui ex vulnere defluerit, vase mundo excipito, abjectisque partibus ichorosis, concrefcere finito, ac in furno exsiccat. Alii quidem sanguinem hirci, à lethali castratione effluentem, ceu singularem, specificum & huic nostro recensito longè præferendum magni faciunt. Verùm cum hæc sanguinis collectio à nostro modo neutiquam, nisi loci tantum vulnerati diversitate, differat, res eodem recidit, cum ubique totus penè sanguis exhauriatur. Qui itaque in hisce curiosi nimium & præter rationem esse volunt, per nos id liceat.

### SARCOCOLLÆ PRÆPARATIO.

Sarcocolla pulverisata Lacte asinino irrigatur, & leni calore exsiccat; atque hæc imbibitio ter quaterve repetitur, pulvisque sic præparatus dicitur SARCOCOLLA NUTRITA.

Eodem modo etiam NIHILI NUTRITUM præparatur.

### SCAMMONII PRÆPARATIO.

℞. Scammonii electi libras quatuor, Succi Cydoniorum libras duas, & uncias duas, Cort. Myrobalanorum citrinorum,

Mastiches electæ ana unc. duas. Myrobalani contusæ infundantur succo Cydoniorum loco calido, donec humorem imbibant: tum addatur Scammonium per se tritum in mortario inuncto Oleo Amygdalorum dulcium, fiant Trochisci, ut artis est. Scammonium sic præparatum Dacrydium, vulgò Diagrydium vocatur.

### SCORIÆ FERRI PRÆPARATIO.

Limatura ferri in aqua limpidissima abluatur toties, donec sorditiem deposuerit, huic deinde in vitream patinam inditæ adfunde modicum Aceti, ut solùm eo humectetur: hanc sic diebus triginta macera, tandem tere & reponere.

### SCILLÆ PRÆPARATIO.

℞. Scillam recentem, hanc reiectis aridioribus tunicis extimis, pasta panis involve, eamque in clibano ad panis sufficientiam coque; exemptam in laminas difseca, quas filo trajice, ita ut una alteram non attingat, & loco sicco ad pensas exsicca.

### SERICI CRUDI TORREFACTIO.

Folliculi serici, exemptis vermibus, incisi, in furno tepido ollæ novæ impositi siccantur, & mucila-



cilagine tragacanthi imbuuntur, ut dein possint per trituram in pulverem redigi.

### SPERMATIS RANARUM PRÆPARATIO.

Sperma Ranarum triduo &c. ante Novilunium mense Martio collectum indatur sacco, qui suspendatur, & liquor resolutus, inde exstillans colligatur.

Hac aqua si pulvis sequens vigesies aut trigesies imbuatur, semper tamen eundem sponte prius exsiccando, dicitur COMPOSITUM SPERNIOLÆ:

℞. Myrrhæ selectæ,

Thuris ana uncias duas,

• Croci unciam semis;  
tandem post peractas exsiccationes addendo

Camphoræ drachm. tres.

### SPONGIARUM USTIO.

Fiat, ut Hirundinum.

### TEREBINTHINÆ COCTIO.

Terebinthinæ libra una coquitur in libris viginti quatuor aquæ, donec odorem amittat, & inspissetur, adeo, ut refrigerata in pulverem teri queat, ac vitri modo diffiliat, sicque pro Pilulis &c. exin conficiendis inserviat. Qui tamen alembico superimposito, oleum coctione exhalans à fuga retrahere velit, cum illo nos non litigabimus.

### TUTIÆ CALCINATIO, ET PRÆPARATIO.

Tutia Arabum, seu Græcorum  
Cadmia, Botryites Dioscorid. ali-

quoties, vel ad minimum ter in crucibulo candefiat, deinde singulis vicibus aqua Rosarum extingatur, tunc demum trita lævigetur in marmore. Alii sic præparatam linteo includunt, & in vase aqua clara pleno hinc inde agitant, ut tenuior ac melior ejus pars in aquam effluat, crassiore in linteolo relicta. Inde cum resederit, aquam auferunt, ac supra porphyritem cum aqua Rosacea terunt, tandemque in pastillos cogunt.

### UNGULÆ ALCES PRÆ- PARATIO.

Idem parandi modus est, cum Cranii humani præparatione.

Reliqua præparata, sola ferè lævigatione ac tritura, conspergendo subinde vel humectando inter lævigandum aqua aliqua destillata, perficiuntur; non quidem ea intentione, ac si ab aqua tali singulares Rebus præparandis vires accederent, cum & simplex fontana eandem operam præstaret: sed ne hæc ob conjunctum ut plurimum sal aliquod peregrinum, qualitatem etiam aliquam peregrinam imprimat. Delectus autem Aquarum destillatarum plus curiositatis, quam necessitatis licet contineat, quia tamen nec sumtus auget, nec alium errorem involvit, simpliciter nec culpari, nec etiam attendi meretur. Præparentur itaque

Corallia alba cum aqua Rosa-  
rum,

rubra cum aqua Ro-  
sarum,

Ætites



Ætites cum aqua Tormentillæ,  
 Lapis Calaminaris,  
 Carneolus vel Sarda, &  
 Chrysolithus cum aqua Rosa-  
 rum,  
 Crystallus cum aqua Buglossi,  
 Granatus Orient. cum aqua  
 Rosarum,  
 Hæmatites cum aqua Bursæ  
 pastoris,  
 Hyacinthus cum aqua Rosa-  
 rum.  
 Judaicus lapis cum aqua Saxi-  
 fragiæ,  
 Lapis Lyncis cum aqua Malvæ,  
 Nephriticus lapis cum aqua  
 Petroselini,  
 Rubinus,  
 Sapphirus,  
 Smaragdus,  
 Topazius,  
 Margaritæ Orientales, &  
 Mater Perlarum cum aqua  
 Rosarum,


Oculi Cancri cum aqua Fra-  
 gorum,

Ovorum putamina usta cum  
 aqua Linariæ,

Succinum citrinum & album  
 cum aqua Betoniciæ.

Sunt & alia quædam, eaque  
 complura, quæ pro cujuslibet vo-  
 luntate & præparantur, & præ-  
 parata prostant, utpote Argilla  
 fornacum, Rubrica fabrilis, & his  
 similia.

Horum aliqua ustionem requi-  
 runt, ut Metallica, nonnulla to-  
 sturam exigunt, ut Mineralia ple-  
 raque, alia nutritionem postu-  
 lant, ut Sarcocolla, Gypsum, at-  
 que Alcohol Nihili. His sola tri-  
 turatio sufficit, illis infusio noxam  
 adimit, eaque medicamentorum  
 compositionibus idonea reddit.  
 Nec desunt, quibus depuratio per  
 quietem seu residentiam com-  
 petit.



# CLASSIS DECIMÆ OCTAVÆ

## SECTIO SECUNDA,

### DE

# MEDICAMENTIS MINUS

## USUALIBUS.

### ANACARDIORUM PRÆ- PARATIO.

Anacardia teruntur, macerenturque in  
 aceto acerrimo diebus septem, deinde co-  
 quantur lento igne, & exsiccantur.

### AVELLANARUM PRÆ- PARATIO.

Avellanæ, ablato cortice extimo duro,  
 in vase aliquo stanneo, furfuribus additis,

spatulâ supra ignem tamdiu agitantur, do-  
 nec calore omnis ipsarum humiditas, in-  
 terna flatuum causa, sit absumpta, deinde  
 pellicula, quâ teguntur, ipsis detrahitur.  
 Cavendum autem, ne adurantur.

### CANTHARIDUM PRÆ- PARATIO.

Ficile patuli oris terreum Cantharidi-  
 bus fermè plenum, rarissimo linteolo ob-  
 du-



ductum, inversum alteri vasculo, in quo acerrimum ferveat acetum, imminens suspendatur tamdiu, donec Aceti ferventis vapore Cantharides omnes enecatæ fuerint, quæ in fictili exsiccentur, cavendo ne aër liberior ipsas contingat, & pulvere aliisque quisquiliis inquinet. Verùm cum rarior apud nos Cantharidum proventus enecatis jam exsiccatisque, aliunde ad nos deferri solitis, uti jubeat, præparatione hac non indigemus.

### CUPEROSÆ PRÆPARATIO.

Cuperosa est species Vitrioli, albi coloris, transparens veluti CrySTALLUS, si recens est, vetusta opaca, sed alba, fragilis, sicut Vitriolum, dissolvitur aquâ Rosaceâ, & colatur per chartam, deinde in Sole vel leni calore exsiccat.

### HIRUNDINUM USTIO.

Pulli Hirundinum ita jugulentur, ut sanguis super alas defluat, sicque non disperdatur; hi modico trito sale adspargantur, ac in novo fictili vitreato urantur, cinisque fervetur.

Eodem ferè modo, sed sine addito sale Erinacei uruntur, nec non torrentur Ranæ, Bufones ad Zenechta expetiti, ac alia animalia.

### JECORIS LUPI PRÆPARATIO.

Jecur Lupi Vino odorato lotum exsicce-  
tur in furno, postea Absinthio circumdatum reponatur.

Aliqui, & rectè, id ante exsiccationem pulvere Sandalorum, maximè verò citrini conspergunt.

### INTESTINI LUPI PRÆPARATIO.

Intestinum Lupi secundum longitudinem sectum, ac vino, in quo Ruta & Foeniculum cocta fuerunt, elotum, atque in

frusta dissectum exsicce-  
tur, & Rutâ obvolutum fervetur.

### LEPORIS USTIO.

Fit, ut Hirundinum ustio proximè antecedens.

### SCORPIONUM USTIO.

Idem processus est, qui fuit in ustione Hirundinum.

### SULPHURIS VIVI PRÆPARATIO.

℞. Pulveris Sulphuris vivi quantum volueris, superfunde Vini albi quantum factis, stent ita per diem & noctem sæpiùs movendo, deinde separetur Vinum per inclinationem, & sic repetatur secundâ, & tertia vice. Tandem exsicce-  
tur & fervetur usui.

### VESICARUM APRORUM PRÆPARATIO.

Vesicæ à pinguedine & membranulis optimè mundatæ, incidantur in minutissima frustula, macerentur in Vino rubro per viginti quatuor horas, postea abjecto vino exsiccentur Vesicæ, & fervetur Pulvis ad usum.

### VITRI USTIO.

Accipe frustum Vitri clari subtiliter pulverisati ac cribrati, quod in ollula ferrea tamdiu ponatur super prunas, ut ferrum candescat, deinde extingatur in Lixivio facto ex cinere stipitum fabarum. Tunc iterum pulverisetur, & rursus ignitum in priore lixivio extingatur, idque toties repetatur, donec optimè in cinerem sit redactum. Id quod adparet, quando non ampliùs resplendet, & inter digitos attritum non est asperum, inque os sumtum dentibus non sonitum edit. Hic cinis vitri in marmore Porphyritico subtilissimè pulverisetur.

CLAS-





CLASSIS DECIMÆ  
NONÆ,  
AQUAS COMPOSITAS,  
CUM ET SINE VINO  
DESTILLATAS SIMPLICES,  
ET VINA TRADENTIS,  
SECTIO PRIMA,  
DE  
MEDICAMENTIS  
USUALIBUS.

AQUA ACUSTICA, SIVE  
AD AUDITUM D. D. MIN-  
DERERI.

℞. Herbarum Rorismarini,  
Majoranæ,  
Salviæ hortensis,  
Lavendulæ,  
Rutæ,  
Origani,  
Polii montani,  
Florum Sambuci ana pugillum  
unum,  
Spicæ Romanæ pugil-  
lum semis,

Baccarum Lauri,  
Juniperi ana drach-  
mas duas,

Rad. Ireos Illyricæ,  
Cyperi rotundi,  
Valerianæ,  
Levistici,  
Cyclaminis ana drachm.  
semis,  
Pyrethri drachm. unam,  
Bryoniæ,  
Cucumeris asinini,  
Raphani,

Cæparum ana unciam unam  
semis,

Kk 2

Colo.



Colocynthis scrupulos duos,  
Nucleorum Persicorum,  
Seminis Raphani,

Rutæ ana unciam se-  
mis,

Fœniculi,

Castorei ana drach. un. semis.

Incisis & contusis adde

Galbani in uncia una semis A-  
quæ aureæ Langii dissoluti  
drachmas duas,

Urinæ capræ, vel, in ejus defe-  
ctu, pueri uncias octo,

Aceti Scillini,

Rutacei ana uncias octo,

Spiritu Juniperi uncias duas.

Factâ per viginti quatuor horas  
maceratione, destilletur lento  
igne in Balneo, destillatum com-  
misceatur cum Spiritus Rosarum  
drachma una. Servetur usui.

*Ad varias auditûs lesiones, surdi-  
tatem, tinnitum, ac sibilum in auribus,  
ab humore, vapore, vel flatu prove-  
nientem conducit.*

Non equidem negari potest, haud paucas utiles  
ingredientium partes, quæ per destillationem non  
elevantur, sed in cucurbitæ fundo remanent, huic a-  
quæ decedere; verum si quis sufficientem subtilium  
& penetrantium, hîc unice expetitarum, copiam  
inibi reperiri consideraverit, facile reliquis illis ca-  
rere nos posse judicabit; ut itaque infusionem de-  
stillationi præferre cum quibusdam neutiquam opus  
habeamus.

Præterquam quod infusionem Zvvelferianam  
medicamentum ingratissimum, & ob incredibilem  
fœtorem plane intolerabile, minùs etiam durabile,  
ideoque facile corruptibile, ex acetorum nempe,  
succorum, & ipsius emulsionis mixtione evadere  
Welschius monet, ipsi modus optimus parandi vide-  
tur, ut species omnes, excepta colocynthide, ad-  
fufis præscriptis liquoribus, maceratæ, solutæ, &  
emulsæ s. a. destillentur, in destillato deinde colo-  
cynthis infundatur, & in fine spiritus rosarum adda-  
tur: ubi simul circa galbani destillationem animad-  
vertit, quod eadem non improbari queat, cum ma-  
stichen Zvvelferus in Aqua ejus, & myrrham in Aqua  
arthritica destillari concedat; omitti tamen à moroso  
aliquo, & destillato demum, in spiritu juniperi solu-

tum atque colatum, jungi posse; (*ubi tamen ejus-  
dem subsequens precipitatio aqua limpeditatem destruit,  
& lactescere facit*) pariter etiam colocynthidem, si  
quis aliquas ejus vires destillatione prodire sibi per-  
suadeat; quamvis ipse infusionem ejus præstantio-  
rem esse firmiter credat.

## AQUA ARTHRI- TICA.

℞. Flor. Chamæmeli,

Foliorum Pulegii,

Lavendulæ,

Majoranæ ana unc.  
unam,

Rorismarini uncias  
tres,

Salviæ,

Chamæpityos,

Myrrhæ optimæ ana unc. duas,

Caryophyllorum,

Cinnamomi ana drach. duas,

Rad. Pæoniæ unciam semis,

Pyrethri,

Cyperi rotundi,

Ireos Illyricæ ana drach.  
unam semis,

Cardamomi minoris,

Cubearum ana drach. unam,

Nucis moschatæ unc. semis.

Infundantur in libris quatuor Spi-  
ritus Vini rectificati, stentque in  
infusione vase probè clauso, per  
dies quatuordecim. Postea de-  
stillentur in Balneo Mariæ.

*Tremulis, paralyticis ac paresin è co-  
lica perpeffis auxilio est, frigidis arti-  
culorum morbis opitulatur, nervos ro-  
borat, & juncturis virium jacturam  
resarcit.*

## AQUA ASTHMA- TICA.

℞. Radicum Enulæ uncias duas,

Ireos Flor. unciam u-  
nam semis,

Herbæ



Herbæ Hyssopi,  
 Pulmonariæ,  
 Salviæ hortensis ana  
 manipulum unum,  
 Seminis Anisi,  
 Foeniculi,  
 Cinnamomi acuti ana unciam  
 semis,  
 Cardamomi drachmas duas,  
 Croci scrupulos duos,  
 Spiritus vini libram unam,  
 Aquæ Scabiosæ,  
 Tussilaginis,  
 Veronicæ ana libr. semis.  
 Digerantur per triduum, postea  
 destillentur in Mariæ Balneo.

*Morbis thoracis & pulmonum, à  
 crassis & viscidis humoribus productis  
 medetur, & difficilem in primis respi-  
 rationem emendat.*

### AQUA CAPONIS COMPOSITA.

℞. Caponem evisceratum atque  
 in frusta incisum, depositâ pin-  
 guedine, in olla capaci, & probè  
 occlusa, decoque in sufficiente  
 quantitate aquæ fontanæ ad de-  
 bitam mollitiem, contunde ad  
 pultis formam, cum brodio dilue  
 & exprime; postea

℞. Brodii libras duas semis,  
 Aq. Boraginis,  
 Buglossi ana libram unam  
 semis,  
 Florum Rosarum,  
 Violarum,  
 Buglossi,  
 Boraginis ana drachm.  
 duas,  
 Cinnamomi electi unc. unam.  
 Destillentur in cucurbita vitrea  
 secundum artem.

*Analepticum ac resumptivum est  
 Medicamentum, tabidis, consumtis,  
 & à morbo longo extenuatis profi-  
 cum.*

### AQUA CARBUN- CULL

℞. Florum Rorismarini,  
 Liliorum convallium,  
 Violarum,  
 Boraginis ana uncias  
 tres,  
 Lavendulæ unciam u-  
 nam,  
 Herbæ Majoranæ,  
 Salviæ,  
 Nucis moschatæ,  
 Macis,  
 Zingiberis,  
 Caryophyllorum,  
 Cinnamomi,  
 Galangæ,  
 Baccarum Juniperi,  
 Visci querni,  
 Semin. Pæoniæ ana unc. semis,  
 Cardamomi unciam unam,  
 Vini Malvatici,  
 Aquæ Rosarum,  
 Fragorum,  
 Lavendulæ ana libras  
 tres.

Fiat infusio per octiduum in loco  
 tepido, postea secundum artem  
 destillatio. Liquori destillato,  
 splendoris, vulgò expetiti, causâ,  
 aliquot foliola Auri immergi so-  
 lent.

*Non tantum spirituum vitalium ac  
 animalium vigorem conservat, &  
 auget, sed viscera etiam, & nervo-  
 sum in primis genus roborat, eorum-  
 que affectus frigidos emendat.*



### AQUA CARMINATIVA DORNCREILII.

℞. Florum Chamæmeli Rom. manipulos triginta tres,  
Corticum Aurantiorum exteriorum drachmas sex,  
Herbæ Absinthii Pont. manipulum semis,  
Centaurii minoris,  
Pulegii,  
Origani ana pugillum unum,  
Semin. Anethi uncias duas,  
Anisi,  
Fœniculi ana unciam unam,  
Carvi unciam semis,  
Cardui benedicti drachmas duas,  
Mariæ drachm. sex.

Incisa & contusa infundantur per octiduum in Aquæ Chamæmeli libris octo, postea in M. B. destillantur.

*Discutit flatu, & lenit dolores ventriculi ac intestinorum.*

### AQUA CINNAMOMI CORDIALIS.

℞. Aquæ Boraginis,  
Buglossi,  
Rosarum,  
Violarum ana libram unam,

Cinnamomi electi uncias tres.  
Post triduanam infusionem fiat destillatio.

*Vires in confortando corde sunt egregiæ.*

### AQUA CINNAMOMI CYDONIATA.

℞. Succî Cydoniorum recenter expressi libras tres,

Cinnamomi electi uncias duas semis.

Fiat infusio per triduum, postea destillantur.

*In corde & stomacho roborando vires habet eximias.*

### AQUA CONFORTANS USITATA.

℞. Aquarum Cerasor. nigrorum,  
Rosarum,  
Boraginis,  
Buglossi,  
Flor. Violarum,  
Tiliæ ana uncias sex,  
Cinnamomi optimi unciam unam semis,

Margaritarum præparatarum scrupulos duos,

Coralliorum alborum præparatorum drachm. unam,

Cornu Cervi spagir. præparati scrupulos quatuor,

Sacchari perlati uncias quinque.

Misce ad vitrum pro usu.

*In omni debilitate & languore virium exhibetur, spiritus animales puriores reddit, sensuumque interiorum & externorum organa reficit.*

### AQUA CORDIALIS TEMPERATA.

℞. Cinnamomi acutissimi uncias tres, drachmas duas,

Corticum Citri exteriorum unciam semis,

Ligni Aloës optimi drachmas duas,

Sandali citrini unciam semis,

Sem. Ocimi caryophyllati drachmas tres,

Galan-



Galangæ,  
Caryophyllorum,  
Macis,  
Nucis moschatæ ana drach-  
mam unam semis,  
Cardamomi drachmas tres,  
Florum Lavendulæ drachm.  
unam,

Boraginis unc. unam,  
Rosarum uncias duas  
semis,

Anthos unc. semis,

Croci Austriaci scrupulos duos,  
Typharum succulentarū Cor-  
nu cervi junioris & recenter  
capti uncias quatuor.

Incisa & trita infundantur in  
Vini Malvatici,

Succi Pomorum redolentium,  
è Rubo Idæo ana libra  
una,

Aquar. Boraginis,  
Buglossi ana libra una  
semis,  
Rosarum libris duabus  
semis,  
Ceraforum nigrorum,  
Melissæ ana libra semis,

In vase vitreo probè clauso, die-  
bus octo, deinde in Balneo de-  
stillentur; in cujus liquoris me-  
dia parte infundantur

Ambra griseæ veræ,  
Moschi orientalis ana grana se-  
ptem.

Reliqua medietas fervetur in-  
completa.

*In subito virium lapsu ex defe-  
ctu spirituum animalium, aut vita-  
lium cerebrum, & cor recreat: un-  
de apoplecticis, epilepticis, paralyticis,  
cardiacis, & syncoticis comodissime  
exhibetur: Insuper analeptica est, &*

*ex morbis diuturnis convalescentes ro-  
borat, viresque corporis universi re-  
staurat.*

Hujus Aquæ compositionem Collega quon-  
dam noster D. D. Adamus Hebichius, Pharmacopo-  
liis nostris propriam esse voluit. Cum verò Species  
cordiales temperatas, de Gemmis frigidas, Diamar-  
gariton frigidas, & Rosatæ novellæ multa conti-  
nere, lubentes fateamur, quæ partim hanc Compo-  
sitionem jam antea ingrediuntur, partim destillationi  
minùs idonea existunt, easdem, quondam huc  
adhiberi solitas, omittere in posterum decrevimus,  
& alia etiam quædam mutavimus; expunximus  
quoque Limonum, & Granatorum succos, ne ni-  
mia liquoris quantitas reliquorum vires infringeret,  
illi que ipsi succi quia tantas vires huic Aquæ non lar-  
giuntur.

Præterquam quod in plurima alia, à Zvvelfero  
circa hanc aquam prolata animadvertat Welschius,  
ipsi inprimis, typhas seu cuspides C. C. tenellos de-  
stillatione tantum aquam producere elementarem  
adstruente, contradicit, cum odor & sapor ejus ma-  
nifeste contrarium evincant, & ipse postea, exili  
(ergo aliqua) virtute esse præditam invitus fa-  
teatur.

## AQUA five BALSAMUM EMBRYONUM.

℞. Nucis moschat. unc. tres semis.

Caryophyllorum,  
Cinnamomi,  
Zingiberis,  
Cubebarum,  
Granorum Paradisi,  
Zedoariæ ana uncias duas,  
Macis unciam unam semis,  
Galangæ drachmas sex,  
Croci drachmas duas,  
Florum Tunicæ,

Tiliæ ana libr. unam.

Lavendulæ,

Herbæ Salviæ,

Carvi,

Fœniculi ana unc. tres,

Menthæ crispæ,

Radicum Pæoniæ,

Seminum Ejusdem,

Visci querni ana uncias duas,

Medullæ Panis triticeæ adhuc  
à forno calentis libras duas.

Inc-



Incisa & contrita infundantur  
per viginti quatuor horas in loco  
calido, in

Vini Malvatici mensuris qua-  
tuor,

Aquæ Boraginis,

Buglossi ana mensura u-  
na semis,

Florum Lilior. convalli-  
um mensura una,

Fragorum,

Rosarum ana mensura  
dimidia,

Postea leni calore destillentur.

*Datur fœminis, quæ sæpius ab-  
ortum passæ sunt, magno cum emolu-  
mento, itemque gravidis, ubi à su-  
bito terrore aut alia causa extrinse-  
ca languescunt; lipothymias, dolores,  
& tormina, ventrisque inflationes in  
eis persanat; infirmum fœtum robo-  
rat; quin etiam parturientes in enixu  
adjuvat, spiritus instaurat, viresque  
reficit.*

Paucis immutatis, priorem Aquæ hujus descri-  
ptionem, cujus nempe vires longa experientia com-  
mendat, retinere voluimus. Si cui tamen alibi li-  
buerit, antiquo componendi modo strictius inhære-  
re, ille omisso Auro, Hordei cremore, Dactylis,  
Uvis passis majoribus minoribusque, parum aut ni-  
hil huc destillando contribuentibus, additisque præ-  
dictorum ingredientium adsignatæ quantitati,

Herbæ Verbenæ unciis tribus,

Amygdalorum dulcium excorticorum, & opti-  
mè tritorum unciis sedecim,

Capone vetere eviscerato inque frustula disse-  
cto,

Conservæ Rosarum rubrarum unciis quatuor,

Pastæ melleæ aromaticæ unciis sedecim,

cum Vini Malvatici mensuris quatuor,

Aquæ Rosarum albarum,

Buglossi ana unciis octodecim,

Fragorum,

Liliorum convallium ana unciis septen-  
decim;

Boraginis,

Verbenæ,

Fœniculi,

Salviæ ana libris duabus,

post factam viginti quatuor horarum digestionem,  
leni calore destillationem instituere poterit.

## AQUA EPILEPTICA LANGII.

℞. Flor. Liliorum convallium re-  
centium manipulos  
duodecim,

Lavendulæ unc. unam,

Rorismarini,

Stoechadis ana unc. semis,

Cinnamomi drachmas sex,

Nucis moschatæ unc. semis,

Piperis longi,

Cubebarum ana drachmas  
duas,

Visci querni,

Radicum Pæoniæ,

Dictamni nostratis a-  
na unciam semis.

Infundantur in Vini generosi men-  
sura una semis per octiduum, po-  
stea destillentur.

*Hæc aqua præstantissima est ad  
epilepsiam, vertiginem, & lethar-  
gum, non tantum ratione præserva-  
tionis, omni tempore proximè qua-  
dræ Lune antecedente, eandem  
usurpando, sed etiam ratione cura-  
tionis, in ipso paroxysmo, & recolle-  
ctis paululum viribus, illam adsu-  
mendo, etiam exterius illam adpli-  
cando.*

Quamvis tres Aquæ epilepticæ à Joh. Langio  
lib. 3. epist. med. cap. 1. describantur, nulla tamen  
cum hac nostra convenit; quam eandem esse obser-  
vat Welschius, quam Petrus Forestus lib. 10. ob-  
serv. 55. Langio ibidem adscriptam communicavit,  
nisi quod ille florum liliorum convallium saltem ma-  
nipulos octo recipiat. Cæterum in destillatione e-  
jus Welschius non aliud notat, quàm viscum quer-  
num tenuiter incisum aquæ jam destillatæ immergi  
posse.

## AQUA EPILEPTICA PUERORUM.

℞. Aquarum Ceraforum nigror.  
Florum Tiliæ,

Pæo-



Pæoniæ,

Squamariæ ana uncias octo,

Sacchari perlati uncias quatuor.

Misce ad usum.

*Datur per se, vel cum superioris particula comixta; ad epilepticos inprimis puerorum insultus, dentitionis ut plurimum tempore, ob gingivarum crassitiem supervenientes, inhibendos & mitigandos.*

Cum Zvvelferus usum aquarum ex succis destillatarum probaret, modò eas tali pretio & quantitate, qua vulgò expetuntur, quis parare & diven- dere posset, minimè tamen ex floribus tilia, pæonia & squamaria succum sine aquæ additione expri- mi posse Welschius monet. *Ubi tamen, si cui a- quæ additio displiceat, destillatio in MB. ex tota plan- ta minutim incisa, si non meliorem, cum remanentia post succi expressionem & ipsamet adhuc nonnullas particulas subtiles contineat, certe non deteriore a- quam suppeditaret.*

### AQUA HIRUNDINUM USITATA.

℞. Pullorum Hirundinum in fru- sta dissectorum numero viginti quatuor,

Visci querni uncias tres,

Sem. Pæoniæ excorticati un- ciam unam,

Rad. ejusdem uncias duas,

Aquæ Flor. Lilior. convallium,

Sambuci,

Pæoniæ,

Tilia ana mensu- ram unam.

Stent in infusione loco calido, per horas viginti quatuor, deinde de- stillentur per Balneum Mariæ.

*Adversus epilepticos insultus po- tens est, ab apoplexia præservat, ver- tiginem curat, incubo, paralyti, ac in- fantium convulsionibus medetur.*

Zvvelferus aquas sine simplicis aquæ additio- ne destillatas hic adhibere exigit, eas autem non ali- ter, quàm ex succis confici posse, Welschius anim- advertit, quales tamen non flores tilia nec lilia con- vallia præbeant; præterea aquam Zvvelferianam propter fuminum fœtorem planè ingratissimam red- di, nec ei obtundendo semen coriandri, macin & cubebas satis artificiosè adjici, quod rectius per fixa- tionem cum spiritu salis, quam in sale viperino Zvvelferus docuit, fieri notat. *Ast aquas vegeta- bilium sine aqua additione, non tantum ex succis, sed etiam integris in MB. destillari posse, paulò antea di- ctum fuit; sal autem volatile licet ob fœtorem aquam reddat ingratam & nauseabundam, atque ideo non ubique propinare liceat, non tamen propterea inutilis dici potest; utrum verò spiritus acidi additio commo- da esse queat, dubitare licet, cum sal illud in aliud plane ens, & ammoniacale quid immuet, quale quid ipse etiam Zvvelferus circa aquam hirundinum com- positam majorem de spiritus vitrioli, cujus hic eadem, quæ spiritus salis, ratio est, admixtione monnerat.*

### AQUA HIRUNDINUM COMPOSITA.

℞. Hirundinum in frusta dissecto- rum numero quadraginta, Foliorum Rutæ recentis mani- pulos duos,

Castorei unciam unam,

Vini albi libras tres.

Destillentur in Balneo Mariæ, ut artis est.

*Epileptici auxilio est.*

Huic quoque sal volatile, fixum redditum, Welschius adjunxit; quàm benè, præcedens Aqua commonstrat.

### AQUA HYSTERICA, vulgò PANACIS HERACLEI COM- POSITA.

℞. Rad. Pæoniæ decrescente Luna collect. uncias tres,

Sem. ejusdem unciam unam semis,

Sileris montani,

Visci querni ana unc. quatuor, Myrrhæ electæ,

L1

Casto-



Castorei ana unciam semis,  
 Rad. Levistici,  
 Dictamni albi,  
 Zedoariæ ana unc. duas,  
 Infundantur per dies decem in loco calido, in aquæ Melissæ libris quatuor, & Vini odorati libris tribus. Postmodum lege artis destillentur.

*Uterinis affectibus medetur, præsertim verò præfocationibus ac epilepsia per consensum matricis nata, menses itidem ac secundinas pellit, & status uteri dissipat.*

Unde Aquæ huic nomen panacis heraclei impositum fuerit, equidem nescitur, cum vegetabile hoc præsentem aquam non ingrediatur, Welchius tamen ex Plinii libro 26. cap. 15. Ligusticum à quibusdam panacem adpellari monet, non tamen heracleoticum, licet eisdem externa forma simile notet in l. c. Dalechampius; rectius autem Casp. Hofmannus lib. 2. medicam. Offic. cap. 127. §. 3. ad Laserpitium, propter gravissimum inprimis odorem, esse referendum censeat.

### AQUA MASTICHINA.

℞. Mastiches uncias quatuor,  
 Macis elect. uncias duas,  
 Caryophyllorum unc. unam,  
 Cinnamomi unciam semis.  
 Pulverisentur omnia & comisceantur, deinde adfundantur illis  
 Vini Malvatici libræ duæ.  
 Stent in infusione per triduum, postea destillentur in arena, igne lento, in aquam.

*Ventriculum confortat, ciborum fastidium, nauseam, singultum, vomitum, & choleram profligat.*

### AQUA NEPHRITICA D.D. JOHANNIS GEORGII BRENGERI.

℞. Rad. Althææ,  
 Ononidis,

Petroselini,  
 Malvæ,  
 Saxifragiæ ana unc. duas,  
 Semin. Cæparum,  
 Cynosbati,  
 Fœniculi,  
 Milii Solis,  
 Urticæ ana unc. unam.  
 Baccar. Alkekengi,  
 Hederæ,  
 Juniperi,  
 Cort. Frangulæ,  
 Tamarisci ana unciam semis,  
 Ligni Guajaci,  
 Nephritici,  
 Sassafras,  
 Cinnamomi,  
 Macis ana drachmas tres,  
 Nucleorum Cerasorum,  
 Persicorum,  
 Prunor. sylvestriū.  
 Contusa infundantur per aliquot dies in  
 Vini Malvatici libris quatuor,  
 Spiritus Vini libris duabus,  
 Succu Fragorum,  
 Limonum,  
 Asparagi,  
 Raphani,  
 Veronicæ ana libra sem.  
 Postea, additis  
 Terebinthinæ Venetæ drachmis duabus,  
 Destillentur, ut artis est.

*Obstructiones renum aperit, sabulum ex iisdem & ureteribus propellit, terrestrem substantiam, calculorum renum & vesicæ genitricem dissolvit, & lapillos jam procreatos sensim conterit, & in arenulas redactos educit, difficultatem insuper urinæ faciliat,*  
 acri-



*acrimoniam ejusdem mitigat, mictio-  
nisque variis vitiis occurrit.*

## AQUA ODORIFERA.

℞. Herbarum Menthæ crispæ,  
Majoranæ,  
Basilici,  
Thymi ana mani-  
pulum unum,  
Florum Lavendulæ,  
Rosarum rubrarum,  
Spicæ Nardi,  
Origani ana pugillos  
duos,  
Ireos Florentinæ,  
Cinnamomi ana unciam sem.  
Caryophyllorum,  
Macis,  
Styracis calamitæ,  
Asæ dulcis ana drachm. tres,  
Gummi Ladani drachm. duas,  
Ligni Rhodii unciam semis,  
Aloës drachm. semis,  
Vini Malvatici,  
Aquarum Rosarum,  
Corticum citri,  
Majoranæ,  
Lilior. convallium,  
Spicæ vulgaris ana  
uncias sex,  
Aceti Lavendulæ,  
Rosarum,  
Rubi Idæi,  
Sambucini ana unc. tres.

Stent in digestionem per decem  
dies, destillentur lege artis: in de-  
stillati dimidia parte suspendatur  
sacculus albus sericus, qui Sanda-  
li citrini, Zibethi, Moschi, Ambræ  
ana scrupulum semis contineat.

Uterque liquor fervetur pro  
usu.

*Mirâ, & singulari virtute excel-  
lentis fragrantia, ipsum cerebrum pe-  
netrat, spiritusque animales & vitales  
reficit.*

## AQUA PHYSAGOGA.

℞. Seminis Anisi libras duas,  
Dauci sylvestris unci-  
am unam,  
Cinnamomi acutissimi uncias  
duas,  
Nucis moschatæ,  
Macis,  
Galangæ,  
Caryophyllorum ana drachm.  
duas.

Trita infundantur in Vini Malva-  
tici mensuris quatuor, per bidu-  
um aut triduum in loco calente.  
Deinde destillentur lege artis.

*Flatus ventriculi & intestinorum,  
à frigidis & crassis humoribus ortos  
dissipat.*

In hac aqua Zvvelferus cum magnum seminis  
anisi pondus, videlicet libras duas, facta comparatio-  
ne ad reliquas species, & vinum malvaticum, pro-  
portione excedere atque typographicum sphalma ef-  
fe animadvertat; Welschius, rectè Augustanos, non  
quatuor libras, sed totidem mensuras, id est, libras  
decem cum unciis octo vini præscripsisse, ideoque  
proportionem observatam non esse vituperandam,  
monet.

AQUA STOMACHICA  
D. HÖCHSTETTERI.

℞. Rad. Scorzoneræ unc. unam,  
Vincetoxici uncias duas,  
Acetosæ unciam unam,  
Seminum Acetosæ drach. sex,  
Foeniculi,  
Coriandri ana unci-  
am semis,  
Nucis moschatæ,  
Caryophyllorum ana drach-  
mas sex,



Mastiches unc. unam semis,  
Vini Cretici optimi libras qua-  
tuor.

Macerentur simul per triduum,  
deinde destillentur per MB.

*Præter vires stomachicas, etiam  
alexipharmacas obtinet, unde quoque  
alexicae epitheton ab authore quon-  
dam unà meruit.*

### AQUA THERIA- CALIS.

℞. Rad. Valerianæ,  
Tormentillæ,  
Pimpinellæ,  
Bardanæ,  
Gentianæ,  
Petasitæ ana unciam u-  
nam semis,  
Angelicæ,  
Dictamni albi ana unci-  
am unam,  
Enulæ Campanæ,  
Zedoariæ,  
Aristolochiæ rotundæ a-  
na unciam semis,  
Cortic. mediorum Fraxini ma-  
nipulos quatuor,  
Herb. Betonicæ,  
Veronicæ,  
Scabiosæ,  
Cardui benedicti,  
Hyssopi ana manipu-  
lum unum semis,  
Acetosæ,  
Agrimonix,  
Fumariæ,  
Rutæ,  
Centaurii minoris ana  
manipulum unum.  
Incisa, & contusa infundantur  
per triduum in

Vini albi Neccarici mensuris  
quatuor,

Aq. Valerianæ,

Scabiosæ,

Acetosæ ana mensura una,

Postea addendo

Theriacæ Andromachi uncias  
quatuor,

Destillentur omnia lento igne.

*Præstans est hæc aqua in pellenda  
lue pestifera, commotis nimirum &  
proleptis sudoribus: manè à jejuno,  
dimidii cochlearis mensurâ sumta,  
præservativum est celebre, malignis  
quoque febribus potenter resistit.*

### ELIXIR VITÆ MAT- THIOLI.

℞. Cinnamomi drachm. decem,  
Zingiberis drachm. quinque,  
Sandali citrini unciam unam  
semis,  
Zedoariæ drachmas quinque,  
Caryophyllorum,  
Galangæ,  
Nucis moschatæ ana drachm.  
tres,  
Macis drachmas duas,  
Ligni Aloës,  
Cubebarum ana drach. unam,  
Cardamomi utriusque ana  
drachmas tres semis,  
Sem. Melanthii drachmas tres,  
Anisi,  
Fœniculi,  
Pastinacæ sylvestris,  
Ocimi,  
Rad. Angelicæ,  
Caryophyllatæ,  
Calami odorati,  
Phu minoris,

Fol. Scla-



Fol. Sclareæ,  
 Thymi,  
 Calaminthæ,  
 Pulegii,  
 Menthæ,  
 Serpylli,  
 Amaraci ana drachmas  
 duas,  
 Florum Rosarum rubrar. drach-  
 mas tres semis,  
 Salviæ,  
 Betonicæ,  
 Rorismarini,  
 Stœchadis,  
 Buglossi,  
 Boraginis ana drachm.  
 unam semis,

Corticum citri drachmas tres.  
 Incisa & contrita macerentur in  
 libris duodecim Spiritus vini re-  
 ctificati per quindecim dies, po-  
 stea destillantur, & in prolecto li-  
 quore infundantur

Sandali citrini drach. duæ sem.  
 Ambræ griseæ,  
 Moschi Orientalis ana drach-  
 ma semis,  
 post filtrationem addendo  
 Julepi Rosarum libram unam.

*Aqua hæc singularis efficaciæ ex-  
 sistit, tam interne quàm externe ad-  
 hibita, epilepticos, animo deficientes,  
 & loquelam amissam restituit. Ad-  
 ditur etiam in clysteribus colicorum,  
 uncie pondere, præsentaneo auxilio,  
 ubi à flatu aut frigidityte provenit  
 morbus, & præsertim additis Theria-  
 cæ aut Mithridaticæ Antidoti binis  
 drachmis; denique ad frigidos omnes  
 affectus Medicamentum magnoperè  
 est commendandum.*

Immutatam nonnihil descriptionem hîc damus  
 Elixiris hujus, imprimis ob species quasdam aroma-

ticas olim eidem destinatas; non ut iniquis Censori-  
 bus, qui de pretii & laborum augmento, quod ab ea-  
 rum additione metuunt, mira somnia narrant, placea-  
 mus, sed quòd una alteraque ex istis Compositio mi-  
 nùs usualium apud nos numero jam sit illata; quas ita-  
 que cum reliquis omittere, & locum earum auctio-  
 ri ingredientium quorundam dosi supplere voluimus;  
 ipso sic præparato Elixiri nec viribus, nec sapore aut  
 odore, ab antiquo illo ullam diversitatem osten-  
 dente.

Cæterùm etiam sine Ambra & Moscho pro-  
 stare id apud nos consuevit.

### AQUÆ CUM VINO DESTILLATÆ.

Aqua Cinnamomi,  
 Liliorum Convallium,  
 Melissæ,  
 Pulegii,  
 Salviæ hortensis,  
 Veronicæ.

### AQUÆ DESTILLATÆ SIMPLICES, i. e. SINE VINO.

Aqua Acetosæ,  
 Acetosellæ,  
 Agrimonix,  
 Anagallidis,  
 Artemisiæ,  
 Aurantiorum ex floribus,  
 vulgò Naphæ,  
 Betonicæ,  
 Betulæ arboris,  
 Boraginis,  
 Buglossi,  
 Bursæ pastoris,  
 Caponis,  
 Cardui benedicti,  
 Cardui B. Mariæ,  
 Caudæ equinæ,  
 Centaurii,  
 Chamæpityos,  
 Chelidonii,  
 Ceraforum nigrorum,  
 Chærefolii,




Chamæmeli,  
 Cichorii,  
 Cinnamomi,  
 Consolidæ regiæ,  
 Cornu Cervi ex apicibus,  
 Corticum Citri,  
 Cyani,  
 Ebuli ex baccis,  
 Endiviæ,  
 Euphrasiæ,  
 Fabarum ex floribus,  
 Farfaræ,  
 Fœniculi,  
 Fragorum ex fructu,  
 Fumariæ,  
 Hederæ terrestris,  
 Hirundinum,  
 Hyssopi,  
 Lactucæ,  
 Lavendulæ,  
 Levistici,  
 Liliorum convallium ex  
 floribus,  
 Liliorum albor. ex floribus,  
 Ligustri florum,  
 Majoranæ,  
 Malvæ,  
 Mellis,  
 Melissæ utriusque,  
 Menthæ,  
 Nasturtii,  
 Nymphææ ex florib. albis,  
 Omnium florum,  
 Ononidis,  
 Papaveris erratici,  
 Petroselini,  
 Pæoniæ ex floribus,


Pulegii,  
 Primulæ Veris ex floribus,  
 Picarum,  
 Plantaginis majoris,  
 Prunellæ,  
 Rosarum utrarumque,  
 Raphani ex radicibus,  
 Roris Majalis,  
 Rorismarini,  
 Rutæ,  
 Salviæ hortensis,  
 Sambuci ex floribus,  
 Saxifragiæ,  
 Scabiosæ,  
 Scordii,  
 Sempervivi majoris,  
 Solatri,  
 Spermatis ranarum,  
 Squamariæ,  
 Taraxaci,  
 Tiliæ ex floribus,  
 Tormentillæ,  
 Verbenæ,  
 Veronicæ,  
 Violarum ex floribus,  
 Vitis ex lachrymis,  
 Urticæ.

SUCCI, five, sic dicta, VINA  
MEDICATA.

Vinum Berberum,  
 Cydoniorum,  
 Granatorum,  
 Ribium.







## CLASSIS DECIMÆ NONÆ

## SECTIO SECUNDA,

DE

MEDICAMENTIS MINUS  
USUALIBUS.AQUA ANTIMELAN-  
CHOLICA D.D. TOBIÆ  
FISCHERI.

- ℞. Radicum Buglossi uncias duas,  
 Florum Boraginis,  
 Buglossi;  
 Anthos ana unciam unam se-  
 mis,  
 Croci orientalis integri drachmam u-  
 nam,  
 Carnis seu pulpæ Cydoniorum,  
 Pomorum dulcium odoratorum  
 ana uncias duas,  
 Citri cum corticibus contusi unciam u-  
 nam semis.

Concisa misce, & infunde in  
 Vini albi optimi libris duabus semis.

Macerentur horis viginti quatuor, post de-  
 stillentur in Balneo, destillatum restitatur  
 capiti mortuo, digeratur; & denuo destil-  
 letur.

*Ad varias melancholiæ species proficua  
 est, mentis torporem & stuporem tollit, ti-  
 mores & mœrores profligat, imaginationis-  
 que hallucinantis nebulas dispellit.*

In hujus cæterarumque subsequen-  
 tium præparatione multas partes laudabiles in resi-  
 duo relinqui haud diffitemur; quæ in Extractum, si  
 ita alicui libeat, redigi, sicque aliis usibus adaptari  
 possunt. Nobis tamen sufficit, si volatiliores illas  
 obtineamus, certi, Momum ipsum, intentionem  
 hanc nostram culpæ solitum, neque in suis ex gr.  
 Oleis destillatis, Spiritibus &c. totam simplicium u-  
 tilem essentiam esse inventurum, satis virium se in-  
 dè elicuisse, persuasum, si partem suo scopo infer-  
 vientem, & hoc respectu præstantiorem, adquirat;  
 quod itaque privilegium neque nobis denegari po-  
 terit.

Zvvelferus, ex pulpa cydoniorum, pomorum  
 & citri nil nisi quandam elementarem aquam pro-  
 dire, cum scribat, à Welschio reprehenditur, cum  
 cydonia sint odorata, atque ita fragranti hoc spiritu  
 cor & spiritus reficiant, in pomis redolentibus non  
 minùs pars subtilior & fragrans lateat cordi amicis-  
 sima & gratissima; ex citri quidem pulpa acida nihil  
 magni exire posse, (quamvis succum limonum de-  
 stillare in Chylostagmate diaphoretico Mindereri  
 Zvvelferus permittat,) unde soli cortices accipi de-  
 beant: Cibus autem ex cydoniis ut à Zvvelfero pa-  
 retur, non consultum esse credit, cum in melanco-  
 licis alvi obstructio, quam cydoniorum esus augeat,  
 sit frequentissima & maximè nociva.

AQUA ANTISCORBUTI-  
CA D.D. TOBIÆ DORN-  
CREILII.

- ℞. Rad. Raphani sylvestris acerrimi libras  
 quatuor,  
 Polypodii querni mundi,  
 Corticis radicum Capparum ana unciam  
 semis,  
 Sem. Fœniculi unciam unam,  
 Cardamomi uncias duas,  
 Croci orientalis drachmam unam.

Radices Raphani incidantur in orbiculos  
 tenuissimos, reliqua verò pulverisentur, &  
 simul infundantur in Vini albi optimi libris  
 sedecim, & stent in infusione in loco calido  
 per octiduum, vase quotidie semel atque  
 iterum agitato, deinde adde

- Aquæ Cochleariæ,  
 Becabungæ,  
 Nasturtii aquatici ana libram u-  
 nam semis,  
 Chamædryos veræ,  
 Fumariæ ana libram unam,  
 Seri lactis Caprini libram unam semis.

Miscan-



Misceantur, & destillentur in Balneo Mariæ, igne lentissimo.

*Valet propriè ad affectum Scorbuticum, maritimis & Aquiloniis regionibus endemium, in nostris tamen etiam regionibus non omnino ignotum. Liberat enim obstructiones lienis, emollit, & attenuat humorem feculentum melancholicum, eumque per meatus convenientes sensim evacuat, & lienem roborat.*

### AQUA ASTHMATICA.

℞. Rad. Enulæ campanæ uncias duas,  
Ireos Florentinæ unciam unam semis,  
Glycyrrhizæ,  
Fœniculi,  
Farfaræ ana unciam unam,  
Althææ,  
Consolidæ majoris ana drachmas sex,  
Scillæ præparatæ,  
Aristol. rotundæ veræ ana drachmas duas,

Herbar. Nepetæ,  
Prasii,  
Hyssopi,  
Capillorum Veneris,  
Pulmonariæ utriusque,  
Salviæ hortensis ana manipulum unum,

Sem. Nigellæ,  
Eruçæ,  
Nasturtii ana drachmas duas,  
Urticæ Romanæ unciam semis,  
Anisi,  
Fœniculi ana drachmas sex,

Baccarum Lauri,  
Juniperi, ana unciam unam,  
Spicæ Indicæ,  
Cinnamomi acuti ana unciam semis,  
Costi Arabici,  
Cardamomi ana drachmas duas,  
Crocî scrupulos duos,  
Jujubarum,  
Sebesten ana unciam unam,  
Daïylorum pinguium,  
Caricarum pinguium ana numero octo,

Incisis & contusis omnibus fiat infusio in  
Vini albi optimi libris sex,  
Malvatici libris quatuor,  
Sublimati libris duabus,  
Aq. Stillat. Centaurii minoris,  
Scabiosæ,  
Taraxaci,  
Tussilaginis,  
Plantaginis,  
Veronicæ,  
Cardui benedicti,  
Hederæ terrestris ana libra semis,

per dies septem, postea in liquore dissolvantur

Lohoch fani & experti,  
de pulmone Vulpis,  
de Pino,  
ad Asthma ana uncia duæ.

Destillentur omnia secundum artem in Balneo Mariæ.

*Præpeditam spirandi facilitatem à crassis & viscosis humoribus, meatus pulmonarios, & thoracis regionem obsidentibus introductam tollit.*

Aqua hæc licet aliqua destillationi minùs apta continere videatur, usus tamen ejus salutaris eandem commendavit. Quam Collegii nostri quondam membrum clarissimum, D. D. Antonius Boxbarterus, Augustanus, Physicus Ulmenensis Ordinarius, fel. mem. ex antiquissimo manuscripto Dispensatorio, in Aula cujusdam Imperii Principis antecentum & plures annos usuali excerpterat, inque literis ad nostri Collegii quondam Seniore, D. D. Lucam Schröckium Anno 1672. 22. d. Julii scriptis, vitium si quod ipsi insit, veniam isti seculo, quo nata est, dari petierat; quam eò facilius dare oportet, cum dubitari adhuc queat, annon aliquid ex illis ipsis pro destillatione ineptis reputatis ingredientibus in alembicum eleveatur: interea tamen contractionem aliam, ex rebus destillationi magis obtemperantibus huic jam antiquatæ, in Classis hujus sectione prima substituimus.

### AQUA AUREA D. D. JOHANNIS LANGII.

℞. Vini albi optimi mensuram unam,  
Aquæ stillatitiæ Cerasorum nigrorum libram unam semis,



Florum Liliorum convallium manipulos  
duodecem,

Lavendulæ manipulum unum  
semis,

Anthos manipulum unum,

Caryophyllorum,

Macis ana scrupulos duos,

Cubebæ drachmam semis,

Visci querni,

Rad. Pæoniæ,

Dictamni albi ana drachmas duas.

Incidenda incidantur, & conquassanda  
conquassentur, & post factam aliquandiu  
digestionem destillentur in M. Balneo.

*Vires omnes corporis fulcit, epilepticos  
insultus abolet; insignis etiam est auxilii in  
catarrhis frigidis ad pulmones defluentibus,  
& asthmata inducentibus.*

Circa hanc aquam monet Wetſchius: 1. radi-  
ces pæoniæ non opus fuisse ut Zvvelferus destilla-  
tioni subtraheret, cum odor earum, penè ingratus,  
fatis doceat, vires illarum in aquam transiisse; 2. a-  
quam etiam ceraſorum nigrorum ab eo admitti,  
cum tamen ceraſa odorata non sint; *quod verum est,  
ſi ex ſola pulpa eorum, nucleis non una contuſis, cen  
obſervari aliàs ſolet, parata fuerit.*

## AQUA BARDANÆ COMPOSITA.

℞. Rad. Bardanæ recent.

Vincetoxici recent.

Cort. med. radicis Fraxini ana libras duas.

Minutim incisa infundantur horis vigin-  
ti quatuor in Vini albi odoriferi, & Aceti  
Rutacei ana libris quinque.

Postea destillentur in Balneo Mariæ, ad-  
dendo post destillationem Spiritus Sulphu-  
ris acidi quantum satis pro manifesto acore,  
& ad singulas libras liquoris egressi Cam-  
phoræ scrupulum semis, quæ in nodulo li-  
gata stillatio huic liquori immersa pendula  
permaneat.

*Aqua hæc crebro usui quondam fuerat  
clarissimis Reipublicæ nostræ Medicis, Tobia  
Cneulino, & Joanni Paulo Zangmeistero.  
Eâ etiam postea D. D. Carolus Wideman-  
nus, Joann. Jacobus Schiſſlerus, Raymun-  
dus Mindererus, & Hieremias Cneulinus,  
grassante peste, in publico Noſocomio felici  
ſucceſſu uſi ſunt. Sudores enim potentiſſi-  
mè prolicit, venenatorum humorum mali-*

*tiam temperat, atque ab infectionis ac pu-  
tredinis miasmate sanguinem liberat.*

## AQUA CORDIALIS è SUCCIS.

℞. Succa ceraſorum acidorum libras duas,  
Rubi Idæi libram unam semis,  
Rosaſorum rubrarum,  
pallidarum ana uncias  
novem,

Granatorum acido-dulcium,

Citri,

Acetofellæ ana libram unam,

Boraginis,

Bugloſſi ana libram semis.

Misceantur & in Balneo destillentur.

*Vires ejus sunt in corde confortando, &  
cumprimis in febribus ardentibus & mali-  
gnis salutare. Vid. ejus authorem Bald.  
Timæum, lib. 2. Epist. medic. 18.*

## AQUA PRO EPITHEMA- TE CORDIS NORIBER- GENSIUM.

℞. Specierum Diamoschi dulcis,

Diambrae,

pro Epithemate cordis ana  
drachmas duas,

Rosaſorum rubrarum odoratissimarum un-  
ciam unam,

Sandalorum omnium ana drachm. duas,

Ireos Florentinæ drachmas tres,

Corticum Aurantiorum,

Citriorum ana unciam unam,

Boli Armenæ drachmas duas,

Aquæ Rosaſorum libras quatuor,

Vini odorati libram unam ac dimidiam,

Aceti Rosaſacei libram unam.

Incisis & contuſis omnibus, infundantur &  
destillentur secundum artem.

*In cordis affectibus, syncope & palpi-  
tatione, tum etiam in febrili calore cor prima-  
rio occupante, contemperando, præſenta-  
neum remedium præſtat.*

Omiſſo Bolo Arm. vel etiam, cui ea ſordent,  
Speciebus aromaticis, juxta ductum inclyti Collegii  
Medici Norimbergensis, in novo Diſpenſatorio An-  
no MDCLXVI. edito, pag. 146. oſtenſum, Aquam  
hanc, qui uti ea voluerit, parare poterit.



### AQUA FUMARIÆ COMPOSITA.

℞. Rad. Glycyrrhizæ rasæ unciam semis,  
Polypodii querni mundi drachmas  
septem,

Herbarum Absinthii Romani,  
Cuscutæ ana unciam unam,  
Epithymi drachmas septem,

Florum Boraginis,  
Buglossi,

Violarum ana unciam unam,  
Rosarum unciam semis,

Myrobalanorum Chebularum,  
citrinarum ana drach-  
mas viginti,

Prunorum Ungaricorum enucleatorum,  
Passularum majorum enucleatarum ana  
libram semis,

Pulpæ Cassiæ fistulæ,

Tamarindorum ana uncias duas.  
Pulverisanda pulveriscentur subtilissimè, re-  
liqua verò incidantur, & contundantur,  
postea omnia infundantur in

Aquæ fumarizæ libris septem.

Stent in infusione in loco calido per octi-  
dium, vase quotidie agitato, deinde adde

Succi Fumarizæ depurati libras tres.

Destillantur in Balneo Mariæ igne lentissi-  
mo.

*Ventriculum & hepar roborat, obstru-  
ctiones aperit, cutis morbos præcipuè ab hu-  
more salso ac adusto natos, ut psoram, le-  
pram, impetiginem atque serpiginem curat.*

Qui Aquam hanc parare voluerit, herbas &  
flores, omisiss reliquis, in fumarizæ succo infundere,  
sicque destillare possit.

### AQUA HIRUNDINUM COMPOSITA.

℞. Pullorum Hirundinum dissectorum nu-  
mero quadraginta,

Castorei unciam unam semis,

Sem. Pæoniæ,

Rad. Ejusdem,

Visci querni ana uncias duas,

Rad. Dictamni albi unciam unam,

Foliorum Rutæ,

Florum Sambuci,

Tiliæ,

Liliorum convallium,

Anthos,

Paralyseos ana manipul. unum,

Cinnamomi acuti drachmas tres,  
Cubebærum,  
Macis,

Ligni Aloës ana drachmas duas,

Vini albi odoriferi libras octo,

Aceti scillini libras duas,

Macerentur per triduum in vase vitreo  
probè clauso, postea lento igne destillen-  
tur. Liquori stillatio huic postmodum  
addendo

Spiritus Vitrioli rectificati quantum satis  
pro acore fuerit.

*Aqua hæc, ad differentiam alterius su-  
pra pag. 265. COMPOSITA MA-  
JOR dicta, cerebri meatus potenter rese-  
rat, convulsionem, spasmus; paralyseos, apo-  
plexiam, epilepsiam reprimit. Adultis po-  
tissimum usurpanda; uteri quoque affectus  
ac suffocationes plurimum juvat.*

### AQUA MIRABILIS, five APOPLECTICA LANGII.

℞. Florum Primulæ veris,

Rorismarini,

Foliorum Majoranæ,

Ivæ arthetice ana manipulum  
unum,

Rad. Calami aromatici,

Ireos,

Aristolochiæ rotundæ ana unciam  
unam semis,

Sem. Sileris montani,

Pæoniæ,

Fœniculi ana drachmam unam,

Cubebærum,

Nucis moschatæ,

Caryophyllorum ana drachmas tres,

Cinnamomi,

Ligni Aloës ana drachmas duas,

Piperis longi,

Sagapeni,

Opopanacis,

Myrrhæ,

Gummi Juniperi ana drachmam unam  
semis,

Aquæ Herb. Paralyseos,

Salviæ,

Betonice ana libram unam,

Florum Tiliæ libram unam semis.

Stent omnia mixta in infusione per dies  
octo, postea leni arenæ calore destillantur.

Egre-



*Egregia est & mirabilis in præservatione ab apoplexia & omnibus ægri tudinibus nervorum frigidis, curans paraly sin, oris torturam, spasmus, & loquelam restituens.*

Loco Specierum Diamoschi, &c. quondam pro hac Compositione requisitarum, si alias in Officinis non prostant, & quia aliqua minùs destillationi apta continent, Aromatum præscriptorum dosim augere licet.

## AQUA STAPEDIANA PRIMA.

℞. Theriacæ Andromachi,  
Mithridatii Damocratis ana uncias sex,  
Pulv. Elect. de Bolo apud Joubertum,  
Bezoardici apud Nicolaum ana  
uncias duas,

Aquæ vitæ rectificatæ,

Vini Malvatici,

Aceti Rutacei ana libram unam,

Succi rad. Pimpinellæ,

Limonum ana uncias sex,

Destillantur simul in Balneo, ac stillatio huic liquori immisceantur Theriacæ uncia sex, & post aliquot dierum digestionem Liquor filtratus fervetur pro usu.

*In peste morbisque malignis mirificas vires obtinet, sudores potentissimè movet, unde venenatam materiam omnem disjicit, valetque plurimum tam in curatione, quam in præservatione.*

## AQUA STAPEDIANA SECUNDA.

℞. Conditum pro familia libras duas,

Aquæ vitæ non rectificatæ,

Vini Malvatici,

Aceti Rutacei,

Succi rad. Pimpinellæ,

Limonum ana libram unam.

Destillantur in Balneo, ac exstillatus liquor permisceatur cum Theriacæ Andromachi unciis quatuor, digeratur, & filtretur.

Fatendum equidem est cum Zvvelfero, aquas hæc Stapedianas aliqua destillationi minùs apta continere; unde infusa potiùs ex earum ingredientibus parare is præcipit; plurima tamen inter hæc ipsa inveniri monet Welschius, quæ non minùs infusioni cum vini spiritu resistunt, quare dimissis istis, ex reliquis infusio fieri queat. *Quamvis autem*

*omnes ferè, tum in nostra Pharmacopœia, tum aliis in libris occurrentes Aqua vel Spiritus raro omnes ingredientium vires contineant, multæque non inutiles partes in fundo cucurbitæ &c. post destillationem remaneant, omnes tamen eorum Authores communiter intentioni suæ satisfecisse se persuasi sunt, nec ideo censuram rigidiorẽ incurrunt, modo liquorem efficacem destillando obtinuerint; quæ libertate etiam Augustani ut fruantur, non videmus. quid obstare queat, præcipuè cum multiplici experientia harum Aquarum efficaciam olim perspexerint; cuius tamen, pretii quantulacunque contractioni studere, & quæ separari apta sunt, omittere qui velit, liberum merito relinquitur; nobis interea minùs usualia inter medicamenta Aquas hæc reponere quod liceat, Divina Clementia summas debemus gratias; atque ne contagium pestiferum ad earum usum nos unquam urgeat optamus. Conf. Aqua antimelancholica.*

## AQUA STOMACHICA.

℞. Cinnamomi acutissimi,  
Caryophyllorum ana drachmas decem,  
Calami aromatici,  
Galangæ ana unciam unam,  
Zedoariæ,  
Zingiberis ana drachmas sex,  
Macis,  
Nucis moschatæ,  
Baccarum Lauri decorticat. ana unciam  
semis,  
Costi Arabici,  
Piperis longi,  
nigri,  
Seminum Anisi,  
Fœniculi ana drachmas tres,  
Mastiches electæ,  
Olibani electi,  
Myrrhæ ana drachmas duas semis,  
Corticum Aurantiorum,  
Citri ana drachmas duas,  
Ligni Aloës optimi drachm. unam semis,  
Sandali albi,

citrini ana drachm. unam.

Incidentur grosso modo; & contundantur, mixtis omnibus superfundantur

Vini Malvatici mensuræ quatuor.

Macerentur per octiduum in vitro benè clauso, deinde destillantur in Balneo Mariæ. Liquor egressus fervetur usui.

*Vitia coctionis in stomacho emendat, imbecillitatem ejusdem corrigit, humores crudos ipsis ventriculi tunicis impactos incidit, & attenuat, ructus atque flatus in ventriculo obortos tollit, dissipat.*



# AQUA THERIACALIS BE- ZOARDICA, five CHYLOSTAG- MA DIAPHORETICUM MINDERERI.

℞. Radic. Tormentillæ,  
Gentianæ,  
Dictamni albi ana uncias duas,  
Vincetoxici,  
Carlinæ ana uncias duas semis,  
Petasitæ,  
Ostrutii,  
Angelicæ,  
Zedoariæ,  
Cort. Citri ana uncias tres,  
median. Sambuc. recent.  
Fraxini recent. ana manipul. tres,  
Baccarum Juniperi recent. libram unam,  
Folior. Dictamni Cretici,  
Scordii nostr.  
Chamædryos ana unciam unam,  
Sandali citrini drachmas tres,  
Ligni Rhodii drachmas duas.  
Incisis & contusis addantur  
Theriacæ Andromachi uncia duæ,  
Mithridatii Damocratis uncia una,  
Succi Nucum Juglandium immaturarum,  
Limonum,  
Acetosæ,  
Pimpinellæ ana libra una semis,  
Cardui Benedicti,  
Scordii nostratis,  
Rutæ ana libra una,  
Scabiosæ,  
Hederæ terrestres,  
Calendulæ,  
Melissæ hortensis ana uncia octo,  
Chelidonii,  
Galegæ,  
Aceti de Rubo Idæo,  
Sambucini,  
Rosati ana uncia quatuor,  
Rutacei libra una.

Post triduanam digestionem lento Balnei calore liquor evocetur, in cujus media parte suspendatur Camphoræ in nodulo serico ligatæ drachma una; altera verò pars pro iis, qui Camphoram non ferunt, seorsim servetur.

*Valenter hæc Aqua sudorem pellit, venenatamque omnem materiam à centro ad circumferentiam corporis expellens, disjicit,*

*suâ subtilitate corpus pervadens, arcensque putredines. Unde peste correptos adjuvat, febribus malignis & contagiosis adversatur, exanthemata, maculas pulicares, variolas ac morbillos expellit. Descripta est ab authore ejus, Collega nostro quondam, Raymundo Minderero p. m. in libello de Peste, quem circa annum Domini 1608. edidit.*

Si Succus Galegæ & Scordii defuerit, substituaturs Succus Veronicæ ac Verbenæ.

## AQUA VITAE COM- POSITA.

℞. Cinnamomi electi unciam semis,  
Zingiberis unciam unam,  
Caryophyllorum,  
Nucis moschatae,  
Granorum Paradisi ana unciam semis,  
Ligni Aloës,  
Macis,  
Piperis longi ana drachmas duas,  
Florum Salviæ odoratæ recent. libr. unam,  
Cardamomi,  
Mastiches,  
Cubebæ,  
Calami aromatici,  
Galangæ ana drachmam unam semis,  
Florum Rosarum rubrar. drachm. duas,  
Citrariæ unciam semis,  
Corticum Citri drachmas sex,  
Baccarum Lauri unciam semis,  
Stœchadis Arabicæ drachmas quatuor,  
Rorismarini,  
Majoranæ,  
Lavendulæ,  
Melissæ,  
Betonicæ ana drachmas sex,  
Rutæ unciam semis,  
Castorei,  
Spicæ Indicæ ana drachmam unam,  
Incisa & contusa infundantur per decem dies, in Spiritus Vini optimi libris decem. Destillantur lento igne, in liquore infundantur in petia  
Ambræ griseæ,  
Moschi Alexandrini ana drachma semis.  
Servetur optimè.

*Omnes in universum corporis vires firmat, spiritus reficit, cor recreat, animi deliquia pellit, syncopas delet; nec non calorem nativum languentem exsuscitat.*





CLASSIS VIGESIMÆ,  
SPIRITUS, ELIXIRIA,  
ESSENTIAS, TINCTU-  
RAS, OLEA ET BALSAMA  
DESCRIBENTIS,  
SECTIO PRIMA,  
DE  
MEDICAMENTIS  
USUALIBUS.

SPIRITUS ABSIN-  
THII.

℞. Absinthii vulgaris quantum placet, superinfundatur spiritus vini tantundem, ut digiti unius latitudine supernatet: macerentur per octiduum, deinde in Balneo Mariæ, spiritus lege artis evocetur; remanentia verò filtrata pro extracto parando inserviat.

Quamvis Spiritus Absinthii (quod etiam de proximè sequentibus tenendum,) non minùs ex herba per fermentationem reclusa absque Spiritus Vini accessu, parari queat, hunc tamen modum, ceu paratu faciliorem, & nihilominus Absinthii partibus

volatilibus sufficienter instructum, ut propterea abrogemus, nullam causam habemus. Eidem verò nomen Spiritus Absinthii denegare, & potius Spiritum Vini absinthiacum esse dicendum, urgere, nimis rigorosa est animadversio; cum & vires Absinthii in eo prævaleant, & unice expetantur, & ipse quoque censorius calamus, v. g. Oleo, quod ex Absinthio, & Olivarum oleo coctione conficitur, nomen Olei Absinthii simpliciter imposuerit, Spiritumque substitutum, qui per fermentationem præcedentem paratur, à fermenti, saccharivè accedentibus particulis non purum, sed itidem compositum parare edocuerit.

Hoc etiam modo parantur:  
SPIRITUS COCHLEARIÆ,  
LAVENDULÆ,  
LILIORUM CONVAL-  
LIUM,  
MELISSÆ.

Mm 3

SPI-



## SPIRITUS ANISI.

℞. Seminis Anisi contusi libram semis,

Spiritus Vini mensuram unam.  
Macerentur per octiduum, & per  
Balneum Mariæ Spiritus eliciatur.

Ita etiam fiunt:

SPIRITUS CARVI,  
FOENICULI.

SPIRITUS CERASORUM  
NIGRORUM.

℞. Cerasorum nigrorum quantum vis, contundantur, & in vase querno reponantur, usque dum fermentando odorem vinosum & nonnihil acidiusculum adquisiverint, deinde per vesicam leni igne destillantur in spiritum, qui, si opus fuerit, rectificetur.

Hac ratione destillantur etiam:

SPIRITUS CYDONIORUM,  
EBULI EX BACCIS,  
FRAGORUM,  
SAMBUCI EX BACCIS.

SPIRITUS BACCARUM  
JUNIPERI.

Baccæ Juniperi probe contundantur, & cum aqua tepida, in qua portio aliqua fermenti, vel sacchari, &c. soluta fuerit, diluantur, hinc ad fermentandum reponantur; quâ peractâ, destillatio instituat.

## SPIRITUS ROSARUM.

℞. Flor. Rosarum fragrantium quantum libet. Adfusâ sufficiente quantitate aquæ fontanæ, & addito fermento, fiat destillatio per vesicam, destillatum Spiritum novis Rosis fermentatis toties ad-

fundendo & destillando, donec satis fortem Spiritum habueris.

*Omnes & singuli modò dicti Spiritus simplicium sive vegetabilium virtutes & qualitates in se continent, ex quibus destillati fuere.*

Hunc cum, & sine fermento, (quamvis non sine fermentatione, quam etiam in dolio compressos flores subire, vel ipse acidulus odor monstrat,) ex rosis impetrari posse, benè notat Welschius. Rosas etenim contusas in dolio querno, aut alio vase probe compressas & in cellam repositas, donec odore vinum acidulum referant, in aquam spirituosam destillat, eamque aliis rosis fermentatis adfundit, iterumque destillat, vel rosas aut herbam quamcunque etiam minutim contundit, eisque aquam fervidam adfundit, in qua pauxillum fermenti sit solutum, in calore lento ut fermentescat reponit, tandem per vesicam destillat, & in MB. rectificat.

SPIRITUS TARTARI  
SIMPLEX.

℞. Tartari albi puri & crassè confracti quantum libuerit, immitte in retortam vitream, tertiam ejus partem vacuum relinquendo, eique in arenam collocatæ, recipientem satis capacem adapta, & benè luta, dato primum igne per gradus, dein paulatim intendendo, usque dum spiritus nebularum formâ cum Oleo egressi fuerint, quæ ab invicem separari per filtrum prius aquâ humefactum, & super cineres rectificari debent.

*Est Medicamentum diaphoreticum, & egregium aperiens, unde in menstruis retentis, paralysi, ictero, pleuritide, hydrope, mira præstat.*

SPIRITUS TARTARI  
COMPOSITUS.

℞. Salis Tartari uncias sedecim,  
Ammoniacy uncias octo,  
Spiritus Tartari simplicis libras duas,

Miscean-



Misceantur & destillentur lento igne in arena.

*Ejusdem cum antecedenti est virtutis, potentiùs tamen operatur.*

Si cui placeret, etiam per solam Spiritus Tartari & Spiritus Salis ammoniaci, proportionem debitam factam commixtionem posset parari.

## SPIRITUS CORNU CERVI, ut & EJUSDEM SAL VOLATILE.

Cornua Cervi ponderosa con-  
scindantur in frusta, quæ retor-  
tæ loricatæ indita, igne aperto per  
gradus accenso, in recipiens vas  
amplum destillentur, usque dum  
nebulæ in eo comparere desinant.  
Sal collo retortæ adhærens, & li-  
quor in vase recipiente una cum  
Sale volatili collectus, cum parte  
aliqua Spiritus Vini, quo prius re-  
cipiens eluatur, misceantur, &  
per filtrum antea humefactum  
ab oleo separentur; postea in  
præalta phiola, additis cineribus,  
lento igne in sal depuratum subli-  
mando reducantur; quod vel se-  
orsim, vel cum subsequente tan-  
dem Spiritu, sive Phlegmate sali-  
no conjunctim adservandum. O-  
leum itidem in usus externos,  
cum cineribus mixtum, rectifica-  
ri per retortam poterit. Caput  
mortuum etiam ulteriori calci-  
natione ad albedinem deductum,  
Cornu Cervi ustum suppeditat.

*Vires tam Spiritus, quàm Salis  
sunt aperientes, alexipharmacæ, &  
in epilepsia inprimis, apoplexia, aliis-  
que affectibus soporosis præstans Medi-  
camentum suppeditant.*

Sal hoc volatile ob subtilissimam, quâ gaudet,  
substantiam, facillimè in auras avolat; unde idem à  
fuga coercere multi variè laborârunt; modus ta-

men, quem jamdudum alii (frustra ideo ceu no-  
vum & proprium suum inventum ab alio postmo-  
dum magnopere prædicatum) tradiderunt, per Spi-  
ritus acidus uti est communissimus, ita & hoc re-  
spectu, ne scilicet diuturnâ adservatione maxima ejus  
pars, aut totum in auras inutiliter abeat, non vitu-  
perandus; modò Pharmacopœus Sal volatile à Me-  
dico præscriptum dispensaturus, non fixatum illud  
& in diversam quodammodo naturam immutatum;  
errore non condonando, sed prius per additum al-  
cali aliquod fixum, ab acido sale debite per sublima-  
tionem iterum liberatum, adhibuerit.

## SPIRITUS & SAL VOLATI- LE LUMBRICORUM.

℞. Lumbricorum terrestrium  
exsiccatorum sufficientem quan-  
tatem. Ex retorta luto incru-  
stata, igne aperto, per gradus ad-  
hibito, destillentur; liquor prole-  
ctus cum Sale in eo soluto, additâ  
Spiritus Vini particulâ, ab Oleo  
per chartam emporeticam prius  
aquâ humefactam separetur, &  
ceu in præcedenti processu de  
C.C. dictum fuit, ex arena in phio-  
la rectificetur.

*Usus Spiritus hujus & Salis est  
diaphoreticus & diureticus arthriticis  
inprimis tam internè, quàm externe  
adhibendo, cōmendatus.*

Paratur etiam apud nos SPIRITUS LUM-  
BRICORUM, Spiritum vini à Lumbricis terr.  
abstrahendo. Qua ratione etiam SPIRITUS  
FORMICARUM confici solet.

## SPIRITUS MELLIS.

℞. Mellis puri libras duas,  
Arenæ mundæ libram unam.  
Misceantur, & ex retorta, calore  
arenæ, igne per gradus admini-  
strato, fiat destillatio; liquor pro-  
lectus per chartam emporeticam  
aquâ madefactam, ab oleo sepa-  
retur, atque in arena rectificetur,  
Phlegmate primò prodeunte, &  
dein Spiritu subsequente.

*Exter-*



*Externè adhibitus vires habet in capillis producendis & flavedine tingendis celebres; internè verò aperientes & diureticas, inprimis autem ad Tincturam Coralliorum conficiendam inservit.*

### SPIRITUS SALIS AMMONIACI SIMPLEX.

℞. Salis Ammoniaci libram unam. Cum sufficiente quantitate lixivii fortis tepidi, v. g. libris quatuor, in arena, lento igne, fiat ex cucurbita destillatio in spiritum, qui cum sale volatili, alembico & recipienti adhærente mixtus fervetur.

*In obstructionibus aperiendis, affectibus soporosis, uterinis, multisque aliis salutare præstat opem.*

### SPIRITUS SALIS AMMONIACI ANISATUS.

℞. Seminis Anisi uncias tres, Cinerum clavellatorum in aqua fontana solutorum libram unam.

Misce & post aliquam digestionem, additis salis ammoniaci itidem in aqua fontana soluti unciis sex, lento igne in arena Spiritum destillando prolice.

*Usus ejus in pectoris adfectibus demulcendis, & flatibus discutiendis apud nos celebratur.*

### SPIRITUS SALIS AMMONIACI SUCCINATUS.

℞. Succini flavi subtilissimè contusi unciam unam,

Spiritus salis ammoniaci uncias sex.

Post aliquot dierum digestionem leni igne abstrahatur Spiritus.

*In Capitis & uteri morbis egregiè prodest.*

### SPIRITUS SALIS AMMONIACI AROMATICUS, five LIQUOR OLEOSUS VOLATILIS.

℞. Cinnamomi acuti uncias duas, Caryophyllor. aromaticorum, Nucis moschatæ, Corticum Aurantium exteriorum recentium ana unciam unam, Cinerum clavellatorum uncias sedecim.

Incisa & contusa digerantur per noctem cum Spiritus vini vulgaris mensura una, postea additis salis ammoniaci cum aqua fontana soluti unciis octo, lento igne destillantur Liquoris circiter unciae decem, pro usu in vitro probè clauso reponendæ.

*Uti ipsius Spiritus salis ammoniaci simplicis usus nunquam satis laudandus neminem Medicorum hoc tempore amplius latere potest: ita oleosis aromatum particulis imbutus majores in quibusdam adfectibus spondet vires; quas inprimis in suo liquore volatili oleoso, succineis, aliisque aromaticis partibus variè imprægnato, D. Franciscus de le Boë Sylvius, Professor publicus olim Lugduno-Batavus nobilissimus, maximo cum fructu, & multâ experientiâ cognitas habuit; ipsam tamen preparationem sibi secretam reservans; quam alii dein diver-*



*diversimodè imitati, diversas etiam descriptiones protulerunt. Quorum exemplum secuti hanc nobis usualement esse volumus.*

### SPIRITUS SALIS COMMUNIS.

℞. Salis communis depurati, & in tenuissimum pulverem redacti libras duas,

Terræ figulinæ libras sex.

Misceantur exactè, & cum aqua globuli exin formentur, (quamvis etiam sola mixtura sufficere possit) qui exsiccati retortæ luto obductæ indantur, tertiâ ejus partem vacuum relinquendo; postea igne gradatim adhibito, in vas recipiens amplum destillatio instituat, quousque nulli amplius spiritus, sub nebularum forma comparentes, egrediantur. Liquor destillatus per retortam in arena à superfluo phlegmate rectificetur.

*Omni putredini resistit, hepatis & lienis obstructionibus prodest, renes & vesicam expurgat, hydropicis inprimis singulare remedium præbet.*

Spiritus hic, si cum Spiritu Vini æquali quantitate misceatur, & aliquandiu digeratur, nomen impetrat SPIRITUS SALIS DULCIFICATI, ob mitigatam sic ejus acrimoniam facilius exhibendus.

### SPIRITUS SALIS NITRI.

℞. Salis Petræ, sive Nitri depurati libram unam,

Boli communis libras tres.

Exactè invicem permisceantur, & si libet, in globulos cum aqua redigantur, qui siccati ex retorta loricata, tertiâ ejus parte vacuâ relicta, in vas amplum recipiens,

igne per gradus aucto destillantur, usque dum insignis rubedo in recipiente diminuatur, & nulli amplius spiritus prodeant.

*Pro contemperando æstu febrili, restinguenda siti, prohibenda angina, & mitiganda colica commodissimè usurpatur.*

Spiritus hic, ad modum præcedentis, cum Spiritu Vini mixtus, dicitur SPIRITUS NITRI DULCIFICATUS.

### SPIRITUS SULPHURIS.

Ponatur tempore pluvioso existente, sub campana vitrea, cujus etiam interior pars aquâ humectari potest, pro faciliori spirituum in liquorem resolutione, vas aliquod terreum cum Sulphure, quod accendatur: ita verò vas illud subjectum ad campanam adplicetur, ut fumi egredientes flammam non suffocent, sed libere ascendentes in liquorem coagulentur, qui in vitro vel patina supposita colligatur.

*Easdem ferè qualitates cum Spiritu Vitrioli obtinet, proinde iisdem etiam affectibus curandis conducit; suavior tamen est & subtilior, sicque etiam effectu præstantior.*

### SPIRITUS VITRIOLI.

℞. Vitriolum commune depuratum; quo cucurbitæ vitreæ humilis media pars impleatur, fiatque in Balneo Phlegmatis destillatio, quod ROS VITRIOLI nominari solet. Postea in arena ulterius urgeatur, & spiritus inde prodiens, qui SPIRITUS VITRIOLI VOLATILIS dicitur,



tur, colligatur. Residuum retortæ benè lutatæ, tertiam ejus partem vacuum relinquendo, injectum, igne aperto gradatim aucto, in Spiritum, recipiente amplo colligendum, propellatur, usque dum Spiritus, nebularum sub forma, prodire desierint; tum absque longiori mora, ne spiritus in caput mortuum regrediantur, vas recipiens cautè est removendum.

*In variis febrium generibus summa utilitatis est Spiritus Vitrioli. Humorum enim putredini resistit, eorumque incendium prohibet, vitiosos corrigit, phlegma consumit, per urinas & poros cutaneos operatur.*

### SPIRITUS ANHALTINUS.

℞. Pulveris Xylaloës unc. unam,  
Mastichis,  
Cubebarum,  
Galangæ,  
Caryophyllorum ana  
drachmas duas,  
Cinnamomi,  
Baccarum Lauri,  
Sem. Fœniculi ana  
scrupulos quatuor,  
Crocī scrupulos duos,  
Thuris scrupulos octo,  
Terebinthinæ Venetæ uncias  
duas.

Infundantur per octiduum in Spiritus Vini unciis viginti sex, postea secundum artem in Balneo destillantur.

*In capite, corde, ac stomacho confortando, catarrhis, paralyti, epilepsia, apoplexia, vertigine, &c. curandis depredicatur.*

### SPIRITUS DIATRION, vel MISTURA SIMPLEX.

℞. Spiritus Theriacalis Camphorati unc. quinque,  
Tartari rectificati uncias tres,  
Vitrioli boni unciam unam.

Misceantur, & digerantur aliquandiu in vitro benè clauso.

*Nobilissimum Medicamentum ad plurimos morbos, uti obstructiones viscerum referandas, pleuritidem, uterum calefaciendum, venena, & malignam materiam in febribus per sudorem discutiendam existit,*

### SPIRITUS THERIACALIS CAMPHORATUS.

℞. Spiritus vini optimè rectificati uncias decem,  
Theriacæ Andromachi veteris uncias quinque,  
Myrrhæ rubræ unc. duas semis,  
Crocī Austriaci unciam semis.  
Post peractam octiduanam digestionem, fiat in Balneo Mariæ Spiritus destillatio, imponendo alembici rostro Camphoræ drachmas duas.

*Egregiè ad sudores eliciendos in peste, ictero, quartana & similibus confert; corpus penetrat, & quidquid noxium reperit, corrigit, atque expellit.*

### ELIXIR APERITIVUM.

℞. Myrrhæ electæ,  
Aloës Socotrinæ ana unciam semis,  
Crocī Austriaci drachm. duas,  
Cinerum clavellator. unciam unam.

Incisis



Incisis & contusis adfundantur  
Aquæ florum sambuci uncia  
sedecim.

Stent in digestionem per aliquot ho-  
ras, postea filtrentur.

*Utilissimi Elixiris proprietatis Pa-  
racelsi operationem in scorbuto co-  
gnatisque adfectibus sæpius sufflami-  
nari, ob menstrui, quo cum parari so-  
let, minus apti qualitatem, conside-  
rans excellentissimæ famæ Medicus  
& Archiater olim Ducalis Saxo-Al-  
tenburgicus, Dn. Gabriel Clauderus,  
illud hac ratione parare docuit in sua  
Methodo balsamandi corpora, Cap. 7.  
§. 4.*

### ELIXIR PROPRIETATIS PARACELSI.

℞. Aloës,  
Myrrhæ ana uncias duas,  
Croci unciam unam.

Omnia cum Spiritu Vini rectifica-  
to, (Myrrham tamen prius Spi-  
ritu Sulphuris irrigando, ut fiat  
quasi pasta,) ad supereminentiam  
trium transversim positorum di-  
gitorum adfuso, digerantur per  
octiduum, Spiritus tinctus decan-  
tetur, & novo Spiritu Vini Spe-  
ciebus addito, iterum fiat dige-  
stio, tandem liquores tincti jun-  
gantur, filtrentur, & ad usum  
serventur.

*Hoc Medicamentum nihil ferè  
aliud est, quàm Pilulæ pestilenciales  
seu cōmunes vocatæ, secundum de-  
scriptionem Arabum, in nobiliorem  
tantummodo Essentiam redactæ; qua-  
rum usus à multis retrò seculis adver-  
sus grassantis pestiferæ luis contagia,  
internas putredines, cruditates ven-  
triculi, & plures alios affectus cōmen-  
datissimus existit.*

### ELIXIR PROPRIETATIS CORRECTUM.

℞. Spiritus Juniperi,  
Roris Majalis à Terebinthina  
abstracti, & ab oleo separa-  
ti ana quantum libuerit,  
Spiritus Vitrioli quantum satis  
pro dictorum acidulo sapo-  
re.

Misceantur.

Postea :

℞. Aloës,  
Myrrhæ ana unciam unam se-  
mis,  
Croci unciam semis.

Pulverisatis adfundatur Menstru-  
um modò descriptum, ad emi-  
nentiam trium digitorum, & post  
octiduanam digestionem liquor  
tinctus filtretur.

*Præter vires Elixiri antecedenti  
adscriptas, inprimis etiam diureticas  
& nephriticas possidet.*

### ELIXIR PROPRIETATIS DULCE.

℞. Aloës,  
Myrrhæ ana uncias duas,  
Croci unciam semis.

Ex pulverisatis, & cum Liquore  
Nitri fixi, ad eminentiam quatuor  
digitorum adfuso, digestis Tinctu-  
ra extrahatur; cui filtratæ addan-  
tur Spiritus Vini probè rectificati  
uncia decem; sic leni digestionem  
& factâ aliquando agitatione,  
Tinctura in Spiritum Vini transit,  
qui à Liquore nitroso per tritori-  
um vel inclinationem separetur.

*Viribus cum Elixiri proprietatis  
Paracelsi ferè convenit, & ob sapo-  
rem minus amarum facilius adsu-  
mitur.*



ELIXIR UTERINUM  
CROLLII.

℞. Castorei libram semis,  
Croci uncias duas.

Extrahe tincturam cum Spiritu vini, & separa Spiritum ad remanentiam extracti, cui adde

Extracti Artemisiæ uncias quatuor,

Salis Matris Perlarum unciam unam,

Ol. destillatorum Anisi,

Angelicæ,

Succini ana  
drachmas  
duas,

Olea destillata in sufficiente quantitate Spiritus vini superius abstracti soluta, & cum reliquis mixta per octo dies digerantur, postea filtrentur.

*Ad varios uteri morbos, suffocationem minitantes, præbet remedium, etiam sanguinis menstrui vitia corrigit.*

## ESSENTIA ABIETIS.

℞. Conulorum Abietis teneriorum, colore rubro adhuc præditorum unc. duas.

Quibus benè contusis adfunde Spiritus Cochleariæ, per spiritus vini à recenti herba abstractionem parati uncias octo.

Post digestionem per biduum factam fortiter exprimantur, & filtrentur.

*In scorbuticis aliisque similibus sanguinis impuritatibus emendandis egregias vires possidet.*

ESSENTIA ABSINTHII  
SIMPLEX.

℞. Summitatum Absinthii floridarum uncias duas.

Superinfundatur Spiritus vini, ut tres digitos emineat, post decantationem & expressionem Essentia filtretur.

*Vires sunt stomachicæ & hepaticæ.*

ESSENTIA ABSINTHII  
COMPOSITA.

℞. Herbæ Absinthii Romani unciam unam,

Cardui benedicti,

Calami aromatici,

Zedoariæ,

Galangæ ana drachmam unam semis.

Incisa infundantur per viginti quatuor horas in

Spiritus vini rectificati unciis duodecim.

Postea fiat decantatio, lenis expressio, & filtratio.

ESSENTIA AMBRÆ  
MINDERERI.

℞. Elixir. Vitæ Matthioli completi uncias duas,

Spiritus Cerasorum nigror. rectificati unciam unam,

Ambra scrupulum unum,

Moschi Or. grana quatuor.

Fiat infusio per aliquot dies, deinde filtrentur.

*Præstans hoc & illustre remedium animum & spiritus animales reficit, atque in vertigine, scotomia, caligine oculorum, capitis frigidis affectibus excellentissimum est.*

ESSENTIA AMBRÆ  
SICCA.

℞. Ambra electæ drachm. unam, Moschi Orientalis grana sedecim,

Sacchari cantii albi drach. sex.

Ambra cum Moscho in Spiritu Ro-



Rosarum diluta & tenuissimè trita, Saccharo in subtilissimum pollinem redactò, ulteriori tritura, exactè commisceatur.

*Vires possidet cephalicas & cordiales.*

### ESSENTIA ANODYNA.

℞. Extracti Laudani cydoniati drachmas duas,  
Spiritus Cydoniorum unciam unam.

Leni calore misceantur.

*Pares licet vires cum ipso Extracto, cujus descriptio in Pharmacopœia hac nostra renovata, Classe 21. habetur, Essentia hæc possideat, liquidi tamen hujus Medicamenti, ob extemporaneam dispensationem quandoque commodioris, elaborationem hîc proferre consultum duximus.*

### ESSENTIA CORTICUM AURANTIORUM LIQUIDA.

℞. Corticum Aurantium exteriorum recentium uncias quatuor,

Spiritus Vini libram unam.

Abstrahatur in Balneo à Corticibus Spiritus vini; in quo dein novi Cortices Aurant. recent. exter. infundantur, sumendo eorum uncias quatuor; post octiduanam digestionem liquor tinctus filtretur, & cum Syrupi è corticibus Aurantium unciis duabusedulcoretur.

*Stomachum roborat, flatusque discutit.*

### ESSENTIA CORTICUM AURANTIORUM SICCA.

Ex Corticibus Aurantium

recentibus digitorum ope in saccharum album pulverisatum exprimitur liquor oleosus, ut & saccharum ipsum eis inspergitur, iterumque abraditur, toties id reiterando, usque dum saccharum odore & sapore genuino corticum sufficienter fuerit imbutum.

### ESSENTIA CARMINATIVA.

℞. Radicum Zedoariæ unciam unam,

Carlinæ,

Galangæ ana unciam semis,

Corticum aurantium,

Seminis Anisi,

Carvi,

Florum Chamæmeli Romani,

Caryophyllorum aromaticorum,

Baccarum Lauri,

Acori veri ana drachmam unam semis,

Macis drachmam unam.

Misc. Extrahantur contusa & concisa g. m. cum Spir. Cort. citri acidulato satis Spiritu Nitri, qui extractione per aliquod tempus factâ addi debet.

*Compositionis hujus descriptio, ususque in colica, videri possunt in Opilogia Excellentissimi Dn. D. Georgii Wolffgangi Wedelii, Lib. 2. sect. 2. cap. 5.*

### ESSENTIA CASTOREI.

℞. Castorei uncias tres,

Salis Tartari drachmas tres.

Castoreum minutim incisum, & cum Sale Tartari permixtum, Spi-

N n 3 ritus



ritûs Melissæ librâ unâ, per octiduum digerendo, extrahatur, ac postea filtretur.

*Capitis affectibus, apoplexiæ, epilepsiæ, lethargo, & uterinæ sic dictæ suffocationi inprimis medetur.*

### ESSENTIA CATECHU.

℞. Catechu five Terræ Japonicæ contritæ drachmas duas.

Solvantur leni calore in Spiritus Cydoniorum uncia una, & postea filtrentur.

*Utilis est in hæmoptysi, phthisi, alvi fluxibus, urinæ incontinentia, catarrhis; stomachum confortat, pluresque alios morbos visû adstringente emendat.*

### ESSENTIA CEPHALICA.

℞. Corticum exteriorum Citrii Pomi recentium,

Seminis Pæoniæ rec. excort. ana uncias quatuor,

Baccarum Juniperi maturarum,

Lauri decortic. ana uncias duas,

Cinnamomi acutissimi uncias tres,

Ligni Aloës optimi,

Dictamni albi,

Caryophyllor. ana unc. unam,

Nucis moschatæ,

Macis,

Galangæ minoris,

Costi albi aromatici ana unc.

femis,

Sandali citrini odoratissimi,

Cardamomi minoris,

Piperis albi ana drachm. tres,

longi,

Croci Orientalis ana drachm.

unam.

Macerentur in libris quatuor Spiritus Vini optimè rectificati, stent in infusione per decendium, postea filtrentur; Speciebus autem remanentibus superfundatur sequens Spiritus:

℞. Menthæ crispæ,

Lavendulæ,

Pulegii,

Nepetæ,

Salviæ nobilis,

Fœniculi,

Melissæ ana uncias tres.

Infundantur cum Vini Malvatici optimi libris sex, maneant infusa per triduum, postea destillentur, Spiritus prolectus prioribus speciebus, ut dictum est, infundatur, & post triduanam digestionem filtretur, atque cum priore extracta Essentia permisceatur; usûs tempore, pro lubitu & præscripto Medici, edulcoranda.

Eadem Essentia etiam completa fieri potest Speciebus extractioni destinatis,

Ambraë electæ grana quindecim,

Moschi optimi scrupul. semis, commiscendo, & unâ digestionî committendo.

*Cerebrum & omnes ejus functiones corroborat, catarrhos discutit; præservat ab apoplexia, epilepsia, lethargo; utilis etiam est in syncope, cordis palpitatione; consumit pituitam in ventriculo & intestinis, omnibus denique à frigiditate ortum ducentibus morbis magnopere conducit.*

Essentiæ hujus Cephalicæ descriptionem, sub nomine SPIRITUS CEPHALICI, Dispensatorium nostrum D. D. Andreae Layo, Collegæ quondam nostro, debet.

ESSEN-



ESSENTIA CORTICUM  
CHINÆ CHINÆ.

℞. Corticum Chinæ Chinæ pulve-  
risatorum unciam unam,  
Salis Tartari drachm. unam,  
Spiritus Cardui benedicti unci-  
as quatuor.

Stent in digestionem per biduum,  
postea benè expressa filtrentur.

*Delicatus inprimis, quibus tin-  
cturae usus, præ aliis congruis adhiben-  
di hunc corticem Peruanum modis,  
arridet, hoc Medicamento consulimus,  
quod etiam in febrium intermitten-  
tium curatione non omnem denegare  
efficaciam experti sumus.*

ESSENTIA CITRI LI-  
QUIDA.

Paratur eadem ratione, ut su-  
perior è corticibus Aurantiorum  
facta Essentia, nempe cum Spiri-  
tu Vini à corticibus Citri exteriori-  
bus recentibus abstracto, extra-  
ctionem corticum Citri instituen-  
do, filtrando, & cum Syrupo è  
succo Limonum edulcorando.

*Vires sunt cordiales & stomachicae.*

Quæ olim apud nos parabatur Essentia citri,  
solvendo Elæosaccharum citri cum succo oleoso ex  
corticibus expresso, non placet Welschio, quod ob  
adjunctam humiditatem facillè ranceat; neque ta-  
men etiam Zvvelferianæ ipsi arrident, quia liquida  
nec ipsa durabilis existat, in sicca verò saccharum  
canthum huic negotio ineptum, præterea respectu  
olei destillati nimia ejus sit quantitas, præparatio in-  
super supra ignem optimas & odoratissimas succi o-  
leosæ partes disperdat. Ipse itaque talem modum, ut  
non solum odore exteriores cortices æmuletur, sed  
etiam subacido sapore pulsam internam jucundis-  
simè referat, proponit, saccharum scilicet simplex  
cum succo mali citrii ad rotularum formam solvendo,  
postea leni calore siccatum in pulverem redigendo,  
& tandem olei ex corticibus citri recentibus destillati  
drachmam unam unciae uni sacchari prædicti admi-  
scendo; quæ Essentia etiam cum quovis liquore soluta  
liquidæ vicem suppleat.

ESSENTIA CITRI  
SICCA.

Ex Corticibus Citri recentibus,

juxta modum in Essentia Corti-  
cum Aurantiorum sicca tradi-  
tum, paratur.

## ESSENTIA COCHLEARIÆ.

℞. Herbæ recentis Cochleariæ in-  
cisæ uncias sex,  
Spiritus ejusdem libr. unam.

Digerantur simul, vase benè clau-  
so, in leni calore, postea filtrentur.

*Vires in massa sanguinea, præcipuè  
hypochondriacorum, attenuanda, &  
depuranda egregiè deprehenduntur.*

## ESSENTIA LIGNORUM.

℞. Ligni Sassafras uncias duas,  
Sancti uncias tres,  
Rhodii unciam semis,  
Radicum Chinæ,  
Sarsæparillæ,  
Sandali rubri,

citrini ana unc. unam.

Incisa cum Spiritu Fumariæ ad  
quatuor digitorum supereminen-  
tiam adfuso, post octiduanam di-  
gestionem, extrahantur, & fil-  
trentur.

*In depuranda massa sanguinea,  
& sudore pellendo utiliter adhibetur,  
authorem famigeratissimum quondam  
Lipsiensium Archiatrum. D. D. Jo-  
hannem Michaëlem agnoscens.*

## ESSENTIA MARTIS.

℞. Vitrioli Martis arte parati,  
CrySTALLORUM Tartari ana un-  
ciam unam.

Coquantur in unciis sex aquæ  
fontanæ ad crassam consistenti-  
am, & magma hoc residuum  
cum Spiritu Vini unciis quinque  
solutum filtretur.

*Viscerum obstructions, hepatis  
inprimis & lienis reserat, ac men-  
struum*



*struum fluxum suppressum promovet.*  
*Vid. D. Dan. Ludovici de sal. tart.*  
*volat. pag. 85. & Pharmacia ejus-*  
*dempag. 528.*

### ESSENTIA PECTORALIS.

℞. Radicum Chinæ electarum,  
       Helenii ana drachm.  
       sex,  
       Ireos Florentinæ  
       drach. tres,  
       Herbæ Hederæ terrestris,  
       Saturejæ,  
       Veronicæ ana unciam  
       semis,  
       Crocii Austriaci drachm. unam,  
       Seminis Anisi,  
       Cinnamomi acuti ana drach-  
       mas duas,  
       Cardamomi minoris,  
       Styracis calamitæ ana drach-  
       mam unam.  
 Incisa & contusa digerantur per  
 biduum cum  
       Spiritus Anisi unciis viginti  
       quatuor,  
 Postea exprimantur, & filtrentur.

*Pectoris adfectibus, quos viscida  
 pituitæ copia fovet, utilem prestare  
 valet operam.*

### ESSENTIA PURIFICANS.

℞. Mumiaæ Ægyptiacæ,  
       Cinerum clavellatorum ana  
       unciam unam.  
 Contusa digerantur per aliquot  
 horas cum  
       Aquæ Fumariæ unciis duode-  
       cim,  
 postea filtrentur.

*Supra laudatum D. Clauderum  
 hæc Essentia agnoscit Authorem, qui,*

*cum de virtute ejus, nobis expertissi-  
 ma, prolixius l. c. egerit, Lectorem  
 eò remittimus.*

### ESSENTIA TRAUMA- TICA.

℞. Herbæ Saniculæ unciam semis,  
       Florum Hyperici drach. duas,  
       Radicum Tormentillæ unciam  
       semis,  
       Myrrhæ electæ,  
       Catechu ana drachmas duas,  
       Spiritus vini vulgaris uncias  
       octo.

Post biduanam lenem digestio-  
 nem exprimantur & filtrentur.

*Ufus ejus in variis internis læsio-  
 nibus & fluxibus cruentis aliisque esse  
 potest.*

### ESSENTIA TRIFOLII FIBRINI.

℞. Herbæ Trifolii fibrini exsicca-  
       tæ & minutim incisæ unci-  
       as, quatuor,  
       Spiritus ex eadem herba per  
       fermentationem parati un-  
       cias sedecim.

Stent in digestionem triduana, po-  
 stea exprimantur & filtrentur.

*Aliam descriptionem Tincturæ ex  
 hoc Trifolio palustri conficiendæ dedit  
 D. Matthias Tilingius, Professor Me-  
 dicinæ quondam Rintheliensis, in  
 Ephemeridibus Germanicis Nature  
 Curiosorum, Dec. 2. Anni 2. observ. 74.  
 quam ad mentem celebratiss. mem.  
 Danorum Archiatri Dn. Simonis  
 Pauli (Vid. ejus Quadripartitum  
 Botan. class. 2. cap. de trifol. fibr. &  
 class. 3. cap. de cochlearia edit. secun-  
 da,) ex succi herbæ partibus tribus,  
 & spiritus proprii parte una haud  
 ineffi-*



*inefficacem conficit. Cui similem, nec inefficaciorem, rubicundo colore conspicuam quidam nostrorum Pharmacopœorum ex succi ad mellaginem inspissati uncia una, & spiritus fermentatione producti unciis octo, hucusque elaborare consueverunt. Nobis verò hanc usu multiplici expertam, & genuino colore viridi elegantissimam retinere placuit.*

### TINCTURA ANTIMONII.

℞. Salis Tartari libram unam, Antimonii electi libram semis. Pulverisata & mixta fluant in crucibulo, valido igne, per horam, postea ad eundem modum, quo Tinctura Tartari parari paulò post monstrabitur, cum Spiritu Vini fiat extractio, & liquoris tincti ad tertiæ partis remanentiam abstractio.

*Usus ejus est inprimis in depurando sanguine: Unde hypochondriacis, cachecticis, ictericis, & scabiosis prodest.*

### TINCTURA FLORUM BELLIDIS.

℞. Florum Bellidis hortensis colore rubro à capitulis suis decerptorum & exsiccatorum manipulum unum, Spiritus Vitrioli drachmam unam, Aquæ florum Bellidis uncias quatuor.

Stent in digestionem per diem & noctem. Postea exprimantur, & filtrentur.

*Vires ipsorum Florum nativas continet, atque pro extemporanea varia dispensatione nobis in usu esse solet.*

### TINCTURA BEZOARDICA.

℞. Rad. Zedoariæ uncias duas, Angelicæ, Pimpinellæ, Valerianæ veræ, Vincetoxici, Calami aromatici ana unciam unam, Costi electi, Cortic. citri exter. recentium, Baccarum juniperi ana unc. duas, Myrrhæ uncias tres, Herbæ Scordii manipulos tres, Melissæ, Millefolii, Rutæ ana manipulum unum, Camphoræ unciam unam, Theriacæ optimæ libram unam semis, Spiritus Vini boni Mensuras duas.

Post octiduanam digestionem abstrahantur in arena Spiritus libræ duæ.

His adde:

Spiritus Tartari genuini libram unam semis,

Vitrioli quantum satis pro acidulo sapore.

Misceantur & tingantur cum fructu Solani quadrifolii, quod vulgo Herba Paris dicitur, ac filtrentur.

*Non sine immortalis Authoris, qui fuit antea laudatus D. D. Michaël, fama Tinctura hæc publicam lucem vidit. Cujus equidem multe prostant descriptiones, quas inter tamen hanc eligere volumus. Vires ejus sunt nobilissimæ, inprimis alexipharmacæ, & in febribus tam continuis quàm intermittentibus*



*salutares; sudores movet, obstructions aperit, flatus dispellit, & urinam movet; non tamen in omni morbo aut omni tempore convenit; unde non sine prudenti consilio ejus usum esse ineundum, secus ac vulgo fieri solet, consulimus. Plura vid. in tract. Exc. D. D. Godofr. Schulzii de hac Tinctura edito.*

Quod à Spiritus theriacalis destillatione remanet, novo superaddito Spiritu Vini, digeri, exprimi, filtrari, atque ad Extracti consistentiam redigi debet, EXTRACTI THERIACALIS nomine insigniendum.

### TINCTURA CORALLIORUM.

Spiritum Mellis funde super fragmenta Coralliorum rubicundissima pulverisata, digerendo extrahe toties Tincturam, donec corpus album & quasi mortuum remanserit. Omnes extractiones mixtas lento igne coagula, residuumque denuò rectificatissimo Vini Spiritu extrahe & filtra.

*Mundificare sanguinem, obstructions viscerum reserare, atque in leucophlegmatia, cordis palpitatione, syncope, melancholia, hydrope, podagra, calculo, utero purgando & vasis urinariis proficuum Medicamentum esse creditur.*

Quamvis traditam hanc Coralliorum Tincturam pro vera & genuina venditare, nunquam nobis in mentem venerit, eandem tamen omnino hîc expungere non potuimus, inprimis quod reipsâ sit innocua, & ab aliis vix meliores, aut, si ad examen revocentur, haud genuinæ, miris licet encomiis condecoratæ, in medium fuerint adductæ. Nos, qui non adeo præcellentem virtutem à Coralliis sic tinctos liquores obtinere, experientiâ edocti scimus, & sincero Excell. D. D. Joh. Majoris judicio, in tract. quem Genii errantis titulo donavit, pag. 203. prolato, adquiescimus, hanc Operi nostro insertam vo-

luimus, ut opinioni vulgi & aliorum persuasione radicatæ satisfaceremus, ut & haberemus, quod expetentibus præscribamus.

Cum Welschius neminem sibi visum esse scripsisset, qui veram, genuinam, & omnia examina sustinentem tincturam ex coralliis parare noverit, cum peregrinâ potiùs rubedine infecta fuerit, ipse Zvvelferum imitatus, (qui pro tinctura corallia ipsa præparata, sive etiam eorundem solutionem, commodè usurpari posse existimat,) tincturam ex floribus caryophyllorum, aut granis Kermes, aut aliis elicere, eique solutionem coralliorum immiscere, sicque oculis & linguæ gratam tincturam, nec non præ illis omnibus, quæ mineralium spiritibus corrodentibus parantur, securissimam conficere docet, nullaque alia inferiorem, quocunque tandem modo & quibuscunque secretis, ac mensuris fallacibus conficiatur.

### TINCTURA HYPERICI.

℞. Summitatum Hyperici florentis incisarum quantum vis. Macera per octiduum in Spiritûs Vini rectificati sufficienti quantitate, in loco tepido, postea filtrentur, & accipies Tincturam rubicundissimam instar Rubini, Saccharo edulcorandam.

*Imbecillitatem mentis corrigit, in morbis etiam renum & vesicæ prodest, urinam provocat, & menstrua pellit.*

### TINCTURA JALAPÆ.

℞. Radic. Jalapæ resinosaarum drachmas tres,  
Cortic. Citri exteriorum recent. drachmam unam,  
Cinnamomi acutissimi drachmam semis,  
Semin. Anisi scrupulum semis,  
Spiritus Vini rectificati uncias duas.

Fiat



Fiat infusio per triduum in loco calido, postea fortis expressio & filtratio.

*Suave serosi humoris est catharticum, praelaudati Michaëlis inventum.*

### TINCTURA ANTI-PHTHISICA.

℞. Salis Saturni,  
Vitrioli Martis artific. ana  
drachmas duas,  
Spiritus Vini,  
Aceti destillati ana unciam sem.  
Misceantur, & per aliquot dies digerantur, liquor rubicundus filtretur.

*Præter virtutem antiphthificam & hæmoptoicam, etiam in alvi fluxibus & sudoribus nimis utiliter adhibetur.*

### TINCTURA PROPRIETATIS.

℞. Spiritus Anisi uncias sedecim,  
Elixir. proprietatis Parac. unc.  
unam,  
Confect. Alkermes incompl.  
unciam semis,  
Florum Tunicæ rubrorum  
drachmam semis.

Stent in digestionem, donec saturato rubore Spiritus Anisi tingatur, qui filtratus Saccharo clarificato edulcoretur.

*In Melancholia, asthmate, ventriculi imbecillitate, cardialgia laudabile præbet Medicamentum. Vid. Mynsichti Thesaurus med. chim.*

### TINCTURA ROSARUM.

℞. Florum Rosarum rubrar. exsiccatarum unciam semis,  
Aquæ fontanæ libram unam,  
Spiritus Vitrioli boni drachm. semis.

Stent in Balneo Mariæ tepido per horas quatuor; postmodum in colatura rubicundissima dissolvantur Sacchari albi uncia tres, & per chartam bibulam trajiciantur.

*In febribus, aliisque caloribus præternaturalibus insigne refrigerans, & hepatis confortans existit.*

### TINCTURA SUC-CINI.

℞. Succini flavi subtilissimè triti  
unciam unam,  
Spiritus Vini tartarifati rectificatissimi uncias octo.

Leni calore in phiola optimè clausa per aliquot dies digerantur, & aliquoties moveantur, tandem liquor tinctus filtretur.

*Usus ejus est eximius in capitis & uteri affectibus.*

### TINCTURA TARTARI.

℞. Salis Tartari depurati quantum vis. Funde illud in valido crucibulo, igne intenso, inque fluxu tamdiu conserva, donec in colorem è rubro cœruleum transierit; effusum in mortarium ferreum calefactum pulverifetur, & mox in phiolam itidem prius calefactam indito, superfunde Spiritum



tum Vini rectificatissimum, ad eminentiam trium digitorum; digerantur per aliquot dies in arena, interdum agitando, donec Spiritus Vini rubicundo colore tingatur; quo decantato, novum readfunde, quamdiu opus fuerit. Ultimò liquores tinctos filtra, & ad tertiæ partis remanentiam abstrahere, quam ad usum serva. Abstractus autem Spiritus pro SPIRITU VINI TARTARISATO inservire potest.

*Tinctura hæc ad tollendas viscerum obstructions valet, vesicam & renes à superfluis inprimis humoribus, urinam largiter movendo, liberat.*

### OLEUM ABSINTHII.

℞. Summitatum Absinthii ad maturitatem seminis accedentium quantum vis. Incidantur atque cum aqua fontana destillentur per vesicam, & exhibit aqua cum Oleo; separetur Oleum per bombacem, vel vitrum, quod communiter separatorium dicitur.

*Usus hujus Olei idem est cum Vegetabili suo, è quo extractum est: sicut etiam subsequenter plura naturam emulantur eorum, è quibus prolecta sunt; vires tamen longè potentiores & in minima quantitate exserunt.*

Salis adjectionem, olim in Oleorum destillatione commendatam, necessariam esse judicat Welschius, cum alias olea non clara, sed nubilosa prodeant; quamvis etiam sine additamento hoc satis limpida olea impetrari experientia confirmet, neque extracta, quod aliquibus in usu est, ex remanentia parare, salis connubium permittat. Aqua etiam, quæ cum oleo provenit, tum in alios usus, tum nova in posterum instituendæ destillationi inservire potest.

Hac ratione paratur:

OLEUM MENTHÆ,  
RUTÆ,  
SALVIÆ.

### OLEUM ANGELICÆ.

℞. Seminis Angelicæ contusi quantum libet.

Cum aquæ fontanæ sufficiente quantitate infundatur, postea destilletur per vesicam, & Oleum separetur ab Aqua

Eodem modo fiunt:

OLEUM ANISI,  
CARVI,  
CUMINI,  
FOENICULI,  
BACCARUM JUNIPERI.

### OLEUM AURANTIORUM.

℞. Corticum exteriorum recentium, non putridorum Pomorum Aurantium sufficientem quantitatem.

Incidantur & absque præcedente fermentatione vel maceratione, copiosius quidem, sed tamen deterius Oleum daturis, cum aqua fontana destillentur per vesicam, Oleum postea ab aqua separando.

Eodem modo fiat:

OLEUM CITRI.

### OLEUM CARYOPHYL- LORUM.

℞. Caryophyllorum aromaticorum sufficientem quantitatem.

In pulverem crassiusculum contusis adfundatur aqua tepida, & post



post quatrduanam digestionem, ex vesica destillentur, separeturque Oleum modo solito.

Hoc, & similia ex feminibus Olea, per cohobationem sive repetitam destillationem parari posse, monet Welschius; quæ tamen non, novâ semper materiâ adjectâ, sit instituenda, sed tantum aquam post Olei separationem residuo adfundendo; sic enim, si prima vice uncia quatuor prodierint, in secunda uncias duas, in tertia unciam, in quarta unciam dimidiam impetrari posse.

Modum conficiendi eundem habent:

OLEUM CINNAMOMI,  
MACIS,  
NUCIS MOSCHATÆ,  
PIPERIS,  
ZEDOARIÆ.

OLEUM CHAMÆMELI  
ROMANI.

℞. Flores Chamæmeli Romani ficos, contunde, & cum aqua calida parum maceratos destilla per vesicam, ac Oleum flavescens ab aqua separa.

Ita etiam paratur:

OL. FLOR. CHAMÆMELI VULGARIS  
COERULEUM,  
LAVENDULÆ,  
MAJORANÆ,  
RORISMARINI,  
ROSARUM,  
SPICÆ.

OLEUM LIGNI  
RHODII.

Lignum Rhodium in scobem redactum in vase capaci cum magna aquæ quantitate maceretur per quatuordecim dies, postea ex vesica, igne moderato destilletur, & Oleum ab aqua separetur.

OLEUM CAMPHORÆ  
SENNERTI.

℞. Camphoræ libram semis,  
Argillæ libram unam semis.  
Misceantur diligentissimè, & ex retorta in arena lento igne destillentur, ascenditque cum phlegmate Oleum, quod separandum est.

Circa hoc Oleum notat Welschius, in modo Zvvelferiano, qui in retorta metallica absque ullo aditamento camphoram destillat necesse esse, oleum amburi, & foetidissimum prodire; ipse verò ex caphura & terra sigillata s. a. illud in retorta destillat, denique rectificandum.

OLEUM MASTICHES.

℞. Mastiches libram unam,  
Silicum calcinatorum libram unam semis.

Mixta destillentur ex retorta, in arena, igne moderato, postea limpidum Oleum à phlegmate separetur.

OLEUM SUCCINI, &  
SAL VOLATILE.

℞. Succini crassè contusi libras tres.

Fiat ex retorta capaci, igne arenæ gradatim adhibito destillatio, vas recipiens cum aqua calida, ut sal volatile in ea solvatur, eluatur, quæ per chartam emporeticam prius aquâ madefactam ab oleo separetur, & post factam ejus exhalationem sal colligatur. Oleum verò cum duabus partibus cinerum mixtum ex retorta lento igne rectificetur, Oleum limpidum primò exstillans seorsim adservando, alterum verò subsequens coloratius aliis usibus destinando.



*Insignes vires tam Oleum, quàm Sal volatile obtinet, quas inter cephalica, alexipharmaca, nephritica, & uterina eminent.*

### OLEUM, five BUTYRUM ANTIMONII.

℞. Mercurii sublimati corrosivi,  
Antimonii electi ana libram un.  
Pulverisata in mortario marmoreo optimè misceantur, cavendo à fumo exhalante, & retortæ, tertiam circiter ejus partem vacuam linquendo, injiciantur, superinfuso uno alterove aquæ simplicis cochleari; postea ex arena fiat destillatio in liquorem crassum instar butyri, quem dein CINNABARIS, sensim ad latera colli retortæ adhærens, insequitur; quæ fractâ retortâ colligatur, & aliquoties aquâ fontanâ abluatur; butyrum verò per residuum depuretur.

*Butyrum Antimonii causticum insigne est. Si ejus v. g. uncia una cum aquæ frigide unciis decem misceatur, pulvis albus, MERCURIUS VITÆ dictus, emeticam vim habens, ex eo precipitatur; liquor autem reliquus acidulus, si rectificetur, sub nomine SPIRITUS VITRIOLI PHILOSOPHICI, aliorum Spirituum acidorum, Salis præcipuè, naturam habens, notus est. Cinnabaris autem epilepsie, vertigini, hystericis, arthriticis, aliisque malis egregiè medetur.*

### OLEUM ANTIMONII SENNERTI.

℞. Antimonii libram semis,  
Sacchari cantii uncias sex.  
Pulverisata misceantur & destillantur in arena.

### OLEUM CERÆ.

℞. Cæræ flavæ puræ libr. unam.  
Huic in retorta capaci liquatæ superinjice largam cineris cribrati quantitatem, ut retorta eo impleatur, postea igne per gradus aucto, ex arena destilletur.

*Resolvit, discutit, & articulorum doloribus confert.*

Cum ossium calcinatorum additione paratum hoc oleum displicet Zvvelfero, quia hac ratione butyri crassioris forma prodeat; quod tamen in oleum pulcherrimum, adfusa aqua, facile rectificari per arenam posse, notat Welschius; quod etiam Dan. Sennertus in Instit. med. monuit. Cærâ verò liquatâ lateres &c. imbibendo cum Zvvelfero, oleum foetidissimum, quale est ipsum oleum laterinum, produci Welschius observat.

### OLEUM SAPONIS.

℞. Rasuræ Saponis Veneti libram unam,  
Arenæ mundæ libras tres.  
Mixta ex retorta, igne arenæ destillantur in Oleum, quod cum cineribus rectificetur.

*Resolvit inprimis & dissipat frigidos tumores, nec non paralyti & podagræ conducit.*

### OLEUM PHILOSOPHORUM, SIVE DE LATERIBUS MESUÆ.

Lateres in pulverem contusi & calefacti misceantur cum Olei Olivarum clari sufficiente quantitate, sive quantum imbibere possunt; postea ex retorta, igne aperto & per gradus adhibito, secundum artem destillantur; Oleumque prolectum super cineres rectificetur.

*Essen-*



*Essentiae tenuitate penetrat, digerit, materiam excrementitiam consumit. Aurium tinnitui à flatu crasso, iisque verminantibus medetur, paralyti, spasmocynico, ischiadi, gonagræ, podagræ, cæterisque articulo- rum affectibus prodest, splenis tumores solvit, comitiales naribus inun- ctum excitat, cerebrum calefacit, memoriam firmat, dentium dolorem sedat, injectum utero menses provo- cat, fœtum vivum aut mortuum edu- cit, calculum vesicæ pellit, ora vena- rum aperit, & sanguinem concretum dissolvit, pulmones purgat ab humo- ribus crassis & viscidis, oculorum suffusiones delet, vermes interficit, venenis insuper frigidis potenter resi- stit, ad scorpionis ictum conducit.*

Oleum hoc nihil esse aliud, quàm oleum oli- varum destillatum benè monet Welschius, cum ni- hil virium à lateribus adquirat: ut verò Philosopho- rum dicatur, minùs mereri nomen illud, videri posse.

### OLEUM SATURNI.

Sal Saturni crystallinum tere, & in phiola adfuso Spiritu Terebin- thinæ, in arena digere, tincturam- que extrahe, ut è Floribus Sul- phuris fieri solet: quam ex retor- ta igne aperto destilla, primò len- to igne, quoad Spiritus Terebin- thinæ exierit; deinde mutato re- cipiente, paulatim auge ignem, quoad totum Oleum exierit.

*Habebis Oleum, quod viribus naturale Balsamum excedit, mali- gnis & exedentibus ulceribus, cancro, polypo, inunctum egregiè medetur.*

### OLEUM TEREBIN- THINÆ.

℞. Terebinthinæ pellucidæ quan- tum volueris.

Destilletur lento igne ex vesica, in cucurbita, vel per retortam, & prodibit, præter phlegma acidu- lum, primò Oleum album, quod SPIRITUS nomine vulgò do- natur, postea flavum, ultimò ru- brum, quod fortiori igne erit ex- trahendum; hæc Olea separata reserva; rubrum in arena potest rectificari.

### BALSAMUM CARYO- PHYLLORUM.

℞. Olei Caryophyllorum drach- mam unam,  
Nucistæ per Spiritum Vi- ni odore suo spoliati quantum satis.

Fiat Balsamum justæ consisten- tiæ: quod tingatur cum Tinctura Caryophyllorum inspissata, vel eorundem pulvere.

Idem modus est parandi se- quentia Balsama; utpote:

CINNAMOMI,  
CITRI,  
LAVENDULÆ,  
MAJORANÆ,  
NUCIS MOSCHATÆ,  
RORISMARINI,  
ROSARUM,  
RUTÆ,  
SUCCINI.

quæ singula pro lubitu pulveribus adcommodatis quomodo sint tingenda, Pharmacopœum peri- tum latere nequit.

Welschius pro corpore ut vocant Balsamorum, tum hujus, tum aliorum, ceram cum oleo balanino, quod etiam Ant. Günth. Billichius lib. 2. cap. 2. ob- servat. & paradox. chem. laudat, illius zij. hujus zi. fumendo, commendat, cui dein olei caryophyll. destill. quantum (zij. circiter,) imprimi potest, ad- miscet, & colorem nativum (oculis vulgi blandien- di gratia, quod tamen fortasse apud æquos rerum æ- stimatores non esse tantopere necessarium credit,) vel extracto proprio, vel caryophyllorum pulvere subti-



subtilissimo conciliat; vel etiam pro corpore oleum nucis moschatae expressum eligit, ex quo adfusa aqua per arenam oleum prolicit, residuum verò in phiola vitrea Soli exponit. Cæterum Balsama, & quidem Citricum pulvere corticum propr. exteriorum, sive pulvere curcumæ, aut extracto croci in minori quantitate; majori in Balsamo Aurantiorum; Balsamum Cinnamomi Bolo Arm.; Lavendulæ ultramarino dicto; Macis & Nucis moschatae pulvere croci; Majoranæ, Menthæ, Rorismarini, & Rutæ succo ex baccis spinæ cervinæ, aut crystallis Veneris; Rosarum & Ligni rhodii laccâ, aut, quod elegantius, interioribus florum balaustiorum foliolis in minutissimum pulverem redactis, quorum odor etiam paulillo Zibethi intendatur, tingi posse; Balsamum Fœniculi, nec non Succini, & Zedoariæ nullo mango-  
nio indigere, animadvertit.

### BALSAMUM APOPLECTICUM.

℞. Olei Nucistæ expressi drachmam unam,  
Rorismarini guttas sex,  
Succini albi guttas quatuor,  
Zibethi optimi scrupulum semis,  
Moschi Orientalis grana sex,  
Ambrae griseæ grana novem,  
Granorum Styracis selectorum grana viginti.  
Fiat lege artis Balsamum, Oleo Nucis moschatae, leni calore e-

mollito grana Styracis, tum Ambra cum Oleis destillatis tritam, Zibethum, & Moschum cum Spiritûs Rosarum particula dilutum commiscendo.

*Vires sunt cephalicæ, & præcipuè, ut nomen indicat, apoplectica.*

### BALSAMUM SULPHURIS ANISATUM MYNSICHTI.

℞. Olei Anisi uncias sex,  
Florum Sulphuris unciam unam.

Digerantur, donec Oleum Anisi tincturam Sulphuris perfectè extraxerit; Oleum rubicundissimum filtratum usui serva.

*Pectorale est medicamentum, pulmonibus inprimis purulentis dicatum.*

Paratum etiam apud nos prostat BALSAMUM SULPHURIS TEREBINTHINATUM, sive cum Spiritu Terebinthinæ eodem modo, quo superius, elaboratum, & exulcerationibus tam internis quàm externis proficuum.







# CLASSIS VIGESIMÆ

## SECTIO SECUNDA,

### DE

# MEDICAMENTIS MINUS

## USUALIBUS.

### SPIRITUS EUPHRASIÆ MINDERERI.

℞. Spiritus Ceraforum nigrorum libram unam,  
 Aquæ Hirundinum compositæ majoris uncias sex,  
 Doronici veri,  
 Cassiæ lignæ veræ,  
 Amomi veri,  
 Radicis Valerianæ,  
 Chelidonii ana drachmas duas,  
 Mari veri,  
 Fol. Rutæ ana drachmam unam,  
 Florum Euphrasiæ selectissimorum ficcorum unciam unam semis, vel recentium uncias tres.

Infundantur per noctem in liquoribus his, vase benè clauso, manè per Balneum Mariæ destillentur leni igne in Spiritum.

*Visui confert hic Spiritus, dum spiritus animales reficit, cerebrique frigiditatem corrigit; in scotomia etiam & vertigine utilis.*

### SPIRITUS DIAPENTE.

℞. Elixir. proprietatis Paracelsi unc. unam,  
 Spiritus Theriacalis Camphorati drachmam unam semis,  
 Vitrioli rectificati drachmam unam,  
 Tartari rectificati scrupul. duos,  
 Salis rectificati drachm. unam,  
 Omnia misceantur, & digerantur per quatuordecim dies, ac servantur usui.

*In affectibus ventriculi & capitis multum valet, humores ventriculi vitiosos corrigit, sudoremque & urinam provocat.*

### SPIRITUS SALIS COMPOSITUS HARTMANNI.

℞. Salis Nitri puri,  
 Communis præparati ana quantum libet.

Misce cum dupla vel tripla quantitate argillæ siccæ, atque è globulis inde factis exsiccatisque per Retortam igne Reverberii Spiritum propelle; Hujus Spiritus, à quo prius phlegma in Balneo abstraxeris, & deinceps per Retortam vel Cucurbitam in arena rectificaveris, libram unam permisce cum eadem quantitate Spiritus Vini, circula aliquandiu ad perfectiorem unionem, & serva ad usum.

*Hujus Spiritus Salis compositi usus in ictericis, hydropicis, aliisque morbis, in quibus Spiritui Salis simplici locus est, inprimis commendatur.*

Ad declinandum novum destillationis laborem, hujus loco, spiritum salis & nitri, jam ante paratos, simpliciter, sumendo eorum partes æquales, misceri, atque postea tantundem spiritus vini addi, ac, si lubeat, circulari posse, Welschius monet, usque dum uniantur.

### SPIRITUS VITRIOLI COR- DIALIS ANGELI SALÆ.

℞. Cornu cervini albissimè calcinati uncias sex,  
 Spiritus Vitrioli acidi uncias octo.  
 Mixta per retortam destillentur, & liquor elicitus fervetur.

*Cordiale præstantissimum dicitur, febribus item omnibus conveniens medicamentum,*



*tum, contra putredines imprimis salutare creditum; à vulgari tamen Spiritu Vitrioli vix quidquam differt.*

Pariter præ spiritu vitrioli simplici nihil singulare in hoc reperiri, & non nisi aliquam rectificationis, qua tamen non opus sit, speciem esse, Welschius animadvertit; cui spiritum vitrioli rectificatum optimum, salsi C. C. volatili mixtum & artificiosa digestionem diligenter unitum præfert; quo ipso tamen non aliud, quam novum aliquod ens, vel aliqua ammoniacalis salina solutio obtinetur, nullum singulare artificium continens, nec ullius laboriosa digestionis indigens.

## ELIXIR PANCHYMA- GOGUM.

℞. Rhabarbari electi unciam unam semis,  
Spicæ Indicæ scrupulum unum semis,  
Sandalorum omnium ana drachmam unam.

Infunde in Spiritus Baccarum Juniperi uncias octo, digere, & filtra.

Deinde:

℞. Agarici electi,  
Cinnamomi ana unciam unam,  
Zingiberis scrupulos duos.

Infunde in  
Spiritus Foeniculi uncias sex,  
Juniperi uncias quatuor.  
Misce, digere, filtra.

Ultimo:

℞. Mechoacanæ albæ uncias duas,  
nigræ drachmas decem,  
Turbith albi gummosi unc. unam semis,  
Hermodytylorum mundatorum unciam unam,  
Rad. Polypodii querni,  
Ari præparati,  
Asari ana drachmas tres,  
Hellebori nigri præparati drachmas septem,  
Cortic. Rad. Esulæ præparat. drachm. sex,  
Aurantiorum,  
Citri ana unciam semis,  
Florum Violarum,  
Boraginis,  
Genistæ ana pugillum unum,  
Foliorum Senæ sine stipitibus,  
Semin. Carthami excorticati ana unciam unam semis,  
Ebuli contusi drachmas tres,

Macis drachmam unam.

Incisis omnibus & contusis adfunde Spiritus Anisi libras quatuor: Digerantur aliquandiu & colentur. Tandem omnes hos tres liquores commisce, & ferva in vase vitreo optimè clauso ad usum.

Pro libitu dulcorari potest Julepo Rosarum, aut Sambucino & similibus.

*Elixiris hujus cathartici, cacochymia universalis evacuanda quondam adcommo-  
dati, usus jamdudum apud nos evuluit; Si quis tamen eodem, non mutatis ingredientibus, uti vellet, Species omnes cum spiritibus præscriptis simul infundendo, digerendo, & filtrando, laborem absolvere posset.*

## ELIXIR PESTILENTIALE CROLLII.

℞. Florum Sulphuris uncias tres,  
Adfunde:

Olei Juniperini è baccis destillati ad eminentiam trium vel quatuor digitorum,

Succini ab odoris vehementia liberati quartam partem ad Oleum Juniperi:

Stent in arena sæpius movendo, ut Flores lentè sine adustione solvantur.

Postea:

℞. Theriacæ electæ libram unam.

Extrahe cum Spiritu Vini optimo tincturam, quam à Spiritu Vini separatam seorsim ferva:

℞. Radicum Helenii,  
Angelicæ,

Baccarum Juniperi contusarum ana uncias tres.

Cum eodem Spiritu Vini extrahe tincturam, quam misce cum tinctura Theriacali, atque adfunde Oleum Juniperinum & Succini floribus Sulphuris imprægnatum, & per chartam bibulam prius filtratum, omniaque circula lentissimo calore per dies quatuordecim.

*Præsentaneum est in peste præservativum, & curativum, si cum liquore appropriato mature exhibeatur, morbis epidemiciis aliis eodem modo certissimum præstat auxilium.*



In Elixirio hoc, pro meliori Extractorum cum Oleis unione, in Spiritus abstracti particula, quantum ejus opus fuerit, Olea cum Floribus Sulphuris digesta solvi, ac demum filtrari possunt.

## ESSENTIA CASTOREI SENNERTI.

℞. Castorei libram unam.

Huic in minutissimas particulas inciso adfunde acetum vini destillatum forte, & extrahe Tincturam, per chartam filtra, & acetum per Balneum destillando separa. Materiae restanti Spiritum Vini rectificatum adfunde, & per quatuordecim dies digere, postea in vitrum purum essentiam effunde, & ferva.

*Morbis nervoso generi infestis medetur.*

## ESSENTIA CITRI.

℞. Elæosacchari Citri uncias duas semis,  
Succi oleosi ex recentibus Corticibus  
Citri exterioribus expressi quantum  
sufficit, ut fiat Essentia liquida.  
Misce secundum artem.

*Præstans est hæc Essentia ad cordis & ventriculi imbecillitatem juvandam, venenis etiam adversatur, oris halitum commendat; vino permixta, illud suavissimo suo odore & sapore commendat.*

## ESSENTIA MARTIS LIQUIDA.

Ferrum limatum candefac igne valido, aut in crucibulo, aut olla, postea extingue in sufficiente quantitate Aceti acerrimi, reitetur labor prædictus ter aut quinquies, deinde acetum (essentiâ Martis prægnans) filtra per chartam, & impone cucurbitæ, abstrahæ Acetum in Balneo, ad mellis consistentiam, remanentiæ verò adfunde Spiritum vini in quantitate sufficiente pro extrahenda Essentia Martis, iterum Spiritum vini tinctum filtra, & in balneo abstrahæ, usque ad Syrupi liquidioris consistentiam.

*Viscerum infarctus aperiendi vi pollet.*

Faciliori modo parari potest, Limaturam ferri cum Aceto acerrimo in mortario vitreo vel marmoreo terendo & tinctum Acetum ad mellaginem inspissando, postea hanc, additâ Spiritus Vini sufficienti quantitate, solvendo & filtrando.

## ESSENTIA SACCHARI- NA BEGUINI.

℞. Sacchari albi crassæ contusi uncias quatuor,

Spiritus Vini uncias octo.

Misce, & Spiritum Vini accende in scutella figulina vitreata, continuo spatulâ agitando, donec flamma cesset. Adde, si placet, Aquæ Rosacæ uncias duas. Misce.

*Vi sua incidente, tussi à materia lenta & crassa laborantibus opitulatur, asthmati, raucedini, & pectoris affectibus medetur.*

## TINCTURA FRA- GORUM.

℞. Fragorum recentium in mortario marmoreo conquassatorum,  
Aquæ Cichorii ana libras duas,  
Endiviæ,

Fragorum ana libram unam,

Spiritus Vitrioli boni drachmam unam.  
Digerantur invicem in loco calido per noctem, postea filtrentur, & cum sufficiente quantitate Syrupi fragorum edulcorentur.

*Suave hepatis refrigeratorium vocat eam Bald. Timæus, à quo Respons. med. 8. describitur. Præterea in nephritide utiliter adhibetur.*

## OLEUM BENZOI.

℞. Benzoi el. quantum vis.

Pulverisetur & adfusâ Aquæ Rosarum sufficienti quantitate, destilletur per Retortam vitream in arena, servatis ignis gradibus. Oleum ab aqua separetur modo usitato.

*In ulceribus & vulneribus curandis utile esse creditur.*



## OLEUM GALBANI.

℞. Gummi Galbani selecti libram unam,  
Silicum calcinatorum libram unam se-  
mis.

Destillentur in arena per retortam vitream,  
& prodibit liquor albus cum Oleo; postea  
rectificentur.

*Vires sunt uterinæ & anticolicæ.*

BALSAMUM ANGELICÆ  
SENNERTI.

℞. Extracti Angelicæ unciam unam,  
Mannæ selectæ drachmas duas.  
Misce super igne lento, adde  
Olei Angelicæ drachmam unam semis.  
Fiat Balsamum.

*Vires habet cordiales & alexipharma-  
cas aliasque Angelicæ communiter adscri-  
ptas.*

BALSAMUM BENZOINUM  
FRAGRANTISSIMUM TEN-  
ZELII.

℞. Styracis calamitæ selecti uncias qua-  
tuor,  
Benzoini uncias duas.

Tritis superfunde Spiritum Vini rectificatum ad quatuor vel sex digitorum eminentiam. Macera in Balneo per aliquot dies, postea filtra, & Spiritum per Balneum destillando iterum abstrahere.

*Asthmaticis, catarrhosis & lienosis uti-  
liter exhibetur, urinasque promovet.*

BALSAMUM CORDIALE  
SENNERTI.

℞. Olei Citri,  
Caryophyllorum,  
Cinnamomi,  
Rorismarini ana scrupulum semis,

Ambrae,  
Moschi ana grana sex,  
Extracti Croci grana septem,  
Confectionis Alkermes scrupulum se-  
mis,  
Olei Nucis moschatæ expressi quantum  
fatis.

Fiat Balsamum, Extractum Croci, & Mo-  
schum cum Spiritus Rosarum tantillo dilu-  
ta, Oleo Nucistæ, unâ cum reliquis secun-  
dum artem permiscendo.

BALSAMUM GALBANE-  
TUM UTERINUM EJUS-  
DEM.

℞. Galbani libram semis,  
Olei Terebinthinæ libras tres.

Digerantur in cucurbita vitrea lento calore per quatuordecim dies, postea destillentur, additâque Olei Lavendulæ uncia unâ, iterum destillentur, vel saltem aliquandiu digerantur. Si Balsamum hoc cum Spiritu Vini circulaveris, penetrantissimum efficitur.

BALSAMUM LOEMICUM  
HENISIANUM.

℞. Oleor. Camphoræ,  
Succini,  
Citri debitè præparatorum ana  
quantum libet.

Misceantur & digerantur aliquandiu in lenissimo Balnei calore, donec perfectissimè inter se unita sint.

*Hoc Balsamum in variis Germaniæ & Italiæ locis, grassantibus atrocissimæ pestis contagiis felicissimè usurpatum, & tricennali Authoris experientiâ comprobatum est.*







CLASSIS VIGESIMÆ  
 PRIMÆ,  
 EXTRACTA CON-  
 TINENTIS,  
 SECTIO PRIMA,  
 DE  
 MEDICAMENTIS  
 USUALIBUS.

EXTRACTUM  
 AGARICI.

℞. Agarici albi & levis quantum  
 volueris. Huic adfunde Spiritus  
 vini sufficientem quantitatem,  
 digerantur in vase vitreo arctissi-  
 mè clauso, in loco calido vel sal-  
 tem tepido, per dies tres. Po-  
 stea dum adhuc calent, colentur,  
 & leviter exprimantur: expres-  
 sum filtretur, & in Balneo Mariæ,  
 abstracto rursus lentâ destillatio-  
 ne Vini Spiritu, in crassamentum  
 cogatur, quod ad commodos u-  
 sus servetur.

*Pituitam lentam & crassam ex  
 ventriculo maximè & mesenterio,  
 nec non jecore, liene, pulmonibus ac  
 utero expurgat; à cerebro quoque, ner-  
 vis & artubus eandem, licet debilius,  
 prolicit: vermes insuper enecat, &  
 expellit.*

Alii loco Spiritus Vini simplicis anisatum usur-  
 pant, corrigentis loco eum forsan adhibentes. Ve-  
 rum corrigitur Agarici extractum pro re & condi-  
 tione ægri; aut morbi, addendo in singulas doses  
 guttulam unam Olei Macis, Nucis moschatæ, Fœ-  
 niculi, Caryophyllorum, aut alterius similis. Id  
 quod in sequentibus etiam Extractis compositis ob-  
 servari volumus; In quibus, correctionis loco, quon-  
 dam addi solitas Species aromaticas omisimus, cum  
 meliores quasdam earum partes in destillatione sepa-  
 rari certum sit; quanquam vicissim illis, quæ inde re-  
 manent, omnem efficaciam nemo prudens eapro-  
 pter denegaverit.



EXTRACTUM seu BAL-  
SAMUM ALOES.

℞. Aloës Socotrinæ quantum volueris. Redigatur in pulverem: huic adfundatur Spiritus Vini rectificatus; maceretur in loco calido, aliquoties agitando; donec liquor saturato colore imbuatur: qui per inclinationem à fæcibus decantetur, & novus Spiritus adfundatur, tantisper id reiterando, quoad nullus amplius color extrahi videbitur. Tandem omnis liquor filtratus ad justam spissitudinem destillando redigatur.

*Internas putredines & cruditates arcet, ventriculum mundat, ac roborat, ventrem lubricum reddit.*

Si quis Aquam aliquam destillatam, uti Acetosa, Endiviæ, &c. loco Spiritus vini adhibere huic operi voluerit, nec is irritum in depuratione hac peragenda laborem suum experietur.

Eodem planè modo parantur omnia alia Extracta simplicia, & Composita, adfuso nimirum Medicamentis, ex quibus vim & energiam prolicere mens est, vini Spiritu, aut Aquis adpropriatis ad id præstandum idoneis. Sic extractum Rhabarbari commodè parari potest cum aqua Agrimonix, Extractum Senæ cum aqua Lupuli, Scolopendrii, Boraginis aut Fumariæ.

Notandum tamen, Aquas non ex omnibus Medicamentis simplicibus vires omnes elicere posse, sed tantum potissimum ex Herbis & Radicibus non resinosis: ibi enim. (ut in Mechoacana) vini Spiritu opus est. Sic etiam Gummia quædam seu Lachrymæ in aceto resolvi, ac per setaceum, ut terrestres partes omnes separentur, transmitti postulant. Verum uti usus facit artificem, sic diligens ac peritus Pharmacopœus spontè novit, quid cuique commodè adplicari, illudque sufficienter solvere, vel extrahere possit. Nostrum jam est, Extracta Simplicia, quæ præter jam dicta in usu nobis sunt, indicare, ut & quòd Spiritus vini pro eorundem extractione apud nos adhibeatur, præter Opium, quod phlegmate aceti (licet nec illud vini Spiritum respuat) depurari potest.

EXTRACTUM  
ABSINTHII,  
AGALLOCHI,

BRYONIÆ,  
CALAMI AROMATICI,  
CATECHU,  
CROCI,  
CUCUMERIS ASININI,  
ENULÆ,  
GENTIANÆ,  
GUAJACI,  
HELLEBORI NIGRI  
vel MELAMPODII,  
LIQUIRITIÆ,  
MECHOACANÆ NI-  
GRÆ,  
MELISSÆ,  
OPII THEBAICI,  
RHABARBARI,  
SCAMMONII,  
TORMENTILLÆ,  
ZEDOARIÆ.

EXTRACTUM AGARI-  
CI COMPOSITUM.

℞. Agarici electi libram semis,  
Rhabarbari optimi uncias tres,  
Seminis Anisi,  
Zingiberis,  
Macis ana drachmam unam  
semis.

Incisis & contusis adfundatur Spiritus vini rectificati sufficiens quantitas, stent in infusione vitro benè clauso per triduum, post fiat secundum artem Extractum.

*Hanc extracti compositi descriptionem olim D. D. Urbanus Schlegelius, Decani Collegii nostri Medici Vicarius communicaverat; ejus vires cum simplici Extracto conveniunt.*

EXTRACTUM CATHO-  
LICUM.

℞. Colocynthidos drachmas sex,  
Agarici optimi,  
Scammonii,

Helle-



Hellebori nigri ana unciam semis,

Aloës electæ unciam unam.

Omnia sufficiente quantitate spiritûs vini per dies aliquot in loco calido macerentur, qui deinde, relictis fæcibus, decantetur, remanentia exprimatur, & liquor omnis filtratus Balnei calore abstrahatur, ut Extracti spissamentum in fundo cucurbitæ remaneat.

*Medicamentum est catholicum, seu universale, omnes in universum humores exturbans. Aliud Catholicum, magis tamen operosum, describitur à Quercetano in Pharmacop. Dogmat. restituta.*

Si quis Specierum Diarrhodon Abbatis unciam semis, huic Extracto, juxta olim receptum modum, junctam desideret, is vel easdem unâ cum reliquis extractioni committere, vel tenuissimè pulverisatas parato jam Extracto commiscere posset: modò hîc majorem inde medicamenti exsurgere molem, ibi verò aliqua Specierum istarum ingredientia, quæ tamen tanti momenti haut sunt, à vini Spiritu extrahi quòd remuant, non vereatur. Cæterum quod resinam inter extrahendum à vini Spiritu solutam, & ab ejusdem abstractione iterum concrecentem attinet, cum reliquo extracto ut illa debite uniatur, non displicet modus nonnullis nostrorum usitatus, si Spiritus vini abstracti fortissimi partem aliquam nondum refrigerato extracto adfundendo, & probe agitando, ejusdem solutio & unio, sive, uti vulgò loquuntur, cum extracto incorporatio instituitur.

**EXTRACTUM DIACARTHAMI,** seu **CNICOPHARMACUM ANDERNACI.**

℞. Medullæ sem. Carthami uncias quatuor,

Turbith albi,

Foliorum Senæ ana unciam unam semis,

Scammonii drachm. quinque,

Rhabarbari optimi unciam unam,

Agarici trochiscati drachm. sex,

Mannæ electæ uncias duas semis,

Myrobalanorum Chebularum uncias tres,

Polypodii uncias duas,

Zingiberis albi drachm. duas.

Incisa & contusa in vini spiritu, in loco calido, per aliquot dies infundantur, spiritus tinctus decantetur, & remanentia exprimatur; postea liquor filtratus destilletur, donec ad Mellis spissitudinem pervenerit.

*Plerosque humores, serosos tamen præ cæteris blandè expurgat: Caput, ventriculum, & reliqua viscera mundificat. Datur vel per se in Pilulas efformatum, vel Boli specie.*

Specierum Diambrae uncia una, quondam pro hoc Extracto requisita, cum reliquis uno eodemque labore extrahi, vel in substantia Extracto parato addi potest. Confer. præcedens Extractum.

**EXTRACTUM DIACITRI** D. D. **HIERONYMI REUSNERI.**

℞. Succipomorum Citri expressi, Sacchari albissimi ana libram semis.

Coque lento igne ad spissitudinem: in fine adde liquidum Extractum ex sequentibus cum spiritu vini factum:

℞. Scammonii optimi unc. duas, Mechoacanæ albæ,

Turbith electi ana unc. unam.

Rhabarbari electi,

Cinnamomi acuti ana unciam semis,

Galangæ,

Nucis moschatæ,

Caryophyllorum ana scrupulum unum, grana duo.

Fiat



Fiat secundum artem Extractum liquidum.

*Ad humores biliosos & serosos expurgandos in cachexia, hydrope, ictero, obstructionibus hepatis & lienis, in febris item omnis generis feliciter usurpatur.*

In Zvvelferi modo reprehendit Welschius, quod 1. galangæ pondus præter necessitatem auxerit; 2. eandem extraxerit & inspissaverit, cum tamen alias aromaticam essentiam abstractione avolare scripserit; 3. resinam extracto innatantem singulater, labore non necessario, pulveriset & admisceat; id quod in reliquis etiam Extractis facit; 4. quod absurdè dicat: si resina non satis benè præcipitata esset, adfundendum illi esse adhuc parum aquæ frigidæ; cum tamen nihil aquæ antea fuerit adfusus; 4. olea aromatica in majori quantitate sumat, quam præscripta dosis suppeditet. Ipse verò loco hujus extracti, mox mechoacanæ albæ, turpethi & rhabbari extracta, cum dacrydio & oleis aromaticis, addito etiam (si quis velit) succo citri inspissato, accipi & misceri posse animadvertit.

**EXTRACTUM GUMMI  
GAMANDRÆ D.D. HADRIANI à MYNSICHT.**

℞. Pulveris Gummi de Peru sive Gamandræ,  
Florum Rosarum rubrarum ana unciam unam,  
Sandali rubri drachmas duas,  
Spiritus Vitrioli rectificati drachmam unam,  
Vini sufficientem quantitatem.

Infundantur in loco calido per horas viginti quatuor, tum per chartam filtrentur, & abstracto per destillationem vini spiritu, ad Extracti rubicundi consistentiam lento igne deducantur.

*A serosis humiditatibus totum corpus purgat: unde ingenti cum*

*comodo in cachexia, hydrope, arthritide, podagra, similibusque affectibus, uti etiam in scorbuto, & morbo virgineo usurpatur.*

**EXTRACTUM MAROCOSTINUM D.D. MINDERERI.**

℞. Agarici trochiscati drachm. sex,  
Ligni Aloës drachmas duas.  
Infundantur in sufficiente quantitate spiritus vini, qui tinctus decantetur, & cum liquore ex remanentia expresso uniatur, in quo solvantur

Myrrhæ selectæ drachmæ sex,  
& filtrentur.

Postea:

℞. Rhabbari selectissimi uncias tres,  
Costi Arabici drachmas sex,  
Crocii Orientalis,  
Mari veri ana unciam semis,  
Muchari sive Infusionis Rosar. Damasc. libras duas,  
Succi Limonum uncias viginti,  
Cichorii,  
Pimpinellæ,  
Fumariæ ana unc. octo,  
Apii,  
Fœniculi,  
Absinthii ana uncias tres.  
Muculentur in loco calido per viginti quatuor horas, in liquorecolato solvatur

Aloës Socotrinæ libra una,  
& per colaturam depuretur, cui jungatur

Gummi Ammoniacy in unciiis quatuor Aceti scillini, & unciiis duabus Aceti rutacei soluti ac filtrati uncia una semis.

Omnia



Omnia lento igne ad Extracti consistentiam perducantur, additâ circa finem superiori Agarici &c. infusione.

*Cum laudatissimum hoc Excellentissimi Medici Aloëdarium, ad plurimos universi corporis humani morbos tam præservandos quam curandos adcomodatum, ab ipso Auctore publicatum sit, & in omnium ferè manibus libellus de eo versetur, ejusdem virtutes hoc loco recensere supervacaneum duximus.*

Operose admodum olim descriptam Extracti hujus præparationem paulò compendiosius hoc modo, servatis ingredientium ( præter Aquas varias destillatas, ad extractionem non necessarias, atque in subsequenti Extracti inspissatione totas iterum ab eo separandas,) numero & dosi, institui posse judicavimus. Partium quidem subtiliorum jacturam aliquam medicamento huic contingere, scimus; at illam præcavere nec licet, neque etiam tantopere opus est. Non culpabimus tamen, si quis alibi Costum, Xylaloën & Marum non extractioni committere, sed pulverem eorum, quod etiam cum Myrrha observari posset, Extracto jam parato addere voluerit.

Welschius in modo Zvvelferi reprehendit, quòd: 1. pro aquarum destillatarum libra una ponderis civilis accipiat herbarum tantum manipulos duos, & pro aqua cerasorum eorundem nucleos; 2. succum fœniculi omittat; 3. duplicem aquam extillet, & primam quidem ad ℥iv. alteram ad ℥iij. quam posteriorem postea per exhalationem disperdat, 4. ammoniacum & myrrham peculiariter, & agaricum, rhabbarum, crocum, costum, xylaloën atque marum etiam peculiariter cum spiritu vini extrahat; 5. subtilissimarum croci, costi, ligni aloës & mari partes planè disperdat. Ipse autem massam pilularum ex medicamento hoc parari jubet hoc modo: ℞. gran. gummi ammon. ℥i℔. in mortario tepido solve cum aceti scill. f. q. cui adde pulv. myrrh. rubr. select. ℥vi. solve & probè subige; tum adde aloës rosat. ℥i. extr. agarici, extr. rhabarb. ℥i℔. pulver. croci ℥℔. costi Arab. ℥vi. ligni aloës opt. ℥ij. mari veri ℥℔. M. f. a. & f. Massa pil. cui add. pro arbitrio Medici olea aromatica, ut cinnam. rorisma. rosar. fœnic. aut etiam succos inspissatos, antequam aloë addatur; quibus tamen nihil aliud efficietur, quàm ut dosis pilularum deinde augeri debeat.

## EXTRACTUM MARTIS.

℞. Limaturæ Martis puræ subtilissimæ uncias quatuor,  
Pulveris Tartari albi puri uncias sedecim.

Misceantur, & cum aqua fontana irrigentur, inque leni calore detineantur; massa siccata aliquoties novæ aquæ additione humectetur & agitetur, usque dum tota nigrescat; tandem additâ aquæ sufficiente quantitate solvatur, filtretur, atque ad mellaginis sive extracti consistentiam inspissetur.

Alii diuturna coctione cum aqua fontana in vase ferreo, cum Guer. Rolancio pag. 218. Chym. in art. form. red. sub titulo Essentiæ Martis aperitivæ tartarisatæ, laborem hunc absolvunt. Cæterum non differt à Marte solubili Willisii; ubi ferrum sine quovis corrosivo, aut liquore acido, mediante solum leni calore aperiri, ut in pulverem redactum in quovis liquore tincturam immediatè deponat, & acidularum vicem subire valeat, cap. 9. Diatrib. de fermentat. scribit: Licet autem & ipse Tartarus corroden- tis menstrui instar hîc se habeat, optimum tamen hinc exsurgit medicamentum, quod, uti alia Martialia, in resolvendis crassis humoribus, sicque aperendis viscerum obstructionibus egregiè conducit. Willisium autem suum Tartarum solubilem ex tartari albi & limaturæ Martis purissimæ partibus æqualibus exactè mixtis, & cum aqua theriacali ac lumbricorum terrestrium in massam contusis, quæ in papyro albo duplicato arctè circumcirca ligato, in loco clauso tepido per tres quatuorve dies suspensa, sit exsiccanda, parasse, tum ex relatione Nob. D. D. Ern. Sigism. Grassii, Polyatri Jauer. Sil. habeo; tum à Clar. D. D. Eman. König, Medico Basil. in Regno miner. scribitur.

## EXTRACTUM DIAPŒONIAS MINDERERI.

℞. Rad. & seminum excorticato-  
rum Pæoniæ ana un-  
ciam semis,  
Ostrutii,  
Enulæ,



Zedoariæ ana drachmas  
duas,  
Dictamni albi,  
Calami aromatici,  
Corticum Citri ficcatorum,  
Seminis Dauci Cretici ana  
drach. unam semis,  
Apii,  
Nucis moschatae,  
Radici Doronici,  
Castorei ana drachm. unam,  
Specierum diambrae incom-  
pletarum scrupulos duos,  
Foliorum Rutæ siccorum,  
Melissæ hortensis a-  
na manipulum se-  
mis,  
Florum Liliorum convallium  
pugillos duos,  
Visci querni drachmam unam  
semis,  
Ungulæ alces scrupulos duos,  
Spiritus vini rectificati quan-  
tum sufficit.

Infundantur per triduum, vel  
quatrimum vase vitreo probè  
clauso, in loco calente, postea fil-  
trentur, & in Balneo Mariæ ad ju-  
stam consistentiam abstrahantur.

*Valet in affectibus uterinis & ce-  
rebri, maxime si complicati fuerint,  
ut sunt epilepsia ex utero, item in fri-  
gidis capitis morbis, uti sopore, ca-  
talepsi, epilepsia, & apoplexia, item  
in suffocatione uterina, vertigine ex  
utero, &c.*

Non exiguum partium spirituosiorum jactu-  
ram huic Extracto contingere, equidem fatemur;  
non eam tamen, quæ ipsum omni virtute spoliare  
queat, quam satis efficacem in eo deprehendimus;  
usus tempore, pro necessitate exigente, spirituosius  
aliis, aut ipso etiam abstracto Spiritu, à Medico exal-  
tandam.

## EXTRACTUM PANCHY- MAGOGUM.

℞. Scammonii unciam semis,  
Rhabarbari electi,  
Seminis Ebuli ana drach. tres,  
Colocynthidos drachm. quin-  
que,  
Agarici optimi drachmas tres  
semis,  
Turbith albi,  
Hermodactylorum ana drach-  
mas duas semis,  
Veratri nigri drachmas duas,  
Foliorum Senæ unciam unam,  
Spiritus vini quantum sufficit.  
Stent simul in infusione, loco ca-  
lido, colentur & exprimantur, in  
quo liquore dissolvatur Aloës So-  
cotrinæ uncia una semis, filtren-  
tur, & Spiritum vini abstrahendo,  
ad Extracti spissitudinem redi-  
gantur.

*Omnes in universum humores  
expurgat, ac è longinquis partibus po-  
tenter educit.*

De Specierum Diambrae uncia una semis, quon-  
dam huic Extracto destinata videantur, quæ in Ex-  
tracto Cnicopharmaco notata fuerunt.

## EXTRACTUM PHLEGMA- GOGUM QUERCETANI.

℞. Agarici trochiscati uncias qua-  
tuor,  
Hermodactylorum,  
Turbith,  
Senæ,  
Medullæ Cartham. an. unc. tres,  
Rad. Esulæ præparatæ unciam  
unam,  
Trochiscorum Alhandal unci-  
am semis,  
Salis Gemmæ,  
Macis ana drach. unam semis.  
Cum Spiritu vini fiat Extractum.

*Morbis*



*Morbis omnibus pituitosis, & à frigidis humoribus ortis convenit, hydropicos, arthriticos, podagricos, & epilepticos juvat.*

De Speciebus Aromatici rosati, quarum drachmæ duæ quondam huic Extracto destinatae fuerant, idem, quod supra de aliis consimilibus, notari poterit.

## EXTRACTUM PILULARUM.

ARTHRITICARUM,  
AUREARUM.  
FOETIDARUM,

Cum Spiritu vini Species pro iis requisitas digerendo, filtrando & Spiritum abstrahendo parantur.

## LAUDANUM OPIATUM.

℞. Opii Thebaici optimi uncias duas,  
Succi Radicum Hyoscyami albi inspissati unc. unam,  
Aceti Rosacei drachmas tres,  
Spiritus vini rectificati tantum, ut digitis tribus superemineat.  
Digerantur, sæpius in die agitando. Ubi sic aliquandiu steterint, filtrentur, & abstrahatur Spiritus vini, lege artis, lento igne, ut in fundo vasis crassamentum remaneat; cui addantur  
Coralliorum rubrorum,  
Margaritarum,  
Succini albi ana præparat. scrupuli duo,  
Essentiæ Croci Austriaci scrupulus unus.

Misceantur.

Mediæ ejus parti jungantur  
Moschi orientalis scrupulus semis,

Ambrae griseæ grana septem.

Altera verò pars servetur sine Moscho & Ambra.

*Hoc divinum remedii genus, quod à laude meritò nomen accepit, ob effectus stupendos in mitigandis acutissimis totius corporis doloribus, etiam si à variis varios preparationis modos sortitum sit, hunc tamen multâ jam experientiâ comprobatum, Pharmacopœia nostræ porrò inserendum judicavimus, salvo tamen aliorum a libi judicio, quibus, quam velint, Laudani preparationem liberam relinquimus.*

## LAUDANUM OPIATUM CYDONIATUM.

℞. Opii in particulas conscissi libram semis,  
Succi Cydoniorum recentis libras quinque.

Exponantur leni calori ad fermentandum per aliquot dies; liquor rubicundus filtretur, atque ad Extracti consistentiam inspifetur.

*Nobile hoc Medicamentum Nob. Holsatiæ Medici, D. Joel. Langelotti, Naturam motu inordinato peccantem sedat, viribus deficientem reficit, doloribus & vigiliis consumptam refocillat, humores nimium effervescentes, & spiritus justo concitatiores compescit.*



THERIACA COE-  
LESTIS.

℞. Herbæ Scordii,  
 Florum Centaurii minoris ana  
 unciam unam,  
 Croci electi unc. dimidiam,  
 Radicis Angelicæ,  
 Bistortæ ana unciam  
 unam,  
 Tormentillæ,  
 Zedoariæ ana unciam  
 unam semis,  
 Castorei drachmas duas,  
 Opii drachmas tres,  
 Myrrhæ rubræ unc. semis,  
 Resinæ Styrac. calamitæ drach-  
 mas duas,  
 Camphoræ scrupulum unum,  
 Spiritus Terebinthinæ,  
 Olei Caryophyllorum ana  
 drachmam semis,  
 Succini scrupulum unum,  
 Cinnamomi guttas sex,  
 Nucis moschatæ expressi,  
 Balsami Tolutani ana drachm.  
 unam.


Herbæ, Radices & Castoreum  
 cum Spiritus vini Mensura una  
 in leni calore extrahantur; post

factam decantationem, expres-  
 sionem & filtrationem Spiritus  
 subtilissimi unciaæ duæ abstrahan-  
 tur, & postquam reliqui Spiritus,  
 ad alios usus servandi, ut & Phleg-  
 ma separatim prolecta fuerunt,  
 mellago in cucurbita remanens  
 blando igne ad siccitatem evapo-  
 ret atque pulverifetur. Porro  
 Opium in phlegmate solvatur,  
 filtretur, atque ad priorem con-  
 sistentiam exhalando redigatur;  
 tandem in Spiritu primùm destil-  
 lato, una cum Myrrha, Cam-  
 phora, Styrace & Balsamo dilua-  
 tur, Extractumque pulverisatum  
 cum Oleis addatur.

*Cum plures hætenus Theriaca sic  
 dictæ coelestis compositiones in lucem  
 prodierint, illaque apud nos quoque  
 non rarò in usum ducatur, contractio-  
 rem talem, ex selectioribus ingredien-  
 tibus concinnatam, & experientia  
 probatam hîc communicare volumus;  
 cujus virtus, diaphoretica præcipue  
 & anodyna, in variis morbis, in  
 quibus Theriaca Andromachi, alie-  
 que Chimica arte elaborata adhiben-  
 tur, commendari meretur.*







## CLASSIS VIGESIMÆ PRIMÆ

## SECTIO SECUNDA,

DE

MEDICAMENTIS MINUS  
USUALIBUS.EXTRACTUM CHOLA-  
GOGUM QUERCE-  
TANI.

- ℞. Rhabarbari uncias sex,  
Folliculorum Senæ uncias quatuor,  
Scammonii unciam unam,  
Spicæ Nardi Indicæ,  
Sandali citrini,  
Cinnamomi ana unciam semis,  
Trochiscorum de Berberibus drachmas  
duas,  
Succi Rosarum pallidarum optimè depu-  
rati quantum satis.

Post justam digestionem omnia calidè ex-  
primantur ac filtrentur, fiatque lege artis  
Extractum, cui addatur æquale pondus  
Balsami Aloëtici.

*Benignè ac sufficienter omnes humores  
serosos calidos & biliosos expurgat.*

Quamvis Extracti hujus apud nos nullus am-  
plius sit usus, Scammonium tamen per se vini Spi-  
ritu extractum in fine parato jam medicamento esse  
addendum, unicè monere volumus.

Welschio displicet, quòd in hoc Extracto  
Zvvelferus: 1. ex ingredientibus Trochiscorum de  
berber. excludat Galiam moschatam, gummi Arabi-  
cum & spodium, non item lignum aloës & mali-  
chen, quæ, quia resinosa sunt, succo rosarum non  
possunt extrahi; 2. tantam succi rosarum quantita-  
tem disperdat; 3. resinæ scammonii ℥vi. vel vii. lo-  
co dacrydii ℥i. sumat, cum valde dubium sit, utrum  
ex uncia una tot drachmæ resinæ haberi possint; &  
dubia illa locutio indigna sit Medico, qui præsertim  
in purgantibus istiusmodi violentis pharmacopœo  
non debet liberum relinquere, utrum drachmas sex  
vel septem dacrydii aut ejus resinæ admiscere velit;

4. nimium olei, respectu ipsius cinnamoni, addat;  
5. dicat: si lubet, adde etiam galiam moschatam, qui  
recordari debuisset eorum, quæ in Electuario rosato  
Mesuæ scripserat. Duplicem verò modum paran-  
di ipse proponit: 1. ut fiat extractum ex rhabarbaro  
& foliis senæ cum vini spiritu; cui addatur deinde  
resina scammonii, extractum aloës & succus rosarum  
pallidarum inspissatus, cum oleis quibusdam aro-  
maticis, quæ convenire videbuntur; quæ etiam in  
reliquis Extractis, ubi species odoratæ occurrunt,  
earum loco immiscet. 2. ut misceantur simul ex-  
tractum rhabarbari, extractum foliorum senæ, re-  
sina scammonii, aut potius dacrydium ipsum, quod  
longè melius purgat, quàm si extrahatur, succus ro-  
sarum pall. extractum aloës, & add. olea aromatica,  
aut, si quis velit, pulvis specierum præscriptarum,  
quod tamen commodum non esse arbitratur.

EXTRACTUM HOLA-  
GOGUM ANDERNACI.

- ℞. Colocynthis drachmas sex,  
Turbith albi drachmas septem,  
Agarici albi & optimi drachmas qua-  
tuor,  
Veratri nigri drachmas tres,  
Eupatorii Mesuæ,  
Foliorum Senæ ana drachmas quinque  
semis,  
Scammonii drachmas quinque:  
Rhabarbari electissimi drachmas septem.

Omnia incisa macerentur in sufficiente  
quantitate Spiritus vini, qui debitè impræ-  
gnatus effundatur & remanentia exprima-  
tur. Liquor filtretur atque ad extracti  
liquidioris consistentiam abstrahatur, in  
quo extracto Aloës præparatæ drachmæ  
decem diluantur, simulque agitando unian-



tur, & ad debitam consistentiam redigantur.

*Generale est Medicamentum, cunctos in universum humores valenter à remotis partibus evocans ac expurgans, in febris tamen continuis, ac morbis acutis haudquam securum.*

Aloë pro hoc Extracto sic præparetur: Accipe Aloës optimæ libram unam, Aceti Rosacei quantum pro ea diluenda sufficit; simul bulliant, colentur ac lento igne ad pristinam Aloës spissitudinem reducantur.

Quæ de Speciebus Diambæ in Extracto Cnicopharmaco monuimus, huic quoque adplicari debent, ad quod aliàs earundem uncia semis recipienda foret.

### EXTRACTUM MELANAGOGUM QUERCETANI.

℞. Folliculorum Senæ uncias sex,  
Radicum Hellebori nigri præparati uncias duas,  
Turbit,   
Myrobalanorum omnium ana unciam unam semis,

Trochiscorum Alhandali drachmas sex,  
Florum Violarum,  
Rosarum rubrarum,  
Epithymi ana pugillos duos,  
Specier. Lætificant. Galeni drachmas duas,  
Succorum optimè depuratorum,  
Fumariæ,  
Pomorum redolentium,  
Seri lactis ana quantum satis est.

Incisæ & contusæ species in liquoribus jam dictis digerantur in Balneo, postea colentur, exprimantur, depurentur, ac in Extractum reducantur.

*Atram bilem, & salsos, adustos & re-torridos humores evocat: psoræ, scabiei, ac elephantiasi medetur.*

De Speciebus lætificantibus Gal. idem, quod in præcedentibus de Speciebus Diarrhodon & Diambæ dictum fuit, notari potest.

Welschius hoc Extractum ita parat, ut purgantia sola cum vini spiritu, aut, si quis omnino vellet, cum fero extrahantur, addanturque demum correctionis loco aromatica olea, succos etiam, si quis desideraret, inspissatos admisceat, quos tamen subtilioribus partibus orbatos esse admonet.







CLASSIS VIGESIMÆ  
SECUNDÆ,  
FECULAS, MAGI-  
STERIA, SALIA, FLORES, CRO-  
COS, VITRUM, PULVERES.  
QUE ALIOS CHIMICOS  
EXPONENTIS,  
SECTIO PRIMA,  
DE  
MEDICAMENTIS  
USUALIBUS.

SAL ABSINTHII.

℞. Absinthii sicci quantum vis. Comburatur in cineres albos, Sal extrahatur cū aqua cōmuni calida, aliquandiu digerendo, postea aqua per inclinationē & filtrationem separetur, idque, novam adfundendo aquam, eousque repetatur, donec aqua lixivioso sapore ampliùs non imbuatur; tandem exhalando coaguletur, & de novo solutum, filtratum, atque donec pellicula in summitate concrescere incipiat, evaporationi

commissum, reponatur, ut in crystallos concreseat, qui exsiccantur, & remanens liquor ulteriori crystallisationi, evaporando & reponendo, adcommodetur.

*Ufus hujus Salis, uti & reliquorum, ad aperiendas obstructions, humores crassos attenuandos, viscidos incidendos, ac putredinem expugnandam multum cōmendatur. Hinc Medicamentis etiam diureticis & diaphoreticis magna cum utilitate admiscuntur.*

Eo.



Eodem modo parantur & reliqua Salia sequentia, utpote:

SAL ANGELICÆ,  
ARTEMISIÆ,  
BETONICÆ,  
CALENDULÆ,  
CARDUI BENEDICTI,  
CENTAURII MINORIS,  
EBULI,  
EUPHRASIÆ,  
FRAXINI,  
FUMARIÆ,  
GENISTÆ,  
GENTIANÆ,  
HYPERICI,  
JUNIPERI,  
MELISSÆ,  
ONONIDIS,  
PIMPINELLÆ,  
RUTÆ,  
SCOLOPENDRII,  
SCORDII,  
TAMARISCI,  
VALERIANÆ,  
VERONICÆ,  
VINCETOXICI,

### SAL ACETOSELLÆ.

℞. Succus Acetosellæ expressi depuraturque magnam quantitatem; quæ coquendo ad crassiorem consistentiam deducatur, & in locum frigidum reponatur, ut crystalli in eo concrecant, quibus exemptis, liquor reliquus ulterius inspissetur, & denuo ad crystallifandum reponatur. Tandem collectum Sal illud, in aqua solvendo, filtrando & coagulando, depuretur.

*Sal hoc, quod ESSENTIALE vocari solet, hepatis imprimis dicatum est.*

### SAL CORALLIORUM.

℞. Corallia rubra soluta, i. e. Acetum destillatum Coralliis adfu-

sum & sufficienter iisdem imprægnatum, filtretur, atque ad siccitatem usque coaguletur.

*Confortandi & sanguinem mundificandi vires habere creditur.*

Eodem modo etiam OCULI CANCRI in ejusmodi corpus salinum convertuntur.

*Nephritica virtus imprimis ei ascribitur.*

### SAL NITRI FIXUM.

℞. Nitri depurati quantum libet. In crucibulo benè ignito ad fluorem perducatur, & successivè particulæ carbonum injiciantur, usque dum flammam amplius non concipiant, tunc in mortarium calefactum effundatur; quod in cella per deliquium solutum, ac filtratum vocatur LIQUOR NITRI FIXI.

*Viribus cum aliis Salibus alcalinis fixis convenit, tam medico, quàm chimico usui adaptandum.*

### SAL PRUNELLÆ, seu NITRUM DEPURATUM.

℞. Salis Petræ depurati libram unam.

Exsiccatum & tritum in sartagine igni imposita liquefiat, cui dein pedetentim injiciatur florum Sulphuris uncia una; quo deflagrato, tandem Nitrum in vas ferreum, vel æneam pelvim priùs probè excalectam effundatur, ut frigore concreseat.

*Refrigerandi vi pollet, unde febribus & inflammationibus opitulatur, nec non diureticas vires possidet.*



Alii & fortasse majori cum commodo solum Nitrum depuratissimum reddunt, reiteratis solutionibus, filtrationibus & coagulationibus.

## SAL, five SACCHARUM SATURNI.

℞. Cinerem five calcem Plumbi aperto igne sine alio adjecto præparatam; ex qua Sal cum Aceto destillato extrahe, quod filtratum exsicceatur.

*Extrinsècus usurpatum mira præstat in ulceribus cancris, malignis, corrosivis & similibus; contra ambusta etiam, inflammationes, pustulas faciei rubras utilissimum esse judicatur.*

Quidam Saccharum Saturni vocant Pulverem ex Plumbo dicta ratione soluto præcipitatum, instar Cerussæ vulgaris se habentem; quem tamen nos in nostris Pharmacopoliis non requirimus.

## SAL TARTARI FIXUM.

Sternitur Tartarus in vase terreo non vitreato plani fundi ad crassitiem digiti; Reverberatur postea, ad albedinem usque, tum perfunditur aquâ communi, filtratur & coagulatur.

Ex hoc Sale per deliquium soluto, fit OLEUM TARTARI PER DELIQUIUM vocatum.

*Digerit & aperit, unde hypochondriacis & nephriticis auxiliatur.*

## SAL TARTARI VOLATILE.

Fæces Vini, post factam ex eis Spiritus abstractionem, super asferes effundantur, & in loco umbroso sensim exsiccentur; tum in retorta arenæ imposita, igne gradatim adhibito destillantur. Sal volatile prolectum cum aquæ particula solutum & per filtrum prius aquâ madefactum ab Oleo separatum, additis cineribus, sublimando ex phiola, depuretur.

*Vires sunt diuretica & diaphoretica. Hinc in febribus intermittentibus, ac hydropè magnoperè prædicantur.*

## SAL VITRIOLI VOMITORIUM ANGELI SALÆ.

℞. Vitrioli Ungarici cœrulei & optimi quantum vis, calcinetur in crucibulo, donec in pulverem brunnum seu obscure purpureum abeat; quod in aquæ communis sufficiente quantitate solutum trajiciatur per chartam emporeticam, & igne lento exsicceatur in Sal coloris quodammodo incarnati, quod pulverisando in albedinem convertitur.

*Ad vitiosos humores circa præcordia hærentes, vel ipsis ventriculi tunicis impactos educendos egregiè valet.*

## SAL CORNU CERVI SUCCINATUM.

Sali Succini volatili rectificato, & in aqua fontana soluto, sumendo  
R r do



do, quantum libuerit, adfundatur Spiritus Cornu cervini rectificatus, vel ejusdem Sal volatile injiciatur, usque dum non amplius effervescent. Liquor hic coaguletur, & si opus fuerit, denuò in aqua solvendo, & filtrando depuretur, iterumque exsiccentur.

Salis hujus uncia dimidia in Aquæ Ceraforum nigrorum uncia una semis soluta, pro LIQUORE CORNU CERVI SUC-CINATO inservire potest.

*Vires ejus sunt inprimis antepilepticae, multisque aliis nominibus commendandae.*

### CREMOR, ET CRYSTALLI TARTARI.

℞. Tartari albi aquâ calidâ aliquoties ab impuritatibus externis abluti, & in pulverem subtilem contusi libras duas: Coquendo in sufficiente quantitate aquæ fontanæ in vase figulino dissolvantur, & fervens adhuc decoctum trajiciatur per manicam Hippocratis in aliud vas firmum. Ubi refrixerit, Crystallos exhibet, in superficie autem liquoris crustam Cremoris nomine notam; qui cum Crystallo frigidâ fontanâ aquâ abluatur, & exsiccat super porphyrite in pulverem albissimum conteratur.

*Tartarus hic depuratus crassos & viscidos humores incidit, aperit, obstructionibus ideo hepatis & lienis commendatus.*

### ARCANUM DUPLICATUM.

Extrahitur cum aqua calida ex capite mortuo, à destillatione Aquæ fortis, ex Vitriolo & Nitro paratæ, residuo, qui liquor dein decantetur & post filtrationem ac debitam exhalationem reponatur, ut in crystallos concreascit, qui exsiccentur.

Quod si Caput mortuum in destillatione prægressa non satis calcinatum fuerit, & ita vitriolicum quid conjunctum adhuc habuerit, quod ex sapore & colore liquoris imprægnati cognoscitur, ulteriori calcinatione, vel Liqueoris Nitri fixi instillatione, pro hoc negotio prius adcommodari poterit.

Idem etiam Medicamentum commodè paratur, si Vitriolum in aqua solvatur, & Liqueoris Nitri fixi tantum adfundatur, quantum ad partis metallicæ ex Vitriolo præcipitationem satis est; postea liquor filtretur, & post debitam factam exhalationem ad crystallifandum reponatur.

*Arcani duplicati sub nomine à Mynsichto traditum hoc medicamentum, quod aliàs etiam Panacea Holsatica &c. audit, aperiendi, incidendi, urinam & sudores movendi virtute pollet; unde in obstructionibus hypochondriorum, calculo, febribus, aliisque morborum generibus utile existit.*



## TARTARUS VITRIOLATUS.

℞. Olei Tartari per deliquium soluti & purificati uncias quatuor.

Huic Spiritus Vitrioli tantum guttatim instilletur, usque dum non amplius invicem effervescent, postea, humiditate lento calore evocatâ, exsiccentur.

*Generale ferè digestivum ad omnes obstructiones solvendas, in calculo, nephritide, ictero, mensium retentionibus, febribus, hydrope, splenis duritie, multo cum fructu exhibetur.*

## SPIRITUS VITRIOLI COAGULATUS.

℞. Salis Absinthii crystallini, & depurati sufficientem quantitatem, huic adfunde Spiritus Vitrioli tantum, ut cum eo secundum artem coagulari, & uniri possit, prævalente tamen Spiritu Vitrioli.

*Vires aperiendi possidet.*

## VITRIOLUM MARTIS.

℞. Limaturam Martis quantum libet.

Cui superfundatur Spiritus Vitrioli cum tripla aquæ fontanæ quantitate dilutus, ut aliquot digitos superemineat; digerantur in loco calido, usque dum effervescere desinant; liquor filtratus ultra dimidium, vel quousque pelliculam in summitate contrahat, exhalet; sic in frigido concrecent crystalli viridiusculi, qui exsiccentur,

remanens verò liquor ulterius, pro Vitriolo exin colligendo, debite exhalet.

*Præter vires aperiendi, quas habet, usus ejus esse potest ad Crocum Martis inde parandum.*

## TARTARUS EMETICUS.

℞. Croci metallorum, Crystallorum Tartari ana unciam unam.

Cum aquæ fontanæ libra una per biduum digerantur, ac postea, factâ in arena ebullitione, filtrentur, liquor filtratus ad evaporandum reponatur, & Tartarus concrescens exsicce-  
tur.

*Usus ex nomine patet; medicamentum est, si debite à Medico prudente adhibeatur, multis nominibus commendandum.*

## CAUTERIUM POTENTIALE.

℞. Cineris clavellati, Calcis vivæ ana quantum placeat.

Cum aqua fontana aliquandiu macerata filtrentur, & coctione inspissentur; postea in vitro optime clauso ab aëre, ne in eo lique-  
scat, Sal hoc servetur.

*Potissimus ejus usus est in fonticulis excitandis.*

## ELÆOSACCHARUM ANISI.

℞. Pulveris Sacchari albi unciam unam,

R r 2

Olei



Olei Anisi scrupulum unum.  
Exactè misceantur.

Eodem modo paratur:

ELÆOSACCHARUM AURAN-  
TIORUM,  
CARVI,  
CINNAMOMI,  
CITRI,  
FOENICULI,  
MACIS,  
NUCIS MOSCHATÆ.

### FÆCULA RADICIS ARI.

℞. Radicum Ari succulentarum,  
à fordibus & externa pellicula li-  
beratarum, quantum libet. Mi-  
nutim incisæ & contusæ, ex sacco  
lineo, sub prælo fortissimè expri-  
mantur, & succus expressus in va-  
se vitreo, vel fictili vitreato in lo-  
co frigido reponatur, ut pulvis  
albissimus subsideat, à quo liquor  
supernatans per inclinationem  
separetur, Fæcula verò remanens  
in umbra exsiccentur.

*Ad humores tartareos, ac tena-  
ces dissolvendos, duritiem & obstru-  
ctiones viscerum progenerantes, ad-  
hibetur.*

Ita etiam se habet præparatio:

FÆCULÆ BRYONIÆ,  
IREOS,

### MAGISTERIUM HEPA- TICUM RUBRUM.

℞. Crystallorum Tartari subtilissi-  
mè tritorum uncias sex,  
Salis Acetosellæ drachm. duas.  
Tingantur, imbuendo cum suffi-  
cienti quantitate Tincturæ San-

dali rubri, Spiritu Vini, cum Vi-  
trioli Spiritu acidulato, extractæ,  
iterumque exsiccentur.

*Digestivum est celebre & sto-  
macho ac hepati confortando dica-  
tum.*

### MAGISTERIUM JA- LAPÆ.

℞. Radicum Jalapæ quantum  
libet.

Crassiusculè contusis adfundatur  
Spiritus Vini optimè rectificatus,  
ut tres vel quatuor digitos super-  
emineat. Stent in infusione in  
loco calido per aliquot dies, po-  
stea colentur cum forti expressio-  
ne, extractionem hanc toties re-  
petendo, quousque spiritus vini  
non ampliùs tingatur; tandem  
conjunctis & filtratis adfundatur  
aqua fontana, & spiritus vini de-  
stillando separetur; resinosa sub-  
stantia Jalapæ in fundo cucurbitæ  
hærens aquâ clarâ aliquoties lave-  
tur, siccentur, & pulverifetur. Li-  
quor autem reliquus tinctus ulte-  
riùs inspissetur, qui est EXTRA-  
CTUM MECHOACANÆ  
NIGRÆ superius folio 302. de-  
nominatum.

*Serosos biliososque humores com-  
modè evacuat, delicatulis & cætera  
pharmaca averfantibus maximè ad-  
commodum.*

Eodem modo paratur MAGI-  
STERIUM SCAMMONII,  
seu PULVIS SYRIUS dictus.

MAGI-



### MAGISTERIUM SULPHURIS, seu LAC EJUSDEM.

℞. Florum Sulphuris unc. unam,  
Salis Tartari uncias tres.

Misceantur, & cum aquæ communis libris tribus bulliant, usque dum Sulphur solutum sit: postea filtrentur calidè per chartam emporeticam, & superfusa aceti destillati sufficiente quantitate præcipitabitur pulvis lacteus Sulphuris; qui postquam subsederit, liquore supernatante depleto, cum aqua fontana debitè edulcoretur, & exsicceetur.

*Pectorale est medicamentum, in phthisi præcipuè commendatum, dum pulmonis ulcus exsiccat, & putredini resistit.*

### MAGISTERIUM GUMMI GAMANDRÆ VITRIOLATUM MINDERERI.

℞. Gummi Gamandræ quantum volueris. Dissolve cum sufficiente quantitate Spiritus Vitrioli in vase vitreato, ut instar pulmenti fiat, postea in arena exsicceetur, cavendo ne nigrescat, sed colorem suum nativum ut referet luteum.

*In corpore à serosis & pituitosis humoribus purgando conducit.*

### CROCUS SOLIS.

℞. Foliorum Auri drachmas duas,  
Nitri depurati,  
Salis communis ana uncias quatuor,  
Aluminis uncias duas.

Cum aqua fontana ad eminentiam sex digitorum adfusa, coquantur in ollula nova vitreata ad siccitatem, sub finem augendo ignem, coagulum hoc iterum cum aqua solvatur, filtretur, & Oleum tartari p. d. instillando, præcipitetur in pulverem, qui cum multa aqua edulcoratus, & exsiccat, in crucibulo, leni igne calcinetur in Crocum purpureum.

*Diaphoretica & cordialis virtus in eo deprædicatur.*

Crocus hic Solis quamvis Aluminis quasdam particulas terreas contineat, cum tamen hæ sint innocuæ, aurearumque operationi haud contrariæ, Crocum hunc, ut quibusdam nostrorum usitatum, Operi nostro inferere volumus. Ipsa verò Auri ejusmodi per alia solutio, diverso eorum observato pondere, jamdudum innotuit; qualis ex. gr. in Joh. Dan. Mylii Basilica chim. & Joh. Hartmanni Praxi chim. occurrit. Nos Tackeanum modum, in Hippocr. chim. descriptum, utpote nimiam Aluminis mixturam haud oneratum, sequi volumus.

### CROCUS MARTIS ADSTRINGENS.

℞. Limaturæ Martis quantum lubet.

Ignem reverberii eò usque calcina, donec spongiosa in superficie adpareat, ac in florem rubicundissimum abeat.

*Usus ejus est in diarrhœa, dysenteria, aliisque fluxibus coercendis.*

### CROCUS MARTIS APERIENS.

℞. Limaturæ ferri unc. unam. Dissolve in Spiritus Vitrioli sufficiente quantitate, postea exsicca, & leni igne in pulverem rubicundum calcina.



*Vires ejus in ictero, hydropo, cachexia, & hypochondriaco adfectu curando versantur.*

### CROCUS METALLORUM.

℞. Antimonii electi,

Nitri ana libram unam.

Minutissimè trita, & mixta, in crucibulo vel catino firmo detinentur, postea massam exemptam in aqua solvendo, pars subtilior eluatur, ac postquam hæc subsederit, aqua decantetur, novâque adfusâ aquâ pulvis probè eluatur, liquor autem decantatus & cum Aceto præcipitatus dat SULPHUR ANTIMONII AURATUM DIAPHORETICUM, cõmuniter sic dictum.

*Crocus hic, ut emeticum medicamentum, ubi mitiora locum non habent, multa cum utilitate exhiberi potest. Unde in doloribus capitis, ab impuritate ventriculi illud lancinantibus, in epilepsia, in vermibus cujuscunque generis usus ipsius insignis, cautè tamen adhibendus, esse poterit.*

### CORNU CERVI PHILOSOPHICE, seu ABSQUE USTIONE CALCINATUM.

℞. Cornu Cervi in majora frustra secti quantum placet. Coquantur in sufficiente quantitate aquæ fontanæ, donec mollescant; postea medulla & cortex exterior nigricans cultro separentur, & cornu albicans exsiccet. Aqua verò à coctione remanens, post depurationem, ulteriori cocturâ Gelatinam exhibet.

*Confortandi vires, aliasque Cornu cervino crudo adscriptas possidet.*

### Eodem modo calcinatur UNGULA ALCES, & CRANIUM HUMANUM.

*Quidam frustra Cornu Cervini in collo vesicæ aut cucurbitæ, in qua Aquæ destillantur, suspendunt, ut ita vapore Aquæ ascendente paulatim emolliantur.*

### CORNU CERVI AURATUM.

℞. Croci Solis scrupulos quatuor, Cornu Cervi philosophicè præparati unciam unam. Misce.

*Vires cordiales esse perhibentur, unde in variolis, morbillis, febribusque malignis ad malignitatem corrigendam & per sudorem expellendam adhibetur.*

### FLORES ANTIMONII.

℞. Antimonii selecti libr. unam. Tere in subtilem pulverem, & ex vase terreo in aludel, sive ollas artificiosè sibi incumbentes, applicato supernè alembico rostrato, sublima secundum artem, dando ignem moderatum, ne Antimonium fluat, Floresque diversi coloris separatim colligendo, & servando.

*Emeticum præbent vehementissimum, unde non nisi cautè exhibendi.*

### FLORES SALIS AMMONIACI.

Sal ammoniacum in sufficiente quantitate aquæ calidæ solvatur, &



& filtretur; postea in locum frigidum reponatur, & Flores in aqua subsidentes exsiccentur; liquor verò remanens pro ulteriori florum collectione, per exhalationem concentratur.

*Præter virtutem diaphoreticam, in febribus imprimis proficuum, etiam hypochondriacis utiliter usurpantur.*

### FLORES BENZOINI.

℞. Benzoë tritum, & cum æquali arenæ parte mixtum, ollæ rotundæ impone, cujus orificium duplici chartâ emporeticâ, convolutâ in modum pyramidis vel manicæ Hippocratis, claude, postea igne ad sublimationem idoneo supposito, flores niveos sæpius collige.

*Difficili respirationi, à crassis pulmonis impactis humoribus obortæ medentur.*

### FLORES SULPHURIS SIMPLICES.

℞. Sulphuris communis in frusta confracti uncias duas.

Injice in cucurbitam terream vitreatam, & imposito alembico vitreo ex arena sublima, igne non nimium intenso, ne Sulphur fluat; quod ita in flores sublimabitur; qui repetitis sæpe alternis alembicorum vicibus sunt colligendi, & denuo Sulphuris subinde aliquid cucurbitæ immittendum, quousque sufficiens florum quantitas collecta fuerit.

*In tussi, phthisi & asthmate imprimis laudantur.*

### FLORES SULPHURIS COMPOSITI.

℞. Florum Sulphuris uncias duas, Aloës hepaticæ, Myrrhæ selectæ ana unciam unam,

Croci scrupulum unum.

Terantur in pollinem subtilissimum & servantur ad usum.

*In peste, præservationis loco, pleuritide, aliisque morbis conveniunt.*

### ANTIMONIUM DIAPHORETICUM.

℞. Antimonii optimi libr. unam, Salis Petræ depurati & siccati libras tres.

Pulverisata & bene mixta in crucibulum ignitum successivè injiciendo detonentur, quo peracto, aqua fontana frigida copiosa massa diluatur, & commovendo pulvis subtilior cum ea decantetur, exsiccandus, postquam resederit, & probè edulcoratus fuerit.

Aqua verò exhalando suppeditat NITRUM ANTIMONIA-TUM, quod seorsim pro usu est adservandum.

*Sanguinem purificat: Ideo in febribus malignis laudatur, nec non ad interiora apostemata, in lue venerea recenti, vitiosisque humoribus per habitum corporis diaphoresi in plurimis morbis ejiciendis. Vid. Ephemerides Naturæ Curiosorum Dec. I. Ann. 3. obs. 72.*



### BEZOARDICUM MINERALE.

℞. Mercurii vitæ uncias sex,  
Nitri depurati libram unam semis.

Calcinando & dulcorando paratur ad modum præcedentis Antimonii diaphoretici, cum quo etiam quoad vires convenit, in minori tamen dosi easdem exferens.

*Vires diaphoreticæ & alexipharmacæ præcipue in eo deprædicantur.*

Quamvis aliàs Spiritus Nitri, & quidem iterata aliquoties abstractione à Mercurio vitæ, vel potius Butyro Antimonii parari soleat. Cum tamen etiam hoc tradito modo Calx hæc Antimoniata sufficienter figatur, ad mentem Excell. D. D. Georg. Wolffg. Wedelii, in Pharmac. in artis form. redact. lib. I. sect. 3. cap. 5. eundem ut tutum satis, & facilem, ac compendiosum sequi volumus.

### SPECIFICUM ANTIFEBRILE STROBELBERGERI.

℞. Matris perlarum, i. e. Conchæ margaritiferae electæ & depuratæ quantum libet.

Coquantur per horam in aqua communi, postea exsiccentur & paululum ad albedinem calcinentur.

*Usus ejus est in febribus intermittentibus, præcipuè tertianis.*

### SPECIFICUM ANTIHECTICUM POTERII.

℞. Reguli Antimonii unc. sex.  
Fluant in crucibulo, tum injiciantur Stanni purissimi uncia tres, effundantur, & in pulverem reducantur; postea cum tripla Nitri quantitate, ad modum Antimonii diaphoretici calcinentur,edulcorentur, & siccentur.

*In hectica; pbthisi, & uterinis morbis utiliter usurpatur.*

Varia hujus sunt descriptiones, ut de genuina meritò dubitetur. Nobis tamen hæc modò allata ut multiplici experienciâ comprobata in frequenti usu habetur.

### SPECIFICUM STOMACHICUM POTERII.

℞. Apicum clavorum equinorum libram semis,  
Antimonii electi libram unam.

Mixta per vices indantur crucibulo benè ignito, & postquam igne aucto fluere inceperint, Nitri pulverisati uncia sex pedetentim injiciantur, factaque detonatione, in conum fuforium calefactum & sevo illitum effundantur; tum

℞. Reguli hujus à scoriis mundati e. g. uncias octo,  
Nitri depurati libras duas.

Benè invicem mixta & contrita, uti Antimonium diaphoreticum, calcinentur,edulcorentur, & siccentur.

*Quamvis stomachum præcipuè respiciat hoc medicamentum, plurimis tamen aliis quoque morbis mederi, prudentem Medicum latere nequit.*

### PULVIS CACHECTICUS D. LUDOVICI, five SPECIFICUM STOMACHICUM RUBRUM.

℞. Pulv. Antimonii electi unc. sex,  
Limaturæ Martis puræ uncias quatuor,

Nitri depurati libras duas sem. In crucibulo benè ignito fiat, continuam inter agitationem, detonatio; materia exemta, rejectis circa oras crucibuli scoriis adherentibus,edulcoretur & exsiccentur.

*Præ-*



*Præstans est medicamentum in cachexia, ictero, dysenteria maligna, & erysipelate.*

### MAGNESIA ALBA.

℞. Lixivii Nitrariorum quantum placet.

Coquatur in olla capaci ad partium aquosarum exhalationem, postea calcinetur, & edulcoretur.

Pulvis hic Româ primùm in Germaniam delatus ibi il Polvere del Conte di Palma vocatur, atque egregias in morboſo corporis humano acido ac austero corrigendo vites exserit; quo etiam dulcificato, per alvum blandè vitiosos humores evacuat, ut etiam PANACEÆ SOLUTIVÆ epitheto nimis liberaliter à quibusdam condecoratur.

### MERCURIUS SUBLIMATUS CORROSIVUS.

℞. Mercurii purificati,  
Vitrioli calcinati,  
Salis depurati & decrepitati ana libram unam.

Subigantur cum pauxillo Aquæ fortis, aut modico aceto; exsiccata terantur & misceantur in mortario lapideo cum pistillo ligneo tamdiu, donec Mercurius non amplius conspiciatur, & unâ cum prædictis speciebus in pulverem abeat. Trita materia in cucurbita cum alembico, dando in arena ignem per gradus ad octo vel decem horas, sublimetur.

*Præter usum Chemicum, externè etiam, in aquis convenientibus solutus, ad ulcera inveterata, gallica, &c. adhibetur.*

### MERCURIUS DULCIS.

℞. Mercurii sublimati præcedentis uncias sex,

Argenti vivi & benè purgati uncias quatuor, vel quantum Mercurius sublimatus per trituram recipere potest, ut in pulverem cineritium simul abeant, qui in cucurbita, igne arenæ per gradus adhibito, sublimetur, & pulvere rubro in fundo, ut & albo vitri collo adhærente rejecto, solum coagulum crystallinum pulverisetur, atque cum aqua calida, ad inhærentes fortè particulas corrosivas tollendas, elotum exsicceetur.

*In sanguine, præsertim ab impuritatis venereis, mundando, verminibusque enecandis usurpatur.*

### MERCURIUS PRÆCIPITATUS ALBUS.

℞. Mercurii uncias quatuor.  
Dissolve in Aquæ fortis sufficiente quantitate, postea aquâ falsâ in album pulverem præcipita; qui ab omni falsedine & acrimonia debite cum aqua communi eluatur & exsicceetur.

### MERCURIUS PRÆCIPITATUS FLAVUS, five TURPETHUM MINERALE.

℞. Mercurii purificati uncias quatuor,  
Spir. Sulphuris rectificati uncias octo.

Misce, & digere per biduum in arena; deinde per retortam destilla cum tribus cohobiis, ultimò igne vehementi, ut retorta candeat. Massam relictam tere, & aqua fontana calida sæpius abluere, donec Præcipitatum videas versum in pulverem flavissimum, & insipidum, qui exsicceetur.



### MERCURIUS PRÆCIPITATUS RUBER.

℞. Mercurii purificati libram semis.

Dissolve in aquæ fortis sufficienti quantitate, destilla ex retorta in arena ad siccitatem, igne forti ad extremum administrato. In fundo hærebit pulvis ruber præcipitatus.

*Mercurii hi præcipitati in corpore, lue venereâ inprimis infecto, supernè & infernè purgando (sed non sine magna cautione usurpandi) operantur.*

### REGULUS ANTIMONII.

℞. Antimonii electi libras duas, Tartari libram unam semis, Nitri uncias sedecim.

Misceantur, & in crucibulo ignito detonentur, postea igne suppressionis adhibito in fluorem deducantur, in conum fusorium calefactum & sebo illitum effundantur, conum, ut in fundum abeat Regulus, concutiendo, tandem scorias ab eo separando, & Regulum aquâ abluendo, ex scoriiis verò aqua solutis Crocum metallorum, atque per præcipationem crocum emeticum,

vulgò SULPHURIS AURATI DIAPHORETICI nomine notum, separando. Vid. etiam supra pag. tit. Crocus metallorum.

*Usus Reguli hujus est ad scyphos vomitorios conficiendos, aliosque labores chemicos pariter & medicos.*


### VITRUM ANTIMONII HYACINTHINUM.

℞. Antimonii Ungarici subtilissimè triti quantum libet. Calcinetur in humili olla non vitreata supra ignem lentum, donec fumum ampliùs non emittat, & in pulverem cineres colore referentem convertatur, rutabulo in extremo reflexo interea sedulò agitando, atque, in grumos fortè si concre scat, iterum terendo, & ulterius calcinando. Tum pulvis griseus in crucibulo, furno æneo imposito, forti igne liqueatur, & ubi colorem debitum pelliculum, quod ex massula ferro intincto adhærente cognoscendum est, adquisiverit, mox supra pelvim æneam, vel in modulum pro libitu effigiatum effundatur.

*Morbis, quibus fortioris vomitus concitatio prodest, infusum cum eo factum opitulatur.*







# CLASSIS VIGESIMÆ SECUNDÆ

## SECTIO SECUNDA,

DE

# MEDICAMENTIS MINUS USUALIBUS.

### SAL CORALLIO- RUM.

℞. Corallia post extractionem tincturæ residua, calcina cum sulphure aliquoties, donec scilicet in cineres planè vertantur. Ex his superfusâ aquâ communi destillatâ calidâ, sal extrahatur, liquorem eo imbutum à fæcibus per filtrum separando, & usque ad cuticulam evaporando, ut in frigido loco in crystallos concreascit.

### FÆCULA, vulgò GERSA, seu CERUSSA SERPEN- TARIÆ.

Ex radicibus Serpentariæ majoris ab extimo cortice nigro mundatis, ac in lapidea pila tufis, succus exprimitur, qui in vitro, vel vitreata catino probè tectus in Sole, vel leni calore ficitur.

### MAGISTERIUM CO- RALLIORUM.

℞. Coralliorum quantitatem sufficien-  
tem.

Superinfuso Aceto destillato, in calore fiat eorum solutio, toties Acetum adfunden-  
do, quousque ebullitionem concitaverit. Liquori filtrato instilletur Oleum Tartari, ut pulvis præcipitetur, qui aquâ fontanâ probè edulcoratus ficitur.

Eadem ratione parari solent:

MAGISTERIA GRANATI,  
HYACINTHI,  
MARGARITARUM,  
MATRIS PERLARUM,  
OCULORUM CAN-  
CRI,  
SMARAGDI.

Monere hoc loco operæ pretium duximus: Corpora Lapidum pretiosorum, utpote Granati, Hyacinthi, Smaragdi, &c. ad faciliorem obtinendam eorum solutio-  
nem prius cum duplo Salis Petræ secun-  
dum artem calcinanda, iterumque aquâ  
calidâ adfusâ aliquoties abluenda esse.

### MAGISTERIUM COR- NU CERVI.

℞. Limaturæ Cornu Cervini ex apicibus  
justo tempore collecti uncias sex.  
Irroretur cum Spiritu Nitri, postmodum  
superfundatur Acetum Vini destillatum,  
stent per aliquot dies in digestionem, deinde  
colentur, ac instillato Spiritu Vitrioli recti-  
ficato præcipitabitur pulvis, qui fre-  
quentioribus ablutionibus edulcoretur, &  
exsiccat.

Ita etiam fiunt:

MAGISTERIA UNGULÆ ALCES,  
CRANII HUMANI.



## CROCUS MARTIS CROLLII.

℞. Scoriam ferri coeruleam, tere in pulverem minutum, pone in vitro, adfunde Acetum vini destillatum acerrimum, stet in calore mediocri per quatuordecim dies, & tingetur colore rubro, filtra & abstrahere in Balneo, remanet materia rubra, à qua ter vel quater aqua pluvialis abstrahitur, ut sapor aceti evanescat.

*Conducit in sistendis fluxionibus intempestivis menstruis, in dysenteriis, diarrhœis, atque hæmorrhagiis.*

## FLORES SALIS AMMONIACI.

℞. Salis Ammoniaci libram unam,  
Squamæ Ferri uncias decem.

Misce diligenter, & ex cucurbita in arena sublima secundum artem.

*Insigne sudoriferum in febribus præsertim quartanis, & aliis morbis diaphoresin exigentibus suppeditant.*

## TURPETHUM MINERALE MYNSICHTI.

℞. Mercurii sublimati quantum vis. Solve illum in aqua pluviali calida, solutioni filtratæ guttatim infunde tantum Olei salis tartari per deliquium facti, quantum sufficit ad pulveris rubentis præcipitationem; quem edulcoratum exsicca. Qui velit eundem ulterius corrigere, cohobando cum aqua Mellis rectificata sex vel septem vicibus, ac tandem rectificatum Spiritum vini desuper accendendo, per nos faciat, quamvis etiam sine hoc labore non magis nocere valeat.







# APPENDIX

## ALIQUEOT MEDICAMENTORUM,

QUÆ

### MULTO USU NOBIS PROBA- TA SUNT.

#### PULVIS ANTISPAS- MODICUS.

℞. Concharum præparatarum,  
Nitri crySTALLISATI ana unciam  
unam,  
Tartari Vitriolati,  
Cinnabaris bonæ nativæ præ-  
paratæ ana unciam semis.  
Misce, fiat pulvis.

*Pulvis hic in temperanda bilis a-  
crimonia, mitigandis humorum mo-  
tibus orgasticis, illorumque inordina-  
to & inequali circulo in ordinem re-  
digendo singularem efficaciam possi-  
det.*

#### BALSAMUM VITÆ.

℞. Spiritus Vini rectificatissimi li-  
bram unam.  
Ol. destill. purissimorum,  
Anthos,  
Majoranæ,  
Lavendulæ ana  
drachm. duas,  
Squinanthi,  
Ligni Rhodii,  
Caryophyllorum a-  
na scrupul. duos.

In vitro forti capaci modicè ca-  
lefacto locò siccò calidò Spiritui  
vini alcholisato olea sensim instil-  
lentur, vitrum charta non nimis  
arctè deligatum reponatur per  
triduum in loco temperatè cali-  
do, cavendo, ne comixtio fiat re-  
pentina, calorque loci non sit ex-  
cessivus: Secùs periculum foret,  
ut vitrum creparet, & labor simul  
ac pretium perderetur.

*Balsamum hoc seu Spiritus tenuis-  
simis sulphureis vegetabilium parti-  
culis saturatus non solum mirâ sua-  
veolentiâ se commendat, sed etiam  
in morbis cerebri ex atonia nervo-  
rum, fluidorum circulantium inertia,  
& lentore, spirituumque animalium  
inopia tum interno tum externo usu  
insignis est præstantia.*

#### SPIRITUS MINERALIS ANODYNUS.

℞. Spiritûs Vini super  
Flores Sambuci,  
Millefolii ana,  
Bis cohobati libras tres,



Olei Vitrioli uncias duas,  
Spiritus Nitri fumantis unci-  
am unam.

In vitro denso & capaci per tri-  
dum digerantur, fiat postea per  
cucurbitam leni igne destillatio,  
eademque tertia vel quarta vice  
repetatur, donec Spiritus omnem  
acrimoniam acidam deposuerit.

*In hoc Spiritu Sulphur minerale  
cum sulphurea substantia vegetabili  
amico connubio junctum in morbis  
spasmodicis & convulsivis ex salina  
fluidorum circulantium acrimonia ir-  
ritante pronatis, ad demulcendas do-  
lentissimas fibrarum spasticas inspatu-  
ras, singulare est virium: Sedat spi-  
rituum anomalias, somnumque blan-  
de invitatur, nec de narcosi, cujus infam-  
iam quacunque ex opio qualicunque  
demum artificio elaborata laudana la-  
borant, suspectus est, cerebro minimè  
officit, imo spiritus animales seu flui-  
dum cerebri illud tenuissimum elasti-  
cum reficit.*

### SPIRITUS SALIS ARMO- NIACI VINOSUS LAVEN- DULATUS.

℞. Herbarum & florum Laven-  
dularum ana pugillos  
sex.

Salis armoniaci uncias duas,  
Tartari fixi drachm. sex.

Mixtis contus. concis. affunde spi-  
ritus vini simplicis libras tres & in  
cucurbita capaci, capitello bene  
lutato destilla leni igne, donec li-  
quor turbidulus ascendere cœpe-  
rit: Spiritus destillatus in vitro  
probe custodiatur.

*Spiritus hic sub nomine Aquæ ano-  
dynæ Viennensis apud nos olim notus  
in morbis rheumaticis ex lentore hu-  
morum, & languente tubulorum fi-  
brarumque musculosarum tono pro-  
natis, ipsaque sic dicta arthritide fri-  
gida tum usu topico tum etiam pru-  
denti interno plurimum se comendat.*

### TINCTURA MARTIS HEL- LEBORATA D. WEDELII.

℞. Limaturæ martis finissimæ,  
Tartari albi crudi electi ana un-  
cias quatuor,  
Fibrarum hellebori nigri unci-  
as duas.

Grosso modo pulverisatis affunde  
Aquæ fontanæ sufficientem quan-  
tatem, stent per aliquot dies in  
vitro bene tecto, dein coquan-  
tur in lebetæ ferreo & spatula li-  
gnea agitentur, donec liquor eva-  
dat ferruginei coloris, ab igne re-  
mota stent ad spontaneam fæ-  
cum subsidentiam, liquor clarus  
decantetur & filtretur, lenique  
igne inspissetur, donec saturatè  
fuscus vel nigricans color in guttis  
observetur, ab igne remota & fri-  
gefacta cum subtriplo Spiritus  
cochleariæ misceantur.

*Tinctura hæc, quæ Clarissimum  
Wedelium, insigne olim decus Electo-  
ralis universitatis Jenensis, pro Autho-  
re agnoscit, in morbis ex vappescen-  
tia & lentore Massæ sanguineæ pro-  
natis, in cachexia, chlorosi, affectione  
hypochondriaca, splenis & hepatis ob-  
structionibus laudatissima est vir-  
tutis.*





# INDEX GENERALIS PROLEGOMENORUM ET CLASSIUM.

PROLEGOMENORUM		CLASSIS X.
CAPUT I. de Officio Pharmacopœi. Pag. *1		de Speciebus aromati- cis. Pag. 115
II. Simplicium medicamentorum delectu. *3		XI. Trochiscis. 137
III. Collectione eorum. *17		XII. Collyriis ficcis, Sief dictis &c. 149
IV. Repositione atque adserva- tione medicamentorum. *18		XIII. Confectionibus anti- dotalibus, opia- tis &c. Conditis & Conservis. 153
V. Duratione eorum. *19		XIV. Oleis coctis, infusis, & expressis. 181
VI. Simplicibus absolute scri- ptis. *20		XV. Unguentis. 199
VII. Succedaneis quorun- dam. *23		XVI. Emplastris. 221
VIII. Venenis & eorum Anti- dotis. *25		XVII. Ceratis. 241
IX. Ponderibus & Mensuris medicis, signisque chimicis. *27		XVIII. Præparatione quo- rundam Simplici- um. 249
CLASSIS I. de Syrupis alterantibus &c. I		XIX. Aquis compositis & simplicibus, Acetis & Vinis. 259
II. Syrupis purgantibus. 39		XX. Spiritibus, Elixiriis, Essentiis, Tincturis, Oleis destillatis, & Balsamis. 277
III. Electuariis &c. lenienti- bus. 51		XXI. Extractis. 301
IV. Electuariis solutivis mol- libus. 57		XXII. Fæculis, Magisteriis, Salibus, Floribus, Crocis, Vitro, Pul- veribusque aliis chimicis. 311
V. Electuariis solutivis fo- lidis. 67		
VI. Pilulis. 71		
VII. Decoctis & Infusis. 87		
VIII. Pulveribus medicatis. 95		
IX. Lohoch &c. 109		



# INDEX SPECIALIS COMPOSITORUM MEDICAMENTORUM.

<b>A</b> Ceta medicata simplicia.	Pag. 89	Aqua Mastichina.	Pag. 266
Acetum Lithargyri.	88	Mercuriata.	93
Acetum Scillinum.	89	Mirabilis Langii.	274
Theriacale.	94	Nephritica Brenggeri.	266
Acorus conditus.	163	ad oculos.	93
Adipum præparatio.	249	Odorifera.	267
Æris ustio.	ibid.	Panacis Heraclei composita.	265
Agaricum trochiscatum.	137. 140	Physagoga.	267
Aloes lotio.	250	Stapediana.	275
Aluminis ustio.	ibid.	Stomachica.	267. 275
Ammoniaci gummi præparatio.	ibid.	Theriacalis.	268. 276
Anacardiorum præparatio.	257	Vitæ composita.	268. 276
Anisum solutivum.	68	Arcanum duplicatum.	314
Antidotus Matthioli.	170	Ari radicum præparatio.	250
Antimonium diaphoreticum.	319	Aromata Saccharo obducta.	123
Aquæ destillatæ simplices cum vino.	269	Afellorum præparatio.	251
fine vino.	ibid.	Athanasia magna Nicolai.	173
Aqua Acustica Mindereri.	259	Avellanarum præparatio.	257
Antidotalis Alexiph. Matth.	171	Aurea Alexandrina Nicolai.	172
Antimelancholica D. Fischeri.	271		
Antiscorbutica Dorncreilii.	ibid.	Balsamum Aloës.	302
Apoplectica Lang.	274	Angelicæ.	300
Arthritica.	260	Apoplecticum.	296
Asthmatica.	260. 272	Benzoinum.	300
Aurea Langii.	272	Caryophyllorum.	295
Bardanæ composita.	273	Cinnamomi &c.	ibid.
Caponis composita.	261	Cordiale.	300
Carbunculi.	ibid.	Embryonum.	263
Carminativa Dorncreilii.	262	Galbanetum uterinum.	300
Cinnamomi cordialis.	ibid.	Loemicum.	ibid.
cydoniata.	ibid.	Sulphuris anisatum.	296
Confortans usitata.	ibid.	terebinthinatum.	ibid.
Cordialis è succis.	273	Vitæ.	225
temperata	262	Vulnerarium Mind.	187
Epileptica Langii.	264	Benedicta solutiva Nicol.	58
puerorum.	ibid.	Bezoardicum minerale.	320
pro Epithem. cordis Norib.	273	Boli Armenæ præparatio.	251
Fumariæ Composita.	ibid.	Brodium Zibegarum laxativum.	44
Hirundinum usitata.	265	Butyrum Antimonii.	294
compos. minor.	ibid.		
major.	274	Candelæ pro Suffitu.	150
Hysterica.	265	ad Verrucas.	219



# INDEX SPECIALIS.

Cantharidum præparatio.	Pag. 257	Cranii hominis præparatio.	Pag. 252
Cassia extracta.	52	Spagirica.	318
Cauterium potentiale.	315	Cremor Tartari.	314
Ceratum de Ammoniaco Foresti.	241	Crocomagma Damoci.	143
ex Betonica.	242	Crocus Martis adstringens.	317. 324
Capitale.	245	aperiens.	317
Cerine Ctesiphontis.	ibid.	Metallorum.	318. 322
Diachalciteos, l. Diapalmæ.	242	Solis.	317
Diadictamnium, seu Sacrum Galeni.	245	CrySTALLI Tartari.	314
de Gratia DEI Nicolai.	246	Cuperosæ præparatio.	258
pro Herniosis Norib.	243	Cybebæ laxativæ.	53
Isidis ex Galeno.	246	Dacrydium.	255
Matricale, vel de Galbano.	243	Decoctum aperitivum majus.	89
Oesypi Mesuæ.	246	lenitiv. minus.	90
Philagrii.	ibid.	cum Rhabarb.	ibid.
ex Pelle arietina Arnoldi.	247	Capillorum Veneris Mes.	ibid.
Diapipereos Galeni.	ibid.	Carminativum.	87
Sandalinum Mesuæ.	243	Epithymi Mesuæ.	90
Saradrappum Vigonis.	248	Florum & Fructuum.	91
Stomachicum Burri.	244	Fumariæ Mes.	ibid.
Galeni.	ibid.	Hellebori.	61
Cerussæ lotio.	251	Pectorale.	88
Chalcitidis præparatio.	ibid.	Senæ D. Gereonis.	91
Chalybis præparatio cum aceto.	ibid.	Dentium Aprorum præparatio.	252
Sulphure.	ibid.	Diabalzemer.	59
Chocolata.	164	Diacarthamum Arnoldi de V. N.	ibid.
Chylostagma diaphoret. Mindereri.	276	solidum.	69
Cinnabaris Antimonii.	294	Diacaryon.	15
Colcotharis indulcati præparatio.	251	Diacassia cum Manna.	54
Colocynthidis præparatio.	252	Diacatholicon Nicolai.	52
Compositi Sperniolæ præparatio.	256	Diacodion Actuarii.	111
Condita.	167	Jo. Baptist. Montani.	109
Conditum pro Familia Staped.	175	simplex Galeni.	111
Confect. adversus Lumbricos.	69	solidum.	110. 112
Anacardina Mesuæ.	172	Diacorum Mesuæ.	171
Anisi solutivi.	68	Diacrydium.	255
Archigenis.	172	fulphuratum.	95
Elefscoph solid.	68	Diacydones solutivum pellucidum.	67
Hamech major Mes.	60	compositum.	69
de Hyacintho.	118	simplex.	168
Pectoralis.	136	aromaticum.	ibid.
post Pastum.	135	Diadamasceon Nicolai.	55
è succo Rosarum solid.	70	Diamoron simplex.	15
ad vermes.	121	usitatum Nic.	37
Zingib. cocti.	ibid.	Diaphœnicon Fernelii.	63
Conservæ.	167	Mesuæ.	ibid.
Conserva Hederæ terrest. comp.	180	solidum.	70
Spagirica.	166	Diaprunis lenitiv. seu Diadamasce.	55
Coriandri præparatio.	252	simplex.	54
Cornu Cervi præparatio.	ibid.	solutivum Nicolai.	64
philosoph. calcinatum.	318	Diasatyrium Nicolai.	165
auratum.	ibid.	Diascordium Fracastorii.	166



# INDEX SPECIALIS.

Diafcardium Sylvii.	Pag. 178	Emplaſtr. Diachylon ſimpl. vel album.	222
Diaturbith cum Rhabarb. Montag.	68	compoſitum.	234
Eboris, ſeu Antiſpodii præparatio.	252	cum Gumm.	222
Elæofacchara.	315	magnum Meſ.	234
Elaterii præparatio.	252	parvum Meſ.	ibid.
Electuar. Alkermes.	163. 172	de Cicuta.	222
de baccis Lauri Rhafis.	164	Citrinum vulgare.	223
Caryocoſtinum.	57	de Cruſta panis Montag.	224
Catholicum.	52	Diaphoreticum.	ibid.
Chalybeatum.	174	Febrifugum.	ibid.
de Citro ſolutivum.	57	de Fuligine.	235
Diureticum Montagnanæ.	175	Grifeum de Lapide Calam.	ibid.
Ducis Nicolai.	126	ad Hydropem.	ibid.
Contra Dyſenteriam.	264	Iſchiadicum.	236
Epifcopi five Eleſcoph.	60	Magneticum Ang. Salæ.	ibid.
ſolidum.	68	Malacticum cum gummibus.	224
de Ferri ſcoria Rhafis.	175	fine gummibus.	225
Guidonis contra Peſtem.	177	de Meliloto.	ibid.
Hieræ cum agarico.	56	Minio Vigonis.	236
Indum majus Meſ.	62	Nicolai Maſſæ.	237
Juſtini Nicol.	128	Nervinum Vigonis.	226
Lenitivum Florenzolæ.	54	Nigrum.	237
de Manna Nicol.	55	Opodeltoch Minder.	ibid.
Tamarindis.	53	Oxycroceum commune.	226
Magnanimitatis.	175	Vigonis.	238
de Ovo Maximil. I. Imper.	176	Diaphœnicum calidum Meſ.	ibid.
de Pſyllio Montag.	64	frigidum.	239
Rofatum Meſuæ.	ibid.	De Ranis c. & ſ. Mercurio.	217
de ſucco Roſarum Nicol.	65	De Rhabarbaro.	239
ſolidum.	70	Sandalinum.	228
diaſebeſten Montag.	65	Saponis.	ibid.
Senatum Nicolai.	ibid.	Saturninum.	ibid.
Renodæi.	59	è Spermate Ceti.	229
Spagiricum.	166	Ranarum.	ibid.
Stomachicum.	167	Spleneticum.	ibid.
Vitæ Arnoldi de Villa Nova.	180	Stypticum Crollii.	ibid.
Elixir Aperitivum.	282	Tetrapharmacon Gal.	239
Panchymagogum.	298	ad Tophos.	240
Peſtilentiale Crollii.	ibid.	Triapharmacon Meſ.	ibid.
Proprietatis Paracelſi.	283	Veficatorium.	230
correctum.	ibid.	Ulmenſium.	240
dulce.	ibid.	Filii Zachar.	230
Vitæ Matthioli.	268	Erinacei uſtio.	258
Uterinum Crollii.	284	Effentia Abietis.	284
Emplaſtr. album coctum.	221	Abſinthii ſimplex.	ibid.
Apoſtolicon Nic. Al.	231	compoſita.	ibid.
de Baccis Lauri.	221	Ambra Mind.	ibid.
Baſilicon majus Meſ.	232	ſicca.	ibid.
minus.	ibid.	Anodyna.	285
De Lapide Calaminari.	ibid.	Aurantiorum liquida.	ibid.
Catagmaticum.	ibid.	ſicca.	ibid.
Ceroneum.	233	Carminativa.	ibid.
		Caſtorei.	285. 299

Effen-



# INDEX SPECIALIS.

Effentia Catechu.	Pag. 286	Hellebori præparatio.	Pag. 253
Cephalica.	ibid.	Hiera picra cum agarico.	56
Chin - china.	287	simplex Galeni.	52
Citri liquida.	287. 299	composita Nicolai.	61
ficca.	287	Logadii Nicol. M.	ibid.
Cochlearia.	ibid.	Pachii Nicolai Alex.	62
Lignorum.	ibid.	Hirundinum ustio.	258
Martis.	287. 299	Holippæ purgantes.	69
Pectoralis.	288	Hydromeli compositum.	92
Purificans.	ibid.	purgans.	ibid.
Saccharina Beguini.	299	laxativum tartarifatum.	ibid.
Traumatica.	288	Jecoris Lupi præparatio.	258
Trifolii fibrini.	ibid.	Infusum Hellebori.	61
Esulæ rad. cortic. præparatio.	252	Hieræ Mesuæ.	92
Euphorbii præparatio.	ibid.	laxativum.	88
Extracta Simplicia.	302	Seri lactis.	91
Extractum Agarici simplex.	301	Intestini Lupi præparatio.	258
compositum.	302	Julep Rosarum.	14
Aloës seu Balsamum.	ibid.	Sambucinum.	15
Arthriticarum pilul.	307	ex vino	36
Aurearum pil.	ibid.	Violarum.	15
Catholicum.	302	Laccæ præparatio.	253
Cholagogum Quercetan.	309	Lac Virgineum.	93
Cnicopharmacum Andern.	five	Lap. Lazuli præparatio.	253
Diacarthamum.	303	Magnetis præparatio.	ibid.
Diacitri Reusneri solut.	ibid.	Laudanum opiatum.	307
Foetidarum Pilul.	307	Leporis ustio.	258
Gummi Gamandræ Myns.	304	Linæon Rutaceum.	86
Holagogum Andernaci.	309	Liquor C. C. succinatus.	314
Marocostinum Minder.	304	Nitri fixi.	312
Martis.	ibid.	Volatilis Oleofus.	280
Mechoacanæ nigræ.	316. 302	Lohoch ad Asthma.	114
Melampodii.	302	è caulibus Gordonii.	112
Melanagogum Quercet.	310	de Farfara.	ibid.
Diapæonias Minder.	305	Papavere Mesuæ.	ibid.
Panchymagogum.	306	Passularum.	113
Phlegmagogum Quercet.	ibid.	de Pineis.	ibid.
Theriacale.	290	Portulaca.	114
Fæcula radicum Ari.	316	Pulmone Vulpis Mesuæ.	110
Bryoniæ.	ibid.	Sanum & expertum.	ibid.
Ireos.	ibid.	è Scilla Galeni.	114
Serpentariæ.	323	compositum.	ibid.
Flores Antimonii.	318	Lumbricorum terrestrium præparatio.	253
Benzoini.	319	Magisterium Coralliorum.	323
Cassia fistulæ.	51	Cornu Cervi.	ibid.
Salis Ammoniaci.	318. 324	Cranii humani.	ibid.
Sulphuris simplices.	319	Gemmarum.	ibid.
compositi.	ibid.	Gummi guttæ.	317
Galbani præparatio.	250	Hepaticum rubrum.	316
Gallarum ventriculorum præparatio.	254	Jalapæ.	ibid.
Gummi Gamandræ Vitriolatum.	317		



# INDEX SPECIALIS.

Magisterium Margaritarum.	Pag. 323	Oleum Aurantiorum destillat.	292
Matris perlarum.	ibid.	Balaninum.	197
Oculorum Cancri.	ibid.	Benzoini destillat.	299
Scammonii.	316	Camphoræ dest.	293
feu Lac Sulphuris.	317	De Capparibus.	182
Ungulæ Alces.	323	Carthami.	197
Magnesia alba.	321	Carvi destillat.	292
Mandibularum Lucii præparatio.	253	Caryophyllorum dest.	ibid.
Manus Christi perlata.	121	Castorii Jacobi de Manlius.	182
simplices.	ibid.	Ceræ dest.	294
Mel Anacardinum.	33	Chamæmeli coctum.	183
Anthosatum.	13	destill.	293
Emblicorum.	33	Cheyrium Mes.	190
Menthæ.	13	Cinnamomi destill.	293
Mercurialis.	33	Citri è granis.	197
Passularum.	ibid.	è Corticibus Citri dest.	292
Rosatum citratum.	34	Costinum Mesuæ.	191
laxativum.	44	è Croco Mes.	ibid.
Mesuæ.	33	Cumini destill.	292
simplex.	14	Cydoniorum Mes.	183
Violatum.	34	Diacolocynthidos.	183
solutivum.	50	Enulæ Mes.	191
Mercurius Præcipitatus albus.	321	ex Euphorbio.	ibid.
flavus.	ibid.	Foeniculi destillat.	292
ruber.	322, 324	Formicarum.	183
Sublimatus corrosivus.	321	Galbani dest.	300
dulcis.	ibid.	Hyoscyami.	188
Vitæ.	294	Hyperici.	184
Mezerei præparatio.	253	Jasminum odoratum.	ibid.
Micleta Nicolai Myrepsi.	176	coctum.	191
Mistura simplex.	282	Irinum Mes.	ibid.
Mithridatum Damocratis.	160	Juglandium.	189
Miva Cydoniorum aromatica.	36	Juniperi ex baccis dest.	292
simplex.	ibid.	Lavendulæ Florum dest.	293
Morselli Imperatoris cum fructib.	122	Laurinum.	188
Myrrhæ præparatio.	253	Ligustrinum Mes.	192
Nihili præparatio.	255	Liliorum alb. compos. Mes.	ibid.
Nitrum antimoniatum.	319	simplex.	184
fixum.	312	Convallium.	192
Oesypi collectio.	253	Lini.	188
Oleum Abrotoni.	190	Lumbricorum terrest. simpl.	184
Abfinthii.	181	compos.	192
Abfinthii destillatum.	292	Macis destillat.	293
Amygdalorum amarorum.	187	Majoranæ dest.	ibid.
dulcium.	188	Mandragoræ.	192
Anagallidis.	182	Mastichinum Mesuæ.	185
Anethinum.	ibid.	destillatum.	293
Angelicæ destillatum.	292	Menthæ.	185
Anisi destillatum.	ibid.	destillatum.	292
Antimonii.	294	Moschelinum Nicol. Alex.	192
Aranearum Minder.	190	Myrtillorum.	193
		Myrtinum.	ibid.

Nardi-



# INDEX SPECIALIS.

Oleum Nardinum compos. Mef.	193	Oxyfaccharum compositum.	35
simpl. Mef.	ibid.	emeticum.	41
Nucis Indicæ.	197	simplex.	35
moschata express.	189	Panacea solutiva.	321
destillat.	293	Passulæ laxativæ.	53
Nymphææ.	185	solutivæ sicca.	70
Papaverinum coctum.	193	Pasta regia, seu panis Martius.	135
expressum.	189	composita.	ibid.
è Pæoniæ granis.	197	Pastilli profumo.	152
Perficorum nucleorum.	ibid.	Philonium Mesuæ.	177
Philosophorum.	294	Romanum.	165
ex Pinéis & Pistaciis.	198	Perficum Mesuæ.	178
de Piperibus Mesuæ.	194	Tarsense Galeni.	ibid.
Piperis destillat.	293	Phlegma Vitrioli.	281
Populinum Nicol. Alex.	194	Pilorum Leporis ustio.	254
Ranarum.	ibid.	Pilarum marinarum torrefactio.	ibid.
Resolutivum.	185	Pilulæ de Agarico Mesuæ.	75
Rhodium destill.	293	Aggregativæ major. Mef.	ibid.
Rorismarini.	ibid.	minor. Mef.	ibid.
Rosarum dest.	ibid.	Alephanginæ Mef.	76
compositum Mef.	194	de Aloë lota incerti Auth.	77
omphacinum.	ibid.	& Mastich. Nic. Myr.	ibid.
vulgare.	185	rosata.	71
Rutæ.	186. 194	de Ammoniaco Quercet.	ibid.
destillatum.	292	Angelicæ.	72
Salviæ dest.	ibid.	Arabicæ Nicolai.	77
Sambucinum.	195	Arthriticæ.	72
Sampsuchinum.	ibid.	Affaiereth Avicennæ.	77
Saponis dest.	294	Aureæ Nicolai.	73
Saturni dest.	295	de Bdellio majores Mef.	78
Scorpionum compos. Mef.	195	Benedict. Nicolai.	ibid.
magnum.	186. 195	Castoreo Avicennæ.	ibid.
simplex Mef.	186	Catarrhales.	73
Sesaminum.	198	Cochiæ Galeni.	78
Spicæ destillat.	293	Rhafis.	ibid.
Stomachicum Cratonis.	196	de Colocynthide Mesuæ.	79
Florentinum.	186	Cynoglossa Nicolai præpos.	73
ex Styrace.	197	Cynoglossa cum Castoreo.	79
Succini dest.	293	Bened. Favent.	ibid.
Tartari per deliquium.	313	Eupatorio major. Mef.	ibid.
Terebinthinæ dest.	295	Euphorbio Mef.	ibid.
è floribus Verbasci.	187	Fœtidæ majores Mef.	80
Violarum.	ibid.	de Fumaria Avicennæ.	ibid.
è Vitellis ovorum.	189	Hermodactylis.	ibid.
Vulnerarium.	187	Hieræ cum Agarico.	81
Vulpinum Mef.	197	compositæ Nic. Myr.	ibid.
Zedoariæ destillat.	293	Picræ Galeni.	ibid.
Olei lavandi modus.	254	Rhafis.	78
Opopanacis præparatio.	250	Hydroticæ.	81
Oxymeli compositum Mesuæ.	34	Immanuelis.	73
diureticum.	35	Imperiales.	81
Helleboratum majus Juliani.	50	Indæ Haly.	82
Scilliticum.	14	de Lapide Lazuli.	ibid.
simplex.	34	U u	Pilulæ



# INDEX SPECIALIS.

Pilulæ	Lucis majores, seu Opticæ.	82	Pulvis	Dysentericus D. Langii.	99
	Mastichinæ Conciliatoris.	83		ad Dystokiam.	107
	de Mezereo Mef.	ibid.		pro Epithemate cordis.	99
	Myrobalanorum quinque gen.	ibid.		hepatis.	106
	de Nitro, l. Diacolocynthidos.	ibid.		Griseus Cæsaris.	ibid.
	Octo rebus, f. Octomeræ.	ibid.		Haly.	98
	de Opopanace Mef.	84		Hystericus.	100
	Pestilenciales Avicennæ.	ibid.		Marchionis, seu Epilepticus.	ibid.
	Plateri,	ibid.		ad Nasalia.	107
	Ruffi.	ibid.		Partum provocans.	100
	de Rhabarbaro Mef.	ibid.		alius Helidei de Pad.	107
	Sagapeno Mef.	85		Pleuriticus.	101
	Sarcocolla Mef.	ibid.		Rubeus Cæsaris.	107
	Sine cura D. Cyriaci Weberi.	76		Pannonicus.	101. 107
	Sine quibus esse nolo Nic.	85		Sabaudicus.	101
	Stomachicæ Alkindi.	ibid.		Saxonicus.	108
	de Styrace.	74		Senæ præparatæ Montagn.	95
	Succino Cratonis.	ibid.		Solutivus magistral. Stockst.	104
	Tartaro Quercetani.	86		de Tribus.	ibid.
	Schröderi.	74		Stegnoticus D. Gutmanni.	102
	Turbith aureæ Mef.	86		Sternutatorius.	ibid.
Pineolatum album.		136		Stomachicus D. Birckmanni.	ibid.
viride.		ibid.		ad Strumam Arnoldi de V. N.	103
vulgare.		ibid.		Suppositoria acutior.	104
Plumbi ustio & lotio.		254		communia.	ibid.
Pomum Ambræ.		149. 152		ficca.	96
Potus Hippocratici.		93. 94		Syrius.	316
Præparationes quorundam Simplic.		249		Tartari CrySTALLINI solutiv.	103. 121
Pruna laxativa.		53		contra Vermes.	96
Pulmonis vulpis præparatio.		254		Violarum odoratus.	103
Pulpa Cassiæ.		51		pro Ulceribus gutturis.	108
Prunorum simplex.		54			
Tamarindorum.		52	Regulus Antimonii.		322
Pulvis contra Abortum.		96	Requies Nicolai.		178
Absorbens.		97	Rob de Agresta.		15
Adstringens Galeni.		104	Berberibus.		37
Alexipharmacus.		97	Cerasis.		ibid.
Analepticus frigidus.		ibid.	Cornis.		15
Anonymus.		ibid.	Cydoniorum.		16
Antispasmodicus.		325	Cynosbati.		ibid.
Avicennæ è cineribus.		106	Diamoron simplex. Gal.		15
Bezoardicus Nicol. præpos.		104	usitatum Nic.		37
de Bolo Electuarii.		105	Ebulinum.		16
Cachecticus Ludovici.		320	Juniperinum.		ibid.
Quercetani.		98	Nucum Galeni.		15
ad Calculum D. Banzeri.		105	Prunorum sylvestrium.		16
Alius.		106	Ribium.		38
Casum.		98	Sambucinum.		16
Cephalicus.		99	Veronica.		38
Cholagogus simplex.		95	Ros Vitrioli.		281
insuccatus.		104	Rotulæ Diaireos cum Extr. Liquir.		121
Comitis de Warwich.		96			
Dentifricius.		99			



# INDEX SPECIALIS.

Saccharum Penidium.	254	Species Electuarii Justin.	128
Rosatum tabulatum.	122	Diaireos Salomonis.	128
Sagapeni præparatio.	250	simplices.	118
Salia simplicia alcalia.	311. 312	usitata.	128
Sal Acetofellæ.	312	Dialaccæ.	129
Coralliorum.	ibid. 323	Lætificantes Galeni.	ibid.
Cornu cervi volatile.	279	Rhafis.	130
succinatum.	313	Liberantes.	118
Lumbricorum terr. volatile.	279	Lithontripcticæ.	130
Oculorum cancri.	312	Diamargariti cal.	131
Prunellæ.	ibid.	frig.	119
five Saccharum Saturni.	313	Diamoschu dulces.	ibid.
Succini volatile.	293	Diapenidion.	131
Tartari fixum.	313	Diatrion Pipereon.	132
volatile.	ibid.	Pleres archontic.	ibid.
Vitrioli vomitor. Angeli Salæ.	ibid.	contra Pestem.	131
Sanguinis Hirci præparatio.	255	Diaprasiu.	133
Sapo moschatus	152	Diarrhodon.	119
Venetus.	ibid.	Rosatæ Gabr.	115
alius albi coloris.	ibid.	novellæ.	133
Sarcocollæ præparatio.	255	Diathamaron.	134
Scammonii præparatio.	ibid.	Diatragacanthi calidæ	ibid.
Scillæ præparatio.	ibid.	frigida.	120
Scorpionum ustio.	258	Diatrion Sandalon.	ibid.
Semina saccharo obducta.	123	Diaxyloës.	134
Serici crudi præparatio.	255	Diazingiber.	135
Sief album cum, & sine opio.	149	Specificum antrifebrile Strob.	320
Galen.	151	antihecticum.	ibid.
Citrinum Mesuæ.	ibid.	stomachicum Ludov.	ibid.
de Plumbo Mes.	ibid.	stomachicum Poterii.	ibid.
Rosæ Mes.	ibid.	Spermatis ranarum præparatio.	256
Thure Rhafis.	ibid.	Spiritus Absinthii.	277
Viride.	ibid.	Anhaltinus.	282
Sotirella parva.	179	Anisi.	278
Species Diambra.	116	Carvi.	ibid.
Dianisu.	124	Cephalicus.	286
Dianthon.	ibid.	Ceraforum nigrorum.	278
contra Apoplexiam.	116	Cochleariæ.	277
aromaticæ Caryophyllatæ.	123	Cornu cervi.	279
Diacalaminthes Gal.	124	Cydoniorum.	278
Mes.	ibid.	Diapente.	297
Diacinnamomu.	125	Diatrion.	282
Cordiales Alex. Ben.	ibid.	Ebuli ex baccis.	278
Temperatæ.	116	Euphrasiæ Mind.	297
Diacuminu.	125	Foeniculi.	278
Diacurcumæ.	126	Formicarum.	279
Diospoliticæ.	ibid.	Fragorum.	278
Electuarii Ducis.	ibid.	Juniperi ex baccis.	ibid.
Diagalangæ.	127	Lavendulæ.	277
de Gemmis calidæ.	ibid.	Liliorum Convallium.	ibid.
frigida.	117	Lumbricorum terr.	279
Hyacintho.	ibid.	Melissæ.	277
Diahyssopu.	128	Mineralis anodynus.	325
Imperatoris.	118	Uu 2	Spi-
Incisæ saccharo obductæ.	136		



# INDEX SPECIALIS.

Spiritus Rosarum.	278	Syrupus de Boragine.	4
Salis ammoniaci.	280	Buglossi.	21
Anisatus.	ibid.	Byzantinus compositus.	22
Succinatus.	ibid.	simplex.	21
Aromaticus.	ibid.	Calaminthæ Mes.	22
Vinosus Laven-		Capillorum Veneris compos.	23
dulatus.	326	simplex.	22
communis.	281	Cardui benedicti.	5
dulcis.	ibid.	de Carthamo.	44
compositus Hartmanni.	297	Ceraforum acidorum.	5
Nitri.	281	de Chamæmelo.	ibid.
dulcis.	ibid.	Cichorio c. Rhab.	39
Sambuci ex baccis.	278	simplex.	23
Sulphuris.	281	de Cinnamomo.	5
Tartari simplex.	278	Coralliorum.	6
compositus.	ibid.	de Corticibus citri.	ibid.
Terebinthinæ.	295	Cydoniorum.	7
Theriacalis.	282	Diafercos Andernaci.	45
Vini Tartarifatus.	292	Domesticus, s. de Spina insector.	40
Vitrioli coagulatus.	315	Endiviæ compositus.	23
communis.	281	simplex.	ibid.
cordialis A. S.	297	Emeticus Angeli Salæ.	41
philosophicus.	294	alius.	ibid.
volatilis.	281	de Epithymo Mes.	46
Spongiorum ustio.	256	Eryfimo Lobelii.	7
Styracis cal. præparatio.	253	Eupatorio Mes.	24
Suffitus cephalicus.	150	Farfara.	7
delicatus.	150	Fragis.	ibid.
communis.	ibid.	Fumaria compos. Mes.	46
Sulphur auratum Antimonii.	318. 322	simplex.	24
præparatum.	258	Glycyrrhiza Mes.	7
Suppositoria.	96. 104	Granatorum acido dulcium.	8
Syrupus de Absinthio.	1	dulcium.	24
Acaciæ Florum.	44	Hederæ terrestris ex succo.	8
Acetosæ Mesuæ.	17	Hyperici.	24
Acetofellæ ex succo.	ibid.	Hyssopi Mes.	8
Acetositis Citri.	9	de Jujubis Mesuæ.	9
Acetosus compos. Mes.	18	simplex.	ibid.
Diarrhod. Mes.	ibid.	Limonibus.	ibid.
Simplex Mes.	17	Lupulo.	24
Adiantinus Fernelii.	18	Maïna laxativus.	42
de Agresta Mes.	19	Melissophyllo.	25
Althæa Fernelii.	2	Menthæ major Mes.	ibid.
Anagallidis.	19	minor Mes.	ibid.
Anticausodicus.	3	è succo.	9
Aperiens mag. Mind.	19	Mercurialis.	25
Artemisiæ.	3	Myrtinus compositus Mes.	10
Aurantiorum è corticibus.	ibid.	Nephrocatharticus Jouberti.	25
floribus.	20	Nymph. comp. Franc. Pedem.	27
succo.	ibid.	simplex Nic.	26
Bellidis.	4	de Pæonia.	10
Berberum.	ibid.	Papavere compos. Mes.	27
Betonicæ compositus.	21		
simplex.	20		

Syru-



# INDEX SPECIALIS.

Syrupus de Papavere erratico.	11	Theriaca communis, seu August.	169
simplex.	ibid.	Diateffaron Mef.	160
Florum Paralyseos.	27	Tinctura Antimonii.	289
Perficorum è floribus.	42	Antiphthifica.	291
Pilosellæ.	27	Bellidis ex floribus.	289
Plantaginis.	11	Bezoardica.	ibid.
de Pomis Regis Sapor. Mef.	47	Coralliorum.	290
simplex.	28	Fragorum.	299
Portulaca Mef.	ibid.	Hyperici.	290
Prasio Mef.	ibid.	Jalapæ.	ibid.
Prunorum sylvestrium.	11	Martis Helleborata W.	326
de Radicibus duabus.	28	Proprietatis.	291
quinque.	29	Rosarum.	ibid.
Rhabbarbo solutivus.	47	Succini.	ibid.
Rhapontico.	ibid.	Tartari.	ibid.
Ribium.	11	Tragea grossa.	136
Rosatus compos. cum Helleb.	47	cum Tabulatis.	122
fine Helleb.	48	tenuis aromatica.	ibid.
laxativ. cum Ambub.	ibid.	Trochisci de Absinthio Mef.	140
simplex.	29	Agarico.	137. 140
solutivus simplex.	42	Agno casto Rhafis.	141
aureus.	43	Alhandali Mef.	137
Quercetani.	48	Aiptæ moschata.	141
de Rosis ficcis.	11	Alkekengi Mef.	ibid.
Rubo Idæo.	12	Alkermes.	138
Scabiōsa.	ibid.	de Aniso Mef.	141
Scelotyrbicus.	29	Bechici albi.	138
de Scolopendrio Fernelii.	30	nigri.	138. 142
Scordio compos.	ibid.	rubri.	138
simplex.	ibid.	de Benzoe.	142
Sempervivo compos.	ibid.	Berberibus Mef.	ibid.
simplex.	ibid.	Camphora Mef.	ibid.
Siliquis Bapt. Mont.	109	Capparibus Mef.	ibid.
Spina Cervina.	40	Charabe Mef.	139
Spleneticus D. Verbezii.	43	Colocynthide.	137
de Stœchade Fernel.	31	Corallio.	143
major.	ibid.	Croco Nicol.	ibid.
minor.	ibid.	Cypheos Damoc.	ibid.
de Symphyto Fernelii.	32	Diaion, seu de Violis Nicol.	145
Tribus lenitivus.	49	Diaphysfalidon.	141
Tunicæ florum.	12	Diaspermaton Galeni.	147
Veronicæ.	32	de Eupatorio Mef.	144
Violatus compos. Mef.	ibid.	Galix moschata Mef.	ibid.
ex succo.	12	Gordonii.	ibid.
simplex.	32	Hedychroi Androm.	145
Zibeborum.	44	de Lacca Mef.	ibid.
		Myrrha Rhafis.	ibid.
Tartarus emeticus.	315	Pectorales cum Ambra.	139
vitriolatus.	ibid.	Ramich Mef.	146
Teda aromatica.	152	de Rhabbarbo.	ibid.
Terebinthinæ coquendæ modus.	256	Rosis Rhafis.	ibid.
Theriaca Andromachi.	154	Diarrhodon.	ibid.
Cœlestis August.	308	de Sandalis Mef.	147
Smaragdina.	159		



# INDEX SPECIALIS.

Trochisci de Spodio cum Sem. Acet.	139	Unguentum de Cynogloss.	203
Scilla Galeni.	147	Fusum Nicolai.	214
Sublinguales contra pestem.	ibid.	ad Hamorrhoides.	103. 214
de Sulphure & Tutia.	148	infrigidans Galeni.	204
Terra figillata Mes.	147	Jovis.	202
Violis.	145. 148	de Linaria.	204
Vipera.	148	Liquiritia.	ibid.
Xylaloë Mes.	ibid.	Lithargyro.	ibid.
Tryphera magna Nicolai.	179	Marciati.	214
minor Phænonis Mes.	ibid.	ad membra igne ambusta.	205.
Persica Mes.	56		215
Saracenica Mes.	179	perusta gelu.	205
Turpethum minerale.	321. 324	Mercuriale.	216
Tutia præparatio.	256	de Minio Camphoratum.	218
		Nervinum.	205
Vesicarum Aprorum præparatio.	258	Nicotianæ.	216
Vina medicata, five Succ.	270	Nihili ad oculos.	205
Vitriolum Martis.	315	aliud ad oculos.	216
Vitrum Antimonii hyacinthinum.	322	Pectorale.	206
Vitri ustio.	258	Pediculorum.	206. 216
Unguentum Ægyptiacum compositum.	199	Pomatum.	206. 217
simplex.	200	Diapompholygos.	207
Agrippæ.	209	Populeum Nicolai.	ibid.
Alabastrinum.	200	Potabile.	217
Album.	ibid.	ex Rhamno & Frangula.	218
camphoratum.	201	Resumtivum Fernelii.	207
Althææ compos. Nicol.	210	Rosatum Mesuæ.	208
simplex ejusdem.	201	Rubrum.	218
de Anchusa.	203	ad Scabiem.	208
Anodynum	201. 202	de Succis Arantii.	218
Apostolorum.	202	ad Tineam.	219
Aregon Nicolai.	210	de Tutia Nicolai.	208
Arthanitæ majus Mesuæ.	211	ad Vermes.	209
Aureum Mes.	ibid.	Verrucas.	219
Basilicon Myr.	212	Violatum.	ibid.
de Bdellio Mes.	ibid.	Viride Reginæ.	ibid.
è Calce.	ibid.	Ungulæ Alces præparatio.	256
ad Carunculas.	219	calcinatio sine igne.	318
de Cerussa Avicennæ.	200		
Citrinum.	212	Zingiber solutivum.	70
Clysmaticum.	203. 213	Zybebæ laxativæ.	53
Comitissæ.	213		





TAXA,

*Sive*

PRETIUM

MEDICAMENTORUM SIMPLICIUM,  
ET COMPOSITORUM,

In Officinis Pharmaceuticis Augustanis  
usualium.







## T A X A.

SYRUPI, MELLA, JULEP, MIVÆ  
A C R O B.

			Flor.	Cruc.
Syrupi de Absinthio	-	Uncia semis	—	4
Althææ Fern.	-	-	—	4
Anticaufodici	-	-	—	4
de Artemisia	-	-	—	4
Corticibus Aurantiorum	-	-	—	4
florum Bellidis	-	-	—	4
de Berberibus	-	-	—	3
Boragine	-	-	—	3
succo Cardui benedicti	-	-	—	3
Ceraforum acidorum	-	-	—	3
de Chamæmelo	-	-	—	3
Cinnamomo	-	-	—	8
Coralliorum	-	-	—	5
de corticibus Citri incompleti	-	-	—	4
Cydoniorum	-	-	—	3
de Eryfimo Lobel.	-	-	—	4
Farfara	-	-	—	3
Fragis	-	-	—	3
Glycyrrhiza	-	-	—	3
Granatorum acido - dulcium	-	-	—	4
de succo Hederæ terrestris	-	-	—	3
Hyssopo	-	-	—	4
Jujubis	-	-	—	4
Limonibus	-	-	—	4
Mentha	-	-	—	3
Myrtinus	-	-	—	4
de Pæonia	-	-	—	3
Papavere simplicis	-	-	—	3
erratico	-	-	—	3
succo Plantaginis	-	-	—	3
Prunorum sylvestrium	-	-	—	3
de Ribibus	-	-	—	3
Rosis ficcis	-	-	—	5
Rubo Idæo	-	-	—	3
Scabiosa	-	-	—	3
florum Tunicæ	-	-	—	5
ex succo Violarum	-	-	—	3
Mellis Anthosati	-	-	—	4
Crudi	-	-	—	1
despumati & Virginei	-	-	—	2
Menthæ	-	-	—	3
Rosati	-	-	—	3



						Flor.	Cruc.
Oxymelitis Scillini	-	-	-	-	Uncia femis	—	3
Julep Rosarum	-	-	-	-	-	—	3
Sambucini	-	-	-	-	-	—	3
Violarum	-	-	-	-	-	—	3
Rob Nucum	-	-	-	-	-	—	3
Diamoron	-	-	-	-	-	—	3
deAgresta	-	-	-	-	-	—	3
Cornis	-	-	-	-	-	—	3
Cydoniorum	-	-	-	-	-	—	4
Cynosbati	-	-	-	-	-	—	3
Ebulini	-	-	-	-	-	—	2
Juniperini	-	-	-	-	-	—	1
Prunorum fylv.	-	-	-	-	-	—	2
Sambucini	-	-	-	-	-	—	2

## SYRUPI PURGANTES.

Syrupi de Cichorio cum Rhabbarbaro	-	-	-	-	—	7.
Domestici	-	-	-	-	—	4
Emetici Ang. Salæ	-	-	-	-	—	9
five Oxysacchari emetici	-	-	-	-	—	7
de Manna laxativi	-	-	-	-	—	7
florum Perficorum	-	-	-	-	—	6
Rosati solutivi simplicis	-	-	-	-	—	5
aurei	-	-	-	-	—	6
Splenetici	-	-	-	-	—	10
vel brodii Zibeborum	-	-	-	-	—	6
Mellis Rosati solutivi	-	-	-	-	—	5

## ELECTUARIA LENITIVA.

Florum vel Pulpæ Cassiæ	-	-	-	-	—	12
Cassiæ extractæ	-	-	-	-	—	8
Pulpæ Tamarindorum	-	-	-	-	—	8
Electuarii Catholici	-	-	-	-	—	8
Hieræ Picræ Galeni	-	-	-	-	—	6
Electuarii lenitivi ex Tamarindis	-	-	-	-	—	9
Passularum laxativarum	-	-	-	-	—	5
Prunorum laxativorum	-	-	-	-	—	5
Zibeborum laxat.	-	-	-	-	—	5

ELECTUARIA SOLUTIVA  
MOLLIA.

Electuarii Caryocostini	-	-	-	-	—	10
de Citro solutivi	-	-	-	-	—	10



# CONFECTIONES SOLUTIVÆ SOLIDÆ.

Diacydonii solutivi pellucidi	-	-	-	Uncia femis	—	14
Specier. Confectionis Episcopi	-	-	-	-	—	8
Diaturbith c. Rhabarb.	-	-	-	-	—	15

## PILULÆ.

Pilularum de Aloë Rosata	-	-	-	Drachma una	—	8
Ammoniaci	-	-	-	-	—	10
Angelicarum	-	-	-	-	—	10
Arthriticarum	-	-	-	-	—	8
Aurearum	-	-	-	-	—	8
Immanuelis	-	-	-	-	—	8
de Cynoglossi Nicolai	-	-	-	-	—	6
de Styrace incomplet.	-	-	-	-	—	18
Succino Cratonis	-	-	-	-	—	8
Tartaro Schröderi	-	-	-	-	—	18

## DECOCTA ET INFUSA.

Specierum Decocti Carminativi	-	-	-	Uncia una	—	6
Pectoralis	-	-	-	-	—	6
Decocti Carminativi	-	-	-	-	—	3
Pectoralis	-	-	-	-	—	3
Infusi laxativi	-	-	-	-	—	10

## PULVERES MEDICATI.

Pulveris Senæ præparatæ	-	-	-	Drachma una	—	3
Cholagogi simplicis	-	-	-	-	—	20
	-	-	-	Grana duo	—	1
Comitis de Warvvich	-	-	-	Drachma una	—	18
	-	-	-	Grana tria	—	1
ad Suppositoria ficca	-	-	-	Drachma una	—	4
Vermes	-	-	-	-	—	1
Suppositoriorum majorum	-	-	-	Num. unum	—	2
minorum	-	-	-	-	—	1
Pulveris contra Abortum	-	-	-	Drachma una	—	8
Aborbentis	-	-	-	-	—	4
Alexipharmacî	-	-	-	-	—	4
Analeptici frigidi incompl.	-	-	-	-	—	10
Anonymi	-	-	-	-	—	1
Cachectici Querc. incompl.	-	-	-	-	—	15
ad Casum	-	-	-	-	—	8
Cephalici	-	-	-	-	—	16
ad Dentifricia incompleti	-	-	-	-	—	2
Dysenterici	-	-	-	-	—	3



		Flor.	Cruc.
Pulveris	pro Epithemate Cordis incompleti - Drachm. una	—	6
	Hysterici - - - - -	—	6
	Marchionis - - - - -	—	15
	Partum provocantis - - - - -	—	8
	Pleuritici - - - - -	—	8
	Rubri Pannonici - - - - -	—	15
	Sabaudici - - - - -	—	20
	Stegnotici - - - - -	—	18
	Sternutatorii - - - - -	—	2
	Stomachici Birckmanni - - - - -	—	3
	ad Strumam - - - - -	—	2
	Violarum odorati incompl. - - - - -	—	3

## LINCTUS ET LOHOCH.

Diacodii Montani - - - - -	Uncia semis	—	3
solidi - - - - -		—	5
Lohoch è Pulmone Vulpis - - - - -		—	3
fani & experti - - - - -		—	4

## SPECIES AROMATICÆ.

Specier.	Aromatici rosati incompl. - - - - -	Drachma una	—	12
	Diambrae incompl. - - - - -		—	12
	contra Apoplexiam incompl. - - - - -		—	8
	Cordialium temperat. incompl. - - - - -		—	24
	de Gemmis frigid. - - - - -		—	18
	Hyacintho incompl. - - - - -		—	12
	Imperatoris incompl. - - - - -		—	4
	Diaireos simpl. - - - - -		—	2
	Liberantium incompl. - - - - -		—	6
	Diamargariti frigidi - - - - -		—	18
	Diamoschu dulcis incompl. - - - - -		—	15
	Diarrhodon Abb. incompl. - - - - -		—	6
	Diatrion Sandalon incompl. - - - - -		—	4
	Diatragacanthi frig. - - - - -		—	3

## CONFECTIONES ET CON- DITA SICCA.

Confectionis Seminis Anisi - - - - -	Uncia semis	—	2
Coriandri - - - - -		—	2
Foeniculi - - - - -		—	2
Santonici - - - - -		—	4
Cubebæ - - - - -		—	4
Summitatum Majoranæ - - - - -		—	4
Morsellorum è succo Berberum - - - - -		—	3
Citri - - - - -		—	3
Imperatoris cum fructibus - - - - -		—	4

Sacchari



					Flor.	Cruc.
Sacchari	Canarii fini	-	-	Uncia semis	—	2
	communis	-	-	-	—	2
	Cantii albi	-	-	-	—	3
	rubri	-	-	-	—	2
	violacei	-	-	-	—	4
	Penidii	-	-	-	—	3
	Rosati tabulati	-	-	-	—	4
	Thomæi	-	-	-	—	2
Tabular.	Manus Christi perlatarum	-	-	-	—	4
	simplicium	-	-	-	—	2
	Diaireos c. Extr. Liquirit.	-	-	-	—	4
	Confect. ad Vermes	-	-	-	—	4
Trageæ aromaticæ usitatæ	-	-	-	-	—	4
cum Tabulatis	-	-	-	-	—	4

## TROCHISCI.

Trochiscorum	Agarici	-	-	Drachma una	—	3
	Alhandal	-	-	-	—	5
	Alkermes compl.	-	-	Uncia semis	—	16
	incompl.	-	-	-	—	12
	Bechicorum alborum	-	-	-	—	3
	nigrorum	-	-	-	—	3
	rubrorum	-	-	-	—	3
	de Charabe	-	-	Drachma una	—	4
	Pectoralium	-	-	-	—	6
	de Spodio	-	-	-	—	4

SIEF, PASTÆ ODORATÆ, ET  
SUFFITUS.

Sief albi sine opio	-	-	-	-	—	4
Pomi ambræ	-	-	-	-	—	30
Suffitus Cephalici	-	-	-	Uncia semis	—	8
Delicati	-	-	-	-	—	20
Communis	-	-	-	-	—	6
Candelarum pro suffitu primarum	-	-	-	Drachma una	—	1
secundarum	-	-	-	-	—	2

## OPIATA, ET ELECTUARIA.

Theriace Andromachi	-	-	-	Uncia semis	—	10
Cœlestis Auguft.	-	-	-	Granum unum	—	2
Diateffaron	-	-	-	Uncia semis	—	2
Mithridatii Damocratis	-	-	-	-	—	9
Acori conditi	-	-	-	-	—	3
Electuarii Alkermes completi	-	-	-	Drachma una	—	12
incompleti	-	-	-	-	—	8

Electua-



	Flor.	Cruc.
Electuarii è baccis Lauri - - - - -	Uncia femis	8
Chocolatæ - - - - -	-	8
contra Dyfenteriam - - - - -	-	5
de Hyacintho compl. - - - - -	Drachma una	12
- - - - - incompl. - - - - -	-	8
Philonii Romani - - - - -	Uncia femis	10
Diafatyrii - - - - -	-	9
Diascordii Fracastorii - - - - -	-	8
vel Conservæ Spagiricæ incompl. - - - - -	-	20
Stomachici Strom. - - - - -	-	4

## CONDITA.

Aurantiorum Corticum - - - - -	-	3
Florum - - - - -	-	3
Berberum - - - - -	-	2
Calami aromatici - - - - -	-	2
Ceraforum acidorum - - - - -	-	2
Citri Carnis - - - - -	-	2
Corticum - - - - -	-	3
Florum - - - - -	-	3
Cichorii radicum - - - - -	-	2
Cydoniorum - - - - -	-	2
Enulæ radicum - - - - -	-	2
Eryngii radicum - - - - -	-	3
Lactucæ Hispanicæ - - - - -	-	2
Myrobalanorum Chebul. - - - - -	-	8
Nucum Juglandium - - - - -	-	2
Cond. Nucum moschat. commun. - - - - -	-	4
Lusit. maj. - - - - -	-	16
Pimpinellæ radicum - - - - -	-	2
Prunorum sylvestr. - - - - -	-	2
Ribium - - - - -	-	2
rad. Satyrii - - - - -	-	3
Scorzoneræ - - - - -	-	3
Zingiberis Indici - - - - -	-	3
communis - - - - -	-	3

## CONSERVÆ.

Conf. Acetofellæ - - - - -	-	3
Acori vulgaris - - - - -	-	3
Anthos - - - - -	-	4
Balaustiorum - - - - -	-	5
Bellidis hort. flore rubro - - - - -	-	4
Boraginis - - - - -	-	3
Calendulæ - - - - -	-	3
Cichorii - - - - -	-	3



Conf.					Uncia semis	Flor.	Cruc.
	Citrariæ	-	-	-	-	—	3
	Citri ex pulpa	-	-	-	-	—	4
	Cochleariæ	-	-	-	-	—	3
	Euphrasiæ	-	-	-	-	—	3
	Fumariæ	-	-	-	-	—	3
	Liliorum alborum	-	-	-	-	—	3
	Majoranæ	-	-	-	-	—	3
	Menthæ rubræ	-	-	-	-	—	3
	Nymphææ albæ	-	-	-	-	—	3
	Papaveris errat.	-	-	-	-	—	3
	Pæoniæ	-	-	-	-	—	3
	Rosarum Damascenarum	-	-	-	-	—	3
	rubrarum	-	-	-	-	—	4
	Scabiosæ	-	-	-	-	—	3
	Tunicæ	-	-	-	-	—	4
	Violarum	-	-	-	-	—	3
	Diacydonites simplicis	-	-	-	-	—	2
	aromatici	-	-	-	-	—	3

## OLEA COCTA, ET IN- FUSA.

Olei	Abfinthii	-	-	-	-	—	2
	Anagallidis	-	-	-	-	—	2
	Anethini	-	-	-	-	—	2
	de Capparibus	-	-	-	-	—	4
	Castoreo	-	-	-	-	—	6
	Chamæmelini	-	-	-	-	—	2
	Diacolocynthidos	-	-	-	-	—	4
	Cydoniorum	-	-	-	-	—	2
	Formicarum	-	-	-	-	—	4
	Hyperici	-	-	-	-	—	3
	Jasmini odorati	-	-	-	-	—	24
	Liliorum alborum simpl.	-	-	-	-	—	2
	Lumbricorum simplicis	-	-	-	-	—	3
	Mastichini	-	-	-	-	—	6
	Menthæ	-	-	-	-	—	2
	Nymphææ albæ	-	-	-	-	—	2
	Resolutivi	-	-	-	-	—	3
	Rosati	-	-	-	-	—	2
	Rutæ cum Oleo Lini	-	-	-	-	—	3
	Scorpionum magni	-	-	-	-	—	10
	simplicis	-	-	-	-	—	8
	Stomachici Florentini	-	-	-	-	—	12
	Verbasci flor.	-	-	-	-	—	2
	Violacei	-	-	-	-	—	2
	sive Balsami Vulnerarii	-	-	-	-	—	12







## EMPLASTRA.

		Flor.	Cruc.
Emplastri Albi cocti	—	—	2
de Baccis Lauri	—	—	4
Cicuta	—	—	4
Diachylon simpl.	—	—	2
cum Gummibus	—	—	2
Citrini	—	—	5
De Cruſta panis	—	—	6
Diaphoretici	—	—	6
Febrifugi	—	—	12
Malactici cum Gummibus	—	—	6
ſine Gummibus	—	—	3
de Meliloto	—	—	3
Nervini	—	—	6
Oxycrocei	—	—	10
de Ranis cum Mercurio	—	—	8
ſine Mercurio	—	—	6
Sandalini	—	—	3
Saponis	—	—	4
Saturnini	—	—	6
è Spermate Ceti	—	—	16
Ranarum	—	—	3
Splenetici	—	—	6
Veficatorii	—	—	8
Filii Zachariæ	—	—	4

## CERATA.

Cerati de Ammoniaco	—	—	6
Betonica	—	—	3
Diachalciteos	—	—	3
pro Hernioſis	—	—	6
Matricalis	—	—	8
Sandalini	—	—	6
Stomachici Burrhi	—	—	12
Galenii	—	—	6

## PRÆPARATA.

Æris uſti	—	—	3
Alôës lotæ	—	—	16
Aluminis uſti	—	—	4
Ammoniacci gummi	—	—	12
Ari radicum	—	—	4
Afellorum	—	—	30
Boli Armenæ	—	—	4
Ceruffæ lotæ	—	—	2



				Flor.	Cruc.
Chalcitidis	-	-	Uncia semis	—	6
Chalybis cum Aceto	-	-	-	—	8
Sulphure	-	-	-	—	8
Cinnabaris factitiæ	-	-	-	—	6
nativæ	-	-	Drachma una	—	18
-	-	-	Grana tria	—	1
Colcotharis	-	-	Uncia semis	—	3
Compositi Spertiolæ	-	-	-	—	48
Coralliorum alborum	-	-	-	—	24
rubrorum	-	-	-	—	24
Coriandri	-	-	-	—	2
Cornu Cervi usti pulverisati	-	-	-	—	4
præparati	-	-	-	—	8
Cranii humani	-	-	-	—	48
Dentium Aprorum	-	-	-	—	16
Elaterii	-	-	-	—	32
Esulæ	-	-	-	—	8
Euphorbii	-	-	-	—	12
Galbani	-	-	-	—	12
Hellebori albi	-	-	-	—	6
nigri	-	-	-	—	6
Laccæ	-	-	-	—	10
Lapidis Ætitiæ	-	-	-	—	16
Calaminaris	-	-	-	—	4
Carneoli	-	-	-	—	40
Chrysolithi	-	-	-	—	48
Cryſtalli	-	-	-	—	16
Granati Orientalis	-	-	-	—	32
Hæmatitiæ	-	-	-	—	4
Hyacinthi	-	-	-	1	—
Judaici	-	-	-	—	16
Lazuli	-	-	-	—	48
Lyncis	-	-	-	—	12
Magnetis	-	-	-	—	24
Nephritici	-	-	-	—	48
Quinque Pretioſorum mixtorum	-	-	-	1	—
Rubini	-	-	-	2	—
Sapphiri	-	-	-	1	—
Smaragdi	-	-	-	1	—
Topazii	-	-	-	—	32
Lumbricorum	-	-	-	—	8
Mandibularum Lucii piſcis	-	-	-	—	16
Margaritarum Orientalium	-	-	-	6	—
Matris Perlarum	-	-	-	—	12
Mezerei	-	-	-	—	4
Myrrhæ	-	-	-	—	16
Nihili nutriti	-	-	-	—	8
Oculorum cancri	-	-	-	—	20
Oefypi	-	-	-	—	4



	Uncia semis	Flor.	Cruc.
Opopanax	-	-	32
Pellicularum ventriculorum gallin.	-	-	8
Pilorum Leporis uft.	-	-	8
Pilarum marinarum	-	-	8
Plumbi ufti	-	-	4
Pulmonis Vulpis	-	-	8
Sagapeni	-	-	12
Sarcocollæ	-	-	12
Sanguinis Hirci	-	-	12
Scammonii	-	1	-
Scillæ	-	-	12
Serici	-	-	16
Spodii ufti	-	-	12
fossilis	-	-	56
Spongiarum uft.	-	-	8
Succini albi	-	-	24
citri	-	-	12
Styracis calamitæ	-	-	12
Terebinthinæ coctæ	-	-	8
Tutiæ	-	-	8
Ungulæ Alces	-	-	32

## AQUÆ COMPOSITÆ

Aquæ Acusticæ	-	-	-	-	12
arthriticæ	-	-	-	-	12
asthmaticæ	-	-	-	-	6
Caponis compositæ	-	-	-	-	4
Carbunculi	-	-	-	-	12
Carminativæ Dorner.	-	-	-	-	6
Cinnamomi cordialis	-	-	-	-	4
cydoniatæ	-	-	-	-	6
Confortantis usitatæ	-	-	-	-	4
Cordialis temperatæ	-	-	-	-	12
incompl.	-	-	-	-	10
five Balsami embryonum	-	-	-	-	8
Epilepticæ Langii	-	-	-	-	6
Puerorum	-	-	-	-	2
Hirundinum usitatæ	-	-	-	-	3
compositæ	-	-	-	-	6
Hystericæ five Panacis Heraclei	-	-	-	-	6
Mastichinæ	-	-	-	-	8
Nephriticæ	-	-	-	-	6
Odoriferæ compl.	-	-	-	-	10
incompl.	-	-	-	-	6
Physagogæ	-	-	-	-	6
Stomachicæ D. Höchstett.	-	-	-	-	8
Theriacalis bezoardicæ	-	-	-	-	8



Aquæ five Elixiris Vitæ Matthioli compl.  
incompl.

Uncia semis

Flor. Cruc.  
— 16  
— 10

## AQUÆ SIMPLICES CUM VINO DESTILLATÆ.

Aquæ Cinnamomi  
Liliorum convallium  
Melissæ  
Veronicæ

8  
4  
4  
4

## AQUÆ SIMPLICES SINE VINO DESTILLATÆ.

Aquæ Acetosæ

Menfura una

24

Uncia una

1

Acetofellæ

1

Agrimoniæ

1

Anagallidis

1

Artemisiæ

1

Aurantiorum florum five Naphæ

8

Betonicæ

1

Betulæ

1

Boraginis

1

Buglossi

1

Buriæ Pastoris

1

Caponis

1

Cardui benedicti

1

Mariæ

1

Caudæ equinæ

1

Centaurii

1

Ceraforum nigrorum

1

Chærefolii

1

Chamæmeli

1

Chamæpityos

1

Chelidonii

1

Cichorii

1

Cinnamomi

8

Consolidæ regiæ

1

Corticum Citri

1

Cornu Cervi ex apicibus

Uncia semis

6

Cyani

Uncia una

1

Ebuli ex baccis

1

Endiviæ.

1

Euphrasiæ

1

Fabarum ex floribus

1

Farfaræ

1

Foeniculi

1



					Flor.	Cruc.
Aquæ	Fragorum ex fructibus	-	-	Uncia una	—	I
	Fumariæ	-	-	-	—	I
	Hederæ terrestris	-	-	-	—	I
	Hirundinum simpl.	-	-	-	—	2
	Hyssopi	-	-	-	—	I
	Lactuæ	-	-	-	—	I
	Lavendulæ	-	-	-	—	I
	Levistici	-	-	-	—	I
	Liliorum convallium ex flor.	-	-	-	—	I
	alborum ex flor.	-	-	-	—	I
	Ligustri florum	-	-	-	—	I
	Majoranæ	-	-	-	—	I
	Malvæ	-	-	-	—	I
	Mellis	-	-	-	—	4
	Melissæ utriusque	-	-	-	—	I
	Menthæ	-	-	-	—	I
	Nymphææ ex flor. albis	-	-	-	—	I
	Nasturtii	-	-	-	—	I
	Omnium florum	-	-	-	—	I
	Ononidis	-	-	-	—	I
	Papaveris erratici	-	-	-	—	I
	Petroselini	-	-	-	—	I
	Pæoniæ florum	-	-	-	—	I
	Picarum	-	-	-	—	2
	Plantaginis majoris	-	-	-	—	I
	Primulæ veris	-	-	-	—	I
	Prunellæ	-	-	-	—	I
	Pulegii	-	-	-	—	I
	Rosarum albarum	-	-	-	—	I
	Damascenarum	-	-	-	—	I
	Raphani ex Radicibus	-	-	-	—	I
	Roris Majalis	-	-	-	—	I
	Rorismarini	-	-	-	—	2
	Rutæ	-	-	-	—	I
	Salviæ hortenſis	-	-	-	—	I
	Sambuci florum	-	-	-	—	I
	Saxifragiæ	-	-	-	—	I
	Scabiosæ	-	-	-	—	I
	Scordii	-	-	-	—	I
	Sempervivi majoris	-	-	-	—	I
	Solatri	-	-	-	—	I
	Spermatis Ranarum	-	-	-	—	I
	Squamariæ	-	-	-	—	I
	Taraxaci	-	-	-	—	I
	Tiliæ	-	-	-	—	I
	Tormentillæ	-	-	-	—	I
	Verbenæ	-	-	-	—	I
	Veronicæ	-	-	-	—	I
	Violarum ex flor.	-	-	-	—	I



Aquæ	Vitis ex lachrymis	—	—	—	Uncia una	Flor.	Cruc.
	Urticæ	—	—	—	—	—	2
							1

## VINA MEDICATA SIMPLICIA.

Vini	Berberum	—	—	—	—	—	2
	Cydoniorum	—	—	—	—	—	3
	Granatorum	—	—	—	—	—	8
	Ribium	—	—	—	—	—	3

## ACETA.

Aceti	de Lithargyro	—	—	—	—	—	3
	destillati	—	—	—	—	—	4
	Lavendulæ flor.	—	—	—	—	—	2
	Rosar. rubr.	—	—	—	—	—	2
	Rubi Idæi	—	—	—	—	—	1
	Rutæ	—	—	—	—	—	1
	Sambuci flor.	—	—	—	—	—	1
	Scillini	—	—	—	—	—	3
	simplicis	—	—	—	—	—	1
	Tunicæ flor.	—	—	—	—	—	2

## SPIRITUS.

Spiritus	Abfinthii	—	—	—	—	Uncia semis	3
	Anhaltini	—	—	—	—	—	12
	Anisi	—	—	—	—	—	3
	Cephalici incompleti	—	—	—	—	—	8
	Ceraforum nigrorum	—	—	—	—	—	4
	Cochleariæ	—	—	—	—	—	7
	Cornu Cervi	—	—	—	—	—	24
	Cydoniorum	—	—	—	—	—	6
	Diatrion	—	—	—	—	—	48
	Ebuli è baccis	—	—	—	—	—	6
	Foeniculi	—	—	—	—	—	2
	Formicarum	—	—	—	—	—	7
	Fragorum	—	—	—	—	—	6
	Juniperi	—	—	—	—	—	2
	Lavendulæ	—	—	—	—	—	7
	Liliorum convallium	—	—	—	—	—	8
	Lumbricorum per se facti	—	—	—	—	—	32
	cum Spiritu Vini dest.	—	—	—	—	—	7
	Melissæ	—	—	—	—	—	4
	Rosarum communis	—	—	—	—	—	24
	rectificati	—	—	—	—	—	48
	Salis Ammoniaci simplicis	—	—	—	—	Drachma una	6
	Anisati	—	—	—	—	—	8







		Flor.	Cruc.
Essentiæ Pectoralis	Drachma una	—	6
Purificantis	—	—	6
Traumaticæ	—	—	6
Trifolii fibrini	—	—	6
Tincturæ Antimonii	—	—	12
Bellidis	—	—	4
Bezoardicæ	—	—	8
Coralliorum	—	—	30
Hyperici	—	—	4
Jalapæ	—	—	6
Antiphthificæ	—	—	15
Proprietatis	—	—	6
Rosarum	—	—	2
Succini	—	—	6
Tartari	—	—	10

## OLEA DESTILLATA, ET BALSAMA.

Olei Absinthii	—	—	30
Angelicæ	—	—	45
Anisi	—	—	6
Antimonii vel Butyri Antimonii	—	—	20
Aurantiorum	—	—	30
Camphoræ	—	—	24
Carvi	—	—	4
Caryophyllorum	—	—	45
Ceræ	—	—	8
Chamæmeli Romani	—	I	—
vulgaris	—	—	30
Cinnamomi	—	3	—
Citri	—	—	20
Cumini	—	—	15
Foeniculi	—	—	12
Juniperi ex ligno	—	—	I
è Baccis	—	—	I
Lavendulæ	—	—	45
Macis	—	—	48
Majoranæ	—	—	45
Mastiches	—	—	30
Menthæ	—	—	20
Nucis moschatæ	—	—	30
Philosophorum	—	—	I
Piperis	—	—	45
ligni Rhodii	—	—	30
Rorismarini	—	—	10
Rosarum	—	3	—
Rutæ	—	—	45



			Flor.	Cruc.
Olei	Salviæ	Drachma una	—	30
	Saponis	—	—	6
	Saturni	—	—	4
	Spicæ Ital.	—	—	1
	Succini	—	—	10
	Terebinthinæ subtilioris	—	—	4
	communis	—	—	1
	Zedoariæ	—	2	—
Balsami	Apoplectici	Scrupulus unus	1	—
	Caryophyllorum	—	—	20
	Cinnamomi	—	—	40
	Citri	—	—	10
	Lavendulæ	—	—	12
	Majoranæ	—	—	12
	Nucis moschatæ	—	—	10
	Rorismarini	—	—	5
	Rosarum	—	—	20
	Rutæ	—	—	10
	Succini	—	—	5
	Sulphuris anisati	—	—	6
	terebinthinati	—	—	2

## EXTRACTA.

Extracti	Agarici	Drachma una	—	24
	Aloës	—	—	8
	Absinthii	—	—	6
	Agallochi	—	3	—
	Bryoniæ	—	—	6
	Calami aromatici	—	—	8
	Catechu	—	—	20
	Croci	—	1	30
	Cucumeris asinini	—	—	10
	Enulæ	—	—	6
	Gentianæ	—	—	6
	Guajaci	—	—	12
	Hellebori nigri	—	—	12
	Liquiritiæ	—	—	8
	Mechoacanæ nigræ	—	—	12
	Melissæ	—	—	10
	Opii	—	—	30
	Pæoniæ	—	—	8
	Rhabarbari	—	—	30
	Scammonii	—	—	30
	Tormentillæ	—	—	12
	Zedoariæ	—	—	24
	Agarici compositi	—	—	24
	Catholici	—	—	30



			Flor.	Cruc.
Extracti Diacitri	-	-	Drachma una	20
Cnicopharmaci	-	-	-	14
Gummi Gamandræ	-	-	-	30
Marocostini	-	-	-	24
Martis	-	-	-	6
Diapæonias	-	-	-	30
Panchymagogi	-	-	-	20
Phlegmagogi	-	-	-	24
Pilularum Arthriticarum	-	-	-	24
Aurearum	-	-	-	24
Foëtidarum	-	-	-	24
Theriacalis	-	-	-	6
Laudani opiatu completi	-	-	Granum unum	4
incompleti	-	-	-	3
cydoniati	-	-	-	2

## SALIA.

Cremoris vel Cryſtallorum Tartari	-	-	Uncia ſemis	4
Salis Abſinthii	-	-	Drachma una	12
Acetofellæ eſſentialis	-	-	-	20
Angelicæ	-	-	-	24
Arcani duplicati	-	-	-	6
Artemiſiæ	-	-	-	12
Betonicæ	-	-	-	12
Calendulæ	-	-	-	12
Cardui benediſti	-	-	-	12
Cauſtici, vel Cauterii potentialis	-	-	-	8
Centaurii minoris	-	-	-	12
Coralliorum	-	-	-	24
			Grana duo	1
Cornu Cervi ſuccinati liquidi	-	-	Drachma una	15
ficci	-	-	Granum unum	1
			Drachma una	48
volatilis	-	-	-	48
			Granum unum	1
Ebuli	-	-	Drachma una	12
Euphraſiæ	-	-	-	12
Fraxini	-	-	-	10
Fumariæ	-	-	-	12
Geniſtæ	-	-	-	10
Gentianæ	-	-	-	12
Hyperici	-	-	-	12
Juniperi	-	-	-	12
Lumbricorum volatilis	-	-	Granum unum	2
Meliſſæ	-	-	Drachma una	15
Nitri fixi ficci	-	-	-	6



			Flor.	Cruc.
Salis Nitri fixi soluti per deliquium	-	Drachma una	—	3
antimoniati	-	-	—	4
Oculorum Cancris	-	-	—	24
Ononidis	-	Grana duo	—	1
Pimpinellæ	-	Drachma una	—	12
Prunellæ, vel Nitri præparati	-	-	—	12
Rutæ	-	-	—	1
Saturni	-	-	—	12
Scolopendrii	-	-	—	12
Scordii	-	-	—	15
Succini volatilis	-	-	—	15
Tamarisci	-	Granum unum	—	48
Tartari emetici	-	Drachma una	—	1
fixi ficci	-	Granum unum	—	12
soluti per deliquium	-	Drachma una	—	2
volatilis	-	-	—	6
Tartari vitriolati	-	Granum unum	—	1
Valerianæ	-	Drachma una	—	12
Veronicæ	-	-	—	12
Vincetoxici	-	-	—	12
Vitrioli vomitorii	-	-	—	12
Vitrioli Martis	-	-	—	12
Elæosacchari Anisi	-	-	—	3
Aurantiorum	-	-	—	4
Carvi	-	-	—	3
Cinnamomi	-	-	—	12
Citri	-	-	—	4
Fœniculi	-	-	—	3
Macis	-	-	—	6
Nucis moschatæ	-	-	—	6

## PULVERES ET ALIA CHIMICA.

Antimonii diaphoretici	-	Drachma una	—	10
ex Regulo	-	Grana quatuor	—	1
	-	Drachma una	—	24
	-	Grana duo	—	1
Bezoardici mineralis	-	Granum unum	—	1
Cinnabaris Antimonii	-	Drachma una	—	14
Cornu Cervi aurati	-	Granum unum	—	3
philosophicè præparati	-	Drachma una	—	3
Cranii humani philosophicè præparati	-	-	—	20
Croci Martis adstringentis	-	-	—	6
aperientis	-	-	—	8
Metallorum	-	-	—	12



			Flor.	Cruc.
Croci Solis	-	Granum unum	8	
Feculæ Ari	-	Drachma una	12	
Bryoniæ	-	-	8	
Ireos	-	-	12	
Florum Antimonii alborum	-	Grana duo	1	
luteorum	-	-	2	
		Drachma una	48	
Benzoës	-	Granum unum	1	
Salis Ammoniæ	-	Drachma una	4	
Sulphuris simpl.	-	-	3	
compof.	-	-	12	
Magisterii hepatici rubri	-	-	10	
Jalapæ	-	-	48	
		Granum unum	1	
Scammonii	-	Drachma una	48	
		Granum unum	1	
Sulphuris	-	Drachma una	16	
Gummi Guttae	-	-	48	
		Granum unum	1	
Magnesiæ albæ	-	Drachma una	6	
Mercurii præcipitati albi	-	-	12	
flavi	-	-	3	
rubri	-	-	4	
sublimati corrosivi	-	-	2	
dulcis	-	-	24	
		Grana duo	1	
vitæ	-	Granum unum	1	
Specifici antifebrilis Strobelbergeri	-	Drachma una	8	
antihectici Poterii	-	-	24	
		Grana duo	1	
stomachici Poterii	-	Drachma una	24	
		Grana duo	1	
rubri, vel Pulv. cach. Lud.	-	Drachma una	12	
Sulphuris aurati Antimonii	-	-	12	
		Grana tria	1	
Vitri Antimonii	-	Drachma una	4	
Ungulæ Alces philosoph. præparatæ	-	-	15	

## HERBÆ.

Herb. Abrotoni	-	Manipulus unus	2
Abfinthii Romani	-	-	2
vulgaris	-	-	1
Acetosæ	-	-	1
Agrimoniæ	-	-	1
Alchymillæ	-	-	1
Althææ	-	-	1
Anagallidis	-	-	1



Herb.					Manipulus unus	Flor.	Cruc.
Anethi	-	-	-	-	-	1	1
Aristolochiæ longæ	-	-	-	-	-	2	2
Artemisiæ	-	-	-	-	-	1	1
Asari cum toto	-	-	-	-	-	2	2
Asari	-	-	-	-	-	1	1
Auriculæ muris	-	-	-	-	-	1	1
Basilici	-	-	-	-	-	2	2
Becabungæ	-	-	-	-	-	1	1
Bellidis	-	-	-	-	-	1	1
Betonicæ	-	-	-	-	-	1	1
Boraginis	-	-	-	-	-	1	1
Botryos	-	-	-	-	-	2	2
Brançæ ursinæ	-	-	-	-	-	1	1
Buglossi	-	-	-	-	-	1	1
Bursæ pastoris	-	-	-	-	-	1	1
Calaminthæ montanæ	-	-	-	-	-	2	2
Calendulæ	-	-	-	-	-	1	1
Capillorum Veneris	-	-	-	-	-	2	2
Cardui benedicti	-	-	-	-	-	1	1
Mariæ	-	-	-	-	-	1	1
Centaurii minoris	-	-	-	-	-	2	2
Centinodii	-	-	-	-	-	1	1
Ceterach	-	-	-	-	-	2	2
Chærefolii	-	-	-	-	-	1	1
Chamædryos	-	-	-	-	-	2	2
Chamæpityos	-	-	-	-	-	2	2
Chelidonii majoris	-	-	-	-	-	1	1
Cichorii	-	-	-	-	-	1	1
Cicutæ	-	-	-	-	-	1	1
Cochleariæ	-	-	-	-	-	2	2
Consolidæ mediæ	-	-	-	-	-	1	1
Saracenicæ	-	-	-	-	-	1	1
Corallinæ	-	-	-	-	-	6	6
Cupressi	-	-	-	-	-	2	2
Cuscutæ	-	-	-	-	-	1	1
Dictamni Cretici cum stipitibus	-	-	-	-	-	4	4
sine stipitibus	-	-	-	-	-	8	8
Ebuli	-	-	-	-	-	1	1
Endiviæ hortensis	-	-	-	-	-	1	1
sylvestris	-	-	-	-	-	1	1
Epithymi	-	-	-	-	-	3	3
Equiseti	-	-	-	-	-	1	1
Eupatorii Avicennæ	-	-	-	-	-	1	1
Mesuæ	-	-	-	-	-	2	2
Euphrasiæ	-	-	-	-	-	1	1
Farfaræ	-	-	-	-	-	1	1
Fœniculi	-	-	-	-	-	1	1
Fragariæ	-	-	-	-	-	1	1
Fumariæ	-	-	-	-	-	1	1



Herb.		Manipulus unus	Flor.	Cruc.
Galegæ	- - -	-	-	2
Gallitrichi	- - -	-	-	2
Geranii	- - -	-	-	1
Gratiolæ	- - -	-	-	4
Hederæ arboreæ	- - -	-	-	1
terrestris	- - -	-	-	1
Hellebori nigri	- - -	-	-	1
Hepaticæ	- - -	-	-	1
Herniariæ	- - -	-	-	4
Hyoscyami	- - -	-	-	1
Hyperici	- - -	-	-	1
Hyssopi	- - -	-	-	1
Ivæ arthericæ vid. Chamæpityos	- - -	-	-	2
Juniperi summitatum	- - -	-	-	1
Lactucæ	- - -	-	-	1
Lavendulæ	- - -	-	-	2
Lauri	- - -	-	-	2
Levistici	- - -	-	-	1
Lichenis	- - -	-	-	2
Linariæ	- - -	-	-	1
Lupuli	- - -	-	-	1
Majoranæ	- - -	-	-	3
Malvæ	- - -	-	-	1
Marrubii	- - -	-	-	2
Mari veri	- - -	-	-	24
Matricariæ	- - -	-	-	1
Matrisylvæ	- - -	-	-	1
Meliloti citrinæ	- - -	-	-	1
Melissæ	- - -	-	-	2
Melissophylli	- - -	-	-	2
Menthæ aquaticæ	- - -	-	-	1
crispæ	- - -	-	-	1
rubræ	- - -	-	-	1
Mentastri	- - -	-	-	1
Mercurialis	- - -	-	-	1
Millefolii	- - -	-	-	1
Musci querni	- - -	-	-	1
Pruni sylv.	- - -	-	-	1
Nasturtii aquatici	- - -	-	-	1
Nicotianæ maris	- - -	-	-	1
Numulariæ	- - -	-	-	1
Nucum	- - -	-	-	1
Nymphææ	- - -	-	-	1
Ophioglossi	- - -	-	-	3
Origani vulg.	- - -	-	-	1
Cretici	- - -	-	-	6
Parietariæ	- - -	-	-	1
Pentaphylli	- - -	-	-	1
Perfoliatæ	- - -	-	-	1



Herb.						Flor.	Cruc.
Perficariæ	-	-	-	-	Manipulus unus	—	1
Petroselini	-	-	-	-	-	—	1
Pimpinellæ utriusque	-	-	-	-	-	—	1
Plantaginis majoris	-	-	-	-	-	—	1
minoris	-	-	-	-	-	—	1
Polii veri	-	-	-	-	-	—	6
Polytrichi aurei	-	-	-	-	-	—	2
Potentillæ	-	-	-	-	-	—	1
Primulæ veris	-	-	-	-	-	—	1
Prunellæ	-	-	-	-	-	—	1
Pulegii	-	-	-	-	-	—	2
Pulmonariæ	-	-	-	-	-	—	1
Pyrolæ	-	-	-	-	-	—	1
Quercus	-	-	-	-	-	—	1
Restæ bovis	-	-	-	-	-	—	1
Rorismarini	-	-	-	-	-	—	3
Rutæ hortensis	-	-	-	-	-	—	1
murariæ	-	-	-	-	-	—	4
Salicis	-	-	-	-	-	—	1
Salviæ domesticæ majoris	-	-	-	-	-	—	1
minoris	-	-	-	-	-	—	2
sylvestris	-	-	-	-	-	—	1
Sambuci turionum	-	-	-	-	-	—	2
Saniculæ	-	-	-	-	-	—	1
Saponariæ	-	-	-	-	-	—	1
Saturejæ	-	-	-	-	-	—	1
Sabinæ	-	-	-	-	-	—	1
Saxifragiæ	-	-	-	-	-	—	1
Scabiosæ	-	-	-	-	-	—	1
Scolopendrii	-	-	-	-	-	—	1
Scordii nostri	-	-	-	-	-	—	2
Cretici cum stipitibus	-	-	-	-	-	—	4
fine stipitibus	-	-	-	-	-	—	8
Schoenanthi in forte	-	-	-	-	Uncia semis	—	8
electi	-	-	-	-	-	—	16
Senæ in forte	-	-	-	-	-	—	4
electæ	-	-	-	-	-	—	6
folliculorum	-	-	-	-	-	—	4
Senecionis	-	-	-	-	Manipulus unus	—	1
Serpylli	-	-	-	-	-	—	1
Solatri	-	-	-	-	-	—	1
Soldanellæ	-	-	-	-	-	—	4
Tamarisci	-	-	-	-	-	—	1
Tanaceti	-	-	-	-	-	—	1
Thee	-	-	-	-	Uncia semis	—	24
Thymi nostratis	-	-	-	-	Manipulus unus	—	3
Cretici	-	-	-	-	-	—	6
Trichomanes	-	-	-	-	-	—	2
Trifolii fibrini	-	-	-	-	-	—	1



				Flor.	Cruc.
Herb. Verbasci	-	-	Manipulus unus	—	I
Verbenæ	-	-		—	I
Veronicæ	-	-		—	I
Vincæ pervincæ	-	-		—	I
Violaria	-	-		—	I
Urticæ Romanæ	-	-		—	I
Uvæ lupinæ	-	-		—	I
Uvularia	-	-		—	3

## FLORES.

Flor. Acaciæ	-	-	Pugillus unus	—	I
Anthos	-	-		—	4
Aurantiorum	-	-		—	4
Balaustiorum	-	-		—	3
Betonica	-	-		—	I
Bellidis	-	-		—	I
Boraginis	-	-		—	I
Buglossi	-	-		—	I
Calendulæ	-	-		—	I
Carthami	-	-		—	I
Chamæmeli nostratis	-	-	Manipulus unus	—	I
Romani	-	-	Pugillus unus	—	I
Cheyri	-	-		—	3
Cichorii	-	-		—	I
Consolidæ regalis	-	-		—	I
Cyani	-	-		—	I
Croci Liliorum alborum	-	-		—	2
Euphrasie in caliculis	-	-		—	I
exceptorum	-	-		—	2
Fabarum	-	-		—	I
Farfaræ	-	-		—	I
Genistæ	-	-		—	I
Lavendulæ	-	-	Uncia semis	—	6
Ligustri	-	-	Pugillus unus	—	I
Liliorum alborum	-	-		—	I
convallium	-	-		—	2
Lupuli	-	-		—	I
Malvæ sylvestris	-	-		—	I
hortensis	-	-		—	I
Melissophylli	-	-		—	2
Nymphææ albæ	-	-		—	I
Papaveris erratici	-	-		—	I
Pæoniæ	-	-		—	I
Primulæ veris absque caliculis	-	-		—	2
in caliculis	-	-		—	I
Prunellæ	-	-		—	I
Ranunculi	-	-		—	I



Flor.	Rosarum albarum	-	-	Pugillus unus	Flor.	Cruc.
	Damascenarum	-	-	-		I
	rubrarum integrarum	-	-	-		I
	decifarum	-	-	-		I
	Sambuci	-	-	-		8
	Salviæ	-	-	-		$\frac{1}{2}$
	Scabiosæ	-	-	-		I
	Siliginis	-	-	-		$\frac{1}{2}$
	Spicæ hortensis	-	-	-		2
	Celticæ	-	-	-		I
	Indicæ	-	-	-		I
	Schoenanthi in forte	-	-	-		24
	electorum	-	-	-		2
	Stoechadis Arabicæ	-	-	-		4
	citrinæ	-	-	-		I
	Tiliæ	-	-	-		$\frac{1}{2}$
	Tunicæ	-	-	-		$\frac{1}{2}$
	Verbasci	-	-	-		2
	Violarum	-	-	-		I
		-	-	-		6

## SEMINA.

Sem. Acetosæ	-	-	-	-		2
Agni casti	-	-	-	-		4
Althææ	-	-	-	-		2
Ammeos	-	-	-	-		4
Anethi	-	-	-	-		2
Angelicæ	-	-	-	-		4
Anisi	-	-	-	-		I
Antheræ	-	-	-	-		2
Apii	-	-	-	-		3
Aquilegiæ	-	-	-	-		4
Asparagi	-	-	-	-		2
Aurantiorum integrorum	-	-	-	-		2
excorticorum	-	-	-	-		10
Bardanæ	-	-	-	-		I
Basilici	-	-	-	-		4
Berberum	-	-	-	-		I
Bombacis excorticorum	-	-	-	-		12
Brançæ ursinæ	-	-	-	-		I
Cannabis	-	-	-	-		$\frac{1}{2}$
Cardui benedicti	-	-	-	-		2
Mariæ	-	-	-	-		2
Carthami integrorum	-	-	-	-		2
excorticorum	-	-	-	-		10
Carvi	-	-	-	-		I
Cataputiæ majoris	-	-	-	-		I
minoris	-	-	-	-		4



				Uncia femis	Flor.	Cruc.
Sem. Chærefolii	-	-	-	-	—	2
Cicerum utr.	-	-	-	-	—	1
Cichorii	-	-	-	-	—	2
Cinæ	-	-	-	-	—	6
Citri non excorticatorum	-	-	-	-	—	3
excorticatorum	-	-	-	-	—	10
Citrulli integrorum	-	-	-	-	—	2
excorticatorum	-	-	-	-	—	4
Cochleariæ	-	-	-	-	—	10
Colocynthis	-	-	-	-	—	1
Coriandri	-	-	-	-	—	1
Cucumeris integrorum	-	-	-	-	—	2
excorticatorum	-	-	-	-	—	6
Cucurbitæ integrorum	-	-	-	-	—	2
excorticatorum	-	-	-	-	—	4
Cumini	-	-	-	-	—	2
Cydoniorum	-	-	-	-	—	10
Cynosbati	-	-	-	-	—	2
Dauci Cretici	-	-	-	-	—	5
sylvestris	-	-	-	-	—	1
Ebuli	-	-	-	-	—	1
Endiviæ	-	-	-	-	—	3
Erucæ	-	-	-	-	—	1
Fabarum majorum	-	-	-	-	—	1
Foeniculi Cretici	-	-	-	-	—	2
nostri	-	-	-	-	—	1
Fœnugræci	-	-	-	-	—	1
Fraxini	-	-	-	-	—	2
Fumariæ	-	-	-	-	—	4
Genistæ	-	-	-	-	—	2
Hordei crudi	-	-	-	-	—	1
excorticati	-	-	-	-	—	1
Hyoscyami	-	-	-	-	—	1
Hyperici	-	-	-	-	—	4
Lactucæ	-	-	-	-	—	3
Lapathi acuti	-	-	-	-	—	1
Lentium	-	-	-	-	—	1
Levistici	-	-	-	-	—	2
Lini	-	-	-	-	—	1
Lupini	-	-	-	-	—	2
Lycopodii	-	-	-	-	—	6
Majoranæ	-	-	-	-	—	8
Malvæ	-	-	-	-	—	2
Melonum integrorum	-	-	-	-	—	2
excorticatorum	-	-	-	-	—	4
Mespilorum	-	-	-	-	—	1
Milii integr.	-	-	-	-	—	1
excort.	-	-	-	-	—	1
Solis	-	-	-	-	—	1



Sem.	Napi					Uncia femis	Flor.	Cruc.
	Nasturtii	-	-	-	-	-	—	2
	Nigellæ	-	-	-	-	-	—	2
	Orobi	-	-	-	-	-	—	2
	Pæoniæ integrorum	-	-	-	-	-	—	2
	excorticatorum	-	-	-	-	-	—	6
	Papaveris albi	-	-	-	-	-	—	3
	nigri	-	-	-	-	-	—	1
	Pastinacæ	-	-	-	-	-	—	2
	Perfoliatæ	-	-	-	-	-	—	2
	Petroselinæ Macedonici	-	-	-	-	-	—	16
	nostratis	-	-	-	-	-	—	2
	Phaseoli	-	-	-	-	-	—	1
	Plantaginis	-	-	-	-	-	—	1
	Portulacæ	-	-	-	-	-	—	3
	Psylli	-	-	-	-	-	—	2
	Raparum	-	-	-	-	-	—	2
	Raphani	-	-	-	-	-	—	2
	Rufci	-	-	-	-	-	—	2
	Rutæ	-	-	-	-	-	—	4
	Saxifragiæ	-	-	-	-	-	—	4
	Scariolæ	-	-	-	-	-	—	3
	Sesami	-	-	-	-	-	—	1
	Sesileos	-	-	-	-	-	—	6
	Sileris montani	-	-	-	-	-	—	1
	Sinapis	-	-	-	-	-	—	1
	Staphidis agriæ	-	-	-	-	-	—	2
	Sumach	-	-	-	-	-	—	3
	Thlaspios	-	-	-	-	-	—	3
	Violarum	-	-	-	-	-	—	16
	Urticæ nostratis	-	-	-	-	-	—	2
	Romanæ	-	-	-	-	-	—	3

## RADICES.

Rad.	Acetosæ	-	-	-	-	-	—	2
	Acori vulgaris	-	-	-	-	-	—	1
	Allii	-	-	-	-	-	—	1
	Althææ	-	-	-	-	-	—	2
	Amaræ dulcis	-	-	-	-	-	—	2
	Anchusæ	-	-	-	-	-	—	2
	Angelicæ fylvestris	-	-	-	-	-	—	1
	veræ	-	-	-	-	-	—	3
	Apii	-	-	-	-	-	—	2
	Aristolochiæ longæ veræ	-	-	-	-	-	—	4
	communis	-	-	-	-	-	—	2
	rotundæ veræ	-	-	-	-	-	—	4
	communis	-	-	-	-	-	—	1



						Flor.	Cruc.
Rad. Ari	-	-	-	-	Uncia femis	—	3
Asari	-	-	-	-	-	—	3
Asparagi	-	-	-	-	-	—	1
Asphodeli	-	-	-	-	-	—	2
Bardanae majoris	-	-	-	-	-	—	1
Been utriusque	-	-	-	-	-	—	2
Biftortæ	-	-	-	-	-	—	2
Boraginis	-	-	-	-	-	—	1
Bryoniae	-	-	-	-	-	—	1
Buglossi	-	-	-	-	-	—	2
Calami aromatici	-	-	-	-	-	—	2
Capparum	-	-	-	-	-	—	2
Cardopatiæ	-	-	-	-	-	—	2
Cardui benedicti	-	-	-	-	-	—	1
Caryophyllatæ	-	-	-	-	-	—	2
Chelidonii majoris	-	-	-	-	-	—	1
Chinae electæ	-	-	-	-	-	—	12
Cichorii	-	-	-	-	-	—	2
Consolidæ majoris	-	-	-	-	-	—	1
Contrayervæ	-	-	-	-	-	—	16
Costi	-	-	-	-	-	—	8
Cucumeris asinini	-	-	-	-	-	—	2
Curcumæ	-	-	-	-	-	—	3
Cyclaminis	-	-	-	-	-	—	3
Cyperi utriusque	-	-	-	-	-	—	4
Dictamni albi	-	-	-	-	-	—	2
Doronici montani	-	-	-	-	-	—	2
Romani	-	-	-	-	-	—	4
Ebuli	-	-	-	-	-	—	2
Enulæ	-	-	-	-	-	—	2
Eryngii	-	-	-	-	-	—	2
Farfaræ	-	-	-	-	-	—	1
Filicis	-	-	-	-	-	—	2
Filipendulæ	-	-	-	-	-	—	2
Foeniculi	-	-	-	-	-	—	2
Fragariæ	-	-	-	-	-	—	2
Galangæ majoris	-	-	-	-	-	—	6
minoris	-	-	-	-	-	—	8
Gentianæ	-	-	-	-	-	—	1
Glycyrrhizæ rasæ	-	-	-	-	-	—	2
recentis	-	-	-	-	-	—	1
Graminis	-	-	-	-	-	—	1
Hellebori albi	-	-	-	-	-	—	1
nigri	-	-	-	-	-	—	2
Hermodactyli veri	-	-	-	-	-	—	6
Hyoscyami	-	-	-	-	-	—	1
Jalapæ	-	-	-	-	-	—	8
Ipecacuanhæ	-	-	-	-	Drachma una	—	30
Ireos Illyricæ	-	-	-	-	Uncia femis	—	2



Rad. Ireos nostratis	-	-	-	Uncia femis	Flor.	Cruc.
Lapathi acuti	-	-	-	-	-	1
Levistici	-	-	-	-	-	1
Liliorum alborum	-	-	-	-	-	2
Malvæ	-	-	-	-	-	3
Mandragoræ	-	-	-	-	-	1
Mechoacanæ albæ	-	-	-	-	-	2
Mei	-	-	-	-	-	8
Morsus diaboli	-	-	-	-	-	2
Nymphææ	-	-	-	-	-	1
Ostrutii	-	-	-	-	-	2
Pæoniæ	-	-	-	-	-	2
Pentaphylli	-	-	-	-	-	2
Petasitæ	-	-	-	-	-	2
Petrofelini	-	-	-	-	-	1
Peucedani	-	-	-	-	-	2
Phu nostri	-	-	-	-	-	2
Pontici	-	-	-	-	-	2
Pimpinellæ	-	-	-	-	-	6
Plantaginis majoris	-	-	-	-	-	2
Polypodii querni	-	-	-	-	-	1
Pyrethri	-	-	-	-	-	2
Restæ bovis	-	-	-	-	-	4
Rhabarbari veri	-	-	-	-	-	1
Monachorum	-	-	-	-	-	36
Rhapontici montani	-	-	-	-	-	2
veri	-	-	-	-	-	2
Rhodizæ	-	-	-	-	-	12
Rubiæ tinctorum	-	-	-	-	-	2
Rusci	-	-	-	-	-	2
Saniculæ albæ montanæ	-	-	-	-	-	2
nostratis	-	-	-	-	-	1
Sarsaparigliæ incisæ	-	-	-	-	-	6
Satyrii	-	-	-	-	-	4
Saxifragiæ albæ	-	-	-	-	-	3
Scorzonæræ	-	-	-	-	-	3
Scrophulariæ	-	-	-	-	-	1
Sigilli Salomonis	-	-	-	-	-	2
Taraxaci	-	-	-	-	-	1
Telephii	-	-	-	-	-	2
Tormentillæ	-	-	-	-	-	2
Turbith	-	-	-	-	-	16
Victorialis longæ	-	-	-	Numero una	-	1
rotundæ	-	-	-	duæ	-	1
Vincetoxici	-	-	-	Uncia femis	-	1
Urticæ	-	-	-	-	-	1
Zedoariæ	-	-	-	-	-	6



## CORTICES.

					Flor.	Cruc.
Cort. Acaciæ	-	-	-	Uncia semis	---	I
Aurantiorum	-	-	-	-	---	3
Castanearum	-	-	-	-	---	2
Chin - chinæ	-	-	-	-	---	16
Citri	-	-	-	-	---	3
Cydoniorum	-	-	-	-	---	I
Ebuli med.	-	-	-	-	---	2
Frangulæ	-	-	-	-	---	I
Fraxini	-	-	-	-	---	I
Granatorum	-	-	-	-	---	I
Guajaci	-	-	-	-	---	2
Rhamni	-	-	-	-	---	I
Sambuci med.	-	-	-	-	---	2
Tamarisci	-	-	-	-	---	I
Thymiamatis	-	-	-	-	---	2

## LIGNA.

Lign. Aloës resinosi	-	-	-	-	---	44
Aspalathi	-	-	-	-	---	8
Cupressi	-	-	-	-	---	2
Guajaci	-	-	-	-	---	I
Hederæ arboreæ	-	-	-	-	---	I
Juniperi	-	-	-	-	---	I
Lentisci	-	-	-	-	---	4
Nephritici	-	-	-	-	---	8
Rhodii	-	-	-	-	---	2
Sandali albi	-	-	-	-	---	4
citrini	-	-	-	-	---	6
rubri	-	-	-	-	---	4
Sassafras	-	-	-	-	---	3
Tamarisci	-	-	-	-	---	I
Visci corylini	-	-	-	-	---	6
pomacei	-	-	-	-	---	2
pirorum	-	-	-	-	---	2
querni	-	-	-	-	---	3

## FRUCTUS ET FUNGI.

Agarici albi	-	-	-	-	---	8
Fruct. Alkekingi	-	-	-	-	---	2
Amygdalorum amarorum	-	-	-	-	---	2
dulcium	-	-	-	-	---	I
Anacardiorum	-	-	-	-	---	6



					Flor.	Cruc.
Fruēt.	Aurantiorum Num. 1.	-	-	<i>ad æquum &amp; bonum.</i>	—	—
	Berberum ficcorum	-	-	Uncia semis	—	1
	Caricarum	-	-	-	—	$\frac{1}{2}$
	Cassiae fistularis	-	-	-	—	2
	Ceraforum acidorum	-	-	-	—	1
	Cydoniorum ficcorum	-	-	-	—	3
	Citriorum Num. 1.	-	-	<i>ad æquum &amp; bonum.</i>	—	—
	Coculae di Levante	-	-	-	—	4
	Colocynthis cum semine	-	-	-	—	5
	pulpæ	-	-	-	—	12
	Conorum Cupressi	-	-	-	—	2
	Cornorum ficcorum	-	-	-	—	1
	Cynosbati integrorum	-	-	-	—	1
	excorticorum	-	-	-	—	2
	Dactylorum	-	-	-	—	3
	Gallarum	-	-	-	—	1
	Glandium	-	-	-	—	$\frac{1}{2}$
	calycum	-	-	-	—	$\frac{1}{2}$
	Granatorum Num. 1.	-	-	<i>ad æquum &amp; bonum.</i>	—	—
	Granorum tinctorum	-	-	Uncia semis	—	16
	Hederæ arboreæ	-	-	-	—	4
	Jujubarum	-	-	-	—	3
	Juniperi	-	-	-	—	$\frac{1}{2}$
	Lauri	-	-	-	—	1
	Mespilorum ficcorum	-	-	-	—	1
	Myrobalanorum omnium	-	-	-	—	6
	Myrti Italicae	-	-	-	—	3
	Myrtillorum	-	-	-	—	2
	Nucleorum Persicorum	-	-	-	—	2
	Pineorum	-	-	-	—	2
	Pistaciorum	-	-	-	—	10
	Nucis Vomicae	-	-	-	—	4
	Oculorum Populi	-	-	-	—	$\frac{1}{2}$
	Capitum Papaveris	-	-	Numero unum	—	$\frac{1}{2}$ vel 1
	Paris baccarum	-	-	Uncia semis	—	8
	Passularum majorum	-	-	-	—	—
	minorum	-	-	<i>ad æquum &amp; bonum.</i>	—	—
	Prunorum Damascenorum	-	-	-	—	—
	sylvestrium	-	-	Uncia semis	—	$\frac{1}{2}$
	Sambuci ficcorum	-	-	-	—	1
	Sebesten	-	-	-	—	3
	Siliquarum	-	-	-	—	$\frac{1}{2}$
	Sorborum ficc.	-	-	-	—	2
	Tamarindorum exoss.	-	-	-	—	6
	Tribulorum aquaticorum	-	-	-	—	2
	Zibeborum	-	-	<i>ad æquum &amp; bonum.</i>	—	—
	Boleti cervini	-	-	Uncia semis	—	4
	Fungi dicti Crepitus Lupi	-	-	-	—	4
	Sambuci	-	-	Numero unus	—	1



## SUCCI LIQUIDI.

					Flor.	Cruc.
Succi Acetosaë	-	-	-	Uncia semis	—	1
Acetofellæ	-	-	-	-	—	2
Becabungæ	-	-	-	-	—	1
Berberum	-	-	-	-	—	1
Betonicæ	-	-	-	-	—	2
Boraginis	-	-	-	-	—	1
Cichorii	-	-	-	-	—	1
Cydoniorum	-	-	-	-	—	1
Fumariæ	-	-	-	-	—	1
Granatorum	-	-	-	-	—	4
Limonum, vulgò etiam Citri	-	-	-	-	—	3
Plantaginis	-	-	-	-	—	1
Rolarum, vulgò Muchari	-	-	-	-	—	4
Sempervivi majoris	-	-	-	-	—	1
Solatri	-	-	-	-	—	2

## SUCCI CONCRETI.

Succi Acaciæ nostratis	-	-	-	-	—	4
veræ	-	-	-	-	—	8
Agerati inspissati	-	-	-	-	—	32
Aloës hepaticæ	-	-	-	-	—	8
Socotrinæ	-	-	-	-	—	12
Catechu	-	-	-	-	—	24
Glycyrrhizæ	-	-	-	-	—	2
Guttæ Gamandæ	-	-	-	-	—	24
				Grana duo	—	1
Hypocistidis	-	-	-	Uncia semis	—	4
Iridis nostr. inspissati	-	-	-	-	—	32
Mannæ Calabrinæ in forte	-	-	-	-	—	6
electæ	-	-	-	-	—	8
Opii Thebaici	-	-	-	-	—	16
Sanguinis Draconis communis	-	-	-	-	—	12
optimi	-	-	-	-	—	24
Scammonii	-	-	-	-	—	48
Scordii inspissati	-	-	-	-	—	32
Tartari albi	-	-	-	-	—	1
rubri	-	-	-	-	—	1/2

## GUMMIA.

Ambraë griseæ	-	-	-	Granum unum	—	8
Gummi Ammoniæ in forte	-	-	-	Uncia semis	—	6
electi	-	-	-	-	—	8

Gummi



			Flor.	Cruc.
Gummi	Animæ	Uncia semis	—	10
	Arabici in forte	—	—	1
	electi	—	—	2
	Asphalti	—	—	4
	Asæ dulcis	—	—	10
	foetidæ	—	—	6
	Balsami Ægyptiaci, five Opobalsami	—	I	30
	de Copaiva	—	—	24
	Hispanici sicci, five Tolutani	—	I	—
	Peruviani, five Indici nigri	—	—	40
	Bdellii	—	—	8
	Carannæ	—	—	16
	Camphoræ	—	—	12
	Ceraforum	—	—	2
	Elemi	—	—	8
	Euphorbii	—	—	6
	Galbani in forte	—	—	6
	granis	—	—	12
	Hederæ	—	—	8
	Ladani	—	—	4
	Laccæ in forte	—	—	4
	electæ	—	—	8
	Mastiches in forte	—	—	4
	electæ	—	—	8
	in granis	—	—	12
	Myrrhæ in forte	—	—	6
	electæ	—	—	10
	Opopanax	—	—	16
	Petrolei	—	—	4
	Picis Græcæ, vel Colophonæ	—	—	I
	nigræ, vel navalis	—	—	I
	Resinæ albæ	—	—	I
	citrinæ	—	—	1/2
	Sagapeni in forte	—	—	6
	electi	—	—	12
	Sandaracæ in forte	—	—	4
	electæ	—	—	8
	Sarcocollæ in forte	—	—	6
	electæ	—	—	12
	Styracis calam. ordinarii	—	—	12
	electi	—	—	16
	in granis	—	—	—
	liquidi	—	—	—
	Succini albi	—	—	12
	flavi	—	—	3
	Tacamahacæ	—	—	12
	Terebinthinæ communis	—	—	I
	pellucidæ Venetæ	—	—	2
	pellucidæ Cypriæ	—	—	6
	Thuris in forte	—	—	2
	electi	—	—	4

secundum equum &amp; bonum.

Uncia semis



					Flor.	Cruc.
Thuris in granis	-	-	-	-	Uncia semis	8
Tragacanthi in forte	-	-	-	-		4
electi	-	-	-	-		8

## AROMATA.

Amomi veri	-	-	-	-		16
Anthophyllorum	-	-	-	-		20
Cardamomi	-	-	-	-		12
Caryophyllorum	-	-	-	-		12
Cassiae lignae	-	-	-	-		8
Cinnamomi	-	-	-	-		12
Costi Indici, five Canellae albæ	-	-	-	-		8
Croci Orientalis	-	-	-	-		48
Austriaci	-	-	-	-	I	20
Cubebæ	-	-	-	-		4
Granorum Paradisi	-	-	-	-		2
Macis	-	-	-	-		18
Nucis moschatæ	-	-	-	-		8
Piperis albi	-	-	-	-		6
longi	-	-	-	-		8
nigri	-	-	-	-		
Zingiberis	-	-	-	-		

*secundum æquum & bonum.*

Uncia semis

## PINGUEDINES.

Axungiae Anatis	-	-	-	-		4
Anseris	-	-	-	-		2
Ardeæ	-	-	-	-		12
Canis	-	-	-	-		2
Cati sylvestris	-	-	-	-		4
Capi	-	-	-	-		3
Castorei	-	-	-	-	I	
Coturnicis	-	-	-	-		12
Cuniculi	-	-	-	-		8
Cygni	-	-	-	-		16
Equi	-	-	-	-		2
Gallinæ	-	-	-	-		3
Hominis	-	-	-	-		16
Leporis	-	-	-	-		8
Lupi	-	-	-	-		4
Lucii piscis	-	-	-	-		8
Muris montani	-	-	-	-		8
Porci	-	-	-	-		1
Serpentum	-	-	-	-		45
Taxi	-	-	-	-		2
Thymalli	-	-	-	-		12
Viperarum	-	-	-	-	I	30
Ursi	-	-	-	-		4
Vulpis	-	-	-	-		2
Butyri caprini	-	-	-	-		2

SEBA.



## SEBA.

Sebi cervini	Uncia semis	1
hircini		1

## MEDULLÆ.

Medullæ Cervi		6
Vituli		4

## OSSA &amp;c.

Cornu cervini crudi		1
rasuræ		4
Crani humani		24
Dentium Aprorum		8
Equi marini		24
Eboris rasuræ		4
Lucii mandibularum		6
Matris perlarum		6
Offis de corde Cervi	Numero unum	6
Sepiæ		1. vel 2
Talorum Cervi		2
Leporis		2
Ungulæ Alces	Uncia semis	16
Unicornu marini	Granum unum	$\frac{1}{2}$

ALIA AB ANIMALIBUS  
DESUMTA.

Ægagropilæ		3
Albi Græci	Uncia semis	2
Bufonum	Numero unus	3. vel 4
pulverifatorum	Uncia semis	12
Cancrorum oculorum		12
Cantharidum		8
Carpionum lapidum	Numero duo	1
Castorei	Drachma una	15
Ceræ albæ Venetæ	Uncia semis	3
citrinæ		2
Cervi genitalis		8
pulverifati		16
Cochenillæ	Drachma una	10
Fellis bubuli inspissati		6
Ichthyocollæ	Uncia semis	6
Lanæ succidæ		2
Lapidis Bezōar Orientalis	Granum unum	6
Occidentalis		2
Margaritarum Orientalium	<i>ad æquum &amp; bonum.</i>	
Mofchi	Granum unum	5
Mumiæ	Uncia semis	8
Muscerdæ		4



					Flor.	Crac.
Nidi hirundinum	-	-	-	Uncia semis	—	1
Oculorum Lucii piscis	-	-	-	-	—	48
Pavonis excrementi	-	-	-	-	—	2
Propoleos	-	-	-	-	—	1
Scinci Marini	-	-	-	Numero unus	—	24
Spermatis Ceti	-	-	-	Drachma una	—	12
Testiculorum equinorum pulverifatorum	-	-	-	Uncia semis	—	24
Trutarum Lapidum	-	-	-	-	—	24
Zibethi	-	-	-	Granum unum	—	5

## METALLA ET MINERALIA.

Æris florum	-	-	-	Uncia semis	—	8
squamæ crassæ	-	-	-	-	—	3
tenuis	-	-	-	-	—	6
Aluminis plumosi	-	-	-	-	—	2
saccharini	-	-	-	-	—	3
vulgaris	-	-	-	-	—	1 1/2
Antimonii	-	-	-	-	—	1
Auri foliorum	-	-	-	Numero unum	—	2
Argenti foliorum	-	-	-	duo	—	2
vivi	-	-	-	Uncia semis	—	6
Arsenici albi	-	-	-	-	—	2
citrini	-	-	-	-	—	2
Auripigmenti	-	-	-	-	—	2
Boracis Venetæ	-	-	-	-	—	8
Cerussæ Venetæ	-	-	-	-	—	1 1/2
Chalybis limaturæ	-	-	-	-	—	1
Fellis Vitri	-	-	-	-	—	1
Ferri Florum	-	-	-	-	—	8
Scoriæ	-	-	-	-	—	1 1/2
Lapidis Calaminaris	-	-	-	-	—	1
Lithargyri Argenti	-	-	-	-	—	1 1/2
Auri	-	-	-	-	—	1 1/2
Marcafitæ	-	-	-	-	—	2
Minii	-	-	-	-	—	1
Nihili albi	-	-	-	-	—	2
Salis Ammoniaci	-	-	-	-	—	3
Gemmei	-	-	-	-	—	2
Nitri	-	-	-	-	—	1
Sulphuris caballini	-	-	-	-	—	1
citrini	-	-	-	-	—	1 1/2
vivi vel grisei	-	-	-	-	—	2
Talci	-	-	-	-	—	3
Tutix	-	-	-	-	—	4
Viridis æris	-	-	-	-	—	4
Vitrioli albi	-	-	-	-	—	2
Hungarici	-	-	-	-	—	1
vulgaris	-	-	-	-	—	1 1/2



## TERRÆ.

					Flor.	Cruc.
Boli Armenæ	-	-	-	-	Uncia semis	2
rubræ communis	-	-	-	-	-	1
Terræ sigillatæ Strigenfis	-	-	-	-	-	8
Turcicæ	-	-	-	-	-	16

## LAPIDES.


Lap. Alabastri	-	-	-	-	-	1
Ætitæ Num. 1.	-	-	-	-	<i>secundum magnitudinem.</i>	-
Coralliorum alborum	-	-	-	-	Uncia semis	6
rubrorum	-	-	-	-	-	6
Cryftalli	-	-	-	-	-	1
Hæmatitæ	-	-	-	-	-	2
Judaici	-	-	-	-	-	4
Lyncis	-	-	-	-	-	3
Nephritici	-	-	-	-	-	12
Osteocollæ	-	-	-	-	-	2
Pumicis	-	-	-	-	-	1
Smiridis	-	-	-	-	-	1
Specularis	-	-	-	-	-	1
Spodii fossilis	-	-	-	-	-	48
Spongia	-	-	-	-	-	2

## PRO MEDICAMENTORUM QUORUNDAM PRÆPARATIONE.

Pro Cataplasmate	-	-	-	-	-	5
Clysteris decoctione	-	-	-	-	-	6
adplicatione	-	-	-	-	-	20
Tabularum & Morfellorum confectio	-	-	-	-	-	6
Decocto communi	-	-	-	-	-	4
Pro Decocto in diplomate	-	-	-	-	-	8
lignorum ad dimidias	-	-	-	-	-	10
Destillat. Caponis	-	-	-	-	-	24
in M. B. vel Arena, vel Vesica pro die	-	-	-	-	-	30
Emplastr. in corio cum Sindone, pro magnitudine	-	-	-	-	-	16. vel
	-	-	-	-	-	24
Potione purgante, per infusionem parata	-	-	-	-	-	4
Sacculo ex Sindone, juxta magnitudinem	-	-	-	-	-	4. 8.
	-	-	-	-	-	vel 10
Emulsione	-	-	-	-	-	4
Aliorum Medicamentorum præparatio	-	-	-	-	-	1. vel 2

IN.





# INDEX

## TITULORUM GENERALIUM TAXÆ.

<b>A</b> Ceta.	pag. 16	Medullæ Animalium. Vid. ab Animalibus	
Ab Animalibus desumta, ut Medullæ,		desumta.	
Ossa, atque alia.	37	Mella. Vid. Syrupi &c.	
Aquæ compositæ.	13	Metalla & Mineralia.	38
simplices cum Vino destillatæ.	14	Mineralia. Vid. Metalla &c.	
sine Vino destillatæ.	ibid.	Mivæ. Vid. Syrupi &c.	
Aromata.	36	Olea cocta & infusa.	9
Aromaticæ Species.	6	Olea destillata & Balsama.	18
Balsama. Vid. Olea destillata &c.		Olea expressa.	10
Cerata.	11	Opiata & Electuaria.	7
Chimica. Vid. Pulveres.		Ossa Animalium. Vid. ab Animalibus de-	
Condita.	8	sumta.	
Condita sicca. Vid. Confectiones & Con-		Pastæ odoratæ. Vid. Sief &c.	
dita sicca.		Pilulæ.	5
Confectiones & Condita sicca.	6	Pinguedines.	36
Confectiones solutivæ solidæ.	5	Præparata.	11
Conservæ.	8	pro Medicamentorum quorundam Præpa-	
Cortices.	32	ratione. Vid. tit. Medicament.	
Decocta & Infusa.	5	Pulveres & alia chimica.	21
Electuaria. Vid. Opiata &c.		Pulveres medicati.	5
Electuaria lenitiva.	4	Radices.	29
Electuaria solutiva mollia.	ibid.	Rob. Vid. Syrupi &c.	
Elixiria, Essentiæ & Tincturæ.	17	Salia.	20
Emplastra.	11	Seba.	37
Essentiæ. Vid. Elixiria &c.		Semina.	27
Extracta.	19	Sief, Pastæ odoratæ, & Suffitus.	7
Flores.	26	Species aromaticæ. Vid. Aromatic. Species.	
Fructus & Fungi.	32	Spiritus.	16
Fungi. Vid. Fructus &c.		Succi concreti.	34
Gummia.	34	Succi liquidi.	ibid.
Herbæ.	22	Suffitus. Vid. Sief &c.	
Infusa. Vid. Decocta &c.		Syrupi, Mella, Julep, Mivæ ac Rob.	1
Julep. Vid. Syrupi &c.		Syrupi purgantes.	4
Lapides.	39	Terræ.	39
Ligna.	32	Tincturæ. Vid. Elixiria &c.	
Linctus & Lohoch.	6	Trochisci.	7
Lohoch. Vid. Linctus &c.		Vina medicata simplicia.	16
pro Medicamentorum quorundam præpa-		Unguenta.	10
ratione.	39		

FINIS.















Pl 41







